

釋宗金書



禪宗全書

史傳部十八

(18)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓

解題

一、繼燈錄

編譯組

全書六卷。明·鼓山沙門元賢輯。元賢，字永覺，福建省建陽人（一五七八—一六五七年），著有「洞上古轍」、「補燈錄」等書。本書是他在永曆二年（一六四八）著手編纂的，主要承繼「五燈會元」、「續五燈會元」等，輯補臨濟（第十七世以下）、曹洞（第十五世以下）二宗的傳燈，故名「繼燈錄」。永曆四年成書，順治八年（一六五一）序刊。

全書輯錄曹洞宗青原下十六世以後四一人、臨濟宗南嶽下十八世以後二一六人，以及未詳法嗣者七人，計二六四人的傳法記錄。

二、祖庭嫡傳指南

編譯組

全書二卷。清·徐昌治編。徐昌治，臨濟宗居士，別號無依道人，浙江杭州府海寧縣鹽官人。隨南嶽第三十五世費隱通容禪師參學二十餘年，得其付法；著有「高僧摘要」、「無依道人錄」等。

本書略稱「祖庭指南」，主要輯錄七佛、西天二十八祖、東土六祖，以及南嶽讓禪師至本師費隱通容禪師等佛祖嫡傳諸師之事略、師資機緣語要，以作為祖庭學人的指南。卷首有清順治九年九月九日（一六五二）的自序；卷末則附有金粟百癡禪師跋語、本師費隱禪師題語、付法語偈，以及編者的和偈等。

三、佛祖宗派世譜

編譯組

全書八卷。明·嘉禾金明寺介庵悟進和尚編。清·順治十一年（一六五四）序刊。由於本書的內容與明·木陳道忞所編的「禪燈世譜」大致相同，故「正續藏」只摘錄其卷五及卷六部分。

作者介庵，諱悟進，字覺先，建寧府普明寺鴛湖妙用法嗣，嘗住徑山觀音殿、嘉興金明寺等，法嗣弟子極多。著有語錄十卷、「源流頌」一卷。此書是他在金明寺所編纂的，為一明示五家宗原的傳燈世譜。

全書以圖解方式詳示各家法統世系，各卷內容如下：卷一為佛祖正脈、諸祖旁出；卷二為南嶽、滄仰；卷三為臨濟、楊岐；卷四為黃龍、大慧；卷五為虎丘、雪岩及斷橋；卷六為青原、曹洞；卷七為龍潭、雲門；卷八為雪竇、法眼。

四、南宋元明禪林僧寶傳

編譯組

全書十五卷。清·自融撰、性磊補輯。主要輯錄南宋、元、明三代（南宋建炎元年——明末

永曆元年（五百二十一年）間禪門尊宿的行業及機緣語要，目的在接續宋代惠洪所撰的「禪林僧寶傳」。

所收尊宿，青原系自十三世宏智正覺、真歇清了至三十五世博山無異元來、湛然圓澄等；南嶽系自十五世佛燈守珣、虎丘紹隆等至三十三世天童山密雲圓悟、磬山天隱圓修、徑山語風菴雪嶠圓信等，總計九十八人。其中，自融所編者六十九人，性磊補輯者二十八人，附加拾遺一人。其傳記的編排方式，是依各禪師的年代順序，始於佛燈珣禪師，終於雪嶠圓信禪師。每篇末尾均仿「僧寶傳」的體例，附加贊語。

卷首有林友王、崔秉鏡及作者的序文；卷末除康熙三年（一六六四）性磊的跋，另收康熙二十四年明慧和尚的「重刻僧寶傳記」。

(卷十六—卷二十五)

五燈嚴統 下

清・費隱通容 編

目次

解題

壹、五燈嚴統(卷十六—卷二十五)

卷十六……………六七八

天衣義懷禪師——紹興雲門寺雪嶠圓信禪師

卷十七(臨濟宗)……………七四四

黃龍慧南禪師——雙溪印首座

卷十八……………七八〇

羅漢系南禪師——大瀉鑑禪師

卷十九……………八一五

楊歧(岐)方會禪師——谷山海禪師

卷二十……………八七一

龍翔士珪禪師——萬壽師觀禪師

卷二十一(臨濟宗)……………九二九

天童咸傑禪師——天界懷信禪師

卷二十二(臨濟宗).....九五九

淨慈悟明禪師——山交太初禪師

卷二十三(臨濟宗).....九八四

伏龍元長禪師——斗峯道覺禪師

卷二十四(臨濟宗).....一〇一〇

笑巖德寶禪師——南嶽通際禪師

卷二十五(曹洞宗).....一〇三七

雲門圓澄禪師——雁田柳湏居士

附：五燈嚴統解惑篇.....一〇四四

貳、繼燈錄.....一〇六三

序.....一〇六五

凡例.....一〇六五

原書目錄.....一〇六六

卷一(曹洞宗).....一〇七七

天童如淨禪師——少室契斌禪師

卷二(臨濟宗).....一〇九五

淨慈悟明禪師——慶壽璋禪師

卷三(臨濟宗).....一一一四

靈隱慧明禪師——慶壽印簡禪師

卷四(臨濟宗).....一二二八

徑山文琇禪師——妙果水盛禪師

卷五(臨濟宗).....一二四三

徑山宗淨禪師——三峯啓原禪師

卷六(臨濟宗).....一一六六

鄧蔚時蔚禪師——少林悟頓禪師

叁、祖庭嫡傳指南.....一一七七

序.....一一七九

原書目錄.....一一八〇

卷上(七佛、西天祖師、東土祖師).....一一八二

毗婆尸佛——六祖慧能大師

卷下.....一二一二

一世南嶽讓禪師——三十五世費隱容禪師

肆、佛祖宗派世譜.....一二四七

伍、南宋元明禪林僧寶傳.....一二五九

序.....一二六〇 3

原書目錄

卷一

佛燈珣禪師——龍翔竹菴珪禪師

一二六二
一二六四

卷二

祖奇二首座——真歇了禪師

一二七二

卷三

虎丘隆禪師——華藏權禪師

一二八二

卷四

道場辨禪師——湖隱濟顛書記

一二九一

卷五

密菴傑禪師——徑山塗毒策禪師

一二九九

卷六

松源嶽禪師——北磻簡禪師

一三〇七

卷七

徑山無準範禪師——上都華嚴全一溫禪師

一三一五

卷八

北平慶壽簡禪師——高峯妙禪師

一三二五

卷九

一三三四

中峯普應本禪師——斷崖義禪師

卷十

元叟端禪師——古梅友禪師

卷十一

伏龍千巖長禪師——性原明禪師

卷十二

雪峯逆川順禪師——松隱茂禪師

卷十三

斗峯璋禪師——楚山琦禪師

卷十四

隨州龍泉聰禪師——壽昌經禪師

卷十五

博山來禪師——忠州聚雲吹萬真大師

後敘

一四〇二

一三九一

一三八一

一三七一

一三六一

一三五二

一三四二

卽賤驅耕夫之牛。令他苗稼豐登。奪飢人之食。令他永絕飢渴。遇賤卽貴。握土成金。遇貴卽賤。變金成土。老僧亦不驅耕夫之牛。亦不奪飢人之食。何謂耕夫之牛。我復何用。飢人之食。我復何餐。我也不握土成金。也不變金作土。何也。金是金。土是土。玉是玉。石是石。僧是僧。俗是俗。古今天地。古今日月。古今山河。古今人倫。雖然如此。打破大散關。幾箇迷逢達磨。上堂。鴈過長空。影沉寒水。鴈無遺蹤之意。水無留影之心。若能如是。方解向異類中行。不用續晁截鶴。夷獄盈壑。放行也。百醜千拙。收來也。拳拳用之。則敢與八大龍王鬪。富不用都來。不直半分錢。參上堂。調羹常于世界鼻孔摩。觸家風。芭蕉聞雷開。葵花隨日轉。諸仁者。芭蕉聞雷開。還有耳麼。葵花隨日轉。還有眼麼。若也會得。西天卽是。此土若也不會。七九六十三。收上堂。靈源絕。朕普現色身。法離斷。常有無堪示。所以道。塵塵不見佛。刹刹不聞經。要會靈山親授記。晝見日夜見。星良久曰。若到諸方。不得錯學。參上堂。夜來寒霜凜冽。黃河凍結。陝府鐵牛。腰折盡。道女媧煉。

石補天爭奈西北一缺。如今欲與他補。却又恐大地人無出氣處。且留這一竅。與大地人出氣。參上堂。虛明自照。不勞心力。上士見之。鬼神茶飯中。下得之。狂心頓息。更有一人。切忌道著。上堂。光透日月。明暗不收。智出聖凡。賢愚不歷。所以道。不用低頭思量。難得良久曰。是甚麼。上堂。青蘿黃絲。直上寒松之頂。白雲淡泞。出沒太虛之中。何似南山起雲。北山下雨。若也會得。甜瓜徹蒂甜。若也不會。苦瓠連根苦。上堂。無邊剎境。自他不隔於毫端。且道。妙喜世界。不動如來。說甚麼。法十世古今。始終不離於當念。祇如威音王佛。最初一會。度多少人。若是通方作者。試爲道看。良久曰。行路難。行路難。萬仞峯頭。君自看。上堂。枯桑知天風。海水知天寒。金色頭陀。見處不真。鷄足山中。與他看守衣鉢。三千大喻。八百小喻。大似泥裏洗土塊。四十九年。三百六十餘會。摩竭提國。猶較些子。德山臨濟。雖然丈夫。爭似勵賓國王。一刀兩段。如今若有箇人。鼻孔遼天。山僧性命。何在良久曰。太平本是將軍致。不許將軍見。太平喝一喝。下座。僧問。天不能蓋地。

不能載未審是甚麼人師曰掘地深埋曰此人遭受安排也無師曰土上更加泥問牛頭未見四祖時如何師曰長江無六月曰見後如何師曰一年一度春室中問僧無手人能行拳無舌人解言語忽然無手人打無舌人無舌人道箇甚麼又曰蜀魄連宵叫鵲鳴終夜啼圓通門大啓何事隔雲泥晚年以疾居池陽杉山菴門弟子智才住臨平之佛日迎歸侍奉才如蘇城未還師速其歸及踵門師告之曰時至吾行矣才曰師有何語示徒乃說偈曰紅日照扶桑雲封華嶽三更過鐵圍移折騰龍角才問卵塔已成如何是畢竟事師舉拳示之遂就寢推枕而寂塔全身寺東之原崇寧中諡振宗禪師

越州稱心省倅禪師僧問如何是祖師西來意師曰行人念路僧曰不會師曰緊峭草鞋上堂佛種從緣起是故說一乘拈拄杖曰拄杖是緣那箇是佛種拄杖是一乘法那箇是緣這裏參見釋迦老子了却買草鞋行脚不得向衲僧門下過打折汝腰且道衲僧據箇甚麼良久曰三十年後莫孤負人卓拄杖下座

泉州承天傳宗禪師僧問大用現前不存軌則時如何師曰承天今日高豎降旗僧便喝師曰臨濟兒孫僧又喝師便打問如何是般若體師曰雲籠碧嶺曰如何是般若用師曰月在清池

處州南明日慎禪師僧問祖意教意是同是別師曰水天影交碧曰畢竟是同是別師曰松竹聲相寒

舒州投子法宗禪師時稱道者僧問如何是道家風師曰袈裟裹草鞋曰意旨如何師曰赤脚下桐城

天台寶相蘊觀禪師僧問如何是佛師曰堂堂八尺餘

岳州君山顯昇禪師上堂大方無外含裹十虛至理不形圓融三際高超名相妙體全彰迥出古今真機獨露握瓊珠而鑑物物物流輝擲寶劍以揮空空空絕迹把定則摩竭掩室淨名杜詞放行則拾得搖頭寒山拈掌且道是何人境界拈拄杖卓一下曰瞬目揚眉處憑君子細看

平江府水月寺惠金典座依明覺於雪竇聞舉須彌山話默有契一日欲往訊遇之殿軒覺問汝名甚麼

曰。惠金覺曰。阿誰惠汝金。曰。容少間去。方丈致謝。覺曰。卽今。覺曰。這裏容和尚不得。

修撰曾會居士。幼與明覺同舍。及冠異途。天禧間。公守池州。一日。會于景德寺。公遂引中庸大學。參以楞嚴符宗門語句。質明覺覺曰。這箇尙不與教乘合。況中庸大學。邪學士要徑捷理會。此事乃彈指一下曰。但恁麼薦取。公於言下領旨。天聖初。公守四明。以書幣迎師補雪竇。既至。公曰。某近與清長老商量。趙州勘婆子話。未審端的。有勘破處也。無覺曰。清長老道箇甚麼。公曰。又與麼去也。覺曰。清長老且放過一著。學士還知天下。衲僧出這婆子圈。積不得麼。公曰。這裏別有箇道處。趙州若不勘破婆子。一生受屈。覺曰。勘破了也。公大笑。

延慶榮禪師法嗣

廬山圓通居訥祖印禪師。梓州人。姓蹇氏。生而英特。讀書過目成誦。十一出家。十七試法華。得度。受具後。肄業講肆者年多。下之會禪者。南遊回力。勉其行於。是徧參荆楚。問迄無所得。至襄州洞山。留止十年。因

讀華嚴論。有省。後游廬山。道價日起。由歸宗而遷圓通。仁廟聞其名。皇祐初。詔住十方淨因禪院。師稱目疾。不能奉詔。有旨令舉自代。遂舉大覺璉。應詔及引對。問佛法大意。稱旨。天下賢師知人。也。僧問。祖利重興時。如何。師曰。人在破頭山。曰。一朝權在手。師便打。

百丈映禪師法嗣

臨安府慧因懷祥禪師。上堂。南山高。北山低。日出東方。夜落西。白牛上樹。覓不得。烏鷄入水。大家知。且道。覓得後。又如何。良久。曰。堪作甚麼。

臨安府慧因義寧禪師。僧問。佛未出世時。如何。師曰。摩耶夫人曰。出世後。如何。師曰。悉達太子。

南華緣禪師法嗣

齊州興化延慶禪師。上堂。言前薦得。孤負平生。句後投機。全乖道體。離此二途。祖宗門下。又且如何。良久。曰。眼裏瞳兒吹木笛。

韶州寶壽行德禪師。冬日在南華受請。示衆曰。新冬新寶壽。言是舊時言。若會西來意。波斯上舶船。韶州白虎山守昇禪師。僧問。如何。是佛師。曰。有眼無。

鼻孔

北禪賢禪師法嗣

潭州興化紹銑禪師上堂拈拄杖曰一大藏教是拭不淨故紙超佛越祖之談是誑譚閭閻漢若論衲僧門下一點也用不得作麼生是衲僧門下事良久曰多虛不如少實擊香臺下座

洪州法昌倚遇禪師漳州林氏子幼棄家依郡之崇福得度有大志自受具游方名著叢席浮山遠和尚嘗指謂人曰此後學行腳樣子也參北禪禪問近離甚處師曰福嚴禪曰思大鼻孔長多少師曰與和尚當時見底一般禪曰汝道我見時長多少師曰和尚大似不曾到福嚴禪曰學語之流又問來時馬大師安樂否師曰安樂禪曰向汝道甚麼師曰教和尚莫亂統禪曰念汝新到不能打得你師曰某甲亦放和尚過茶罷禪問鄉里甚處師曰漳州禪曰三平在彼作甚麼師曰說禪說道禪曰年多少師曰與露柱齊年禪曰有露柱且從無露柱年多少師曰無露柱一年也不少禪曰夜半放烏鷄師留北禪最久於是師

實敲唱妙出一時晚至西山瞻雙嶺深窠棲息三年始應法昌之請師在雙嶺受請與英勝二首座相別曰三年聚首無事不知檢點將來不無滲漏以拄杖畫一畫曰這箇即且止宗門事作麼生英曰須彌安鼻孔師曰怎麼則臨崖看潁眼特地一場愁英曰深沙努眼睛師曰爭奈聖凡無異路方便有多門英曰鐵蛇鑽不入師曰這般漢有甚共語處英曰自緣根力淺莫怨太陽春却畫一畫曰宗門事且止這箇事作麼生師便掌英曰這漳州子莫無去就師曰你這般見解不打更待何時又打英曰也是老僧招得上堂祖師西來特唱此事祇要時人知有如貧子衣珠不從人得三世諸佛祇是弄珠底人十地菩薩祇是求珠底人汝等正是玲瓏乞丐懷寶迷邦靈利漢纔聞舉著眨上眉毛便知落處若更踏步向前不如策杖歸山去長嘯一聲煙霧深示衆我要一箇不會禪底作國師上堂汝若退身千尺我便當處生芽汝若覷面相呈我便藏身露影汝若春池拾磔我便撒下明珠直得水灑不著風吹不入如箇無孔鐵鎚相似

且道法昌還有爲人處也。無良久曰。利刀割肉瘡。癢合惡語傷人。恨不銷上堂。春山青春水綠。一覺南柯夢。初足携筇。縱步出松門。是處桃英香馥郁。因思昔日靈雲老。三十年來無處討。如今競愛摘楊花。紅香滿地無人掃。上堂拈起拄杖曰。我若拈起你。便喚作先照後用。我若放下你。便喚作先用後照。我若擲下你。便喚作照用同時。忽然不拈不放。你向甚麼處卜度。直饒會得個。儻分明。若遇臨濟德山。便須腦門著地。且道伊有甚麼長處。良久曰。曾經大海休誇水。除却須彌不是山。上堂夜半烏鷄啼。捉去石女無端遣。指注空王。令下急搜求。唯心便作軍中主。雲門長驅。馮山隊伍列五位。槍旗布三玄。戈弩藥山持刀青原。荷斧石鞏彎弓禾山。打鼓陣排雪嶺。長蛇兵屯黃檗。飛虎木馬帶毛烹泥牛。和角煮賞三軍。犒師旅打葛藤。分露布截海颺塵。橫山簸土擊玄關。除微路多少。平人受辛苦。無邊刹海競紛紛。三界聖凡無覓處。無覓處還知否。昨夜雲收天宇寬。依然帶月啼高樹。上堂閑來祇麼坐。拍手誰賡和。回頭忽見簸箕星。水墨

觀音解推磨。拍手一下曰。還會麼。八十翁翁雖皓首。看看不見老人容。上堂法昌今日開爐行脚。僧無一箇。唯有十八高人。緘口圍爐打坐。不是規矩。嚴難免見。諸人話墮直饒口似秤鎚。未免燈籠勘破。不知道絕功勳。妄自修因證果。喝曰。但能一念回光。定脫三乘羈鎖。黃龍南禪師至上堂。拏雲攫浪數如麻。點著銅睛眼。便花除却黃龍頭角。外自餘渾是赤斑蛇。法昌小利路遠。山遙景物蕭疎。游人罕到。敢謂黃龍禪師。曲賜光臨。不唯泉石生輝。亦乃人天欣悅。然雲行雨施。自古自今。其奈爐鞴之所鈍鐵尤多。良醫之門病者愈甚。瘡病須求靈藥。鎗頭必藉金錘。法昌這裏有幾箇。垛根阿師。病者病在膏肓。頑者頑入骨髓。若非黃龍老漢到來。總是虎生浪死。拈拄杖曰。要會麼。打麵還他州土。麥唱歌須是帝鄉人。僧問古鏡未磨時。如何師曰。却須磨取曰。未審如何下手。師曰。鏡在甚麼處。僧遂作一圓相。師便打曰。這漆桶碌轆。也不識師與感首座。歲夜喫湯次座曰。昔日北禪分歲。曾烹露地白牛。和尚今夜分歲。有何施設。師曰。臘雪連

山曰春風透戶寒座曰大衆喫箇甚麼師曰莫嫌冷淡無滋味一飽能消萬劫飢座曰未審是甚麼人置辦師曰無慚愧漢來處也不知英勝二首座到山相訪英曰和尚尋常愛點檢諸方今日因甚麼却來古廟裏作活計師曰打草祇要蛇驚英曰莫塗糊人好師曰你又刺頭入膠盆作甚麼英曰古人道我見兩個泥牛鬪入海所以住此山未審和尚見箇甚麼師曰你他時異日有把茆蓋頭人或問你作麼生祇對英曰山頭不如嶺尾師曰你且道還當得住山事也無英曰使錢不及拖犁師曰還曾夢見古人麼英曰和尚作麼生師展兩手英曰蝦跳不出斗師曰休將三寸燭擬比太陽輝英曰爭奈公案見在師曰亂統禪和如麻似粟龍圖徐公禱布衣時與師往來爲法喜之游師將化前一日作偈遺之曰今年七十七出行須擇日昨夜問龜哥報道明朝吉徐覽偈倏然邀靈源清禪師同往師乃坐寢室以院務誠知事曰吾住此山二十三年護惜常住每自溢之今行矣汝輩著精彩言畢舉拄杖曰且道這箇分付阿誰徐與靈

源皆屏息遂擲杖投牀枕臂而化

福州廣因擇要禪師上堂王臨寶位胡漢同風紐半破三佛殿倒卓藏身句卽不問你透出一字作麼生道拈拄杖曰春風開竹戶夜雨滴花心上堂古者道祇恐爲僧心不了爲僧心了總輪僧且如何是諸上座了底心良久曰漁翁睡重春潭闊白鳥不飛舟自橫僧問如何是祖師西來意師曰長安東洛陽西問如何是佛師曰福州橄欖兩頭尖問佛未出世時如何師曰限巖傍臺曰出世後如何師曰前山後山

開先還禪師法嗣

南康軍雲居山了元佛印禪師饒州浮梁林氏子誕生之時祥光上燭鬚髮爪齒宛然具體風骨爽拔孩孺異常發言成章語合經史閭里先生稱曰神童年將頂角博覽典墳卷不再舒洞明今古才思俊邁風韻飄然志慕空宗投師出家試經圓具感悟夙習卽徧參尋投機於開先去席出爲宗匠九坐道場四衆傾向名動朝野神宗賜高麗磨磬金鉢以旌師德僧問如何是佛師曰木頭雖不就曰恁麼則皆是虛妄

也師曰梵音深遠令人樂聞問如何是諸佛說不到底法師曰蟻子解尋腥處走蒼蠅偏向臭邊飛曰學人未曉請師再指師曰九萬里鵬從海出一千年鶴遠天歸問達磨面壁意旨如何師曰閉口深藏舌曰學人未曉師曰一言已出驢馬難追問大修行人還入地獄也無師曰在裏許曰大作業人還上天堂也無師曰蝦跳不出斗曰恁麼則饅湯爐炭吹教滅劍樹刀山喝使摧師曰自作自受乃曰適來禪客出衆禮拜各以無量珍寶布施大眾又於面門上放大光明照耀乾坤令諸人普得相見於此明得可謂十方諸佛各坐其前常爲勞生演說大法豈假山僧重重註破如或未然不免橫身徇物乃橫按拄杖曰萬般草木根苗異一得春風便放花上堂寒寒風撼竹聲乾水凍魚行澀林疎鳥宿難早是嚴霜威重那堪行客衣單休思紫陌山千朵且擁紅爐火一橫放下茱萸空中竹櫪倒却迦葉門前刹竿直下更云不會算來也太無端參師一日與學徒入室次適東坡居士到面前師曰此間無坐處居士來此作甚麼士曰暫

借佛印四大爲坐榻師曰山僧有一間居士若道得卽請坐道不得卽輸腰下玉帶子士欣然曰便請師曰居士適來道暫借山僧四大爲坐榻祇如山僧四大本空五陰非有居士向甚麼處坐士不能答遂留玉帶師却贈以雲山衲衣士乃作偈曰百千燈作一燈光盡是恒沙妙法王是故東坡不敢惜借君四大作禪牀病骨難堪玉帶圍鈍根乃落箇鋒機會當乞食歌姬院奪得雲山舊衲衣此帶閑人如傳舍流傳到我亦悠悠錦袍錯落猶相稱乞與伴狂老萬回東京智海本遷正覺禪師僧問古鏡未磨時如何師曰青青河畔草曰磨後如何師曰鬱鬱園中柳曰磨與未磨是同是別師曰同別且置還我鏡來僧擬議師便喝上堂開口是合口是眼下無妨更著鼻開口錯合口錯眼與鼻孔都拈却佛也打祖也打真人面前不說假佛也安祖也安衲僧肚皮似海寬此乃一出入半合半開是山僧尋常用底敢問諸禪德利竿因甚麼頭指天力士何故揜起拳良久曰參上堂拈拄杖曰這拄杖在天也與日月並明在地也與山

河同固在王侯也。以代蒲鞭在百姓也。防身禦惡在衲僧也。晝橫肩。上渡水穿雲。夜宿旅亭。撐門拄戶。且道在山僧手裏。用作何爲。要會麼。有時放步東湖上。與僧遙指遠山青。擊禪牀下座。上堂憶得老僧年七歲時。於村校書處。得一法門超情離見。絕妙絕玄。爰自染神逾六十載。今日輒出普告大眾。若欲傳持宜當諦聽。遂曰。寒原耕種罷。牽犢負薪歸。此夜一爐火。禪家身上衣。諸禪德。逢人不得錯舉。上堂古者道接物利生。絕妙外甥。終是不肖他家。自有兒孫將來。應用恰好。諸禪德。還會麼。菜園牆倒。晴方築房。店籬穿雨。遇修院宇。漏時隨分。整兒孫大小。盡風流上堂。舉還和尚道。寒寒地爐火。暖閑坐蒲團。說迦葉不是。談達磨無端。此也。彼也。必然一般。師召大眾曰。迦葉甚處不是。達磨那裏無端。若檢點得出。彼之二老一場懺懺。若點檢不出。三十年後。莫道不被人瞞。好上堂。我有這一著。人人人口裏嚼得。破者速須吐却。嚼不破者。翻成毒藥。乃召諸禪德。作甚麼滋味。試請道看。良久曰。醫王不是無方。養千里蘇香象。不回道土問。

如何是道。師曰。龍吟金鼎。虎嘯丹田。曰。如何是道中人。師曰。吐故納新。曰。道與道中人相去多少。師曰。骨鯁頑崖。上冲天味。米民。

越州天章元楚寶月禪師。僧問。如何是佛法大意。師曰。一年三百六十日。曰。便怎麼。會時如何。師曰。還還十萬不是。遠上堂。鼓聲錯落。山色崔嵬。本既不有。甚處得來。良久曰。高著眼。

欽山勤禪師法嗣

鼎州梁山圓應禪師。僧問。如何是超佛越祖之談。師曰。喫粥喫飯。

南嶽下十一世

雲居舜禪師法嗣

金陵蔣山法泉佛慧禪師。隨州時氏子。僧問。古人說不到處。請師說。師曰。夫子入太廟。曰。學人未曉。師曰。春暖柳條青。問。如何。是急切一句。師曰。火燒眉毛。問。祖師面壁意旨。如何。師曰。撐天拄地。曰。便怎麼。去時如何。師曰。落七落八。問。二祖立雪齊腰意旨。如何。師曰。三年逢一閏。曰。爲甚麼。付法傳衣。師曰。村酒足人。

點問蓮華未出水時如何。師曰：西瞿耶尼曰：出水後如何。師曰：泗州大聖問如何。是祖師西來意。師曰：髮長僧貌醜。曰：未審意旨如何。師曰：閉戶怕天寒。問南禪結夏爲甚麼。却在蔣山解。師曰：衆流逢海盡。曰：恁麼則事同一家。師曰：夢裏到家鄉。上堂來不來去不去。脚下須彌山。腦後擎天柱。大藏不能宣。佛眼不能覩。諸禪德。漸老逢春解惜春。昨夜飛花落無數。上堂畫一圓相。以手拓起。曰：諸仁者。還見麼。團團離海嶠。漸漸出雲衢。諸人若也未見。莫道南明長老措大相。却於寶華王座上。念中秋月詩。若也見得。此夜一輪滿。清光何處無。上堂要去不得去。要住不得住。打破大散關。脫却孃生袴。諸仁者。若到臘月三十日。且道用箇甚麼。良久曰：柳絮隨風自西自東。上堂古人恁麼南禪不恁麼。古人不恁麼。南禪却恁麼。大衆還委恁麼。王婆衫子短。李四帽簷長。聖節上堂拈拄杖。擊法座一下。曰：以此功德。祝延聖壽。便下座。上堂時人欲識南禪路。門前箇長松樹。脚下分明不較多。無奈行人恁麼去。莫恁去。急回頭。樓臺煙鎖鐘鳴處。師

因雪下上堂。召大衆曰：還有過得此色者麼。良久曰：文殊笑普賢。瞋眼裏無筋。一世貧相逢盡道休官去。林下何曾見一人。上堂快人一言快馬一鞭。若更眼睛定動。未免紙裏麻纏。脚下是地。頭上是天。不信但看八九月紛紛黃葉滿山川。師晚奉詔住大相國智海禪寺。問衆曰：赴智海留蔣山去就孰是。衆皆無對。師索筆書偈曰：非佛非心徒擬議。得皮得髓護商量。臨行珍重諸禪侶。門外千山正夕陽。書畢坐逝。明州天童澹交禪師。僧問：臨雲閣峰太白峯高。到這裏如何進步。師曰：但尋荒草際。莫問白雲深。曰：未審如何話會。師曰：寒山逢拾得。兩箇一時癡。曰：向上宗乘又且如何舉。師曰：前言不及後語。上堂也大奇也大。差十箇指頭。八箇罈由來多少。分明不用鑽龜打瓦。便下座。

建州崇梵餘禪師。僧問：臨濟喝少。遇知音。德山棒難逢。作者和尙。今日作麼。生師曰：山僧被你一問。直得退身三步。脊背汗流。曰：作家宗。師今日遭遇。師曰：一語傷人。千刀攪腹。僧以手畫一畫。曰：爭奈這箇何。師

曰草賊大敗。問恁麼來。底人師還接否。師曰孤峯無宿客。曰不恁麼來。底人師還接否。師曰灘峻不留船。曰恁麼不恁麼。則且置。穿過觸髅一句。作麼生。師曰堪笑亦堪悲。上堂直須向黑豆未生芽時。搆取良久。召大眾曰。劒去遠矣。

處州慈雲院修慧圓照禪師上堂。片月浸寒潭。微雲滿空碧。若於達道人。好箇真消息。還有達道人麼。微雲穿過你觸髅。片月觸著你鼻孔。珍重。

大潯宥禪師法嗣

廬山歸宗慧通禪師僧問。如何是函蓋乾坤句。師曰日出東方夜落西。曰如何是截斷衆流句。師曰鐵山橫在路。曰如何是隨波逐浪句。師曰船子下楊州。問如何是塵塵三昧。師曰灰飛火亂。問如何是佛法大意。師曰黃河水出崑崙。問十二時中如何履踐。師曰鐵牛步春草。問隻履西歸。當爲何事。師曰爲緣生處。樂不是厭他鄉。曰如何是當面事。師曰眼下鼻頭垂。上堂心隨相起。見自塵生了。見本心知心無相。卽十方利海。念念圓明。無量法門。心心周匝。夫如是者。

何假覺城東際。參見文殊樓閣門。開方親彌勒。所以道一切法門無盡海。同會一法道場中。拈起拄杖曰。這箇是一法。那箇是道場。這箇是道場。那箇是一法。良久曰。看看拄杖子穿過。諸人觸髅須彌山。拶破諸人鼻孔。擊香臺一下。曰。且向這裏會取。上堂從無入有。易從有入無。難有無俱盡處。且莫自顧。須舉來看。寒山拾得禮豐干。

安州大安興教慧憲禪師上堂。我有一條拄杖。尋常將何比。況采來不在南山。亦非崑崙西嶂。拈起滿目光生。放下驪龍縮項。同徒若也。借看卓出。人中之上。擊香臺下座。

育王蓮禪師法嗣

臨安府佛日淨慧戒弼禪師僧問。如何是毗盧印。師曰草鞋踏雪。曰學人不曾。師曰步步成蹤。福州天宮愼徽禪師上堂。八萬四千波羅密門。門門長開。三千大千微塵諸佛。佛佛說法。不說有不說。無不說。非有非無。不說亦有亦無。何也。離四句絕百非。相逢舉目少人知。昨夜霜風漏消息。梅花依舊綴寒。

枝

靈隱知禪師法嗣

臨安府靈隱正童圓明禪師僧問如何是道師曰夜行莫踏白日如何是道中人師曰黃張三黑李四

承天簡禪師法嗣

婺州智者山利元禪師上堂拈拄杖曰大用現前不存軌則東方一指乾坤肅靜西方一指瓦解冰消南方一指南斗作鼠北方一指北斗潛藏上方一指築著帝釋鼻孔下方一指穿過金剛水際諸人面前一指成得甚麼邊事良久卓一下曰路上指奔鹿門前打犬兒

九峯韶禪師法嗣

明州大梅法英祖鏡禪師本郡張氏子棄儒試經得度肄講延慶凡義學有困於宿德輒以詰師師縱辭辨之爲衆所敬忽曰名相迂曲豈吾所宗哉乃參九峯峯見器之與語若久在叢席因痛割之師領旨自爾得譽住後上堂二十六句之始七十二候之初末後句則且置祇如當頭一句又作麼生道拈拄杖曰

歲朝把筆萬事皆吉急急如律令大衆山僧恁麼舉唱且道還有祖師意也無良久曰記得東村黑李四年年親寫在門前卓拄杖下座宣和初敕天下僧尼爲德士雖主法聚議無一言以回上意師肆筆解老子詣進上覽謂近臣曰法英道德經解言簡理詣於古未有宜賜入道藏流行仍就賜冠珮壇誥不知師意者往往以其爲佞諛明年秋詔復天下僧尼師獨無改志至紹興初晨起戴犢皮冠披鶴氅執象簡穿朱履使擊鼓集衆陞座召大衆曰蘭芳春谷菊秋籬物必榮枯各有時昔毀僧尼專奉道後平道佞復僧尼且道僧尼形相作麼生復取冠示衆曰吾頂從來似月圓雖冠其髮不成仙今朝拋下無遮障放出神光透碧天擲之于地隨易僧服提鶴氅曰如來昔日貿皮衣數載慚將鶴氅披還我丈夫調御服須知此物不相宜擲之學象簡曰爲嫌禪板太無端豈料遭他家簡瞞今日因何忽放下普天致仕老仙官擲之提朱履曰達磨攜將一隻歸兒孫從此赤脚走借他朱履代麻鞋休道時難事掣肘化鴈未遇不如鴈畫

虎不成反類狗。鄭之橫拄杖曰。今朝拄杖化爲龍。分破華山千萬重。復倚肩曰。珍重。佛心真聖主。好將堯德振吾宗。鄭下拄杖斂目而逝。

玉泉皓禪師法嗣

郢州林溪興教文慶禪師。上堂六六三十六。東方甲乙木。嘉州大像出關來。陝府鐵牛入西蜀參。

夾山遵禪師法嗣

江陵福昌信禪師。僧問。一花開五葉。如何是第一葉。師提起坐具。僧曰。雲生片片雨。點罪罪師曰。不痛不知傷。僧曰。這箇猶是風生雨意。如何是第一葉。師將坐具。攢一攢。僧拍掌。師曰。一任踣跳。問如何是佛。師曰。東家兒郎。西家織女。僧曰。學人不曾。師曰。鄭筆拋梭。上堂召大眾。衆舉頭。師曰。南山風色。緊便下座。

天衣懷禪師法嗣

東京慧林宗本圓照禪師。常州無錫管氏子。體貌龐碩。所事淳厚。年十九依姑蘇承天永安道昇禪師出家。巾侍十載。剃度受具。又三年禮辭遊方。至池陽謁振宗。宗舉天親從彌勒內宮而下。無著問云。人間四

百年。彼天爲一晝夜。彌勒於一時中。成就五百億天子。證無生法。忍未審說甚麼。法天親曰。祇說這箇法。如何是這箇法。師久而開悟。一日室中問師。卽心卽佛。時如何。曰。殺人放火。有甚麼難。於是名播寰宇。漕使李公復。圭命師開法。瑞光法席。日盛。武林守陳公。襄以承天興教。二剎命師擇居。蘇人擁道遮留。又以淨慈堅請。移文諡道俗曰。借師三年。爲此邦植福。不敢久占。道俗始從元豐五年。神宗皇帝下詔。開相國寺六十四院。爲八禪二律。召師爲慧林第一。祖既至上。遣使問勞。閱三日。傳旨就寺之三門。爲士民演法。翌日召對延和殿。問道。賜坐。師卽跏趺。帝問。卿受業何寺。奏曰。蘇州承天。永安帝大悅。賜茶。師卽舉盞長吸。又蕩而撼之。帝曰。禪宗方興。宜善開導。師奏曰。陛下知有此道。如日照臨。臣豈敢自怠。卽辭退。帝目送之。謂左右曰。眞福慧僧也。後帝登遐。命入福寧殿說法。以老乞歸。林下得旨。任便雲遊。州郡不得抑令住持。擊鼓辭衆。說偈曰。本是無家客。那堪任意遊。順風加勝棹。船子下揚州。旣出都城。王公貴人送者。車騎

相慰師臨別誨之曰歲月不可把玩老病不與人期。唯勤修勿怠是真相爲聞者莫不感涕。晚居靈巖其嗣法傳道者不可勝紀。僧問如何是祖師西來意。師曰韓信臨朝曰中下之流如何領會。師曰伏屍萬里。曰早知今日事悔不愼當初。師曰三皇塚上草離離。問上是天下是地未審中間是甚麼物。師曰山河大地曰恁麼則謝師答話。師曰大地山河曰和尚何得瞞人。師曰却是老僧罪過。上元日僧問千燈互照絲竹交音正恁麼時佛法在甚麼處。師曰謝布施曰莫便是和尚爲人處也。無師曰大似不齊。來上堂於一毫端現寶王刹。坐微塵裏轉大法輪。拈起拄杖曰這箇是塵作麼生說箇轉法輪底道理。山僧今日不惜眉毛與汝諸人說破拈起也。海水騰波須彌巖峇放。下也四海晏清乾坤肅靜敢問諸人且道拈起卽是放下卽是當斷不斷兩重公案。擊禪牀下座上堂看。看燦燦瑞光照大千界。百億微塵國土百億大海水。百億須彌山百億日月百億四天下乃至微塵刹土。皆於光中一時發現。諸仁者還見麼。若也見得許汝。

親在瑞光若也不見。莫道瑞光不照好。參上堂頭圓像天足方似地古貌。校曆丈夫意氣趨倒須彌踏翻海水。帝釋與龍王無著身處乃拈拄杖曰却來拄杖上回避。咄任汝神通變化究竟須歸這裏以拄杖卓一下師全身塔于蘇之靈巖。

東京法雲寺法秀圓通禪師秦州隴城辛氏子母夢老僧託宿覺而有娠先是夢積山老僧與應乾寺魯和尚者善嘗欲從魯游方魯老之既去緒語曰他日當尋我竹鋪坡前鐵場嶺下魯後聞其所俄有兒生卽往觀焉兒爲一笑三歲願隨魯歸遂從魯姓十九試經圓具勵志講肆習圓覺華嚴妙入精義因聞無爲軍鐵佛寺懷禪師法席之盛徑往參謁懷問曰座主講甚麼經師曰華嚴曰華嚴以何爲宗師曰法界爲宗曰法界以何爲宗師曰以心爲宗曰心以何爲宗師無對懷曰毫釐有差天地懸隔汝當自看必有發明後聞僧舉白兆參報慈情未生時如何慈曰隔師忽大悟直詣方丈陳其所證懷曰汝眞法器吾宗異日在汝行矣初住龍舒四面後詔居長蘆法雲爲

鼻祖神宗皇帝上仙。宣就神御前說法。賜圓通號。僧問。不離生死而得涅槃。不出魔界而入佛界。此理如何。師曰。赤土茶牛。嬾曰。謝師答話。師曰。你話頭道甚麼。僧擬議。師便喝。問。陽春二三月。萬物盡生芽。未審道芽還增長也。無師曰。自家看取。曰。莫便是指示處。麼。師曰。芭蕉高多少。曰。野火燒不盡。春風吹又生。師曰。這箇是白公底。你底作麼。生曰。且待別時。師曰。看你道不出。上堂。看風使帆。正是隨波逐浪。截斷衆流。未免依前滲漏。量才補職。寧越短長。買帽相頭。難得恰好。直饒上不見天下。不見地。東西不辯。南北不分。有甚麼用處。任是純鋼打就。生鐵鑄成。也須額頭汗出。總不恁麼。如何商量。良久。曰。赤心片片。誰知得笑殺黃梅石女兒。上堂。山僧不會巧。說大都應箇時節。相喚喫碗茶湯。亦無祖師妙訣。禪人若也未相諸踏著秤鎚。硬似鐵。上堂。秋雲秋水。青山滿目。這裏明得。千足萬足。其或未然。道士倒騎牛。參上堂。寒雨細。朔風高。吹沙走石。拔木鳴條。諸人盡知有。且道風作何色。若識得去。許你具眼。若也不識。莫怪相瞞。參上堂。

少林九年冷坐。却被神光覷破。如今玉石難分。祇得麻纏紙裹。還會麼。笑我者多。哂我者少。上堂。衲僧家高揖釋迦。不拜彌勒。未爲分外。祇如半偈亡軀。一句投火。又圖箇甚麼。良久。曰。彼彼住山人。何須更說破。師示疾。謂衆曰。老僧六處住持。有煩知事。首座大衆。今來四大不堅。火風將散。各宜以道自安。無違吾囑。遂曰。來時無物。去時空。南北東西事。一同六處住持。無所補。師良久。監寺惠富進曰。和尚何不道末後句。師曰。珍重。珍重。言訖而逝。

東京相國慧林院。若冲覺海禪師。江寧府鍾氏子。上堂。碧落靜無雲。秋空明有月。長江瑩如練。清風來不歇。林下道人幽。相看情共悅。諸仁者。適來道箇清風明月。猶是建化門中事。作麼生。是道人分上事。良久。曰。閑來石上觀流水。欲洗禪衣未有塵。上堂。無邊義海。咸歸顧盼之中。萬象形容。盡入照臨之內。你諸人築著磕著。因甚麼却不知。良久。曰。莫怪山僧太多事。光陰如箭急。相催珍重。

眞州長蘆應夫廣照禪師。滁州蔣氏子。僧問。古者道。

如來禪卽許老兄會祖師禪未夢見在未審如來禪與祖師禪是同是別師曰一箭過新羅僧擬議師便喝問識得衣中寶時如何師曰你試拈出看僧展一手師曰不用指東畫西寶在甚麼處曰爭奈學人用得師曰你試用看僧拂坐具一下師曰衆人笑你上堂召衆曰江山遠。檻宛如水墨屏。風殿閣。凌空麗。若神仙。洞府森羅萬象海印交參一道神光更無遮障。諸人還會麼良久曰寥寥天地間。獨立望何極。參上堂顧大衆曰這箇爲甚麼攔不聚。攔不散。風吹不入。水灑不著。火燒不得。刀斫不斷。是箇甚麼衆中莫有釘着鐵舌底。衲僧試爲山僧定當看還有麼良久曰若無山僧今日失利久立

臨安府佛日智才禪師台州人僧問如何是道師曰水冷生冰曰如何是道中人師曰春雪易消曰如何談論師喝指一下問東西密相付爲甚麼衆人皆知師曰春無三日晴曰特伸請益師曰拖泥帶水曰學人到這裏却不會師曰賊身已露上堂城裏喧。繁空山寂靜然。雖如此動靜一如死生不二四時輪轉物

理湛然夏不去而秋自來風不涼而人自爽今也古也不改絲毫誰少誰多身無二用諸禪德旣身無二用爲甚麼龍女現十八變君不見弄潮須是弄潮人珍重上堂風雨蕭颯塞汝耳根落葉交加塞汝眼根香臭叢雜塞汝鼻根冷熱甘甜塞汝舌根衣綿溫冷塞汝身根顧倒妄想塞汝意根諸禪德直饒汝翻得轉也是平地骨堆參上堂嚴風刮地大野清寒萬里草離衰千山樹黯黯蒼鷹得勢俊鷗橫飛頗稱衲僧鉢囊高挂獨步遐方似猛將出荒郊臨機須扣敵今日還有麼良久曰匣中寶劍袖裡金鎚幸遇太平挂向壁上參上堂諸禪德還知麼山僧生身父母一時喪了直是無依倚處以手搥背曰蒼天蒼天復顧大衆良久曰你等諸人也是鐵打心肝便下座上堂舉栢樹子話師曰趙州庭栢說與禪客黑漆屏風松蘿亮隔僧問如何是無爲師曰山前雪半消曰請師方便師曰水聲轉鳴咽

北京天鉢寺重元文慧禪師青州千乘孫氏子母夢於佛前吞一金果後乃誕師相儀殊特迥異羣童十

七出家冠歲圓具初遊講肆頗達宗教嘗晏坐古室忽聞空中有告師學上乘者無滯於此驚駭出視杳無人迹翌日客至出寒山集師一覽之即慕參玄至天衣法席遇衆請益豁然大悟衣印可曰此吾家千里駒也出世後僧問如何是禪師曰入籠入檻僧拈掌師曰跳得出是好手僧擬議師曰了問如何是透法身句師曰上是天下是地上堂冬不受寒夏不受熱身上衣口中食應時應節既非天然自然盡是人膏血諸禪德山僧怎麼說話爲是世法爲是佛法若也擇得分明萬兩黃金亦消得喝一喝上堂福勝一片地行也任你行住也任你住步步踏著始知落處若未然者直須退步脚下看取咄上堂古今天地萬象森然歲歲秋收冬藏人人道我總會還端的也無直饒端的比他鷄足峰前是甚麼閑事良久曰今朝十月初旬天寒不得普請參師四易名藍縹白仰重示寂正盛暑中清風透室異香馥郁茶毗煙發到處獲舍利五色太師文公彥博以上賜白琉璃瓶貯之藉以錦褥躬葬于塔居士何震所獲額骨齒牙舍

利別叔浮圖

台州瑞巖子鴻禪師本郡吳氏子僧問如何是道師曰開眼覷不見問法爾不爾如何指南師曰話墮也曰乞師指示師呵呵大笑上堂一不守二不向上下四維無等量大洋海裏沉鐵船須彌頂上翻鯨浪臨濟縮却舌頭德山闌却拄杖千古萬古獨巍巍留與人間作榜樣

廬山棲賢智遷禪師僧問一問一答盡是建化門庭未審向上更有事也無師曰有曰如何是向上事師曰雲從龍風從虎曰怎麼則龍得水時添意氣虎逢山則長威聲師曰興雲致雨又作麼生僧便喝師曰莫更有在僧擬議師咄曰念話杜家問如何是本來心師曰拆東籬補西壁曰怎麼則今日齋宴師曰退後著上堂聞佛法二字早是污我耳目諸人未跨法堂門脚跟下好與二十棒雖然如是山僧今日也是爲衆竭力珍重上堂是甚麼物得恁頑頑瞞瞞瞞瞞現現拈掌呵呵大笑曰今朝巴鼻直是黃面瞿曇通身是口也分疎不下久立

越州淨衆梵言首座示衆南陽國師道說法有所得。斯則野干鳴說法無所得。是名師子吼。師曰。國師恁麼道。大似掩耳偷鈴。何故說。才說無盡。是野干鳴。諸人要識師子吼麼。咄。

舒州山谷三祖沖會圓智禪師。臨安府人也。初開堂。日僧問。如何是第一義諦。師曰。百雜碎。曰。恁麼則褒禪一會不異靈山。師曰。將糞箕掃帚來。問師登寶座。壁立千仞。正令當行。十方坐斷。未審將何爲人。師曰。千鈞之弩。曰。大衆承恩。師曰。量才補職。問理雖頓悟。事假漸除。除卽不問。如何是頓悟底道理。師曰。言中有響。曰。便恁麼。又且如何。師曰。金毛師子。問生也。猶如著衫死也。還同脫袴未審意旨。如何。師曰。譬如閑。曰。爲甚麼如此。師曰。因行不妨掉臂。問。如何是天堂。師曰。太遠在。曰。如何是地獄。師曰。放你不得。曰。天堂地獄相去多少。師曰。七零八落。問。白雲綻處。樓閣門開。善財爲甚麼從外而入。師曰。開眼卽瞎。曰。未審落在甚麼處。師曰。填溝塞壑。問。如何是不動尊。師曰。寸步千里。

泉州資壽院捷禪師。僧問。如何是佛法大意。師曰。鐵牛生石卵。曰。如何是接人句。師曰。三門前合掌。曰。如何是大用句。師曰。騰門著地。曰。如何是無事句。師曰。橫眠大道。曰。如何是奇特句。師曰的。

洪州觀音啓禪師。僧問。如何是祖師西來意。師曰。松長栢短。曰。意旨如何。師曰。棄落歸根。

越州天章元善禪師。僧問。大無外。小無內。既無內外。畢竟是甚麼物。師曰。開口見膽。曰。學人未曉。師曰。苦中苦。曰。爲衆竭力。禍出私門。師打曰。教休不肯休。須待雨淋頭。問。如何是最初句。師曰。末後問將來。曰。爲甚如此。師曰。先行不到。曰。入水見長人也。師曰。秦皇擊缶上堂。君問西來意。馬師踏水潦。若認一毛頭。何曾知起倒。劫火纔洞然。愚夫覓乾草。寧知明眼人。爲君長懷惱。

眞州長蘆體明圓鑑禪師。上堂。顧視左邊。曰。師子之狀。豈免嘖呻。顧右邊。曰。象王之儀。寧忘回顧。取此逃彼。上士奚堪。識變知機。野狐窠窟。到這裏。須知有凡聖。不歷處。古今不到處。且道是甚麼人行履。良久。曰。

丈夫自有衝天志。莫向如來行處來。

汀州開元智孜禪師上堂。衲僧家向針眼裡藏身。稍寬大海中走馬。甚窄。將軍不上便橋。勇士徒勞挂甲。晝行三千夜行八百。卽不問不動步。一句作麼生道。若也道得。觀音勢至。文殊普賢。祇在目前。若道不得。直須撩起布裙。緊峭草鞋。參上堂。寒空落落。大地漫漫。雲生洞口。水出高原。若也把定。則十方世界。恍然若也。放行。則東西南北。坦然茫茫。宇宙人無數。一箇箇鼻孔。遼天且問諸人。把定卽是放行。卽是還有人斷得麼。若無人斷得。三門外有兩箇大漢。一箇張眉握劍。一箇努目揮拳。參。

平江府澄照慧慈禪師僧問。了然無所得。爲甚麼天高地闊。師曰。窄上堂。若論此事。眨上眉毛。早是蹉過。那堪進步向前。更要山僧說破。而今說破了也。還會麼。昨日雨。今日晴。

臨安府法雨慧源禪師僧問。如何是最初一句。師曰。梁王不識。曰。如何是末後一句。師曰。達磨渡江。秀州崇德智澄禪師上堂。觀面相呈。更無餘事。若也

如此。豈不俊哉。山僧蓋不得已。曲爲諸人。若向衲僧面前一點也著。不得諸禪德。且道。衲僧面前說箇甚麼。卽得良久。曰。深秋簾幕千家雨。落日樓臺一笛風。泉州樓隱有評禪師僧問。如何是平常道。師曰。和尚掌道士擎拳。問十二時中。如何趣向。師曰。著衣喫飯。曰。別還有事也。無師曰。有曰。如何卽是。師曰。齋餘更請一甌茶。

平江府定慧雲禪師僧問。如何是爲人一句。師曰。見之不取。曰。學人未曉。師曰。思之千里。

建寧府乾符大同院旺禪師僧問。如何是祖師西來意。師曰。入市烏龜。曰。意旨如何。師曰。得縮頭時。且縮頭。

無爲軍鐵佛。因禪師僧問。如何是和尙家風。師曰。一尋寒木自爲隣。三事秋雲更誰識。曰。和尙家風。蒙指示。爲人消息。又如何。師曰。新月有圓夜。人心無滿時。安吉州報本法存禪師。錢塘陸氏子僧問。無味之談。塞斷人口。作麼生是塞斷人口底句。師便打。僧曰。恁麼則一句流通。天人聳耳。師曰。祇恐不是玉。是玉也。

大奇曰專爲流通師曰一任亂道在天衣受請上堂曰吳江聖壽見召住持進退不遑且隨緣分此皆堂頭和尚提耳訓育終始獎諭若據今日正令當行便好一棒打殺那堪更容立在座前雖然如是養子方見父慈

和州開聖院棲禪師開堂垂語曰選佛場開人天普會莫有久歷覺場罷參禪客出來相見時有僧出師曰作家作家僧曰莫著忙師曰元來不是作家僧提起坐具曰看看摩竭陀國親行此令師曰祇今作麼生僧禮拜師曰龍頭蛇尾問東西不辯南北不分學人上來乞師一接師曰不接曰爲甚麼不接師曰爲你東西不辯南北不分曰將謂胡鬚赤更有赤鬚胡師曰蘇嚕蘇嚕問如何是道師曰放汝三十棒曰爲甚麼如此師曰殺人可恕無禮難容上堂拈拄杖曰大衆急著眼看須彌山畫一畫百雜碎南贍部洲打一棒東傾西側不免且收在開聖手中教伊出氣不得卓一下

福州衡山惟禮禪師上堂若論此事直下難明三賢

罔測十聖不知到這裏須高提祖令橫按鎮錫佛尚不存纖塵何立直教須彌粉碎大海焦枯放一線道與諸人商量且道商量箇甚麼良久曰鹽貴米賤臨安府北山顯明善孜禪師僧問如何是祖師西來意師曰九年空面壁懺懺又西歸曰爲甚麼如此師曰美食不中飽人餐問如何是無情說法師曰燈籠挂露柱曰甚麼人得聞師曰牆壁有耳

明州啓霞思安禪師僧問諸佛出世蓋爲羣生和尙出世當爲何人師曰不爲闍黎曰恁麼則潭深波浪靜學廣誼聲低師曰棒上不成龍

越州雲門靈侃禪師僧問十二時中如何用心師曰佛殿裏燒香曰學人不曾師曰三門頭合掌上堂塵勞未破觸境千差心鑑圓明絲毫不立靈光皎皎獨露現前今古兩忘聖凡路絕到這裏始能卷舒自在應用無虧出沒往還人間天上大衆雖然如是忽被人把住問你道拄杖子向甚麼處著又如何祇對還有人道得麼出來道看衆無對乃拍禪牀下座

天台太平元坦禪師上堂是法無宗隨緣建立聲色

動靜不昧見聞舉用千差如鐘待扣於此薦得且隨時著衣喫飯若是德山臨濟更須打草鞋行腳參臨安府佛日文祖禪師僧問峭峻之機請師垂示師曰十字街頭八字立曰祇如大洋海底行船須彌山上走馬又作麼生師曰烏龜向火曰恁麼則能騎虎頭善把虎尾師以拄杖點一下曰禮拜著

沂州望仙山宗禪師僧問四時八節卽不問平常一句事如何師曰禾山打鼓曰莫是學人著力處也無師曰歸宗拽石僧無語師曰眞箇禪僧上堂南台烏藥北海天麻新羅附子辰錦朱砂良久曰大衆會麼久立上堂你等諸人還肯放下麼若不放下且擔取去便下座

瑞州五峰淨覺院用機禪師僧問如何是道師曰十字街頭踏不著曰便恁麼去時如何師曰且緩緩上堂清平過水投子賣油一年三百六十日不須煩向數中求以拂擊禪牀下座

無爲軍佛足處祥禪師僧問如何是般若體師曰琉璃殿裏隱寒燈曰如何是般若用師曰活卓卓地問

一色無變異喚作露地白牛遷端的也無師曰頭角生也曰頭角未生時如何師曰不要犯人苗稼平江府明因慧贊禪師上堂橫按拄杖曰若恁麼去直得天無二日國無二王釋迦老子飲氣吞聲一大藏教如蟲蝕木設使鑽仰不及正是無孔鐵鎚假饒信手拈來也是殘羹餽飯一時吐却方有少分相應更乃墮在空亡依舊是鬼家活計要會麼雨後始知山色翠事難方見丈夫心卓拄杖下座

興化軍西臺其辯禪師上堂舉臨濟無位真人語乃召大衆曰臨濟老漢尋常一條脊梁硬似鐵及手到這裏大似日中迷路眼見空花直饒道無位眞人是乾屎橛正是泥龜曳尾其僧祇知季夏極熱不知仲冬嚴寒若據當時合著得甚麼語塞斷天下人舌頭西臺祇恁麼休去又乃眼不見爲淨不免出一隻手狠籍去也臨濟一擔西臺一堆一擔一堆分付阿誰從教撒向諸方去笑殺當年老古誰

禮部楊傑居士字次公號無爲歷參諸名宿晚從天衣遊衣每引老龍機語令研究深造後奉祠泰山一

日鷄一鳴。曙日如盤。湧忽大悟。乃別有男不婚。有女不嫁之偈。曰。男大須婚。女長須嫁。討甚閑工夫。更說無生話。書以寄衣衣。稱善。後會芙蓉楷禪師。公曰。與師相別。幾年。蓉曰。七年。公曰。學道來。參禪來。蓉曰。不打這鼓。笛。公曰。恁麼。則空遊山水。百無所能也。蓉曰。別來未久。善能高鑒。公大笑。公有辭世偈。曰。無一可戀。無一可捨。大虛空中之乎者也。將錯就錯。西方極樂。

稱心保禪師法嗣

彭州慧日堯禪師。僧問。古者道我有一句待無舌人。解語却向汝道。未審意旨如何。師曰。無影樹下。好商量。僧禮拜。師曰。瓦解冰消。

報本蘭禪師法嗣

福州中際可遵禪師。上堂。咄咄咄。井底呱呱。是何物。直饒三千大千也。祇是箇鬼窟。咄。上堂。昨夜四更起。來呵呵大笑不歇。幸然好一覺睡。霜鐘撞作兩橛。上堂。禾山普化。忽顛狂。打鼓搖鈴戲一場。劫火洞然。宜羨。茗嵐風大作。好乘涼。四蛇同篋。看他弄。二鼠侵藤。

不自量。滄海月明。何處去。廣寒宮殿。白銀牀。咄。上堂。八萬四千深法門。門門有路。超乾坤。如何箇箇踏不著。祇爲蜈蚣太多。脚不唯多。脚亦多。口釘。鸞鐵舌。徒增醜。拈椎。豎拂。泥洗泥。揚眉。瞬目。籠中鷄。要知佛祖。不到處。門掩落花春鳥啼。

邢州開元法明上座。依報本未久。深得法忍。後歸里。事落魄。多嗜酒。呼盧。每大醉。唱柳詞數闕。日以爲常。鄉民侮之。召齋。則拒。召飲。則從。如是者十餘年。咸指曰。醉和尚。一日。謂寺衆曰。吾明日當行。汝等無他往。衆竊笑之。翌晨。攝衣就座。大呼曰。吾去矣。聽吾一偈。衆聞奔視。師乃曰。平生醉裏顛。醉裏却有分別。今宵酒醒。何處楊柳岸。曉風殘月。言訖寂然。遽之已矣。蛻矣。

稱心明禪師法嗣

洪州上藍院光寂禪師。上堂。橫按拄杖。召大眾曰。還識上藍老漢麼。眼似木突。口如匾擔。無問精粗。不知鹹淡。與麼住持。百千過犯。諸禪德。還有爲山僧懺悔底麼。良久曰。氣急殺人。卓拄杖下座。

廣因要禪師法嗣

福州妙峯如璨禪師上堂。今朝是如來降生之節。天下緇流。莫不以香湯灌沐。共報洪恩。爲甚麼教中。却道如來者。無所從來。既是無所從來。不知降生。底是誰。試請道看。若道得其恩。自報若道不得。明年四月八。還是燕頭澆。

雲居元禪師法嗣

臨安府百丈慶善院淨悟禪師僧問。如何是佛。師曰。問誰曰。特問和尚。師曰。鷄子過新羅。上堂說則。搖尾行則動脚。直饒不說不行。時錯錯拍禪牀下座。

常州善權慧泰禪師上堂。諸佛出世。廣演三乘。達磨西來。密傳大事。上根之者。言下頓超。中下之流。須當漸次。發明心地。或一言唱道。或三句敷揚。或善巧應機。遂成多義。撮其樞要。總是空花。一句窮源。沉埋祖道。敢問諸人。作麼生是依時及節底。句良久。曰。微雲淡河漢。疎雨滴梧桐。參。

饒州崇福德基禪師上堂。若於這裏會得。便能入一佛國。坐一道場。水鳥樹林。共談斯要。樓臺殿閣。同演。

真乘續千聖不盡之燈。照八面無私之燄。所以道在天。同天在人。同人。還有知音者麼。良久。曰。水底金烏。天上日。眼中瞳子。面前人。

婺州寶林懷吉真覺禪師上堂。善惡遺風五百年。雲黃山色祇依然。而今祖令重行也。一句流通。遍大千。大衆且道。是甚麼句。莫是函蓋乾坤。截斷衆流。隨波逐浪。底麼。咩。有甚交涉。自從有佛祖。已來未曾動著。今日不可漏泄。真機去也。顧視大衆。曰。若到諸方。不得錯舉。

洪州資福宗誘禪師上堂。龍泉今日與諸人說些葛藤。良久。曰。枝蔓上更生枝蔓。

智海逸禪師法嗣

瑞州黃檗志因禪師僧問。如何是得力句。師曰。脚曰。學人不曾。師曰。一步一步。進一步。上堂。四十九年說。恩潤禽魚。十萬途程來。警悟人天。這二老漢。各人好與三十棒。何故。一箇說長說短。一箇胡言漢語。雖然如是。且放過一著。

福州大中德隆海印禪師上堂。法無異法。道無別道。

時時逢見釋迦處處撞著達磨。放步即交肩開口。卽敲破不敲破。大小大上堂。夫欲智拔。先須定動。卓拄杖曰。噉嘛噉。噉喇娑婆訶。歸堂喫茶。上堂。觸境無滯。底爲甚麼。擡頭不起。田地穩密。底爲甚麼。下脚不得。譬如天王賜與華屋。雖獲大宅。要因門入。乃曰。門。嚮。樊噲踏開。眞主出。巨靈擡手。錦鱗噴。參上堂。平旦寅曉。何人處處彌陀。佛家家觀世音。月裏麒麟看北斗。向陽棹子一邊青。

簽判劉經臣居士字與朝。少以逸才登仕版。於佛法未之信。年三十二。會東林照覺總禪師與語。啓迪之。乃敬服。因醉心祖道。旣而抵京師。謁慧林冲禪師。於僧問雪竇如何。是諸佛本源。答曰。千峯寒色。語下有省。歲餘官雅幕。就參韶山杲禪師。將去。任辭韶山。山囑曰。公如此用心。何愁不悟。爾後或有非常境界。無量歡喜。宜急收拾。若收拾得去。便成法器。若收拾不得。則有不寧之疾。成失心之患矣。未幾復至京師。趨智海依正覺逸禪師。請問因緣。海曰。古人道。平常心是道。你十二時中。放光動地。不自覺知。向外馳求。轉

疎轉遠。公益疑不解。一夕入室。海舉傳燈所載香至國王問。波羅提尊者何者是佛尊者。曰。見性是佛。之語問之。公不能對疑。甚遂歸就寢。熟睡至五鼓。覺來方追念間。見種種異相。表裏通徹。六根震動。天地回旋。如雲開月現。喜不自勝。忽憶韶山臨別所囑之言。姑抑之。逗明趨智海。悉以所得告海。爲證據。且曰。更須用得。始得。公曰。莫要踐履否。海厲聲曰。這箇是甚麼事。却設踐履。公默契。乃作發明心地頌八首。及著明道論。儒篇以警世。詞曰。明道在乎見性。余之所悟者。見性而已。孟子曰。口之於味也。目之於色也。耳之於聲也。鼻之於臭也。四肢之於安佚也。性也。楊子曰。視聽言貌思性。所有也。有見於此。則能明乎道矣。當知道不遠。人人之於道。猶魚之於水。未嘗須臾離也。唯其迷已逐物。故終身由之而不知。佛曰。大覺儒曰。先覺蓋覺此耳。昔人有言曰。今古應無墜。分明在目前。又曰。大道祇在目前。要且目前難睹。欲識大道真體。不離聲色言語。又曰。夜夜抱佛眠。朝朝還共起。起倒鎮相隨。語默同居止。欲識佛去處。祇這語聲是。此

佛者之語道爲最親者立則見其參於前也在與則見其倚於衡也瞻之在前也忽焉在後也取之左右逢其原也此儒者之語道最邇者奈何此道唯可心傳不立文字故世尊拈花而妙心傳於迦葉達磨面壁而宗旨付於神光六葉既敷千花競秀分宗列派各有門庭故或瞬目揚眉擎拳舉指或行棒行喝豎拂拈槌或持叉張弓親毬舞笏或拽石般土打鼓吹毛或一默一言一吁一笑乃至種種方便皆是親切爲人然祇爲太親故人多罔措警然見者不隔絲毫其或沉吟迢迢萬里欲明道者宜無忽焉祖祖相傳至今不絕眞得吾儒所謂忿而不發開而弗違者矣余之有得實在此門反思吾儒自有其道良哉孔子之言默而識之一以貫之故目擊而道存指掌而意喻凡若此者皆合宗門之妙旨得教外之眞機然而孔子之道傳之子思子思傳之孟子孟子既沒不得其傳而所以傳於世者特文字耳故余之學必求自得而後已幸余一夕開悟凡目之所見耳之所聞心之所思口之所談手足之所運動無非妙者得之既

久日益見前每以與人人不能受然後知其妙道果不可以文字傳也嗚呼是道也有其人則傳無其人則絕余既得之矣誰其似之乎終余之身而有其人邪無其人邪所不可得而知也故爲記頌歌語以流播其事而又著此篇以諭吾徒云

南嶽下十二世

蔣山泉禪師法嗣

清獻公趙抃居士字悅道年四十餘擯去聲色系心定教會佛慧來居衡之南禪公曰親之慧未嘗容措一詞後典青州政事之餘多宴坐忽大雷震驚即契悟作偈曰默坐公堂虛隱几心源不動湛如水一聲霹靂頂門開喚起從前自家底慧聞笑曰趙悅道撞彩耳富鄭公初於宗門未有所趣公勉之書曰伏惟執事富貴如是之極道德如是之盛福壽康寧如是之備退休閑逸如是之高其所未甚留意者如來一大事因緣而已能專誠求所證悟則他日爲門下賀也公年七十有二以太子少保致仕而歸親舊里民遇之如故作高齋以自適題偈見意曰腰佩黃金已

退藏箇中消息也尋常世人欲識高齋老祇是柯村趙四郎復曰切忌錯認臨薨遺佛慧書曰非師平日警誨至此必不得力矣慧悼以偈曰仕也邦爲瑞歸歎世作程人間金粟去天上玉樓成慧劍無纖缺冰壺徹底清春風灑水路孤月照雲明

慧林本禪師法嗣

東京法雲善本大通禪師族董氏漢仲舒之裔也大父琪父溫皆官于潁遂爲潁人母無子禱白衣大士乃得師及長博極羣書然清修無仕宦意嘉祐八年與弟善思往京師地藏院選經得度習毗尼東遊至姑蘇禮圓照於瑞光照特顧之於是契旨經五稔益躋微奧照令依圓通秀師去又盡其要元豐七年渡淮留太守巖久之出住雙林遷淨慈尋被旨徙法雲僧問寶塔元無縫如何指示人師曰煙霞生背面星月邊簷楹曰如何是塔中人師曰竟日不知清世事長年占斷白雲鄉曰向上更有事也無師曰太無厭生問若論此事譬如兩家著碁學人上來請師一著師曰早見輸了也僧曰錯師曰是僧曰進前無路也

師卓拄杖一下曰爭奈這箇何僧曰祇如黑白未分時又作麼生師曰且饒一著問百尺竿頭如何進步師曰險曰便怎麼去又作麼生師曰百雜碎問九夏賞勞即不問從今向去事如何師曰光剃頭淨洗鉢曰謝師指示師曰滴水難消上堂上不見天下不見地畝塞虛空無處回避爲君明破即不中且向南山看鼈鼻擲拄杖下座

鎮江府金山善寧法印禪師僧問天皇也怎麼道龍潭也怎麼道未審和尙作麼生道師曰手握白玉鞭隨珠盡擊碎曰退身有分師曰知過必改上堂顧視大眾曰古人道在眼曰見在耳曰聞在鼻嗅香在舌談論在身覺觸在意緣雖然如是祇見鐘頭利不見鑿頭方若是金山即不然有眼觸不見有耳聽不見有鼻不知香有舌不談論有身不覺觸有意絕攀緣一念相應六根解脫敢問諸禪德且道與前來是同是別莫有具眼底禪僧出來通箇消息若無復爲諸人重重注破放開則私通車馬捏聚則毫末不存若是飽戰作家一任是非貶剝

壽州資壽院圓澄禪師。僧問。大藏經中。還有奇特事也。無師曰。祇恐汝不信。曰。如何。即是。師曰。黑底是黑。黃底是紙。曰。謝師答話。師曰。領取鉤頭意。莫認定盤星。上堂。雲生谷口。月滿長川。樵父斫深雲。漁翁釣沙島。到這裏。便是吳道子。張僧繇。無你下手處。良久。曰。歸堂。問取聖僧。參上堂。乾坤肅靜。海晏河清。風不鳴條。雨不破塊。春生夏長。秋收冬藏。這箇是世間法。作麼生是佛法。良久。曰。欲得不招無間業。莫謗如來正法輪。

秀州本覺寺守一法真禪師。江陰沈氏子。僧問。如何是句中玄。師曰。崑崙騎象藕絲牽。曰。如何是體中玄。師曰。影浸寒潭。月在天。曰。如何是玄中玄。師曰。長連牀上帶刀眠。曰。向上還有事也。無師曰。放下。著上堂。舉拂子曰。三世諸佛。六代祖師。總在這裏。還見麼。見汝不相當。又爲說法。云。無二無二分。無別無斷。故還聞麼。汝又不惺惺。一時却往上方香積世界去也。撼拂子曰。退後退後。突著你眼睛。上堂。折半列三人人。道得去。一拈七。亦要商量。正當今日。雲門道底。不要

別作麼生。露得箇消息。良久。曰。日月易流。舒州投子修頤證悟禪師。僧問。是法平等。無有高下。爲甚麼趙州三等接人。師曰。入水見長人。曰。爭奈學人未會。師曰。喚不回頭。爭奈何。上堂。楞伽峯頂。誰能措足。少室巖前。水泄不通。正當恁麼時。黃頭老子。張得口。碧眼胡僧。開得眼。雖然如是。事無一向。先聖幸有第二義門。足可共諸人東說西說。所以道。春生夏長。秋落冬枯。四時遷改。輪轉長途。愚者心生。彼此達者。一味無殊。良久。曰。陝府鐵牛。吞大像。嘉州佛向藕絲藏。上堂。巍巍少室。永鎮群峰。有時雲中。捧出有時霧罩。無蹤有時。突在目前。有口道不得。被人喚作壁觀。胡僧諸仁者。作麼生。免得此過。休休。不如且持課。良久。曰。一元和二。佛陀三。釋迦自餘。是甚。碗隄丘參。福州地藏守恩禪師。本州丘氏子。僧問。如何是佛師。曰。晝眠無益。曰。意旨如何。師曰。早起甚長。問如何是西來祖意。師曰。風吹滿面。塵上堂。豎起拳。曰。或時爲拳。復開曰。或時爲掌。若遇衲僧。有功者。賞遂放下。曰。直是土曠人稀。相逢者少。上堂。雨後鳩鳴。山前麥熟。

何處牧童兒。騎牛笑相逐。更把短笛橫。吹風前一曲。
兩曲。參上堂。山僧今日略通一線。不用狐疑。夢中有
題上堂。拈拄杖擊禪牀。一下曰。有智若聞。則能信解。
無智疑悔。則爲永失。三十年後。不得道。山僧今日上
堂。祇念法華經。參上堂。將僧現前三昧。釋迦老子不
會住世四十九年。說得天花亂墜。爭似飢餐渴飲。展
脚堂中打睡。上堂。諸人知處。山僧盡知。山僧知處。諸
人不知。今日不免布施諸人。良久曰。頭上是天。脚下
是地。參。

衡州靈曜寺晉良佛慈禪師。饒州吳氏子。清獻趙
公命開法於越州。福果衡州。超化海會。靈曜四利。僧
問三變禪林。四回出世。於和尚分上。成得甚麼邊事。
師曰。鉢盂口向天。曰。三十年來。關楔子。而今流落五
湖。傳師曰。那箇是。山僧關楔子。曰。一言超影象。不墜
古人風。師曰。惜取眉毛。上堂。不知時分之延促。不知
日月之大小。灰頭土面。且與麼過。山僧每遇月朔。特
地關釘家風。抑揚問答。一場笑具。雖然如是。因風撒
土。借水獻花。有箇葛藤。露布與諸人共相解。摘看蓋

拈拄杖擊香臺曰。參堂去。

明州香山延詠正覺禪師。上堂。心隨境現。境逐心生。
心境兩忘。是箇甚麼。拈起拄杖曰。且道這箇甚麼處得。
來。若道是。拄杖。瞎却汝眼。若道不是。拄杖。眼在甚麼
處。是與不是一時拈却。且騎拄杖出三門去也。遂曳
杖下座。

安吉州道場慧印禪師。上堂。韶石渡頭。舟橫野水。汾
陽浪裏。棹撥孤煙。雲月無私。谿山豈異。一言合轍。千
里同風。敢問諸人。作麼生。是同風底句。良久曰。八千
子弟。今何在。萬里山河。屬帝家。

臨安府西湖妙慧文義禪師。上堂。會麼。已被熱護了。
也。今早起來。無客可說。下牀著鞋。後架洗面。堂內展
鉢。喫粥。粥後打睡。睡起喫茶。見客相喚。齋時喫飯。日
日相似。有甚麼過。然雖如是。更有一般。令我笑。金剛
倒地。一堆泥。拍禪牀下座。

處州靈泉山宗一禪師。上堂。美玉藏頑石。蓮華出淤泥。
泥須知煩惱處。悟得卽菩提。吽。

泗州普照寺處輝真寂禪師。潞州趙氏子。開堂曰。僧

問世尊出世地湧金蓮和尚出世有何祥瑞師曰掃却門前雪

常州南禪寧禪師僧問廬陵米價作麼生誦師曰欸出囚口

越州石佛曉通禪師上堂冷似秋潭月無心合太虛山高流水急何處駐游魚僧問如何是頓教師曰月落寒潭曰如何是漸教師曰雲生碧漢曰不漸不頓時如何師曰八十老婆不言嫁

法雲秀禪師法嗣

東京法雲惟白佛國禪師上堂離婁有意白浪徒以滔天罔象無心明珠忽然在掌以手打一圓相召大眾曰還見麼良久曰看即有分上堂拈拄杖示衆曰山僧住持七十餘日未曾拈動這箇而今不免現些小神通供養諸人遂卓拄杖下座上堂過去已過去未來且莫算正當現在事今朝正月半明月正團圓打鼓普請看大眾看即不無畢竟喚甚麼作月休於天上覓莫向水中尋師有續燈錄三十卷入藏建康府保寧子英禪師錢塘人也上堂拈拄杖曰日

月不能竝明河海不能競深須彌不能同高乾坤不能同固聖凡智慧不及且道這箇有甚麼長處良久曰節目分明生來條直冰雪敲開片片分白雲點破承伊力擊禪牀下座

温州偈嚴景純禪師僧問德山棒臨濟喝和尚如何作用師曰老僧今日因僧便喝師曰却是你惺惺寧國府廣教守訥禪師圖上足僧問如何是古今常存底句師曰鐵牛橫海岸曰如何是請僧正眼師曰針割不入

興元府慈濟聰禪師僧問如何是道師曰此去長安一十七程曰如何是道中人師曰撞頭磕額問不是風動不是幡動未審是甚麼動師曰低聲低聲問如何是隨色摩尼珠師曰青青翠竹鬱鬱黃花曰如何是正色師曰退後退後問淨迦已滅彌勒未生未審誰爲導首師曰鐵牛也須汗出曰莫便是爲人處也無師曰細看前話問如何是超佛越祖之談師曰陝府鐵牛上堂三乘教典不是真詮直指本心未爲極則若是通心上士脫躐高流出來相見乃顧視大眾

曰休上堂終日孜孜相爲恰似牽牛上壁大衆何故如此貪生逐日區區去喚不回頭爭奈何上堂一卽一二卽二把定要津何處出氣拈拄杖曰彼自無瘡勿傷之也卓一下下座

安州白兆山通慧珪禪師上堂幸逢嘉會須承異聞既遇寶山莫令空手不可他時後日門扇後壁角頭自說大話也窮天地亘古今卽是當人一箇自性於是中間更無他物諸人每日行時行著臥時臥著坐時坐著祇對語言時滿口道著以至揚眉瞬目嘆喜愛憎寂默游戲未始間斷因甚麼不肯承當自家歇去良由無量劫來愛欲情重生死路長背覺合塵自生疑惑譬如空中飛鳥不知空是家鄉水裏游魚忘却水爲性命何得自抑却問傍人大似捧飯稱飢臨河叫渴諸人要得休去麼各請立地定著精神一念回光豁然自照何異空中紅日獨運無私盤裏明珠不撥自轉然雖如是祇爲初機向上機關未曾踏著且道作麼生是向上機關良久曰仰面看天不見天廬州長安淨名法因禪師上堂天上月圓人間月半

七八是數事却難算隱顯不辨卽且置黑白未分一句作麼生道良久曰相逢秋色裏共話月明中上堂祖師妙訣別無可說直饒釘背鐵舌未免弄巧成拙淨名已把天機泄

浮槎山福嚴守初禪師僧問如何是受用三昧師曰拈匙放筯問如何是正直一路師曰踏不著曰踏著後如何師曰四方八面乃曰若論此事放行則曹谿路上月白風清把定則少室峰前雲收霧卷如斯語論已涉多途但由一念相應方信不從人得大衆且道從甚麼處得良久曰水流元在海月落不離天上堂卽性之相一亘晴空卽相之性千波競起若徹來源清流無阻所以舉一念而塵沙法門頓顯拈一毫而無邊刹境齊彰且道文殊普賢在甚麼處下坡不走快便難逢便下座

鼎州德山仁繪禪師僧問如何是不動尊師曰來千去萬曰恁麼則脚跟不點地也師曰却是汝會上堂至道無難唯嫌揀擇但莫憎愛洞然明白山僧卽不然至道最難須是揀擇若無憎愛爭見明白

澧州聖壽香積用旻禪師上堂木馬衝開千騎路鐵牛透過萬重關木馬鐵牛卽今在甚麼處良久曰驚起暮天沙上鴈海門斜去兩三行

瑞州瑞相子來禪師上堂顧視衆曰夫爲宗匠隨處提綱應機問答殺活臨時心眼精明那容妖怪若也棒頭取證喝下承當埋沒宗風恥他先作轉身一路不在遲疑一息不來還同死漢大衆直饒到這田地猶是句語埋藏未有透脫一路敢問諸人作麼生是透脫一路還有人道得麼若無山僧不免與諸人說破良久曰玉雕荆岫寒光動劍出豐城紫氣橫

廬州眞空從一禪師上堂心鏡明鑑無礙遂拈起拄杖曰喚這箇作拄杖卽是礙不喚作拄杖亦是礙離此之外畢竟如何要會麼礙不礙誰爲對大地山河廓然粉碎

襄州鳳凰山乾明廣禪師上堂日頭東畔出月向西邊沒來去急如梭催人成白骨山僧有一法堪爲保命術生死不相干打破精魂窟咄咄是何物不是衆生不是佛參

慧林冲禪師法嗣

東京永興華嚴寺智明佛慧禪師常州史氏子上堂若論此事在天則列萬象而齊現在地則運四時而發生在人則出沒卷舒六根互用且道在山僧拄杖頭上又作麼生良久卓一下曰高也著低也著

鎮州永泰智航禪師上堂散爲氣者乃道之漓適於變者爲法之弊靈機不昧亘古亘今大用現前何得何失雖然如是忽遇無孔鐵鎚作麼生話會拈拄杖曰穿過了也上堂龍騰碧漢變化無方鳳翥青霄誰知蹤跡可行則行不出百千三昧可止則止寧忘萬象森羅所以道取不得舍不得不可得中祇麼得且道得箇甚麼良久曰莫妄想

江陰軍壽聖子邦圓覺禪師僧問祖意教意拈放一邊如何得速成佛去師曰有成終不是是佛亦非眞僧擬議師叱曰話頭道甚麼

長蘆夫禪師法嗣

明州雪竇道榮覺印禪師郡之陳氏子僧問寒山逢拾得時如何師曰揚眉飛閃電曰更有何事師曰開

口放毫光曰如何是向上一路師曰七六八

眞州長蘆宗蹟慈覺禪師洛州孫氏子僧問達磨面壁此理如何師良久僧禮拜師曰今日被這僧一問直得口瘡上堂冬去寒食一百單五活人路上死人無數頭鑽荆棘林將謂衆生苦拜掃事如何骨堆上添土唯有出家人不踏無生路大衆且道向甚麼處去還會麼南天台北五臺參上堂新羅別無妙訣當言不避截舌但能心口相應一生受用不徹且道如何是心口相應底句良久曰焦轆打著連底凍參問六門未息時如何師曰鼻孔裏燒香曰學人不曾師曰耳朶裡打鼓問如何是無功之功師曰泥牛不運步天下殺荒田曰恁麼則功不泯施也師曰雖然廣大神通未免遭他痛棒上堂金屑雖貴落眼成翳金屑既除眼在甚麼處若如此者未出荆棘林中棒頭取證喝下承當正在金峯窠裏上堂樓外紫金山色秀門前甘露水聲寒古槐陰下清風裏試爲諸人再指看拈拄杖曰還見麼擊香卓曰還聞麼靠却拄杖曰眼耳若通隨處足水聲山色自悠悠

平江府慧日智覺廣燈禪師本郡梅氏子上堂良久曰休休休徒悠悠釣竿長在手魚冷不吞鉤喝一喝下座

佛日才禪師法嗣

澧州夾山靈泉自齡禪師常州周氏子僧問金鷄啄破琉璃毬玉兔挨開碧海門此是人間光影如何是祖師機師曰針剗不入曰祇如朕兆未生已前作麼生道師舉起拂子僧曰如何領會師曰斫額望扶桑問混沌未分時如何師曰春風鸞鷟曰分後如何師曰春日遲遲曰向上更有事也無師曰一年三百六十日上堂良久顧大衆曰月裏走金烏誰云一物無趙州東壁上挂箇大葫蘆參上堂良久打一圓相曰大衆五千餘卷詮不盡三世諸佛讚不及令人却憶賣油翁狼忙走下繩牀立參上堂便乃忘機守默已被金粟占先擬欲展演詞鋒落在瞿曇之後離此二途作麼生是稱僧透脫一路良久曰好笑南泉提起處刈弗鎌子曲彎彎參

天鉢元禪師法嗣

衛州元豐院清滿禪師。滄州田氏子。僧問如何是佛。師曰。天寒地冷。曰如何。是道。師曰。不道。曰爲甚麼不。道。師曰。道是閑名字。上堂無異思。惟諦聽諸聽。昨日寒今日寒。抖擻精神。著力看。著力看。看來看去。轉顧。預要得不顧。預看參上堂。堪作梁底。作梁堪作柱底。作柱。靈利衲僧。便知落處。焉拈拄杖曰。還知這箇堪作甚麼。打香臺一下。曰。莫道無用處。復打一下。曰。參上堂。看看堂裏木師伯。被聖僧打一擱。走去見維那。被維那打兩擱。露柱呵呵笑。打著這師伯。元豐路見不平。與你雪正。拈拄杖曰。來來。來。是聖僧也。須喫棒。擊香臺下座。歲旦上堂。憶昔山居絕糧。有頌舉似大衆。飢食松栢葉。渴飲澗中泉。看罷青青竹。和衣自在眠。大衆更有山懷爲君說。今年年是去年年。上堂此劒刃上事。須劒刃上漢。始得有般名利之徒。爲人天師。懸羊頭賣狗肉。壞後進初機。滅先聖洪範。你等諸人。聞恁麼事。豈不寒心。由是疑悞衆生。墮無間獄。苦哉。苦哉。取一期快意。受萬劫餘殃。有甚麼死急來。爲釋子喝。曰。贖人徒側耳。便下座上。堂喝一喝曰。不是

道。不是禪。每逢三五夜。皓月十分圓。參師凡見僧。乃曰。佛法世法。眼病空花。有僧曰。鷲消花滅時。如何。師曰。將謂汝靈利。

青州定慧院法本禪師。僧問。古人到這裏爲甚麼。拱手歸降。師曰。理合如是。曰。畢竟如何。師曰。夜眠日走。西京善勝。眞悟禪師。上堂。揚聲止響。不知聲是響。根弄影逃形。不知形爲影。本以法問法。不知法本非法。以心傳心。不知心本無心。心本無心。知心如幻了法。非法知法。如夢心法不實。莫謾追求夢幻空花。何勞把捉。到這裏三世諸佛。一大藏教。祖師言句。天下老和尚。路布葛藤。盡使不著。何故。太平本是將軍致。不許將軍見太平。

瑞嚴禪師法嗣

明州育王曇振眞戒禪師。上堂。今日布袋頭開。還有買賣者麼。時有僧出曰。有。師曰。不作貴。不作賤。作麼生。酬價。僧無語。師曰。老僧失利。

棲賢遷禪師法嗣

舒州王屋山崇福燈禪師。上堂。天不能蓋。地不能載。

一室無私何處不在大衆直饒恁麼會去也是鬼弄
精魂怎生說箇常在底道理良久曰金風昨夜起偏
地是黃花

淨衆言首座法嗣

西京招提惟湛廣燈禪師嘉禾人也僧問如何是和
尙家風師曰秋風黃葉亂遠岫白雲歸曰專爲流通
也師曰卽今作麼生舉僧便喝師便打上堂偏不偏
正不正那事從來難比並滿天風雨骨毛寒何須更
入那伽定卓拄杖下座上堂六塵不惡還同正覺馬
上誰家白面郎穿花折柳垂巾角夜來一醉明月樓
呼盧輸却黃金宅臂鷹走犬歸不歸娥眉皓齒嘆無
力此心能有幾人知黃頭碧眼非相識囉囉哩拍手
一下下座

南嶽下十三世

法雲本禪師法嗣

臨安府淨慈楚明寶印禪師百粵張氏上堂祖師心
印非長非短非方非圓非內非外亦非中間且問大
衆決定是何形貌拈拄杖曰還見麼古篆不成文飛

帛難同體從本自分明何須重特地擊禪牀下座上
堂出門見山水入門見佛殿靈光觸處通諸人何不
薦若不薦淨慈今日不著便上堂祖師道吾本來茲
土傳法救迷情一花開五葉結果自然成淨慈當時
若見恁麼道用黑漆拄杖子一棒打殺埋向無陰陽
地上令他出氣不得何故耐他瞞我唐土人衆中
莫有爲祖師出氣底麼出來和你一時埋却上堂若
論此事如散鋪寶貝亂堆金玉味已者自甘窮困有
眼底信手拈來所以道閻浮有大寶見少得還稀若
人將獻我成佛一餉時乃拈拄杖曰如今一時呈似
普請大衆高著眼擲拄杖下座

眞州長蘆道和祖照禪師興化潘氏子僧問無遮聖
會還有不到者麼師曰有曰誰是不到者師曰金剛
脚下鐵崑崙問不許夜行投明須到意旨如何師曰
羊頭車子推明月曰便恁麼去時如何師曰鐵門路
險問一匙兩當時如何師曰踏藕得魚歸問教外別
傳未審傳箇甚麼師曰鐵彈子問百城遊罷時如何
師曰前頭更有趙州關上堂一二三四五六碧眼胡

僧數不足泥牛入海過新羅木馬追風到天竺。天竺茫茫何處尋補陀巖上問觀音普賢拍手呵呵笑。歸去來兮秋水深。

福州雪峰思慧妙湛禪師錢塘俞氏子。僧問古殿無燈時如何。師曰東壁打西壁。曰恁麼則撞著露柱也。師曰未敢相許。上堂一法若通萬緣。方透拄杖曰這裏悟了。提起拄杖海上橫行。若到雲居山頭爲我傳語。雪峯和尚。咄上堂布大教網。饒人天魚護。聖不似老胡拖泥帶水。祇是見鬼放鷹。遇禪發箭。乃高聲召衆曰。中上堂。昔日藥山早晚不參。動經旬月。一日大衆纔集。藥山便歸。方丈諸禪德。彼時佛法早自淡。薄論來猶較些子。如今每日鳴鼓陞堂。切切怛怛地問者。口似紡車。答者舌如霹靂。總似今日靈山慧命。殆若懸絲。少室家風。危如累卵。又安得箇慨然有志。扶豎宗乘。底衲子出來。喝散大衆。非唯耳邊靜辦。當使正法久住。豈不偉哉。如或棒上不成。龍山僧倒行。此令以拄杖一時趣散。上堂眼睫橫亘十方。眉毛上透青天下徹黃泉。且道鼻孔在甚麼處。良久曰割上。

堂妙高山頂雲海茫茫。少室巖前雪霜凜凜。齊腰獨立。徒自苦疲。七日不逢一場懺懺。別峯相見。落在半途。隻履西歸。遠之遠矣。卓拄杖下座。上堂大道。祇在目前。要且目前難睹。欲識大道真體。今朝三月十五。不勞久立。建炎改元。上堂天地之大德曰生。聖人之大寶曰位。今上皇帝踐登寶位。萬國歸仁。草木禽魚咸被其德。此猶是聖主應世邊事。王宮降誕已前一句。天下人摸索不著。上堂一切法無差雲門胡餅。趙州茶黃鶯樓中吹玉笛。江城五月落梅花。慚愧太原孚上座。五更聞鼓角。天曉弄琵琶。喝一喝。上堂南詢諸友。踏破草鞋絕學。無爲坐消日月。凡情易脫。聖解難忘。但有纖毫皆成滲漏。可中爲道。似地擎山。應物現形。如驢騎井。縱無計較。途轍已成。若論相應。轉沒交涉。勉諸仁者。莫錯用心。各自歸堂。更求何事。婺州寶林果昌寶覺禪師。安州時氏子。師與提刑楊次公入山同遊。山次楊拈起大士飯石。問既是飯石。爲甚麼敲不破。師曰祇爲太硬。楊曰猶涉繁詞。師曰未審提刑作麼生。楊曰硬師曰也是第二月。楊爲寫。

七佛殿額乃問七佛重出世時如何師曰一回相見一回新上堂一卽一二卽二。鑒著直是無香氣。薦拈拄杖卓一下曰。識得山僧。柳栗條莫向南山尋。鼈鼻。鄭州資福法明寶月禪師上堂。資福別無所補。五日一參擊鼓。何曾說妙談。立祇是。囂言直語。甘草自來甜。黃連依舊苦。忽若鼻孔。遼天逢人。切忌錯舉。參上堂。若論此事。譬如伐樹得根。灸病得穴。若也得根。豈在千枝。偏所若也得穴。不假六分。全燒以拄杖卓一下曰。這箇是根。那箇是穴。擲下拄杖曰。這箇是穴。又喚甚麼作根。咄。是何言歟。

潭州雲峯志。稽祖燈禪師。南粵陳氏子。上堂。休去歇去。一念萬年。去寒灰枯木。去古廟香爐。去一條白練。去大衆古人。見處如日。暉空不著二邊。豈墮陰界。堪嗟後代兒孫。多作一色邊。會山僧卽不然。不休去不歇。去業識茫茫去。七類八倒去。十字街頭。鬧浩浩。地聲色裏。坐臥去。三家村裏。盈衢塞路。荆棘裏。游戲去。刀山劒樹。劈腹剜心。鑊湯爐炭。皮穿骨爛。去如斯舉。唱大似三歲孩兒。覩繡毬上堂。一切聲是佛聲。塗毒。

鼓透入耳朵裏。一切色是佛色。鐵蒺藜。穿過眼睛中。好事不如無。便下座上。堂盡乾坤大地。是箇熱鐵圓。汝等諸人。向甚麼處下口。良久曰。吞不進。吐不出。上堂。瘦竹長松。滴翠香流。風疏月度。炎涼不知。誰住原西寺。每日鐘聲送夕陽。上堂。聲色頭上。睡眠虎狼羣。裏安禪。荆棘林內。翻身雪刃。叢中遊戲。竹影掃階塵不動。月穿潭底水無痕。上堂。不是風動。不是幡動。禪僧失却鼻孔。是風動。是幡動。分明是箇漆桶。兩段不同。眼暗耳聾。潤水如藍。碧山似火。紅上堂。僧問。如何是西來意。師曰。築著額頭。磕著鼻。曰。意旨如何。師曰。驢馳馬載。曰。向上還有事也。無師曰。朝到西天暮。歸唐土。曰。謝師答話。師曰。大乘。研郎當。僧退。師乃曰。僧問。西來意。築著額頭。磕著鼻。意旨又如何。驢馳并馬。載朝到西天。暮歸唐。大乘。恰似研郎當。何故沒量。大人。被語脉裏。轉却。遂拊掌大笑。下座。僧問。丹霞燒木佛院主。爲甚麼。眉鬚墮落。師曰。一人傳虛。萬人傳實。曰。恁麼則不落也。師曰。兩重公案。曰。學人。衆曉。特伸請益。師曰。筠袁虔吉。頭上插筆。問德山。入門便棒。

意旨如何。師曰：束杖理民。曰：臨濟入門便喝。又作麼。生師曰：不言而化。曰：未審和尚如何爲人。師曰：一刀兩段。問：無縫鐵門。請師一啓。師曰：進前三步。曰：向上無關。請師一閉。師曰：退後一尋。曰：不開不閉。又作麼。生師曰：吽吽便打。

東京慧林常悟禪師。僧問：若不傳法度衆生。舉世無由報恩者。未審傳箇甚麼。法師曰：開宗明義章第一。問：達磨未來時如何。師曰：省得草鞋錢。曰：來後如何。師曰：重疊關山路。

安吉州道場有規禪師。婺州姜氏子上堂拈拄杖曰：還見麼。窮諸玄辯。若一毫置於太虛。竭世樞機。似一滴投於巨壑。德山老人雖則焚其疏鈔。也是賊過後張弓。且道文彩未彰以前。又作麼生理。論三千劍客。今何在。獨許莊周致太平。上堂種田博飯。地藏家風。客來喫茶。趙州禮度。且道護聖門下。別有甚麼長處。良久曰：尋常不放山泉出屋底。清池冷照人化土。出問促裝已辦。乞師一言。師曰：好看前路事。莫比在家時。曰：恁麼則三家村裏十字街頭等箇人去也。師曰：

照顧打失布袋

越州延慶可復禪師。上堂胡來胡現。漢來漢現。忽然胡漢俱來時如何。祇隄良久。曰：落霞與孤鶩齊飛。秋水共長天一色。參上堂。烹拈拄杖橫按膝上。曰：苦痛。深苦痛。深碧潭千萬丈。那箇是知音。卓一下下座。安吉州道場慧願禪師。上堂世尊按指海印發光。拈拄杖曰：莫妄想。便下座。

温州雙峰普寂宗達佛海禪師。僧問：如何是永嘉境。師曰：華蓋峰。曰：如何是境中人。師曰：一宿覺。上堂衆集。定喝一喝。曰：冤有頭。債有主。珍重。

越州五峯子琪禪師。僧問：學人上來乞師垂示。師曰：花開千朵秀。曰：學人不會。師曰：雨後萬山青。曰：謝指。示。師曰：你作麼生。會。僧便喝。師曰：未在。僧又喝。師曰：一喝兩喝後。作麼生。曰：也知和尚有此機。要師曰：適來道甚麼。僧無語。師便喝。

西京韶山雲門道信禪師。僧問：如何是祖師西來意。師曰：千年古墓蛇。今日頭生角。曰：莫便是和尚家風也。無師曰：卜度則喪身失命。問：如何是學人自己。師曰：

曰無人識者曰如何得脫灑去師曰你問我答
臨安府上天竺從諫慈辯講師處之松陽人也具大
知見聲播講席於止觀深有所契每與禪衲遊嘗以
道力扣大通通一日作書寄之師發緘睹黑白二圓
相乃悟答偈曰黑相白相擔枷過狀了不了兮無風
起浪若問究竟事如何洞庭山在太湖上

金山寧禪師法嗣

婺州普濟子淳圓濟禪師僧問摩尼珠人不識如來
藏裏親收得如何是珠師曰不撥自轉曰如何是藏
師曰一撥便轉曰轉後如何師曰把不住上堂雨過
山青雲開月白帶雪寒松搖風庭栢山僧恁麼說話
還有祖師意也無其或未然良久曰看看

吉州禾山用安禪師僧問蓮華未出水時如何師曰
魚挨鼈倚曰出水後如何師曰水仙頭上戴好手絕
躋攀曰出與未出時如何師曰應是乾坤措不教容
易看

本覺一禪師法嗣

福州越峰粹珪妙覺禪師本郡林氏子僧問如何是

祖師西來意師曰瘦田損種曰未審如何領會師曰
刈禾鎌子曲如鉤問機關不到時如何師曰抱甕灌
園曰此猶是機關邊事師曰須要雨淋頭

台州天台如庵主久依法真因看雲門東山水上行
語發明已見歸隱故山猿鹿爲伍郡守聞其風遣使
逼令住持師作偈曰三十年來住此山郡符何事到
林間休將瑣瑣塵寰事換我一生閑又閑遂焚其廬
竟不知所止

平江府西竺寺尼法海禪師實文呂嘉之姑也首參
法雲秀和尚後領旨於法真言下諸名儒屢挽應世
堅不從俎曰說偈曰霜天雲霧結山月冷涵輝夜接
故鄉信曉行人不知屈明坐脫

投子顯禪師法嗣

壽州資壽灌禪師上堂良久曰便恁麼散去已是葛
藤更若喃喃有何所益以拂子擊禪牀下座

西京白馬崇壽江禪師僧問知師久蘊囊中寶今日
開堂略借看師曰不借曰爲甚麼不借師曰寶金須
是買金人

鄧州香嚴智月海印禪師。僧問法雷已震。選佛場開。不昧宗乘。請師直指。師曰。三月三日。時千花萬花拆。曰。普天匝地。承恩力覺。苑仙葩。一夜開。師曰。切忌隨他去。乃曰。判府吏部。此日命山僧開堂祝聖。紹續祖燈。祇如祖燈作麼生續。不見古者。道六街鐘鼓響。擊琴。卽處鋪金世界中。池長菱荷庭長栢。更將何法演真宗。恁麼說話。也是事不獲。已有旁不肯底出來。把山僧拽下禪牀。痛打一頓。許伊是箇本分衲僧。若未有這箇作家手。脚切不得草草匆匆。勘得脚跟下。不實頭沒去處。却須倒喫香嚴手中鐵柄。莫言不道上堂。吾家寶藏。不慳惜。觀面相呈人罕識。揮今耀古體圓時。照地照天光赫赤。荆山美玉奚爲貴。合浦明珠比不得。借問誰人敢酬價。波斯鼻孔長三尺。咄。

丞相富弼居士字彥國。由清獻公警勳之後。不舍晝夜力進此道。聞顯禪師主授子法席冠准。徇往質所。疑會顯爲衆。登座見其顯。視如象王回旋。公微有得。因執弟子禮。趨函丈。命侍者請爲入室。顯見卽曰。相公已入來。富弼猶在外。公聞汗流浹背。卽大悟。尋以

偈寄圓照本曰。一見顯公悟入深。黃絲傳得老師心。東南謾說江山遠。目對靈光與妙音。後寒暑顯師號。顯上堂謝語有曰。彼一期之候。我亦將錯而就錯。公作偈贊曰。萬木千花欲向榮。臥龍猶未出滄溟。雲彩霧呈嘉瑞依。舊南山一色青。

甘露宣禪師法嗣

平江府妙湛寺尼文照禪師。溫陵人。上堂。靈源不動。妙體何依。歷歷孤明。是誰光彩。若道真如實際。大好肉剗瘡。更作祖意商量。正是迷頭認影。老胡四十九年說夢。卽且止。僧堂裏。竊陳如上座。爲你諸人舉覺底。還記得麼。良久曰。惜取眉毛好。

瑞巖居禪師法嗣

台州萬年處幽禪師。上堂。先聖行不到處。凡流恰到。凡流既到。先聖莫知到與不到。知與不知。總置一壁。祇如僧問。乾峰十方薄伽梵。一路涅槃門。未審路頭在甚麼處。峰以拄杖畫一畫曰。在這裏。且道此老與他先聖。凡流相去幾何。南山虎。巖石羊兒。須向其中識生死。

廣靈祖禪師法嗣

處州縉雲仙巖懷義禪師僧問。如何是佛師。曰。自屈作麼。曰。如何是道師。曰。你道了。曰。向上更有事也。無師曰。無曰。恁麼則小出大遇也。師曰。祇恐不恁麼。曰。也是師。曰。却恁麼去也。

淨因岳禪師法嗣

福州鼓山體淳禪鑒禪師上堂。由基弓矢不射。田蛙任氏絲綸要投。溟渤發則穿楊破的。得則脩鯨巨鰲。隻箭既入重城。長竿豈釣淺水。而今莫有吞鈎齧鐵底麼。若無山僧。卷起絲綸。拗折弓箭。去也。擲拄杖下座。

乾明覺禪師法嗣

岳州平江長慶應圓禪師上堂。寒氣將殘。春日到無。索泥牛。皆踴跳。築蒼崑崙。鼻孔頭觸倒。須彌成糞掃。牧童兒鞭棄了。懶吹無孔笛。拍手呵呵笑。歸去來兮。歸去來。煙霞深處。和衣倒。良久。曰。切忌睡著。

長蘆信禪師法嗣

東京慧林懷深慈受禪師壽春府夏氏子。生而祥光。

現舍文殊堅禪師遙見疑火也。詰旦知師始生。往訪之。師見堅。輒笑。母許出家。十四割愛冠祝髮。後四年訪道。方外依淨照於嘉禾資聖。照舉長遂見。麻谷因緣問曰。如何是長遂。知處師。卽洞明。出住資福。履滿戶外。蔣山佛鑑勸禪師行化。至茶退。師引巡察。至千人街坊。鑑問。既是千人街坊。爲甚麼祇有一人。師曰。多虛。不如少實。鑑曰。恁麼。那師。報然。偶朝廷以資福爲神霄宮。因棄往蔣山。留西庵。陳請益鑑曰。資福知是般事。便休。師曰。某實未穩。望和尚不。外鑑舉倩女離魂話。反覆窮之大豁疑礙。呈偈曰。祇是舊時行履處。等閑舉著便誚。訛夜來一陣狂風起。吹落桃花知幾多。鑑拈几曰。這底豈不是活祖師意。未幾發留住。焦山僧問。如何是佛師。曰。面黃不是真。金貼曰。如何是佛。向上事。師曰。一箭一蓮。華僧作禮。師彈指三下。問。知有道不得。時如何。師曰。痲子喫蜜。曰。道得不知。有時如何。師曰。鸚鵡喚人僧。禮拜師。叱曰。這傳語漢。問。甚麼人。不被無常吞。師曰。祇恐他無下口處。曰。恁麼。則一念通玄。箭三。尸鬼失。軒也。師曰。汝有一念定。

被他吞了。曰：無一念時如何？師曰：捉著關緊。上皇古者道忍忍三世如來從此盡。饒饒萬劫千殃從此消。默默無上菩提從此得。師曰：會得此三種語了，好箇不快活。漢山僧祇是得人一牛，還人一馬，潑水相唾，插簪厮罵，卓拄杖曰：平出平出。上堂：雲自何山起，風從甚澗生。好箇入頭處，官路少人行。上堂：不是境，亦非心，喚作佛時也。陸沈箇中本自無階級，切忌無階級處尋總不尋過。猶深打破雲門飯袋，子方知赤土是黃金咄。

平江府萬壽如瑣證悟禪師建寧魏氏開堂曰：僧問：如何是蘇臺境？師曰：山橫師子秀，水接太湖清。曰：如何是境中人？師曰：衣冠皇宋後，禮樂大周前。師凡見僧必問：近日如何？僧擬對，即拊其背曰：不可思議。將示寂，衆集復曰：不可思議，乃合掌而終。

越州天衣如哲禪師族里未詳，自退席寓平江之萬壽，飲啖無擇，人多侮之。有以瑞巖喚主人公話問者，師答以偈曰：瑞巖長喚主人公，突出須彌最上峯。大地掀翻無覓處，笙歌一曲畫樓中。一日曰：吾行矣，令

拂拭所乘筭與乃書偈告衆曰：道在用處用在死處，時人祇管貪歡樂，不肯學無爲。斂平昔參問，勉衆進修，已忽豎起拳曰：諸人且道這箇落在甚麼處？衆無對。師揮案一下曰：一齊分付與秋風，遂人與端坐而逝。

婺州智者法銓禪師上堂要扣玄關，須是有節操，極慷慨，斬得釘，截得鐵，硬剝剝地，漢始得。若是隈刀避箭，碌碌之徒，看即有分。以拂子擊禪牀下座。

臨安府徑山智訥妙空禪師僧問：牛頭未見四龍時，如何？師曰：坐久成勞。曰：見後如何？師曰：不妨我東行西行。

金山慧禪師法嗣

常州報恩覺然寶月禪師越州鄭氏子，上堂學者無事空言，須求妙悟；去妙悟而事空言，其習逐臭耳。然雖如是，罕逢穿耳客，多遇刻舟人。一日謂衆曰：世緣易染，道業難辦，汝等勉之。語卒而逝。

法雲白禪師法嗣

婺州智者紹先禪師潭州人也，上堂：根塵同源，縛脫

無二不動絲毫。十方遊戲子。湖犬子雖爭。似南山鼉鼻。遂高聲曰。大眾看脚下。上堂。不聚。撥不散。日曬不乾。水浸不爛。等閑挂在太虛中。一任傍人冷眼看。

沂州馬鞍山福聖院仲易禪師上堂。一三三四五陸。堂擊法鼓。簇簇齊上來。一一面相睹。秋色滿庭秋。風動寰宇。更問祖師。禪雪峰到投子。咄。

東京慧林慧海月印禪師。僧問。師唱誰家曲。宗風嗣阿誰。師曰。黃金地上玉樓臺。曰。如何是祖師西來意。師曰。三月洛陽人。戴花上堂。黃金地上具眼者。未肯安居。荆棘林中。本分底。留伊不得。祇如去此二途。作麼生。是衲僧行履處。良久曰。舉頭煙靄裏。依約見家山。上堂。顧視大眾。拍禪牀一下。曰。聊表不空。便下座。楊州建隆原禪師。姑蘇夏氏子上堂。拈拄杖曰。買帽相頭。依模畫樣。從他野老。自顰眉。誌公不是閑和尚。卓拄杖下座。

保寧英禪師法嗣

臨安府廣福院惟尚禪師。初參覺印。問曰。南泉斬貓。

兒意旨如何。印曰。須是南泉始得。印以前語詰之。師不能對。至僧堂。忽大悟。曰。古人道。從今日去。更不疑天下老和尚。舌頭信有之矣。述偈呈印曰。須是南泉第一機。不知不覺。驚頭雖覲面。若無青白眼。還如鸛鵲守空池。舉未絕印。豎拳曰。正當恁麼時。作麼生。師掀倒禪牀。印遂喝。師曰。賊過後。張弓便出。住廣福。日室中問僧。提起來作麼生。會又曰。且道是箇甚麼。要人提起。

明州雪竇法寧禪師。衢州杜氏子上堂。百川異流。以海為極。森羅萬象。以空為極。四聖六凡。以佛為極。明眼衲子。以拄杖子為極。且道。拄杖子以何為極。有人道。得山僧兩手分付。儻或未。然不如閑倚禪牀。畔留與兒孫指路頭。

開先珣禪師法嗣

廬州延昌照詠禪師。僧問。少林面壁意旨如何。師曰。慚惶殺人。

廬州開先宗禪師上堂。一不做。二不休。捩轉鼻孔。拈下雲頭。禾山解打鹽官鼓。僧繇不寫戴嵩牛。廬陵米。

投子油雪峯依舊觀雙毬夜來風送衡陽信寒鴈一聲霜月幽

甘露頤禪師法嗣

楊州光孝元禪師僧問如何是和尙家風師曰七顛八倒曰忽遇客來如何祇待師曰生鐵蒺藜劈口壓

雪竇榮禪師法嗣

福州雪峯大智禪師僧問如何是祖師西來意師銜拂柄示之僧曰此是香巖底和尚又作麼生師便喝僧大笑師叱曰這野狐精

元豐滿禪師法嗣

福州雪峯宗演圓覺禪師恩州人也僧問不慕諸聖不重已靈時如何師曰欸出囚口曰便恁麼會去時如何師曰換手搥胸問如何是大善知識心師曰十字街頭片瓦子辭衆曰僧問如何是臨岐一句師曰有馬騎馬無馬步行曰途中事作麼生師曰賤避貴上堂遣迷求悟不知迷是悟之鉗鎚愛聖憎凡不知凡是聖之鑑藉祇如聖凡雙泯迷悟俱忘一句作麼生道半夜彩霞籠玉像天明峰頂五雲遮

衡州王大夫遺其名以喪偶歎世相遂參元豐於言下知歸豐一日謂曰子乃今之陸亘也公便掩耳既而回壇山之陽縛茅自處者三載偶歌曰壇山裏日何長青松嶺白雲鄉吟鳥啼猿作道場散髮采薇歌又笑從教人道野夫狂

育王振禪師法嗣

明州岳林真禪師上堂古人道初秋夏末合有責情三十棒岳林則不然靈山會上世尊拈華迦葉微笑正當恁麼時好與三十棒何故如此太平時節強起干戈教人吹大法螺擊大法鼓舉步則金蓮蹤蹠端居則寶座巍峩梵王引之於前香花繚繞帝釋隨之於後龍象駢羅致令後代兒孫遞相倣效三三兩兩皆言出格風標劫劫波波未肯歸家隱坐鼓唇搖舌宛如鐘磬笙竽奮臂點胸何啻稻麻竹葦更逞遊山翫水撥草瞻風人前說得石點頭天上飛來花撲地也好與三十棒且道坐夏賞勞如何酬獎良久曰萬寶功成何厚薄千鈞價重自低昂

招提湛禪師法嗣

秀州華亭觀音和尚。僧問。如何是佛。師曰。半夜烏龜火裏行。曰。意作麼生。師曰。虛空無背面。僧禮拜。師便打。

南嶽下十四世

淨慈明禪師法嗣

臨安府淨慈象禪師。越州山陰人也。上堂。古者道一。繫在眼。空花亂墜。拈拄杖曰。淨慈拈起拄杖。豈不是一翳在眼。百千諸佛。總在拄杖頭。現丈六紫磨金色之身。乘其國土。遊歷十方。說一切法。度一切衆。豈不是空花亂墜。即今莫有向拄杖未拈已前。坐斷得麼。出來與淨慈相見。如無切忌。向空本無花。眼本無翳。處著倒。乃擲拄杖下座。

福州雪峰隆禪師。上堂。一不成。二不是。口喫飯。鼻出氣。休云北斗藏身。說甚南山鼉鼻家財。運出任交。勸君莫競錐頭利。

長蘆和禪師法嗣

鎮江府甘露達珠禪師。福州人。上堂。聖賢不分古今。惟一可謂火就燥。水流濕。鑿井而飲。耕田而食。大衆。

東村王老去。不歸紛紛黃葉空。狼籍。

臨安府靈隱惠淳。開智禪師。上堂。吾心似秋月。碧潭清皎潔。乃喝曰。寒山子話墮了也。諸禪德。皎潔無塵。豈中秋之月。可比。虛明絕待。非照世之珠。可倫。獨露乾坤光。吞萬象。普天匝地。耀古騰今。且道是箇甚麼。良久曰。此夜一輪滿。清光何處無。

雪峰慧禪師法嗣

臨安府淨慈月堂道昌。佛行禪師。湖州寶溪吳氏。僧問。大用現前。不存軌則。時如何。師曰。張家兄弟太無良。曰。恁麼則一切處皆是去也。師曰。莫唐突人。好問心。生則法生。心滅則法滅。祇如心法。雙忘時。生滅在甚麼處。師曰。左手得來。右手用問。如何是從上宗門中事。師曰。一畝地。曰。便恁麼會。時如何。師曰。埋沒不少。問。如何是諸佛本源。師曰。屋頭問路。曰。向上還有事也。無師曰。月下拋瓶。上堂。未透祖師。關千難與萬難。既透祖師。關千難與萬難。未透時。難。即且置。既透了。因甚麼却難。放下。芥籬。雖得。價動他。杓柄也。無端上堂。與我相似。共你無緣。打翻藥鉢。傾出爐煙。還丹。

一粒分明在流落人間是幾年。咄上堂雁過長空影。
 沉寒水鴈無遺蹤之意。水無留影之心。若能如是。正
 好買草鞋行脚。所以道。動則影現。覺則冰生。不動不
 覺。正在死水裏。薦福老人出頭不得。卽且置育王今
 日又作麼生。向道莫行山下路。果聞猿叫斷腸聲。歲
 旦上堂。舉拂子曰。歲朝把筆萬事皆吉。忽有箇漢出
 來。道和尚這箇是三家村裏保正書門底。爲甚麼將
 來華王座上。當作宗乘。祇向他道。牛進千頭。馬入百
 正。

臨安府徑山照堂了一禪師。明州人。上堂。參玄之士。
 觸境遇緣。不能直下透脫者。蓋爲業識深重。情妄膠
 固。六門未息。一處不通。絕點純清。含生難到。直須入
 林。不動草入水。不動波。始可順生死。流入人間。世諸
 人要會麼。以拄杖畫曰。祇向這裏薦取。

鎮江府金山了心禪師。上堂。佛之一字。執云無。木馬
 泥牛。滿道途。倚遍欄干。春色晚。海風吹斷碧珊瑚。還
 有同聲相應。同氣相求者麼。百鳥不來。樓閣閉。祇聞
 夜雨滴芭蕉。

香嚴月禪師法嗣

鄧州香嚴倚松如壁禪師。撫州饒氏子。上堂。變化密
 移。何太急。刹那念念一呼吸。八萬四千方。便門且道
 何門不可入。入不入。曉來雨打芭蕉濕。殷勤更問箇
 中人。門外堂堂相對立。聞啄木鳥鳴。說偈曰。剝剝剝
 裏面有蟲。外面啄多少。茫茫瞋睡人。頂後一錐。猶未
 覺。若不覺。更聽山僧剝剝剝。

慧林深禪師法嗣

臨安府靈隱寂室慧光禪師。錢塘夏侯氏。僧問。飛來
 山色。示清淨法身。合澗溪聲。演廣長舌。相正當。恁麼
 時。如何是雲門一曲。師曰。芭蕉葉上三更雨。曰。一句
 全提。超佛祖。滿筵朱紫盡。知音師曰。逢人不得錯舉。
 上堂。不用求真。何須息見。倒騎牛。分入佛殿。羌笛一
 聲。天地空。不知誰識瞿曇面。

台州國清愚谷妙印禪師。上堂。滿口道得。底爲甚麼。
 不知有十分。知有底。爲甚麼。滿口道不得。且道。諸訛
 在甚麼處。若也知得。許你照用。同時明闇俱了。其或
 未然。道得道不得。知有不知有。南山石大蟲。解作師。

子吼

台州國清垂慈普紹禪師上堂。靈雲悟桃花。玄沙傍不肯。多少癡禪和。擔雪去填井。今春花又開。此意誰能領。端的少人知。花落春風靜。

泉州九座慧邃禪師上堂。九座今日向孤峰絕頂。駕一隻鐵船。截斷天下人。要津教他揮篙動棹。不得有箇錦標子。且道在甚麼人手裏。拈拄杖曰。看看向道是龍剛不信。等閑奪得始驚人。

報恩然禪師法嗣

秀州資聖元祖禪師僧問。紫金蓮捧千輪足。白玉毫輝萬德身。如何是佛。師曰。拖槍帶甲。曰。貫花千偈。雖殊品。標月還歸理。一如如何是法師。曰。元豐條紹興。令曰。林下雅爲方。外客人間堪作火。中蓮如何是僧。師曰。披席把碗。

慧林海禪師法嗣

廬山萬杉壽堅禪師相州人。歲旦上堂。有一人不拜。歲不迎新。寒暑不能侵其體。聖凡不能混其迹。從來鼻孔。遼天誰管。多年曆日。大衆且道此人。卽今在甚。

麼處。卓拄杖曰。咄咄咄。沒處去。

開先宗禪師法嗣

瑞州黃檗惟初禪師常州蔡氏子。上堂。我見宗大哥。平生稿默危坐。所謂朽木形骸。未嘗口角。饒饒將佛祖言教。以富門庭。祇要富人。歇得十成。自然不向這殼漏子上著。倒有僧問。既不向這殼漏子上著。倒未審如何保任。師曰。無你用心處。曰。和尚豈無方便。師曰。鐵餅既無。汁壓沙那有油。

潭州嶽麓海禪師僧問。進前三步時如何。師曰。撞頭。碰額。曰。退後三步時如何。師曰。墮坑落壑。曰。不進不退時如何。師曰。立地死漢。

雪峰演禪師法嗣

福州西禪慧舜禪師眞定府人。上堂。五日一參。三八普說。千說萬說。橫說豎說。忽有箇漢出來道。說卽不無。爭奈三門頭。兩箇不肯。山僧卽向他道。瞎漢。若不得他。兩箇西禪。大似不遇知音。

南嶽下十五世

雪竇明禪師法嗣

密州嶠山寧禪師上堂有時孤峰頂上。嘯月眠雲。有時大洋海中。翻波走浪。有時十字街頭。七穿八穴。諸人還相委悉麼。樟樹花開。盛芭蕉葉最多。

淨慈昌禪師法嗣

臨安府五雲悟禪師。茗溪人也。上堂。月堂老漢。道行不見。行是箇甚麼。坐不見。坐是箇甚麼。著衣時不見。著衣是箇甚麼。喫飯時不見。喫飯是箇甚麼。山僧雖與他同牀打睡。要且各自做夢。何故。行見行。坐見坐。著衣時見著衣。喫飯時見喫飯。無有不見底道理。亦無箇是甚麼。諸人且道。老漢底是五雲底。是拈拄杖卓一下。曰。桃紅李白。薔薇紫。問著春風。總不知。

雲隱光禪師法嗣

臨安府中竺癡禪師。元妙禪師。婺州王氏。僧問。如何是截斷衆流。師曰。佛祖開口。無分。曰。如何是函蓋乾坤。師曰。匝地普天。曰。如何是隨波逐浪。師曰。有時入荒草。有時上孤峰。上堂。黃昏雞報曉。半夜日頭明。驚起雪師子。瞪開紅眼睛。上堂。去年梅今歲柳。顏色馨香。喝一喝。良久。曰。若不得這一喝。幾乎道著。依

舊。且道道著。後如何。眼睛突出。

圓覺曇禪師法嗣

撫州靈巖圓日禪師。上堂。悟無不悟。得無不得。九年面壁。空勞力。三脚驢兒。跳上天。泥牛入海。無蹤跡。爲甚如此。九十九。

嶽麓海禪師法嗣

荊門軍玉泉思達禪師。僧問。如何是一印。印空師曰。萬象收歸古鑑中。曰。如何是一印。印水師曰。秋蟾影落千江裏。曰。如何是一印。印泥師曰。細觀文彩未生時。

南嶽下十六世

中竺妙禪師法嗣

温州光孝已菴深禪師。本郡人也。上堂。曰。龍生龍。鳳生鳳。老鼠養兒。沿屋棟。達磨大師。不會禪。歷魏遊梁。乾打。闌上堂。一九二九。相逢不出手。三九二十七。籬頭吹。鶯栗。翻憶小釋迦。雙手抱屈膝。知不知。實不實。摩訶般若波羅蜜。上堂。維摩默然。普賢廣說。歷代聖人。互呈醜拙。君不見。落花三月子。規啼一聲聲。是一

點血上堂風蕭蕭葉飄飄雲片片水茫茫江干獨立
向誰說天外飛鴻三兩行

未詳法嗣

實性大師因同參芙蓉訓禪師至上堂以右手拈拄
杖倚放左邊良久曰此事若不是芙蓉師兄也大難
委悉便下座黃龍南拈云實性用不得便休却將佛
法爲人情致令千載之下與人作笑端
且道利害在什麼處徑山容曰性大師可謂以前從
苗辨地因語識人既到門來便爾成礙相馬驅黃之外
樂琴絃徽之表黃龍南謂實性用不得便休却將佛法
爲人情致令千載與人作笑端怎麼批判陪却一城人
裏去

茶陵郁山主不曾行脚因廬山有化士至論及宗門
中事教令看僧問法燈百尺竿頭如何進步燈云噫
凡三年一日乘驢度橋一踏橋板而墮忽然大悟遂
有頌云我有神珠一顆久被塵勞關鎖今朝塵盡光
生照破山河萬朵因茲更不遊方師乃白雲端和尚
得度師雲有贊曰百尺竿頭曾進步溪橋一踏沒山
河從茲不出茶川上吟嘯無非囉哩囉

僧肇法師遭秦王難臨就刑說偈曰四大元無主五
陰本來空將頭臨白刃猶似斬春風

玄沙云大小羣
法師臨死猶羣

語

禪月實休禪師有詩曰禪客相逢祇彈指此心能有
幾人知大隨和尚舉問曰如何是此心師無對歸宗
柔代
云能有
幾人知

先淨照禪師問楞嚴大師經中道若能轉物即同如
來若被物轉即名凡夫祇如昇元閣作麼生轉嚴無
對汾陽代云
彼此老大

公期和尙因往羅漢路逢一騎牛公子師問羅漢路
向甚麼處去公拍牛曰道道師喝曰這畜生公曰羅
漢路向甚麼處去師却拍牛曰道道公曰直饒恁麼
猶少蹄角在師便打公拍牛便走

唐朝因禪師徵時嘗運槌擊土次見一大塊戲槌猛
擊之應碎豁然大悟後有老宿問云盡山河大
地被因禪師一擊百雜碎
福州東山雲頂禪師泉州人遺其以再下春闈往雲

臺大吼寺剃染具戒即謁大愚芝神鼎踵後見羅漢
下尊宿始徹已事道學有聞叢林稱爲頂三教僧問
如何是和尙日用事師曰我喫飯汝受飢曰法法不
相到又作麼生師曰汝作罪我皆知問如何是和尙

一枝拂師曰打破修行窟曰怎麼則本來無一物也師曰知無者是誰曰學人罪過師曰再思可矣居士問洞山道有一物上拄天下拄地未審是甚麼物師曰擔鐵枷喫鐵棒曰天地黑山河走師曰闍老殿前添一鬼北邙山下臥千年士叫快活快活師曰也是野狐吞老鼠九龍觀道士并三士人請上堂儒門畫八卦造契書不救六道輪回道門朝九皇鍊真氣不達三祇劫數我釋迦世尊洞三祇劫數救六道輪回以大願攝人天如風輪持日月以大智破生死若劫火焚秋毫入得我門者自然轉變天地幽察鬼神使須彌鐵圍大地大海入一毛孔中一切衆生不覺不知我說此法門如虛空俱含萬象一爲無量無量爲一若人得一卽萬事畢珍重

婺州雲幽重憚禪師今日初謁雪峰次依石霜乃開法雲悟旋里隱居蔽形唯一衲住後上堂雲幽一隻箭虛空無背面射去徧十方要且無人見時有僧問如何是和尙一隻箭師曰盡大地人無觸體雙溪布衲如禪師因嵩禪師戲以詩悼之曰繼祖當

吾代生緣行可規終身常在道識病懶尋醫貌古筆難寫情高世莫知慈雲布何處孤月自相宜師讀罷舉筆答曰道契平生更有誰閑卿於我最心知當初未欲成相別恐誤同參一首詩投筆坐亡於六十年後塔戶自啓其真容儼然

舒州投子通禪師僧問達磨未來時如何師曰兩岸唱漁歌曰來後如何師曰大海涌風波問如何是孤峯頂上節操長松師曰能爲萬象主不逐四時凋問如何是和尙這裡佛法師曰東壁打西壁

處州法海立禪師因朝廷有旨革本寺爲神霄宮師陞座謂衆曰都緣未徹所以說是說非蓋爲不真便乃分彼分此我身尙且不有身外焉足道哉正眼觀來一場笑具今則聖君垂旨更僧寺作神霄佛頭上添箇冠兒算來有何不可山僧今日不免橫擔拄杖高挂鉢囊向無縫塔中安身立命於無根樹下嘯月吟風一任乘雲仙客駕鶴高人來此呪水書符叩牙作法他年成道白日上昇堪報不報之恩以助無爲之化祇恐不是玉是玉也大奇然雖如是且道山僧

轉身一句作麼生道還委悉麼。擲下拂子竟爾趨寂。郡守具奏其事奉旨改其寺曰眞身。

汝州天寧明禪師改德士曰師登座謝恩畢乃曰木簡信手拈來坐具乘時放下雲散水流去寂然天地空卽斂目而逝。

蜀中仁王欽禪師僧問如何是佛師曰聞名不如見面曰如何是祖師西來意師曰鬧市裏弄胡蝶曰如何是道曰大蟲看水磨。

金陵鐵索山主

遺其氏

僧問久嚮鐵索未審作何面目。

主打露柱僧曰謝見示主曰你據箇甚麼便恁麼道。僧却打露柱主曰且道索在恁麼處僧作量勢主曰今日遇箇同參。

樓子和尙不知何許人也遺其名氏一日偶經遊街市間於酒樓下整襪帶次聞樓上人唱曲云你旣無心我也休忽然大悟因號樓子焉。

神照本如法師嘗以經王請益四明尊者者震聲曰汝名本如師卽領悟作偈曰處處逢歸路頭頭達故鄉本來成現事何必待思量。

臨安府上竺圓智證悟法師台州林氏子依白蓮偈法師問具變之道蓮指行燈曰如此燈者離性絕非本自空寂理則具矣六凡四聖所見不同變則在焉師不契後因掃地誦法華經至知法常無性佛種從緣起始諭旨告蓮蓮然之師領徒以來嘗患本宗學者囿於名相膠於筆錄至以天台之傳爲文字之學南宗鄙之乃謁護國此庵元禪師夜語次師舉東坡宿東林偈且曰也不易到此田地庵曰尙未見路徑何言到耶曰祇如他道溪聲便是廣長舌山色豈非清淨身若不到此田地如何有這箇消息庵曰是門外漢耳曰和尙不吝可爲說破庵曰却祇從這裡猛著精彩觀捕看若觀捕得他破則亦知本命元辰落著處師通夕不寐及曉鍾鳴去其秘密以前偈別曰東坡居士太饒舌聲色關中欲透身溪若是聲山是色無山無水好愁人特以告此庵庵曰向汝道是門外漢師禮謝未幾有化馬祖殿瓦者求語發揚師書曰寄語江西老古雖從教日炙與風吹兒孫不是無料理要見冰消瓦解時此庵見之笑曰須是這闍黎

始得

饒州薦福承古禪師。操行高潔。稟性虛明。參大光敬玄禪師。乃曰。祇是箇草裏漢。遂參福嚴雅和尚。又曰。祇是箇脫灑衲僧。由是終日默然深究。先德洪規。一日。覽雲門語。忽然發悟。自此韜藏。不求名聞。棲止雲居弘覺禪師塔所。四方學者奔湊。因稱古塔主也。景德四年。范公仲淹出守鄱陽。聞師道德。請居薦福。開闡宗風。僧問。大善知識。將何爲人。師曰。莫曰恁麼。則有問有答去也。師曰。莫問青翠竹。盡是真如鬱鬱黃花。無非般若。如何是般若。師曰。黃泉無老少。曰。春來草自青。師曰。聲名不朽。曰。若然者。碧眼胡僧也。嚴眉師曰。退後三步。僧曰。苦師乃。咤咤問。臨濟舉拂。學人舉拳。是同是別。師曰。訛言亂衆。曰。恁麼則依令而行也。師曰。天涯海角。問一喝分賓主。照用一時。行此意如何。師曰。乾柴濕茭。僧便喝。師曰。紅燄炎天上。堂夫出家者。爲無爲法。無爲法中。無利益。無功德。近來出家人。貪著福慧。與道全乖。若爲福慧。須至明心。若要達道。無汝用心。處所以常勸諸人。莫學佛法。但自

休心利根者。盡時解脫。鈍根者。或三五年。遠不過十年。若不悟去。老僧與你入拔舌地獄。參

和州淨戒守密禪師。師闡福古僧問。如何是佛。師曰。稽首

稽首。曰。學人有分也。無師曰。頓首。頓首。僧作舞而出。

師曰。似則恰似。是卽未是。

本嵩律師。因無爲居士楊傑。請問宣律師所講毗尼性體。師以偈答曰。情智何嘗異。犬吠地自行。終南的意。日午打三更。

昔有一老宿。一夏不爲師僧說話。有僧歎曰。我祇恁麼空過。一夏不敢望和尚說佛法。得聞正。因兩字也得。老宿聞。乃曰。闍黎莫暫速。若論正。因一字也。無道了。叩齒云。適來無端。不合與麼道。隣壁有一老宿。聞曰。好一釜羹。破一顆鼠糞。汚却雲寶代云。誰家釜裏無一兩顆。

昔有一僧。在經堂內。不看經。每日打坐。藏主曰。何不看經。僧曰。某甲不識字。主曰。何不問人。僧近前。叉手鞠躬。曰。這箇是甚麼字。主無對。大通本代云。又道不識。

昔有一老宿。住菴於門上。書心字於牕上。書心字於壁上。書心字。法眼云。門上但書門字。牕上但書牕字。壁上但書壁字。玄覺云。門上不要書門。

字牒上不要書牒字壁上不要書壁字何故字義炳然

昔有二庵主住庵旬日不相見忽相會上庵主問下庵主多時不相見向甚麼處去下庵主曰在庵中造箇無縫塔上庵主曰某甲也要造一箇就兄借取塔樣子下庵主曰何不早說恰被人借去了也法眼云且避是借他樣不借他樣

昔有一庵主見僧來豎起火筒曰會麼曰不會主曰三十年用不盡底僧却問三十年前用箇甚麼主無對歸宗柔代云也要知

昔有一老宿因江南國主問予有一頭水牯牛萬里無寸草未審向甚麼處放宿無對歸宗柔代云好處放

昔有一老宿問僧甚麼處來僧曰牛頭山禮拜祖師來宿曰還見祖師麼僧無對歸宗柔代云大似不相信

昔有一老宿有偈曰五蘊山頭一段空同門出入不相逢無量劫來質屋住到頭不識主人公有老宿云既不識他當初問甚麼人質

僧問老宿如何是密室中人老宿曰有客不答話玄沙云何曾密歸宗柔別老宿云你因甚麼得見

昔有一老宿因僧問魂兮歸去來食我家園甚如何是家園玄覺代云是亦食不得法燈云汚却你口

昔有一老宿曰祖師九年面壁爲訪知音若怎麼會得喫鐵棒有日在又一老宿曰祖師九年面壁何不慚惶若怎麼會得更買草鞋行脚三十年耶耶覺云既不然而且

道祖師面壁意作麼生良久云欲得不招無間業莫謗如來正法輪

昔有一老宿因僧問師子捉兔亦全其力捉象亦全其力未審全箇甚麼力老宿曰不欺之力法眼別云不會古人話

昔有一老宿曰這一片田地分付來多時也我立地待汝搆去法眼云山僧如今坐地待汝搆去還有道理也無那箇親那箇疎試裁斷看

昔有老宿畜一童子竝不知軌則有一行脚僧到乃教童子禮儀晚間見老宿外歸遂去問訊老宿怪訝遂問童子曰阿誰教你童曰堂中某上座老宿喚其僧來問上座傍家行脚是甚麼心行這童子養來二三年了幸自可憐生誰教上座教壞伊快束裝起去黃昏雨淋淋地被趨出法眼云古人怎麼顯露些子家風甚怪且道意在於何昔有僧到曹溪時守衣鉢僧提起衣曰此是大庾嶺

頭提不起底僧曰爲甚麼在上座手裏僧無對

雲門云彼

此不了又云將謂是師子兒

昔有僧因看法華經至諸法從本來常自寂滅相忽疑不決行住坐臥每自體究都無所得忽春月聞鶯聲頓然開悟遂續前偈曰諸法從本來常自寂滅相春至百花開黃鶯啼柳上

昔有老宿問一座主疏鈔解義廣略如何主曰鈔解疏疏解經宿曰經解甚麼主無對

昔高麗國來錢塘刻觀音聖像及昇上船竟不能動因請入明州開元寺供養後有設問無利不現身聖像爲甚不去高麗國長慶後云現身雖普觀相生偏法眼別云識得觀音未

泗州塔前一僧禮拜有人問上座日日禮拜還見大

聖麼法眼代云汝道禮拜是甚麼義

泗州塔頭侍者及時鎖門有人問既是三界大師爲

甚麼被弟子鎖侍者無對法眼代云弟子鎖大師鎖法眼代云還我鎖匙來又

老宿代云吉州鎮虔州鎮

聖僧像被屋漏滴有人問僧既是聖僧爲甚麼有漏

僧無對紹國師代云無漏不是聖僧

有人問僧點甚麼燈僧曰長明燈曰甚麼時點曰去年點曰長明何在僧無語長慶後代云若不如知公不受人謾法眼別云利勤君子

有座主念彌陀名號次小師喚和尚及回顧小師不對如是數四和尚叱曰三度四度喚有甚麼事小師曰和尚幾年喚他即得某甲纔喚便發業法眼代云咄叱有僧與童子上經了令持經著函內童子曰某甲念底著向那裏法眼代云汝念甚麼經

一僧注道德經人問曰久齋大德注道德經僧曰不敢曰何如明皇法眼代云是弟子

有僧入冥見地藏菩薩藏問你平生修何業僧曰念法華經曰止止不須說我法妙難思爲是說是不說僧無對歸宗柔代云此回歸去敢爲流通

鹽官會下有一主事僧忽見一鬼使來追僧告曰某甲身爲主事未暇修行乞容七日得否使曰待爲白王若許即七日後來不然須臾更至言訖不見至七日後復來覓其僧了不可得後有人舉問一僧若被覓著時如何抵礙他洞山代云被他覓得也

台州六通院僧欲渡船有人問既是六通爲甚麼假

船僧無對天台詔國師代云不欲驚衆

洪州太守宋令公一日大寧寺僧陳乞請第二座開

堂公曰何不請第一座衆無語法眼代云不勞如此

江南相馮延巳與數僧遊鍾山至一人泉問一人泉

許多人爭得足一僧對曰不教欠少延巳不肯乃別

曰誰人欠少法眼別云誰是不足者

官人問僧名甚麼曰無揀官人曰忽然將一碗沙與

上座又作麼生曰謝官人供養法眼別云此猶是揀底

廣南有僧住庵國主出獵左右報庵主大王來請起

主曰非但大王來佛來亦不起王問佛豈不是汝師

主曰是王曰見師爲甚麼不起法眼代云未足酬恩

福州洪塘橋上有僧列坐官人問此中還有佛麼僧

無對法眼代云汝是甚麼人

昔有官人入鎮州天王院觀神像因問院主曰此是

甚麼功德曰護國天王曰祇護此國徧護餘國曰在

秦爲秦在楚爲楚曰臘月二十九日打破鎮州城天

王向甚麼處去主無對

昔有官人作無鬼論中夜揮毫次忽見一鬼出云汝

道無我贊五祖演云老僧當時若見但以手作鵝鵝鵝向伊道谷呱呱

昔有道流在佛殿前背佛而坐僧曰道士莫背佛道

流曰大德本教中道佛身充滿於法界向甚麼處坐

得僧無對法眼代云識得汝

有一行者隨法師入佛殿行者向佛而唾師曰行者

少去就何以唾佛者曰將無佛處來與某甲唾師無

對潯山云仁者却不仁者不仁者却不仁者却仁者仰山代法師云但隨行者又云行者若有語即向伊道還我

無行者處來

死魚浮於水上有人問僧魚豈不是以水爲命僧曰

是曰爲甚麼却向水中死僧無對杭州天龍橋和尚代云是伊爲甚麼

不去岸上死

鷄子趁鷄子飛向佛殿欄干上顛有人問僧一切衆

生在佛影中常安常樂鷄子見佛爲甚麼却顛僧無

對法燈代云怕佛

昔有一僧去覆船路逢一賣鹽翁僧問覆船路向甚

麼處去翁良久僧再問翁曰你患鹽那僧曰你向我

道甚麼翁曰向你道覆船路僧曰翁莫會禪麼翁曰

莫道會禪佛法也會盡僧曰你試說看翁挑起鹽籃

僧曰難翁曰你喚這箇作甚麼僧曰鹽翁曰有甚麼

交涉僧曰你喚作甚麼曰不可更向你道是鹽徑山容拈

云看此賣私鹽漢因何得致通身手眼撞着遂蕭露風

規背去便撩鉤搭索放去收來只要人知有可惜者僧

大似破露柱底瞎漢若當時見便恁麼激揚便翻却

鹽籃而去不妨令這賣鹽翁疑着此僧具什麼眼目

昔有婆子供養一庵主經二十年常令一二八女子

送飯給侍一日令女子抱定曰正恁麼時如何主曰

枯木倚寒巖三冬無暖氣女子舉似婆婆曰我二十

年祇供養得箇俗漢遂遣出燒却庵密庵傑拈云這箇公案叢林中

少有拈提者傑上座不免裂破面皮納敗一上也

方檢點乃召大眾云這婆子洞房穩密水泄不通

枯木上移花寒巖中發焰箇僧孤身過過價入洪波

間坐斷潑天潮到底身無涓滴水仔細檢點將來敲

打鎖則不無二人若是佛法未夢見在烏曰與麼提

畢竟意歸何處良久曰一把柳絲收不得和烟搭在

欄干徑山容拈曰者箇婆子二十年中將塩鹽攪茄

樹時箇既久令人特往一探將謂爲當家種草元來

地生苗遂遣出并燒却庵若是山僧待他抱住云正

麼時如何但堅拂子云與你證據了也更復疑議便

推開不唯其庵免燒抑且眼明千古豈墮枯木寒巖無

煙氣之壘乎

昔有一僧參米胡路逢一婆住庵僧問婆有眷屬否

曰有僧曰在甚麼處曰山河大地若草若木皆是我

眷屬僧曰婆莫作師姑來否曰汝見我是甚麼僧曰

俗人婆曰汝不可是僧僧曰婆莫混濫佛法好婆曰

我不混濫佛法僧曰汝恁麼豈不是混濫佛法婆曰

你是男子我是女人豈會混濫徑山容拈云笑此僧

行脚等閑遇着者婆

眼面提持不能轉機發用只管格背當風別打之邊故

被婆子三敲四碯大似立在下風無自由分者婆不知

曾見什麼人來于驀地相逢却說能披露風規以見眼

清明若是山僧當時見婆云山河大地若草若木皆是

我眷屬但拈拄杖示云爲什麼者箇不肯禮拜汝

他若擬對便驀頭打管教者婆子轉身不得去在

龐行婆入鹿門寺設齋維那請意旨婆拈梳子插向

髻後曰回向了也便出去徑山容拈云奇特底事還

須落出格人顯露龐婆恁麼做次不妨驚羣難說不是

出格奇特但推那不能出一手眼大似辜負山僧若作

維那便與背上一拳要見

賞罰分明益顯法苑有人

温州陳道婆嘗徧扣諸方名宿後於長老山淨和尚

語下發明有偈曰高坡平頂上盡是深樵翁人人盡

懷刀斧意不見山花映水紅

昔有施主婦人入院行衆僧隨年錢僧曰聖僧前著

一分婦人曰聖僧年多少僧無對法眼代云心期滿

代云只恐施主力所不及

青州佛覺禪師頌仰山師子話曰一色無過指示人

白銀世界裏頻申超然推倒還扶起爭似東風煦日

新

圓通善國師師佛曰自江右至燕寓大聖安一日

與佛覺夜話時師年方十二座右侍立曰曰山僧自南方來拄杖頭不曾撥著一個會佛法者師又手進曰自是和尙拄杖短日大驚曰可乞此子續吾臨濟一宗師曰雲門臨濟豈有二耶曰稱賞不已金世宗幸聖安瑞像殿問師曰禮則是不禮則是師曰禮則互相敬重不禮則各自稱尊帝大悅後住延聖示衆舉觀音餅餅話師曰韶陽老人可謂唱彌高而和彌寡如今却向延聖拂子頭上入方網三昧東方入定西方起乃至男身入定女身起還會麼野色更無山隔斷月光直與水相通昔有二僧同行性急者在前呼在後者曰光陰迅速疾走上來後僧曰大道廣濶忙作甚麼師頌曰光陰迅速疾走上來路頭踏著優鉢花開大道廣濶忙作甚麼放開肚皮一時包裹師見玄悟玉香山彝言涉嘲謔責曰總似汝輩佛法豈到今日

燕京慶壽玄悟玉禪師師金顯宗令中使持紙一

張書心佛二字問師曰者是甚麼字時圓通在坐應

聲答曰不是心不是佛稱旨次日令旨賜長短句曰但能了淨萬法因緣何足問日用無爲十二時中更勿疑常須自在識取從來無掛礙佛佛心心心若依佛也是聖師答謝曰無爲無作認著無爲還是縛炤用同時電卷星流已大遲非心非佛喚作非心猶是物人境俱空萬象森羅一鏡中

黃山趙文孺居士師嘗作頌曰妄想元來本自真

除時又起一重塵言思動靜承誰力仔細看來無別人

高郵定禪師師玄參玄悟室中舉僧問玄沙如何是

清淨法身沙曰膿滴滴地師忽有省僧問透網金鱗以爲何食師曰乾屎橛

鄭州普照寶禪師磁州武氏子於潞陽造仰山寺忽

有題詩柱上者曰人道斑鳩拙我道斑鳩巧一根兩

根柴便是家緣了師大悟即入西山結茅以居徧歷

諸山往峽峪寶岩寺一夕大風震地晏坐而逝

杭州徑山雲庵慶禪師建陽人舉楊岐三脚驢話頌

曰楊岐一頭驢眼光如電。燦踏殺天下人。說甚三隻脚。

竹林巨川海禪師頌風鈴曰。銅唇鐵舌太尖新。樓角懸來不記春。言外百千三昧法。因風說與箇中人。燕京慶壽寺虛明教享禪師。濟州任城王氏子。先有慈濟寺僧福安。居有年于芒山村。倚樹而化。夢求託宿。遂生師焉。七歲出家。十五參方。聞鄭州普照法席之勝。往謁之。朝夕參叩。未有所入。後因事往雒陽。忽於馬上憶擊板因緣。有省。疑情不散。將抵河津。同行警曰。此河津也。師下馬。悲喜交集。歸以語寶實。曰。此僵臥人似欲轉動。示以日面佛公案。一日聞板聲。豁然親證。呈頌曰。日面月面星流電。轉若更遲疑。面門著箇咄。寶曰。吾瞞汝不得也。與定己卯秋七月十日。書頌堅坐而逝。

鎮府嘉山來禪師。僧問鐵牛和尚。塔何在。師以手指之。忽然省發。乃示頌曰。鐵牛鐵牛。更莫別求。有人問我。豎起指頭。

玉溪通玄庵圓通禪師。嘗問僧曰。折脚鑊兒爲活計。

穿心腕子作生涯。通玄庵內安然坐。不管山前事。似麻且道。安然底是什麼人。

五臺鐵勒院子範慧洪大師。因閱楞嚴。至一人發真。十方消殞。忽悟。遂造河朔汶禪師。陳所見。汶可之。臨終偈曰。六十春光又八年。浮雲收盡露青天。臨行踢倒須彌去。後夜山頭月正圓。更衣坐脫。

建寧府獎上慧空元模禪師。古田蘇氏子。一日入定。遊獎山。至玄獎禪師道場。有老人迎謁曰。吾爲師守此山五百年矣。言畢化黑龍而去。既寤。乃曰。吾當返本還元於此山也。遂卓庵。一日謂衆曰。吾於佛所號慧空菩薩。今化緣既畢。卽當入滅。因爲衆說四諦法。復說偈曰。四十餘年寄俗塵。如今却顯箇中尊。岩頭一夜東風起。吹得花開滿樹春。鐵船無舵亦無蓬。撐入金蓮性海中。末後一機今說破。白雲元不離長空。大地山河覓無跡。虛空撞破無端的。縱教鐵輪頂上旋。本性圓明常不失。復曰。西天第三代商那和修尊者。隱象白山。現龍奮迅三昧說法。調伏諸外道。然後化火自焚。吾今往象鼻岩前。亦當如是。乃入龍奮迅。

三昧時雲霧四起。雷雨大作。繼而化火自焚。衆收靈骨塔於庵之西。

鄭州普照寺佛光道悟禪師。蘭州冠氏子。偶宿灣子店。聞馬嘶豁然大悟。說偈曰。見也。羅見也。羅。徧虛空。只者箇。歸告母曰。某於途中拾一物。母曰。何物。師曰。無始來不見的。母掌曰。何喜之有。遂辭參。方母問何之。師曰。水流須到海。鶴出白雲頭。往參白雲海禪師。廼承印記。泰定二十四年。主普照。身著白衣。跨黃犢。吹短笛。遊於洛中。嘗曰。道我凡耶。曾向聖位中來道我聖耶。又向凡位中去。道我非凡。非聖耶。却向毗盧頂上。別有行處。泰和五年入滅。

杭州靈隱普覺淳朋禪師。嘉祐五年奉旨。斷還九里松集慶路上堂。山前一片閑田地。曠大劫來無界至。今朝恢復又歸來。坐斷脚頭并脚尾。東也是西也是。南北東西無不是。畢竟酬恩作麼生。十里荷花九里松。直指堂前香一炷。

天台上雲峯無盡祖燈禪師。四明王氏子。參日溪詠於天寧。問生死事大。無常迅速。乞賜指示。溪曰。十二

時中密密參究。忽然燭著。却來再問。師抗聲曰。無常迅速。生死事大。語未終。溪使喝。師作禮。溪曰。見何道理。便禮拜。師曰。開口即錯。溪頷之。後卓錫上雲峯。影不出山者五十年。洪武二年二月八日。示微疾。衆乞偈。師書曰。生滅與去來。本是如來藏。拶倒五須彌。廓然無背向。擲筆而逝。

杭州仙林寺雪庭禪師。仁和桂氏子。出家謁休休于仙林。一見契合。後聞鐘聲。大悟。偈曰。圓響心非聞。大千同一招。抹過上頭關。更不存玄妙。休印可之。示衆舉百丈撥火。瀉山得悟。因緣拈曰。家貧家富。父子方知。花落花開。春風不顧。應時應節。即是未免。傍觀者。哂呵呵。老不歇心。少不努力。

少林匾圖無空悟頤禪師。錫州陳氏子。辭父母出家。父曰。此兒尋常。引舌過鼻。非常人相。令投少林。一日跪於師前。請求法名。其師曰。道本無形。何名之有。師曰。三世諸佛。皆有名號。其師授以心經。念至五蘊皆空。豁然大悟。乃曰。身尙是幻。何處求名。一日其師手編大圓於師前。曰。匾圖是汝名也。師答曰。既名匾圖。

內也無空其師曰教外別傳方契此語後到峨嵋結茅以居一日至夔州江中曰道曠無涯逢人不盡下岸端坐而化

金陵永寧古淵清禪師聞鷄鳴有省偈曰嚶嚶金鷄報曉時不因他響誰能知三千世界渾如雪井底泥蛇舞柘枝呈古林香禪師林喝曰多嘴漢

伏牛無礙明理禪師方大汾州和氏子參大方隨衆

打七後同月庵大圓入終南一日菴舉高峯銀山鉄壁語師頓悟迷偈曰一覺心空疑便消拈來放去自逍遙運水搬柴全體現萬象森羅一性包過大方印證方曰伏牛打七則不問終南靜室意如何師曰伏牛打七泥團土塊終南靜室放大光明方震威一喝曰卽今光明在何處師向前一掌方呵呵大笑

達觀真可紫栢大師句曲沈氏子性雄猛十七剃髮遊方聞誦張拙偈至斷除妄想重增病趨向真如亦是邪大疑一日齋次忽悟乃曰使我在臨濟德山座下一掌便醒安用如何若何遊京師因神宗皇帝手書金剛經汗下漬紙疑更當易亟遣近侍質于師師

進偈曰御汗一滴萬世津梁無窮法藏從此放光帝大悅癸卯秋忽妖書發帝見章奏甚憐之在法不能免因逮及拷訊時神色自如抵死不屈臘月五日入獄法司定罪欲死師師說偈曰一笑絲來別有因那知大塊不容塵從茲收拾娘生足鐵枷花開不待春十七日索浴罷囑侍者曰吾去矣幸謝江南諸護法言訖端坐而逝壽六十一塔於雙徑師以大藏卷帙繁多難於通行遂主刻方冊以便四方流傳併師有全集十五卷盛行於世

蓮池祿宏大師古杭仁和人姓沈年十七補邑庠雖業儒志在出世每書生死事大四字於案頭自警三十一母喪徑投西山性天理和尙薙髮於昭慶無塵律師處受具北遊五臺參遍融後謁笑巖於柳巷求開示巖曰你三千里外求我開示我有甚麼開示師恍然卽禮辭過東昌道中聞譙樓鼓聲忽悟偈曰三十年前事可疑三千里外遇何奇焚香擲戟渾如夢魔佛空爭是與非遂南歸住雲棲開淨土門以攝三根由是四衆翕然歸之侍郎王公宗沐問夜來老鼠

唧唧說盡一部華嚴經。師曰：貓兒突出時如何？王無語。師自代云：走卻法師，留下講案。仍頌曰：老鼠唧唧，華嚴歷歷奇哉！王侍郎却被害畜生，惑貓兒突出，盡堂前牀頭說法，無消息，無消息。大方廣佛華嚴經世主妙嚴品第一臨終時，預於半月前別衆曰：吾欲他往矣。衆皆罔測。至七月初四日，果示微疾，面西而逝。世壽八十有一。僧薦五十師，自卜寺左嶺下，遂全身塔焉。其所著述經疏雜錄等二十餘種，行於世。

慙山德清大師金陵全椒蔡氏子，母感異夢而生。年十二，禮京之報恩西林菴，髮十九，受具，聽講華嚴十玄門。至海印森羅常住處，有得遂遊方，與妙峰爲友。初參遍融，乞指示。融默然直視，以接之。尋閱肇論，至梵志出家，白首而歸。隣人見之，曰：昔人猶在耶？志曰：吾猶昔人，非昔人也。忽悟，乃曰：今日始知鼻孔向下。時妙峰見之，喜曰：何所得？耶師曰：夜來兩箇鐵牛，闕入水中去也。至今絕消息。峰笑曰：且喜有住山本錢。又參笑巖，巖問你從何處來？曰：南方巖曰：記得來時路否？曰：一過便休。巖曰：子卻來處分明，師便禮拜。初

住臺山爲國祈嗣，聞望藉甚。後爲避名，隱於東海牢山慈聖李皇太后禮意殷重，親賜大藏紫衣，嗣遭無妄之謗，假道士奏論于神廟，朝中宰輔多深惜之，由是蒙旨矜察，坐以私創寺院，遣戍雷州。至韶陽禮祖，遂留曹溪。丙辰冬，登雙徑爲達觀大師秉炬，緇素聯集山谷爲之喧動。後隱匡山，閱六秋，韶陽郡守暨本省縉紳復堅請居曹溪。師曰：曹溪是吾昔日重寶也，即杖錫南行。越明年冬十月十三日，忽告衆曰：緣與時違化將焉托。一期事畢，吾將歸矣。午後索浴更衣，端坐而逝。世壽七十八，臘六十六，塔全身於南華寺。天子崗歷念餘歲，弟子輩因龜巖觀師狀貌如生，髮爪俱長，即以金漆其身，迎寺供養，稱肉祖云。

光州黃檗無念深，有禪師麻城熊氏子。往五臺伏牛，遍扣名宿，至廬山參大安。安曰：汝號甚麼？師曰：無念。安曰：那箇是無念？師茫然。回山對友說數年行脚事。友曰：何不問你自己？師曰：如何是自己？曰：拿物非手，喫飯非口。一夕聞哭，笑二聲相觸，有省。入龍湖同卓吾居士到驪馬山，有講主至，士問清淨本然，云何忽

生山河大地主講罷士對師曰汝試說看師擬對士將師膝上一推曰者箇邊師豁然偈曰四十餘年不住功窮來窮去轉無踪而今窮到無依倚始悔從前錯用功僧問如何是道之體師曰滿口道不著曰四大難散時如何師豎起拳曰者個不屬四大問如何出離生死師召僧僧應諾師曰從者裏出曰和尚說的話某不曉得師曰待汝曉得堪作甚麼曰何故瞞人師曰你夢不醒反怪別人

夔州白馬寺儀峯方彖禪師達州羅氏子參金佛山雲庵令看如何是鬼神觀不破之機三年有省出峽徧謁知識結茅雙溪一日午炊聞瓢中作聲忽大悟頌曰三玄三要沒來絲用盡機思無處求窓前移步竈前下白雲青峯齊點頭齊點頭南岳天台共一籌又曰二八女子嫁新郎續麻捻線一如常稱家豐儉隨時過懶插堂前者炷香萬曆壬辰秋歸達州中興白馬僧問如何是西來意師曰兩頭燒火一頭煙手中常執鼓鼓一面書蟲字一面書犇字凡答話多舉而搖之示寂塔于龍神山

廣信府鵝湖養庵心禪師上饒永氏子偶過鴈鴈念道者談四生之義師於言下洞明物我平等大意往洛之太平落髮南歸焦山度臘聞江中推船有省偈曰夜靜江空濶推船因因聲不知何所往擔子半邊輕謁華山聞山拈一段生涯六不收話猛提七日身心脫然尋歸里中住靈山畫大圓相於壁間曰內寫莫教塗黑外寫勿使傷白有人向圈裏圈外下得註脚者許汝學道無疑不然總是懶懶後住鵝湖嘗置無門鎖置丈壁以驗諸方偈曰上古留傳鎖憑君智鑰開若無開鎖法相見不須來萬曆丁卯二月晦日上堂說法設齋作別示偈曰八十餘年幻夢中鐵牛耕破太虛空臨行一句相分付半夜金烏帶日紅端坐而逝

建昌府壽昌無明慧經禪師撫州崇仁裴氏子初產雖祖父誦金剛經得晚故名生穎異不羣形儀蒼古九歲入鄉校便問浩然之氣是箇甚麼授書師異之及長讀金剛經恍若舊已即依廬山忠出家久而辭去禁足峨峯因閱傳燈見僧問與善如何是道善曰

大好山疑滯莫決一日力推巨石豁然大悟述偈曰
欲參無上菩提道急急疏通大好山知道始知山不
好翻身跳出祖師關趨呈廬山山印爲法器自是剃
染納具勞形苦骨影不出山者二十四載萬曆甲午
住寶方有僧問師住此山曾見何人師曰總未行脚
僧曰豈以一隅而小天下乎師善其言遂荷錫遠游
法門老宿無不推譽頃入五臺參瑞峯問趙州師乞
頌峯曰知是般事便休師作禮呈頌曰暗藏春色明
露秋光有眼莫鑑縱智難量到家不上長安路一任
風花雪月揚峯深肯師語妙叶洞宗而師亦以紹續
洞宗自任矣未幾返錫寶方開堂演法晚主董巖壽
昌二利上堂拈起一著佛祖一齊捉放下一著聖賢
悉皆縛轡轡飛上天庭泥牛眠交地角非特九有沾
恩亦乃四生受樂惟有八大金剛努眼瞪眉橫拈倒
卓何則不許衆生亂描邈上堂冬至時臨事且奇海
風吹倒珊瑚枝龍王驚起歸空界河伯神祇盡失威
如是事宜自知僧曰用知作麼師曰與老僧執杖曰
恁麼不知更好師曰何也曰清閒僧不做返更作愁

人師便打上堂諸佛時常說法不須擬議猜詳是何
法天地玄黃宇宙洪荒不論通宗透教祇貴直下承
當承當箇甚麼雲騰致雨露結爲霜蛟龍不宿死水
猛將豈行路傍透得者些關捩何須願住西方不問
先佛後祖鼻孔一樣放光作麼生放光化被草木賴
及萬方釋迦不肯洩破達磨九年覆藏峨峯不惜口
業一下爲衆宣揚且道作麼生宣揚揮尺一下云開
談彼短驢特已長上堂覺天空湛心月通明青沙布
碧漢之章綠水印銀蟾之鑑藏山於澤爭如藏身處
沒踪跡藏舟於壑曷若沒蹤跡處沒藏身所以無味
之談塞斷人口吞吐得者迴出聖凡漫天網子衝開
陷穽坑兒跳過更有出格一句作麼生道金翅擊開
娑竭浪龍宮王子盡魂驚上堂雲弗依山山弗雲心
無染境境無心雲山清淨如心境一道虛明燦太清
然雖如是猶是衲僧閒家具珍重上堂抽筋不動皮
換骨不見血筋骨一齊空遊行不倒跌達磨大士解
滅而不解生釋迦老人解生而不解滅要知生滅不
相干除是當年乾屎橛上堂不論一義二義只要直

下便是大衆作麼生說箇直下便是底道理。僧曰：露柱燈籠踴跳師曰：何不道頭髮連鬚眉毛合鼻會麼？會則便請領去。不然關山萬里上堂。大衆盡心爲常住。開田山僧盡心爲大衆說禪。昨夜三更雷逼逼打斷泥龍角半邊上堂。卽心卽佛。幾個奈何非心非佛。呢喃者多不是心。不是佛。不是物。明眼衲僧多恍惚。縱然大梅我祇卽心卽佛也。似蛇戀窟作麼生。始不拖泥帶水去。咄。復云：恰好便下座上堂。舉洞山過水觀影大悟語。頌曰：渠今正是我。天地難包裹。我今不是渠。佛祖莫能知。要識洞山真實處。白雲飛在綠楊枝。小參云：行不干徑坐弗涉牀。放去無蹤收來沒跡。大抵通方提掇異。豎拳舞劍越尋常。差別門庭無軌則。儘從智行不相妨。僧問：萬法本閒。惟人自關。如何是本閒底？法師曰：牆壁瓦礫。問古人書心字於門壁上。其意云何？師曰：無事。枕松石。賣卜掛招牌。萬曆丁巳冬。師自田中歸。語大衆曰：吾從茲不復砌石矣。衆愕然。除夕上堂曰：今年只有茲時在。試問諸人知也無？末後曰：此是老僧最後一著。大衆切宜珍重。明

春三。日示微恙。至十七日。作舉火偈。命侍者唱偈。闍維。復書曰：今日分明指示。鄒筆端坐。而化頂骨諸牙不壞。藏於本寺建寧塔。波壽七十一。臘四十有奇。廣信府博山無異元來禪師。舒城沙氏子。生而白衣重包。葷酒不入於口。十六遊金陵。聽講法華。嘆曰：求之在我。豈可循文逐句哉？遂禮五臺。靜庵通剎。髮次參壽昌。機語弗契。入闕。一日閱趙州有佛不得住。因緣有省。再謁壽昌。昌問：驢子解尋腥處。走蒼蠅偏向臭邊飛。是君邊事。臣邊事。師曰：臣邊事。昌呵曰：大有人笑汝。在後聞護法神倒地。不覺豁然。呈偈曰：玉山誘一言心。灰語路絕。幾多玄解。會如沸湯澆雪。沒巴鼻。金針好。因緣時節。梅蕊綻枯枝。桃花開九月。觸目如休辨。別急水灘頭。拋探篙。溺殺無限英雄客。別居宗乘堂。一日登廁。觀登樹人。大悟。趣見昌。昌問：子近日如何？師曰：有箇活路。只是不許人知。昌曰：因甚不許人知？師曰：不知不知。昌問：婆子具什麼手眼。便燒庵。趨僧去。師曰：黃金增色爾。又舉僧問：玄則龍吟霧起。虎嘯風生。公案命作頌。師頌曰：殺活爭雄各有

奇摸糊肉眼曷能知吐光不遂時流意依舊春風逐馬蹄昌笑曰子今日方信吾不汝欺也師問向後還有事也無昌曰老僧只知二時粥飯亦不知有向後事師曰豈無方便昌曰子後得坐披衣幸無籌策足矣萬曆三十年住博山時年二十八歲次主闡之董岩大仰鼓山上堂諸佛出世爲一大事因緣幾幅素纖描不出博山出世亦爲大事因緣一條白練薰頭穿破頭老漢曾相委多少人天受熱瞞博山今日信手拈來分明舉似使人人鼻孔接天個個脚跟點地如赤珠寶鏡焰萬象以無私若玉鎖金匙啓千門而洞達迥出毗盧之頂笑拈帝釋之花推倒大好之山吸盡西江之水倒跨玄沙之虎生擒雪嶺之蛇編網喜三聖金鱗振彩慶新羅俊鷄如此奇特誰不丈夫自責荷擔誠難委縮諸昆仲此事不從功行得不從修証得不從思議得不從學分得不從禪定得有一等人閉門作活暗裏休心將自己身心煉得如枯木寒灰蟲墜衣而不知蛛結網而不顧縱是百年在定終如一個死人於本分事中全無交涉所以玄沙大

師曰直饒如澄潭月影靜夜鐘聲隨扣擊以無虧觸波瀾而不散此猶是生死岸頭事道人行處如火燒水箭既離弦無返回勢諸昆仲須就明中取則莫於暗裏偷光向花柳街前遶得九衢春色於芙蓉岸上帶來八面秋風應用無虧隨緣自在諸昆仲且道作麼生是博山行履處良久曰祇有一雙窮相手不曾輕揖等閒人僧問銀盤盛雪明月藏鷺意旨如何師曰露骨瘦山環紫霧塞流小澗長青苔問如何是功師曰三人同一春日如何是共功師曰力士舁杖鼓曰如何是功功師曰胡孫上露柱曰不得敲唱雙舉請示正中妙挾師曰高低雲遶樹曰謝師答話去也師曰遠近鳥銜花問和尚年多少師曰頻添花甲子數到劫雲初問從緣薦得相應疾就體消停得力遲如何是從緣薦得師曰古鏡不重磨曰如何是就體消停師曰清光仍似舊曰從緣就體蒙師指格外玄談有也無師曰三歲孩兒頭似雪曰恁麼則碧桃綻蕊綠柳萌芽也師曰遠觀山有色近聽水無聲僧禮拜上堂僧問如何是博山境師曰棲鳳岩玄雲發

浴龍池內浪滔滔。曰：如何是境中人？師曰：光剃頭。淨洗鉢。曰：學人不曾。師曰：這箇阿師還未剃頭。在乃曰：切忌從他覓。迢迢與我疎。洞山老人草鞋斷矣。脚跟露矣。諸人若知痛癢。阿誰皮下無血。博山與諸人同途不同轍。諸人向正位中來。博山不在正位。諸人在博山拂子裏。許諸人向偏位中來。博山不在偏位。拂子在諸人袈裟裏。許所以道對面不相識。千里却同風。若向這裏徹去。當下知歸。不留朕兆。其或未然。千百世修行未爲晚也。故我釋迦大師爲勇猛衆生成佛。在一念頃。爲懈怠衆生得果。滿僧祇劫。諸昆仲當知明中有暗。毫端現華藏之奇妙。挾叶通寶鏡。瀉山河之影。博山恁麼道。猶是葛藤。諸人也須絆斷。始得且道。絆斷後作麼生。行履卓拄杖曰：不因樵子徑爭到。葛洪家上堂。搏聚四大緣生。九竅識蘊奔馳。何日了虛空無限水。雲分石女從緣步。荒草荒草披離四部洲。烟雲旋合鎖重樓。彈指豁開彌勒閣。香水幡幢盡徹頭。諸昆仲當此時。洞庭無蓋凍殺法身。廬阜悲酸清泪如雨。欲償廬陵米價。踏翻東甌橋梁。從教雪

潔水清。管取兒孫滿地。到恁麼田地。以何爲驗。卓拄杖曰：深山乘瑞運。處處紫雲飛。上堂。如何是佛。十方世界最靈物。如何是法。古路迢迢蒼蘚滑。仍將佛法問根源。雲散長空鶴唳天。纖塵不立清如洗。三箇胡獼夜簸錢。諸昆仲宗門中事。豈同容易。一言一句一大藏教。註不破。歷代祖師機深智廣。潛與密運。須彌倒卓拄杖。橫趨繪綵色於空中。擲大千於方外。且道向甚麼處捫摸。所以云羅籠不肯住。呼唤不回頭。古聖不安排。至今無處所。立沙大師恁麼老婆心切也。只要諸人知箇落處。始得。諸昆仲青黯黯處。樵子不借路。以還家綿密密時。機婦罷金針。而夜織香銷錦帳。露浥芙蓉。發清嘯於深閨。吐微言於連枕。情濃意洽。試問諸昆仲。還知得也無。良久曰：分明一段風流事。不與諸人較短長。僧問：如何是君。師曰：水有筋山有骨。曰：如何是臣。師曰：鶴鳴鳥鳴似哭。曰：如何是君視臣。師曰：千年老樹掛枯藤。曰：如何是臣視君。師曰：樓頭畫鼓正三更。曰：如何是君臣道合。師曰：金闕鳳銜丹詔去。邊陲人唱凱歌歸。僧禮拜。師復問。僧君位

中事作麼生。曰：虛突兀。師便打問：如何？是道。師曰：紅綃莫是道。否。師曰：不是。道曰：既不是。道因甚？答：紅綃。師曰：因你問道。我答你紅綃。問：一切事究竟堅固。不知大佛頂還在裏許。否。師曰：暗裏抽橫骨。明中坐舌頭。問：如何？是某甲安身立命處。師曰：天無蓋地。無底。曰：壽昌老人遷化。向什麼處去。師曰：清潭對面。貴在不知。僧復問。師曰：問話且置。天無蓋地。無底。老僧意旨在什麼處。僧擬議。師便打。示偈曰：拶出虛空髓。有味掀翻宇宙殼。無依箇中不見壽昌老。獨有狸奴笑展眉。臂垂四問。殿角風搖樹。行人盡解衣。時如何。自代曰：警爾沾管。清涼徹膽。清風翻白羽。野老笑相親。時如何。代曰：春來花塢樵牧舍。情佛殿東南。因甚缺了一角。代曰：一人傳虛。萬人傳實。僧堂中有幾人坐臥。代曰：翻身峯頂六不同。謀崇禎三年秋。示疾。首座問和尚尊體如何。師曰：儘有些子受用。座曰：還有不病者也。無師曰：熱大作麼。座曰：來去自繇。請道一句。師爲書歷歷分明四字。投筆坐化。塔全身於本山壽

五十六

紹興雲門寺雪嶠圓信禪師。鄞縣朱氏子。二十九歲出家。行脚無有入處。後訪秦望山妙禪山主。主舉他心。僧因緣一僧。參心曰：那裏來。僧曰：天竺來。他心曰：我聞有三天竺。你那一竺來。速。道速。道。師自是疑情頓發。次日曳杖至石頭上。高提曰：那一竺來。速。道速。道。忽前後際斷。說偈曰：石貼背脊骨。翻身脇肋骨子。細思量來動也動不得。復喝曰：張三殺人。李四償命。返天台。尋人印證。擡頭見古雲門三字。乃大悟。途中作偈曰：一上天台雲更深。腳踏斷草鞋。繩比丘五百無踪影。見得他時打斷筋。因入雙髻誅茅次。參雲棲龍池出世日。拈香供雲門。匡真偃禪師。後東塔開堂。又供龍池示疾。書偈曰：小兒曹生死路上須逍遙。皎月冰霜曉。喫杯茶坐脫去了。塔全身於雲門。

五燈嚴統卷第十六

五燈嚴統卷第十七

南嶽下十一世

石霜圓禪師法嗣

隆興府黃龍慧南禪師信州章氏子。依勸潭澄禪師分座接物。名振諸方。偶同雲峯悅禪師遊西山。夜話雲門法道。峯曰。澄公雖是雲門之後法道異矣。師詰其所以異。峯曰。雲門如九轉丹砂點鐵成金。澄公棄汞銀徒可翫入煨。則流去師怒。以枕投之。明日峯謝過。又曰。雲門氣宇如王。甘死語下乎。澄公有法授人。死語也。死語其能活人乎。卽背去。師挽之曰。若如是。則誰可汝意。峯曰。石霜圓手段出諸方。子宜見之。不可後也。師默計之。曰。悅師翠巖使我見石霜。於悅何有哉。卽造石霜中途。聞慈明不事事。忽叢林遂登衡嶽。乃謁福嚴賢。賢命掌書記。俄賢卒。郡守以慈明補之。旣至。目其貶剝諸方。件數爲邪。解師爲之氣索。遂造其室。明日書記領徒遊方。借使有疑。可坐而商。略師哀懇愈切。明日公學雲門。禪必善其旨。如云。放

洞山三頓棒是有契棒。分無契棒。分師曰。有契棒分明色莊。曰。從朝至暮。鵲噪鴉鳴。皆應契棒。明卽端坐受師炷香。作禮。明復問趙州。道臺山婆子。我爲汝勘破了也。且那裏是他勘破婆子處。師汗下。不能加答。次日又詣明。詬罵不已。師曰。罵豈慈悲法施耶。明曰。你作罵會。那師於言下大悟。作頌曰。傑出叢林是趙州。老婆勘破沒來由。而今四海清如鏡。行人莫與路爲嫌。呈慈明。明領之後。開法同安。初受請。曰。勸潭遣僧來。審師提唱之語。有曰。智海無性。因覺妄而成。凡覺妄元虛。卽凡心而見佛。便爾休去。將謂同安無折。合隨汝顛倒所欲。南斗七。北斗八。僧歸舉似澄。澄不擇。自是勸潭舊好絕矣。問儂家自有同風事。如何是同風事。師良久。僧曰。恁麼則起動和尚去也。師曰。靈利人難得。僧禮拜示衆曰。江南之地。春寒秋熱。近日已來滴水。滴凍。僧問滴水滴凍時。如何。師曰。未是。禪僧分上事。曰。如何是禪僧分上事。師曰。滴水滴凍。問牛頭未見四祖時。爲甚麼百鳥銜華。獻師曰。釘根桑樹。闊角水牛。曰。見後爲甚麼不銜華。師曰。視無襠袴。

無口問無爲無事人。猶是金鎖。難未審過在甚麼處。師曰。一字入公門。九牛車不出。曰。學人未曉。乞師方便。師曰。大庾嶺頭笑。却成哭。問。一不去。二不住。請師道。師曰。高祖殿前。樊噲怒曰。恁麼則今日得遇和尚也。師曰。仰面看天。不見天。問。德山棒。臨濟喝。直至如今。少人拈撥。請師拈撥。師曰。千鈞之弩。不爲鼯鼠而發機。曰。作家宗師。今朝有在。師便喝。僧禮拜。師曰。五湖衲子。一錫禪人。未到同安。不妨疑著。上堂。橫吞巨海。倒卓須彌。衲僧面前。也是尋常茶飯。行脚人。須是荊棘林內。坐大道場。向和泥合水處。認取本來面目。且作麼生。見得。遂拈拄杖曰。直饒見得。未免山僧拄杖上堂。聖凡情盡。體露真常。拈起拂子曰。拂子。踈跳上三十三天。搗脫帝釋鼻孔。驢唇先生。拈掌大笑。道盡十方世界。覓箇識好惡底人。萬中無一。擊禪牀下。座上堂說妙談玄。乃大平之姦賊。行棒行喝。爲亂世之英雄。英雄姦賊。棒喝玄妙。皆爲長物。黃檗門下。總用不著。且道。黃檗門下。尋常用箇甚麼。喝一喝。上堂。撞鐘。鐘鳴。擊鼓。鼓響。大衆殷勤。問訊。同安端然合掌。

這箇是世法。那箇是佛法。咄。上堂。有一人。朝看華嚴。暮觀般若。晝夜精勤。無有暫暇。有一人不參禪。不論義。把箇破席。日裏睡。於是二人同到黃龍。一人有爲。一人無爲。安下那一箇。卽是良久。曰。功德天。黑暗女。有智主人。二俱不受。上堂。心王不妄動。六國一時通。罷拈三尺劍。休弄一張弓。擊禪牀下。座上堂。道遠乎哉。觸事而真。聖遠乎哉。體之卽神。乃拈拄杖曰。道之與聖。總在歸宗。拄杖頭上。汝等諸人。何不識取。若也識得。十方利土。不行而至。百千三昧。無作而成。若也未識。有寒暑兮。促君壽。有鬼神兮。妬君福。上堂。半夜捉烏雞。驚起梵王睡。毗嵐風忽起。吹倒須彌山。官路無人行。私酒多人喫。當此之時。臨濟德山。開得口。張得眼。有棒有喝。用不得。汝等諸人。各自尋取祖業契書。莫認驢鞍橋。作阿爺下。領上堂。舉大珠和尚道身口意清淨。是名佛出世。身口意不淨。是名佛滅度。也好箇消息。古人一期方便。與你諸人。計箇入路。既得箇入路。又須得箇出路。登山須到頂。入海須到底。登山不到頂。不知宇宙之寬廣。入海不到底。不知滄溟。

之淺深既知寬廣又知淺深一踏踏翻四大海一擲
擲倒須彌山撒手到家人不識鵲噪鴉鳴柏樹間上
堂千般說萬般喻祇要教君早回去去何處良久云
夜來風起滿庭香吹落桃華三五樹因化主歸上堂
世間有五種不易一化者不易二施者不易三變生
爲熟者不易四端坐喫者不易更有一種不易是甚
麼人良久云暫便下座時翠巖真爲首座藏主問云
適來和尚道第五種不易是
甚麼人真曰臨後
見恩莫與往來上堂拈拄杖曰橫拈倒用撥開彌
勒眼睛明去暗來敲落祖師鼻孔當是時也目連驚
子飲氣吞聲臨濟德山呵呵大笑且道笑箇甚麼咄
師室中常問僧曰人人盡有生緣上座生緣在何處
正當問答交鋒却復伸手曰我手何似佛手又問諸
方參請宗師所得却復垂脚曰我脚何似驢脚三十
餘年示此三問學者莫有契其旨脫有酬者師未嘗
可否叢林目之爲黃龍三關師自頌曰生緣有語人
皆識水母何曾離得蝦但見日頭東畔上誰能更喫
趙州茶我手佛手兼舉禪人直下薦取不動干戈道
出當處超佛越祖我脚驢脚竝行步步踏著無生會

得雲收日卷方知此道縱橫總頌曰生緣斷處伸驢
脚驢脚伸時佛手開爲報五湖參學者三關一一透
將來熙寧己酉三月十六日四祖演長老通嗣法書
上堂山僧才輕德薄豈堪人師蓋不昧本心不欺諸
聖未免生死今免生死未出輪迴今出輪迴未得解
脫今得解脫未得自在今得自在所以大覺世尊於
然燈佛所無一法可得六祖夜半於黃梅又傳箇甚
麼乃說偈曰得不得傳不傳歸根得旨復何言憶得
首山曾漏泄新婦騎驢阿家牽登日午時端坐示寂
闍維得五色舍利塔于前山證普覺禪師

南嶽下十二世

黃龍南禪師法嗣

隆興府黃龍祖心寶覺禪師南雄鄔氏子參雲峯悅
禪師三年無所得辭去悅曰必往依黃檗南禪師師
至黃檗四年不大發明又辭再上雲峯會悅謝世就
止石霜因閱傳燈至僧問多福如何是多福一叢竹
福曰一莖兩莖斜曰不會福曰三莖四莖曲師於此
開悟徹見二師用處徑回黃檗方展坐具檗曰子已

入吾室矣。師踴躍曰：「大事本來如是，和尚何得教人看話百計搜尋？」槩曰：「若不教你如此，究尋到無心處，自見自肯，卽吾埋沒汝也。」住後，僧問：「達磨九年面壁，意旨如何？」師曰：「身貧無被蓋，曰：『莫孤負他先聖也。』」無師曰：「闍黎見處，又作麼生？」僧畫一圓相，師曰：「燕雀不離窠，僧禮拜。」師曰：「更深猶自可，午後始愁人。」問：「未登此座時如何？」師曰：「一事全無。」曰：「登後如何？」師曰：「仰面觀天，不見天上堂；愚人除境，不忘心；智者忘心，不除境，不知心境本如。」如觸目遇緣，無障礙，遂舉拂子曰：「看拂子走過西天，却來新羅國裏。」知我者，謂我拖泥帶水，不知我者，贏得一場怪誕。上堂：「大凡窮生死根源，直須明取自家一片田地。」教伊去處分明，然後臨機應用，不失其宜。祇如鋒芒未兆，已前都無是箇非。箇箇爾爆動，便有五行金土相生相剋。胡來漢現，四姓雜居，各任方隅，是非鋒起，致使玄黃不辨，水乳不分。疾在膏肓，難爲救療。若不當陽曉示，窮子無以知歸。欲得大用現前，便可頓忘諸見。諸見既盡，昏霧不生，大智洞然，更非他物。珍重上堂。聖禪牀曰：「一塵纔

舉大地，全收諸人耳。在一聲中，一聲偏在諸人耳。若是摩霄俊鶴，便合乘時止樂，困魚徒勞激浪。上堂：「不與萬法忘侶，卽是無諍。三昧便恁麼去，爭奈絃急則聲促。若能向紫羅帳裏撒真珠，未必善因而招惡果。」上堂有句無句，如藤倚樹，且任諸人點頭及手樹倒。藤枯上無衝天之計，下無入地之謀。靈利漢這裏著得一隻眼，便見七縱八橫。舉拂子曰：「看太陽溢目，萬里不挂片雲。若是覆盆之下，又爭怪得老僧上堂。若也畢明，自己已不悟；目前此人，有眼無足。若悟，目前不明；自己此人有足無眼。據此二人，十二時中常有一物，蘊在胷中，物既在胷，不安之相常在。目前既在目前，觸途成滯，作麼生得平穩去？祖不言乎？執之失度，必入邪路。放之自然，體無去住。上堂：「良工未出玉石，不分巧治；無人金沙，混雜還有無。」師自悟底麼？出來辨別看。乃舉拂子曰：「且道是金是沙？」良久曰：「見之不取，思之千里。」上堂：「有時開門待知識，知識不來過有時，把手上高山。高山人不顧，或作敗軍之將，向闍黎手裏拱手歸降，或爲忿怒那吒，敲骨打髓，正當恁麼

時還有同聲相應。同氣相求。底麼有。則向百尺竿頭。進取一步。如無少室峯前一場笑。具上堂。心同虛空。界示等。虎空法。證得虎空時。無是無非法。便恁麼休。去。停橈把纜。且向灣裏泊船。若據衲僧門下。天地懸隔。且道。衲僧門下有甚長處。柳栗橫擔。不顧人直入千峯萬峯去。上堂。一不向二不開。飄思南嶽與天台。堪笑白雲無定止。被風吹去。又吹來。上堂。不是風動。不是幡動。明眼漢護他一點。也不得仁者心動。且緩。緩你向甚處見祖師。乃擲下拂子曰。看上堂過去。諸佛已滅。未來諸佛未生。正當現在。佛法委付黃龍放。行則恍恍惚惚。其中有物。把住則杳杳冥冥。其中有精。且道。放行即是。把住卽是。竿頭絲線。從君弄。不犯清波意。自殊上堂。虎頭生角。人難措。石火電光。須密布。假饒烈士也。應難憐底。那能善回互。手擎日月。背負須彌。擲向他方。其中衆生。不覺不知。其中衆生。騎驢入諸人眼裏。諸人亦不覺不知。會麼。將此身心。奉應刹是。則名爲報佛恩。上堂。一漚未發。古帆未征。風信不來。無人舉。權正當恁麼時。水脈如何辨的。君不

見雲門老。垂手處。落落清波。無透路。又不見華亭雙泄。天機夜深。空載月明。歸莫怪相逢。不相識。從教萬古漫漫。黑上堂。馬祖陞堂。百丈卷席。後人不善來風。盡道不留朕迹。殊不知桃華浪裏。正好張帆。七里灘頭。更堪垂釣。如今必有辯浮沉。識深淺。底漢。試出來。定當水脈看。如無。且將漁父笛。閑向海邊吹。上堂。風蕭蕭兮。木葉飛。鴻鴈不來。音信稀。還鄉一曲。無人吹。令余拍手空遲疑。上堂。鏡像或謂有攬之。不盈手。鏡像或謂無。分明如儼圖。所以取不得。舍不得。不可得。中祇麼得。還會麼。不作維摩詰。又似傅大士。上堂。夫立道者。不可以設功。得聖智者。不可以有心。知真諦者。不可以存我。會至功者。不可以營事。爲古人一期應病與藥。則不可。若是丈夫漢。出則經濟天下。不出則卷而懷之。爾若一向聲和響順。我則排斥諸方。爾若示現酒肆姪坊。我則孤峯獨宿。且道。甚處是黃龍爲人眼。師室中常舉拳。問僧曰。喚作拳頭。則觸。不喚作拳頭。則背。喚作甚麼。將入滅命門。人黃太史。廷堅主後事。茶毗日。隣峯爲秉炬。火不續。黃顧師之得法。

上首死心新禪師曰。此老師有待於吾兄也。新以喪拒黃強之新執炬召衆曰。不是餘殃累及我。彌天罪過不容誅。而今兩脚揷空去。不作牛兮定作驢。以火炬打一圓相曰。祇向這裏雪。屈擲炬應手而焚。靈骨寔于普覺塔之東。諡寶覺禪師。

江州東林興龍寺常總照覺禪師。延平施氏子。久依黃龍。密授大法決旨。出住潞潭。次遷東林。皆符識記。僧問。乾坤之內。宇宙之間。中有一寶秘在。形山如何。是寶師曰。白月現。黑月隱。曰。非但聞名。今日親見師。曰。且道寶在甚麼處。曰。古殿戶開。光燦爛。白蓮池畔。社中人師曰。別寶還他碧眼胡。又僧出衆提起坐具。曰。請師答話。師曰。放下。著僧又作展勢。師曰。收。曰。昔年尋劍客。今朝遇作家。師曰。這裏是甚麼所在。僧便喝。師曰。喝。老僧那僧又喝。師曰。放過。又爭得。便打上堂。乾坤大地常演圓音。日月星辰每談實相。驪憶先黃龍道。秋雨淋漓。連宵徹曙。點點無私。不落別處。復云。滴穿汝眼睛。浸爛汝鼻孔。東林則不然。終歸大海。作波濤擊禪牀。下座上堂。老盧不識字。願明佛意。佛

意離文墨。故白兆不識書。圓悟宗乘。宗乘非言詮。故如此老婆心。分明入泥水。今時人。猶尙抱橋柱澡洗。把纜放船。良久曰。爭怪得老僧。

隆興府寶峯克文雲庵真淨禪師。陝府鄭氏子。坐夏大滄。聞僧舉。僧問。雲門佛法如水中月。是否。門曰。清波無透路。師乃領解。往見黃龍。不契。却曰。我有好處。這老漢不識我。遂往香城見順和尚。順問。甚麼處來。師曰。黃龍來。曰。黃龍近日有何言句。師曰。黃龍近日州府委請黃檗長老。龍垂語云。鐘樓上念讚牀脚下種菜。有人下得語契。便往往住持。勝上座云。猛虎當路坐。龍遂令去住黃檗。順不覺云。勝首座祇下得一轉語。便得黃檗住佛法。未夢見在。師於言下大悟。方知黃龍用處。遂回見黃龍。龍問。甚麼處來。師曰。特來禮拜和尚。龍曰。恰值老僧不在。師曰。向甚麼處去。龍曰。天台普請南嶽遊山。師曰。恁麼則學人得自在去也。龍曰。脚下鞋甚處得來。師曰。廬山七百五十文。唱來。龍曰。何曾得自在。師指鞋曰。何嘗不自在。龍駭之。開堂日。拈香祝聖。問答罷。乃曰。問話且止。祇知問佛問法殊。

不知佛法來處。且道從甚麼處來。垂一足曰。昔日黃龍親行此令。十方諸佛無敢違者。諸代祖師一切聖賢無敢越者。無量法門一切妙義。天下老和尚舌頭始終一印。無敢異者。無異則且置。印在甚麼處。還見麼。若見非僧非俗。無偏無黨。一分付若不見。而我自收。遂收足。喝一喝曰。兵隨印轉。將逐符行。佛手驢脚。生緣老好。痛與三十棒。而今會中莫有不甘者麼。若有不妨奇特。若無新長老。謾你諸人去也。故我大覺世尊。昔於摩竭陀國十二月八日明星現時。豁然悟道。大地有情一時成佛。今有釋子沙門某於東震旦國大宋筠陽城中六月十三日。赫日現時。又悟箇甚麼。以拂子畫曰。我不敢輕於汝等。汝等皆當作佛。僧問。如何是佛師。呵呵大笑。僧曰。何哂之有。師曰。笑你隨語生解。曰。偶然失利。師喝曰。不得禮拜。僧便歸衆。師復笑曰。隨語生解。問江西佛手驢脚接人。和尚如何接人。師曰。鮎魚上竹竿。曰。全因今日。師曰。烏龜入水。問新豐吟雲門曲。舉世知音。能和續。大衆臨筵願清耳目。師以右手拍禪牀。僧曰。木人拈掌。石女揚

眉。師以左手拍禪牀。僧曰。猶是學人疑處。師曰。何不脚跟下薦取。僧以坐具一拂。師曰。爭奈脚跟下何。問遠遠馳符命。禪師俯應機。祖令當行也。方便指羣迷。師曰。深曰。深意如何。師曰。淺曰。教學人如何。領會師曰。點問馬祖下尊宿。一箇箇阿漉漉地。唯有歸宗老較些子。黃龍下兒孫。一箇箇硬剝剝地。祇有真淨老師較些子。學人怎麼還扶得也。無師曰。打疊面前槓。擡却曰。若不同牀睡。焉知被底穿。師不答。僧曰。這箇爲上上根人。忽遇中下之流。如何指接。師亦不答。僧曰。非但和尚懨懨。學人亦乃一場敗缺。師曰。三十年後。悟去在。問承古有言。衆生日。用而不知。未審不知箇甚麼。師曰。道曰。忽然知後。如何。師曰。十萬八千僧提起坐具曰。爭奈這箇何。師便喝。上堂。天地與我同根。萬物與我一體。脚頭脚尾。橫三豎四。北俱盧洲火發。燒著帝釋。眉毛東海龍王忍痛不禁。轟一箇霹靂。直得傾湫倒嶽。雲黯長空。十字街頭。廖胡子醉中驚覺起來。拈掌呵呵大笑曰。筠陽城中近來少賊。乃拈拄杖曰。賊賊上堂。道泰不傳天子令。行人盡唱太平

歌五九四十五。莫有人從懷州來麼。若有不得忘却。臨江軍豆豉上堂。世尊拈華迦葉微笑。拈拄杖曰。洞山拈起拄杖子。你諸人合作麼。生。擊香卓下。座上堂。視無襠袴。無口。頭上青灰三五斗。趙州老漢少賣弄。然則國清才子貴。家富小兒驕。其奈禾黍不陽艷。競栽桃李春。饒令力耕者。半作賣華人。上堂。佛法兩字。直是難得。人有底不信。自己佛事。唯憑少許古人影。響相似。般若所知境界。定相法門。動即背覺合塵。黏將去。脫不得。或學者來。如印印泥。通相印授。不唯自誤。亦乃誤他。洞山門下。無佛法與人。祇有一口劍。凡是來者。一一斬斷。使伊性命不存。見聞俱泯。却向父母未生前。與伊相見。見伊纔向前。便爲斬斷。然則剛刀雖利。不斬無罪之人。莫有無罪底麼。也好與三十拄杖上堂。洞山門下。要行便行。要坐便坐。鉢盂裏。屎淨瓶裏。吐唾執法。修行如牛拽磨。上堂。洞山門下。有時和泥合水。有時壁立千仞。你諸方。擬向和泥合水處。見洞山。洞山且不在。和泥合水處。擬向壁立千仞處。見洞山。洞山且不在。壁立千仞處。擬向一切處。

見洞山。洞山且不在。一切處。你擬不要見洞山。鼻索又在洞山手裏。擬瞌睡也。把鼻索一掣。祇見眼孔。定動又不相識。也不要你識洞山。但識得自己。也得上堂。汾陽莫妄想。俱胝豎指頭。古今佛法事。到此一時休。休却。憶趙州勘婆子。不風流處也。風流拈拄杖曰。爲衆竭力。上堂。頭陀石被莓苔裏。擲筆峯。遭薛荔。纏羅漢院裏。一年度三箇行者。歸宗寺裏。參退喫茶。上堂。師子不食鵬殘。快鷹不打死兔。放出臨濟大驢。抽却雲門一顧。拈起拄杖曰。雲行雨施。三草二木。師崇寧改元十月旦。示疾。望乃愈。出道具散諸徒。翌日。中夜沐浴更衣。趺坐。衆請說法。示偈及遺誡。宗門大略言卒。而逝。火葬。骸成五色白光。上騰煙所至處。皆設利分骨塔于泐潭新豐。

南康軍雲居真如院元祐禪師。信州王氏子。僧問。如何是道林。的旨。師曰。割曰。隨流認得性。無喜亦無憂。師曰。汝皮袋重多少。曰。高著眼看。師曰。自領出去。問。如何是祖師。西來意。師曰。胡天雪壓玉麒麟。問。如龜藏六時。如何。師曰。文彩已彰。曰。爭奈處處無蹤跡。師

曰一任拖泥帶水。曰便與麼去時。如何師曰。果然上堂。過去諸如來。更不再勸。現在諸菩薩。放過即不可。未來修學人。謾他一點不得。所以教中道。若人欲了知三世一切佛。應觀法界性。一切惟心造。雖然如是。雲居門下。正是金屑落眼上。堂凡見聖。見春雲掣電。眞說妄說。空華水月。顰憶長髭。見石頭解道。紅爐一點雪。擊禪牀下座。上堂。龜毛爲箭。兔角爲弓。那吒忿怒。射破虚空。虚空撲落。傾瀉倒獄。牆壁瓦礫。放光明。歸依如來。大圓覺。擊禪牀下座。上堂。月色和雲白。松聲帶露寒。好箇眞消息。憑君子細看。黃龍先師和身放倒。還有人扶得起麼。祖禪不了殃。及兒孫。擊禪牀下座。上堂。一切聲是佛聲。以拂子擊禪牀曰。梵音深遠。令人樂聞。又曰。一切色是佛色。乃拈起拂子曰。今佛放光明。助發實相義。已到之者。頂戴奉行。未到之者。應如是知。應如是信。擊禪牀下座。今諸方三塔師始創也。

潭州大溪懷秀禪師。信州應氏子。僧問。昔日溪山水牯牛。自從放去絕蹤。由今朝幸遇師登座。未審時人

何處求師曰。不得犯人苗稼。曰。恁麼則頭角已分明。師曰。空把山童贈鐵鞭。

瑞州黃檗惟勝眞覺禪師。潼川羅氏子。居講聚時。偶以扇勸窓。儒有聲忽憶教中道。十方俱擊鼓。十處一時聞。因大悟。白本講。講令參問。師徑往黃龍。後因瑞州太守委龍。遴選黃檗主人龍集衆垂語曰。鐘樓上念讚牀脚下種菜。若人道得。乃往往持師出答曰。猛虎當路坐。龍大悅。遂令師往。由是諸方宗仰之上。堂臨濟喝。德山棒。留與禪人作模範。歸宗磨雪峯。毬此箇門庭。接上流。若是黃檗。即不然也。無喝也。無棒。亦不推磨。亦不輓毬。前面是案山。背後是主山。塞却你眼睛。拶破你面門。於此見得。得不退轉地。盡未來際。不向他求。若見不得。醍醐上味。纔成毒藥。上堂。寂兮寥兮。蟾蜍皎皎。下空谷。寬兮廓兮。曦光赫赫。流四海。曹谿路上。勸絕人行。多子塔前。駢闐如市。直饒這裏薦得。個儻分明。未是衲僧活計。大丈夫漢。須是向黑暗獄中。敲枷打鎖。餓鬼隊裏。放火奪漿。推倒慈氏樓。拆卸空王殿。靈苗瑞草。和根拔滿地。從教荊棘生。

隆興府祐聖法窟禪師潮陽鄭氏子。晚見黃龍深蒙印可。上堂。此事如醫家驗病。方且雜毒滿腹。未易攻治。必瞑眩之藥。而後可瘳。就令徇意投之。適足狂惑。增其沈痼。求其已病。不亦左手法堂前草。深於心無媿。

新州開元子琦禪師。泉州許氏子。依開元智訥。試經得度。精楞嚴圓覺。棄謁翠嚴真禪師。問佛法大意。真睡地曰。這一滴落在甚麼處。師捫膺曰。學人今日脾疼。真解頰辭參。積翠歲餘。盡得其道。乘間侍翠商榷。古今適大雪。翠指曰。斯可以一致茗帚否。師曰。不能。然則天霽日出。雲物解散。豈復有哉。知有底人。於一切言句如破竹。雖百節當迎刃而解。詎容證於擬議乎。一日翠遣僧逆問老和尚三關語。如何。師厲聲曰。你理會久遠時事作麼。翠聞益奇之。於是名著叢席。翠歿。四祖演禪師命分座室中。垂語曰。一人有口道不得。姓字爲誰。後傳至東林總禪師。歎曰。琦首座如鐵山萬仞。卒難逗他語脈。未幾以開元爲禪林。請師爲第一世。上堂。虛空無內外。事理有短長。順則成。苦

提逆則成煩惱。燈籠常瞋睡。露柱亦懊惱。大道在目前。更於何處討。以拂子擊禪牀。上堂。四面亦無門。十方無壁落。頭髻鬆耳卓。朝箇箇男兒大丈夫。何得無繩而自縛。且道透脫一句作麼生。道良久曰。踏破草鞋赤脚走。僧問。須彌納芥子。卽不問。微塵裏轉大法輪時如何。師曰。一步進一步。曰。恁麼則朝到西天暮歸唐土。師曰。作客不如歸家。曰。久嚮道。請師相見。師曰。雲月是同。谿山各異。

袁州仰山行偉禪師。河朔人也。東京大佛寺受具。聽習圓覺。微有所疑。挈囊遊方。專扣祖意。至南禪師法席。六遷星序。一日扣請。尋被喝出。足擬跨門。頓省玄旨。出世仰山。道風大著。上堂。大眾會麼。古今事掩不得。日用事藏不得。既藏掩不得。則日用現前。且問諸人。現前事作麼生。參上堂。大眾見麼。開眼則普觀十方。合眼則包含萬有。不開不合。是何模樣。還見模樣麼。久參高德。舉處便曉。後進初機。識取模樣。莫祇管貪睡。睡時眼見箇甚麼。若道不見。與死人何別。直饒丹青處。士筆頭上。畫出青山綠水。夾竹桃華。祇是相

似模樣。設使石匠。錐頭鑽出羣羊走獸也。祇是相似模樣。若是真模樣。任是處土石匠。無你下手處。諸人要見。須是著眼。始得。良久曰。廣則一線道。狹則一寸半。以拂子擊禪牀上。堂鼓聲。纔動。大衆雲臻。諸人上觀。山僧下觀。上觀觀箇甚麼。下觀觀箇甚麼。良久曰。對面不相識。上堂道不在聲色。而不離聲色。凡一語一默。一動一靜。隱顯縱橫。無非佛事。日用現前。古今擬然。理何差互。師自題其像曰。吾真難。邈斑斑。皎皎擬欲安排下。筆便錯。示寂閣維。獲五色舍利。骨石栓索。勾連塔于寺之東。

南嶽福嚴慈感禪師。潼川杜氏子。上堂。古佛心祇如今。若不會。苦沈吟。秋雨微微。秋風颯颯。乍此乍彼。若爲耐。答沙岸蘆華。青黃交雜。禪者何依。良久曰。劉潭州雲蓋守智禪師。劍州陳氏子。遊方至豫章。大寧時。法昌遇禪師。韜藏西山。師聞其飽參。卽之。昌問曰。汝何所來。師曰。大寧。又問。三門夜來倒。汝知麼。師愕然曰。不知。昌曰。吳中石佛。大有人不曾得見。師惘然。卽展拜。昌使謁翠嚴真禪師。雖久之無省。且不舍寸。

陰及謁黃龍於積翠。始盡所疑。後首衆。石霜遂開法道。吾徒雲蓋。僧問。有一無絃琴。不是世間木。今朝負上來。請師彈一曲。師拊膝一下。僧曰。金風颯颯。和清韻。請師方便。再垂音。師曰。陝府出鐵牛。上堂。緊峭離水靴。踏破湖湘月。手把鐵蒺藜。打破龍虎穴。翻身倒上樹。始見無生滅。却笑老瞿曇。彈指超彌勒。上堂。昨日高山看釣魚。步行騎馬失却驢。有人拾得駱駝去。重賞千金一也。無若向這裏。薦得不著。還草鞋錢上。堂。舉趙州問僧。向甚麼處去。曰。摘茶去。州曰。閑師曰。道著不著。何處摸索。背後龍鱗。面前驢腳。驢身筋斗。孤雲野鶴。呵呵示衆。不離當處。常湛然。覓卽知君。不可見。雖然。先聖恁麼道。且作箇模子搭却。若也出不得。祇抱得古人底。若也出得。方有少分相應。雲蓋則不然。騎駿馬。繞須彌。過山尋蟻跡。能有幾人知。師居院之東堂。政和辛卯。死。心謝事。黃龍由湖南入山。奉覲曰。已夕矣。侍僧通謁。師曳履且行。且語曰。將燭來看。其面目何似。生而致名喧宇。宙死心亦絕。叫把近前來。我要照。是真師。叔是假師。叔。師師當曾毆一。

拳死心曰。却是真箇遂作禮賓主。相得歡甚。及死心復領黃龍。至政和甲午。示寂。時師住開福。得計上堂。法門不幸。法幢摧五蘊山中。化作灰。昨夜泥牛通一線黃龍。從此入輪迴。

福州玄沙合文明慧禪師。僧問。如何是道。師曰。私通車馬。僧進一步。師曰。官不容鍼。

楊州建隆院昭慶禪師。上堂。始見新歲。倏忽。早是二月初一天氣和融。擬舉箇時節。因緣與諸人商量。却被帝釋梵王在門外柳眼中。努出頭來。先說偈言。裏裏颺輕絮。且逐風來去。相次走綿毬。休言道我絮當時撞著阿脩羅。把住云。任你絮。忽逢西風吹渭水。落葉滿長安。一句作麼生道。於是帝釋縮頭入柳眼中。良久曰。參。

安吉州報本慧元禪師。潮州倪氏子。十九爲大僧。偏歷叢席於黃龍三關。語下悟入。住後。僧問。諸佛不出世。遂嚮不西來。正當恁麼時。未審來不來。師曰。撞著你鼻孔。上堂。白雲消散。紅日東昇。仰面看天。低頭覷地。東西南北。一任觀光。遠磨眼睛。斗量不盡。演若何。

曾認影善財。不往南方納僧鼻孔。遼天到此一時穿。却僧出禮拜曰。學人有一問。和尚還答否。師曰。昨日答汝了也。曰。今日作麼生。師曰。明日來上堂。僧問。諸佛所說法。種種皆方便。是否。師曰。是。曰。爲甚麼諸法寂滅相。不可以言宣。師曰。且莫錯會。僧以坐具一畫。師喝曰。諸法寂滅相。不可以言宣。今之學者。方見道不可以言宣。便擬絕慮忘緣。杜塞視聽。如斯見解。未有自在。分諸人要會寂滅相。麼。出門不見一纖毫。滿目白雲與青嶂。師坐而不臥。餘三十年。示寂。塔全身于峴山。

吉州仁山隆慶院慶閑禪師。福州卓氏子。母夢胡僧授以明珠。吞之而娠。及生。白光照室。幼不近酒。歲年十一。棄俗。十七得度。二十偏參。後謁黃龍於黃檗。龍問甚處來。師曰。百丈。曰。幾時離彼。師曰。正月十三。龍曰。脚跟好痛。與三十棒。師曰。非但三十棒。龍喝曰。許多時行脚。無點氣息。師曰。百千諸佛。亦如是。曰。汝與麼來。何曾有纖毫到諸佛境界。師曰。諸佛未必到。慶閑境界。龍問。如何是汝生緣處。師曰。早晨喫白粥。

如今又覺饑。問我手何似佛手。師曰：月下弄琵琶。問我脚何似驢脚。師曰：驚鷺立雪。非同色。龍嗟咨而視曰：汝剷除翳。當爲何事。師曰：祇要無事。曰：與麼則數聲清磬。是非外一箇閑人。天地間也。師曰：是何言。歎曰：靈利衲子。師曰：也不消得。龍曰：此間有辯上座者。汝著精彩。師曰：他有甚長處。曰：他拊汝背一下。又如何。師曰：作甚麼。曰：他展兩手。師曰：甚處學這虛頭來。龍大笑。師却展兩手。龍喝之。又問：懺懺鬆鬆。兩人共一椀作麼生。會師曰：百雜碎。曰：盡大地是箇須彌山。撮來掌中。汝又作麼生。會師曰：兩重公案。曰：這裏從汝胡言漢語。若到同安如何過得。時英邵武在同安作首座師欲往見師曰：渠也須到這箇田地始得。曰：忽被渠指火。龍曰：這箇是黑漆火。龍那箇是黑漆香卓。甚處是不到處。師曰：慶閑面前。且從恁麼說話。若是別人笑和尚去。龍拍一拍。師便喝。明日同看僧堂。曰：好僧堂。師曰：極好工夫。曰：好在甚處。師曰：一梁柱。一柱曰：此未是好處。師曰：和尚又作麼生。龍以手指曰：這柱得與麼圓。那柱得與麼匾。師曰：人天大善知識。須是和尙

始得。卽趨去。明日侍立。龍問得坐披衣。向後如何。施設師曰：遇方卽方。遇圓卽圓。曰：汝與麼說話。猶帶唇齒。在師曰：慶閑卽與麼和尚。作麼生。曰：近前來。爲汝說。師拊掌曰：三十年用底。今朝捉敗。龍大笑曰：一等是精靈。師拂袖而去。由是學者爭歸之。廬陵太守張公鑒請居隆慶。僧問：舖席新開。不可放過。師曰：記取話頭。曰：請師高著眼。師曰：蹉過了也。室中垂問曰：祖師心印。篆作何文。諸佛本源。深之多少。又曰：十二時中。上來下去。開單展鉢。此是五蘊敗壞之身。那箇是清淨法身。又曰：不用指東畫西。實地上道。將一句來。又曰：十二時中。著衣喫飯。承甚麼人恩力。又曰：魚行水濁。鳥飛毛落。亮座主一入西山。爲甚麼杳無消息。師居隆慶未暮年。鍾陵太守王公韶請居龍泉。不逾年。以病求去。廬陵道俗舟載而歸。居隆慶之東堂。事之益篤。元豐四年三月七日。將示寂。遺偈曰：露寶浮世奄。質浮滅五十三歲。六七八月。南嶽天台。松風瀾雲。珍重知音。紅爐優鉢。泊然坐逝。俾畫工就寫其真。首忽自舉。次日仍平視。闍維曰：雲起風作。飛瓦折木。

煙氣所至。東西南北四十里。凡草木沙磧之間。皆得舍利如金色。計其所獲幾數斛。閱世五十五。坐夏三十六。初蘇子由欲爲作記。而疑其事。方臥店。夢有呵者曰。閑師事何疑哉。疑卽病矣。子由夢中作數百言。其銘略曰。稽首三界尊。閑師不止此。惑世狹劣。故聊示其小者。子由其知言哉。

舒州三祖山法宗禪師。僧問。如何是佛。師曰。喫鹽添得渴。問。如何是道。師曰。十里雙牌。五里單。候曰。如何是道中人。師曰。少避長。賤避貴。問。如何是善知識。所爲底心。師曰。十字街頭一片輒。曰。如何是十字街頭一片輒。師曰。不知。曰。既不知。却恁麼說。師曰。無人踏著上堂。五五二十五。時人盡解數。倒拈第二籌。茫茫者。無據爲甚麼。無據愛他一縷。失却一端。上堂。明晃晃活鐙。鐙十方世界一毫末。拋向面前。知不知。莫向意根上拈。撥拍一拍。上堂。架梯可以攀高。雖升而不能達河漢。鐙可以掘鑿。雖利而不能到風輪。其器者。費功其謀者。益妄。不如歸家坐。免使走塵壤。大衆那箇是塵壤。祖佛禪道。

隆興府湧潭洪英禪師。邵武陳氏子。幼頴邁。一目五行。長棄儒。得度。訪道曹山。依雅禪師。久之。辭登雲居。曉其勝絕。殆終于此山。因閱華嚴十明論。乃證宗要。卽詣黃檗南禪師。席檠與語。達旦。曰。荷擔大法。盡在爾躬。厚自愛。所至議論奪席。晚遊西山。與勝首座樓雙巖。後開法石門。久之。遷湧潭。僧問。逢場作戲時。如何。師曰。紅爐爆出鐵烏龜。曰。當軒布鼓。師親擊百尺竿頭事。若何。師曰。山僧不作這活計。僧擬議。師曰。不唧溜漢。又僧禮拜。起。便垂下袈裟角。曰。脫衣卸甲時。如何。師曰。喜得狼煙息。弓鞘壁上懸。僧却攬上袈裟。曰。重整衣甲時。如何。師曰。不到烏江畔。知君未肯休。僧便喝。師曰。驚殺我。僧拍一拍。師曰。也是死中得活。僧禮拜。師曰。將謂是收燕破趙之才。元來是販私鹽賊。問。臨濟栽松。卽不問百丈開田事。若何。師曰。深著鉏頭。曰。古人猶在。師曰。更添鉏頭。僧禮拜。師扣禪牀一下。乃曰。問也無窮。答也無盡。問。答去來。於道轉遠。何故。況爲此事。直饒棒頭薦得。不是丈夫。喝下承當。未爲達士。那堪更向言中取。則句裏馳求。語路尖新。

機鋒捷疾如斯見解盡是埋沒宗旨玷汚先賢於吾
 祖道何曾夢見祇如我佛如來臨般涅槃乃云吾有
 正法眼藏涅槃妙心付囑摩訶大迦葉迦葉遂付阿
 難暨商那和修優婆塞多諸祖相繼至於達磨西來
 直指人心見性成佛不立文字語言豈不是先聖方
 便之道自是當人自信却自迷頭認影奔逐狂途致
 使玲玕流浪生死諸禪德若歸一念回光返照到自
 已脚跟下褫剝究竟將來可謂洞門豁開樓閣重重
 十方普現海會齊彰便乃凡聖賢愚山河大地以海
 印三昧一印印定更無纖毫透漏山僧如是舉唱若
 是衆中有本色衲僧聞之實謂掩耳而回笑破他口
 大衆且道本色衲僧門下一句作麼生道良久曰天
 際雪埋千尺石洞門凍折數株松上堂釋迦老子當
 時一手指天一手指地云天上天下唯我獨尊釋迦
 老子旁若無人當時若遇箇明眼衲僧直教他上天
 無路入地無門然雖如是也須是銅沙羅裏滿盛油
 始得上堂顧視大衆曰青山重疊綠水響潺潺遂
 拈拄杖曰未到懸崖處擡頭子細看卓一下上堂實

峯高士罕曾到巖前雪壓枯松倒嶺前嶺後野猿啼
 一條古路清風掃禪德雖然如是且道山僧拄杖長
 多少遂拈起曰長者隨長使短者隨短用卓一下上
 堂顧視大衆曰石門巖嶮鐵關牢舉目重重萬仞高
 無角鐵牛衝得破毗盧海內作波濤且道不涉波濤
 一句作麼生道良久曰一句不遑無著問迄今猶作
 野盤僧師因知事紛爭止之不可乃謂衆曰領衆不
 肅正坐無德吾有愧黃龍斂行腳始末曰吾滅後火
 化以骨石藏普同塔明生死不離清衆也言卒而逝
 金陵保寧寺圓瑗禪師福州林氏子僧問生死到來
 如何回避師曰堂中瞌睡裏裏抽解曰便怎麼時如
 何師曰須知有轉身一路曰如何是轉身一路師曰
 傾出你腦髓拽脫你鼻孔曰便從今日無疑去也師
 曰作麼生會曰但知行好事不用問前程師曰須是
 怎麼上堂道源不遠性海非遙但向已求莫從他覓
 古人與麼說話大似認奴作郎指鹿爲馬若是翠巖
 卽不然也不向已求亦不從他覓何故雙眉本來自
 橫鼻孔本來正直直饒說得天華亂墜頑石點頭算

來多虛不如少實。且道如何是少實底事。良久曰。冬瓜直饒。個瓠子曲彎彎。上堂春雨微微。百事皆宜。禾苗發秀。蔬菜得時。阿難如合掌迦葉亦攢眉。直饒靈山會上。拈華微笑。算來猶涉難微。爭似三家村裏老翁。深耕淺種。各知其時。有事當面便說。誰管瞬目揚眉。更有一般奇特事。末後一著更須知。擊拂子下座。上堂廣尋文義。鏡裏求形。息念觀空中。捉月單傳。心印特地多端。德山臨濟。枉用工夫。石鞏子湖。翻成特地。若是保寧。總不恁麼。但自隨緣。飲啄一切尋常。深遯白雲。甘爲無學之者。敢問諸人。保寧畢竟將何報答四恩。三有良久曰。愁人莫向愁人說。說向愁人愁。殺人師示寂。闍維有終不壞者。二慘以五色舍利塔于兩華臺之左。

南安軍雪峯道圓禪師。南雄人也。依積翠日。宴坐下板時。二僧論野狐話。一云不昧因果。也未脫得野狐身。一云不落因果。又何曾墮野狐來。師聞之悚然。因詣積翠庵。渡瀾猛省。述偈曰。不落不昧。僧俗本無忌諱。丈夫氣宇如王爭受囊藏。被蓋一條。柳栗任縱橫。

野狐跳入金毛隊。翠見爲助喜。住後上堂。舉風幡話。頌曰。不是風兮不是幡。白雲依舊覆青山。年來老大渾無力。偷得忙中些子閑。

蘄州四祖山法演禪師。桂州人也。僧問如何是心相。師曰。山河大地曰如何。是心體。師曰。汝喚甚麼作山河大地。上堂棄舜柯秋已暮。參玄人須警悟。莫謂來年更有春。等閑蹉了巖前路。且道作麼生是巖前路。良久曰。嶮上堂主山吞却案山。尋常言論拄杖子。普該塵刹未足爲奇。光境兩亡。復是何物。良久曰。劫火洞然。毫末盡青山。依舊白雲中。上堂佛祖之道。壁立千仞。擬議馳求。還同點額。識不能識。智不能知。古聖到這裏。至一言半句。要你諸人有箇入處。所以道低頭不見地。仰面不見天。欲識白牛處。但看觸體前如今頭上。是屋脚下。是地。面前是佛殿。且道白牛在甚麼處。乃召大眾。衆舉頭。師叱之。

南康軍清隱潛庵清源禪師。豫章鄧氏子。上堂寒風激水成冰。杲日照冰成水。冰冰本自無情。各各應時而至。世間萬物皆然。不用強生擬議。上堂先師初事

棲賢提勘潭澄歷二十年。宗門奇奧。經論玄要。莫不貫穿。及因雲峯指見慈明。則一字無用。遂設三關語。以驗學者。而學者如葉公畫龍。龍現即怖。

安州興國院契雅禪師。僧問。請師不於語默裏答話。師以拄杖卓一下。僧曰。和尚莫草草。忽忽。師曰。西天斬頭截臂。僧禮拜。師曰。墮也。墮也。上堂。心如朗月。連天靜。遂打一圓相。曰。寒山子。潛性似寒潭。徹底清。是何境界。良久。曰。無價夜光人。不識識得。又堪作甚麼。凡夫虛度幾千春。乃呵呵大笑。曰。爭如獨坐明窓下。華落華開自有時。下座。

齊州靈巖山重確正覺禪師。上堂。祖師心印。牀似鐵牛之機。鉞挑不出。匙挑不上。過在阿誰。緣雖千種。草香祇一株。蘭上堂。不方不圓。不上不下。驢鳴狗吠。十方無價。拍禪牀下座。

虔州廉泉院曇秀禪師。僧問。滿口道不得。時如何。師曰。話墮也。問不與萬法爲侶。時如何。師曰。自家肚皮自家畫。問如何是學人轉身處。師曰。掃地澆華。曰。如何是學人親切處。師曰。高枕枕頭。曰。總不恁麼。時如

何。師曰。爲啼嶺上華。發巖前問。如何是衲僧口。師曰。殺人不用刀。

南嶽高臺寺宣明佛印禪師。僧問。正法眼藏。涅槃妙心。便請拈出。師直上觀。僧曰。怎麼則人天有賴。師曰。金屑雖貴。

新州三角山慧澤禪師。僧問。師登寶座。大衆側聆。師卓拄杖一下。僧曰。答即便答。又卓箇甚麼。師曰。百雜碎。

南嶽法輪文昱禪師。上堂。以拄杖卓一卓。喝一喝。曰。雪上加霜。眼中添屑。若也不會。北轡單超。

信州靈鷲慧覺禪師。上堂。大衆百千三昧。無量妙義。盡在諸人脚跟下。各請自家回互。取會麼。回互不同。互認取歸家路。智慧爲橋梁。柔和作依怙。居安則慮危。在樂須知苦。君不見龐居士。黃金拋却如糞土。父子團圓頭共說。無生語。無生語。仍記取。九夏雪華飛。三冬汗如雨。

黃檗積翠永庵主。示衆。山僧住庵來。無禪可說。無法可傳。亦無羞珍異。寶祇收得續火柴頭一箇。留與後

人令他煙燄不絕火光長明遂擲下拂子時有僧就地站起吹一吹師便喝曰誰知續火柴頭從這裏邊煙消火滅去乃拂袖歸庵僧吐舌而去

廬山歸宗志云廬主臨江人也壯爲志高依黃龍於歸宗遂領深旨有偈曰未到憑須到了令人笑眉毛本無用無渠空波冷木幾龍引退芝陸沈于衆一日普請罷書偈曰茶芽薰軟初難焙筍角復忙又吐泥山舍一年春事辦得期難管飯頭低白是諸子親之師不憚結茹絕頂作偈曰千峯頂上一間屋老僧半間雲半間昨夜雲隨風雨去到頂不似老僧閑

南嶽下十三世上

黃龍心禪師法嗣

隆興府黃龍死心悟新禪師韶州黃氏子生有紫肉幕左肩右袒如僧伽黎狀依佛陀院德修祝髮進具後遊方至黃龍謁晦堂堂堅拳問曰喚作拳頭則觸不喚作拳頭則背汝喚作甚麼師問措經二年方領解然尚談辯無所抵牾堂患之偶與語至其說堂遽曰住住說食豈能飽人師嘗乃曰某到此弓折箭

盡望和尚慈悲指箇安樂處堂曰一臺飛而翳天一芥墮而覆地安樂處汝思上座許多骨董直須死却無量劫來全心乃可耳師趨出一日聞知事推行者而迅雷忽震即大悟趨見晦堂忘卻其履即自譽曰天下人總是參得底禪其是悟得底堂笑曰選佛得甲科何可當也因號死心更僧問如何是黃龍接人句師曰開口要罵人曰罵底是接人句接人一句又作麼生師曰但識取罵人問可新在手智刀當鋒龍虎陣圓請師相見師曰政將不斬曰甚麼則鋼柱近標榜水側鐵關高鑽鳳凰峯師曰不到烏江未肯休曰若然者七擒七縱正令全提師曰棺木裏瞪眼僧禮拜師曰苦苦問承師有言老僧今夏向黃龍潭內下三百六十箇釣筒未曾遇著箇錦鱗紅尾爲復是釣頭不妙爲復是香餌難尋師曰雨過竹風清雲開山嶽露曰怎麼則已得真人好消息人問天上更無疑師曰是釣頭不妙是香餌難尋曰出身適可易脫體道應難師曰亂統禪和如麻似粟上堂深固幽遠無人能到釋迦老子到不到若到因甚麼無人若不

到誰道幽遠上堂祖師心印狀似鐵牛之機去即印住住即印破祇如不去不住印即是不印即是金果早朝猿摘去王華晚後鳳銜歸上堂行脚高人解開布袋放下鉢囊去却藥忌一人所在須到半人所在須到無人所在也須親到上堂拗折拄杖將甚麼登山渡水拈却鉢盂匙箸將甚麼喫粥喫飯不如向十字街頭東卜西卜忽然卜著是你諸人有彩若卜不著也怪雲巖不得上堂文殊騎獅子普賢騎象王釋迦老子足躡紅蓮且道黃龍騎箇甚麼良久曰近來年老一步是一步上堂清珠下於濁水濁水不得不清念佛投於亂心亂心不得不佛佛既不亂濁水自清濁水既清功歸何所良久曰幾度黑風飄大海未曾聞道釣舟傾上堂有時破二作三有時會三歸一有時三一混同有時不落數量且道甚麼處是黃龍爲人處良久曰珍重僧問如何是四大毒蛇師曰地水火風曰如何是地水火風師曰四大毒蛇曰學人未曉乞師方便師曰一大既爾四大亦同室中問僧月暗之陰以五色彩著於冥中令百千萬人夜視其

色寧有辯其青黃赤白者麼僧無語師代曰箇箇是盲人師因王正言問嘗聞三緣和合而生又聞即死即生何故有奪胎而生者某甚疑之師曰如正言作漕使隨所住處即居其位還疑否王曰不疑師曰復何疑也王於言下領解師臨寂示偈曰說時七顛八倒默時落二落三爲報五湖禪客心王自在休參茶毗設利五色後有過其區所者獲之尤甚塔于晦堂丈室之北

隆興府黃龍靈源惟清禪師本州陳氏子印心於晦堂每謂人曰今之學者未脫生死病在甚麼處病在偷心未死耳然非其罪爲師者之罪也如漢高帝柏欒信而殺之信雖死其心果死乎古之學者言下脫生死效在甚麼處在偷心已死然非學者自能爾實爲師者鉗錘妙密也如梁武帝御大殿見侯景不動聲氣而景之心已枯竭無餘矣諸方所說非不美麗要之如趙昌畫華華雖逼真而非眞華也上堂鼓聲撼動大衆雲臻無限天機一時漏泄不孤正眼便合歸堂更待繁詞沈埋宗旨縱謂釋迦不出世四十九

年說達磨不西來少林有妙訣修山主也似萬里望鄉關又道若人識祖佛當處便超越直饒怎麼悟入親切去更有轉身一路勘過了打以拂子擊禪牀下座上堂江月照松風吹永夜清宵更是誰霧露雲霞遮不得箇中猶道不如歸復何歸荷葉團團似鏡菱角尖尖似錐上堂三世諸佛不知有恩無重報狸奴白牯却知有功不浪施明大用曉全機絕蹤跡不思議歸去好無人知衝開碧落松千尺截斷紅塵水一溪上堂至道無難唯嫌揀擇但莫憎愛洞然明白祖師怎麼說話瞎却天下人眼識是非別縑素底衲僧到這裏如何辨明未能行到水窮處難解坐看雲起時

隆興府潞潭草堂善清禪師南雄州何氏子初謁大潞詰禪師無所得後謁黃龍龍示以風幡話久而不契一日龍問風幡話子作麼生會師曰迥無入處乞師方便龍曰子見貓兒捕鼠乎目睛不瞬四足踞地諸根順向首尾一直擬無不中子誠能如是心無異緣六根自靜默然而究竟無失一也師從是屏去閑

緣歲餘豁然契悟以偈告龍曰隨隨隨昔昔隨隨隨後無人識夜來明月上高峯元來祇是這箇賊龍頷之復告之曰得道非難弘道爲難弘道猶在已說法爲人難既明之後在力行之大凡宗師說法一句中具三玄一玄中具三要子入處真實得坐披衣向後自看自然七通八達去師復依止七年乃辭徧訪叢林後出世黃龍終于潞潭僧問牛頭未見四祖時如何師曰京三十四日見後如何師曰灰頭土面曰畢竟如何師曰一場懺懺開堂上堂舉浮山遠和尚云欲得英俊麼仍須四事俱備方顯宗師際徑何謂也一者祖師巴鼻二具金剛眼睛三有師子爪牙四得衲僧殺活拄杖得此四事方可縱橫變應任運卷舒高聳人天壁立千仞儻不如是守死善道者敗軍之兆何故棒打石人貴論實事是以到這裏得不脩江耿耿大野雲凝綠竹含煙青山鎖翠風雲一致水月齊觀一句該通已彰殘朽師曰黃龍今日出世時當末季佛法澆漓不用祖師巴鼻不用金剛眼睛不用師子爪牙不用殺活拄杖祇有一枝拂子以爲際

徑亦能縱橫變態任運卷舒亦能高聳人天壁立千仞有時逢強即弱有時遇貴即賤拈起則羣魔屏迹佛祖潛蹤放下則合水和泥聖凡同轍且道拈起好放下好竿頭絲線從君弄不犯清波意自殊上堂色心不異彼我無差豎起拂子曰若喚作拂子入地獄如箭不喚作拂子有眼如盲直饒透脫兩頭也是黑牛臥死水

吉州青原惟信禪師上堂老僧三十年前未參禪時見山是山見水是水及至後來親見知識有箇入處見山不是山見水不是水而今得箇休歇處依前見山祇是山見水祇是水大衆這三般見解是同是別有人緇素得出許汝親見老僧

澧州夾山靈泉院曉純禪師嘗以木刻作一獸師子頭牛足馬身每陞堂時持出示衆曰喚作師子又是馬身喚作馬身又是牛足且道畢竟喚作甚麼令僧下語莫有契者師示頌曰軒昂師子首牛足馬身材三道如能入玄門疊疊開上堂有箇漢自從曠大劫無住亦無依上無片瓦蓋頭下無寸土立足且道十

二時中在甚處安身立命若也知得朝到西天暮歸東土

漢州三聖繼昌禪師彭州黎氏子上堂木佛不度火甘露臺前逢達磨惆悵洛陽人未來面壁九年空冷坐金佛不度爐坐數勞生走道途不向華山圖上看豈知潘闥倒騎驢泥佛不度水一道靈光照天地堪羨玄沙老古錫不要南山要鼈鼻上堂舉趙州訪二庵主師曰五陵公子爭誇富百納高僧不厭貧近來世俗多顛倒祇重衣衫不重人

隆興府雙嶺化禪師上堂翠竹黃華非外境白雲明月露全真頭頭盡是吾家物信手拈來不是塵遂舉拂子曰會麼認著依前還不是擊禪牀下座

泗州龜山水陸院曉津禪師僧問如何是賓中賓師曰巢父飲牛曰如何是賓中主師曰許由洗耳曰如何是主中賓師便喝曰如何是主中主師曰禮拜了退上堂田地穩密過犯彌天灼然擡脚不起神通遊戲無瘡自傷特地下脚不得且道過在甚麼處具參學眼底出來共相理論要見本分家山不支岐路莫

祇管自家點頭。蹉過歲月。他時異日。頂上一推。莫言不道。

漳州保福本權禪師。臨漳人也。性質直而勇於道。乃於晦堂舉拳處。徹證根源。機辯捷出。黃山谷初有所入。問晦堂。此中誰可與語。堂曰。漳州權師。方督役開田。山谷同晦堂往致問。曰。直歲還知露柱生兒麼。師曰。是男是女。黃擬議。師揮之。堂謂曰。不得無禮。師曰。這木頭不打。更待何時。黃大笑。上堂。舉寒山偈。曰。吾心似秋月。碧潭清皎潔。無物堪比倫。教我如何說。老僧即不然。吾心似燈籠。點火內外紅。有物堪比倫。來朝日出東。傳者以爲笑。死心和尙見之。歎曰。權兄提唱若此。誠不負先師所付囑也。

潭州南嶽雙峯景齊禪師。上堂拈拄杖曰。橫拈倒用。諸方虎步龍行。打狗撐門。雙峯掉在無事甲裏。因風吹火。別是一家。以拄杖靠肩。顧視大眾曰。喚作無事得麼。良久曰。刀尺高懸著眼看。話公不是閑和尙。卓拄杖一下。

溫州護國寄堂景新禪師。郡之陳氏子。上堂。三界無

法。何處求心。欲知護國當陽句。且看門前竹一林。鄂州黃龍智明禪師。一日上堂。衆纔集。師乃曰。不可更開眼說夢去也。便下座上。堂南北一訣。斬釘截鐵。切忌思量。纔成途轍。師同胡巡檢到公安。二聖胡問。達磨對梁武帝云。廓然無聖。公安爲甚麼却有二聖。師曰。一點水墨。兩處成龍。

潭州道吾仲圓禪師。上堂。不是心。不是佛。不是物。古人恁麼道。譬如管中窺豹。但見一斑。設或入林不動。草入水不動。波亦如騎馬向冰凌上行。若是射鵰手。何不向地頭上搭。養具正眼者。試辨看。良久曰。鴛鴦繡出自金鍼。

太史山谷居士黃庭堅字魯直。以般若夙習。雖臨仕澹如也。出入宗門。未有所向。好作艷詞。嘗謁圓通秀禪師。秀呵曰。大丈夫翰墨之妙。甘施於此乎。秀方戒李伯時畫馬。事公謂之曰。無乃復置我於馬腹中邪。秀曰。汝以艷語動天下人。姪心不止。馬腹中正恐生泥犁耳。公悚然悔謝。由是絕筆。惟孳孳於道。著發願文。痛戒酒色。但朝粥午鉢而已。往依晦堂。乞指徑捷。

處堂曰祇如仲尼道二三子以我爲隱乎吾無隱乎爾者太史居常如何議論公擬對堂曰是不是公迷題不已一日侍堂山行大時發桂盛放堂曰聞木樨華香麼公曰聞堂曰吾無隱乎對公釋然即拜之曰和尚得恁麼老婆心切堂笑曰祇要公到家耳久之謂雲巖死心新禪師隨衆入室心見張目問曰新長老死學士死燒作兩堆灰向甚麼處相見公無語心約出曰晦堂處參得底使未著在後左官黔南道力愈勝於無思念中頓明死心所問報以書曰往年嘗蒙苦苦提撕長如醉夢依稀在光影中盪蕩情不盡命根不斷故望崖而退耳謫官在黔南道中晝臥覺來忽爾尋思被天下老和尚謾了多少惟有死心道人不肯乃是第一相爲也不勝萬幸後作晦堂塔銘曰某夙承記別堪任大法道眼未圓而來瞻率堵實深宗師之教乃勒堅珉敬頌遺美公復設殯繫之供祭之以文弔之以偈曰海風吹落楞伽山四海禪徒善眼看一把柳絲收不得和煙搭在玉欄干觀文王詔居士字子淳出剌洪州乃延晦堂問道默

有所契因述投機頌曰靈智忘食夜忘眠痿得靈珠欲上天却向自身部放下四後場地恰圓圓呈堂堂深肯之

秘書吳恂居士字德夫居晦堂入室次堂謂曰平生學解記憶多聞即不問你父母未生曰前道將一句來公擬議堂以拂子擊之即領深旨連呈三偈其後曰拙這多知俗漢數盡古今公案忽於痕藉堆頭拾得燒煨羹彈明明不直分文萬兩黃金不換等閑拈出示人祇爲走盤難看嘆堂答曰水中得火世還稀看著令人特地疑自古不存師弟子如今却許老胡知

東林總禪師法嗣

隆興府潯潭應乾禪師袁州彭氏子上堂靈光洞耀迥脫根塵體露真常不拘文字心性無染本自圓成但離妄緣即如如佛古人恁麼道殊不知是箇坑阱貼肉汗衫脫不去過不得直須如師子兒壁立千仞方能勦絕去然雖如是也是布袋裏老鴉拍禪牀下座

廬山開先行瑛廣鑑禪師。桂州毛氏子。僧問如何是道。師曰。良田萬頃。曰。學人不會。師曰。春不耕。秋無望。問如何是祖師西來意。師曰。君山點破洞庭湖。曰。意旨如何。師曰。白浪四邊繞。紅塵何處來。上堂談玄說妙。譬如畫餅充饑。入聖超凡。大似飛蛾赴火。一向無事。敗種焦芽。更若馳求水中捉月。以拂子一拂云。適來許多見解。拂却了也。作麼生是諸人透脫一句。良久。曰。鐵牛不喫欄邊草。直向須彌頂上眠。以拂子擊禪牀。上堂。彎石鞏弓。架輿化箭。運那羅延力。定燦迦羅眼。不射大雄虎。不射藥山鹿。不射雲巖師子。不射象骨獼猴。且道。射箇甚麼。良久。曰。放過一著。上堂。登山須到頂。入海須到底。學道須到佛祖道不得處。若不如是盡。是依草附木。底精靈。喫野狐涕唾。底鬼子。華嚴恁麼道。譬如良藥。然則苦口。且要治疾。阿哪哪。廬山圓通可遷法鏡禪師。嚴州陳氏子。僧問如何是佛法大意。師曰。寸釘牛力。曰。學人不會。師曰。參取不會底。

紹興府家田梵卿禪師。嘉興人。姓錢氏。僧問。大悲菩

薩用許多手眼。作甚麼。師曰。富嫌千口少。曰。畢竟如何是正眼。師曰。從來共住。不知名。問。寒風乍起。褫子開爐。忽憶丹霞燒木佛。因何院主墮眉鬚。師曰。張公喫酒。李公醉。曰。爲復是逢強即弱。爲復是妙用神通。師曰。堂中聖僧。却諳此事。僧問。象田有屠龍之劍。欲借一觀。時如何。師橫拄杖。僧便喝。師擲下拄杖。僧無語。師曰。這死蝦蟆。臺上堂。春已暮。落華紛紛下。紅雨南北行人歸。不歸。千林萬林鳴杜宇。我無家。兮何處。歸。十方刹土。奚相依。老夫有箇真消息。昨夜三更月在池上。堂佛法到此。命若懸絲。異目超宗。亦難承紹。豎起拂子曰。賴有這箇。堪作流通。於此觀得。便見三世諸佛。向燈籠露柱裏。轉大法輪。六趣衆生。於鐵圍山得聞法要。聲非聲。見色非色。隨異類四生。各得解脫。如斯舉唱。非但埋沒宗風。亦乃平沈自己。且道如何得不犯令。去拍禪牀下座。

東京褒親旌德院有瑞佛海禪師。興化軍陳氏子。初參黃龍南禪師。龍問。汝爲人事來。爲佛法來。師曰。爲佛法來。龍曰。若爲佛法來。即今便分付。遂打一拂子。

師曰和尚也不得惱亂人。龍即器之後。依照覺深悟立。真上堂有佛世界。以一塵一毛而作佛事。令見一法者。而具是一切法。故權爲架閣。有佛化內。以忘言。寂默爲大佛事。使其學者。離一切相。即名諸佛。故好與三下火抄。有佛土中。以黃華翠竹。而爲佛事。令親相者。見色即空。故且付與彌勒。有佛寶刹。以法空爲座。而示佛事。俾其行人。不著佛求。故勘破了勾。下有佛道場。以四事供養。而或佛事。使知足者。斷異念。故可與下。載有佛妙域。以一切語言。三昧作其佛事。令隨機入者。不捨動靜。故爲渠裝載。大眾且道。於中還有優劣也。無良久曰。到者須知是作家參。

臨江軍慧力院可昌禪師。僧問。佛力法力。卽不問如何。是慧力。師曰。踏倒人我山。扶起菩提樹。曰。菩提本無樹。向甚麼處下手。師曰。無下手處。正好著力。曰。今日得聞於未聞。師曰。莫把真金。喚作鎗。上堂。佛法根源。非正信妙智。不能悟入。祖師關鍵。非大悲重願。何以開通。具信智。則權實雙行。如金在鑛。全悲願。則善惡可辨。似月離雲。大眾祇如父母未生時。許多譬喻。

向甚麼處吐露。良久曰。十語九中不如一默。

黃州柏子山棲真院密書禪師。上堂。天地一指。絕靜鏡之心。萬物一馬。無是非之論。由是魔羅潛跡。佛祖興隆。寒山拈掌。欣欣拾得呵呵。大笑。大眾。二古聖笑箇甚麼。良久呵呵大笑。曰。曇華一朵。再逢春。

廬山萬杉院紹慈禪師。往州趙氏子參照。覺問曰。世尊付金襴外。別傳何物。覺舉拂子。師曰。畢竟作麼生。覺以拂子。蓋口。打師。擬開口。覺又打師。於是。有省。遂奪拂子。便禮拜。覺曰。汝見何道理。便禮拜。師曰。拂子爲某甲了也。覺曰。三十年老將。今日被小卒折倒。自此玄風大振。推爲東林上首。上堂。先行不到。若須彌立乎。百川末後。太過。猶猛士發手。狂矢或高。或下。未有準繩。以是還非。遭人點檢。且道如何。得相應去。良久曰。紅爐飯裏。重添火。烱烱金剛眼。自開咄。上堂。我祖別行。最上機。縱橫生殺。絕情。雖然。塞斷羣狐路。返鄉須還師子兒。衆中還有金毛。烱烱牙爪。生擒者麼。試出哮吼一聲看。良久曰。直饒有。也不免玉溪塞主。揀鉤搭索參。

南嶽衡嶽寺道辯禪師僧問拈槌舉拂卽且置和尚如何爲人師曰客來須接曰便是爲人處也師曰麤茶澹飯僧禮拜師曰須知滋味始得

吉州禾山甘露志傳禪師僧問一等沒絃琴請師彈一曲師曰山僧耳聾曰學人請益師曰去曰慈悲何在師曰自有諸万眼

東京褒親旌德寺諡禪師上堂新羅打鼓大宋上堂庭前柏子問話燈籠露柱著忙香臺拄杖起作舞臥病維摩猶在牀這老漢我也識得你病休訝郎當咄隆興府西山龍泉夔禪師上堂衆集師乃曰祇恁麼便散去不妨要妙雖然如是早是無風起浪釘橈空中豈況牽枝引蔓說妙譚玄正是金屑眼中翳衣珠法上塵且道拂塵出屑是甚麼人卓拄杖下座

南康軍兜率志恩禪師上堂落落魄魄居村居郭莽莽箇箇何今何古不重已靈休話佛祖擗定釋迦鼻孔揭却觀音耳朶任他雪嶺親毬休管禾山打鼓若是本色衲僧終不守株待兔參

福州興福院康源禪師上堂山僧有一訣尋常不漏

泄今日不囊藏分明爲君說良久曰寒時寒熱時熱慧圓上座開封酸棗干氏子世業農少依邑之建福寺德光爲師性樵魯然勤渠祖道堅坐不臥居數歲得度出遊廬山至東林每以已事請問朋輩見其貌陋舉止乖疎皆戲侮之一日行殿庭中忽足顛而仆了然開悟作偈俾行者書於壁曰這一交這一交萬兩黃金也合消頭上笠腰下包清風明月杖頭挑卽日離東林衆傳至照覺覺大喜曰衲子參究若此善不可加令人迹其所往竟無知名大慧武庫謂證悟顯語非也內翰東坡居士蘇試字子瞻因宿東林與照覺論無情話有省黎明獻偈曰溪聲便是廣長舌山色豈非清淨身夜來八萬四千偈他日如何舉似人未幾抵荊南聞玉泉皓禪師機鋒不可觸公擬抑之卽微服求見泉問尊官高姓公曰姓程乃秤天下長老底秤泉喝曰且道這一喝重多少公無對於是尊禮之後過金山有寫公照容者公戲題曰心似已灰之木身如不繫之舟問汝平生功業黃州惠州瓊州

寶峯文禪師法嗣

隆興府兜率從悅禪師贛州熊氏子初首衆於道吾。頃數請謁雲蓋智和尚。智與語未數句。盡知所蘊。乃笑曰。觀首座氣質不凡。奈何出言吐氣如醉人邪。師面熱汗下曰。願和尚不吝慈悲。智復與語。雖割之師茫然。遂求入室。智曰。曾見法昌遇和尚否。師曰。曾看他語錄。自了可也。不願見之。智曰。曾見洞山文和尚否。師曰。關西子沒頭腦。拖一條布裙。作尿臭氣。有甚長處。智曰。你但向尿臭氣處。參取師。依教卽謁洞山。深領奧旨。復謁智。智曰。見關西子後。大事如何。師曰。若不得和尚指示。泊乎蹉過一生。遂禮謝師。復謁眞淨。後出世鹿苑。有清素者。久參慈明。寓居一室。未始與人交。師因食蜜漬荔枝。偶素過門。師呼曰。此老人。鄉果也可同食之。素曰。自先師亡後。不得此食久矣。師曰。先師爲誰。素曰。慈明也。某忝執侍十三年耳。師乃疑駭曰。十三年堪忍執侍之役。非得其道而何。遂饋以餘果。稍稍親之。素問師所見者何人。曰。洞山文素。曰。文見何人。師曰。黃龍。南素曰。南匾頭見先師不久。法道大振。如此師益疑駭。遂袖香詣素。作禮素起。

避之曰。吾以福薄。先師授記。不許爲人師。益恭素。乃曰。憐子之誠。違先師之記。子平生所得試語。我師具通所見。素曰。可以入佛。而不能入魔。師曰。何謂也。素曰。豈不見古人道末後一句。始到牢關。如是累月。素乃印可。仍戒之曰。文示子者。皆正知正見。然子離文太早。不能盡其妙。吾今爲子點破。使子受用得大自在。他日切勿嗣吾也。師後嗣眞淨。僧問。提兵統將。須憑帝主。虎符領衆。臣徒密佩。祖師心印。如何是祖師心印。師曰。滿口道不得。曰。祇這箇別更有。師曰。莫將支遯鷄。喚作右軍。鷺問。如何是兜率境。師曰。一水按藍色。千峯削玉青。曰。如何是境中人。師曰。七凹八凸。無人見。百手千頭。祇自知。上堂。耳目一何清。端居幽谷裏。秋風入古松。秋月生寒水。禪僧於此更求眞。兩箇胡孫垂四尾。喝一喝。上堂。兜率都無辨別。却喚烏龜作鼈。不能說妙談眞。祇解搖唇鼓舌。遂令天下衲僧。覷見眼中滴血。莫有翻瞋作喜。笑傲煙霞者麼。良久。曰。笛中一曲昇平樂。算得生平未解愁。上堂。始見新春。又逢初夏。四時若箭。兩曜如梭。不覺紅顏顰成。

白首直須努力別著精神。耕取自己田園。莫犯他人苗稼。既然如是。牽犁拽把。須是雪山白牛。始得且道鼻孔在甚麼處。良久曰。叱。叱。上堂。常居物外。度清時。牛上橫將竹笛吹一曲。自幽山自綠。此情不與白雲知。慶快諸禪德。思范蠡。泛滄波。因念陳搏。空眠太華。何曾夢見。浪得高名實。末神遊閑。漂野跡。既然如此。具眼禪僧。莫道龍安非他是。已好上堂。無法亦無心。無心復何捨。要真盡屬真。要假全歸假。平地上行。船虛空裏走。馬九年面壁。人有口還如瘧。參上堂。夜夜抱佛眠。朝朝還共起。坐鎮相隨語。默同居止。欲識佛去處。祇這語聲是。諸禪德。大小傳大士。祇會抱橋柱。澡洗把纜放。船印板上打。將來模子裏。脫將去。豈知道本色禪僧。塞除佛祖窟。打破玄妙門。跳出斷常坑。不依清淨界。都無一物獨奮雙拳。海上橫行。建家立國。有一般漢。也要向百尺竿頭。凝然端坐。泊手翻身之際。捨命不得。豈不見雲門大師道。知是般事拈放一邊。直須擺動精神。著些筋骨。向混沌未剖。已前薦得。猶是鈍漢。那堪更於他人舌頭上。師咲。滋。

◆清溪師

味終無了。日諸禪客。要會麼。剔起眉毛。有甚難。分明不見一毫端。風吹碧落浮雲盡。月上青山玉一團。喝一喝。下座。一日。漕使無盡居士張公。商英按部過分寧。請五院長老。就雲巖說法。師最後登座。橫拄杖曰。適來諸善知識。橫拈豎放。直立斜拋。換步移身。藏頭露角。既於學士面前。各納敗闕。未免喫兜率手中痛棒。到這裏。不由甘與不甘。何故。見事不平。爭忍得禪僧正令。自當行卓拄杖下。座室中設三語。以驗學者。二曰。撥草撥風。祇圖見性。即今上人性在甚麼處。二曰。識得自性。方脫生死。眼光落地時。作麼生脫。三曰。脫得生死。便知去處。四大分離。向甚麼處去。元祐六年冬。浴訖。集衆說偈曰。四十有八聖。凡盡殺。不是英雄。龍安路滑。奄然而化。其徒遵師遺誡。欲火葬捐骨。江中得法弟子無盡居士張公。遣使持祭。且曰。老師於祖宗門下。有大道力。不可使來者無所起敬。俾塔於龍安之乳峯。諡眞寂禪師。

東京法雲佛照杲禪師。自妙年遊方。謁圓通瑣禪師。入室次。瑣舉僧問投子。大死底人。却活時如何。子曰。

不許夜行投明須到意作麼生師曰恩大難酬我大喜遂命首衆至晚爲衆秉拂機遲而訥衆笑之師有被色次日於僧堂點茶因觸茶瓢墜地見瓢跳乃得應機三昧後依眞淨因讀祖偈曰心同虛空界示等虛空法證得虛空時無是非法豁然大悟每謂人曰我於紹聖三年十一月二十一日悟得方寸禪出住歸宗詔居淨因僧問達磨西來傳箇甚麼師曰周秦漢魏問昔日僧問雲門如何是透法身句門曰北斗裏藏身意旨如何師曰赤心片片若是學人卽不然師曰汝又作麼生曰昨夜擡頭看北斗依稀却似點糖糕師曰但念水草餘無所知上堂西來祖意教外別傳非大根器不能證入其證入者不被文字語言所轉聲色是非所迷亦無雲門臨濟之殊趙州德山之異所以唱道須明有語中無語無語中有語若向這裏薦得可謂終日著衣未嘗挂一縷絲終日喫飯未嘗齧一粒米直是呵佛罵祖有甚麼過雖然如是欲得不招無間業莫謗如來正法輪喝一喝下座上堂拈拄杖曰歸宗會斬蛇禾山解打鼓萬象與

森羅皆從這裏去擲下拄杖曰歸堂喫茶師以力參深到語不入時每示衆常舉老僧熙寧八年文帳在鳳翔府供申當年崩了華山四十里壓倒八十村人家汝輩後生茄子瓠子幾時知得或問曰寶華王座上因甚麼一向世諦師曰癡人佛性豈有二種邪隆興府泐潭湛堂文準禪師與元府梁氏子初謁眞淨淨問近離甚處師曰大仰淨曰夏在甚處師曰大湫淨曰甚處人師曰興元府淨展手曰我手何似佛手師罔措淨曰適來祇對一一靈明一一天眞及乎道箇我手何似佛手便成窒礙且道病在甚處師曰某甲不會淨曰一切見成更教誰會師當下釋然服勤十載所往必隨紹聖三年眞淨移石門衆益盛凡衲僧扣問但瞑目危坐無所示見來學則往治蔬圃率以爲常師謂同行恭上座曰老漢無意於法道乎一日舉杖決渠水濺衣忽大悟淨詎曰此乃敢爾慕苴邪自此迹愈晦而名益著顯謨李公景直守豫章請開法雲巖未幾移居泐潭僧問教意卽且置未審如何是祖意師曰煙村三月裏別是一家春問寒食

因悲郭外春墅田無處不傷神林間壘壘添新塚半
是去年來哭人。這事且拈放一邊。如何是道。師曰。蒼
天蒼天。曰。學人特伸請問。師曰。十字街頭吹尺八。村
酸冷酒兩三巡。問一法。若有毗盧。墮在凡夫萬法。若
無普賢。失其境界。去此二途。請師一決。師曰。大黃甘
草。曰。此猶是學人疑處。師曰。放待冷來。看問。向上一
路。千聖不傳。未審如何。是向上一路。師曰。行到水窮
處。坐看雲起時。曰。爲甚不傳。師曰。家家有路。透長安。
曰。祇如衲僧門下。畢竟作麼。生。師曰。放你三十棒。上
堂。曰。五九四十五。聖人作而萬物覩。秦時轆轤鑽頭
尖。漢祖殿前樊噲怒。曾聞黃鶴樓。崔顥題詩在上頭。
晴川歷歷漢陽戍。芳草萋萋鸚鵡洲。可知禮也。君子
務本本立而道生。道生。一一生二。二生三。三生萬物。
鶻拈拄杖起身云。大衆寶峯。何以孔夫子。良久曰。酒
逢知己飲。詩向會人吟。卓拄杖下座。上堂。剗久雨不
晴。直得五老峯頭黑。雲鬢澗洞庭湖裏白。浪滔天。雲
門大師忍俊不禁。向佛殿裏燒香。三門頭合掌。禱祝
呪願。願黃梅石女生兒子。母團圓。少室無角鐵牛常

甘草草喝一喝。有甚麼交涉。願衆曰。不因楊得意。爭
見馬相如。上堂。混元未判。一氣岑寂。不聞有天地。玄
黃宇宙洪荒。日月盈昃。秋收冬藏。正當恁麼時。也好
箇時節。耐耐雪峯老漢。却向虛空裏釘橛。覷三箇木
毬。直至後人攢占不上。便見瀉山水牯牛。一向膽大
心麤。長沙大蟲到處。敲人家猪狗。雖然無禮難容。而
今放過一著。孝經序云。朕聞上古其風朴略。山前華
堯民解元。且喜尊候安樂。參上堂。今朝臘月十夜來。
天落雪。羣峯極目高低白。綠竹青松難辨別。必是來
年蠶麥熟。張公李公皆忻悅。皆忻悅。鼓腹謳歌笑不
徹。把得雲簫線亂吹。依稀有如楊柳枝。又不覺手之
舞之。足之蹈之。左之左之。右之右之。喝曰。禪客相逢。祇彈指此
心。能有幾人知。上堂。太陽門下。日日三秋。明月堂前
時時九夏。洞山和尚。祇解夜半捉烏雞。殊不知驚起
隣家睡。寶峯相席打令。告諸禪德。也好冷處著把火。
咄。上堂。古人道。不看經。不念佛。看經念佛。是何物。自
從識得轉經人。舉拂子曰。龍藏聖賢都一拂。以拂子
拂一拂。曰。諸禪德。正當恁麼時。且道雲巖土地向甚

麼處安身立命。擲下拂子。以兩手握拳。叩齒曰。萬靈千聖。千聖萬靈。上堂。僧問。教中道。若有一人發真歸源。十方虛空。悉皆消殞。未審此理如何。師遂展掌點指曰。子丑寅卯辰巳午未。一羅二土。三水四金。五太陽。六太陰。七計都。今日計都星入巨蟹宮。寶峯不打這鼓笛。便下座。上堂。大道縱橫。觸事現成。雲開日出。水綠山青。拈拄杖卓一下曰。雲門大師來也。說道觀音菩薩。將錢買胡餅。放下手。元來却是饅頭。大眾雲門祇見錐頭利。不見鑿頭方。寶峯即不然。擲下拄杖曰。勿於中路事空王。策杖須還達本鄉。昨日有人從淮南來。不得福建信。却道嘉州大像吞却陝府鐵牛。喝一喝曰。是甚說話。笑倒雲居土地。上堂。祖師關捩。子幽隱。少人知。不是悟心者。如何學。似伊喝一喝曰。是何言。歟。若一向恁麼達磨。一宗掃土而盡。所以大覺世尊。初悟此事。便開方便門。示真實相。普令南北東西四維上下。郭大李二鄧四張三。同明斯事。雲巖今日不免微古去也。擊拂子曰。方便門開也。作麼生是真實相。良久云。十八十九癡人夜走。示衆拈拄杖。

曰。衲僧家。竿木隨身。逢場作戲。倒把橫拈。自有意思。所以昔日藥山和尚問雲巖曰。聞汝解弄師子。是否。巖曰。是山曰。弄得幾出。巖曰。弄得六出。山曰。老僧亦解弄。巖曰。和尚弄得幾出。山曰。老僧祇弄得一出。巖曰。一即六。六即一。山便休。大眾藥山雲巖鈍置殺人。兩子父弄一箇師子也。弄不出。若是準上座。祇消得自弄。拽得來。拈頭作尾。拈尾作頭。轉兩箇金睛。攫幾鉤鐵爪。吼一聲。直令百里內猛獸潛蹤。滿空裏飛禽亂墜。準上座未弄師子。請大眾高著眼。先做一箇定場。擲下拄杖曰。箇中消息。子能有幾人知。師自浙回。泐潭謁深禪師。尋命分座。聞有悟侍者。見所擲。饒餘有省。詣方丈通所悟。深喝出。因喪志。自經於延壽堂。廁後出。沒無時。衆憚之。師聞。半夜特往。登溷。方脫衣。悟即提淨水至。師曰。待我脫衣。脫罷。悟復到。未幾。悟供籌子。師滌淨已。召接淨桶去。悟纔接。師執其手問曰。汝是悟侍者。那。悟曰。諾。師曰。是當時在知客寮。見掉火柴頭。有箇悟處。底麼。參禪學道。祇要知箇本命元辰下落處。汝剗地作此去。就汝在藏殿移首座。鞋。

豈不是汝當時悟得底。又在知客寮移他枕头。豈不是汝當時悟得底。汝每夜在此提水度籌。豈不是汝當時悟得底。因甚麼。不知下落。却在這裏惱亂大眾。師猛推之。索然如倒壘。爰由是無復見者。政和五年夏。師臥病。進藥者令忌毒物。師不從。有問其故。師曰。病有自性乎。曰。病無自性。師曰。既無自性。則毒物寧有心哉。以空納空。吾未嘗顛倒。汝輩一何昏迷。十月二十日。更衣說偈而化。闍維得舍利。晶圓光潔。睛齒數珠不壞。塔于南山之陽。

廬山慧日文雅禪師。受請曰。僧問。向上宗乘。乞師不吝。師曰。拄杖正開。封曰。小出大遇也。師曰。放過。卽不可便打。

瑞州洞山梵言禪師。太平州人也。上堂。有二僧齊出。一僧禮拜。一僧便問。得用使用時如何。師曰。伊蘭作旃檀之樹。曰。有意氣時。添意氣。不風流處也。風流師曰。甘露乃蒺藜之園。上堂。吾心似秋月。碧潭清皎潔。無物堪比倫。教我如何說。寒山子。勞而無功。更有箇拾得道。不識這箇意。修行徒苦辛。怎麼說話。自救不

了。尋常拈糞箕。把掃帚。掣風掣顛。猶較些子。直饒是文殊普賢。再出若到洞山門下。一時分付與。直歲燒火底。燒火掃地底。掃地前廊後架切忌。攪匙亂箸。豐干老人。更不饒舌。參退喫茶。上堂。一生二。二生三。三退捺不生。廓周沙界。德雲直上妙峯。善財却入樓閣。新婦騎驢阿家牽。山青水綠。桃華紅。李華白。一塵一佛。土一葉。一釋迦。乃合掌曰。不審。諸佛子。今晨改旦。季春極喧。起居輕利。安樂行否。少間專到上寮。問訊不勞。久立上堂。臘月二十日。一年將欲盡。萬里未歸人。大眾總是他鄉之客。還有返本還源者麼。擊拂子曰。門前殘雪日輪消。室內紅塵遣誰掃。

德安府文殊宣能禪師。僧問。如何是祖師燈。師曰。四生無不照。一點任君看。上堂。石鞏箭。秘魔叉。直下會得眼裏空。華堪悲。堪笑少林客。暗攜隻履度流沙。桂州壽寧善資禪師。上堂。若論此事。如鷄啄鐵牛。無下口處。無用心處。更向言中問覓。句下尋思。縱饒卜度將來。翻成戲論。邊事殊不知本來具足。直下分明。佛及衆生。纖毫不立。尋常向諸人道。凡夫具足聖人。

法凡夫不知聖人具足凡夫法聖人不會聖人若會
即同凡夫凡夫若知即是聖人然則凡聖一致名相
互陳不識本源迷其真覺所以逐境生心徇情附物
苟能一念情忘自然真常體露良久曰使請薦取上
堂諸方五日一參壽寧日日陞座莫怪重說偈言過
在西來達磨上士處處逢渠後學時時蹉過且道蹉
過一著落在甚麼處舉起拂子曰一片月生海幾家
人上樓

南嶽祝融上封慧和禪師上堂未陞此座已前盡大
地人或佛已畢更有何法可說更有何生可利況菩
提煩惱本自寂然生死涅槃猶如昨夢門庭施設誑
譚小兒方便門開羅紋結角於衲僧面前皆成幻惑
且道衲僧有甚麼長處拈起拄杖曰孤根自有擎天
勢不比尋常曲彖枝卓拄杖下座

瑞州五峯淨覺本禪師僧問同聲相應時如何師曰
鶉鳩樹上啼曰同氣相求時如何師曰猛虎巖前嘯
問一進一退時如何師曰脚在肚下曰如何是不動
尊師曰行住坐臥上堂僧問寶座既陞願聞舉唱師

曰雪裏梅華火裏開曰莫便是爲人處也無師曰井
底紅塵已漲天上堂恁麼也不得不恁麼也不得恁
麼不恁麼總不得諸人作麼生會直下會得不妨奇
特更或針錐西天此土上堂五峯家風南北西東要
用便用以擬釘空咄

永州太平安禪師上堂有利無利莫難行市鎮州羅
蔔極貴廬陵米價甚賤爭似太平這裏時豐道泰商
賈駢闐白米四文一升蘿蔔一文一束不用北頭買
賤西頭賣貴自然物及四生自然利資王化又怎生
說箇佛法道理良久云勸君不用鑄頑石路上行人
口似碑

潭州報慈進英禪師僧問遠涉長途即不問到家一
件事如何師曰雪滿長空曰此猶是時人知有轉身
一路又作麼生師便喝上堂報慈有一公案諸方未
曾結斷幸遇改日拈出各請高著眼看遂趨下一隻
鞋曰還知這箇消息也無達磨西歸時提攜在身畔
上堂與麼上來猛虎出林與麼下去驚蛇入草不上
不下曰輪杲杲喝一喝曰瀟湘江水碧溶溶出門便

是長安道上堂。擲下拄杖。却召大衆曰。拄杖吞却。祖師了也。教甚麼人說禪。還有人救得也。無喝一喝上堂。薦拈拄杖曰。三世一切佛。同入這窠窟。衲僧喚作遼天鵲。卓拄杖一下。

瑞州洞山至乾禪師上堂。洞山不會談禪。不會說道。祇是饑來喫餅。困來打睡。你諸人必然別有長處。試出來盡力道一句看。有麼。有麼。良久。曰。睦州道底。平江府寶華普鑑佛慈禪師本郡周氏子。幼不茹葷。依景德寺清智下。髮十七遊方。初謁覺印英禪師。不契。遂扣眞淨之室。淨舉石霜虔侍者話。問之。釋然契悟。作偈曰。枯木無華幾度秋。斷雲猶挂樹梢頭。自從圓折泥牛角。直至如今水逆流。淨肯之。命侍巾鉢。晚狗業開法寶。華次移高峯上堂。參禪別無奇特。祇要當人命根斷。疑情脫。千眼頓開。如大洋海底觀一輪。赫日上昇。天門照破。四天之下。萬別千差。一時明了。便能握金剛王寶劍。七縱八橫。受用自在。豈不快哉。其或見諸不眞影像。彷彿尋言逐句。受人指呼。驢鞍得快活。去不如屏淨塵緣。豎起脊梁。骨著些精彩。究

教七穿八穴。百了千當。向水邊林下。長養聖胎。亦不枉受人天供養。然雖如是。臥雲門下有箇鐵門限。更須猛著氣力。跳過始得。擬議之間。墮坑落壑。以拂子擊禪牀下座。上堂。月圓伏惟三世諸佛。狸奴白牯。各起居萬福。時中淡薄。無可相延。切希寬抱。老水牯牛。近日亦自多病。多惱。不甘水草。遇著暖日和風。當下和身便倒。教渠拽把牽犁。直是搖頭擺腦。可憐萬頃良田。一時變爲荒草。

瑞州九峯希廣禪師遊方。日謁雲蓋智和尚。乃問。與化打克賓意旨如何。智下禪牀。展兩手吐舌示之。師打一坐具。智曰。此是風力所轉。又問。石霜琳禪師。琳曰。你意作麼。生師亦打一坐具。琳曰。好。一坐具。祇是。不知落處。又問。眞淨淨曰。你意作麼。生師復打一坐具。淨曰。他打你也打。師於言下大悟。淨因有頌曰。丈夫當斷不自斷。與化爲人徹底漢。已後從教眼自開。棒了罰錢。越出院後。住九峯。諸子宗仰。

瑞州黃檗道全禪師上堂。以拂子擊禪牀曰。一毬打透無盡藏。一切珍寶。吾皆有拈來。普濟貧乏人。免使

波吒路邊走遂喝曰誰是貧乏者

瑞州清涼慧洪覺範禪師郡之彭氏子年十四父母俱亡乃依三峯詔禪師爲童子日記數千言覽羣書殆盡詔器之十九試經於東京天王寺得度從宣秘講成實唯識論逾四年棄講眞淨於歸宗淨遷石門師隨至淨患其深聞之鑿每舉玄沙未徹之語發其疑凡有所對淨曰你又說道理耶一日頓脫所疑述偈曰靈雲一見不再見紅白枝枝不著華耐耐釣魚船上客却來平地擺魚鰕淨見爲助喜命掌記未久去謁諸老皆蒙賞音由是名振叢林顯謨朱公彥請開法撫州北景德後住清涼示衆舉首楞嚴如來語阿難曰汝應觀此爐中栴檀此香若復然於一鉢室羅筏城四十里內同時聞氣於意云何此香爲復生栴檀木生於汝鼻爲生於空阿難若復此香生於汝鼻稱鼻所生當從鼻出鼻非栴檀云何鼻中有栴檀氣稱汝聞香當於鼻入鼻中出香說聞非義若生於空空性常恒香應常在何藉爐中爇此枯木若生於木則此香實因爇成煙若鼻得聞合蒙煙氣其煙騰

空未及遙遠四十里內云何已聞是故當知香鼻與聞俱無處所卽觀與香二處虛妄本非因緣非自然性師曰入此鼻觀親證無生又大智度論問曰聞者云何聞用耳根聞邪用耳識聞邪用意識聞邪若耳根聞耳根無覺識知故不能聞若耳識聞耳識一念故不能分別不應聞若意識聞意識亦不能聞何以故先五識識五塵然後意識識意識不能識現在五塵唯識過去未來五塵若意識能識現在五塵者盲聾人亦應識聲也何以故意識不破故師曰究此聞塵則合本妙既證無生又合本妙畢竟是何境界良久曰白猿已叫千巖晚碧縷初橫萬字鐘住景德日僧問南有景德北有景德德卽不問如何是景德師曰頸在頂上崇寧二年會無盡居士張公於峽之善溪張臂自謂得龍安悅禪師末後句叢林畏與語因夜話及之曰可惜雲庵不知此事師問僧以張曰商英頃自金陵酒官移知豫章過歸宗見之欲爲點破方敘悅末後句未卒此老大怒罵曰此吐血禿丁脫空妄語不得信旣見其盛怒更不欲敘之師笑曰相公

但識龍安口傳末後句而真藥現前不能辨也。張大驚起執師手曰。老師真有此意耶。曰。疑則則參。乃取家藏雲庵頂相展拜贊之。書以授師。其詞曰。雲庵綱宗能用。能照天鼓希聲。不落凡調。冷面嚴眸。神光獨耀。孰傳其真。覲面爲肖。前悅後洪。如融如肇。大慧處衆。日嘗親依之。每歎其妙悟辯慧。建炎二年五月示寂于同安太尉郭公天民奏賜寶覺圓明之號。衡州超化靜禪師上堂。聲前認得已。涉廉纖句下承當。猶爲鈍漢。電光石火。尙在遲疑。點著不來。橫屍萬里。良久云。有甚用處。咄。

南嶽石頭懷志庵主。婺州吳氏子。年十四師智慧院寶偶。二十二試所習落髮。肆講十二年。宿學敬慕。嘗欲會通諸宗。正一代時教。有禪者問曰。杜順乃賢首宗祖師也。談法身則曰。懷州牛喫禾。益州馬腹脹。此偈合歸天台何義耶。師無對。卽出遊。方晚至潤山謁真淨。問古人一喝不作一喝。用意旨如何。淨叱之。師趨出。淨笑呼曰。浙子齋後遊山。好師忽領悟。久之辭去。淨曰。子所造雖逸格。惜緣不勝耳。因識其意。自爾

諸方力命出世。師却之。庵居二十年。不與世接。士夫踵門略不顧。有偈曰。萬機休罷付癡憨。蹤跡時容野鹿參。不脫麻衣拳作枕。幾生夢在綠蘿庵。或問住山多年。有何旨趣。師曰。山中住。獨掩柴門。無別趣。三箇柴頭品字。煨不用。援毫文彩。露崇寧改元冬。曳杖造龍安人莫之留。明年六月晦。問侍僧曰。早暮曰。已夕矣。遂笑曰。夢境相逢。我睡已覺。汝但莫負叢林卽是報佛恩德。言訖示寂於最樂堂。茶毗收骨塔于乳峯之下。

婺州雙溪印首座。自見真淨徹證宗。猷歸還雙溪。一日偶書云。折脚鐘兒。謾自煨飯。餘長是坐堆堆。一從近日生涯拙。百鳥銜華去不來。又以觸衣碎甚作偈曰。不挂寸絲。方免寒。何須特地裊長竿。而今落落零零也。七佛之名甚處安。

五燈嚴統卷第十七

五燈嚴統卷第十八

南嶽下十三世下

雲居祐禪師法嗣

廬山羅漢院系南禪師汀州張氏子上堂禪不禪道不道三寸舌頭胡亂掃昨夜日輪飄桂華今朝月窟生芝草阿呵呵萬兩黃金無處討一向絕思量諸法不相到師臨示寂陞座告衆曰羅漢今日倒騎鐵馬逆上須彌踏破虛空不留朕迹乃歸方丈跏趺而逝潭州慈雲彥隆禪師上堂舉玄沙示衆曰盡大地都來是一顆明珠時有僧問既是一顆明珠學人爲甚不識沙曰全體是珠更教誰識曰雖然全體是爭奈學人不識沙曰問取你眼師曰諸禪德這箇公案喚作嚼飯餞小兒把手更與杖還會麼若未會須是扣已而參直要真實不得信口掠虛徒自虛生浪死鄧州子陵山自瑜禪師僧問如何是古佛心師曰赤脚踏泥冷似冰曰未審意旨如何師曰休要拖泥帶水問泗洲大聖爲甚麼楊州出現師曰業在其中曰

意旨如何師曰降尊就卑曰謝和尚答話師曰賊是小人智過君子

隆興府東山景福省悅禪師上堂十二時中跛跛挈挈且與麼過大衆利害在甚麼處良久曰聽諸方斷看擊禪牀下座

亳州白藻清嚴禪師信州人僧問楊廣失豪施到處無人見未審是甚麼人得見師以拂子約曰退後退後妨他別人所問曰畢竟落在甚麼處師曰可煞不識好惡便打

台州寶相元禪師僧問一切諸佛及諸佛阿耨多羅三藐三菩提皆從此經出如何是此經師曰長時誦不停非義亦非聲曰如何受持師曰若欲受持者應須用眼聽

信州永豐慧日庵主本郡丘氏子卅歲出家於明心寺得度自機契雲居熟遊湘漢暨歸永豐或處巖谷或居鄆市令鄉民稱丘師伯凡有所問以莫曉答之忽語邑人曰吾明日行脚去汝等可來相送於是賁路者畢集師笑不已衆問其故卽書偈曰丘師伯莫

曉寂寂明皎皎日午打三更誰人打得了投筆而逝
泉州南峯永程禪師示衆始自雞峯續談少室流芳
大布慈雲宏開慧日教分三藏直指一心或全提而
棒喝齊施或縱奪而賓主互設或金剛按劍或師子
飄身或照用雷奔或機鋒電掣無非剪除邪妄開廓
玄微直下明宗到眞實地諸仁者到此方許一線道
與你商量苟或未然盡是依師作解無有是處

大瀉秀禪師法嗣

潭州大瀉祖瑤禪師福州吳氏子僧問如何是瀉山
家風師曰竹有上下節松無今古青曰未審其中飲
噉何物師曰饑餐相公玉粒飯渴點神運倉前茶上
堂道無定亂法離見知言句相投都無定義自古龍
門無宿客至今鳥道絕行蹤欲會箇中端的意火裏
蟬蛻吞大蟲咄上堂雨下堦頭濕晴乾水不流鳥巢
滄海底魚躍石山頭衆中大有商量前頭兩句是平
實語後頭兩句是格外談若如是會祇見石磊磊不
見玉落落若見玉落落方知道寬廓嘆
南嶽福嚴文演禪師僧問如何是佛師當面便唾

南嶽南臺允恭禪師開堂日上堂稀逢難遇正在此
時何謂釋迦已滅彌勒未生拈拂子曰正當今日佛
法盡在這箇拂子頭上放行把住一切臨時放行也
風行草偃瓦礫生光拾得寒山點頭拈掌把住也水
洩不通精金失色德山臨濟飲氣吞聲當恁麼時放
行卽是把住卽是良久曰後五日看

黃檗勝禪師法嗣

成都府昭覺純白紹覺禪師上堂寒便向火熱卽搖
扇饑時喫飯困來打眠所以趙州庭前柏香殿嶺後
松栽來無別用祇要引清風且道畢竟事作麼生甲
子乙丑海中金丙寅丁卯爐中火

開元琦禪師法嗣

饒州薦福道英禪師僧問佛未出世時如何師曰瓊
璃餅貯華曰出世後如何師曰瑪瑙鉢盛果曰未審
和尚今日是同是別師曰趨倒餅拽倒鉢上堂據道
而論語也不得默也不得直饒語默兩忘亦沒交涉
何故句中無路意在句中無意無不意非計較之所
及若是劈頭點一點頂門豁然眼開者於此却有疾

速分若低頭向意根下尋思。卒摸索不著。是知萬法無根。欲窮者錯。一源絕迹。欲返者迷。看他古佛光明。先德風彩。一一從無欲無依中發現。或時孤峻峭拔。竟不可構。或時含融混會。了無所睹。終不椿定一處。亦不繫係兩頭。無是無不是。無非無不非。得亦無所得。失亦無所失。不曾隔越纖毫。不曾移易絲髮。明明古路。不屬玄微。覲面擎來。瞥然便過。不居正位。豈落邪途。不蹈大方。那趨小徑。騰騰兀兀。何住何爲。回首不逢。觸目無對。一念普觀。廓然空寂。此之宗要。千聖不傳。直下了知。當處超越。是知亦灑灑處。怎麼即易。明歷歷處。怎麼還難。不用沾黏點染。直須剝脫屏除。若是本分手脚。放去無收。不來底。一一放光現瑞。一一削跡絕蹤。機上了。不停語中。無可露徹底。攪不渾。通身撲不碎。且道畢竟是箇甚麼。得恁麼靈通。得恁麼奇特。得恁麼堅確。諸仁者。休要識渠面孔。不用安渠名字。亦莫覓渠所在。何故。渠無所在。渠無名字。渠無面孔。纔起一念追求。如微塵許。便隔十生五生。更擬管帶思惟。益見紛紛叢雜。不如長時放教自由。自

在要發便發。要住便住。卽天然非天然。卽如非如。如卽湛寂。非湛寂。卽敗壞。非敗壞。無生。懸無死。畏無佛。求無魔。怖不與菩提會。不與煩惱俱。不受一法。不嫌一法。無在無不在。非離非不離。若能如是。見得釋迦自釋。迦達磨自達磨。于我甚麼。婉恁麼說話。請僧門下。推動將來。布裙芒屨。不免揀他些些泥水。豈況汝等諸人。更道這箇是平實語句。這箇是差別門庭。這箇是關捩巴鼻。這箇是道眼根。應遍相教習。如七家村裏傳口令。相似有甚交涉。無事珍重。

泉州尊勝有朋講師。本郡蔣氏子。卅歲試經中。選下髮。多歷教肆。嘗疏楞嚴維摩等經。學者宗之。每疑祖師直指之道。故多與禪衲遊。一日謁開元跡。未及闔心。忽領悟。元出遂問座主來作甚麼。師曰。不敢貴耳。賤目元曰。老老大大。何必如是。師曰。自是者不長元。曰。朝看華嚴。夜讀般若。若則不問如何。是當今一句。師曰。日輪正當午。元曰。閑言語。更道來。師曰。平生仗忠信。今日任風波。然雖如是。祇如和尚恁麼道。有甚交涉。須要新戒草鞋穿。元曰。這裏且放你過。忽遇達磨。

問你作麼生。道師便喝。元曰。這座主今日見老僧氣衝牛斗。師曰。再犯不容。元拊掌大笑。

仰山偉禪師法嗣

潭州龍王山善隨禪師。僧問。如何是龍王境界。師曰。水晶宮殿。曰。如何是龍王如意寶珠。師曰。頂上髻中僧禮拜。師曰。莫道不如意好。

瑞州黃檗山祇園永泰禪師。僧問。如何是祖師西來意。師曰。鐵鑄就。僧擬議。師曰。會麼。僧禮拜。師曰。何不早如此。

廬山慧日明禪師。上堂。不用求心。唯須息見。三祖大師。雖然回避金鉤。殊不知已吞紅線。慧日又且不然。不用求真。并息見。倒騎牛。分入佛殿。牧笛一聲。天地寬。稽首。瞿曇真箇黃面。

福嚴感禪師法嗣

慶元府育王法達寶鑑禪師。饒州余氏子。僧問。不落階級。處請師道。師曰。蠟人向火。曰。畢竟如何。師曰。薄處先穿。

雲蓋智禪師法嗣

安吉州道場法如禪師。衢州徐氏子。參雲蓋。悟汾陽十智。同真話。尋常多說十智。同真。故叢林號爲如十。同也。水庵圓極。皆依之。圓極嘗贊之曰。生鐵面皮。難湊泊。等閑舉步。動乾坤。戲拈十智。同真話。不負黃龍嫡骨。孫上堂。知見立知。卽無明本。知見無見。斯卽涅槃。無漏真淨。云何是中。更容他物。釋迦老子和身放倒。後代兒孫。如何接續。要會麼。通玄不是人間世。滿目青山何處等。

福州寶壽最樂禪師。古田人也。上堂。諸佛不真實。說法度羣生。菩薩有智慧。見性不分明。白雲無心意。灑爲世間雨。大地不含情。能長諸草木。若也會得。猶有知解。若也不會。墮在無記。去此二途。如何卽是海闊難藏。月山深分外寒。

紹興府石佛慧明解空禪師。僧問。如何是寶相境界。師曰。三生鑿成。曰。如何是境中人。師曰。一佛二菩薩。

玄沙文禪師法嗣

福州廣慧達杲禪師。上堂。佛爲無心。悟心因有。佛迷佛心。清淨處。雲外野猿啼。

建隆慶禪師法嗣

平江府泗洲用元禪師一日問建隆曰臨濟在黃檗三回問佛法大意三回被打意旨如何語猶未了被打一拂子師頌領宗旨開堂日僧問四衆雲臻請師說法師曰有眼無耳朶六月火邊坐日一句截流萬機頓息師曰聽事不真喚鐘作甕問朝參暮請成得甚麼邊事師曰祇要你歇去日早知燈是火飯熟已多時師曰你鼻孔因甚麼著拄杖子穿却曰拗曲作直又爭得師曰且教出氣上堂一二三四五火裏蠅蜂吞却虎六七八九十水底泥牛波上立一日一夜雨霖霖無孔鐵鎚灑不入灑不入著底急百川洶湧須彌岌八臂那吒撞出來稽首讚歎道難及咦上堂橫按拄杖顧視大衆曰今日平地上喫交便下座

報本元禪師法嗣

平江府承天永安元正傳燈禪師鄆州鄭氏子上堂天人羣生類皆承此恩力大衆有一人道我不承佛恩力不居三界不屬五行祖師不敢定當先佛不敢安名你且道是箇甚麼人良久曰倚石巖前燒鐵鉢

就松枝上挂銅餅

隆慶閑禪師法嗣

潭州安化啓寧閑一禪師上堂拈華微笑虛勞力立雪齊腰枉用功爭似老盧無用處却傳衣鉢振眞風大衆且道那箇是老盧傳底衣鉢莫是大庾嶺頭提不起底麼且莫錯認定盤星以拂子擊禪牀下座

三祖宗禪師法嗣

寧國府光孝惟爽禪師上堂今朝六月旦一年已過半奉報參玄人識取孃生面孃生面薦不薦驚驚飛入碧波中抖擻一團銀繡線

渤潭英禪師法嗣

南嶽法輪齊添禪師僧問學人上來乞師指示師曰汝適來聞鼓聲麼曰聞師曰還我話頭來僧禮拜師曰令人疑著上堂喝一喝曰師子哮吼又喝一喝曰象王嘯呻又喝一喝曰狂狗趨塊又喝一喝曰鰕跳不出斗乃曰此四喝有一喝堪與祖佛爲師明眼衲僧試請揀看若揀不出大似日中迷路上堂良久曰性靜情逸乃喝一喝曰心動神疲遂顧左右曰守眞

志滿拈拄杖曰。逐物意移。焉召大衆曰。見怪不怪。其怪自壞。靠拄杖便下座。

泉州慧明雲禪師。僧問。般若海中。如何爲人。師曰。雲開銀漢迥。曰。畢竟如何。師曰。棒頭見血。問。毗婆尸。佛早留心。直至如今。不得妙意。旨如何。師曰。醜拙不堪當。

保寧幾禪師法嗣

慶元府育王無竭淨曇禪師。嘉禾人也。晚歸錢塘之法慧。一日上堂。本自深山臥白雲。偶然來此寄閑身。莫來問我禪兼道。我是喫飯厨屎人。紹興丙寅夏。辭朝。貴歸付院事。四衆擁。咏揮。屢久之。書偈曰。這漢從來沒縫。五十六年成話。霸今朝死去。見闍王剎樹。刀山得人怕。遂打一圓相曰。噯。一任諸方鑽龜打瓦。收足而化。火後。記。利如霰。門人持骨歸阿育王山建塔。

台州真如戒香禪師。興化林氏子。上堂。孟冬改旦。曉天寒。葉落。歸根露遠。山不是見聞生滅法。當頭莫作見聞看。

五祖常禪師法嗣

新州南島崖壽聖楚清禪師。僧問。亡僧遷化。向甚麼處去。師曰。靈峯水急。曰。恁麼則不生也。師曰。蒼天蒼天。

黃龍肅禪師法嗣

瑞州百丈維古禪師。上堂。大衆集定。拈拄杖示衆曰。多虛不如少實。卓一下便起。

嘉定府月珠祖鑑禪師。僧請。筆師語要。師曰。達磨西來。單傳心印。曹谿六祖。不識一字。今日諸方出世語。句如山重。增繩索。乃拍禪牀曰。於斯薦得。猶是鈍根。若也未然。白雲深處。從君臥。切忌寒猿中夜啼。

石霜琳禪師法嗣

鼎州德山靜照庵什庵主。僧問。如何是庵中主。師曰。從來不相許。僧擬議。師曰。會即便會。本來底不得安。名著字。僧擬開口。師便打出。師室中。常以拂子示衆。曰。喚作拂子。依前不是。不喚作拂子。特地不識。汝喚作甚麼。因僧請益。師頌答之曰。我有一柄拂子。用處別無調度。有時挂在松枝。任他頭垂角露。

華光恭禪師法嗣

郴州萬壽念禪師。曾問龍華務會。鑒啓茲晨。未審彌勒世尊。現居何處。師曰。猪肉案頭。曰。既是彌勒世尊。爲甚麼却在猪肉案頭。師曰。不是弄潮人。不入洪波裏。曰。畢竟事又且如何。師曰。番人不繫腰袋。且上堂。往復無際。動靜一源。含有德以還空。越無私而適出。昔日。日今日。日照無兩明。昔日。風今日。風鼓無兩動。昔日。雨今日。雨澤無兩潤。於其中。問覓去來相。而不可得。何故。自他心起。起處無蹤。自我心忘。忘處無迹。大衆若向這裏會去。與天地而同根。共萬物爲一體。若也未明。山僧爲你重重。頭出元正。一古佛家風。從此出不勢。向上用工。夫歷劫何曾異。今日元正。二寂寥。冷淡無滋味。趙州相喚。喫茶來。剔起眉毛。須警地。元正三。上來稽首各和南。若問香山山裏事。靈源一派碧如藍。遂喝一喝下座。

上蓋順禪師法嗣

參政蘇轍居士字子由。元豐二年。以睢陽從事。左遷瑞州推筦之任。是時洪州上蓋順禪師。與其父文安

先生有契。因往訪焉。相得歡甚。公咨以心法。願示指鼻因緣。已而有省。作偈呈曰。十年問道覺前非。邂逅相逢老順師。擡鼻經參真面目。掉頭不受別鉗匙。枯藤破磬公何事。白酒青鹽我是誰。漸愧東軒殘月上。一杯甘露澹如飴。

南嶽下十四世

黃龍新禪師法嗣

吉州禾山超宗慧方禪師。上堂舉拂子曰。看看祇這箇。在臨濟則照用齊行。在雲門則理事俱備。在曹洞則偏正叶通。在潯山則暗機圓合。在法眼則何止唯心。然五家宗派。門庭施設。則不無直饒辯得。個靈分明。去猶是光影邊事。若要抵敵生死。則霄壤有隔。且超越生死一句。作麼生道。良久曰。泊合錯下注脚。臨安府崇覺空禪師。姑孰人也。上堂十方無壁落。四面亦無門。淨裸裸。赤灑灑。沒可把。遂舉拂子曰。灌溪老漢。向十字街頭。逞風流。賣惺惺。道我解穿鼻。殊解玉版。過亂絲。卷筒。綳綳。瓦合。與臺虎穴。魔官那吒。忿怒。遇文王。與禮樂。逢桀紂。逞干戈。今日被崇

覺觀見一場懺懺師頌野狐話曰。含血喫人。先汚其口。百丈野狐失頭。狂走。驚地喚回。打箇筋斗。

潭州上封祖秀禪師。常德府何氏子。上堂。枯木巖前。夜放華。鐵牛依舊臥。煙沙農家鞭影重。拈出擊拂子。曰。一念回心。便到家。遂喝一喝下座。

嘉定府九項寂惺惠泉禪師。僧問。心迷法華。轉心悟。轉法華。未審意旨如何。師曰。風暖鳥聲碎。日高華影重。上堂。昔日雲門有三句。謂。函蓋乾坤句。截斷衆流句。隨波逐浪句。九項今日亦有三句。所謂。饑來喫飯句。寒即向火句。困來打睡句。若以佛法而論。則九項望雲門直立下。風若以世諦而論。則雲門望九項直立下。風二語相遠。且如何是九項爲人處。

嘉興府華亭性空妙普庵主。漢州人。久依死心菴。證乃抵秀水。追船子道風。結茅青龍之野。吹鐵笛。以自娛。多賦詠。得之者必珍藏。其山居曰。心法雙忘。猶隔妄色。塵不二尚。除塵百鳥不來。春又過。不知誰是住庵人。又警衆曰。學道猶如守禁城。晝防六賊。夜惺惺。中軍主將能行令。不動干戈治太平。又曰。不耕而食。

不蠶衣物。外清閑適聖時。未透祖師關。楔子也。須存意著便宜。又曰。十二時中。莫住工。窮來窮去。到無窮。直須洞徹無窮底。踏倒須彌第一峯。建炎初。徐明叛。道經烏鎮。肆殺戮。民多逃亡。師獨荷策而往。賊見其偉異。疑必詭伏者。問其來。師曰。吾禪者。欲抵密印寺。賊怒。欲斬之。師曰。大丈夫要頭。便斫取。奚以怒爲。吾死必矣。願得一飯。以爲送終。賊奉肉食。師如常齋。出生畢。乃曰。孰當爲我文。之以祭。賊笑而不答。師索筆大書曰。嗚呼。惟靈勞我以生。則大塊之過役。我以壽則陰陽之失。乏我。以貧則五行不正。困我以命。則時日不吉。吁哉。至哉。賴有出塵之道。悟我之性。與其妙心。則其妙心。孰與爲隣。上同諸佛之眞化。下合凡夫之無明。纖塵不動。本自圓成。妙矣哉。妙矣哉。日月未足以爲明。乾坤未足以爲大。磊磊落落。無礙六十餘年。和光混俗。四十二臘。逍遙自在。逢人則喜。見佛不拜。笑矣乎。笑矣乎。可惜少年。郎風流。太光彩。坦然歸去。付春風。體似虛空。終不壞。尚饗。遂舉箸飲。餐賊徒大笑。食罷。復曰。劫數既遭。離亂我是。快活烈漢。

如今正好乘時。便請一刀兩段。乃大呼斬斬賊方駭。異稽首謝。過令衛而出。烏鎮之廬舍免焚。實師之惠也。道俗聞之。愈敬有僧。睹師見佛。不拜歌。逆問曰。既見佛爲甚麼不拜。師掌之曰。會麼。云不會。師又掌曰。家無二主。紹興庚申冬。造大盆穴而塞之。修書寄雪竇持禪師曰。吾將水葬矣。壬戌歲持至。見其尙存。作偈嘲之曰。咄哉老性空。剛要鯨魚鼈去。不索性去。祇管向人說。師閱偈笑曰。待兄來證明。明年令徧告四衆。衆集師爲說法。要仍說偈曰。坐脫立亡。不若水葬。一省柴燒。二省開墾。撒手便行。不妨快暢。誰是知音。船子和尙。高風難繼。百千年一曲漁歌。少人唱。遂盤坐盆中。順潮而下。衆皆隨至。海濱望欲斷目。師取塞犀水而回。衆擁觀。水無所入。復乘流而往。唱曰。船子當年返故鄉。沒蹤跡處妙難量。眞風徧寄知音者。鐵笛橫吹作散場。其笛聲嗚咽。頃於蒼茫間。見以笛擲空而沒。衆號慕。圖像事之後三日。於沙上趺坐如生。道俗爭往迎歸。留五日。闍維。設利大如菽者。莫計二鶴徘徊空中。火盡始去。衆奉設利靈骨。建塔于青龍。

嚴州鍾山道隆首座。桐廬董氏子。於鍾山寺得度。自遊方所至。耆衲皆推重。晚抵黃龍。死心延爲座元。心願世遂歸隱。鍾山慕陳尊宿高世之風。掩關不事事。日齋數簋。自適人無識者。手常穿一襪。凡有禪者至。提以示之曰。老僧這襪著三十年了。也有寺僧戲問。如何是無諍三昧。師便掌。

楊州齊謐首座。本郡人也。死心稱爲飽參。諸儒屢以名山致之。不可。後示化於潭之谷山。異跡頗衆。門人嘗繪其像。請贊爲書曰。箇漢灰頭土面。尋常不欲露現。而今寫出人前。大似虛空著箭。怨怨。可惜人闌三尺絹。

空室道人智通者。龍圖范珣女也。幼聰慧。長歸丞相蘇頌之孫。悌未幾。厭世相還家。求祝髮。父難之。遂清修。因看法界觀。頓有省。連作二偈見意。一曰。浩浩塵中體。一如縱橫交互印。毗盧全波是水波。非水全水成波。水自殊。次曰。物我元無異。森羅鏡像同。明明超主伴。了了徹眞空。一體含多法。交參帝網中。重重無盡處。動靜悉圓通。後父母俱亡。元涓領分寧。財通借。

行聞死心名重往謁之心見知其所得便問常啼菩薩賣却心肝教誰學般若通曰你若無心我也休又問一雨所滋根苗有異無陰陽地上生箇甚麼通曰一華五葉復問十二時中向甚麼處安身立命通曰和尚惜取眉毛好心打曰這婦女亂作次第通禮拜心然之於是道聲籍甚政和間居金陵嘗設浴於保寧揭榜于門曰一物也無洗箇甚麼纖塵若有起自何來道取一句子玄乃可大家入浴古靈祇解揩背開士何曾明心欲證離垢地時須是通身汗出盡道水能洗垢焉知水亦是塵直饒水垢頓除到此亦須洗却後爲尼名惟久挂錫姑蘇之西竺繼白曰夕師問得其道者頗衆俄示疾書偈趺坐而終有明心錄行於世

黃龍清禪師法嗣

潭州上封佛心才禪師福州姚氏子幼得度受具遊方至大中依海印隆禪師見老宿遠道者看經至一毛頭師子百億毛頭一時現師指問曰一毛頭師子作麼生得百億毛頭一時現達曰汝乍入叢林豈可

便理會許事師因疑之遂發心領淨頭職一夕汎掃次印適夜參至則遇結座擲拄杖曰了即毛端吞巨海始知大地一微塵師豁然有省及出閩造豫章黃龍山與死心機不契乃參靈源凡入室出必揮淚自訟曰此事我見得甚分明祇是臨機吐不出若爲奈何靈源知師勤篤告以須是大徹方得自在也未幾竊觀鄰案僧讀曹洞廣錄至藥山採薪歸有僧問甚麼處來山曰討柴來僧指腰下刀曰鳴剝剝是箇甚麼山拔刀作斫勢師忽欣然擲鄰案僧一掌揭簾趨出衝口說偈曰徹徹大海乾枯虛空迸裂四方八面絕遮欄萬象森羅齊漏泄後分座於真乘應上封之命屢遷名利住乾元日開堂示衆曰百千三昧門無量福德藏放行也如開武庫錯落交輝把住也似雪覆蘆華通身莫辨使見之者撩起便行聞之者單刀直入箇箇具頂門正眼人人懸肘後靈符掃佛祖見知作叢林殃害憶得寶壽開堂日三聖推出一僧寶壽便打三聖云與麼爲人瞎却鎮州一城人眼去在且如乾元今日開堂或有僧出來山僧亦打不唯此

話大行且要開却福州一城人眼去何也。劔爲不平離寶匣。藥因救病出金餅。上堂達磨未來東土已前。人人懷媚水之珠。箇箇抱荊山之璞。可謂壁立千仞。及乎二祖禮却三拜之後。一一南詢諸友。北禮文殊。好不丈夫。或有一箇半箇。不求諸聖不重已靈。匹馬單鎗投虎置刃。不妨慶快平生。如今有麼。自是不歸歸。便得五湖煙景。有誰爭上堂。宗乘提唱妙絕名言。一句該通乾坤函蓋。直似首羅正眼。豎亞面門。又如圓。三點橫該法界。乃卓拄杖曰。向這一點下。明得出身。猶可易脫體道。應難又卓拄杖曰。向第二點下。明得縱橫三界。外隱顯十方。身又卓拄杖曰。向第三點下。明得魚龍鎖戶。佛祖潛蹤。不然放過一著。隨分有春色。一枝三四華。上堂一法有形。該動植百川。湍激競朝宗。昭琴不鼓雲天。淡想像毗耶老病。翁維摩病則上封病上。封病則拄杖子病。拄杖子病則森羅萬象病。森羅萬象病則凡之與聖病。諸人還覺病本起處麼。若也覺去。情與無情同一體。處處皆同真法界。其或未然。甜瓜徹蒂甜。苦瓠連根苦。

隆興府黃龍德逢通照禪師。郡之靖安胡氏子。生有龐眉。年十七。從上蓋晉禪師落髮。往依靈源。卽明深旨。上堂舉夾山境話。師曰。法眼徒有此語。殊不知夾山老漢。被這僧輕輕拶著。直得脚前脚後。設使不作境話。會未免猶在半途。潭州法輪應端禪師。南昌徐氏子。少依化度善月圓顯。登具謁眞淨文禪師。機不諧。至雲居會靈源分座。爲衆激昂。師扣其旨。然以妙入諸經。自負源嘗痛割之。師乃援馬祖百丈機語及華嚴宗旨爲表源笑曰。馬祖百丈固錯矣。而華嚴宗旨與箇事喜沒交涉。師憤然欲他往。因請辭及揭簾忽大悟。汗流浹背。源見乃曰。是子識好惡矣。馬祖百丈文殊普賢。幾被汝帶累。由此譽望四馳。名士大夫爭挽應世。皆不就。政和末太師張公司成以百丈堅命開法。師不得已始從上堂。舉大隋劫火洞然話。遂曰。六合傾翻。劈面來。暫披麻纒混塵埃。因風吹火。渾閑事。引得遊人不肯回。壞不壞。隨不隨。徒將聞見強鍼錐。太湖三萬六千頃。月在波心說向誰。僧問。如何是賓中賓。師曰。芒鞋竹杖。

走紅塵曰如何是賓。中主師曰十字街頭逢上祖曰如何是主。中賓師曰御馬金鞭混四民曰如何是主。中主師曰金門誰敢擡眸覷曰賓主已蒙師指示向上宗乘又若何。師曰昨夜霜風刮地寒。老猿嶺上啼殘月。

東京天寧長靈守卓禪師泉州莊氏子上堂曰三千劍客獨許莊周爲甚麼跳不出良醫之門。多病人因甚麼不消一劑。曰透關者更請辯看。上堂譬如眼根不自見眼性。自平等無平等者。便恁麼去。無孔鐵鎚聊且安置。直得入林不動草入水不動波。也是一期方便。若也籬內竹抽籬外筍。澗東華發澗西紅。更待勘過了打僧問。丹霞燒木佛院主爲甚麼眉鬚墮落。師曰貓兒會上樹曰早知如是終不如是。師曰惜取眉毛問如何是衲衣下事。師曰天旱爲民愁。問佛未出世時如何。師曰絕毫絕塵曰出世後如何。師曰填溝塞壑曰出與未出相去幾何。師曰人平不語水平不流上堂平高就下勾賊破家截鐵斬釘狐狸戀窟總不恁麼合作麼生。所以道萬仞崖頭親撒手須是

其人祇如香積國中持鉢一句作麼生道良久曰切忌風吹別調中上堂釋迦掩室過犯彌天毗耶杜詞自救不了如何如何口門太小宣和五年十二月二十七日奄然示寂闍維日皇帝遣中使賜香持金盤求設利蘇香罷盤中鏗然視之五色者數顆大如豆使者持還上見大悅

信州博山無隱子經禪師歲旦上堂和氣生枯枿寒雲散遠郊木人占吉兆夜半露龜爻諸禪德龜爻露處文彩已彰便見一年十二月月月如然一日十二時時時相似到這裏直似黃金之黃白玉之白自從曠大劫來未嘗異色還見麼其或未然且徇張三通節序從教李四鬢蒼浪

隆興府百丈以棲禪師興化人也上堂摩騰入漢達磨來梁途轍既成後代兒孫開眼迷路若是箇惺惺底終不向空裏採華波中捉月謾勞心力畢竟何爲山僧今日已是平地起骨堆諸人行時各自著精彩看

邵州光孝曇清禪師上堂殺父殺母佛前懺悔殺佛

殺祖不消懺悔爲甚麼不消懺悔且得冤家解散

溫州光孝德運禪師信州璩氏子於景德尊勝院染

別問道有年後至黃龍聞學少林面壁頓悟述二偈

以呈龍許之自爾名流江湖上堂曰舉體露堂堂十

方抵聖礙千聖不能傳萬靈成頂戴擬欲共商量開

口百難碎祇如未開口已前作麼生坐上堂回互不

回互覷見沒可覷透出祖師關踏斷人天路阿呵呵

悟不悟落華流水知何處

寺丞戴道純居士字季中咨扣靈源一日有省乃呈

偈曰杳冥源底全機處一片心華露印紋知是幾生

曾供養時時微笑動香雲

勸潭清禪師法嗣

隆興府黃龍山堂道震禪師金陵趙氏子少依覺印

英禪師爲童子英移居西之普照道寂肥瘠度重行

師得圓具久之辭謁丹霞淳禪師一日與論洞上宗

旨師呈偈曰白雲深覆古寒巖異草靈華彩鳳栖夜

半天明日當午騎牛背面著靴衫淳師之師自以爲

礙棄依草堂一見契合日取藏經讀之一夕聞晚參

鼓步出經堂舉頭見月遂大悟蓋遇万丈堂望見即

爲印可初住曹山江寧府黃龍寺上堂曰舉箇古人

因緣問箇契機答不得作古會作古會未知當面

取事箇即今因緣問箇契機答不得作今會若作今

會障却箇契本來眼淚說不夫不障非古非今箇是

藥病相治止啼之說祇如透脫一句箇契還道得也

無若道不得直待羅漢深談實相即向汝道上堂

少林冷坐門人各說異端大似衆盲摸象神光禮三

拜依位而立達磨三汝得吾髓這黑面婆羅門脚跟

也未點地在上堂石人問枯骨何持汝發華枯骨怒

石人何得口吧吧石人呵呵笑枯骨比異詭紅霞輝

玉象白玉碾金沙借問通玄士何人不到家

台州萬年雪巢法一禪師太師與易郡王李公運勉

之玄孫也世居開封祥符縣母夢一老僧主而產年

十七試上率從祖仕淮南欲官之不就將棄家事長

童慈覺禪師師祖佛許母曰此必宿世沙門願勿奪

其志未幾慈覺沒六親改元禮靈嚴通照禪師祝

髮登具依愿十年迷悶不能入謁圓悟於蔣山悟曰

此法器也。悟奉詔從京師天寧師侍行。靖康末。謁草堂於疎山。一語之及。大法頓明。紹興七年。泉守寶文劉公彥修。請居延福後四遷。巨剎上堂。拈拄杖曰。拄杖子。有時作出水蛟龍。萬里雲煙不斷。有時作踞地獅子。百年妖怪潛蹤。有時心法兩忘。照體獨立。有時照用同時。主賓互用。以拄杖畫曰。延福門下。總用不著。且道。延福尋常用箇甚麼。卓拄杖喝一喝。下座上。堂仰面不見天。低頭不見地。古劍觸體前。大海波濤沸。退長蘆歸天台。萬年觀音院。忽示微疾。書偈曰。今年七十五。歸作庵中主。珍重觀世音。泥地吞石虎。入龕趺坐而逝。

福州雪峰東山慧空禪師。本郡陳氏子。十四圓頂。卽遊諸方。徧謁諸老。晚契悟於草堂紹興癸酉。開法雪峯。受請。日上堂曰。俊快底。點著便行。癡鈍底。推挽不動。便行則人人歡喜。不動則箇箇生嫌。山僧而今轉此癡鈍爲俊快去也。彈指一下曰。從前推挽不出而今出。從前有院不住而今住。從前嫌佛不做而今做。從前嫌法不說而今說出。不住不住卽且置。敢問。

諸人做底是甚麼。佛空王佛耶。然燈佛耶。釋迦佛耶。彌勒佛耶。說底又是甚麼。法根本法耶。無生法耶。世間法耶。出世間法耶。衆中莫有道得底麼。若道得。山僧出世事畢。如或未然。逢人不得錯舉。喝一喝。下座上。堂舉雲門示衆云。祇這箇帶累殺人。師曰。雲門尋常氣宇如王。作怎麼說話。大似貧恨一身多。山僧卽不然。祇這箇快活殺人。何故。大雨方歸屋裏坐。業風吹又遶山行。然雖如是。也是乞兒見小利。且不傷物。義一句作麼。生道上堂。一拳拳倒黃鶴樓。一趵趵鷄鵲洲。有意氣時添意氣。不風流處也風流。俊哉俊哉。快活快活。一似十七八歲狀元相似。誰管你天誰管你地。心王不妄動。六國一時通。罷拈三尺劍。休弄一張弓。自在自在。快活快活。恰似七八十老人作宰。相相似。風以時雨。以時五穀。植萬民安。豎起拄杖曰。大衆這兩箇并山僧。拄杖子共作得。一箇衲僧到雪峯門下。但知隨例餐餽子也。得三文買草鞋。喝一喝。卓拄杖下座。僧問和尚。未見草堂時如何。師曰。江南有曰。見後如何。師曰。江北無。

慶元府育王野堂普崇禪師本郡人也。示衆舉巴陵和尚道不是風動不是幡動不是風幡。又向甚麼處著有人爲祖師出氣出來與巴陵相見。雪竇和尚道風動幡動既是風幡。又向甚麼處著有人爲巴陵出氣出來與雪竇相見。師曰非風非幡無處著是幡是風無著處。遠天俊鶻。昏迷蹤踞地。金毛還失措。呵呵。悟不悟。令人轉憶謝三郎。一絲獨釣寒江雨。

青原信禪師法嗣

潭州梁山權禪師僧問大衆雲臻。請師開示。師曰天靜不知雲去處。地寒留得雪多時。曰學人未曉。立言乞師再垂方便。師曰一重山後一重人。

成都府正法希明禪師漢州人也。解制上堂。林葉紛紛落。乾坤報早秋。分明西祖意。何用更馳求。若恁麼會得。始信佛祖之道本自平夷。大解脫門元無關鑰。彌綸宇宙。偈塞虛空。量不可窮。智不能測。若也未明此旨。不達其源。任是百劫熏功。千生鍊行。徒自疲苦了無交涉。若深明此旨。洞達其源。乃知動靜施爲。經行坐臥。頭頭合道。念念朝宗。祖不云乎。迷生寂亂。悟

無好惡得失是非一時放却。如是則誰迷誰悟。誰是誰非。自是諸人獨生異見。觀大觀小。執有執無。已靈獨耀。不肯承當。心月孤圓。自生違背。何異家中捨父衣。內忘珠致。致使菩提路上荆棘成林。解脫空中迷雲蔽日。山僧今日幸值衆僧自恣化主。還山諸上善人。得得光訪。不可緘默。隨分葛藤。曲爲今時少開方便。也須是諸人著眼。各自諦觀。若更擬議。尋思。白雲萬里。遂拈拄杖曰。於斯明得。靈山一會。儼在目前。其或未。然更待來晨分付。

祖庵主見青原之後。縛屋衡嶽間三十餘年。人無知者。偶遣與作偈曰。小鍋羹菜上蒸針。菜熟針香人正饑。一補饑瘡了無事。明朝依樣畫貓兒。由是衲子披捺扣之無盡。張公力挽其開法不從。竟終于此山。

夾山純禪師法嗣

澧州欽山乾明普初禪師上堂良久曰。舉揚宗旨上祝皇基。伏願祥雲與景星俱現。醴泉與甘露雙呈。君乃堯舜之君。俗乃成康之俗。使林下野夫不覺成太平曲。且作麼生是太平曲。無爲而爲。神而化之。灑德

雨以霽。需鼓仁風而雍熙民如野鹿。上如標枝十八子知。不知哩哩囉囉哩。拍一拍下座。

渤潭乾禪師法嗣

楚州勝因戲魚咸靜禪師本郡高氏子。上堂遊徧天下。當知寸步不曾移。歷盡門庭。家家竈底少煙不得。所以肩筇峭履乘輿而行。掣釣沉絲。任性而住。不爲故鄉田地好。因緣熟處便爲家。今日信手拈來。從前幾曾計較。不離舊時科段。一回舉著。一回新明眼底。瞥地便回。未悟者識取面目。且道如何。是本來面目。良久曰。前臺華發後臺見。上界鐘聲下界聞。以拂子擊禪牀下座。上堂舉世尊在摩竭陀國爲衆說法。是時將欲白夏。乃謂阿難曰。諸大弟子。人天四衆。我常說法。不生敬仰。我今入因沙白室中。坐夏九旬。忽有人來問法之時。汝代爲我說一切法。不生一切法。不滅言訖。掩室而坐。師召衆曰。釋迦老子初成佛道之時。大都事不獲已。纔方成箇保社。便生退倦之心。勝因當時若見。將釘釘却室門。教他一生無出身之路。免得後代兒孫。遞相做教。不見道若不傳法度衆生。

是不名爲報恩者。擊拂子下座。後晦處漣漪之天寧。示微疾書偈曰。弄罷影戲七十一載。更問如何。回來別賽置筆而逝。

潭州龍牙宗密禪師。豫章人。僧問如何。是佛師曰。莫寐語。問如何。是一切法師曰。早落第二上堂。大衆集。師曰。已是團圓。不勞雕琢。歸堂喫茶。上堂。休把庭華類此身。庭華落後更逢春。此身一往知何處。三界茫茫愁殺人。

福州東禪祖鑑從密禪師汀州人也。上堂開口不是禪。合口不是道。踏步擬進前。全身落荒草。

慶元府天童普交禪師。郡之萬齡畢氏子。幼穎悟。未冠得度。往南屏聽台教。因爲檀越修懺摩。有問曰。公之所懺罪。爲自懺耶。爲他懺耶。若自懺罪。罪性何來。若懺他罪。他罪非汝。烏能懺之。師不能對。遂改服遊方。造渤潭。足纔踵門。潭卽呵之。師擬問潭。卽曳杖逐之。一日忽呼師至丈室曰。我有古人公案。要與你商量。師擬進語。潭遂喝。師豁然領悟。乃大笑。潭下繩牀。執師手曰。汝會佛法耶。師便喝。復拓開潭。大笑於是。

名聞四馳。學者宗仰。後歸桑梓。留天童掩關。却掃者八年。寺偶虎席郡僚。命師開法。恐其遽預遣吏候于道。故不得辭。受請日上堂曰。咄哉黃面老佛法付王臣林下。無情客官差逼殺人。莫有知心底爲我免得麼。若無不免將錯就錯。便下座。師凡見僧來必叱曰。御栗未擔時爲汝說了也。且道說箇甚麼。招手洗鉢。拈扇張弓。趙州栢樹子靈雲見桃華且擲放一邊。山僧無恁麼閑。唇吻與汝打葛藤。何不休歇去。拈拄杖逐之。宣和六年三月二十日沐浴陞堂。說偈脫然示寂。偈曰。寶杖敲空。觸處春箇中消息。特彌綸。昨宵風動寒巖冷。驚起泥牛耕白雲。壽七十七。臘五十八。江州圓通道旻圓機禪師。世稱古佛興化蔡氏子。母夢吞摩尼寶珠有孕。生五歲足不履口不言。母抱遊西明寺。見佛像遽履地合爪稱南無佛。仍作禮。人大異之。及宦學大梁。依景德寺德祥出家。試經得度。徧往參激。皆染指親。爲山詰禪師最久。晚慕渤潭往謁。潭見默器之師。陳歷參所得。不蒙印可。潭舉世尊拈華迦葉微笑語以問。復不契。後侍潭行次。潭以拄杖

架肩長嘯曰。會麼。師擬對。潭便打有頃。復拈草示之曰。是甚麼師。亦擬對。潭遂喝。於是頓明大法。作拈華勢。乃曰。這回瞞旻上座不得也。潭挽曰。更道。更道。師曰。南山起雲。北山下雨。卽禮拜。潭首肯。後開法灌溪。次居圓通。以符道濟禪師之記。學者嚮臻。朝廷聞其道。會宰臣復爲之請。錫以命服。與圓機號上堂。諸佛出世。無法與人。祇是抽釘拔楔。除疑斷惑。學道之士不可自護。若有一疑如芥子許。是汝真善知識。喝一喝曰。是甚麼切莫刺腦入膠盆。慶元府二靈知和庵主蘇臺玉峯張氏子。兒時嘗習坐垂堂堂。傾父母意。其必死。師瞑目自若。因使出家。年滿得度。趨謁渤潭。潭見乃問。作甚麼師。擬對。潭便打復喝曰。你喚甚麼作。禪師驚顧。旨卽曰。禪無後無先。波澄大海。月印青天。又問。如何是道。師曰。道紅塵浩浩。不用安排。本無欠少。潭然之。次謁衡嶽辯禪師。辯尤器重。元符間。抵雪竇之中峯。栖雲兩庵。逾二十。年。嘗有偈曰。竹筴二三升。野水松窻七五片。閑雲道人活計。祇如此。留與人間作見聞。有志於道者。多往

見之僧至禮拜師曰近離甚處曰天童師曰太白峯高多少僧以手斫額作望勢師曰猶有這箇在曰却請庵主道師却作斫額勢僧擬議師便打師初偕天童交禪師問道盟曰他日吾二人宜踞孤峯絕頂目視霄漢爲世外之人不可作今時籍名官府屈節下氣於人者後交爽盟至則師竟不接正言陳公以計誘師出山住二靈三十年間居無長物唯二虎侍其右一日威於人以偈遣之宣和七年四月十二日跌坐而逝正言陳公狀師行實及示疾異跡甚詳仍塑其像二虎侍之至今存焉

開先瑛禪師法嗣

紹興府慈氏瑞仙禪師本郡人年二十去家以試經披削習毗尼因覩戒性如虛空持者爲迷倒師謂戒者束身之法也何自縛乎遂探台教又閱諸法不自生亦不從他生不共不無因是故說無生疑曰又不自他不共不無因生畢竟從何而生卽省曰因緣所生空假三觀抑揚性海心佛衆生名異體同十境十乘轉識成智不思議境智照方明非言詮所及棄謁

諸方後至投子廣鑑問鄉里甚處師曰兩浙東越鑑曰東越事作麼生師曰秦望峯高鑑湖水闊鑑曰秦望峯與你自己是同是別師曰西天梵語此土唐言鑑曰此猶是叢林祇對畢竟是同是別師便喝鑑便打師曰恩大難酬便禮拜後歸里開法慈氏室中嘗問僧三箇橐駝兩隻脚曰行萬里越不著而今收在玉泉山不許時人亂斟酌諸人向甚麼處與仙上座相見

潭州大瀉海評禪師上堂曰燈籠上作舞露柱裏藏身深沙神惡發崑崙奴生嗔喝一喝曰一句合頭語萬劫墮迷津

圓通僊禪師法嗣

溫州淨光了威佛日禪師僧問如何是祖師西來意師曰一宿二宿程千山萬山月曰意旨如何師曰朝看東南暮看西北曰向上更有事也無師曰人心難滿豁拏易填問時節因緣卽不問惠超佛話事如何師曰波斯彎弓面轉黑曰意旨如何師曰穿過髑髏笑未休曰學人好好借問師曰黃泉無邸店今夜宿

誰家

象田卿禪師法嗣

慶元府雪竇持禪師郡之盧氏子。僧問：中秋不見月，時如何？師曰：更待夜深看。曰：忽若黑雲未散，又且如何？師曰：爭怪得老僧。上堂：悟心容易，息心難。息得心源，到處閑。斗轉星移，天欲曉。白雲依舊覆青山。紹興府石佛益禪師上堂：一葉落，天下秋。一塵起，大地收。一法透，萬法周。且道：透那一法，遂喝曰：切忌錯認驢鞍橋，作阿爺下領便下座。

褒親瑞禪師法嗣

安州應城壽寧道完禪師。僧問：雲從龍，風從虎，未審和尚從箇甚麼？師曰：一字空中畫。曰：得甚麼？奇特師曰：千手大悲提不起。問：十方國土中，唯有一乘法，如何？是一乘法？師曰：斗量不盡。曰：恁麼則動容揚古路，不墮悄然機？師曰：作麼生？是悄然機？僧舉頭看師，舉起拂子。僧喝一喝。師曰：大好悄然。上堂：古人見此月，今人見此月。此月鎮常存，古今人還別。若人心似月，碧潭光皎潔，決定是心源。此說更無說，咄！上堂：諸禪

德三冬告盡，臘月將臨三十夜，作麼生祇準良久。曰：衣穿瘦骨露，屋破看星眠。

兜率悅禪師法嗣

撫州疎山了常禪師。僧問：如何是疎山為人底？句師曰：懷中玉尺未輕擲，袖裏金鎚劈面來。上堂：等閑放下，佛手掩不住；特地收來，大地絕纖埃。向君道：莫疑猜。處處頭頭見，善財鎚下分明如得旨，無限勞生眼自開。

隆興府兜率慧照禪師。南安郭氏子上堂：龍安山下道路縱橫，兜率宮中樓閣重疊。雖非天上，不是人間。到者安心，全忘諸念。善行者不移雙足，善入者不動雙扉。自能笑傲煙蘿，誰管坐消歲月。既然如是，且道向上還有事也。無良久，曰：莫教推落巖前石，打破下方遮日雲。上堂：舉拂子曰：端午龍安亦鼓撓，青山雲裏得逍遙。饑餐渴飲無窮樂，誰愛爭先奪錦標。却向乾地上划船，高山頭起浪。明樅玉鼓暗展鐵旗，一盞菖蒲茶，數箇沙糖粽。且移取北鬱單，越來與南閭浮提鬪。額看擊禪牀下座。上堂：兜率都無伎倆，也教諸

方榜樣五日一度。陞堂起動許多龍象。禪道佛法。又無到此。將何供養。須知達磨西來分付一條拄杖。乃拈起曰。所以道你有拄杖子。我與你拄杖子。你無拄杖子。我奪你拄杖子。且道那箇是賓句。那箇是主句。若斷得去。卽途中受用。若斷不得。且世諦流布。乃拋下拄杖。

丞相張商英居士。字天覺。號無盡。年十九應舉入京。道由向氏家。向預夢神人報曰。明日接相公凌晨公至。向異之。勞問勤喚。乃曰。秀才未娶。當以女奉灑掃。公謙辭再三。向曰。此行若不了當。吾亦不爽前約。後果及第。乃娶之初。任主簿。因入僧寺見藏經。梵夾金字齊整。乃憮然曰。吾孔聖之書。不如胡人之教。人所仰重。夜坐書院中。研墨吮筆。憑紙長吟。中夜不眠。向氏呼曰。官人夜深何不睡去。公以前意白之。正此著無佛論。向應聲曰。既是無佛。何論之有。當須著有佛論。始得。公疑其言。遂已之後。訪一同列見佛龜前經。卷乃問曰。此何書也。同列曰。維摩詰所說經。公信手開卷。閱到此病非地。大亦不離地。大處歎曰。胡人之

語亦能爾耶。問此經幾卷。曰三卷。乃借歸閱。次向氏問看何書。公曰。維摩詰所說經。向曰。可熟讀。此經然後著無佛論。公悚然異其言。由是深信佛乘。留心祖道。元祐六年爲江西漕。首謁東林照覺總禪師。覺詰其所見處。與已符合。乃印可。覺曰。吾有得法弟子住玉谿。乃慈古鏡也。亦可與語。公復因按部過分寧。諸禪迓之。公到先致敬。玉谿慈次及諸山。最後問兜率悅禪師。悅爲人短小。公曾見龔德莊說其聰明可人。乃曰。聞公善文章。悅大笑曰。運使失却一隻眼了也。從悅臨濟九世孫對運使論文章。政如運使對從悅論禪也。公不然其語。乃強屈指曰。是九世也。問玉谿去此多少。曰三十里。曰兜率。濟曰。五里。公是夜乃至兜率。悅先一夜夢曰。輪昇天。被悅以手搏取。乃說與首座曰。曰輪運轉之義。聞張運使非久過此。吾當深錐痛割。若肯回頭。則吾門幸事。座曰。今之士大夫受人取奉。慣恐其惡。發別生事也。悅曰。正使煩惱祇退得。我院所別無事。公與悅語次。稱賞東林。悅未肯其說。公乃題寺後擬瀑軒詩其略曰。不向廬山尋落處。

象王鼻孔。謾遠天意識。其不肯東林也。公與悅語至更深。論及宗門事。悅曰。東林既印可。運使運使於佛祖言教。有少疑否。公曰。有。悅曰。疑何等。語公曰。疑香嚴獨脚。頌德山。拓鉢話。悅曰。既於此有疑。其餘安得無耶。祇如嚴頭言末後句。是有耶。是無耶。公曰。有。悅大笑。便歸。方丈閉却門。公一夜睡不穩。至五更下牀。觸翻溺器。乃大徹猛省。前話遂有頌曰。鼓寂鐘沉。拓鉢回巖頭。一拶語如雷。果然祇得三年活。莫是遭他授記來。遂扣方丈門曰。某已捉得賊了。悅曰。賊在甚處。公無語。悅曰。都運且去。來日相見。翌日公遂學前頌。悅乃謂曰。參禪祇爲命根不斷。依語生解。如是之說。公已深悟。然至極微細處。使人不覺不知。墮在區宇。乃作頌證之曰。等閑行處。步步皆如。雖居聲色。寧滯有無。一心靡異。萬法非殊。休分體用。莫擇精麤。臨機不礙。應物無拘。是非情盡。凡聖皆除。誰得誰失。何親何疎。拈頭作尾。指實爲虛。翻身魔界。轉脚邪塗。了無逆順。不犯工夫。公遂悅至建昌途中。一一伺察。有十頌敘其事。悅亦有十頌酬之時。元祐八年八月也。

公一日謂大慧曰。余閱雪竇拈古。至百丈再參馬祖。因緣曰。大冶精金。應無變色。投卷歎曰。審如是。豈得有臨濟。今日耶。遂作一頌曰。馬師一喝。大雄峯深入。獨轍三日。雪黃檗聞之。驚吐舌。江西從此立宗。風後平禪師致書云。去夏讀臨濟宗派。乃知居士得大機大用。且求頌本。余作頌寄之曰。吐舌耳。驪師已曉。捷智祇得哭蒼天。盤山會裏。翻筋斗。到此方知。普化顯諸方。往往以余聰明博記。少知余者。師目江西法窟。來必辨優劣。試爲老夫言之。大慧曰。居士見處。與真淨死心合。公曰。何謂也。大慧畢。真淨頌曰。客情步步隨人轉。有大威光不能現。突然一喝。雙耳聾。那吒眼開。黃檗面死心拈曰。雲巖要問雪竇。既是大冶精金。應無變色。爲甚麼却三日耳。驪諸人要知麼。從前汗馬無人識。祇要重論蓋代功。公拈几曰。不因公語。爭見真淨死心用處。若非二大老。難顯雪竇馬師。爾公於宣和四年十一月黎明。口占遺表。命子弟書之。俄取枕擲門。窗上聲如雷。震衆視之。已薨矣。公有頌古行于世。茲不復錄。

法雲泉禪師法嗣

隨州洞山辯禪師上堂。不是心。不是佛。不是物。鑽天鷄子。遶天鵝。不度火。不度水。不度鱸。離弦箭發。沒回途。直饒會得十分去。笑倒西來碧眼胡。

東京慧海儀禪師上堂。無相如來。示現身。破魔兵衆。絕纖塵。七星斜映。風生處。四海還歸。舊主人。諸仁者。大迦葉。靈山會上。見佛拈華。投機微笑。須菩提。聞佛說法。深解義趣。涕淚悲泣。且道。笑者是。哭者是不見道。萬派橫流。總向東超。然八面自玲瓏。萬人膽破。沙場上一箭雙鵬落。碧空上堂。鑿鑿山坐。次仰山問。和尚百年後。有人問先師法道。如何。祇對。瀉曰。一粥一鉢。仰曰。前面有人不肯。又作麼生。瀉曰。作家師。僧仰便禮拜。瀉曰。逢人不得錯舉。師曰。自古及今。多少人下語。道嚴而不威。恭而無禮。橫按拄杖。豎起拳頭。若祇恁麼。却如何。知得他父子相契處。山僧今日也要諸人共知。莫分彼我。彼我無殊。困魚止瀾。病鳥棲蘆。逡巡不進泥中履。爭得先生一卷書。

西蜀鑾法師通大小乘佛照。謝事居景德師。問照曰。

禪家言多不根何也。照曰。汝習何經論。曰。諸經粗知。頗通百法。照曰。祇如昨日雨。今日晴。是甚麼法。中收師憤然。照舉。癢和子擊曰。莫道禪家所言不根。好師憤曰。昨日雨。今日晴。畢竟是甚麼法。中收照曰。第二十四時分。不相應法。中收師恍悟。即禮謝。後歸蜀。居講會。以直道示徒。不泥名相。而衆多引去。遂說偈罷。講曰。衆賣華兮。獨賣松。青青顏色。不如紅。算來終不與時合。歸去來兮。翠靄中。由是隱居二十年。道俗追慕。復命演法。笑答偈曰。遯跡隱高峯。高峯又不容。不如歸錦里。依舊賣青松。衆列拜。悔過。兩川講者爭依之。

勸潭準禪師法嗣

隆興府雲巖典牛天遊禪師。成都鄭氏子。初試郡庠。復往梓州。試二處。皆與貢籍。師不敢承。竄名出關。適會山谷道人西還。因見其風骨不凡。議論超卓。乃同舟而下。竟往廬山。投師剃髮。不改舊名。首參死心。不契。遂依湛堂於勸潭。一日。潭普說曰。諸人苦苦就準上座。覓佛法。遂拊膝曰。會麼。雪上加霜。又拊膝曰。若

也不會豈不見乾峯示衆曰舉一不得舉二放過一著落在第二師聞脫然頓悟出世雲蓋次遷雲巖嘗和忠道者牧牛頌曰兩角指天四足踏地拽斷鼻繩牧甚屎屁張無盡見之甚擊節後退雲巖過廬山棲賢主翁意不欲納乃曰老老大大正是質庫中典牛也師聞之述一偈而去曰質庫何曾解典牛祇緣價重實難酬想君本領無多子畢竟難禁這一頭因庵于武寧扁曰典牛終身不出塗毒見之已九十三矣上堂卓拄杖曰久雨不晴金烏飛在鐘樓角又卓一下曰猶在藏復卓曰一任衲僧名邈上堂馬祖一喝百丈蹉過臨濟小斯兒向糞掃堆頭拾得一隻破草鞋胡喝亂喝師震聲喝曰喚作胡喝亂喝得麼上堂象骨輓毬能已盡玄沙斫牌伎亦窮還知麼火星入袴口事出急家門上堂三百五百銅頭鐵額木笛橫吹誰來接拍時有僧出師曰也是賊過後張弓上堂寶峯有一訣對衆分明說昨夜三更前烏龜吞却驚至節上堂暑運推移日南長至布褐不洗無來換替大小玉泉無風浪起雲巖路見不平直下一鎚粉

碎遂高聲曰看脚下上堂舉梁山曰南來者與你三十棒北來者與你三十棒然雖與麼未當宗乘後來琅瑯和尚道梁山好一片真金將作頑鐵賣却琅瑯則不然南來者與你三十棒北來者與你三十棒從教天下貶剝師拈曰一人能舒不能卷一人能卷不能舒雲巖門下一任南來北來且恁麼過熹然洗面摸著鼻頭却來與你三十上堂曰可冷月可熱衆魔不能壞眞說作麼生是眞說初三十一中九下七若信不及雲巖與汝道破萬人齊指處一鴈落寒空病起上堂舉馬大師曰面佛月面佛後來東山演和尚頌曰了鬘女子畫蛾眉鸞鏡臺前語似癡自說玉顏難比竝却來架上著羅衣師曰東山老翁滿口讚歎則故是點檢將來未免有鄉情在雲巖又且不然打殺黃鶯兒莫教枝上啼幾回驚妾夢不得到遼西潭州三角智堯禪師上堂捏土定千鈞秤頭不立蠅箇中些子事走殺嶺南能還有薦得底麼直饒薦得也是第二月

慧日雅禪師法嗣

隆興府九僊法清祖鑑禪師嚴陵人也。嘗於池之天寧以伽黎覆頂而坐。侍郎曾公開問曰：「上座僊鄉甚處？」曰：「嚴州。」曰：「與此間是同是別？」師拽伽黎下地揖曰：「官人曾到嚴州否？」曾罔措。師曰：「待官人到嚴州時，却向官人道。」住後上堂曰：「萬柳千華暖日開，一華端有一如來。妙談不二虛空藏，動著微言徧九垓。笑哈哈，且道笑箇甚麼？」笑覺苑脚跟不點地。上堂舉睦州示衆曰：「汝等諸人未得箇入頭處，須得箇入頭處。既得箇入頭處，不得忘却。老僧明明向汝道，尙自不會。何況蓋覆將來？」師曰：「睦州恁麼道，意在甚麼處？其或未然？」聽覺苑下箇注脚。張僧見王伴王伴叫張僧，昨夜放牛處嶺上及前村溪西水不飲，溪東草不吞。教覺苑如何？卽得會麼？不免與麼去。遂以兩手按空下座。僧問：「如何是奪人不奪境？」師曰：「惺惺寂寂。」曰：「如何是奪境不奪人？」師曰：「寂寂惺惺。」曰：「如何是人境兩俱奪？」師曰：「惺惺惺惺。」曰：「如何是人境俱不奪？」師曰：「寂寂寂寂。」曰：「學人今日買鐵得金去也。」師曰：「甚麼處得這話頭來？」

平江府覺海法因庵主郡之嵎山朱氏子。年二十四披緇服，進具遊方。至東林謁慧日，日舉靈雲悟道機。語問之，師擬對曰：「是不是？是不是？」師忽有所契，占偈曰：「巖上桃華開，華從何處來？靈雲纔一見，回首舞三臺。」曰：「日子所見雖已入微，然更著鞭當明。」大法師承教居廬阜三十年，不與世接。叢林尊之，建炎中盜起江左，順流東歸。邑人結庵命居，緇白繼踵問道。嘗謂衆曰：「汝等飽持定力，無憂晨炊而事干求也。」晚年放浪自若，稱五松散人。

龍牙言禪師法嗣

瑞州洞山擇言禪師，僧問：「如何是十身調御？」投子下禪牀立，未審意旨如何。師曰：「脚跟下七穿八穴。」

文殊能禪師法嗣

常德府德山瓊禪師，受請日上堂曰：「作家撈籠不肯住，呼唤不同頭爲甚麼？」從東過西，自代曰：「後五日看。」

智海青禪師法嗣

廬州四祖仲宣禪師，上堂諸佛出世爲一大事，因緣祖師西來直指人心，是佛。凡聖本來不二，迷悟豈有。

殊途非涅槃之可欣。非死生之可厭。但能一了悟。不起坐而即證無生。一念回光不舉步而徧周沙界。如斯要經引曰。宗門山僧。既到這裏。不可徒然。乃舉拂子曰。看看山河大地。日月星辰。若凡若聖。是人。是物。盡在拂子頭上。一毛端裏。出入遊戲。諸人還見麼。設或便向這裏。見得個儻分明。更須知有向上一路。試問諸人。作麼生。是向上一路。良久曰。六月長天降大雪。三冬嶺上火雲飛。

泉州乾峯圓慧禪師。上堂。達磨正宗。稱僧巴鼻。堪嗟迷者。成羣。開眼瞌睡。頭上是天。脚下是地。耳朵聞聲。鼻孔出氣。敢問雲堂之徒。時中甚處安置。還見麼。可憐雙林傳大士。却言祇這語聲是咄。

大潯禪師法嗣

眉州中巖慧目蘊能禪師。本郡呂氏子。年二十二。於村落一富室。爲校書。偶遊山寺。見禪冊。閱之。似有得。卽裂冠圓具。一鉢遊方。首參寶勝澄甫禪師。所趣頗異。至荊湖。謁永安喜真如。詰德山。繪造詣益高。迨抵大潯。潯問上座桑梓何處。師曰。西川。曰。我聞西川有

普賢菩薩示現。是否。師曰。今日得瞻慈相。曰。白象何在。師曰。爪牙已具。曰。還會轉身麼。師提坐具。繞禪牀。一巾潯曰。不是這箇道理。師趨出。一日。潯爲衆入室。問僧黃巢過後。還有人收得劍麼。僧豎起拳。潯曰。菜刀子。僧曰。爭奈受用不盡。潯喝出。次問師。黃巢過後。還有人收得劍麼。師亦豎起拳。潯曰。也祇是菜刀子。師曰。殺得人。卽休。遂近前。攔胸築之。潯曰。三十年弄馬騎。今日被驢子撲。後還蜀庵於舊址。應四衆之請。出住報恩。上堂。龍濟道。萬法是心光。諸緣唯性曉。本無迷悟人。祇要今日了。師曰。既無迷悟了。箇甚麼咄。上堂。舉雪峯。一日。普請搬柴。中路見一僧。遂擲下一段柴。曰。一大藏教。祇說這箇。後來真如詰道。一大藏教。不說這箇。據此二尊宿說話。是同是別。山僧則不然。豎起拂子曰。提起則如是我。聞放下則信受奉行。室中問崇真。豎頭如何。是你空劫已前父母真領悟。曰。和尚且低聲。遂獻投機頌曰。萬年倉裏曾饑饉。大海中住儘長渴。當初尋時尋不見。如今避時避不得。師爲印可。一日。與黃提刑奕棊。次黃問數局之中。無

一局同千著萬善則故是如何是那。一著師提起某子示之黃佇思師曰不見道從前十九路迷殺幾多人師住持三十餘載凡說法不許錄其語臨終書偈跌坐而化闍維時暴風忽起煙所至處皆雨設利道俗斷其地皆得之心舌不壞塔于本山。

懷安軍雲頂寶覺宗印禪師上堂古者道識得堯子周市有餘又道識得堯子天地懸殊山僧總不恁麼識得堯子是甚麼閑家具。一日普說罷師曰諸子未要散去更聽一頌乃曰四十九年一場熱鬧八十七春老漢獨弄誰少誰多。一般作夢歸去來兮梅梢雪重言訖下座倚杖而逝。

昭覺白禪師法嗣

成都府信相宗顯正覺禪師潼川王氏子少爲進士有聲嘗晝掬溪水爲戲至夜思之遂見水泠然盈室欲汲之不可而塵境自空曰吾世網裂矣往依昭覺得度具滿分戒後隨衆咨參覺一日問師高高峯頂立深深海底行汝作麼生會師於言下頓悟曰釘殺脚跟也覺拈起拂子曰這箇又作麼生師一笑而出。

服勤七祀南遊至京師歷淮瀾晚見五祖演和尚於海會出問未知關楫子難過趙州橋趙州橋即不問如何是關楫子祖曰汝且在門外立師進步一踏而退祖曰許多時茶飯元來也有人知滋味明日入室祖云你便是昨日問話底僧否我固知你見處祇是未過得白雲關在師珍重便出時圓悟爲侍者師以白雲關意扣之悟曰你但直下會取師笑曰我不是不會祇是未諳待見這老漢共伊理會。一上明日祖往舒城師與悟繼往適會於興化祖問師記得曾在郡裏相見來師曰全火祇候祖顧悟曰這漢饒舌自是機緣相契遊廬阜回師以高高峯頂立深深海底行所得之語告五祖祖曰吾嘗以此事詰先師先師云我曾問遠和尚遠曰貓有歆血之功虎有起屍之德非素達本源不能到也師給侍之久祖鍾愛之後辭西歸爲小參復以頌送曰離鄉四十餘年一時忘却蜀語禪人回到成都切須記取魯語時覺尙無恙師再待之名聲藹著遂出住長松遷保福信相僧問三世諸佛六代祖師總出這圈槽不得如何是這圈

續師曰井欄上堂舉仰山問中邑如何是佛性義。邑曰我與你說箇譬喻。汝便會也。譬如一室有六窻。內有一獼猴。外有獼猴。從東邊喚。往往獼猴即應。如是六窻俱喚。俱應。仰乃禮拜。適蒙和尚指示。某有箇疑處。邑曰你有甚麼疑。仰曰祇如內獼猴睡時。外獼猴欲與相見。又作麼生。邑下禪牀。執仰山手曰。往往與你相見了。師曰。諸人要見二老麼。我也與你說箇譬喻。中邑大似箇金師。仰山將一塊金來。使金師酬價。金師亦盡價相酬。臨成交易。賣金底更與貼秤金。師雖然。聞喜心中未免偷疑。何故。若非細作。定是賊。賊便下座。

道林一禪師法嗣

潭州大瀉大圖智禪師。四明人也。上堂舉南泉道三世諸佛。不知有狸奴。白牯。却知有師。曰三世諸佛。既不知有狸奴。白牯。又何曾夢見。灼然須知。向上有知。有底人。始得。且作麼生。是知有底人。喫官酒。臥官街。當處死。當處埋。沙場無限英靈漢。堆山積嶽露屍骸。

南嶽下十五世

上封秀禪師法嗣

文定公胡安國。草庵居士。字康侯。久依上封。得言外之旨。崇寧中。過藥山。有禪人舉南泉斬貓話。問公公以偈答曰。手握乾坤殺活機。縱橫施設在臨時。玉堂兔馬非龍象。大用堂堂總不知。又寄上封有曰。祝融峯似杜城天。萬古江山在目前。須信死心元不死。夜來秋月又同圓。

上封才禪師法嗣

福州普賢元素禪師。建寧人也。上堂。兵隨印轉。三千里外。絕煙塵。將逐符行。二六時中。淨裸裸。不用鐵旗鐵鼓。自然草偃風行。何須七縱七擒。直得無思不服。所謂大丈夫。秉慧劍。般若鋒。金剛。磔。非但能摧外道心。早曾落却天魔膽。正恁麼時。且道主將是甚麼人。喝。一喝。上堂。南泉道我十八上。便解作活計。囊無繫蟻之絲。廚乏聚蠅之糝。趙州道我十八上。便解破家散宅。南頭買賤。北頭賣貴。點檢將來。好與三十棒。且放過一著。何故。曾爲宕子。偏憐客。自愛食杯。惜醉人。上堂。未開口時。先分付。擬思量處。隔千山。莫言佛。

法無多子。未透玄關。也大難祇如玄關作麼生透。喝一喝。

福州鼓山山堂僧洵禪師。本郡阮氏子。上堂。黃檗手中六十棒。不會佛法的。的大意。却較些子。大愚肋下第三拳。便道。黃檗佛法無多子。鈍置殺人。須知有一人。大棒。驀頭打他。不回頭。老拳。劈面毆他。亦不顧。且道是。誰上堂。朔風掃地。卷黃葉。門外千峯。凜寒色。夜半烏龜帶雪。飛石女谿邊。皺兩眉。卓拄杖云。大家在這裏。且道。天寒人寒。喝一喝云。歸堂去。

福州鼓山別峯祖珍禪師。與化林氏子。僧問。趙州還禪牀一。而轉藏已竟。此理如何。師曰。畫龍看頭。畫地看尾。曰。婆子道。比來請轉全藏。爲甚麼祇轉得半藏。此意又且如何。師曰。人無遠慮。必有近憂。曰。未審甚麼處是轉半藏處。師曰。不是知音者。徒勞話。歲寒上堂。尋牛須訪跡。學道貴無心。跡在牛還在。無心道易尋。豎起拂子曰。這箇是跡。牛在甚麼處。直饒見得頭角分明。鼻孔也在法石手裏。上堂。向上一路。千聖不傳。卓拄杖曰。恁麼會得。十萬八千。畢竟如何。桃紅李

白薔薇紫問著春風。總不知示衆云。大道祇在目前。要且目前難覩。欲識大道真體。不離聲色言語。卓拄杖云。這箇是聲。豎起拄杖云。這箇是色。喚甚麼作大道真體。直饒向這裏見得。也是鄭州出曹門。示衆若論此事。如人喫飯。飽則便休。若也不飽。必有思食之心。若也過飽。又有傷心之患。到這裏作麼生得恰好。去良久云。且歸巖下宿。同看月明時。

黃龍逢禪師法嗣

饒州薦福常庵擇崇禪師。寧國府人也。上堂。舉僧問古德。生死到來如何。免得德曰。柴鳴竹爆。驚人耳。僧曰。不會。德曰。家犬聲。獐夜不休。師曰。諸人要會麼。柴鳴竹爆。驚人耳。大洋海底紅塵起。家犬聲。獐夜不休。陸地行船三萬里。堅牢地神笑呵呵。須彌山王眼。戲鼻把手東行却。向西南山聲。應北山裏。千手大悲開眼看。無量慈悲是誰底。良久曰。頭長脚短。少喜多瞋。上堂。問侍者曰。還記得昨日因緣麼。曰。記不得。復顧大衆曰。還記得麼。衆無對。豎起拂子曰。還記得麼。良久曰。也忘却了也。三處不成。一亦非有。諸人不會。方

言露柱且莫開口。以拂子擊禪牀下座。

天寧卓禪師法嗣

慶元府育王無示介。謹禪師溫州張氏子。謝知事上堂。尺頭有寸鑑。若猶稀。秤尾無星。且莫錯認。若欲定古今。輕重較佛祖。短長。但請於中著一隻眼。果能一尺還他十寸。八兩元是半斤。自然內外和平。家國無事。山僧今日。已是兩手分付。汝等諸人。還肯信受奉行也。無尺量刀。剪徧世間。詰公不是。閑和尚上堂。文殊智普賢行。多年曆日。德山棒臨濟喝。亂世英雄。汝等諸人。穿僧堂入佛殿。還知嶮過鐵圍關麼。忽然踏著釋迦頂。顛磕著聖僧額頭。不免一場禍事。上堂。我若說有。你爲有礙。我若說無。你爲無礙。我若橫說。你又踴不過。我若豎說。你又跳不出。若欲叢林平帖。大家無事。不如推倒育王。且道育王如何。推得倒去。召大眾曰。著力著力。復曰。苦哉苦哉。育王被人推倒了也。還有路兒不平。拔劍相爲底麼。若無山僧。不免自倒。自起。擊拂子下座。師性剛毅。泣衆有古法時。以謹鐵面稱之。

安吉州道場普明慧琳禪師福州人。上堂有兩箇籬。無欄木杓。庭白牡丹。檻紅芍藥。因思九年面壁人。到頭不識這一著。且道作麼生。是這一著。以拄杖擊禪牀下座。上堂。一即多多。卽一。毗盧頂上。明如日也。無一也。無多。現成公案。沒諸語。拈起舊來。能拍板。明時共唱太平歌。

安吉州道場無傳居慧禪師本郡吳氏子。上堂。鍾馗醉裏唱涼州。小妹門前祇點頭。巡海夜叉相見後。大家拍手上高樓。大眾若會得去。鏤却天下人舌頭。若會不得。將謂老僧別有奇特。上堂。百尺竿頭弄影戲。不唯瞞你又瞞天。自笑平生歧路上。投老歸來沒一錢。上堂。舉臨濟示衆曰。一人在高高峯頂。無出身之路。一人在十字街頭。亦無向背。且道那箇在前。那箇在後。師曰。更有一人不在高高峯頂。亦不在十字街頭。臨濟老漢因甚。不知便下座。

臨安府顯寧松堂圓智禪師上堂。蘆華白。蓼華紅。溪邊脩竹。碧煙籠。閑雲抱幽石。玉露滴巖叢。昨夜烏龜變作鼈。今朝水牯悟圓通。咄。

安吉州烏回庵。良範禪師。上堂。塵劫已前。事堂堂無背面。動靜莫能該。舒卷快如電。莫道凡不知。佛也顧不見。決定在何處。合取這兩片。薦不薦。更爲諸人通一線。良久曰。天下太平。皇風永扇。上堂。畢。僧問。趙州至道無難。唯嫌揀擇。是時人窠窟。否。州曰。曾有人問老僧。直得五年分疎。不下師。召衆曰。趙州具頂門眼。向擊石火裏。分縑素。閃電光中。明縱奪。爲甚麼却五年分疎。不下。還委悉麼。易分雪裏粉。難辨墨中煤。溫州本寂靈光。文觀禪師。本郡葉氏子。上堂。過去諸如來。斯門已成。就好事不如無。現在諸菩薩。今各入圓明。好事不如無。未來修學人。當依如是住。好事不如無。還知麼。除却華山陳處士。何人不帶是非行。參。

黃龍震禪師法嗣

常德府德山無諍慧初禪師。靜江府人也。上堂。顧視大衆曰。見麼。在天成象。在地成形。在日月爲晦爲朔。在四時爲寒爲暑。鼓之以雷霆。潤之以風雨。且道在鶻僧分上。又作麼生。一趂趂。驪四大海。一拳拳。倒須彌山。佛羅位中。留不住。又吹漁笛。汨羅灘。上堂。九月。

二十五聚頭相共舉。瞎却正法眼。拈却雲門普德山。不會說禪。贏得村歌社舞。阿呵呵。邏囉哩。遂作舞下座。

萬年一禪師法嗣

嘉興府報恩法常首座。開封人也。丞相薛居正之裔。宣和七年。依長沙益陽華嚴元軾。下髮。徧依叢林。於首楞嚴經。深入義海。自湖湘至萬年。謁雪巢懷契。命掌棧輪。後首衆報恩室中。唯一矮榻。餘無長物。庚子九月中。語寺僧曰。一月後不復留。此十月二十一。往方丈謁飯。將曉。書漁父詞於室門。就榻收足而逝。詞曰。此事楞嚴嘗露布。梅華雪月交光處。一笑寥寥空萬古。風塵語。迥然銀漢橫天宇。蝶夢南華方栩栩。斑斑誰跨豐干虎。而今忘却來時路。江山暮天涯目送鴻飛去。

嶽山祖庵主法嗣

廬山延慶叔禪師。僧問。多子塔前共談何事。師曰。一回相見一回老。能得幾時爲弟兄。僧禮拜。師曰。唐興今日失利。

勝因靜禪師法嗣

連水軍萬壽夢庵普信禪師上堂。殘雪既消。盡春風日漸多。若將時節會佛法。又如何。且道時節因緣與佛法道理是同是別。良久曰。無影樹栽人。不見開華結果自馨香。

平江府慧日默庵與道禪師上堂。同雲欲雪。未雪愛日似暉。不暉寒雀啾啾。鬧籬落朝風。列舞簾帷。要會韶陽親切句。今朝覲面爲提撕。卓拄杖下座。

廣德軍光孝泉愍禪師常德桃源人也。上堂。舉南泉斬貓兒話。乃曰。南泉提起下刀。誅六臂脩羅。救得無設使兩堂俱道得也。應流血滿街衢。

雪峯需禪師法嗣

福州雪峯慧忠禪師上堂。終日忙忙。那事無妨。作麼生是那事。良久曰。心不負人。面無慚色。

天童交禪師法嗣

慶元府蓬萊圓禪師住山三十年。足不越閭道俗尊仰之。師有偈曰。新縫紙被烘來煖。一覺安眠到五更。聞得上方鐘鼓動。又添一日在浮生。

圓通旻禪師法嗣

江州廬山圓通守慧冲眞密印通慧禪師上堂。但知今日復明日。不覺前秋與後秋。平步坦然歸故里。却乘好月過滄洲。咦。不是苦心人。不知。

隆興府黃龍道觀禪師上堂曰。占人道眼色耳聲萬法成辦。你諸人爲甚麼。從朝至暮。諸法不相到。遂喝一喝曰。牽牛入你鼻孔。不入慣家之門。

左丞范冲居士字致虛。由翰苑守豫章。過圓通謁旻禪師。茶罷曰。某行將老矣。墮在金紫行中。去此事稍遠。通呼內翰公應喏。通曰。何遠之有。公躍然曰。乞師再垂指誨。通曰。此去洪都有四程。公佇思。通曰。見卽便見。擬思卽差。公乃豁然有省。

樞密吳居厚居士擁節歸鍾陵。謁圓通旻禪師曰。某頃赴省試。過此過趙州關。因問前住訥老。透關底事。如何。訥曰。且去做官。今不覺五十餘年。旻曰。曾明得透關底事麼。公曰。八次經過。常存此念。然未甚脫灑。在旻度扇與之曰。請使扇。公卽揮扇。旻曰。有甚不脫灑處。公忽有省曰。便請末後句。旻乃揮扇兩下。公曰。

親切親切。旻曰：吉。獠舌頭三千里。

諫議彭汝霖居士手寫觀音經施圓通。拈起曰：這箇是觀音經。那箇是諫議經。公曰：此是某親寫。通曰：寫底是字。那箇是經。公笑曰：却了不得也。通曰：即現宰官身而爲說法。公曰：人人有分。通曰：莫謗經。好公曰：如何。即是通舉經示之。公拈掌大笑曰：頃通曰：又道了不得。公禮拜。

中丞盧航居士與圓通擁爐。次公問諸家因緣。不勞拈出。直截一句。請師指示。通厲聲指曰：看火。公急撲衣。忽大悟。謝曰：灼然佛法無多子。通囑曰：放下。著公應諾。

左司都貺居士問圓通曰：是法非思量分別之所能解。當如何湊泊。通曰：全身入火聚。公曰：畢竟如何。曉會。通曰：蕤直去。公沈吟。通曰：可更喫茶麼。公曰：不必。通曰：何不恁麼會。公契旨曰：元來太近。通曰：十萬八千。公占偈曰：不可思議是大火聚。便恁麼去。不離當處。通曰：咦。爲有這箇在。公曰：乞師再垂指示。通曰：便恁麼去。錯是鐵鑄公。頓首謝之。

明招慧禪師法嗣

楊州石塔宣秘禮禪師。僧問：山河大地與自己是同是別。師曰：長亭涼。夜月多。爲客鋪舒。曰：謝師。答話。師曰：網大難爲鳥。綸稠始得魚。僧作舞。歸來。師曰：長江爲硯。墨頻寫斷。交書上堂。舉百丈野狐話。乃曰：不是飄漚手。徒誇誇海鯨。由基方撚鐵枝上。衆猿驚。上堂至座前。師擲一僧上法座。僧惶惶欲走。師遂指座曰：這棚子。若牽一頭驢上去。他亦須就上。肩在汝諸人。因甚麼却不肯以拄杖。一時趕散。顧侍者曰：驗。

浮山眞禪師法嗣

曉。囑靈嚴徵禪師。僧問：文殊是七佛之師。未審誰是文殊之師。師曰：金沙灘頭。馬郎婦。

祥符立禪師法嗣

湖雨報慈淳禪師。上堂曰：青眸一瞬。金色知歸。授手而來。如玉寶剎。而今開張門戶。各說異端。可謂古路坦而荆棘生。法眼正而還自翳。孤負先聖埋沒已靈。且道不埋沒。不孤負。正法眼藏。如何吐露。還有吐露得底麼。出來吐露看。如無擔取詩書歸舊。隱野華峰。

鳥一般春 聯體作鳥
回籠語

雲巖游禪師法嗣

臨安府徑山塗毒智策禪師天台陳氏子幼依護國僧楚光落髮十九造國清謁寂室光灑然有省次謁大圓於明之萬壽圓問曰甚處來師曰天台來曰見智者大師麼師曰卽今亦不少曰因甚在汝脚跟下師曰當面蹉過圓曰上人不耘而秀不扶而直一日辭去圓送之門指師背曰寶所在近此城非實師領之往豫章謁典牛道由雲居風雪塞路坐閱四十二日午初版聲鏗然豁爾大悟及造門典牛獨指師曰甚處見神見鬼來師曰雲居聞版聲來牛曰是甚麼師曰打破虛空全無柄把牛曰向上事未在師曰東家暗坐西家厮罵牛曰嶄然超出佛祖他日起家一麟足矣住後上堂舉教中道若以色見我以音聲求我是人行邪道不能見如來雖然恁麼正是捕得老鼠打破油甕懷禪師道你眼在甚麼處雖則識破釋迦老子爭奈拈鋤抵指若是塗毒卽不然色見聲求也不妨百華影裏繡鴛鴦自從識得金鍼後一任風

吹滿袖香師將示寂陞座別衆囑門人以文祭之師危坐傾聽至尙饗爲之一笑越兩日沐浴更衣集衆說偈曰四大既分飛煙雲任意歸秋天霜夜月萬里轉光輝俄頃泊然而逝塔全身於東岡之麓

信相顯禪師法嗣

成都府金繩文禪師僧問如何是大道之源師曰黃河九曲曰如何是不犯之令師曰鐵蛇鑽不入僧擬議師便打

南嶽下十六世

育王謙禪師法嗣

台州萬年心聞曇貫禪師永嘉人住江心病起上堂維摩病說盡道理龍翔病咳嗽不已咳嗽不已說盡道理說盡道理咳嗽不已汝等諸人還識得其中意旨也未本是長江湊風冷却教露柱患頭風上堂一見便見八角磨盤空裏轉一得永得辰錦朱砂如墨黑秋風吹渭水已落雲門三句裏落葉滿長安幾箇而今被眼瞞豎拂子曰瞞得瞞不得總在萬年手裏還見麼華頂月籠招手石斷橋水落捨身殿僧問百

丈卷席意旨如何師曰賊過後張弓四明太守以雪
寶命師主之師辭以偈曰。開籃方喜得抽頭退鼓而
今打未休。莫把乳峯千丈雪。重來換我一雙眸。

慶元府天童慈航了朴禪師。福州人。上堂。酷暑如焚。
不易禁炎。炎赫赫欲流金。夜明簾外無人到。靈木迢
然轉綠陰。上堂久雨不晴。半睡半醒。可謂天地合其
德。日月合其明。四時合其序。鬼神合其吉凶。遂喝曰。
住。住。內卦已成。更求外象。卓拄杖曰。適來擲得雷天。
大壯。如今變作地火明夷。上堂。牛皮靴露柱。露柱歌
咏。叫燈籠。佯不知。虛明還自照。殿脊老蚩吻。聞得阿
呵笑。三門側耳聽。就上打之。邊譬如十日菊。開徹阿
誰要。阿呵。呵。未必秋香一夜衰。尉斗煎茶不同銚室。
中間僧賊來。須打客來。須看祇如三更夜。半人面似
賊。賊面似人作。麼生辨。上堂。觀音巖玲玲。瓏瓏太白
石。丁丁東東。西園菜蠟似不堪食。東谷華發却無賴。
紅且道是祖意教意。途中受用。世諦流布。若辨不出。
雪峯覆却飯桶。若辨得出。甘贄禮拜蒸籠。參上堂。德
山入門便棒。臨濟入門便喝。臨濟喝處。德山棒頭耳。

聖德山棒時。臨濟喝下眼睛。雖然一擲一擡。就中全
生全殺。遂喝一喝。卓拄杖一下。云。敢問諸人。是生是
殺。良久云。君子可入。

南劍州西巖宗回禪師。婺州人也。久依無示。深得法
忍。因寺僧以茶禁聞。有司吏捕知事。師謂衆曰。此事
不直之則罪。坐於我。若自直。彼復得罪。不忍爲也。令
擊鼓陞座。說偈曰。縣吏追呼不暫停。爭如長往事。分
明從前有箇無生曲。且喜今朝調已成。言訖而逝。
高麗國坦然國師。少嗣王位。欽鄉宗。乘因海商。方景
仁抵四明。錄無示語。歸師閱之。啓悟。卽棄位。圓顙作
書。以語要及四威儀。偈令景仁呈。無示答曰。佛祖
出興於世。無一法與人。實使其自信。自悟。自證。自到。
具大知見。如所見而說。如所說而行。山河大地。草木
叢林。相與證明。其來久矣。後復通嗣法。其書略曰。生
死海廣劫殫同。通得遇本分宗師。以三要印子。驗定
其法實。謂盲龜值浮木孔耳。
臨安府龍華無住本禪師。廣德人也。上堂。舉雲門大
師拈起胡餅曰。我祇供養兩湖人。不供養向北人。衆

無語門自代曰天寒日短兩人共一碗師曰韶陽老漢言中有響痛處著雖檢點將來釀成毒藥諸人要會麼半在河南半河北一片虛凝似墨黑冷地思量愁殺人叵耐雲門這老賊賊賊下座更不巡堂

道場琳禪師法嗣

臨江軍東山吉禪師因李朝請與甥藕林居士向公子譴謁之遂問家賊惱人時如何師曰誰是家賊李豎起拳師曰賊身已露李曰莫茶糊人好師曰賊證見在李無語師示以偈曰家賊惱人執奈何千聖同機祇爲他徧徧空無影跡無依無住絕籠羅賊賊猛將雄兵收不得疑殺天下老禪和笑倒鬧市古彌勒休休不用將心向外求回頭瞥爾賊身露和賊捉獲世無儔世無儔真可仰從茲不復誇伎倆怙怙安家樂業時萬象森羅齊拊掌

道場慧禪師法嗣

臨安府靈隱懶庵道樞禪師吳興四安徐氏子初住何山次移華藏隆興初詔居靈隱孝宗皇帝召至內殿問禪道之要師答以此事在陛下堂堂日用應機

處本無知見起滅之夢聖凡迷悟之別第護正念則與道相應情却物則業不能繫盡去沉掉之病自忘問答之意矧今補處見在佛般若光明中何事不成見耶上爲之首肯數四師示衆曰仙人張果老騎驢穿市過但聞蹄撥刺誰知是紙做後退居明教永安蘭若逍遙自適有偈題于壁曰雪裏梅華春信息池中月色夜精神年來可是無佳趣莫把家風舉似人淳熙丙申八月示微疾書偈而逝塔于永安

光孝慈禪師法嗣

廣德軍光孝悟初首座分座曰示衆舉風幡話至仁者心動處乃曰祖師恁麼道賺殺一船人今時衲僧也不可恁麼會既不恁麼會畢竟作麼生良久曰六月好合醬切忌著鹽多

南嶽下十七世

萬年貢禪師法嗣

溫州龍鳴在庵賢禪師上堂舉崇壽示衆曰識得堯子周子有餘雲門道識得堯子天地懸殊師曰崇壽老漢坐殺天下人雲門大師走殺天下人龍鳴則不

然識得凳子四脚著地。要坐便坐。要起便起。上堂舉趙州勘婆話。頌曰。冰雪佳人貌最奇。常將玉笛向人吹。曲中無限華心動。獨許東君第一枝。

潭州大潯。喚庵鑑禪師。會稽人也。上堂。木落霜空。天寒水冷。釋迦老子。無處藏身。拆東籬補西壁。撞著不空見菩薩。請示念佛三昧也。甚奇怪。却向道。金色光明雲參退。喫茶去。上堂。老胡開一條路。甚生徑直。祇云。歇卽菩提。性淨明心。不從人得。後人不得其門。一向奔馳南北。往復東西。極歲窮年。無箇歇處。諸人還歇得麼。休休。上堂。舉晦堂和尚。一日問僧甚處來。曰。南雄州堂。曰。出來作甚麼。曰。尋訪尊宿。堂曰。不如歸鄉好。曰。未審和尚令某歸鄉。意旨如何。堂曰。鄉里三錢買一片魚鮮。如手掌。大師曰。寧可碎身如微塵。終不瞋箇師僧。眼晦堂較些子。有般漢。便道熟處難忘。有甚共語處。上堂。舉鬪賓國王問師子尊者。蘊空公案。師頌曰。尊者何曾得蘊空。鬪賓徒自斬春風。桃華雨後已零落。染得一溪流水紅。

五燈嚴統卷第十八

五燈嚴統卷第十九

南嶽下十一世

石霜圓禪師法嗣

袁州楊歧方會禪師。郡之宜春冷氏子。少警敏。及冠不事筆硯。繫名征商。課最坐不職。乃宵遁入瑞州九峯。恍若舊遊。眷不忍去。遂落髮。每閱經。心融神會。能折節扣參。老宿慈明。自南源徙道。吾石霜師皆佐之。總院事依之。雖久。然未有省發。每咨參明。曰。庫司事繁。且去。他日又問明。曰。監寺異時兒孫徧天下。在何用忙。爲一日明適出。雨忽作。師偵之。小徑既見。遂揭住。曰。這老漢。今日須與我說。不說打你去。明曰。監寺知是般事。便休。語未卒。師大悟。卽拜於泥途。問曰。狹路相逢時。如何。明曰。你且彈避。我要去。那裏去。師歸來。曰。具威儀。詣方丈。禮謝。明呵曰。未。在。自。是。明。每。山。行。師。輒。瞰。其。出。雖。晚。必。擊。鼓。集。衆。明。遽。還。怒。曰。少。叢。林。暮。而。陞。座。何。從。得。此。規。繩。師。曰。汾。陽。晚。參。也。何。謂。非。規。繩。乎。一。日。明。上。堂。師。出。問。幽。鳥。語。喃。喃。辭。雲。入。

亂峯時如何。明曰：我行荒草裏，汝又入深村。師曰：官不容鍼，更借一問。明便喝。師曰：好喝。明又喝。師亦喝。明連喝兩喝。師禮拜明曰：此事是箇人方能擔荷。師拂袖便行。明移興化師辭歸九峯後，道俗迎居楊岐。次遷雲蓋。受請日，拈法衣示衆曰：會麼？若也不會，今日無端走入水牯牛隊裏去也。還知麼？筠陽九岫，萍實楊岐。遂陞座。時有僧出。師曰：漁翁未擲釣，羅鱗衝浪來。僧便喝。師曰：不信道。僧拈掌歸衆。師曰：消得龍王多少風。問師唱誰家曲。宗風嗣阿誰。師曰：有馬騎馬，無馬步行。曰：少年長老，足有機籌。師曰：念汝年老放汝三十棒。問如何。是佛。師曰：三脚驢子弄蹄行。曰：莫祇這便是麼。師曰：湖南長老，乃曰：更有問話者。麼。試出來相見。楊岐今日性命在汝諸人手裏。一任橫拖倒拽，爲甚麼如此大丈夫兒。須是當衆決擇，莫背地裏似水底按葫蘆相似。當衆引驗。莫便面赤有麼？有麼？出來決擇。看如無楊岐。今日失利。師便下座。九峯勤和尚把住云：今日喜得箇同參。師曰：作麼生。是同參底事。勤曰：九峯牽犁，楊岐拽耙。師曰：正恁麼時。

楊岐在前，九峯在前，勤擬議。師拓開曰：將謂同參元來不是。僧問：人法俱遣，未是衲僧極則。佛祖雙亡，猶是學人疑處。未審和尚如何爲人。師曰：你祇要勘破新長老。曰：恁麼則旋斫柴，帶葉燒。師曰：七九六十三。問古人面壁意旨如何。師曰：西天人不會，唐言上堂霧鎖長空，風生大野。百草樹木作大師子吼。演說摩訶大般若。三世諸佛在你諸人脚跟下轉大法輪。若也會得功，不浪施。若也不會，莫道楊岐山勢險，前頭更有最高峯。上堂舉古人一轉公案。布施大衆良久，曰：口祇堪喫飯，上堂踏著秤錘，硬似鐵，瘧子得夢向誰說。須彌頂上浪滔天，大洋海裏遭火熬。參上堂楊岐一要千聖同妙，布施大衆拍禪牀一下云：果然失照。參上堂楊岐一句急著眼，覷長連牀上拈匙把筯上堂拈拄杖云：一卽一切，一切卽一。畫一畫云：山河大地，天下老和尚百雜碎。作麼生是諸人鼻孔。良久云：劒爲不平離寶匣，藥因救病出金鉉。喝一喝。卓一下。上堂楊岐無旨的，種田博飯喫。說夢老瞿曇，何處覓蹤跡。喝一喝。拍禪牀一下。上堂薄福住楊岐年。

來氣力衰寒風凋敗棄猶喜故人歸囉囉哩拈上死
柴頭且向無煙火上堂楊歧乍住屋壁疎滿牀盡布
雪真珠縮却項暗嗟吁良久曰飄憶古人樹下居上
堂雲蓋是事不如說禪似吞栗蒲若向此處會得佛
法天地懸殊上堂擲下拄杖曰釋迦老子著跌偷笑
雲蓋亂說雖然世界坦平也是將勤補拙上堂釋迦
老子初生時周行七步目顧四方一手指天一手指
地今時衲僧盡皆打摸畫樣便道天上天下唯我獨
尊雲蓋不惜性命亦爲諸人打箇樣子遂曰陽氣發
時無硬地示衆一切智通無障礙拈起拄杖曰拄杖
子向汝諸人面前逞神通去也擲下曰直得乾坤震
裂山嶽搖動會麼不見道一切智智清淨拍禪牀曰
三十年後明眼人前莫道楊歧龍頭蛇尾僧問撥雲
見日時如何師曰東方來者東方坐問天得一似清
地得一以寧衲僧得一堪作甚麼師曰鉢盂口向天
慈明忌辰設齋衆纔集師於眞前以兩手捏拳安頭
上以坐具畫一畫打一圓相便燒香退身三步作女
人拜首座曰休捏怪師曰首座作麼生座曰和尚休

捏怪師曰兔子喫牛糞第二座近前打一圓相便燒
香亦退身三步作女人拜師近前作聽勢座擬議師
打一掌曰這漆桶也亂做龍興孜和尚遷化僧至下
遺書師問世尊入滅擲示雙趺和尚歸眞有何相示
僧無語師提臂曰蒼天蒼天室中間僧栗棘蓬你作
麼生吞金剛圈你作麼生透一日三人新到師問三
人同行必有一智提起坐具曰參頭上座喚這箇作
甚麼曰坐具師曰眞箇那日是師復曰喚作甚麼曰
坐具師顧視左右曰參頭却具眼問第二人欲行千
里一步爲初如何是最初一句曰到和尚這裏爭敢
出手師以手畫一畫僧曰了師展兩手僧擬議師曰
了問第三人近離甚處曰南源師曰楊歧今日被上
座勘破且坐喫茶問僧敗葉堆雲朝離何處曰觀音
師曰觀音脚跟下一句作麼生道曰適來相見了也
師曰相見底事作麼生僧無對師曰第二上座代參
頭道看亦無對師曰彼此相鈍置示衆云春風如刀
春雨如膏律令正行萬物情動你道腳踏實地一句
作麼生道出來向東涌西沒處道看直饒道得也是

梁山頌子示衆云。身心清淨。諸境清淨。諸境清淨。身心清淨。還知楊岐老人落處麼。河裏失錢。河裏攬示衆云。景色乍晴。物情舒泰。舉步也。千身彌勒。動用也。隨處釋迦。文殊普賢。總在這裏。衆中有不受人謾底。便道。楊岐和魅。糲麪。然雖如是。布袋裏盛錐子。示衆云。雪雪處處。光輝明皎。潔黃河。凍鎖絕纖流。赫日光中。須迸裂。迸裂。那吒頂上。喫蒺藜。金剛脚下。流出血。皇祐改元。示寂塔于雲蓋。

南嶽下十二世

楊岐會禪師法嗣

舒州白雲守端禪師。衡陽葛氏子。幼事翰墨。冠依茶陵郁禪師。披削往參楊岐。岐一日忽問。受業師爲誰。師曰。茶陵郁和尙。岐曰。吾聞伊過橋。遭攔。有省作偈。甚奇。能記否。師誦曰。我有明珠一顆。久被塵勞關鎖。今朝塵盡光生。照破山河萬朵。岐笑而趨起。師愕然。通夕不寐。黎明咨詢之。適歲暮。岐曰。汝見昨日打毆。難者麼。曰。見岐曰。汝一籌不及。渠師復駭曰。意旨如何。岐曰。渠愛人笑。汝怕人笑。師大悟。巾侍久之辭遊。

廬阜圓通訥禪師。舉住承天。聲名籍甚。又遜居圓通。次徙法華。龍門興化。海會所至。衆如雲集。僧問。如何是佛師曰。鑊湯無冷處。曰。如何是佛法大意。師曰。水底按葫蘆。曰。如何是祖師。西來意。師曰。鳥飛兔走。問。不求諸聖。不重已靈。未是衲僧分上事。如何是衲僧分上事。師曰。死水不藏龍。曰。便恁麼去。時如何。師曰。賺殺你。到棲賢上堂。承天自開堂。後便安排些。葛藤來。山南東葛西葛。却爲在歸宗。開先。萬杉打疊了也。今日到三峽會裏。大似臨嫁。醫癩卒著。手脚不辨。幸望大衆。不怪。伏惟珍重。上堂。鳥有雙翼。飛無遠近。道出一隅。行無前後。你衲僧家。尋常拈匙放箸。盡道知有。及至上嶺時。爲甚麼却氣急。不見道人無遠慮。必有近憂。上堂。乾坤之內。宇宙之間。中有一寶。秘在形山大衆。眼在鼻上。脚在肚下。且道。寶在甚麼處。良久。云。人面不知何處去。桃華依舊笑春風。上堂。古者道。將此深心奉塵刹。是則名爲報佛恩。圓通則不然。時挑野菜和根煮。旋斫生柴帶葉燒。上堂。江月照松風。吹到這裏還有漏網者麼。良久曰。皇天無親。上堂入。

棒不動。草入水不動。波入鳥不亂行。大眾這箇是把
纜放船底。手脚且道。衲僧家合作麼。生以手拍禪牀。
曰。掀翻海嶽。求知己。撥亂乾坤。見太平。上堂。忌口自
然諸病滅。多情未免有時勞。貧居動便成違。順落得
清閑一味高。雖然如是。莫謂無心。云是道無心。猶隔
一重關。示衆云。泥佛不度水。木佛不度火。金佛不度
爐。眞佛內裏坐。大眾。趙州老子十二劑。骨頭八萬四
千毛孔。一時拋向諸人懷裏了也。圓通今日路見不
平爲古人出氣。以手拍禪牀云。須知海嶽歸明主。未
信乾坤陷吉人。示衆云。佛身充滿於法界。普現一切
羣生前。隨緣赴感。靡不周。而常處此菩提座。大眾作
麼生說箇隨緣赴感底道理。祇於一彈指間。盡大地
含生根機。一時應得周足。而未嘗動著一毫頭。便且
喚作隨緣赴感。而常處此座。祇如山僧此者。受法華
請相次。與大眾相別去。宿松縣裏開堂了。方歸院去。
且道。還離此座也。無若道離。則世諦流布。若道不離。
作麼生見得箇不離底事。莫是無邊剎境。自他不隔。
於毫端。十世古今。始終不離於當念麼。又莫是一切

無心。一時自徧麼。若恁麼。正是掉棒打月到這裏。直
須悟始得。悟後更須遇人。始得你道。既悟了。便休。又
何必更須遇人。若悟了。遇人底。當垂手方便之時。著
著自有出身之路。不瞎却學者眼。若祇悟得乾羅蔔
頭底。不唯瞎却學者眼。兼自己動。便先自犯鋒傷手。
你看我楊岐先師。問慈明師。翁道幽鳥語喃喃。辭雲
入亂峯時。如何答云。我行荒草裏。汝又入深村。進云。
官不容鍼。更借一問。師翁便喝。進云。好喝。師翁又喝。
先師亦喝。師翁乃連喝兩喝。先師遂禮拜。大眾須知。
悟了。遇人者。向十字街頭。與人相逢。却在千峯頂上。
握手。向千峯頂上相逢。却在十字街頭。握手。所以山
僧嘗有頌云。他人住處。我不住。他人行處。我不行。
是爲人難共聚。大都縑素要分明。山僧此者。臨行解
開布袋頭。一時撒在諸人面前了也。有眼者。莫錯怪。
好珍重。開堂示衆云。昔日靈山會上。世尊拈華。迦葉
微笑。世尊道。吾有正法眼藏。分付摩訶大迦葉。次第
流傳。無令斷絕。至于今日。大眾若是正法眼藏。釋迦
老子自無分。將箇甚麼分付。將箇甚麼流傳。何謂如

此況諸人分上各各自有正法眼藏。每日起來。是非分南。分北。種種施爲。盡是正法眼藏之光影。此眼開時。乾坤大地。日月星辰。森羅萬象。祇在面前。不見有毫釐之相。此眼未開時。盡在諸人眼睛裏。今日已開者。不在此限。有未開者。山僧不惜手爲諸人開。此正法眼藏。看乃舉手豎兩指曰。看看若見得去事。同一家。若也未然。山僧不免重說偈言。諸人法眼藏。千聖莫能當。爲君通一線光輝。滿大唐。須彌走入海。六月降嚴霜。法華雖恁道。無句得商量。大衆既滿口。道了爲甚麼。却無句得商量。喝一喝曰。分身兩處看。上堂。釋迦老子有四弘誓願。云衆生無邊誓願度。煩惱無盡誓願斷。法門無量誓願學。佛道無上誓願成。法華亦有四弘誓願。饑來要喫飯。寒到即添衣。困時伸脚睡。熱處愛風吹。上堂。古人留下一言半句。未透時。撞著鐵壁。相似忽然。一日覷得透。後方知自己便是鐵壁。如今作麼生透。復曰。鐵壁鐵壁上。堂若端的得一回汗出。便向一莖草上。現瓊樓玉殿。若未端的得一回汗出。縱有瓊樓玉殿。却被一莖草蓋却。作麼

生得汗出去。自有一雙窮相手。不曾容易舞三臺上。堂安居之首。禁足爲名。禁足之意。意在進道而護生。衲僧家更有何生。而可護何道。而可進。睡一睡。睡破。釋迦老子面門。踏一步。踏斷。釋迦老子背脊骨。猶是隨羣逐隊。漢末是本分衲僧。良久曰。無限風流。傭賣弄。免教人指好。郎君上堂。絲毫有趣。皆能進。畢竟無歸。若可當。逐日退身行。與盡忽然得見本爺。嫌作麼生。是本爺嫌。乃云。萬福。便下座。示衆云。如我按指。海印發光。拈起拄杖。云。山河大地。水鳥樹林。情與無情。今日盡向法華拄杖頭上。作大師子吼。演說摩訶大般若。若且道。天台南嶽。說箇甚麼。法門南嶽。說洞上五位修行。君臣父子。各得其宜。莫守寒巖。異草青坐。却白雲。宗不妙。天台說臨濟下三玄。三要。四料揀。一喝。分賓主。照用一時。行要會箇中意。日午打三更。廬山出來道。你兩箇正在葛藤窠裏。不見道。欲得不招無間業。莫謗如來正法輪。大衆據此三箇。漢見解。若上衲僧秤子上。稱一箇重八兩。一箇重半斤。一箇不直半分錢。且道那箇不直半分錢。良久云。但願春風齊

著力一時吹入我門來卓拄杖下座熙寧五年遷化壽四十八

金陵保寧仁勇禪師四明竺氏子容止淵秀紹爲大僧通天台教更衣謁雪竇明覺禪師覺意其可任大法誚之曰。央庠座主師憤排下山望雪竇拜曰。我此生行脚參禪。道不過雪竇。誓不歸鄉。卽往泐潭。踰紀。疑情未泮。聞楊岐移雲蓋。能鈴鍵學者。直造其室。一語未及。頓明心印。岐歿。從同參白雲端。禪師遊研極玄奧。後出世。兩住保寧。而終。僧問。如何是佛。師曰。近火先焦。曰。如何是道。師曰。泥裏有刺。曰。如何是道中人。師曰。切忌踏著。問。先德道寒風凋敗。棄猶喜故人歸。未審誰是故人。師曰。楊岐和尚遷化久矣。曰。正當恁麼時。更有甚麼人爲知音。師曰。無眼村翁暗點頭。問。如何是佛。師曰。自屎不覺臭。問。如何是保寧境界。師曰。主山頭倒卓。曰。如何是境中人。師曰。鼻孔無半邊。問。如何是塵中自在。底人。師曰。因行不妨掉臂。問。如何是佛。師曰。鐵鎚無孔。曰。如何是佛法大意。師曰。鑊湯無冷處。問。巖山指月曹谿話月。未審保寧門下如

何。師曰。頃日有華當面貼。師便喝。問。摘葉尋枝。卽不問。如何是直截根源。師曰。蚊子上鐵牛。曰。直截根源。人已曉。中下之流。如何指示。師曰。石人脊背汗。通流上堂。山僧二十餘年挑囊負鉢。向寰海之內。參善知識。十數餘人。自家並無箇見處。有若頑石。杵似參底尊宿。亦無長處。可相利益。自此一生作箇百無所解。底人。幸自可憐生。忽然被業風吹到江寧府。無端被。人上當。推向十字路頭。住箇破院。作粥飯主人。接待南北。事不獲已。隨分有鹽有醋。粥足飯足。且恁過時。若是佛法。不曾夢見。上堂。侍者燒香。罷。師指侍者曰。侍者已爲諸人說法了也。上堂。看看山僧入拔舌地獄去也。以手拽舌云。阿哪。阿哪。上堂。相罵無好言。相打無好拳。大眾直恁麼。始得一句句切害。一拳拳著實。忽然打著箇無面目漢。也不妨暢快殺人。上堂。滿口是舌。都不能說。碧眼胡僧。當門齒缺。上堂。秋風涼松韻長。未歸客思。故鄉且道。誰是未歸客。何處是故鄉。良久。曰。長連牀上有粥。有飯。上堂。天上無彌勒。地下無彌勒。打破太虛空。如何尋不得。垂下一足曰。

鳴呼

大衆向甚麼處去也。上堂若說佛法供養大衆未免眉鬚墮落。若說世法供養大衆入地獄如箭射去。此二途且道保寧今日當說甚麼。三寸舌頭無用處。一雙空手不成拳。上堂古人底今人用。今人底古人爲。古今無背面。今古幾人知。唧唧一八九與二九相逢。不出手上堂。有手脚無背面。明眼人看不見。天左旋地右轉。拍膝曰。西風一陣來。落葉兩三片。上堂風鳴條雨破塊。曉來枕上驚聲碎。蝦蟇蚯蚓一時鳴。妙德空生都不會。都不會三箇成羣。四箇作隊。窈窕窈窕。飄飄飄飄。向南北東西折得。黎華李華一佩兩佩。上智不到處。切忌道著。道著則頭角生。大衆頭角生了。也是牛是馬。上堂無漏真淨云。何是中更容他物。喝一喝曰。好人不肯做。須要屎裏臥。上堂夜靜月明。水清魚現。金鉤一擲。何處尋蹤。提起拄杖曰。歷細歷細。示衆云。有箇漢怪復醜。眼直鼻盤。鑊面南看北斗。解使日午金烏啼。夜半鐵牛吼。天地旋山河走羽族。毛羣失其所守。直得文殊普賢出此沒彼。七縱八橫。千生萬受。焉然逢著箇黃面瞿曇。不惜眉毛再三與。

伊摩頂授記云。善哉善哉。大作佛事。希有希有。於是手自家懷懺懺。懺懺惶惶。懺懺頭縮。手召云。大衆此話大行。何必更待三十年後。示衆云。大方無外。大圓無內。無內無外。聖凡普會。瓦礫生光。須彌粉碎。無量法門。百千三昧。拈起拄杖云。總在這裏。會麼。蘇嚕蘇嚕。嚕哩嚕哩。婆訶。示衆云。釋迦老子四十九年說法。不曾道著一字。優波鞠多丈室盈壽。不曾度得一人。達磨不居少室。六祖不住曹谿。誰是後昆。誰爲先覺。既然如是。彼自無瘡。勿傷之也。拍膝顧衆云。且喜得天下太平。示衆云。真相無形。形現相干。怪萬狀。自此而彰。喜則滿面。光生怒則雙眉陡豎。非凡非聖。或是或非。人不可量。天莫能測。直下搆得。未稱丈夫。喚不回頭。且莫錯怪。

潭州石霜守孫禪師僧問。生也不道。死也不道。爲甚麼不道。師曰。一言已出。日從東過。西又作麼。生曰。馬難追。曰。學人總不與麼。師曰。易開終始。口難保。歲寒心。

比部孫居士因楊岐會禪師來謁。值視斷次。公曰。某

爲王事所牽何由免離岐指曰委悉得麼公曰望師點破岐曰此是比部弘願深廣利濟羣生公曰未審如何岐示以偈曰應現宰官身廣弘悲願深爲人重指處棒下血淋淋公於此有省

南嶽下十三世

白雲端禪師法嗣

蘄州五祖法演禪師綿州鄧氏子三十五始棄家祝髮受具往成都習唯識百法論因聞菩薩入見道時智與理冥境與神會不分能證所證西天外道嘗難此丘曰既不分能證所證却以何爲證無能對者外道貶之令不鳴鐘鼓反披袈裟三藏裝法師至彼救此義曰如人飲水冷暖自知乃逼其難師曰冷暖則可知矣作麼生是自知底事遂質本講曰不知自知之理如何講莫疏其問但誘曰汝欲明此當往南方扣傳佛心宗者師卽負笈出關所見尊宿無不以此咨決所疑終不破泊謁圓照本禪師古今因緣會盡唯不會僧問興化四方八面來時如何化云打中間底僧作禮化云我昨日赴箇村齋中途遇一陣卒風

暴雨却向古廟裏避得過請益本本云此是臨濟下因緣須是問他家兒孫始得師遂謁浮山遠禪師請益前話遠云我有箇譬喻說似你你一似箇三家村裏賣柴漢子把箇匾擔向十字街頭立地問人中書堂今日商量甚麼事師默計云若如此大故未在這一日語師曰吾老矣恐虛度子光陰可往依白雲此老雖後生吾未識面但見其頌臨濟三頓棒話有過人處必能了子大事師潸然禮辭至白雲遂舉僧問南泉摩尼珠詰請問雲叱之師領悟獻投機偈曰山前一片閑田地叉手叮嚀問祖翁幾度賣來還自買爲憐松竹引清風雲特印可令掌磨事未幾雲至語師曰有數禪客自廬山來皆有悟入處教伊說亦說得有來由舉因緣問伊亦明得教伊下語亦下得祇是未在師於是大疑私自計曰既悟了說亦說得明亦明得如何却未在這遂參究累日忽然省悟從前寶惜一時放下走見白雲雲爲手舞足蹈師亦一笑而已師後曰吾因放出一身白汗便明得下載清風雲一日示衆曰古人道如鏡鑄像像成後鏡在甚麼處

衆下語不契。舉以問師。師近前問訊曰。也不較多雲。笑曰。須是道者。始得。乃命分座。開示方來。初住四面。遷白雲。晚居東山。僧問。攜筇領衆。祖令當行。坐斷要津。師意如何。師曰。秋風吹渭水。落葉滿長安。曰。四面無門。山嶽秀今朝。且得主人歸。師曰。你道路頭在甚麼處。曰。爲甚麼對面不相識。師曰。且喜到來問祖意。教意是。同是別。師曰。人貧智短。馬瘦毛長。問如何是白雲爲人親切處。師曰。捩轉鼻孔。曰。便恁麼去時如何。師曰。不知痛癢。漢問達磨。面壁意旨如何。師曰。計較未成。曰。二祖立雪時如何。師曰。將錯就錯。曰。祇如斷臂安心。又作麼生。師曰。楊帝開汴河。問百尺竿頭如何進步。師曰。快走始得。問如何是臨濟下事。師曰。五逆聞雷。曰。如何是雲門下事。師曰。紅旗閃爍。曰。如何是曹洞下事。師曰。馳書不到家。曰。如何是潯仰下事。師曰。斷碑橫古路。僧禮拜。師曰。何不問法眼。下事曰。留與和尚。師曰。巡人犯夜。問如何是白雲一滴水。師曰。打碓打磨。曰。欵者如何。師曰。教你無著面處。問天下人舌頭。盡被白雲坐斷。白雲舌頭。甚麼人坐斷。

師曰。東村王大翁。師乃曰。適來思量得。一則因緣而今早忘了也。却是挂杖子。記得乃拈挂杖曰。挂杖子也。忘了。遂卓一下。曰。同坑無異土。咄。上堂。幸然無一事行脚。要參禪。却被禪相惱。不透祖師關。如何是祖師關。把火入牛欄。上堂。恁麼恁麼。毆跳不出斗。不恁麼。不恁麼。弄巧成拙。輒似鐵硬如泥。金剛眼睛。十二兩。衲僧手裏秤頭低。有價數。沒商量。無鼻孔。底將甚麼聞香。上堂。難難。幾何般易。易沒巴鼻。好好催人老。默默從此得過。這四重關了。泗州人見大聖。參上堂。若要七縱八橫。見老和尚打鼓。陞堂。七十三八十四。將拄杖。驀口便築。然雖如是。拈却門前下馬臺。剪却五色索。方始得安樂。僧問。承師有言。山前一片閑田地。祇如威音王已前。未審甚麼人爲主。師曰。問取寫契書人。曰。和尚爲甚麼。情人來答。師曰。祇爲你教別人。問曰。與和尚平出去也。師曰。大遠在。問如何是佛。師曰。口是禍門。又曰。肥從口入。問一代時教。是箇切脚。未審切那箇字。師曰。鉢囉娘。曰。學人祇問一字。爲甚麼却答許多。師曰。七字八字。問如何是和尙家風。師

曰鐵旗鐵鼓曰祇有這箇爲復別有師曰採石渡頭看曰忽遇客來將何祇待師曰龍肝鳳髓且待別時曰客是主人相師師曰謝供養問如何是先照後用師曰王言如絲曰如何是先照後用師曰其出如綸曰如何是照用同時師曰舉起軒轅鑑蚩尤頓失威曰如何是照用不同時師曰金將火試問佛未出世時如何師曰大愁不如小愁曰出世後如何師曰小愁不如大愁問牛頭未見四祖時如何師曰頭上戴纓垂曰見後如何師曰青布遮前曰未見時爲甚麼百鳥銜華獻師曰富與貴是人之所欲曰見後爲甚麼不銜華獻師曰貧與賤是人之所惡問如何是佛師曰露胷跣足曰如何是法師曰大赦不放曰如何是僧師曰釣魚船上謝三郎問四面無門山嶽秀箇中時節若爲分曰東君知子細徧地發萌芽曰春去秋來事宛然也師曰纔方搓彈子便要捏金剛上堂古人道我若向你道卽禿却我舌若不向你道卽癩却我口且道還有爲人處也無四面有時擬爲你吞却祇被當門齒礙擬爲你吐却又爲咽喉小且道還

有爲人處也無乃曰四面自來柳下惠上堂結夏無可供養作一家燕管顧諸人遂擡手曰囉囉囉招囉囉囉囉囉送莫怪空疎伏惟珍重上堂白雲不會說禪三門開向兩邊有人動著關捩兩片東扇西扇上堂一向怎麼去路絕人稀一向怎麼來孤負先聖去此二途祖佛不能近設使與白雲同生同死亦未稱平生何也鳳凰不是凡間物不得梧桐誓不棲上堂千峯列翠岸柳垂金樵父謳歌漁人鼓舞笙簧聒地鳥語呢喃紅粉佳人風流公子一一爲汝諸人發上上機開正法眼若向這裏薦得金色頭陀無容身處若也不會喫粥喫飯許你七穿八穴上堂此箇物上挂天下挂地皖口作眼皖山作鼻太平退身三步放你諸人出氣上堂狗子還有佛性也無也勝猫兒十萬倍上堂太平漚漚漢事事盡經徧如是三十年也有人讚歎且道讚歎個甚麼好箇漚漚漢上堂汝等諸人見老和尚鼓動唇吻豎起拂子便作勝解及乎山禽聚集牛動尾巴却將作等閑殊不知簷聲不斷前旬兩電影還連後夜雷謝監收上堂人之性命事第

一須是○欲得成此○先須防於○若是真○人○
○上堂有佛處不得住。換却你心肝。五臟無佛處。急
走過。鴈過留聲。三千里外逢人。不得錯舉。出門便錯。
恁麼則不去也。種粟却生豆。摘楊華摘楊華。不覺日
又夜。爭教人。少年上堂。悟了同未悟。歸家尋舊路。一
字是一字。一句是一句。自小不脫空。兩歲學移步。湛
水生蓮華。一年生一度。僧問。如何是奪人不奪境。師
曰。秋風吹渭水。落葉滿長安。曰。如何是奪境不奪人。
師曰。路上逢人半是僧。曰。如何是人境兩俱奪。師曰。
高空有月千門照。大道無人獨自行。曰。如何是人境
俱不奪。師曰。少婦棹孤舟。歌聲逐水流。小參舉德山。
云。今夜不答話。問話者三十棒。衆中舉者甚多。會者
不少。且道向甚處見德山。有不顧性命者。試出來道。
看若無山。僧爲大衆與德山老人相見去也。待德山
道。今夜不答話。問話者三十棒。但向伊道某甲話也。
不問棒也不喫。你道還契他德山老人麼。到這裏須
是箇漢始得。況某甲十有餘年。海上參尋。見數人尊
宿。自爲了當。及到浮山會裏。直是開口不得。後到白

雲門下。敲破一箇鐵酸。賺直得百味具足。且道。賺子
一句作麼生道。乃曰。華發鷄冠媚。早秋誰人能染紫。
絲頭有時風動。頻相倚。似向堦前鬪。不休上堂。山僧
昨日入城。見一棚傀儡。不免近前看。或見端嚴奇特。
或見醜陋不堪。動轉行坐。青黃赤白。一一見了。子細
看時。元來青布幔裏有人。山僧忍俊不禁。乃問長史。
高姓。他道老和尚看便了。問甚麼姓。大衆山僧被他
一問。直得無言可對。無理可伸。還有人爲山僧道得。
麼。昨日那裏落節。今日這裏拔本。上堂說佛法。拈
龜豎拂。白雲萬里。德山入門便棒。臨濟入門便喝。白
雲萬里。然後恁麼也不得。不恁麼也不得。恁麼不恁
麼。總不得也。則白雲萬里。忽有箇漢出來。道長老你
恁麼道也。則白雲萬里。這箇說話。喚作矮子看戲。隨
人上下。三十年後一場好笑。且道笑箇甚麼。笑白雲
萬里示衆云。祖師道吾本來茲土。傳法救迷情。一華
開五葉。結果自然成。達磨大師信脚來。信口道。後代
兒孫多成計。較要會開華。結果處。麼。鄭州黎青州。棗
萬物無過出處好。示衆云。眞如凡聖皆是夢。言佛及

衆生。竝爲增語。或有人出來道。盤山老。嚮但向伊道。不因紫陌華開。早爭得黃鸝下柳條。若更問道。五祖老。嚮自云。諾。惺惺著。示衆云。十方諸佛。六代祖師。天下善知識。皆同這箇舌頭。若識得這箇舌頭。始解大脫空。便道。山河大地。是佛。草木叢林。是佛。若也未識得這箇舌頭。祇成小脫空。自謾去。明朝後日。大有事在五祖。恁麼說話。還有實頭處也。無自云。有如何。是實頭處。歸堂喫茶去。示衆云。每日起來。挂却臨濟棒。吹雲門曲。應趙州拍擔。仰山歛。驅馮山牛。耕白雲田。七八年來。漸成家活。更告諸公。每人出一隻手。相共扶助。唱村田樂。麤羹淡飯。且恁麼過。何也。但願今年蠶麥熟。羅喉羅兒。與一文。示衆舉德山和尚。因僧問。從上諸聖。以何法示人。山云。我宗無語句。亦無一法。與人。雪峯從此有省。後有僧問雪峯云。和尚見德山。得箇甚麼。便休去。峯云。我當時空手去。空手歸。白雲今日說向透未過者。有箇人從東京來。問伊甚處來。他却道。蘇州來。問伊蘇州事如何。伊道。一切尋常。雖然如是。謾白雲。不過何。故祇爲語音各別。畢竟如何。

蘇州菱邵伯藕。示衆佛祖生冤家。悟道染泥土。無爲無事人。聲色如響。瞽且道。如何卽是恁麼。也不得不恁麼。也不得恁麼。不恁麼。總不得。忽有箇出來道。恁麼也得。不恁麼也得。恁麼不恁麼。總得祇向伊道。我也知你向鬼窟裏作活計。小參舉陸亘大夫問南泉。弟子家中有一片石。也曾坐也。曾臥。擬鑄作佛得麼。云。得。陸曰。莫不得麼。云。不得。大衆夫爲善知識。須明決擇。爲甚麼他人道得。也得。他人道不得。也得。不。得。還知南泉落處。麼。白雲。不惜眉毛。與汝注破。得。又是誰道來。不得。又是誰道來。汝若更不會。老僧今夜爲汝作箇樣子。乃舉手云。將三界二十八天。作箇佛頭。金輪水際。作箇佛脚。四大洲。作箇佛身。雖然作此佛兒子了。汝諸人。又却在那裏安身立命。大衆。還會也未。老僧作第二箇樣子去也。將東弗于逮。作一箇佛。南瞻部洲。作一箇佛。西瞿耶尼。作一箇佛。北鬱單越。作一箇佛。草木叢林。是佛。靈動含靈。是佛。既恁麼。又喚甚麼作衆生。還會也未。不如東弗于逮。還他東弗于逮。南瞻部洲。還他南瞻部洲。西瞿耶尼。還他西

霍耶尼北鬱單。越還他北鬱單。越草木叢林。還他草木叢林。靈動含靈。還他靈動含靈。所以道是法住法位。世間相常住。既恁麼。汝又喚甚麼。作佛。還會麼。忽有箇漢出來。道白雲。休寐。語大衆。記取這一轉。三佛侍師於一亭上。夜話及歸。燈已滅。師於暗中曰。各人下一轉語。佛鑑曰。彩鳳舞丹霄。佛眼曰。鐵地橫古路。佛果曰。看脚下。師曰。滅吾宗者。乃克勤。爾崇寧三年六月二十五日。上堂辭衆曰。趙州和尚有末後句。你作麼生會。試出來道。看若會得去。不妨自在。快活。如或未然。這好事作麼說。良久曰。說即說了。也祇是諸人不知要會麼。富嫌千口少。貧恨一身多。珍重。時山門有土木之役。躬往督之。且曰。汝等勉力。吾不復來矣。歸丈室。淨髮澡身。迄旦吉祥而化。是夕山摧石隕。四十里內。巖谷震吼。闍維設利。如雨塔于東山之南。潭州雲蓋山智本禪師。瑞州郭氏子。開堂曰。僧問。諸佛出世。天雨四華。和尚出世。有何祥瑞。師曰。千聞不如一見。曰。見後如何。師曰。瞎問。如何是清淨法身。師曰。家無小使。不成君子。問。將心覓心。如何覓得。師曰。

波斯學漢語。問如何是學人出身處。師曰。雪峯元是嶺南人。問。素面相呈時如何。師曰。一場醜。拙問人人盡有一面古鏡。如何是學人古鏡。師曰。打破來。向你道。曰。打破了也。師曰。胡地冬抽筭。問古人道。說取行不得底。行取說不得底。未審行不得底。作麼生說。師曰。口在脚下。曰。說不得底。作麼生行。師曰。踏著舌頭。問。知師久。蘊囊中寶。今日當場略借看。師曰。適來恰被人借去。上堂去者。鼻孔遼天來者。腳踏實地。且道祖師意向甚麼處。著良久曰。長恨春歸無覓處。不知流入此中來。上堂高臺巴鼻。開口便是。若也便是。有甚巴鼻。月冷風高。水清山翠。上堂以楔出楔。有甚休歇。欲得休歇。以楔出楔。喝一喝。上堂高聲喚。侍者侍者。應諾。師曰。大衆集也。未侍者。曰。大衆已集。師曰。那一箇爲甚麼不來赴參。侍者無語。師曰。到即不點上堂。滿口道不出。句句甚分明。滿目覷不見。山山疊亂。青鼓聲猶不會。何況是鐘鳴。喝一喝。上堂祖翁卓卓。竿竿兒孫齷齪。齷齪有處藏頭。沒處露角。借問衲僧如何。摸索上堂。橫按拄杖曰。牙如刀劍。面如鐵眼。放。

電光光不歇。手把蒺藜一萬斤。等閑敲落天邊月。卓一下。僧問。如何是敲人師子。師曰。五老峯前曰這箇。豈會敲人。師曰。今日拾得性命。上堂。頭須戴彌山脚。踏四大海。呼吸起風雷。動用生五彩。若能識得渠。一任歲月改。且道誰人識得渠。喝。一喝。云。田庫奴。

潞州琅邪永起禪師。襄陽人也。僧問。庵內人爲甚麼不見庵外事。師曰。東家點燈。西家暗。坐曰。如何是庵內事。師曰。眼在甚麼處。曰。三門頭合掌。師曰。有甚交涉。乃曰。五更殘月落。天曉白雲飛。分明目前事。不是目前機。既是目前事。爲甚麼不是目前機。良久曰。此去西天路。迢迢十萬餘。上堂。良久。拈掌一下。曰。阿呵呵。阿呵呵。還會麼。法法本來。法遂拈拄杖曰。這箇是山僧拄杖。那箇是本來法。還定當得麼。卓一下。

英州保福殊禪師。僧問。諸佛未出世時。如何。師曰。山河大地。曰。出世後如何。師曰。大地山河。曰。恁麼則一般也。師曰。敲轆打瓦。問。如何是和尙家風。師曰。碗大碗小。曰。客來將何祇待。師曰。一杓兩杓。曰。未飽者作麼生。師曰。少喫少喫。問。如何是大道。師曰。開市裏曰。

如何是道中人。師曰。一任人看問。如何是禪師。曰。秋風臨古渡。落日不堪聞。曰。不問這箇。禪師曰。你問那箇。禪曰。祖師禪。師曰。南華塔外松陰裏。飲露吟風。又更多問。如何是真正路。師曰。出門看。堠子。乃曰。釋迦何處滅俱尸。彌勒幾曾在兜率。西覓普賢。好慚愧。北討文殊。生受屈。坐壓毗盧。額汗流行。築觀音鼻血。出回頭。摸著箇。匾擔。却道好箇木牙。笏喝。一喝。下座。

袁州崇勝院珙禪師。上堂。舉石鞏張弓。架箭接機。公案。頌曰。三十年來握箭弓。三平纔到壁開窗。半箇聖人終不得。大顛弦外幾時逢。

提刑郭祥正字功甫。號淨空居士。志樂泉石。不羨紛華。因謁白雲。雲上堂曰。夜來枕上。作得箇山頌。謝功甫大儒。廬山二十年之舊。今日遠訪白雲之勤。當須舉與大衆。請已後分明舉。似諸方此頌。豈唯謝功甫大儒。直要與天下有鼻孔。衲僧脫却著肉汗衫。莫言不道。乃曰。上大人。丘乙巳。化三千七十士。爾小生。八九子。佳作仁。可知禮也。公切誚後。問小兒誦之。忽有省。以書報雲。雲以偈答曰。藏身不用縮頭。歛跡何須。

收脚金烏半夜遶天玉兔趕他不著元祐中往衡之南禪謁泉萬卷請陞座公趨前拈香曰海邊枯木入手成香爇向爐中橫穿香積如來鼻孔作此大事須是對衆白過始得雲居老人有箇無縫布衫分付南禪禪師著得不長不短進前則諸佛讓位退步則海水澄波今日賴神六種震動遂召曰大衆還委麼有意氣時添意氣不風流處也風流泉曰遞相鈍置公曰因誰致得崇寧初到五祖命祖陞座公趨前拈香曰此一瓣香爇向爐中供養我堂頭法兄禪師伏願於方廣座上壁開面門放出先師形相與他諸人描邈何以如此白雲巖畔舊相逢往日今朝事不同夜靜水寒魚不食一爐香散白蓮峯祖遂云曩謨薩怛哆鉢囉野恁麼恁麼幾度白雲谿上望黃梅華向雪中開不恁麼不恁麼嫩柳垂金線且要應時來不見龐居士問馬大師云不與萬法爲侶者是甚麼人大師云待汝一口吸盡西江水卽向汝道大衆一口吸盡西江水萬丈深潭窮到底掠約不是趙州橋明月清風安可比後又到保寧亦請陞座公拈香曰法

鼓既鳴寶香初爇楊岐頂額門請師重著楔保寧卓拄杖一下曰著楔已竟大衆證明又卓一下便下座又到雲居請佛印陞座公拈香曰覺地相逢一何早鶻臭布衫今脫了要識雲居一句立珍重後園驢喫草召大衆曰此一瓣香熏天炙地去也印曰今日不著便被這漢當面塗糊便打乃曰謝公千里來相訪共話東山竹徑深借與一龍騎出洞若逢天旱便爲霖鄉拄杖下座公拜起印曰收得龍麼公曰已在這裏印曰作麼生騎公攜手作舞便行印拈掌曰祇有這漢猶較些子

保寧勇禪師法嗣

郢州月掌山壽聖智淵禪師僧問祖意西來卽不問如何是一色師曰目前無關繫此間無老僧曰旣不如此如何曉會師曰領取鉤頭意莫認定盤星乃曰凡有問答一似擊石迸火流出無盡法財三草二本普潤其潤放行也雲生谷口霧罩長空把定也碧眼胡僧亦須罔措壽聖如斯舉唱猶是化門要且未有衲僧巴鼻敢問諸人作麼生是衲僧巴鼻良久曰布

針開兩眼。君向那頭看。

安吉州烏鎮壽聖院。楚文禪師上堂。拈拄杖曰。華藏木。栴栗等閑。亂拈出。不是不惜手。山家無固必。點山山動搖。攪水水波溢。忽然把定時。事事執法律。要橫不得橫。要屈不得屈。驚召大衆曰。莫謂棒頭有眼。明如日。上面光生盡。是漆。隨聲敲一下。上堂一又一。割著骨連皮。一搨一擡。粘手綴脚。電光石火。頭垂尾垂。劈箭追風。半生半死。撞著磕著。討甚眉毛。明頭暗頭。是何眼目。總不恁麼。正在半途。設使全機。未至涯岸。直饒淨裸裸。赤灑灑。沒可把。尙有廉纖。山僧恁麼道。且道口好作甚麼。良久曰。嘻。留取喫飯。

信州靈鷲山寶積宗映禪師開堂曰。乃橫按拄杖曰。大衆到這裏。無親無疎。自然不孤。無內無外。縱橫自在。自在不孤。清淨毗盧。釋迦舉令彌勒分疎。觀根逗教。更相同互。看取寶積拄杖子。黑漆光生。兩頭相副。阿呵呵。是何言歟。良久曰。世事但將公道斷。人心難與月輪齊。卓一下下座。

隆興府景福日餘禪師僧問。如何是道師曰。天共白。

雲曉水和明月。流曰。如何是道中人。師曰。先行不到末後太過。又僧出衆。畫一圓相。師以手畫一畫。僧作舞歸衆。師曰。家有白澤之圖。必無如是妖怪。乃拈拄杖曰。無量諸佛。向此轉大法輪。今古祖師。向此演大法義。若信得及。法法本自圓成。念念悉皆具足。若信不及。山僧今日因行。不妨掉臂。更爲重說偈言。卓一下下座。

安吉州上方日益禪師開堂曰。上首白。龜罷。師曰。白。龜前觀一。又不成。白。龜後觀二。又不是。到這裏。任是鐵眼銅睛。也須百雜碎。莫有不避危亡底。衲僧試出來。看時有兩僧齊出。師曰。一箭落雙。離僧曰。某甲話猶未問。何得著忙。師曰。莫是新羅僧麼。僧擬議。師曰。撞露柱。漢便打。問如何是未出世邊事。師曰。井底蝦蟇吞却月。曰。如何是出世邊事。師曰。鷺鷥踏折枯蘆枝。曰。去此二途。如何是和尙爲人處。師曰。十成好箇金剛鑽。擬向街頭賣。與誰問如何是多年水牯牛。師曰。齒疎眼暗。問闌市相逢事。若何。師曰。東行買賤。西行賣貴。曰。忽若不作貴。不作賤。又作麼。生。師曰。鎮州。

蘿蔔問一切含靈具有佛性既有佛性爲甚麼却撞入驢胎馬腹師曰知而故犯曰未審向甚麼處懺悔師打曰且作死馬醫問覲面相呈時如何師曰左眼半斤右眼八兩僧提起坐具曰這箇懺師曰不勞拈出乃左右顧視曰黃面老周行七步脚根下正好一錐碧眼胡兀坐九年頂門上可惜一割當時若有箇爲衆竭力底衲僧下得這毒手也免得拈花微笑空破面顏立雪齊腰翻成轍迹自此將錯就錯相契打簍遂有五葉芬芳千燈續燄向曲象本上唱二作三於柳栗杖頭指南爲北直得進前退後有問法問心之徒倚門傍牆有覓佛覓祖底漢庭前指栢便喚作祖意西來日裏看山更錯認學人自己殊不知此一大事本自靈明盡未來際未嘗間斷不假修證豈在思惟雖鶻子有所不知非滿慈之所能辯不見馬祖一喝百丈三日耳聾寶壽令行鎮州一城眼瞎大機大用如迅雷不可停一唱一提似斷崖不可履正當恁麼時三世諸佛祇可傍觀六代祖師證明有分大衆且道今日還有證明底麼良久曰割上堂拾得搬

柴寒山燒火唯有豐干巖中冷坐且道豐干有甚麼長處良久曰家無小使不成君子

南嶽下十四世

五祖演禪師法嗣

成都府昭覺寺克勤佛果禪師彭州路氏子世宗儒師兒時日記千言偶遊妙寂寺見佛書三復悵然如獲舊物曰子殆過去沙門也即去家依自省祝髮從文照通講說又從敏行授楞嚴俄得病瀕死歎曰諸佛涅槃正路不在文句中吾欲以聲求色見宜其無以死也遂棄去至眞覺勝禪師之席勝方創臂出血指示師曰此曹谿一滴也師矍然良久曰道固如是乎即徒步出蜀首謁玉泉皓次依金鑾信大潯喆黃龍心東林度僉指爲法器而晦堂稱他日臨濟一派屬子矣最後見五祖盡其機用祖皆不諾乃謂祖強移換人出不遜語忿然而去祖曰待你著一頓熱病打時方思量我在師到金山染傷寒困極以平日見處試之無得力者追繹五祖之言乃自誓曰我病稍間即歸五祖病瘥尋歸祖一見而喜令即參堂便入

侍者寮。方半月。會部使者解印還蜀。詣祖問道。祖曰。提刑少年曾讀小艷詩否。有兩句頗相近。頻呼小玉。元無事。祇要檀郎認得聲。提刑應喏。喏。祖曰。且子細。師適歸。侍立次。問曰。聞和尚舉小艷詩。提刑會否。祖曰。他祇認得聲。師曰。祇要檀郎認得聲。他既認得聲。爲甚麼却不是。祖曰。如何是祖師西來意。庭前栢樹子。響師忽有省。遽出見鷄飛上欄干。鼓翅而鳴。復自謂曰。此豈不是聲。遂袖香入室。通所得呈偈曰。金鴨香銷錦繡幃。笙歌叢裏醉扶歸。少年一段風流事。祇許佳人獨自知。祖曰。佛祖大事。非小根劣器所能造詣。吾助汝喜。祖徧謂山中耆舊曰。我侍者參得禪也。由此所至。推爲上首。崇寧中。還里省親。四衆迭拜成。都帥翰林郭公知章請開法。六祖更昭覺政和間。謝事復出峽南遊。時張無盡寓荆南。以道學自居。少見推許。師艤舟謁之。劇談華嚴旨要。曰。華嚴現量境界。理事全真。初無假法。所以卽一而萬。了萬爲一一。復一萬復萬。浩然莫窮。心佛衆生三無差別。卷舒自在。無礙圓融。此雖極則。終是無風。巾巾之波。公於是不

覺促揚師遂問曰。到此與祖師西來意爲同。爲別。公曰。同矣。師曰。且得沒交涉。公色爲之慍。師曰。不見雲門道。山河大地無絲毫過。患猶是轉句。直得不見一色。始是半提。更須知有向上全提時節。彼德山臨濟。豈非全提乎。公乃首肯。翌日復舉事。法界理法界至理事無礙法界。師又問。此可說禪乎。公曰。正好說禪也。師笑曰。不然。正是法界量裏在。蓋法界量未滅。若到事事無礙法界。法界量滅。始好說禪。如何是佛乾屎橛。如何是佛麻三斤。是故眞淨偈曰。事事無礙如意自在。手把豬頭口誦淨戒。越出姪坊來還酒債。十字街頭解開布袋。公曰。美哉之論。豈易得聞乎。於是。以師禮留居碧巖。復徙道林樞密鄧公子常奏賜紫服。師號詔住金陵蔣山。學者無地以容。勅補天寧萬壽上召見。褒寵甚渥。建炎初。又遷金山。適駕幸維揚。入對賜圓悟禪師改雲居久之。復領昭覺。僧問雲門道。須彌山意旨如何。師曰。推不向前。約不退後。曰未審還有過也。無師曰。坐却舌頭。問法不孤。起伏境方生。提坐具曰。這箇是境。那箇是法。師曰。却被閤黎奪

却鎗問古人道。柳栗橫擔不顧人。直入千峯萬峯去。未審那裏是他住處。師曰。騰蛇纏足。路布繞身。曰。朝看雲片片。暮聽水潺潺。師曰。却須截斷。始得。曰。此回不是夢。眞箇到廬山。師曰。高著眼。問猿抱子。歸青嶂。後鳥銜華落碧巖前。此是和尙舊時安身立命處。如何是道林境。師曰。寺門高開。洞庭野殿。脚插入赤沙湖。曰。如何是境中人。師曰。僧實人人。滄海珠曰。此是杜工部底作麼生。是和尙底。師曰。且莫亂道。曰。如何是奪人不奪境。師曰。山僧有眼不曾見。曰。如何是奪境不奪人。師曰。闍黎問得自然。親曰。如何是人境俱奪。師曰。收曰。如何是人境俱不奪。師曰。放問有句無句。如藤倚樹。如何得透脫。師曰。倚天長劍逼人寒。曰。祇如樹倒藤枯。瀉山爲甚麼。呵呵大笑。師曰。愛他底著他底。曰。忽被學人掀倒。禪牀拗折。拄杖又作箇甚麼。伎倆。師曰。也是賊過後張弓。問明歷歷露堂堂。因甚麼乾坤收不得。師曰。金剛手裏人。稜棒曰。忽然一喚便回還。當得活也無。師曰。驚子目連無奈何。曰。不落照不落用。如何商量。師曰。放下雲頭。曰。忽遇其中

人時。如何。師曰。騎佛殿出山門。曰。萬象不來。獨語教誰招手。上高峯。師曰。錯下名言。上堂。通身是眼。見不及通身。是耳聞不徹。通身是口說不著。通身是心鑒不出。直饒盡大地明得。無絲毫透漏。猶在半途。據令全提。且道如何展演。域中日月縱橫。挂一亘晴空。萬古春上堂。山頭鼓浪。井底揚塵。眼聽似震雷。霆耳觀如張錦繡。三百六十骨節。一一現無邊妙身。八萬四千毛端。頭頭彰寶王刹海。不是神通妙用。亦非法爾。如然。苟能千眼頓開。直是十方坐斷。且超然獨脫。一句作麼生。道試玉須經火。求珠不離泥。上堂。本來無形段。那復有脣觜。特地廣稱揚。替他說道理。且道他是阿誰。上堂。十五日已前。千牛拽不回。十五日已後。俊鶻越不及。正當十五日。天平地平。同明同暗。大千沙界。不出當處。可以含吐十虛。進一步超越。不可說香水海退一步。坐斷千里萬里白雲。不進不退。莫道闍黎老僧也。無開口處。舉拂子曰。正當恁麼時。如何有時。拈在千峯上。劃斷秋雲不放高。上堂。十方同聚會。本來身不昧。箇箇學無爲。頂上用鉗鎚。此是選

佛場深廣莫能量。心空及第歸利劍。不如錐羅居士。舌拄梵天口包四海。有時將一莖草作丈六金身。有時將丈六金身作一莖草。甚是奇特。雖然如此。要且不會動著。向上關且如何。是向上關鑄印築高壇上。堂有句無句。超宗越格。如藤倚樹。銀山鐵壁。及至樹倒藤枯。多少人失却鼻孔。直饒收拾得來。已是千里萬里。祇如未有恁麼消息時。如何還透得麼。風暖鳥聲碎。日高華影重。上堂第一句薦得祖師乞命。第二句薦得人天膽落。第三句薦得虎口橫身。不是循途守轍。亦非革轍移途。透得則六臂三頭未透。亦人間天上。且三句外一句作麼生。道生涯祇在絲綸上。明月扁舟泛五湖。示衆云。一言截斷千聖消聲。一劍當頭橫屍萬里。所以道有時句到意不到。有時意到句不到。句能剗意。意能剗句。意句交馳。衲僧巴鼻。若能恁麼轉去。青天也須喫棒。且道憑箇甚麼。可憐無限弄潮人。畢竟還落潮中死。示衆云。萬仞崖頭撒手要。類其人。千鈞之弩發機。豈爲鷗鼠雲門睦州當面蹉。過德山臨濟誑諍閭閻。自餘立境立機。作窠作窟。故

◆與疑舉

是滅胡種族。且獨脫一句作麼生。道萬緣遷變。渾閑事。五月山房冷似冰。紹興五年八月己酉。示微恙。跌坐書偈。遣衆投筆而逝。茶毗舌齒不壞。設利五色。無數塔子。昭覺寺之側。證眞覺禪師。舒州太平慧慙佛鑑禪師。本郡汪氏子。卅歲師廣教圓深。試所習得度。每以唯此一事實。餘二則非眞味之有省。乃徧參名宿。往來五祖之門。有年。悲祖不爲印據。與圓悟相繼而去。及悟歸五祖。方丈徹證。而師忽至。意欲他適。悟勉令挂搭。且曰。某與兄相別。始月餘。比舊相見時。如何。師曰。我所疑者。此也。遂參堂一日。聞祖與僧問趙州。如何。是和尙家風。州曰。老僧耳聾。高聲問將來。僧再問。州曰。你問我家風。我却識你家風了也。師卽大豁所疑。曰。乞和尚指示極則。祖曰。森羅及萬象。一法之所印。師展拜。祖令主翰墨。後同圓悟語話。次舉東寺問仰山。鎮海明珠。因緣至無理。可伸處。圓悟徵曰。旣云收得逮索。此珠又道無言。可對無理。可伸師不能加答。明日謂悟曰。東寺祇索一顆珠。仰山當下傾出一栲栳。悟深肯之。乃告之曰。老

兄更宜親近老和尚去。師一日造方丈。未及語。被祖詬罵。懷懼而退。歸寮閉門。打睡。恨祖不已。悟已密知。卽往扣門。師曰。誰。悟曰。我師。卽開門。悟問。你見老和尚如何。師曰。我本不去。被你賺累。我遭這老漢詬罵。悟呵呵大笑曰。你記得前日下底語麼。師曰。是甚麼語。悟曰。你又道東寺祇索一顆仰山。傾出一栲栳師當下釋然。悟遂領師同上方丈。祖纔見。遽曰。懃兄且喜大事了畢。明年命師爲第一座。會太平靈源赴黃龍。其席旣虛。源薦師於舒守孫鼎臣。遂命補處。五祖付法衣。師受而捧以示衆曰。昔釋迦文佛以丈六金欄袈裟披千尺彌勒佛身。佛身不長。袈裟不短。會麼。卽此樣無他樣。自是法道大播。政和初。詔住東都智海。五年乞歸。得旨居蔣山樞密鄧公子常奏賜徽號。緹服僧問。如何。是祖師。西來意。師曰。喫醋。知酸。喫鹽。知鹹。曰。弓折箭盡時如何。師曰。一場懣懣。問。不與萬法爲侶者。是甚麼人。師曰。拶破露柱。曰。歸鄉無路時如何。師曰。王程有限。曰。前三三後三三。又作麼。生。師曰。六六三十六。問。承聞和尚親見五祖。是否。師曰。鐵

牛。齧碎黃金草。曰。恁麼則親見五祖也。師曰。我與你有甚冤讎。曰。祇如達磨見武帝。意旨如何。師曰。胡言易辯。漢語難明。曰。爲甚。樓樓暗渡江。師曰。因風借便。問。如何。是主中賓。師曰。進前退後。愁殺人。曰。如何。是賓中主。師曰。真實之言。成妄語。如何。是賓中賓。師曰。夫子遊行厄。在陳。曰。如何。是主中主。師曰。終日同行。非伴侶。曰。賓主已蒙師指示。向上宗乘事。若何。師曰。大斧斫了手。摩訶問。卽心。卽佛。卽不問。非心。非佛。事如何。師曰。昨日有僧問老僧。不對曰。未審。卽心。卽佛。相去多少。師曰。近則千里。萬里。遠則不隔絲毫。曰。忽被學人截斷兩頭。歸家穩坐。又作麼。生。師曰。你。家在甚麼處。曰。大千沙界內。一箇自由身。師曰。未到家。在更道。曰。學人到這裏。直得東西不辨。南北不分。去也。師曰。未爲分外。上堂。至道無難。唯嫌揀擇。挑華紅李。華白。誰道融融。只一色。燕子語黃鸝鳴。誰道關關。祇一聲。不透祖師關。捩子空。認山河作眼。睛上堂。曰。日日西沉。日日東上。若欲學菩提。擲下拄杖。曰。但看此模樣。五祖周祥。上堂。去年今日。時紅爐片雪飛。

今日去年時曹娥讀夜碑末後一句子佛眼莫能窺
白蓮峯頂上紅日繞須彌鳥啄珊瑚樹鯨吞離水犀
大平家業在千古囊楊岐上堂橫拄杖曰先照後用
豎起曰先用後照倒轉曰照用同時卓一下曰照用
不同時汝等諸人被拄杖一口吞盡了也自是你不
覺若向這裏道得轉身句免見一場氣悶其或未然
老僧今日失利上堂金烏急玉兔速急急流光七月
十無窮遊子不歸家縱歸祇在門前立門前立把手
牽伊不肯入萬里看看寸草無殘華落地無人拾無
人拾一回雨過一回濕上堂世尊有密語迦葉不覆
藏乃曰你尋常說黃道黑評品古今豈不是密語你
尋常折旋俯仰拈匙把箸祇揖萬福是覆藏不覆藏
忽然瞥地去也不可知要會麼世尊有密語冬到寒
食一百五迦葉不覆藏水泄不通已露賊靈利衲僧
如會得一重雪上一重霜上堂十五日已前事錦上
鋪華十五日已後事如海一漚發正當十五日大似
一尺鏡照千里之像雖則真空絕跡其奈海印發光
任他霧柱開華說甚佛面百醜何故到頭霜夜月任

人疑入

運落前溪上堂舉僧問趙州如何是不遷我州以手
作流水勢其僧有省又僧問法眼不取於相如如不
動如何是不取於相見於如如不動眼曰日出東方
夜落西其僧亦有省若也於此見得方知道旋嵐偃
嶽本來常靜江河就注元自不流其或未然不免更
爲饒舌天左旋地右轉古往今來經幾徧金烏飛玉
兔走纔方出海門又落青山後江河波渺渺淮濟浪
悠悠直人滄溟晝夜流遂高聲曰諸禪德還見如如
不動麼師室中以木骰子六隻面面皆書么字僧纔
入師擲曰會麼僧擬不擬師即打出七年九月八日
上堂祖師心印狀似鐵牛之機去即印住住即印破
直饒不去不住亦未是衲僧行履處且作麼生是衲
僧行履處待十月前後爲諸人注破至後月八日沐
浴更衣端坐手寫數書削放舊停筆而化闍維收靈
骨設利塔於本山

舒州龍門清遠佛眼禪師臨卽李氏子嚴正寡言十
四圓具依毗尼究其說因讀法華經至是法非思量
分別之所能解持以問講師講師莫能答師嘆曰義

學名相非所以了生死大事。遂卷衣南遊。造舒州太平演禪師法席。因丐於廬州。偶雨足跌仆。地煩憊。聞二人交相惡罵。諫者曰。你猶自煩惱。在師於言下。有省及歸。凡有所問。演即曰。我不如你。你自會得好。或曰。我不會。我不如你。師愈疑。遂咨決於元禮首座。禮乃以手引師之耳。繞團爐數匝。且行且語。曰。你自會得好。師曰。有冀開發。乃爾相戲耶。禮曰。你他後悟去。方知今日曲折耳。太平將遷海會。師慨然曰。吾持鉢方歸。復參隨往一荒院。安能究決已事耶。遂作偈告辭之。蔣山坐夏。邂逅靈源禪師。日益厚善。從容言語。問師曰。比見都下一尊宿。語句似有緣。靈源曰。演公天下第一等宗師。何故捨而事遠遊。所謂有緣者。蓋知解之師與公初心相應耳。師從所勉。徑趨海會。後命典謁。適寒夜孤坐。撥爐見火一豆許。恍然自喜。曰。深深撥有些子平生事。只如此遽起。閱几上傳燈錄。至破籠墮因緣。忽大悟。作偈曰。刀刀林鳥啼披衣終。夜坐撥火悟平生。窮神歸破墮。事皎人自迷。曲淡誰能和。念之永不忘。門開少人過。圓悟因詣其寮。舉

青林般土話驗之。且謂古今無人出得你如何會。師曰。也有甚難悟。曰。祇如他道鐵輪天子。囊中旨意。作麼生。師曰。我道帝釋宮中。放教書悟退語人。曰。且喜遠兄便有活人句也。自是隱居四面大中庵。屬天下一新崇寧萬壽寺。舒守王公渙之命。師開法。次補龍門道望。尤振後遷和之褒禪。樞密鄧公洵武奏。賜師號紫衣上堂。臺山路上。過客全稀。破籠堂前。感恩無地。雪埋庭栢。冰鎖偃谿。雖在南方。火爐頭不入他家。靈龜裏看看臘月三十日。便是孟春猶寒。你等諸人各須努力。向前切忌自生退屈。上堂卓拄杖曰。圓明了知。不由心念。抵死要道。墮坑落澗。畢竟如何。乃倚拄杖下座。上堂泡幻同無礙。如何不了。悟眼裏。瞳人吹呌子。達法在其中。非今亦非古。六隻骰子滿盆紅。大眾時人爲甚麼。坐地看楊州鉢。孟著柄新。驪牛上騎牛。笑殺人上堂。趙州不見南泉山僧。不識五祖甜瓜徹。帶甜苦瓠連根苦。上堂一葉落。天下春。無路尋思笑殺人。下是天上是地。此言不入時流。意南作北。東作西。動而止喜。而悲。虵頭蝎尾。一試之。猛虎口

裏活雀兒是何言。歸堂去上堂。千說萬說不如親面。一見縱不說亦自分明。王子寶刀喻衆。盲摸象喻禪。學中隔江招手事。望州亭相見事。迴絕無人處事。深山巖崖處事。此皆親面而見之。不在說也。上堂。蘇武牧羊辱而不屈。李陵望漢樂以忘歸。是在外國在本國。佛諸弟子中有者。雙足越坑。有者。聆箏起舞。有者。身埋糞壤。有者。呵罵河神。是習氣是妙用。至於擎叉打地。豎拂敲牀。睦州一向閉門。魯祖終年面壁。是爲人是不爲人。信知一切凡夫。埋沒寶藏。殊不丈夫。諸人何不攪枕張帆。拋江過岸。休更釘椿搖櫓。何日到家。既作曹谿人。又是家裏漢。還見家裏事麼。僧問。劫火洞然大千俱壞。未審這箇壞不壞。師曰。黑漆桶裏黃金色。問道。遠乎哉。觸事而真。如何。是道。師曰。頂上八尺五。曰。此理如何。師曰。方圓七八寸。問。劫火威音前。別是一壺天。御樓前射獵。不是刈茆田。僧提起坐具。曰。這箇喚作甚麼。師曰。正是刈茆田。僧便喝。師曰。猶作主在。問。僧孤燈獨照時。如何。僧無對。師代曰。露柱證明師。聞開靜板聲。乃曰。據款結案。師嘗題語于龍

門延壽壁間曰。佛許有病者當療治。容有將息所也。禪林凡有數名。或曰涅槃。見法身常住了法不坐也。或曰省行。知此違緣皆從行苦也。或曰延壽。欲得慧命扶持色身也。其實使人了生死處也多見少覺。微恙便入此堂。不强支吾。便有補益。及乎久病思念。鄉閭不善退思。滅除苦本。先聖云。病者衆生之良藥。若善服食。無不瘥者也。宣和初。以病辭歸。蔣山之東堂。二年書雲。前一日。飯食訖。跌坐。謂其徒曰。諸方老宿。臨終必留偈辭。世世可辭耶。且將安往。乃合掌怡然。趨寂。門人函骨歸龍門塔于靈光臺側。潭州開福道寧禪師。歙溪汪氏子。壯爲道人。於崇果寺執浴。一日。將濯足。偶誦金剛經。至於此章。句能生信心。以此爲實。遂忘所知。忽垂足沸湯中。發明已見後祝髮。蔣山依雪竇老良禪師。踰一年。徧歷叢林。參諸名宿。晚至白蓮。聞五祖小參。舉忠國師古佛淨瓶。趙州狗子無佛性。話頗徹。法源大觀中。潭帥席公震。請住開福。禪子景從。浴佛上堂。未離兜率。已降王宮。未出母胎。度人已畢。諸禪德曰。日日從東畔出。朝朝

鷄向五更啼。雖然不是桃華洞。春至桃華亦滿溪。又道毗藍園內。右脇降生。七步周行。四方目顧。天上天下。唯我獨尊。大似貪觀天上月。失却手中珠。還知落處麼。若知落處。方爲孝子順孫。苟或未然。不免重下註脚。良久曰。天生伎倆。能奇怪。末上輸他弄一場。示衆云。秋日耀長空。秋江浸虛碧。傷嗟門外人。處處尋彌勒。驚路忽擡頭。相逢不相識。諸禪德。既是相逢。爲甚麼却不相識。剪盡霜前竹。臨溪不化龍。上堂偏界不曾藏。通身無影像。相逢莫訝太愚癡。曠劫至今無伎倆。無伎倆。少人知。大抵還他肌骨好。何須臨鏡畫蛾眉。上堂摩竭正令。未免崎嶇。少室垂慈。早傷風骨。腰囊挈錫。孤負平生。煉行灰心。遞相鈍置。爭似春雨晴。春山青。白雲三片。四片黃鳥一聲。兩聲千眼。大悲看不足。王維雖巧畫。難成直饒。便恁麼。猶自涉途程。且不涉途程。一句作麼生。道人從汴州來。不得東京信。僧問蓮華未出水時如何。師曰。人天合掌曰。出水後如何。師曰。不礙往來看。問如何是句到意不到。師曰。瑞草本無根。信手拈來用。曰如何是意到句不到。

◆每聲母

◆抑聲叩

師曰。領取鉤頭意。莫認定盤星。曰如何是意句俱到。師曰。大悲不展手。通身是眼睛。曰如何是意句俱不到。師曰。君向瀟湘我向秦。政和三年十一月四日。淨髮沐浴。次日齋罷。小參勉衆行道。辭語誠切。期初七示寂。至日酉時。跏趺而逝。闍維獲舍利五色。歸藏于塔。

彭州大隆南堂元靜禪師。後名道興。閩之玉山。大儒趙公

約仲之子也。十歲病甚。每禱之感異夢。捨令出家。師成都大慈寶生院宗裔。元祐三年。通經得度。留講聚有年。而南下。首參永安恩禪師。於臨濟三頓棒話發。明次依諸名宿。無有當意者。聞五祖機峻。欲抑之。遂謁祖。祖乃曰。我此間不比諸方。凡於室中。不要汝進前退後。豎指擎拳。繞禪牀作女人拜。提起坐具。千般伎倆。祇要你一言下諦。當便是。汝見處。師茫然退。參三載。一日入室。罷祖謂曰。子所下語。已得十分。試更與我說看。師卽剖而陳之。祖曰。說亦說得十分。更與我斷看。師隨所問而判之。師曰。好。卽好。祇是未曾得。老僧說話。在齋後。可來祖師塔所。與汝一一按過。始

得及至彼祖便以卽心卽佛。非心非佛。睦州擔板漢。南泉斬貓兒。趙州狗子無佛性。有佛性之語。編辟之。其所對了無凝滯。至子胡狗話。祖遽轉面曰。不是師曰。不是。却如何。祖曰。此不是。則和前面皆不是。師曰。望和尚慈悲指示。祖曰。看他道子。胡有一狗。上取人頭中。取人腰下。取人脚。入門者好看。纔見僧入門。便道。看狗向子。胡道。看狗處。下一轉語。教子胡結舌。老僧鈴口。便是你了。當處次日入室。師默啓其說。祖笑曰。不道你不是。千了百當。底人此語。祇似先師下底語。師曰。某何人。得似端和尚。祖曰。不然。老僧雖承嗣。他謂他語拙。蓋祇用遠錄公手段。接人故也。如老僧共遠錄公。便與百丈黃檗。南泉趙州輩。把手共行。纔見語拙。卽不堪師以爲不然。乃曳杖渡江。適大水泛漲。因留四祖儕輩。挽其歸。又二年。祖方許可。嘗商略古今。次執師手曰。得汝說。須是吾學得。汝舉須是吾說。而今而後。佛祖祕要。諸方關鍵。無逃子掌握矣。遂創南堂以居。之於是名冠寰海。成都師席公旦。請開法嘉祐末。幾徙昭覺。遷能仁。及大隨上堂。君王了了。

將帥惺惺。一回得勝。六國平寧。上堂。學臨濟參黃檗之語。白雲端和尚頌云。一拳拳倒黃鶴樓。一趂趂翻鸚鵡洲。有意氣時添意氣。不風流處也風流。師曰。大隨卽不然。行年七十。老躑躅。眼目精明耳不聾。忽地有人欺負我。一拳打倒過關東。上堂問答已乃曰。有祖已來。時人錯會。祇將言句以爲禪。道殊不知道本無體。因體而得名。道本無名。因名而立號。祇如適來上座。纔恁麼出來。便恁麼歸。衆且道。具眼不具眼。若道具眼。纔恁麼出來。眼在甚麼處。若道不具眼。爭合便恁麼去。諸仁者。於此見得。個儻分明。則知二祖禮拜依位而立。真得其髓。祇這些子是。三世諸佛。命根六代祖師。命脈天下老和尚安身立命處。雖然如是。須是親到始得上堂。自己田園任運耕。祖宗基業力須爭。悟須千聖頭邊坐。用向三塗底下行。僧問。祖師心印。請師直指。師曰。你聞熱麼。曰。聞。師曰。且不聞寒。曰。和尚還聞熱否。師曰。不聞。曰。爲甚麼不聞。師搖扇曰。爲我有這箇問。如何是奪人不奪境。師曰。活捉魔王。鼻孔穿曰。如何是奪境不奪人。師曰。中心樹子屬。

吾曹曰如何是人境兩俱奪。師曰一釣三山連六鼉。曰如何是人境俱不奪。師曰白日騎牛穿市過。問蓮華未出水時如何。師曰好日出水後如何。師曰好曰如何是蓮華。師曰好僧禮拜。師曰與他三箇好萬事一時休。問藏天下於天下。卽不問。乃舉拳曰祇如這箇作麼生。藏師曰有甚麼難。曰且作麼生。藏師曰衫袖裏曰未審如何是紀綱佛法底人。師曰不可是鬼。曰忽遇殺佛殺祖底來。又作麼生。支遣師曰老僧有眼不曾見。問學人乍入叢林。乞師指示。師曰喫粥喫飯。莫教放在腦後。曰終日喫時未嘗喫。師曰負心衲子。不識好惡。問劫火洞然大千俱壞。未審這箇壞也。無師曰阿誰教你恁麼問。僧進前鞠躬曰不審。師曰是壞不壞。僧無語。問如何是山裏禪。師曰庭前嫩竹。先生筍澗下枯松。長老枝曰如何是市裏禪。師曰六街鐘鼓韻。琴瑟卽處鋪金世界。中曰如何是村裏禪。師曰賊盜消亡。蠶麥熟謳歌鼓舞樂昇平。問如何是諸佛出身處。師曰問得甚。當曰便恁麼去。時如何。師曰答得更奇。問因山見水見水忘山。山水俱忘。理歸

何所。師曰山僧坐却舌頭。天地黯黑。有一老宿垂語云十字街頭起一間茅廬。祇是不許人。肩僧舉以扣師。師曰是你先。肩了更教甚麼人。肩宿問焚香遙望大隨再拜謝之。紹興乙卯秋七月大雨。雪山中有異象。師曰吾期至矣。十七日別郡守以次。越三日示少恙於天彭。二十四夜謂侍僧曰天曉無月時如何。僧無對。師曰倒教我與汝下火始得。翌日還棚口廨院留遺誠。蛻然示寂。門弟子奉全身歸煙霧四合。猿鳥悲鳴。茶毗異香。徧野舌本如故。設利五色者不可計。瘞于定光塔之西。後住天童。天目文禮作師畫像贊。可補行實之缺。因併錄此贊曰東山一會人。唯他不唧囉。別處著閑房。叢林難講究。那水潭地出驚人鉤。鐵鍋雞啼白晝。雞劇打來全火。祇候晚歲放疎慵。却與俗和同。勤巴子使人勘。驗擲香貼便顯家風。定光無佛枉費羅籠。臨行搖鐸向虛空。那知喪盡白雲宗。漢州無爲宗泰禪師涪城人。自出關徧遊叢社。至五祖告香曰祖。舉趙州洗鉢孟話。俾參洎入室。舉此話問師。你道趙州向伊道甚麼。這僧便悟去。師曰洗鉢

孟去響祖曰你祇知路上事不知路上滋味師曰既知路上事路上有甚滋味祖曰你不知耶又問你曾遊剎否師曰未也祖曰你未悟在師自此凡五年不能對祖一日陞堂顧衆曰八十翁翁輓繡毯便下座師欣然出衆曰和尚試輓一輓看祖以手作打仗鼓勢操蜀音唱綿州巴歌曰豆子山打瓦鼓楊平山撒白雨白雨下取龍女織得絹二丈五一半屬羅江一半屬玄武師聞大悟掩祖口曰祇消唱到這裏祖大笑而歸師後還蜀四衆請開法無爲遷正法上堂此一大事因緣自從世尊拈華迦葉微笑世尊曰吾有正法眼藏分付摩訶大迦葉以後燈燈相續祖祖相傳迄至于今綿綿不墜直得偏地生華故號涅槃妙心亦曰本心亦曰本性亦曰本來面目亦曰第一義諦亦曰燦迦羅眼亦曰摩訶大般若若在男曰男在女曰女汝等諸人但自悟去這般盡是閑言語遂拈起拂子曰會了喚作禪未悟果然難難難目前隔箇須彌山悟了易易易信口道來無不是僧問如何是佛師曰阿誰教你恁麼問僧擬議師曰了

新州五祖表自禪師懷安人也初依祖最久未有省時圓悟爲座元師往請益悟曰兄有疑處試語我師遂舉德山小參不答話問話者三十棒悟曰禮拜著我作得你師舉話尙不會師作禮竟悟令再舉前話師曰德山小參不答話悟掩其口曰但怎麼看師出揚聲曰屈屈豈有公案祇教人看一句底道理有僧謂師曰兄不可如此說首座須有方便因靜坐體究及句頓釋所疑詣悟禮謝悟曰兄始知吾不汝欺又詣方丈祖迎笑自爾日深玄奧祖將歸寂遺言郡守守命詞其席褥子四至不可退師榜侍者門曰東山有三句若人道得卽挂搭禪子皆披靡一日有僧攜坐具徑造丈室謂師曰某甲道不得祇要挂搭師大喜呼維那於明窓下安排上堂世尊拈華迦葉微笑時人祇知拈華微笑要且不識世尊僧問如何是祖師西來意師曰荊棘林中舞柘枝曰如何是佛師曰新生孩子擲金盃

新州龍華道初禪師梓之屬氏子爲祖侍者有年住龍華日上堂曰雞見便鳴犬見便吠殿上鴟吻終日

相對爲甚麼却不瞋便下座師機辯峻捷門人罔知造詣一日謂衆曰昨日離城市白雲空往還松風清耳目端的勝人間召衆曰此是先師末後句有頃脫然而逝

嘉州九頂清素禪師本郡郭氏子於乾明寺剃染徧扣禪窟晚謁五祖聞舉首山答西來意語倏然契悟述偈曰顛倒顛倒顛倒新婦騎驢阿家牽便恁麼太無端回頭不覺布衫穿祖見乃問百丈野狐話又作麼生師曰來說是非者便是是非人祖大悅久之辭歸住清溪次遷九頂太守呂公來瞻大像問曰既是大像因甚麼肩負兩楹師曰船上無散工至閣下觀觀音像又問彌勒化境觀音何來師曰家富小兒嬌守乃禮敬勤老宿至師問舞劍當咽時如何曰伏惟尚饗師語曰老賊死去你問我動理前語問之師叉手揖曰拽破紹興乙卯四月二十四日得微疾書偈遺衆曰木人備舟鐵人備馬丙丁童子穩穩登喝散白雲歸去也竟爾趨寂

元禮首座閩人也受業焦山初參演和尚於白雲凡

入室必謂曰禪僧家明取縊素好師疑之不已一日演陞堂舉首山新婦騎驢阿家牽語乃曰諸人要會麼莫問新婦阿家免煩路上波吒遇飯即飯遇茶即茶同門出入宿世冤家師於言下豁如且曰今日縊素明矣二年演遷席祖山命分座不就演歸寂即他往崇寧間再到五祖僧問五祖遷化向甚麼處去師曰有眼無耳朶六月火邊坐曰意旨如何師曰家貧猶自可路貧愁殺人或問金剛經云一切善法如何是法師曰上是天下是地中間坐底坐立底立喚甚麼作善法僧無對師便打後終於四明之瑞巖

普融知藏福州人也至五祖入室次祖舉倩女離魂話問之有契呈偈曰二女合爲一媳婦機輪截斷難回互從來往返絕蹤由行人莫問來時路凡有鄉僧來謁則發閨音誦偈語曰書頭教娘勤作息書尾教娘莫瞋睡且道中間說箇甚麼僧擬對師即推出法闕上座久依五祖未有所入一日造室祖問不與萬法爲侶者是甚麼人曰法闕即不然祖以手指曰住住法闕即不然作麼生師於是啓悟後至東林宣

密度禪師席下見其得平實之旨。一日拈華繞度禪牀。一帀背手插香爐中。曰和尚且道。意作麼生。度屢下語。皆不契。踰兩月。遂問師。令試說之。師曰。某祇將華插香爐中。和尚自疑有甚麼事來。

雲蓋本禪師法嗣

潭州南嶽承天院自賢禪師。僧問大衆。已集仰聽雷音。倪座既登。請師剖露。師曰。刹竿頭上。纔筋斗。曰。恁麼則。嶽麓山前。祥霧起。祝融峯下。瑞雲生。師曰。紫羅帳裏。璨真珠。上堂拈拄杖曰。不是心。不是佛。不是物。擊禪牀一下。曰。與君打破精靈窟。簸土揚塵。無處尋。千山萬山空突兀。復擊一下。曰。歸堂去。參上堂。一身高隱。惟南嶽自笑。孤雲未是閑。松下。水邊。端坐者也。應隨例說。居山。咄。上堂。五更殘月。落天曉白。雲飛分。明目前事。不是目前機。既是目前事。爲甚麼不是目前機。良久。曰。欲言言不及。林下却商量。

琅邪起禪師法嗣

俞道婆。金陵人也。市油。資爲業。常隨衆參問琅邪。邪以臨濟無位真人話示之一日。聞丐者唱蓮華樂云。

不因柳毅傳書信。何緣得到洞庭湖。忽大悟。以資盤投地。夫傍晚。曰。你顛邪。婆掌曰。非汝境界。往見琅邪。邪望之。知其造詣。問那箇是無位真人。婆應聲曰。有一無位人。六臂三頭。努力瞋一壁。華山分兩路。萬年流水不知春。由是聲名。藹著。凡有僧至。則曰。兒兒。僧擬議。即掩門。佛燈珣禪師往。勸之。婆見如前。所問珣曰。爺在甚麼處。婆轉身拜露柱。珣即踏倒。曰。將謂有多少奇特。便出。婆蹶起曰。兒兒來。惜你則箇。珣竟不顧。安首座至。婆問甚麼處來。安曰。德山。婆曰。德山。泰乃老婆兒子。安曰。婆是甚人。兒子。婆曰。被上座一問。直得立地放尿。婆嘗頌馬祖不安。因緣曰。日月面。面虛空閃電。雖然。截斷天下。衲僧舌頭。分明祇道得一半。

南嶽下十五世

昭覺勤禪師法嗣

臨安府徑山宗杲。大慧普覺禪師宣城奚氏子。夙有英氣。年十二。入鄉校。一日。因與同憲戲。以硯投之。悞中先生帽。償金而歸。曰。大丈夫讀世間書。曷若究出世法。卽詣東山慧雲院。事慧齊。年十七。薙髮具毗尼。

偶閱古雲門錄。恍若舊習。往依廣教程禪師。棄遊四方。從曹洞諸老宿。既得其說。去登寶峯。謁湛堂準禪師。堂一見異之。俾侍巾。絨指以入道捷徑。師橫機無所讓。堂訶曰。汝曾未悟病在。意識領解。則爲所知障。堂疾革。囑師曰。吾去後。當見川勤。必能盡子機用。即勸圖堂卒。師趨謁無盡居士。求堂塔銘。無盡門庭高少。許可與師一言相契。下榻延之名師。庵曰。妙喜泊後。再謁。且囑令見圓悟。師至天寧。一日。聞悟陞堂。舉僧問雲門。如何是諸佛出身處。門曰。東山水上行。若是天寧。卽不然。忽有人問。如何是諸佛出身處。只向他道。薰風自南來。殿閣生微涼。師於言下。忽然前後際斷。雖然動相不生。却坐在淨裸裸處。悟謂曰。也不易。你得到這田地。可惜死了。不能得活。不疑言句。是爲大病。不見道懸崖撒手。自肯承當。絕後再蘇。欺君不得。須信有這箇道理。遂令居擇木堂。爲不齋務侍者。日同士大夫入室。擇木乃朝士止息處悟每舉有句。無句。如藤倚樹間之師。纔開口。悟便曰。是不是。經半載。遂問悟曰。聞和尚當時在五祖。曾問這話。不知五祖道甚。

麼。悟笑而不答。師曰。和尚當時須對衆問。如今說亦何妨。悟不得已。謂曰。我問有句。無句。如藤倚樹。意旨如何。祖曰。描也。描不成。畫也。畫不就。又問。樹倒藤枯。時如何。祖曰。相隨來也。師當下釋然曰。我會也。悟遂舉數因緣。詰之。師耐對無滯。悟曰。始知吾不汝欺。遂著臨濟正宗記。付之俾掌記室。未幾。令分座室中。握竹篴。以驗學者。叢林浩然。歸重名振。京師右丞相呂公舜。徒奏賜紫衣。佛日之號。會女真之變。其曾欲取禪僧十數人。師在選得免。趨吳虎丘度夏。因閱華嚴。至菩薩登第七地。證無生法忍。洞曉向所請問。湛堂殃崛摩羅持鉢至。產婦家因緣。時圓悟詔住雲居。師往省覲。至山次。日卽請爲第一座。時會中多龍象。以圓悟久處座元。俟師之來。頗有不平之心。及冬至。秉拂。昭覺元禪師出衆。問云。眉間挂劒。時如何。師曰。血濺梵天。圓悟於座下。以手約云。住。住。問得極好。答得更奇。元乃歸衆叢林。由是改觀。圓悟歸蜀。師於雲居山後古雲門舊址。創庵以居。學者雲集。久之。入閩。結茅於長樂洋嶼。從之得法者十有三人。又徙小溪雲。

門庵後應張丞相魏公浚徑山之命開堂日僧問人
天普集選佛場開祖令當行如何舉唱師云鈍鳥逆
風飛曰徧界且無尋覓處分明一點座中圓師曰人
間無水不朝東復有僧競出師約住云假使大地盡
末爲塵一一塵有一口一一口具無礙廣長舌相一
一舌相出無量差別音聲一一音聲發無量差別言
詞一一言詞有無量差別妙義如上塵數衲僧各各
具如是口如是舌如是音聲如是言詞如是妙義同
時致百千問難問問各別不消長老咳嗽一聲一時
答了乘時於其中間作無量無邊廣大佛事一一佛
事周徧法界所謂一毛現神變一切佛同說經於無
量劫不得其邊際便恁麼去鬧熱門庭卽得正眼觀
來正是業識茫茫無本可據祖師門下一點也用不
著況復勾章棘句展弄詞鋒非唯埋沒從上宗乘亦
乃笑破衲僧鼻孔所以道毫釐繫念三塗業因瞥爾
情生萬劫羈鎖聖名凡號盡是虛聲殊相劣形皆爲
幻色汝欲求之得無累乎及其厭之又成大患看他
先聖恁麼告報如國家兵器豈得已而用之本分事

上亦無這箇消息山僧今日如斯舉唱大似無夢說
夢好肉剜瘡檢點將來合喫拄杖只今莫有下得毒
手者麼若有堪報不報之恩共助無爲之化如無倒
行此令去也暮拈拄杖云橫按鐵錘全正令太平寰
宇斬癡頑卓拄杖喝一喝便下座道法之盛冠于一
時衆二千餘皆諸方俊乂侍郎張公九成亦從之遊
灑然契悟一日因議及朝政與師連禍紹興辛酉五
月毀衣牒屏居衡陽乃哀先德機語間與拈提離爲
三帙目曰正法眼藏凡十年移居梅陽又五年高宗
皇帝特恩放還明年春復僧伽黎四方虛席以邀率
不就後奉朝命居育王逾年有旨改徑山道俗歡慕
如初孝宗皇帝爲普安郡王時遣內都監入山謁師
師作偈爲獻及在建邸復遣內知客詣山供五百應
眞請師說法祝延聖壽親書妙喜庵三字并製贊寵
寄之上堂欲識佛性義當觀時節因緣時節若至其
理自彰舉起拂子曰還見麼擊禪牀曰還聞麼聞見
分明是箇甚麼若向這裏提得去皇恩佛恩一時報
足其或未然徑山打葛藤去也復舉起拂子曰看看

無量壽世尊在徑山拂子頭上放大光明。照不可說不可說。又不可說。佛刹微塵數世界中。轉大法輪。作無量無邊廣大佛事。其中若凡若聖。若正若邪。若草若木。有情無情。遇斯光者。皆獲無上正等菩提。所以諸佛於此得之。具一切種智。諸大菩薩於此得之。成就諸波羅蜜。辟支獨覺於此得之。出無佛世。現神通光明。諸聲聞衆。泊夜來迎。請五百阿羅漢於此得之。得人解脫。具六神通。天人於此得之。增長十善。脩羅於此得之。除其憍慢。地獄於此得之。頓超十地。餓鬼傍生及四生九類。一切有情於此得之。隨其根性。各得受用無量壽世尊。放大光明。作諸佛事。已竟。然後以四大海水灌彌勒世尊頂。與授阿耨多羅三藐三菩提記。當於補處作大佛事。無量壽世尊有如是神通。有如是自在。有如是威神。到這裏還有知恩報恩者麼。若有出來與徑山相見。爲汝證明。如無聽取。一頌十方世界至人口法界所有。卽其舌祇憑此口與舌頭。祝吾君壽無間。歇億萬斯年。注福源如海。滉漾永不竭。師子窟內產狻猊。鸞鷟定出丹山穴。爲瑞爲

祥。徧九垓。草木昆蟲盡歡悅。稽首不可思議事。喻若衆星拱明月。故今宣暢妙伽陀第一義中真實說。上堂。祖師道一心不生。萬法無咎。無咎無法。不生不心。能隨境滅境。逐能沈境。由能境。能由境。能大小祖師。却作座主。見解徑山。卽不然。眼不自見。刀不自割。喫飯濟饑。飲水定渴。臨濟德山。特地迷枉。費精神。施棒喝。除却棒拈。却喝。孟八郎漢。如何止遏。上堂。拈拄杖卓一下。喝一喝。曰。德山棒。臨濟喝。今日爲君重拈。撥天何高地何闊。休向糞掃堆上。更添搥。搥換却骨洗却腸。徑山退身三步。許你諸人商量。且道作麼生商量。擲下拄杖。喝一喝。曰。紅粉易成端。正女無錢難作好兒郎。上堂。正月十四十五。雙徑椎羅打鼓。耍識祖意。西來看取村歌社舞。上堂。久雨不曾晴。豁開天地清。祖師門下事。何用更施呈。上堂。舉圓通秀禪師示衆。曰。少林九年。冷坐剛被神光覷破。如今玉石難分。祇得麻纏紙裹。這一箇那一箇。更一箇。若是明眼人。何須重說破。徑山今日不免徇尾續貂。也有些子老胡九年話。墮可惜。當時放過。致令默照之徒。鬼窟長

年打坐這一箇那一箇更一箇雖然苦口叮嚀却似
樹頭風過結夏上堂文殊三處安居誌公不是閑和
尙迦葉欲行正令未免眼前見鬼且道徑山門下今
日事作麼生下座後大家觸禮三拜上堂僧問有麼
有麼庵主豎起拳頭還端的也無師便下座歸方丈
上堂水底泥牛嚼生鐵。憍梵鉢提咬著舌。海神怒把
珊瑚鞭。須彌燈王痛不徹。上堂纔方八月中秋又是
九月十五卓拄杖曰。唯有這箇不遷擲。拄杖曰。一衆
耳聞目覩。圓悟禪師忌師拈香曰。這箇尊慈平昔強
項氣。歷諸方。逞過頭底。顛頂用。格外底。備伺自言。我
以木棉子。換天下人眼睛。殊不知被不孝之子。將斷
貫索穿却鼻孔。索頭旣在徑山手裏。要教伊生也由
徑山要教伊死也由徑山。且道以何爲驗。遂燒香曰。
以此爲驗。僧問。達磨西來將何傳授。師曰。不可總作
野狐精見解。曰。如何是蠶入細。師曰。香水海裏一毛
孔。曰。如何是細入蠶。師曰。一毛孔裏香水海。問古鏡
未磨時如何。師曰。火不待日而熱。曰。磨後如何。師曰。
風不待月而涼。曰。磨與未磨時如何。師曰。交問不與

萬法爲侶者。是甚麼人。待汝一口吸盡西江水。卽向
汝道。意作麼生。師曰。釘釘膠黏。問一法若有毗盧墮
在。凡夫萬法若無普賢失其境界。去此二途。請師速
道。師曰。脫殼烏龜。飛上天。問高揖釋迦不拜。彌勒時
如何。師曰。夢裏惺惺。問大修行底人。還落因果也無。
前百丈曰。不落因果。爲甚麼墮野狐身。師曰。逢人但
恁麼舉。曰。祇如後百丈道。不昧因果。爲甚麼脫野狐
身。師曰。逢人但恁麼舉。曰。或有人問。徑山大修行底
人。還落因果也無。未審和尙向他道甚麼。師曰。向你
道。逢人但恁麼舉。問明頭來時如何。師曰。頭大尾顛。
纔曰。暗頭來時如何。師曰。野馬嘶風。蹄撥刺。曰。明日
大悲院裏有齋。又作麼生。師曰。雪峯道底。問過去心
不可得。現在心不可得。未來心不可得。時如何。師曰。
親言出親口。曰。未審如何受持。師曰。但恁麼受持。決
不相賺。問我宗無語句。實無一法與人。時如何。師曰。
五味鑽秤錘。問心佛俱忘時如何。師曰。賣扇老婆手。
遮日問教中。道塵塵說利利說無間歇。未審以何爲
舌。師拍禪牀右角一下。僧曰。世尊不說說迦葉不聞。

聞也。師拍禪牀左角一下。僧曰：「也知今日令不虎行。」師曰：「識甚好惡？」師室中問僧：「不是心，不是佛，不是物，你作麼生？」僧曰：「領師曰：『領你屋裏七代先靈。』」僧便喝。師曰：「適來領而今喝，干他不是心，不是佛，不是物，甚麼事？」僧無語。師打出僧，請益夾山境話。聲未絕，師便喝。僧茫然。師曰：「你問甚麼？」僧擬舉。師連打喝出。師纔見僧入，便曰：「不是出去。」僧便出。師曰：「沒量大人，被語脉裏轉。」却次一僧入。師亦曰：「不是出去。」僧却近前。師曰：「向你道，不是更近前。」竟箇甚麼？便打出。復一僧入。曰：「適來兩僧不會和尚意。」師低頭噓一聲。僧罔措。師打曰：「却是你會老僧意。」問僧：「我前日有一問，在你處，你先前日答我了也。即今因甚麼瞌睡？」僧曰：「如是如是。」師曰：「道甚麼？」僧曰：「不是不是。」師連打兩棒。曰：「一棒打你如是一棒打你，不是舉竹筴問僧。」曰：「喚作竹筴，則觸不喚作竹筴，則背不得下語，不得無語。」速道。速道。僧曰：「請和尚放下竹筴。」即與和尚道。師放下竹筴。僧拂袖便出。師曰：「侍者認取這僧著。」又舉問僧。僧曰：「甕裏怕走却鼈。」那師下禪牀擒住曰：「此是誰語？」速

道。僧曰：「實不敢謾昧老師。」此是竹庵和尚教某。恁麼道。師連打數棒。曰：「分明舉似諸方。」師年邁求解。辛巳春，得旨退居明月堂。隆興改元，一夕星殞于寺。西流光赫然。尋示微恙。八月九日，學徒問安。師勉以弘道。徐曰：「吾翌日始行至五鼓。」親書遺奏，又貽書辭紫巖居士侍僧了賢。請偈。復大書曰：「生也祇恁麼死也祇恁麼。有偈與無偈，是甚麼熱大擲筆。委然而逝。平明有蛇尺許，腰首白色，伏于龍王井欄如義服者。乃龍王示現也。四衆哀號。皇帝聞而歎惜。上製師真贊曰：「生滅不滅，常住不住。圓覺空明，隨物現處。丞相以次致祭者，沓來門弟子。塔全身於明月堂之側。壽七十有五。夏五十有八。詔以明月堂爲妙喜庵。諡曰普覺塔名寶光。淳熙初，賜其全錄八十卷，隨大藏流行。平江府虎丘紹隆禪師和之。含山人也。九歲謝親居佛慧院。踰六年得度。受具。又五年荷包謁長蘆信禪師。得其大略。有傳圓悟語至者。師讀之，嘆曰：「想醉生液，雖未澆腸沃胃，要且使人慶快。第恨未聆警欬耳。」遂由寶峯依湛堂客黃龍。叩死心禪師。次謁圓悟一

日入室。悟問曰：見見之時，見非是見，見猶離見，見不能及。舉拳曰：還見麼？師曰：見。悟曰：頭上安頭，師聞脫然契證。悟叱曰：見箇甚麼？師曰：竹密不妨流水過，悟肯之。尋俾掌藏教有問。悟曰：隆藏主柔易若此，何能爲哉？悟曰：瞋睡虎耳，後歸邑住城西開聖，建炎之擾，乃結廬銅峯之下。郡守李公光延居彰教，次徙虎丘道大顯著，因追繹白雲端，和尚立祖堂故事，乃曰：爲人之後，不能躬行遺訓於義安乎？遂圖其像以奉安之上堂。曰：凡有展托盡落，今時不展不托，墮坑落壑，直饒風吹不入，水漚不著，檢點將來，自救不了，豈不見道：直似寒潭月影，靜夜鐘聲，隨扣擊以無虧，觸波瀾而不散，猶是生死岸頭事。拈拄杖劃一劃云：劃斷古人多年葛藤，點頭石不覺拊掌大笑。且道：笑箇甚麼？腦後見腮，莫與往來。上堂：目前無法，萬象森然。意在目前，突出難辨，不是目前法，觸處逢渠，非耳目之所到，不離見聞覺知。雖然如是，也須踏著他，向上關捩子，始得。所以道：羅籠不肯住，呼唤不回頭。佛祖不安排，至今無處所。如是則不勞歛念，樓閣門開，寸步

不移。百城俱到，驚拈拄杖劃一劃云：路逢死地，莫打殺無底籃子。盛將歸上堂曰：百鳥不來，春又喧，凭欄溢目，水連天，無心還似今宵月，照見三千與大千。上堂：摩竭陀國親行此令，拈拄杖卓一下曰：大盡三十日，小盡二十九。僧問：爲國開堂一句作麼生？道師曰：一願皇帝萬壽，二願重臣千秋。曰：祇如生佛未與時，一著落在甚麼處？師曰：吾常於此切曰：官不容鍼，更借一問時如何？師曰：踞虎頭，收虎尾。曰：中間事作麼生？師曰：草繩自縛。漢曰：毗婆尸佛早留心，直至如今不得妙。師曰：幾行巖下路，少見白頭人。問：九旬禁足，意旨如何？師曰：理長卽就，曰：祇如六根不具，底人還禁得也。無師曰：穿過鼻孔，曰：學人今日小出大遇。師曰：降將不斬，曰：恁麼則和尚放某甲，逐便也。師曰：停囚長智，問：雪峯道盡大地撮來如粟米粒，大拋向面前，漆桶不會打鼓，普請看未審此意如何？師曰：一畝之地，三蛇九鼠。曰：乞師再垂指示。師曰：海口難宣，問：如何是大道真源？師曰：和泥合水。曰：便恁麼去時如何？師曰：截斷草鞋跟，問：如何是佛法大意？師曰：地頭

生角問古人到這裏因甚麼不肯住。師曰：「老僧也恁麼。」曰：「忽然一刀兩段。」時如何。師曰：「平地神。」仙問：「萬機休罷。」千聖不攜。時如何。師曰：「未足。」觀光曰：「還有奇特事也。」無師曰：「獨坐大雄峯。」紹興丙辰示微疾而逝。塔全軀於寺之西南隅。

慶元府育王山佛智端裕禪師。吳越王之裔也。六世祖守會稽。因家焉。師生而岐嶷。眉目淵秀。十四。驅烏於大善寺。十八。得度。受具。往依淨慈一禪師。未幾。偶聞僧擊露柱曰：「你何不說禪。」師忽微省。去謁龍門遠。甘露卓。泐潭祥。皆以穎邁見。推晚見。問悟於鍾阜。一日。悟問：「誰知正法眼藏。」向這瞎驢邊滅却。卽今是滅不滅。曰：「請和尚合取口。」好悟曰：「此猶未出常情。」師擬對。悟擊之。師頓去所滯。侍悟居天寧。命掌記室。尋分座道聲。藹著京西。憲請開法。丹霞次遷虎丘。徑山謝事。徇平江。道俗之請。庵于西華。閱數稔。勅居建康。保寧。後移蘇城。萬壽及閩中。立沙壽山西禪。復被旨補。屢隱慈寧皇太后。幸韋王第。召師演法。賜金襴袈裟。乞歸西華舊隱。紹興戊辰秋。赴育王之命。上堂曰：「德。」

山入門。便棒多。向皮袋裏埋蹤。臨濟入門。便喝。總在聲塵中出沒。若是英靈衲子。直須足下風生。超越古今途轍。拈拄杖卓一下。喝一喝。曰：「祇這箇何似。生若喚作棒喝。瞋睡未醒。不喚作棒喝。未識德山臨濟。畢竟如何。」復卓一下。曰：「總不得動著。」上堂。盡大地是沙門眼。徧十方是自已。光爲甚麼。東弗于逮。打鼓西瞿耶尼。不聞南瞻部洲點燈。北鬱單越暗坐。直饒向箇裏。道得十全。猶是光影裏活計。撼拂子曰：「百雜碎了也。」作麼生。是出身一路。擲下拂子曰：「參。」上堂。動則影現。覺則冰生。直饒不動。不覺。猶是秦時轆轤鑽到這裏。便須千差密照。萬戶俱開。毫端撥轉。機輪命脈。不沈毒海。有時覺如湛水。有時動若星飛。有時動覺俱忘。有時照用自在。且道。正恁麼時。是動是覺。是照是用。還有區分得。出底麼。鐵牛橫古路。觸著骨毛寒。上堂曰：「行時絕行跡。說時無說蹤。行說若到。則堦生招箭。行說未明。則神鋒劃斷。就使說無滲漏。行不迷方。猶滯殼漏在。若是大鵬金翅。奮迅百千由旬。十影神駒。馳驟四方。八極不取次。略啄不隨處埋身。且總不。」

依倚還有履踐分也。無利利塵塵是要津。上堂曰。易填巨壑。難滿漏卮。若有操持了無難易。拈却大地。寬綽有餘。放出纖毫。礙塞無路。忽若不拈不放。向甚麼處履踐。同誠共休。臧飲水亦須肥。僧問。如何是賓中賓。師曰。你是田庫奴。曰。如何是賓中主。師曰。相逢猶莽鹵。曰。如何是主中賓。師曰。劍氣懔懔。雲曰。如何是主中主。師曰。敲骨打髓。師泣。衆色必凜然。寢食不肯衆唱道。無倦紹興庚午十月初。示微疾。至十八日。首座法全請遺訓。師曰。盡此心意。以道相資。語絕而逝。火後目睛齒舌不壞。其地發光。終夕得設。利者無計。踰月不絕。黃冠羅肇。常平日問道於師。適外歸。獨無所獲。道念勤切。方與客食。咀噍間。若有物吐哺。則設利也大如菽色。若琥珀好事者持去。遂再拜於闍維。所聞香奩有聲。亟開所獲如前。而差紅潤。門人奉遺骨分塔於鄮峯西華。諡大悟禪師。

潭州大瀉佛性法泰禪師。漢州李氏子。僧問。理隨事變。該萬有而一片虛凝。事逐理融。等千差而咸歸實際。如何是理法界。師曰。山河大地。曰。如何是事法界。

師曰。萬象森羅。曰。如何是理事無礙法界。師曰。東西南北。曰。如何是事事無礙法界。師曰。上下四維。上堂。推真真無有。相窮妄妄無有。形真妄兩無所有。廓然露出眼睛。眼睛既露。見箇甚麼。曉日燦開巖畔。雪朔風吹綻臘梅。華上堂。寶劍拈來使用。豈有遲疑。眉毛剔起。便行更無回互。一切處騰今煥古。一切處截斷羅籠。不犯鋒銑。亦非顧鑑。獨超物外。則且置萬機喪盡時。如何。八月秋何處熱。上堂。涅槃無異路。方便有多門。拈起拄杖。曰。看看山僧拄杖子。一口吸盡西江。水東海鯉魚。踴跳上三十三天帝釋。忿怒把須彌山一搥粉碎。堅牢地神合掌讚歎。曰。諦觀法王法。法王法如是以拄杖擊禪牀。下座上堂。達得人空法空。未稱祖佛家風。體得全用全照。亦非衲僧要妙。直須打破牢關。識取向上一竅。如何是向上一竅。春寒料峭。凍殺年少。上堂。今朝正月已半。是處燈火。繚亂滿城。羅綺駢闐。交互往來遊。翫文殊走入關。籃中普賢端坐高樓看。且道。觀音在甚麼處。震天椎。雷鼓聒地奏笙歌。上堂。渺渺遼遼。十方該括。坦坦蕩蕩。絕形絕相。

目欲眎而睛枯口欲談而詞喪文殊普賢全無伎倆。臨濟德山不妨提唱龜吞陝府鐵牛地。鰲嘉州大像嚇得東海鯉魚直至如今肚脹。喜上堂火雲燒田苗。泉源絕流注娑竭大龍王不知在何處。以拄杖擊禪牀曰在這裏看看南山起雲北山下雨。老僧更爲震雷聲助發威光。令遠布乃高聲曰。闌弄闌弄上堂開口有時非開口。有時是龜言及細語皆歸第一義。釋迦老子碗鳴聲達磨西來屎臭氣。唯有山前水牯牛身放毫光照天地。上堂得念失念無非解脫。是甚麼語話成法破法皆名涅槃。料掉沒交涉智慧愚癡通爲般若。顓頊佛性菩薩外道所成就法皆是菩提。猶較些子。然雖如是也是楊廣失駱駝上堂欲識佛去處祇這語聲是。咄傳大士不識好惡以昭昭靈靈教壞人家男女被誌公和尚一喝曰大士莫作是說。別更道看大士復說偈曰空手把鋤頭步行騎水牛人從橋上過橋流水不流。誌公呵呵大笑曰前頭猶似可末後更愁人上堂憶昔遊方日獲得二種物。一是金剛鎚一是千聖骨。持行宇宙中氣岸高突兀如是。

三十年用之爲準則而今年老矣一物知何物擲下金剛鎚擊碎千聖骨拋向四衢道不能更惜得任意過浮生指南將作北呼龜以爲鼈喚豆以爲粟從他明眼人笑我無繩墨。

台州護國此庵景元禪師永嘉楠溪張氏子年十八依靈山希拱圓具後習台教三禪棄謁圓悟於鍾阜因僧讀死心小參語云既迷須得箇悟既悟須識悟中迷迷中悟迷悟雙忘却從無迷悟處建立一切法師聞而疑卽趨佛殿以手托開門扉豁然大徹繼而執侍機辯逸發圓悟目爲整頭元侍者遂自題肖像付之曰生平只說聲頭禪撞著聲頭如鐵壁脫却羅龍截脚跟大地撮來墨漆黑晚年轉復沒刀刀奮金剛椎碎窠窟他時要識圓悟面一爲渠儂併拈出圓悟歸蜀師還潮東鏟彩埋光不求聞達括蒼守耿公延禧嘗問道於圓悟因閱其語錄至題肖像得師爲人乃致開法南明山遣使物色至台之報恩獲於衆寮迫其受命方丈古公乃靈源高第聞其提唱亦深駭異僧問三聖道我逢人卽出出則不爲人意旨如

何師曰八十翁翁。生鐵曰與化道。我逢人則不出。出即便爲人。又作麼生。師曰須彌頂上。浪翻空。問天不能蓋地。不能載。是甚麼物。師曰無孔鐵鎚。曰天人羣生類。皆承此恩力也。師曰莫妄想。問三世諸佛說不盡底句。請師速道。師曰。眨上眉毛。問昔年三平道場重興。是日圓悟高提祖印。始自師傳。如何是臨濟宗師。曰殺人活人不眨眼。曰目前抽顧鑑。領略者還稀。如何是雲門宗師。曰頂門三眼耀乾坤。曰未舉先知未言先見。如何是潯仰宗師。曰推不向前。約不退後。曰三界唯心。萬法唯識。如何是法眼宗師。曰箭鋒相直。不相饒。曰建化何妨。行鳥道。回途復妙。顯家風。如何是曹洞宗師。曰手執夜明符。幾箇知天曉。曰向上還有路也。無師曰有曰。如何是向上路。師曰黑漫漫地。僧便喝。師曰貪他一粒粟。失却半年糧。上堂。威音王已前。這一隊漢。錯七錯八。威音王已後。這一隊漢。落二落三。而今這一隊漢。坐立儼然。且道是錯七錯八。落二落三。還定當得出。麼。舉拂子曰。咩咩浴佛上堂。這釋迦老子。初生下來。便作箇笑具。一手指天。

一手指地。云天上天下。唯我獨尊。後來雲門大師道我當時若見一棒打殺與狗子喫。却貴圖天下太平。尙有人不肯放過。却道讚祖。須是雲門始得。且道那裏是讚他處。莫是一棒打殺處。是麼。且喜沒交涉。今日南明乍此住持。祇得放過。若不放過。盡大地人。並皆乞命。始得如今事不獲已。且同大眾。向佛殿上。每人與他一杓。何故。豈不見道。乍可違條。不可越例。以拂子擊禪牀下座。上堂。野干鳴。師子吼。張得眼。開得口。動南星。蹉北斗。大眾還知落處麼。金剛塔下。蹲神龜。火裏走。師退居西山。耿龍學請就淨光陞座。靈峯古禪師舉白雲見楊岐。岐令舉茶。陵悟道頌公案。請師批判。師乃曰。諸禪德。楊岐大笑。眼觀東南。意在西北。白雲悟去。聽事不真。喚鐘作響。檢點將來。和楊岐老漢都在架子上。將錯就錯。若是南明。卽不然。我有明珠一顆。切忌當頭蹉過。雖然覷面相呈。也須一鎚打破。舉拂子曰。還會麼。某逢敵手。難藏拙。詩到重吟。始見功。師示疾。請西堂應庵華禪師爲座。元付囑院事。示訓如常。俄握拳而逝。茶毗得五色舍利齒舌右。

爭無少損。塔于東寺劉阮洞前。壽五十三。

福州玄沙僧昭禪師。上堂。天上無彌勒。地下無彌勒。且道彌勒在甚麼處。良久。曰。夜行莫踏白。不是水便是石。

平江府南峯雲辯禪師。本郡人。依闍之瑞峯章得度。旋里謁穹窿圓忽。有得。遂通所見。圓曰。子雖得入。未至當也。切宜著鞭。乃辭扣諸席。後參圓。悟值入室。纔踵門。悟曰。看脚下。師打露柱一下。悟曰。何不著實。道取一句。師曰。師若搖頭。弟子擺尾。悟曰。你試擺尾。看師擺筋斗。而出。悟大笑。由是知名。住後。僧問。如何是奪人不奪境。師曰。霸王到烏江。曰。如何是奪境不奪人。師曰。築壇拜將。曰。如何是人境兩俱奪。師曰。萬里山河。獲太平。曰。如何是人境俱不奪。師曰。龍吟霧起。虎嘯風生。曰。向上還有事也。無師曰。當面蹉過。曰。真箇作家。師曰。白日鬼迷人。一日入城。與道俗行至十郎巷。有問巷在這裏。十郎在甚麼處。師奮臂曰。隨我來。臨安府靈隱慧遠佛海禪師。眉山彭氏子。年十三。從藥師院宗辯爲僧。詣大慈聽習。棄依靈巖徽禪師。微

有省。會圓悟復頤昭覺。師卽之。聞悟普說。舉龐居士問馬祖。不與萬法爲侶。因緣師忽頓悟。仆於衆衆掖之。師乃曰。吾夢覺矣。至夜小參。師出問曰。淨裸裸。空無一物。赤骨力。貧無一錢。戶破家亡。乞師賑濟。悟曰。七珍八寶。一時拏。師曰。禍不入謹家之門。悟曰。機不離位。墮在毒海。師隨聲便喝。悟以拄杖擊禪牀。云。喫得棒也。未師又喝。悟連喝兩喝。師便禮拜。自此機鋒峻發。無所抵牾。圓悟順寂。師卽束下。屢遷名利。由虎丘奉詔住臯亭。崇先復被旨補靈隱。孝廟召對。賜佛海禪師上堂。新歲有來。由烹茶上酒。樓一雙爲兩脚。半箇有三頭。突出神難辨。相逢鬼見愁。倒吹無孔笛。促拍舞涼州。咄。上堂好。是仲春漸暖。那堪寒食清明。萬疊雲山。聳翠一天。風月良隣。在處華紅柳綠。湖天浪穩。風平山禽枝上語。諄諄再三。項瑣碎碎。囑付叮叮。嚀嚀。你且道。他叮嚀。囑付箇甚麼。卓拄杖曰。記取明年今日。依舊寒食清明。上堂。舉僧問睦州。以一重去。一重卽不問。不以一重去。一重時如何。州曰。昨日栽茄子。今朝種冬瓜。師曰。問者善。問不解答。答者善。

答不解問山僧今日向饑鷹爪下奪肉猛虎口裏橫身爲你諸人說箇樣子登壇道士羽衣輕呪力雖窮法轉新拇指破開天地闔地頭擲落鬼神驚僧問十二時中教學人如何用心師曰蘸雪喫冬瓜問浩浩塵中如何辨主師曰木杓頭邊鐮切菜曰莫便是和尚爲人處也無師曰研槌掾鉢託問卽心卽佛時如何師曰頂分了角曰非心非佛時如何師曰耳墜金環曰不是心不是佛不是物又作麼生師曰禿頂修羅舞柘枝問東山水上行意旨如何師曰初三十一不用擇曰問文殊是七佛之師爲甚麼出女子定不得師曰擔頭不挂針問昔有一秀才作無鬼論論成有一鬼叱曰爭奈我何意作麼生師以手斫額曰何似生曰祇如五祖以手作鵝鳩嘴曰谷呱呱又且如何師曰自領出去問庵內人爲甚麼不知庵外事師曰拄杖橫挑鐵蒺藜問不與萬法爲侶者是甚麼人師曰腳踏轆轤一日鳴鼓陞堂師潛坐帳中侍僧尋之師忽撥開帳曰祇在這裏因甚麼不見僧無對師曰大斧斫三門問僧一大藏教是惡口如何是本身

盧舍那僧曰天台普請南嶽遊山師別曰阿耨達池深四十丈闊四十丈乙未秋示衆曰淳熙二年閏季秋九月旦闍處莫出頭冷地著眼看明暗不相干彼此分一半一種作貴人教誰賣柴炭向你道不可毀不可讚體若虛空沒涯岸相喚相呼歸去來上元定是正月半都下喧傳而疑之明年忽感微疾果以上元揮偈安坐而化偈曰拗折秤鎚掀露布突出機先鷄飛不度留七日顏色不異塔全身於寺之烏峯台州鴻福子文禪師上堂不昧不落作麼會會得依前墮野狐一夜涼風生畫角滿船明月泛江湖成都府正法建禪師上堂兔馬有角牛羊無角絕毫絕釐如山如嶽針鋒上師子躡身竊竅中大鵬展翼等閑突過北俱盧日月星辰一時黑建康府華藏密印安民禪師嘉定府朱氏子初講楞嚴於成都爲義學所歸時圓悟居昭覺師與勝禪師爲友因造焉聞悟小參舉國師三喚侍者因緣趙州拈云如人暗中書字字誰不成文彩已彰那裏是文彩已彰處師心疑之告香入室悟問座主講何經師

曰楞嚴悟曰楞嚴有七處徵心。八還辨見。畢竟心在甚麼處。師多呈藝。解悟皆不肯。師復請益。悟令一切處作文彩。已彰會偶。僧請益。十玄談方畢。問君心印作何顯。悟厲聲曰。文彩已彰。師聞而有省。遂求印證。悟示以本色。鉗鎚師則罔措。一日白悟曰。和尚休舉話。待某說看。悟諾。師曰。尋常拈槌豈拂。豈不是經中道一切世界。諸所有相。皆即菩提妙明真心。悟笑曰。你元來在這裏作活計。師又曰。下喝敲牀時。豈不是返聞聞自性。性成無上道。悟曰。你豈不見經中道妙性圓明。離諸名相。師於言下釋然。悟出蜀居夾山。師罷講。侍行。悟爲衆夜參。舉古帆未挂。因緣師聞未領。遂求決悟。曰。你問我師。舉前話。悟曰。庭前柏樹子。師卽洞明。謂悟曰。古人道。如一滴投於巨壑。殊不知大海投於一滴。悟笑曰。柰這漢何。未幾。令分座。悟說偈曰。休誇四分罷。楞嚴按下雲頭徹底參。莫學亮公親馬祖。還如德嶠訪龍潭。七年往返遊。昭覺三載翔翔上碧巖。今日煩充第一座。百華叢裏現優曇。後謁佛鑑於蔣山。鑑問佛果有不曾亂爲人說底句。曾與你

說麼。師曰。合取狗口。鑑震聲曰。不是這箇道理。師曰。無人奪你鹽茶袋。叫作甚麼。鑑曰。佛果若不爲你說。我爲你說。師曰。和尚疑時。退院別參。去鑑呵呵大笑。師未幾開法。保寧遷華藏。旋里領中峯。上堂衆賣華兮。獨賣松青青。顏色不如紅。算來終不與時合。歸去來兮。翠藹中可笑。古人怎麼道。大似逃峯赴壑。避溺投火。爭如隨分。到尺八五分。纓頭邊討一箇半。箇雖然如是。保寧半箇也不要。何故。富嫌千口少。貧恨一身多。冬至上堂。舉玉泉皓和尚云。雪雪片片不別下。到臘月。再從來。年正月二月三月四月五月六月七月八月九月十月。依前不歇。凍殺餓殺。免教胡說亂說。師曰。不是罵人。亦非贊歎。高出臨濟。德山不似雲。居羅漢。且道玉泉意作麼生。良久曰。但得雪消去。自然春到來。師後示寂於本山。闍維設利。頗廣細民穴地尺許。皆得之。尤光明瑩潔。心舌亦不壞。成都府昭覺徹庵道元禪師。綿州鄧氏子。幼於降寂。寺圓具。東遊謁大荆道禪師。因看廓然無聖之語。忽爾失笑。曰。達磨元來在這裏。道譽之往參佛鑑。佛眼

蒙賞識。依圓悟於金山。以所見告悟弗之許。悟被詔住雲居。師從之。雖有信入。終以鯁骨之物未去爲疑。會悟問參徒生死到來時如何。僧曰。香臺子笑和尚。次問師。汝作麼。生師曰。草賊大敗。悟曰。有人問你時如何。師擬答。悟憑陵曰。草賊大敗。師卽徹證圓悟以拳擊之。師搯掌大笑。悟曰。汝見甚麼。便如此。師曰。毒掌未報。永劫不忘。悟歸。昭覺命首衆。悟將順世。以師繼席焉。

臨安府中天竺仰堂中仁禪師。洛陽人也。少依東京奉先院出家。宣和初。賜牒於慶基殿落髮。進具。後往來三藏譯經所。諦窮經論。特於宗門未之信時。圓悟居天寧。凌晨謁之。悟方爲衆入室。師見敬服。奮然造前。悟曰。依經解義。三世佛冤。離經一字。卽同魔說。速道。速道。師擬對。悟劈口擊之。因墜一齒。卽大悟。留天寧。由是師資契合。請問無間。後開法大覺。遷中天竺。次徙靈峯。上堂。九十春光已過半。養華天氣正融和。海棠枝上鶯聲好。道與時流見得麼。然雖如是。且透聲透色。一句作麼。生道。金勒馬嘶芳草地。玉樓人醉。

杏華天上堂。舉狗子無佛性話。乃曰。二八佳人刺繡遲。紫荊華下。鸛黃鸝。可憐無限傷春意。盡在停鍼不語時。淳熙甲午四月八日。孝宗皇帝詔入賜座說法。帝舉不與萬法爲侶。因緣。俾拈提。師拈罷。頌曰。秤鎚擲出。油閑。言長語休。腰纏十萬貫。騎鶴上揚州。癸亥中陞堂告衆而逝。

眉州象耳山袁覺禪師。郡之袁氏子。出家傳燈。試經得度。本名圓覺。郡守填祠牒。誤作袁字。疑師憊然戲謂之曰。一字名可乎。師笑曰。一字已多。郡守異之。旣受具。出蜀徧謁有道尊宿。後往大瀉。依佛性。頃之入室。陳所見。性曰。汝忒煞遠。在然知其爲法器。俾充侍者。掌賓客。師每侍。性必舉法華開示悟入四字。令下語。又曰。直待我豎點頭時。汝方是也。偶不職被斥。制中無依。寓俗士家。一日誦法華至亦復不知何者是。火何者爲舍。乃豁然制罷。歸省。性見首肯之。圓悟再得旨。住雲居。師至。彼以所得白。悟悟呵云。本是淨地。屎作麼。師所疑頓釋。紹興丁巳。眉之象耳虛席。郡守謂此道場久爲蠹腹囊。彙非名流。勝士莫能起。

廢諸禪舉師應聘嘗語客曰東坡云我持此石歸袖中有東海山谷云惠崇煙雨蘆鴈坐我瀟湘洞庭欲喚扁舟歸去傍人謂是丹青此禪髓也又曰我敲牀豎拂時釋迦老子孔夫子都齊立在下風有舉此語似佛海遠禪師遠曰此覺老語也我此間即不恁麼眉州中嚴華嚴祖覺禪師嘉州楊氏子幼聰慧書史過目成誦著書排釋氏惡境忽現悔過出家依慧目能禪師未幾疽發膝上五年醫莫愈因書華嚴合論畢夜感異夢且即捨杖步趨一日誦至現相品曰佛身無有生而能示出生法性如虛空諸佛於中住無住亦無去處處皆見佛遂悟華嚴宗旨洎登僧籍府帥請講于千部堂詞辯宏放衆所歎服適南堂靜禪師過門謂師曰觀公講說獨步西南惜未解離文字相耳儻問道方外即今之周金剛也師欣然罷講南遊依圓悟於鍾阜一日入室悟舉羅山道有言時踞虎頭收虎尾第一句下明宗旨無言時覲露機鋒如同電拂作麼生會師莫能對夙夜參究忽然有省作偈呈悟曰家住孤峯頂長年半掩門自嗟身已老活

計付兒孫悟見許可次日入室悟又問作日公案作麼生師擬對悟便喝曰佛法不是這箇道理師復留五年愈更迷悶後於廬山棲賢閣浮山遠禪師削執論云若道悟有親疎豈有旃檀林中却生臭草豁然契悟作偈寄圓悟曰出林依舊入蓬蒿天網恢恢不可逃誰信業緣無避處歸來不怕語聲高悟大喜持以示衆曰覺華嚴徹矣住後僧問最初威音王末後婁至佛未審參見甚麼人師曰家住大梁城更問長安路曰只如德山擔疏鈔行脚意在甚麼處師曰拶破你眼睛曰與和尚悟華嚴宗旨相去幾何師曰同途不同轍曰昔日德山今朝和尚師曰夕陽西去水東流上堂舉了霜和尚遷化衆請首座繼踵住持虔侍者所問公案師曰宗師行處如火消冰透過是非關全機亡得喪盡道首座滯在一色侍者知見超師可謂體妙失宗全迷向背殊不知首座如鷺鷥立雪品類不齊侍者似鳳鸞丹青不紫金網一人高高山頂立一人深深海底行各自隨方而來同會九重城裏而今要識此二人麼豎起拂子曰龍臥碧潭風凜

凜垂下拂子曰鶴歸霄漢背摩天僧問如何是一喝如金剛王寶劍師曰血濺梵天曰如何是一喝如踞地師子師曰驚殺野狐狸曰如何是一喝如探竿影草師曰驗得你骨出曰如何是一喝不作一喝用師曰直須識取把鉞人莫道鴛鴦好毛羽

潭州福嚴文演禪師成都府楊氏子僧問如何是定林正主師曰坐斷天下人舌頭曰未審如何親近師曰觀著則瞎上堂當陽坐斷凡聖跡絕隨手放開天回地轉直得日月交互虎嘯龍吟頭頭物物耳聞目睹安立諦上是甚麼還委悉麼阿斯吒

平江府西山明因曇玩禪師溫州黃氏子徧參叢席宣和庚子回抵鍾阜適朝廷改僧爲德士師與同志數人入頭陀嚴食松自處久之圓悟被旨居是山親至嚴所令去鬚髮及悟詔補京師天寧與師俱往命掌香水海未幾因舉枹擊鼓頓明大法凡有所問皆對曰莫理會改流輩咸以莫理會稱之住後上堂汝有一對眼我也有一對眼汝若瞞還自瞞汝若成佛作祖老僧無汝底分汝若做驢做馬老僧救汝不得

衆檀越入山請上堂說偈曰我無長處名虛出謝汝殷勤特地來明因無法堪分付護把山門爲汝開平江府虎丘雪庭元淨禪師雙溪人也上堂知有底人過萬年如同一日不知有者過一日如同萬年不見死心和尙道山僧行脚三十餘年以九十日爲一夏增一日也不得減一日也不得取不得捨不得不可得中祇麼得翠雲見處又且不然山僧行脚三十來年誰管他一日九十日也無得也無不得處處當來見彌勒且道彌勒在甚麼處金風吹渭水落葉滿長安上堂說得須是見得見得又須說得見得說不得落在陰界見解偏枯說得見不得落在時機墮在毒海若是翠雲門下直饒說得見得好與三十棒說不得見不得也好與三十棒翠雲恁麼道也好與三十棒遂高聲召大衆曰嶮上堂日日東出日日西沒是時人知有自古自今如麻似粟忽然振轉話頭亦不從東出亦不從西沒且道從甚處出沒若是透關底人聞恁麼道定知五里牌在郭門外若是透不過者往往道半山熱瞞人僧問如何是到家一句

師曰坐觀成敗。問不與萬法爲侶者是甚麼人。師曰遠親不如近隣。曰待汝一口吸盡西江水。卽向汝道。又作麼生。師曰近隣不如遠親。問亡僧遷化向甚麼處去。師曰糞堆頭。曰意旨如何。師曰築著磕著。

衡州天寧訥堂梵思禪師。蘇臺朱氏子上堂。趨翻生死海。踏倒涅槃岸。世上無活人。黃泉無死漢。遂拈拄杖曰。訥堂今日拄杖子。有分付處也。還有承當得者麼。試出來擔荷看。有麼。有麼。良久。擲拄杖下。座上堂知有底也。喫粥喫飯。不知有底也。喫粥喫飯。如何直下驗得他有之與無。是之與非。邪之與正。若驗不出。參學事大遠在。喝一喝。下座。上堂。山僧是楊岐四世孫。這老漢有箇三脚驢子弄蹄行。公案雖人人學得。祇是不知落處。山僧不惜眉毛爲諸人下箇注脚。乃曰八角磨盤空裏走。

岳州君山佛照覺禪師。上堂。舉古者道仰之彌高。鑽之彌堅。瞻之在前。忽焉在後。諸人還識得麼。若也不識。爲你註破。仰之彌高。不隔絲毫。要津把斷。佛祖難逃。鑽之彌堅。眞體自然。鳥啼華笑。在碧巖前。瞻之在

前。非正非偏。十方坐斷。威鎮大千。忽焉在後。一場漏逗。堪笑雲門藏身北斗咄。

平江府寶華顯禪師。本郡人也。上堂曰。喫粥了也。頭上安頭。洗鉢盂去。爲地畫足。更問如何。自納敗闕。良久。高聲召大衆。衆舉首。師曰。歸堂。喫茶。上堂。禪莫參。道休學。歇意忘機。常廓落。現成公案。早周遮。祇箇無心。已穿鑿。直饒坐斷未生前。難透山僧錯錯錯。

紹興府東山覺禪師。後住因聖上堂。三通鼓罷。諸人各各上來擬待理會。祖師西來意。還知劒去久矣麼。設使直下悟去。也是斬頭覓活。東山事不獲已。且向第二頭鞠拶看。以手拍禪牀下。座上座花爛熳。景喧妍。休說壺中別有天。百草頭邊如薦得。東高三丈西闊八寸。上堂。舉昔廣額屠兒。一日至佛所。颺下屠刀曰。我是千佛一數。世尊曰。如是如是。今時叢林將謂廣額過去。是一佛。權現屠兒如此見廣額。且喜沒交涉。又曰。廣額正是箇殺人不眨眼底漢。颺下屠刀立地成佛。且喜沒交涉。又道廣額颺下屠刀曰。我是千佛一數。這一佛多少分明。且喜沒交涉。要識廣額麼。

夾路桃華風雨後。馬蹄何處避殘紅。

台州天封覺禪師。上堂無生國裏未是安居。萬仞崖頭豈容駐足。且望空撒手。直下翻身。一句作麼生道。人逢好事精神爽。入火真金色轉鮮。

成都府昭覺道祖首座。初見圓悟於卽心。是佛語下發明久之。悟命分座。一日爲衆入室。餘二十許人。師忽問曰。生死到來如何。回避僧無對。師擲下拂子。奄然而逝。衆皆愕眙。亟以聞悟。悟至召曰。祖首座。師張目眎之。悟曰。抖擻精神。透關去。師點頭竟爾趨寂。南康軍雲居宗振首座。丹丘人也。依圓悟於雲居。一日仰瞻鐘閣。倏然契證。有詰之者。座酌以三偈。其後曰。我有一機。直下示伊。青天霹靂。電卷星馳。德山臨濟。棒喝徒施。不傳之妙。於汝何虧。悟見大悅。竟以節操自高。道望愈重。嘗書壁曰。住在千峯最上層。年將耳順任騰騰。免教名字挂人齒。甘作今朝百拙僧。樞密徐俯字師川。號東湖居士。每侍先龍圖謁法昌及靈源。語論終日。公聞之貌如也。及法昌歸寂。在笑談間。公異之。始篤信。此道後丁父憂。念無以報罔極。

命靈源歸孝址說法。源登座問答已。乃曰。諸仁者。祇如龍圖平日讀萬卷書。如水傳器。涓滴不遺。且道尋常著在甚麼處。而今捨識之後。這著萬卷書底。又却向甚麼處著。公聞灑然有得。遂曰。吾無憾矣。源下座問曰。學士適來見箇甚麼。便恁麼道。公曰。若有所見。則鈍置和尚去也。源曰。恁麼則老僧不如公。曰。和尚是何心行。源大笑。靖康初。爲尚書外郎。與朝士同志者。挂鉢於天寧寺。之擇木堂。力參圓悟。悟亦喜其見地超邁。一日至書記寮。指悟頂相曰。這老漢脚跟猶未點地。在悟顙面曰。甕裏何曾走却鼈。公曰。且喜老漢脚跟點地。悟曰。莫謗他好。公休去。

郡王趙令衿字表之。號超然居士。任南康政成事簡。多與禪游。公堂間爲摩詰丈室。適圓悟居甌阜。公欣然就其鑑。鍾悟不少假。公固請悟曰。此事要得相應。直須是死一回。始得公默契。嘗自疏之。其略曰。家貧遭劫。誰知盡底不存。空屋無人。幾度賊來亦打悟。見囑令加護。紹興庚申冬。公與汪內翰藻李參政。邛曾侍郎。開詣徑山謁大慧慧聞。至乃令擊鼓入室。公

欣然袖香趨之。慧曰：趙州洗鉢孟話居士作麼生會。公曰：討甚麼碗。拂袖便出。慧起攔住曰：古人向這裏悟去。你因甚麼却不悟。公擬對慧拈之曰：討甚麼碗。公曰：還這老漢始得。

侍郎李彌遜號普現居士。少時讀書五行俱下。年十八中鄉舉。登第京師。旋歷華要。至二十八歲爲中書舍人。常入圓悟室。一日早朝回至天津橋馬躍忽有省通身汗流直造天寧。適悟出門遙見便喚曰：居士且喜大事了畢。公厲聲曰：和尚眼華作甚麼。悟便喝。公亦喝。於是機鋒迅捷。凡與悟問答當機不讓。公後遷吏部乞祠祿歸闕連江築庵自娛。忽一日示微恙遽索湯沐浴畢遂趺坐作偈曰：謾說從來牧護今日分明呈露虛空。拶倒須彌說甚向上一路擲筆而逝。覺庵道人祖氏建寧游察院之姪女也。幼志不出適留心祖道。於圓悟示衆語下了然明白。悟曰：更須颺却所見始得自由。祖答偈曰：露柱抽橫骨。虛空弄爪牙。直饒立會得。猶是眼中沙。令人本明號明室。自機契圓悟。偏參名宿。皆蒙印可。

紹興庚申二月望親書三偈寄呈草堂清微露謝世之意。至旬末別親里而終。草堂跋其偈後爲刊行。大慧亦嘗垂語發揚。偈曰：不識煩惱是菩提。若隨煩惱是愚癡。起滅之時須要會。鷄過新羅人不知。不識煩惱是菩提。淨華生淤泥。人來問我若何爲。喫粥喫飯了洗鉢。孟莫管他。莫管他。終日癡憨弄海沙。要識本來真面目。便是祖師一木叉。道不得底叉下死。道得底也叉下死。畢竟如何。不許夜行投明須到成都府范縣君者。發居歲久常坐而不臥。聞圓悟住昭覺往禮拜請示入道因緣。悟令看不是。心不是。佛不是。物是箇甚麼。久無所契。范泣告悟曰：和尚有何方便令某易會。悟曰：却有箇方便。遂令祇看是箇甚麼。後有省曰：元來恁麼地近那。

太平懃禪師法嗣

常德府文殊心道禪師眉州徐氏子。年三十得度。詣成都習唯識。自以爲至同舍詰之曰：三界唯心。萬法唯識。今日前萬象縱然心識安在。師茫然不知對。遂出關周流江淮。既抵舒之太平。聞佛鑑禪師夜參畢。

趙州栢樹子話至覺鐵嘴云。先師無此語。莫謗先師。好因大疑提撕。既久一夕豁然。即趨丈室。擬敘所悟。鑑見來便閉門。師曰。如尙莫謾某甲。鑑云。十方無壁落。何不入門來。師以拳擗破窻紙。鑑卽開門。擗住云。道道師以兩手捧鑑頭。作口呿而出。遂呈偈曰。趙州有箇栢樹話。禪客相傳徧天下。多是摘葉與尋枝。不能直向根源會。覺公說道無此語。正是惡言當面罵。禪人若具通方眼。好向此中辨真假。鑑深然之。每對客稱賞。後命分座。襄守請開法天寧。未幾擢大別文殊上堂。曰。師子嚙呻象王哮吼。雲門北斗裏藏身。白雲因何喚作手。三世諸佛不能知。狸奴白牯却知有。且道作麼生。是他知有底事。雨打梨花蛺蝶飛。風吹柳絮毛毬走。上堂拈拄杖直上指曰。恁麼時。刺破憍尸迦脚跟卓一下。曰。恁麼時。卓碎閻羅王頂骨。乃指東畔曰。恁麼時。穿過東海鯉魚眼睛。指西畔曰。恁麼時。塞却西王母鼻孔。且道總不恁麼時。如何。今年雨水多。各宜頻曬。限宣和改元。下詔改僧爲德士。上堂。祖意西來事。今朝特地新。昔爲比丘相。今作老君形。

鶴筆披銀褐。頭包蕉葉巾。林泉無事客。兩度受君恩。所以道。欲識佛性義。當觀時節因緣。且道。卽今是甚麼時節。毗盧遮那頂戴寶冠。爲顯眞中有俗文殊。老叟身披鶴氅。且要俯順時宜。一人旣爾。衆人亦然大。家成立叢林。喜得羣僊聚會。共酌迷僊。酌同唱步虛詞。或看靈寶度人經。或說長生不死藥。琴彈月下指。端發太古之音。碁布軒前。妙著出神機之外。進一步。便到大羅天上。退一步。却入九幽城中。祇如不進不退。一句又作麼生。道直饒羽化三清路。終是輪迴一幻身。二年九月復僧上堂。不挂田衣。著羽衣。老君形相。頗相宜。一年半內。閑思想大底興衰。各有時。我佛如來預識法之有難。教中明載。無不委知。較量年代。正在于茲。魔得其便。惑亂正宗。僧改俗形。佛更名字。妄生邪解。刪削經文。鑄鉞停音。鉢盂添足。多般矯詐。欺罔聖君。賴我皇帝陛下。聖德聖明。不忘付囑。不廢其教。特賜宸章。頒行天下。仍許僧尼重新披削。實謂寒灰再焰。枯木重榮。不離俗形。而作僧形。不出魔界。而入佛界。重鳴法鼓。再整綱綱。迷僊耐變爲甘露瓊。

肇。肇虎詞。驟作還鄉曲。子放下銀木簡。拈起尼師壇。昨朝稽首擎拳。今日和南。不審祇改舊時相。不改舊時人。敢問大衆。舊時人是一箇。是兩箇。良久曰。秋風也解嫌狼籍。吹盡當年道教灰。建炎三年春。示衆舉臨濟入滅。囑三聖因緣師曰。正法眼藏。瞎驢滅。臨濟何曾有是說。今古時人皆妄傳。不信但看後二月至閏三月。賊鍾相叛。其徒欲弑師。南奔者師曰。學道所以了生死。何避之有。賊至師曰。速見殺。以快汝心。賊卽舉槩殘之。血皆白乳。賊駭引席覆之而去。

韶州南華知易禪師。蜀之永康人也。上堂。此事最希奇。不礙當頭說。東鄰田舍翁。隨例得一概。非唯貫聲色。亦乃應時節。若問是何宗。八字不著。擊禪牀下座。上堂。日日說時。舉似地擎山。爭幾許。隴西鸚鵡。得人憐。大都祇爲能言語。休思惟。帶伴侶。智者聊聞猛提取。更有一般也。大奇。猫兒偏解捉老鼠。上堂。以拄杖向空中攪曰。攪長河爲酥酪。蝦蟹猶自眼搭。哆卓一下。曰。變大地作黃金。窮漢依前赤骨力。爲復自家無分。爲復不肯承當。可中有箇漢。荷負得行多少。

人失錢遺罪。再卓一下。曰。還會麼。寶山到也。須開眼。勿使忙忙空手回。上堂。春光爛漫。華爭發。子規啼落西山月。儒梵鉢提。長吐舌。底事分明向誰說。上堂。迷不自迷。對悟立迷。悟不自悟。因迷說悟。所以悟爲迷之體。迷爲悟之用。迷悟兩無從箇中無別共無別。共獲不動。祖師不將來。鼻孔千斤重。

潭州龍牙智才禪師。舒州施氏子。早服勤於佛鑑法席。而局務不辭。雖名已聞於叢林。及遊方。迫暮至黃龍。適死心在三門。問其所從來。既稱名。則知爲舒州太平才莊主矣。翌日入室。死心問曰。會得最初句。便會末後句。會得末後句。便會最初句。最初末後。拈放一邊。百丈野狐話。作麼生。會師曰。入戶已知來。見解何須更舉。轢中泥心曰。新長老死在上座手裏也。師曰。語言雖有異。至理且無差。心曰。如何是無差底事。師曰。不扣黃龍角。焉知領下珠。心便打初住。獄籠開堂。曰。僧問德山棒。臨濟喝。今日請師爲拈。撥師曰。蘇嚕。蘇嚕。曰。蘇嚕。蘇嚕。還有西來意也。無師曰。蘇嚕。蘇嚕。由是叢林呼爲才。蘇嚕後遷龍牙。因欽宗皇帝登

位衆官請上堂祝聖。已就座拈拄杖卓一下曰。朝奉疏。中道本來奧境。諸佛妙場。適來拄杖子已爲諸人說了也。於斯悟去。理無不顯。事無不周。如或未然。不免別通箇消息。舜曰。重明四海。清滿天和。氣樂昇平。延祥拄杖生歡喜。擲地山呼萬歲聲。擲拄杖下座上。堂彈指一下曰。彈指圓成八萬門。利那滅却三祇劫。若也見得行得健。卽經行困卽歇。若也不會兩箇鷄鵲扛箇鼈上堂。舉死和尚小參曰。若論此事。如人家有三子。第一子聰明智慧。孝養父母。接待往來。主掌家業。第二子兇頑狡猾。貪淫嗜酒。倒臥巷破。壞家業。第三子盲聾瘡癰。菽麥不分。是事不能祇會喫飯。三人中黃龍要選一人用。更有四句死中有活。活中有死死中常死。活中常活。將此四句驗天下衲僧。師曰。喚甚麼作四句。三人姓甚名誰。若也識得。與黃龍把手並行。更無纖毫間隔。如或未然。不免借水獻華去也。三人共體用。非用四句同音空。不空欲識三人并四句。金烏初出一團紅。師居龍牙十三載。以清苦蒞衆。衲子敬畏。大帥席公震遷住雲溪。經四稔。紹

興戊午八月望。俄集衆付寺事。仍書偈曰。戊午中秋之日。出家住持事畢。臨行自己。尙無有甚。虚空可覓。其垂訓如常。二十三日。再集衆示問曰。涅槃生死。盡是空華。佛及衆生。並爲增語。汝等諸人。合作麼生。衆皆下語。不契師喝曰。苦苦復曰。白雲湧地。明月當天。言訖。飄然而逝。火浴。獲舍利五色。併靈骨塔於寺之西北隅。

明州蓬萊卿禪師上堂。有句無句。如藤倚樹。且任諸方點頭。及乎樹倒藤枯。上無衝天之計。下無入地之謀。靈利漢。這裏著得一隻眼。便見七縱八橫。舉拂子曰。看看一曲兩曲。無人會。雨過夜塘秋水深。上堂杜鵑聲裏。春光暮滿地。落華留不住。琉璃殿上絕行蹤。誰人解插無根樹。舉拄杖曰。這箇是無根底。且道解開華也無。良久曰。祇因連夜雨。又過一年春。上堂舉法眼道。識得凳子。周布有餘。雲門道。識得凳子。天地懸殊。師曰。此二老人。一人向高高山頂立。一人向深深海底行。然雖如是一。不是二。不成落華流水裏。啼鶯閑亭雨。歇夜將半。片月還從海底生。

安吉州何山佛燈守珣禪師。郡之施氏子。參廣鑑瑛禪師。不契。遂造太平。隨衆咨請。遞無所入。乃封其衾曰。此生若不徹去。誓不展此。於是晝坐宵立。如喪考妣。逾七七。日忽佛鑑上堂曰。森羅及萬象。一法之所印。師聞頓悟。往見鑑。鑑曰。可惜一顆明珠。被這風顛漢拾得。乃詰之曰。靈雲道自從一見桃華。後直至如今。更不疑如何。是他不疑處。師曰。莫道靈雲不疑。只今覓箇疑處。了不可得。鑑曰。玄沙道諦。當甚諦。當敢保老兄未徹。在那裏。是他未徹處。師曰。深知和尚老婆心切。鑑然之。師拜起呈偈曰。終日看天不舉頭。桃華爛熳始擡眸。饒君更有遮天網。透得牢關即便休。鑑屬令護持。是夕厲聲謂衆曰。這回珣上座穩睡去也。圓悟聞得。疑其未然。乃曰。我須勸過始得。遂令人召至。因與遊山。偶到一水潭。悟推師入水。遽問曰。牛頭未見。四祖時如何。師曰。潭深魚聚。悟曰。見後如何。師曰。樹高招風。悟曰。見與未見時如何。師曰。伸脚在縮脚裏。悟大稱之。鑑移蔣山。命分座說法。出住廬陵之禾山。退藏故里。道俗迎居。天聖後徙何山。及天寧。

上堂。轆轤鑽住山斧。佛祖出頭未輕。與縱使醒關滿世間。你無寶器如何。取阿呵呵。神山打羅道。吾作舞甜瓜。徹蒂甜苦瓠。連根苦上堂。舉婆子燒庵話。師曰。大凡扶宗立教。須是其人。你看他婆子。雖是箇女人。宛有丈夫作略。二十年筵油費。醬固是可知。一日向百尺竿頭。做箇失落。直得用盡平生腕頭氣力。自非箇俗漢。知機泊乎巧盡。拙出然。雖如是。諸人要會麼。雪後始知松柏操。事難方見丈夫心。上堂如是。禪祖師道。切忌將心外邊討。從門所得。卽非珍特。地理藏衣裏。寶禪家流。須及早。撥動祖師關。振抖。擻多年布襖。是非毀譽。付之空。豎闊橫長。渾恰好。君不見寒山老。終日嬉嬉。長年把掃。人問其中事。若何入荒田。不揀信手拈來草。參僧問。如何是賓中賓。師曰。客路如天。遠侯門似海深。曰。如何是賓中主。師曰。長因送客處。憶得別家時。曰。如何是主中賓。師曰。相逢不必問前程。曰。如何是主中主。師曰。一朝權祖令。誰是出頭人。曰。賓主已蒙師指示。向上宗乘事。若何。師曰。向上問將來。曰。如何是向上事。師曰。大海若知足。百川應。

倒流僧禮拜師曰。珣上座三十年學得底。師嘗謂衆曰。兄弟如有省悟處。不拘時節。請來露箇消息。雪夜有僧扣方丈門。師起秉燭震威喝曰。雪深夜半。求決疑情。因甚麼威儀不具。僧顧眎衣衲。師逐出院。每日先師祇年五十九。吾年五十六矣。來日無多。紹興甲寅。解制退天寧之席。謂雙槐居士鄭續曰。十月八日是佛鑑忌。則吾時至矣。乞還鄞南。十月四日。鄭公遣弟僧道如。訊之師曰。汝來正其時也。先一日不著便。後一日蹉過了。吾雖與佛鑑同條生。終不同條死。明早可爲我尋一隻小船。子來如曰。要長者要高者。師曰。高五尺許。越三日。鷄鳴端坐如平時。侍者請遣偈。師曰。不曾作得言訖。而遊閻羅舌根不壞。那人陳師。願以寶函藏其家門弟子奉靈骨塔于普應院之側。隆興府泐潭擇明禪師上堂。舉趙州訪茱萸。採水因緣。師曰。趙老雲收山嶽。露茱萸雨過竹風清。誰家別館池塘裏。一對鴛鴦畫不成。又舉德山托鉢話。師曰。從來家富小兒嬌。偏向江頭弄畫橈。引得老爺把不住。又來船上助歌謠。上堂永嘉道一月。普現一切水。

一切水月。一月攝豎起拂子云。看看千江競注。萬派爭流。若也素善行舟。便諳水脉。可以優游性海。笑傲煙波。其或未然。且歸林下坐。更待月明時。

台州寶藏本禪師上堂。清明已過十餘日。華雨闌珊。方寸深春色。惱人眠不得。黃鸝飛過綠楊陰。遂大笑下座。

吉州大中祥符清海禪師初見佛鑑。鑑問三世諸佛。一口吞盡何處更有衆生。可教化。此理如何。師擬進語。鑑喝之。師忽領旨。述偈曰。實際從來不受塵。箇中無舊亦無新。青山況是吾家物。不用尋家別問津。鑑曰。放下著。師禮拜而出。

漳州淨衆佛眞了燦禪師。泉州羅氏子上堂。重陽九日。菊華新一句。明明亘古今。楊廣橐駝無覓處。夜來足跡在松陰。

隆興府谷山海禪師上堂。一舉不再說。已落二三相。見不揚眉。驟成造作。設使動絃別曲。告往知來。見鞭影。便行望剎竿。回去脚跟下。好與三十棒。那堪更向這裏撮摩。石火收捉。電光工夫。枉用渾閑事。笑倒西。

來碧眼胡卓拄杖下座

五燈嚴統卷第十九

五燈嚴統卷第二十

南嶽下十五世

龍門遠禪師法嗣

溫州龍翔竹庵士珪禪師。成都史氏子。初依大慈宗雅心。醉楞嚴。逾五秋。南遊。謁諸尊宿。始登龍門。卽以平時所得。白佛眼。眼曰。汝解心已極。但欠著力。開眼耳。遂俾職堂司。一日侍立。次問云。絕對待時如何。眼曰。如汝僧堂中。白椎相似。師罔措。眼至晚。抵堂司。師理前話。眼曰。閑言語。師於言下大悟。政和末。出世和之天寧。屢遷名利。紹興間。奉詔開山。鴈蕩能仁。時真歇居江心。聞師至。恐緣法未熟。特過江迎歸。方丈大展九拜。以誘溫人。由是翕然歸敬。未視篆。其徒懼行規法。深夜放火。鞠爲瓦礫之墟。師竟就樹縛屋。陞座示衆云。愛閑不打鼓。山鼓投老來看。鴈蕩山傑。闍危樓渾不見。谿邊茆屋兩三間。還有共相出手者麼。喝一喝。下座。聽法。檀施併力。營建未幾。復成寶坊。次補江心上堂。曰。萬年一念。一念萬年。和衣泥裏。覓洗脚。

上牀眠。歷劫來事。祇在如今。大海波濤。湧小入方寸。深拈起拄杖曰。汝等諸人。未得箇入頭。須得箇入頭。既得箇入頭。須有出身一路。始得大衆。且作麼生是出身一路。良久曰。雪壓難摧。澗底松風。吹不動。天邊月。卓拄杖下座。上堂。萬機不到。眼見色耳聞聲。一句當堂。頭戴天腳踏地。你諸人。祇知今日是五月初一。殊不知金烏半夜忙忙去。玉兔天明上海東。以拂子擊禪牀下座。上堂。明明無悟有法。卽迷。諸人向這裏立不得。諸人向這裏住不得。若立則危。若住則瞎。直須意不停。玄句不停。意用不停。機此三者。既明一切。處不須管帶。自然現前。不須照顧。自然明白。雖然如是。更須知有向上事。久雨不晴。咄。上堂。一葉落。天下秋。欲窮千里目。更上一層樓。一塵起。大地收。嘉州打大像。陝府灌鐵牛。明眼漢。合作麼生。良久曰。久旱簷頭。句橋流水。不流。卓拄杖下座。上堂。見見之時。見非是。見見猶離見。見不能及。落華有意。隨流水。流水無情。戀落華。諸可還者。自然非汝。不汝還者。非汝而誰。長恨春歸無覓處。不知轉入此中來。喝一喝。曰。三十。

年後真道能仁教壞人家男女上堂僧問如何是龍
師西來意師曰東家點燈西家暗坐曰未審意旨如
何師曰馬便搭鞍驢便推磨僧禮拜師曰靈利禪僧
祇消一箇筵曰馬搭鞍驢推磨靈利禪僧祇消一箇
縱使東家明點燈未必西家暗中坐西來意旨問如
何多口阿師自招禍僧問如何是第一義師曰你問
底是第二義問狗子還有佛性也無趙州道無意旨
如何師曰一度著地。數怕見斷井索問。鸞子深談實
相善說法。要此理如何。師曰不及。鷹銜。蘆問如何是
佛。師曰華陽洞口石鳥。龜問魯祖面壁意旨如何。師
曰金木水火土羅睺計都星。問有句無句如藤倚樹
時如何。師曰作賊人心虛。曰國師三喚侍者又作麼
生。師曰打鼓弄獅。獅鼓破獅走。丙寅七月十八日
召法屬長老宗範付後事。次日沐浴聲鐘集衆就座
泊然而逝。茶毗日送者均獲設利奉靈骨塔于鼓山
南康軍雲居高庵。善悟禪師。洋州李氏子。年十一去
家業。經得度。有夙慧。聞沖禪師舉武帝問達磨因緣
如獲舊物。遽曰我既廓然。何勝之有。沖異其語。勉之

南詢蒙授記於龍門。一日有僧被地傷足。佛眼問曰
既是龍門爲甚麼却被地敲。師卽應曰果然現大人
相。眼益器之後傳此語。到昭覺圓悟云。龍門有此僧
耶。東山法道未寂寥。爾住後上堂。少林面壁懷藏東
土。西天歐阜陞堂。充塞四維上下。致使山巍巍而砥
掌。平水昏昏而常自清華。非豔而結空。果風不搖而
片葉零人。無法而得。咨問佛無心而更可成。野蔬淡
飯。延時日任運隨緣。道自靈畢。竟如何。日午打三更
遂寧府西禪文璉禪師。郡之張氏子。上堂一向恁麼
去。直得凡聖路絕。水泄不通。鐵地鑽不入。鐵鎚打不
破。至於千里萬里。鳥飛不度。一向恁麼來。未免灰頭
土面。帶水拖泥。唱九作十。指鹿爲馬。非唯孤負先聖
亦乃埋沒己靈。敢問大衆。且道恁麼去。底是恁麼來
底是芍藥華開。菩薩面。櫻欄葉散。夜叉頭上。堂諸方
浩浩談玄。每日撞鐘打鼓。西禪無法可說。勘破燈籠
露柱。門前不置下馬臺。免被傍人來借路。若借路須
照顧脚下。若參差邯鄲學唐步上堂。心生種種法生
森羅萬象。縱橫信手拈來。便用日輪。午後三更心滅。

種種法滅。四句百非。路絕直饒達磨出頭。也是眼中著屑。心生心滅。是誰木人攜手同歸。歸到故鄉田地。猶遺頂上一鎚。上堂正月孟春。猶寒直下。言端語端。拈起。諸僧鼻孔。穿開。祖佛心肝。知有者。達磨不來東土。二祖不往西天。不知有者。誰知當面。蹉過。迢迢十萬八千山。僧爲你重說偈言。大衆莫教孤負。孟春猶寒。僧問。師子未出窟時如何。師曰。爪牙已露。曰。出窟後如何。師曰。龍頭蛇尾。曰。出與未出時如何。師曰。正好喫棒。問以。一重去。一重。卽不問。不以。一重去。一重時如何。師曰。闍黎有許多工夫。

隆興府黃龍牧庵法忠禪師。四明姚氏子。十九試經得度。習台教悟。一心三觀之旨。未能泯跡。徧參名宿。至龍門觀水磨。旋轉發明心要。乃述偈曰。轉大法輪。目前包裹。更問如何。水推石磨。呈佛眼。曰。其中事作麼生。師曰。淵下水長流。眼曰。我有末後一句。待分付汝。師卽掩耳而去。後至廬山。於同安枯樹中。絕食清坐。宣和間。湘潭大旱。禱而不應。師躍入龍淵。呼曰。業畜當雨一尺。雨隨至。居南嶽。每跨虎出遊。繡釋望。

塵而拜。住後上堂。張公喫酒。李公醉。子細思量。不思議。李公醉醒。問張公。恰使張公無好氣。無好氣。不如歸家。且打睡。上堂。今朝正月半。有事爲君斷。切忌兩眼睛。被他燈火換。上堂。我有一句子。不借諸聖口。不動自己舌。非聲氣呼吸。非情識分別。假使淨名杜口。於毗耶釋迦。掩室於摩竭。大似掩耳偷鈴。未免天機漏泄。直饒德山入門。便棒。臨濟入門。便喝。若向牧庵門下。檢點將來。祇得一掇。千種言萬般說。祇要教君自家歇。一任大地虛空。七凹八凸。僧問。如何是佛。師曰。莫向外邊覓。曰。如何是心。師曰。莫向外邊尋。曰。如何是道。師曰。莫向外邊討。曰。如何是禪。師曰。莫向外邊傳。曰。畢竟如何。師曰。靜處薩婆訶。問大衆。臨筵請師舉唱。師豎起拂子。僧曰。乞師再垂方便。師擊禪牀一下。後示寂。塔于香原洞。

衢州烏巨雪堂道行禪師。處州葉氏子。依泗州普照英禪師得度。去參佛眼。一日。聞舉玄沙築著脚指話。遂大悟。住後上堂。會卽便會。玉本無瑕。若言不會。確甯生華。試問九年面壁。何如大會拈華。南明恁麼商。

確也是順風撒沙。參上堂。雲籠嶽頂。百鳥無聲。月隱寒潭。龍珠自耀。正當恁麼時。直得石梁忽然大悟。石洞頓爾心休。虛空開口作證。溪北石僧點頭。諸人總在這裏瞌睡。笑殺陝府鐵牛。上堂。佛說三乘十二分。頓漸偏圓。癡人面前不得說。夢。臨濟三玄。雲門三句。見性成佛。癡人面前不得說。夢。南明恁麼道。還免得。洞山五位。癡人面前不得說。夢。古人道。石人機似汝也。解唱巴歌。汝若似石人。雪曲也應和。還有和雪曲底麼。若有喚來與老僧洗脚。上堂。通身是口。說得一半。通身是眼。用得一撇。用不到處。說有餘說不到處。用無盡所以道。常用無說。當說無用。說同時。用說不同時。諸人若也擬議。西峯在你脚底。到國清衆。請上堂。句亦刻意。亦剗絕。毫絕。毫處如山。如嶽。句亦到意。亦到如山。如嶽。處絕。毫絕。毫忽若拶通一線。意句俱到。俱不到。俱剗。俱不剗。直得三句外。絕半籠。六句外。無標的正當恁麼時。一句作麼。生道傾蓋同途。不同轍。相將攜手。上高臺。上堂。舉趙州示衆云。老僧除却二時齋。

粥是雜用心。處師曰。今朝六月旦。行者擊鼓。長老陞堂。你諸人總來這裏。雜用心上。堂。舉僧問雲門。如何是驚人句。門曰。響。師曰。雲門答這僧話。不得便休。却鼓粥飯氣。以當平生。上堂。黃梅雨。麥秋寒。恁麼會太無端。時節。因緣。佛性。義大都須是觸體。乾示衆。舉。玳和尙問僧。禪以何爲義。衆下語皆不契。埋僧請益。玳玳代云。以謗爲義。師曰。三世諸佛是謗。西天二十八祖是謗。唐土六祖是謗。天下老和尙是謗。諸人是謗。山僧是謗。於中還有不謗者也。無談玄說妙。河沙數爭似雙峯。謗得親師。示疾門弟子。教授汪公喬。年至省候。師以後事委之。示以偈曰。識則識。自本心見。則見。自本性識。得本心。本性正是宗門。大病註曰。爛泥中有刺。莫道不疑。好黎明沐浴。更服加趺而逝。闍維五色。設利煙所至。處。纍然。齒舌不壞。塔于寺之西。撫州白楊法順禪師。綿州文氏子。依止佛眼。聞普說。舉傅大士心王銘云。水中鹽味。色裏膠青。決定是有。不見其形。師於言下有省。後觀寶藏迅轉。頓明大法。趨丈室作禮。呈偈曰。頂有異峯雲冉冉。源無別派水。

冷冷遊山未到山窮處。終被青山礙眼睛。眼笑而可之。住後上堂好事堆堆疊疊來。不須造作與安排。落林黃葉水推去。橫谷白雲風卷回。寒鴈一聲情念斷。霜鐘纔動我山摧。白楊更有過人處。盡夜寒爐撥死灰。忽有箇衲僧出來。道長老賣弄得恁麼窮乞相。山僧祇向他道。却被你道著上堂。我手何似佛手。天上南星北斗。我脚何似驢脚。往事都來忘却。人人盡有生緣箇箇足。方頂圓大愚灘頭立處。孤月影射深灣。會不得見還難。一曲漁歌過遠灘。示衆染緣易就。道業難成不了目前。萬緣差別祇見境風浩浩。凋殘功德之林。心火炎炎。燒盡菩提之樹。道念若同情念成佛多時。爲衆一似爲已。彼此事辦不見他非我。是自然上敬下恭。佛法時時現前。煩惱塵塵解脫。上堂鷄啼曉月。狗吠枯椿。只可默會。難入思量。看不見處動地放光。說不到處天地玄黃。據城尺六。狀紙元來出在清江。大衆分明話出人難見。昨夜三更月到窻上。堂風吹茆屋香。漏雨打闌黎。眼睛濕恁麼分明。却不知却來這裏低頭立。

時紹靈上座聞之有因病省後住持之廣教

示衆久病未嘗推木枕人來多是問如何。山僧據問隨緣對窓外黃鸝口更多。只如七尺之軀甚處受病。衆中具眼者試爲山僧指出病源。衆下語皆不契。師自拊掌一下作嘔吐聲。又云好箇木枕子。師律身清苦出入唯杖笠。獨行後示寂。闍維收舍利目睛齒舌數珠同靈骨塔于寺西。

南康軍雲居法如禪師丹丘胡氏子。依護國瑞禪師祝髮。登具徧參。瀾右諸宗匠。晚至龍門。以平日所證白佛眼。眼曰此皆學解非究竟事。欲了生死當求妙悟。師駭然諦信。一日命主香積。以道業未辦固辭。眼勉曰姑就職。其中大有人爲汝說法。未幾晨興開廚門望見聖僧契所未證。卽白佛眼。眼曰這裏還見聖僧麼。師詣前問訊叉手而立。眼曰向汝道大有人爲汝說法。住後上堂一法若有毗盧墮在。凡夫萬法若無普賢失其境界。向這裏有無俱遣得失兩亡。直得十方諸佛不見諸人。且道十二時中向甚麼處安身立命。披蓑側立千峯外。引水澆蔬五老前。上堂乾坤之內宇宙之間中。有一寶秘在形山雲居。又且不然。

乾坤之內。宇宙之間。中有一寶。擲下拄杖云。大衆也須識取。

南康軍歸宗真牧正賢禪師。潼川陳氏子。世爲名儒。幼從三聖。海澄爲苾芻。具滿分戒。遊成都。依大慈秀公。習經論。凡典籍過目成誦。義亦頓曉。秀稱爲經藏子。出蜀謁諸尊宿。後扣佛眼。一日入室。眼舉殷勤。抱得旃檀樹。語聲未絕。師頓悟。眼曰。經藏子。漏逗了也。自是與師商確淵奧。疊疊無盡。眼稱善。因手書真牧二字授之。紹興己巳。歸宗虎席。郡侯以禮請堅臥不。應。寶文李公懋嘗問道於師。同屬官強之。乃就上堂。且第一句如何。道汝等若向世界未成時。父母未生時。佛未出世時。祖師未西來時。道得已是。第二句且第一句如何。道直饒你十成道得。未免左之右之。卓拄杖下座。上堂良久。召大衆曰。作麼生。若也擬議。賢上座。謾你諸人去也。打地和尙。瞋他秘魔巖主。筆箇叉兒。胡說亂道。遂將一捆成盡。粉散在十方世界。還知麼。舉拂子曰。而今却在拂子頭上說一切智智。清淨無二。無二分。無別無斷。故還問麼。闍老子知得乃。

曰。賢上座。你若相當去。不妨奇特。威不相當。總在我手裏。祇向他道。問老子。你也退步。摸索鼻孔。看鑿禪牀下。座僧問。久默斯要。已泄真機。學人上來。請師開示。師曰。耳朵在甚麼處。曰。一句分明。該萬象。師曰。分明底事。作麼生。曰。台星照臨。枯木回春。師曰。換却你眼睛。

安吉州道場正堂明辯禪師。本郡俞氏子。幼事報本蘊禪師。圓顙受具。後謁諸名宿。至西京少林。聞僧舉佛眼。以古詩發明。闕賓王斬師子尊者話。曰。楊子江頭。楊柳春。楊華愁殺渡江人。一聲筓笛離亭晚。君向瀟湘我向秦。師默有所契。卽趨龍門。求入室。佛眼問。從上祖師方冊。因緣許你。會得。忽舉拳曰。這箇因何。喚作拳。師擬對。眼築其口曰。不得作道理。於是頓去。知見住後。上堂。猛虎口邊。拾得毒蛇頭。上安排。更不釘橋。搖撼回頭。別有生涯。婆子被我勘破了。大悲院裏。有村齋。上堂。淨五眼。湧金春色。晚得五力。吹落碧桃華。唯證乃知難可測。卓拄杖曰。一片何人得。流經十萬家。上堂。三祖道。但莫憎愛。洞然明白。當時老僧。

若見便與一擲。且道是憎邪是愛邪。近來經界稍嚴。不許詭名挾佃。解夏上堂十五日。已前不得去少林。隻履無藏處。十五日已後不得住。桂子天香和雨露。正當十五日。又且如何。呵呵。風流不在著衣多。上堂舉僧問投子大死底人。却活時如何。子曰。不許夜行。投明須到師。曰。我疑千年蒼玉。精化爲一片秋水。骨海神欲護護不得。一旦鰲頭忽擎出。上堂華開離上柳綻堤邊。黃鸝調叔夜之琴。芳草入謝公之句。何必聞聲悟道。見色明心。非唯水上覓漚。已是眼中著屑。壁開胃曰。汝等當觀吾紫磨金色之身。今日則有明日。則無大似無風起浪。全不知羞且道。今日事作麼生。好箇迷達磨。不知誰解承當。僧問。如何是佛。師乃鳴指三下。問語默涉離微。如何通不犯。師曰。橫身三界外。獨脫萬機前。曰。祇如風穴道長憶江南三月裏。鷓鴣啼處百華香。又作麼生。師曰。說這箇不唧。囉漢作麼。曰。嫩竹搖金風。細細百華鋪地。曰。遲遲師曰。你向甚麼處見風穴。曰。眼裏耳裏絕瀟灑。師曰。料掉無交涉。問蓮華未出水時如何。師曰。未過冬至莫

道寒。曰。出水後如何。師曰。未過夏至莫道熱。曰。出與未出時如何。師曰。三十年後不要錯舉。問。如何是佛。師曰。無柴猛燒火。曰。如何是法師。師曰。貧做富裝裹。曰。如何是僧。師曰。賣扇老婆手遮日。曰。如何是和尙。栗棘蓬師曰。不答此話。曰。爲甚麼不答。師大笑曰。吞不進吐不出。問。如何是一喝。如金剛王寶劍。師曰。古墓毒地頭戴角。曰。如何是一喝。如踞地師子。師曰。虛空笑點頭。曰。如何是一喝。如探竿影草。師曰。石人拍手笑呵呵。曰。如何是一喝。不作一喝用。師曰。布袋裏豬頭。曰。四喝已蒙師指示。向上還有事也。無師曰。有曰。如何是向上事。師曰。鋸解秤鎚。隨聲便喝。佛眼忌拈香。龍門和尚闌提潦倒。不信佛法滅除禪。道撈破毗盧。向上關。猫兒洗面自道好。一炷沈香爐上。然換手。匙。胃空懊惱。遂搖手曰。休懊惱。以坐具搭肩。上作女人拜曰。莫怪下房媳婦。觸忤大人。好室中垂問曰。猫兒爲甚麼愛捉老鼠。又曰。板鳴因甚麼狗吠。師家風嚴冷。初機多憚之。因贊達磨曰。昇元閣前憶洛陽。峯畔乖張皮髓傳。成話霸隻履。無處埋藏。不是一番

寒徹骨。覓得梅華撲鼻香。雪堂行一見。大稱賞。曰。先師猶有此人在。只消此贊。可以坐斷天下人舌頭。由是禪子奔湊。臨終登座。拈拄杖於左邊卓一下。曰。三十二相無此相。於右邊卓一下。曰。八十種好無此好。僧繇一筆畫成。誌公露出草臺。又卓一下。顧大眾曰。莫懊惱。直下承當。休更討下座。歸方丈。儼然跌坐而逝。火後收靈骨。設利藏所建之塔。曰。僊人山。

潭州方廣深禪師。僧問。一法若有毗盧墮在。凡夫萬法若無。普賢失其境界。未審意旨如何。師曰。富嫌千口少。貧恨一身多。

世奇。首座者。成都人也。偏依師席。晚造龍門。一日燕坐。瞌睡間。羣蛙忽鳴。誤聽爲淨髮版響。亟趨往。有曉之者曰。蛙鳴非版也。師恍然。詣方丈。剖露佛眼。曰。豈不見羅睺羅師。遽止。曰。和尚不必舉待去。自看未幾。有省。乃占偈曰。夢中間版響。覺後蝦蟇啼。蝦蟇與版響。山嶽一時齊。由是益加參究。洞臻玄奧。眼命分座。師固辭曰。此非細事也。如金針刺眼。毫髮若差。睛則破矣。願生生居學地。而自煅煉眼。因以偈美之。曰。有

道只因頻退步。謙和元自慣回光。不知已在青雲上。猶更將身入衆藏。暮年學者力請不容辭。後因說偈曰。諸法空故我心空。我心空故諸法同。諸法我心無別體。祇在而今一念中。且道是那一念。衆罔措。師喝一喝而終。

溫州淨居尼慧溫禪師。上堂。舉法眼示衆。曰。三通鼓罷。簇簇上來。佛法人事一時周畢。師曰。山僧道三通鼓罷。簇簇上來。拄杖不在。若帶柄。聊與三十。給事馮楫濟川居士。自壯扣諸名宿。最後居龍門。從佛眼遠禪師。再歲。一日同遠經行法堂。偶童子趨庭吟曰。萬象之中獨露身。遠拈公背曰。好。齊公於是契入。紹興丁巳。除給事會大慧禪師。就明慶開堂。慧下座。公挽之曰。和尚每言於士大夫前曰。此生決不作這蟲多。今日因甚却納敗缺。慧曰。盡大地是箇杓上座。你向甚處見他。公擬對慧。便掌公曰。是我招得越月特丐祠坐。夏徑山榜其室曰。不動軒。一日慧陞座。舉藥山問石頭曰。三乘十二分。教某甲粗知承聞。南方直指人心。見性成佛。實未明了。伏望慈悲示誨。頭

曰。恁麼也不得不恁麼也不得。恁麼不恁麼總不得。你作麼生。山罔措頭曰。子緣不在此。可往江西見馬大師去。山至馬祖處。亦如前問。祖曰。有時教伊揚眉。瞬目。有時不教伊揚眉。瞬目。有時教伊揚眉。瞬目者。是有時教伊揚眉。瞬目者。不是。山大悟。慧拈罷。公隨至。方丈曰。適來和尚所舉底。因緣某理會得了。慧曰。你如何會。公曰。恁麼也不得。囑婆娑。訶不恁麼也不得。囑婆娑。訶恁麼不恁麼總不得。蘇嚧嚧。婆娑婆娑。訶慧印之以偈曰。梵語唐言打成一塊。咄哉俗人。得此三昧。公後知邛州所至。宴晦無倦。嘗自詠曰。公事之餘。喜坐禪。少曾將脇到牀眠。雖然現出宰官相。長老之名四海傳。至二十三年秋。乞休致。預報親知。期以十月三日報終。至日。令後聽置高座。見客如平時。至辰巳間。降塔望闕肅拜。請漕使攝印事。著僧衣。履踞高座。囑諸官吏及道俗各宜向道。扶持教門。建立法幢。遂拈拄杖。按膝蛻然而化。漕使請曰。安撫去住如此自由。何不留一頌以表罕聞。公張目索筆書曰。初三十一。中九下七。七老人言盡龜哥眼。赤竟爾長。

往建炎後。名山巨剎。教藏多不存。公累以已俸印施。凡一百二十八藏。用祝君壽。以康兆民。門人蒲大聘。嘗誌其事。有語錄頌古行於世。

開福寧禪師法嗣

潭州大瀉月庵善果禪師。信州余氏子上。堂奚仲造車一百輻。拈却兩頭。除却軸。以拄杖打一圓相曰。且莫錯認定盤星。卓一卓下座。謝供頭上堂。解猛虎。額下金鈴。驚羣動衆。取蒼龍穴裏明珠。光天照地。山僧今日到此。讚歎不及。汝等諸人。合作麼生。豎起拂子曰。眨上眉毛。速須薦取。擲拂子下座上堂。心生法亦生。心滅法亦滅。心法兩俱忘。烏龜喚作鼈。諸禪德。道德也未若道得。道林與你拄杖子。其或未然。歸堂喫茶去。僧問。達磨九年面壁時。如何。師曰。魚行水濁曰二祖。禮三拜爲甚麼。却得其髓。師曰。地肥茄子大曰。祇如一華開五葉。結果自然成。明甚麼邊事。師曰。賊以賊爲驗。曰。有時乘好月。不覺過滄洲。師曰。閤黎無分。問有句無句。如藤倚樹時。如何。師曰。驗盡當行家。曰。樹倒藤枯句。歸何處。又作麼生。師曰。風吹日炙曰。

爲山呵呵大笑。師曰：波斯讀梵字曰：道吾推倒泥裏。爲山不管此意。又且如何。師曰：有理不在高聲。曰：羅山道：道吾是撮馬糞。漢又作麼。生師曰：多口阿。師曰：今日足見老師七通八達。師曰：仰面哭蒼天。僧禮拜。師曰：過問蓮華未出水時如何。師曰：乾坤無異色。曰：出水後如何。師曰：徧界有清香。

大隨靜禪師法嗣

台州釣魚臺石頭自回禪師。本郡人也。世爲石工。雖不識字。志慕空宗。每求人口授法華。能誦之。棄家投大隨。供掃灑。寺中令取崖石。師手不釋鎚鑿。而誦經不輟口。隨見而語曰：今日磴磴。明日磴磴。死生到來。作甚折。合師愕然。釋其器。設禮。願聞究竟。法因隨至。方丈隨令且罷。誦經看趙州勘婆。因緣師念念不去。心久之。因鑿石。石稍堅。盡力一鎚。瞥見火光。忽然省徹。走至方丈禮拜呈頌曰：用盡工夫。渾無巴鼻。火光迸散。元在這裏。隨忻然曰：子徹也。復獻趙州勘婆頌曰：三軍不動。旗閃爍。老婆正是魔王脚。趙州無柄鐵掃帚。掃蕩煙塵空索索。隨可之。遂授以僧服。人以其

爲石工。故有回石頭之稱也。上堂參禪。學道大似井底叫渴。相似殊不知塞耳塞眼。回避不及。且如十二時中行住坐臥。動轉施爲。是甚麼人。使作眼見耳聞。何處不是路頭。若識得路頭。便是大解脫。路方知老漢與你證明。山河大地與你證明。所以道十方薄伽梵。一路涅槃門。諸仁者。大凡有一物。當途要見一物之根源。一物無處要見一物之根源。見得根源。源無所源。所源既非。何處不圓。諸禪德。你看老漢有甚麼勝你處。諸人有甚麼不如老漢處。還會麼。太湖三萬六千頃。月在波心說向誰。

潼川府護聖愚丘居靜禪師。成都楊氏子。年十四。禮白馬安慧爲師。聞南堂道望。遂往依焉。堂舉香巖枯木裏龍吟話。往返酌詰。師於言下大悟。一日堂問曰：莫守寒巖。異草青坐却。白雲宗不妙。汝作麼。生師曰：直須揮劍。若不揮劍。漁父棲巢。堂矍然曰：這小厮兒。師珍重。便行。出住東巖上堂。月生一東巖。乍住增愁。寂紅塵世路有多端。米麪倉儲無顆粒。崖爲伴。泉爲匹。颯颯清風來入室。山王土地暗中忙。雲版鐘魚偷

淚滴世人莫道守空巖亦有東籬打西壁。嘗謂衆曰。參學至要。不出先南堂道最初句及末後句。透得過者。一生事畢。儻或未然。更與你分作十門。各各印證。自心還得穩當也。未一須信有教外別傳。二須知有教外別傳。三須會無情說法。與有情說法無二。四須見性如觀掌中之物。了了分明。一一田地穩密。五須具擇法眼。六須行鳥道。七須文武兼濟。八須摧邪顯正。九須大機大用。十須向異類中行。凡欲紹隆法種。須盡此綱要。方坐得這曲肱牀子。受得天下人禮拜。敢與佛祖爲師。若不到恁麼田地。祇一向盧頭。他時異日。閻老子未放你在。間有學者。各門頌出呈。師師以頌示曰。十門綱要。掌中施機會。來時自有爲作者。不須排位次。大都首末是根基。

簡州南巖勝禪師上堂。召大衆曰。護生須是殺殺盡。始安居。會得箇中意。分明在半途。且道到家一句。又作麼生。釋迦彌勒沒量大。看來猶祇是他奴。僧問。放行五位。卽不問把定三關事。若何。師曰。橫按鎖鑰。全正令。曰。把定三關。蒙指示。放行五位事。如何。師曰。太

平寰宇斬癡頑。曰。恁麼則南巖門下土曠人稀。師曰。靈利衲僧。祇消一點。曰。自古自今。同生同死。時如何。師曰。家賊難防。曰。今日學人小出大遇去也。師便打。曰。須是老僧打你。始得僧禮拜。師曰。切忌詐明頭。常德府梁山廓庵師遠禪師。合川魯氏子上堂。舉楊岐三脚驢子話。乃召大衆曰。揚其湯者。莫若撲其火。壅其流者。莫若杜其源。此乃智人之明鑒。佛法之至論。正在斯焉。這因緣。如今叢林中。提唱者甚多。商量者不少。有般底。祇道宗師家無固必。凡有所問。隨口便答。似則也。似是卽未。是若恁麼。祇作箇乾無事會。不見楊岐用處。乃至祖師千差萬別。方便門庭。如何消遣。又有般底。祇向佛還會。却與自己沒交涉。古人道。凡有言句。須是一一消歸自己。又作麼生。又有般底。一向祇作自己會。棄却古人用處。唯知道明自己事。古人方便。却如何消遣。既消遣不下。却似抱橋柱。澡洗要且放手不得。此亦是一病。又有般底。却去脚多少處會。若恁麼會。此病最難醫也。所以他語有巧妙處。參學人卒難摸索。纔擬心。則差了也。前輩謂之

楊岐宗旨。須是他屋裏人到。恁麼出地方。堪傳授。若不然者。則守死善道之謂也。這公案。直須還他透頂。徹底漢。方能了得。此非止禪和子。會不得。而今天下叢林中。出世爲人底。亦少有會得者。若要會去。直須向威音那畔。空劫已前。輕輕覷著。提起便行。捺著便轉。却向萬仞峯前。進一步。可以籠罩古今。坐斷天下人舌頭。如今還有恁麼者麼。有則出來道看。如無更聽一頌。三脚驢子弄蹄行。直透威音萬丈坑。雲在巖頭閑不徹。水流澗下太忙生。湖南長老誰解會。行人更在青山外。上堂。天得一以清。地得一以寧。君王得一以治天下。這箇說話。是家常茶飯。須知衲僧家別有奇特處。始得。且道。衲僧門下有甚奇特處。天得一斗牛女虛危室。壁地得一萬象森羅及瓦礫。君王得一上。下四維無等匹。且道。衲僧得一時。如何要見客從何處來。閑持經卷。倚松立浴佛。上堂。舉藥山浴佛公案。拈云。這僧問處。依稀越國髯。楊州藥山答來。眼似流星機如掣電。點檢將來。二俱不了。若是山僧。卽不然。當是時。纔見他。問只浴得這箇。且不浴得那。

箇。但轉木杓柄。與伊待他擬議之間。攔面便潑假饒。這僧有大神通。具大智慧也。無施展處。敢問大衆。這箇卽且置。喚甚麼作那箇。下座。佛殿燒香。爲你說破。師有十牛圖并頌。行于世。

嘉州能仁默堂紹悟禪師。結夏上堂。最初一步十方世界現全身。末後一言一微塵中深鎖斷。有時提起。如倚天長劍。光耀乾坤。有時放下。似紅爐點雪。虛含萬象。得到恁麼田地。天魔外道。拱手歸降。三世諸佛。一時稽首。便可以大圓覺爲我伽藍。於一毫端現寶王刹。如是則朝往西天。暮歸東土。亦是禁足百華叢裏。坐姪坊酒肆行。亦是禁足。雖然。如是不曾動著。這裏一步恁麼。則九旬無虛棄之功。百劫有今時之用。堪報不報之恩。以助無爲之化。此卽是涅槃妙心。金剛王寶劍。敢問大衆。作麼生得到這田地。去如人上山。各自努力。上堂。舉趙州訪二庵主公案。頌曰。一重山盡一重山。坐斷孤峯子。細看霧捲雲收。山嶽靜。楚天空闊。一輪寒。

彭州上溪智陀子言庵主。綿州人也。初至大隨。聞舉。

石頭和尚示衆。偈。倏然領旨歸隱土溪懸崖絕壑間。有石若蹲異獸。師鑿以爲室。中發異泉。無涸溢。四衆訝之。居三十年。化風盛播。室成。日作偈曰。一擊石庵。全縱橫得自然。清涼無暑。氣清潔有甘泉。寬廓含沙界。寂寥絕衆緣。箇中無限意。風月一牀眠。

劍門南修道者。淳厚之士也。自大隨一語契投。服勸不怠。歸謁崇化贊禪師。坐次。贊以宗門三印問之。南曰。印空印泥。印水平地。寒濤競起。假饒去就十分也。是靈龜曳尾。

莫將尙書字少虛家世豫章分寧。因官西蜀謁南堂靜禪師。咨決心要。堂使其向好處提撕。適如廁。俄聞穢氣急。以手掩鼻。遂有省。卽呈以偈曰。從來姿韻愛風流。幾笑時人向外求。萬別千差無覓處。得來元在鼻尖頭。南堂答曰。一法纔通法法周。縱橫妙用更何求。青蛇出匣魔軍伏。碧眼胡僧笑點頭。

龍圖王蕭居士字朝復。留昭覺。日聞開靜板聲。有省。問南堂曰。某有箇見處。纔被人問。却開口不得。未審過在甚處。堂曰。過在有箇見處。堂却問朝旆幾時到。

任公曰。去年八月四日。堂曰。自按察幾時。離衙公曰。前月二十堂曰。爲甚麼。道開口不得。公乃契悟。

五祖自禪師法嗣

蘄州龍華高禪師。上堂。象王行師子。注赤脚崑崙眉。卓豎寒山拾得笑。呵呵。指點門前老松樹。且道。他指點箇甚麼。忽然風吹倒。時好一堆柴。

南嶽下十六世

徑山杲禪師法嗣

泉州教忠晦庵彌光禪師。閩之李氏子。兒時寡言笑。聞梵唄則喜。十五依幽巖文慧禪師。圓頂。猶喜聞羣書。一日曰。既剃髮染衣。當期悟徹。豈醉於俗典邪。遂出嶺謁圓悟禪師。於雲居次。參黃檗祥高庵。悟機語皆契。以淮楚盜起。歸謁佛心會大慧。寓廣因。往從之。慧謂曰。汝在佛心處所得者。試舉一二看。師舉佛心上堂拈普化公案曰。佛心卽不然。總不恁麼來時如何。劈脊便打。從教徧界分身。慧曰。汝意如何。師曰。某不肯。他後頭下箇注脚。慧曰。此正是以病爲法。師毅然無信。可意。慧曰。汝但揣摩看。師竟以爲不然。經旬。

因記海印信禪師拈曰雷聲浩大雨點全無始無滯。趨告慧慧以舉道者見琅邪并立沙未徹語詰之師對曰慧笑曰雖進得一步祇是不著所在如人所樹根下一刀則命根斷矣汝向枝上所其能斷命根乎。今諸方浩浩說禪者見處總如此何益於事其楊岐正傳三四人而已師愠而去翌日慧問汝還疑否師曰無可疑者慧曰祇如古人相見未開口時已知虛實或聞其語便識淺深此理如何師悚然汗下莫知听詣慧令究有句無句慧過雲門庵師侍行一日問曰某到這裏不能得徹病在甚處慧曰汝病最癖世醫拱手何也別人死了活不得汝今活了未曾死要到大安樂田地須是死一回始得師疑情愈深後入室慧問喫粥了也洗鉢盂了也去却藥忌道將一句來師曰裂破慧震威喝曰你又說禪也師即大悟慧搥鼓告衆曰龜毛拈得笑哈哈一擊萬重關鎖開慶快平生在今日孰云千里賺吾來師亦以頌呈之曰一拶當機怒雷吼驚起須彌藏北斗洪波浩渺浪滔天拈得鼻孔失却口住後上堂有句無句如藤倚樹

放愁作麼及手樹倒藤枯句歸何處情知汝等諸人卒討頭鼻不著爲甚如此祇爲分明極翻令所得遲上堂夢幻空華何勞把捉得失是非一時放却擲拂子曰山僧今日已是放下了也汝等諸人又作麼生復曰侍者收取拂子僧問文殊爲甚麼出女子定不得師曰山僧今日困曰罔明爲甚麼却出得師曰令人疑著曰恁麼則肇開華嶽千峯秀放出黃河一派清師曰一任卜度

江州東林止庵道顓禪師潼川人族鮮于氏久參圓悟微有省發洎悟還蜀囑依妙喜仍以書致喜曰願川彩繪已畢但欠點眼耳他日嗣其後未可量也喜居雲門及洋嶼師皆在焉朝夕質疑方大悟住後上堂一葉落天下秋一塵起大地收鳥窠吹布毛便有人悟去今時學者爲甚麼却不識自己良久曰莫錯怪人好上堂欲識諸佛心但向衆生心行中識取欲識常住不凋性但向萬物遷變處會取還識得麼欲得不招無間業莫謗如來正法輪上堂諸人知處良遂總知良遂知處諸人不知作麼生是良遂知處乃

曰。鸛鵲語鸛。上堂。仲冬嚴寒。三界無安。富者快樂。貧者饑寒。不識玄旨。錯認定盤。何也。牛頭安尾。上北斗面南看。上堂。一滴滴水。一滴滴凍。天寒人寒。風動幡動。雲門扇子。毘跳上三十三天。築著帝釋鼻。孔東海鯉魚打一棒。雨似盆傾。不出諸人十二時中。尋常受用上堂。云。圓通門戶八字打開。若是從門入。得。不堪共語。須是入得無門之門。方可坐登堂奧。所以道。過去諸如來。斯門已成就。現在諸菩薩。今各入圓明。未來參學人。當依如是法。從上諸聖。幸有如此廣大門。風不能繼。紹甘自鄙。棄穿窬牆壁。好不丈夫。致問大衆。無門之門。作麼生入。良久云。非唯觀世音。我亦從中證。上堂。元宵已過。化主出門。六羣比丘各從其類。此衆無復枝葉。純有貞實。如是增上慢人。退亦佳矣。麒麟不爲瑞。鸞鷟不爲榮。麥秀兩岐。禾登九穗。總不消得。但願官中無事。林下棲禪。水牯牛飽臥斜陽。擔板漢清貧。長樂粥足飯足。俯仰隨時。簪籠不亂。撓匙老鼠不咬。飯簞山家活計。淡薄長情。不敬功德。天誰嫌黑暗。女有智。主人二俱不受。良久曰。君子愛財取

之以道。上堂。去年寒食後。今年寒食前。日日是好日。不是正中偏。上堂。客舍久留。連家鄉夕照。湯簷懸三月。雨水沒兩湖。蓮鑊漏燒燈。蒸柴生滿竈。煙已忘南北。念入望盡平川。上堂。旃檀林無雜樹。鬱密深沉。師子住。所以旃檀叢林。旃檀圍繞。荊棘叢林。荊棘圍繞。一人爲主。兩人爲伴。成就萬億國土。士農工商。若夜叉若羅刹。見行魔業。優哉游哉。聊以卒歲。僧問。香巖上樹話意旨。如何。師曰。描不成。畫不就。曰。李陵雖好手。爭奈陷番何。師曰。甚麼處去來。問。如何。是佛。師曰。汝是元固。僧近前曰。喏。喏。師曰。視無襁袴。無口問。如何。是佛。師曰。誌公和尚曰。學人問佛。何故答誌公和尚。師曰。誌公不是閑和尚。曰。如何。是法師。師曰。黃絹幼婦。外孫蠶。白曰。是甚麼章句。師曰。絕妙好辭。曰。如何。是僧。師曰。釣魚船上。謝三郎曰。何不直說。師曰。玄沙和尚曰。三寶已蒙師指示。向上宗乘事。若何。師曰。王喬詐仙。得仙僧呵呵大笑。師乃叩齒。福州西禪懶庵鼎需禪師。本郡林氏子。幼舉進士。有聲年二十五。因讀遺教經。忽曰。幾爲儒冠誤。欲去家。

母難之以親迎在期師乃絕之曰天桃紅杏一時分付春風翠竹黃華此去永爲道伴竟依保壽樂禪師爲比丘錫湖湘徧參名宿法無異味歸里結庵於羗峯絕頂不下山者三年佛心才禪師挽出首衆於大乘嘗問學者卽心卽佛因緣時妙善庵于洋嶼師之友彌光與師書云庵主手段與諸方別可來少欵如何師不答光以計邀師飯師往赴之會妙喜爲諸徒入室師隨喜焉妙喜舉僧問馬祖如何是佛祖云卽心是佛作麼生師下語妙喜詰之曰你見解如此敢妄爲人師耶鳴鼓普說評其平生珍重得力處排爲邪解師淚交頤不敢仰視默計曰我之所得旣爲所排西來不傳之旨豈止此耶遂歸心弟子之列一日喜問曰內不放外不放入正怎麼時如何師擬開口喜拈竹篋劈脊連打三下師於此大悟厲聲曰和尚已多了也喜又打一下師禮拜喜笑云今日方知吾不汝欺也遂印以偈云頂門豎亞摩醯眼肘後斜懸奪命符瞎却眼卸却符趙州東壁挂葫蘆於是聲名喧動叢林住後上堂曰句中意意中句須彌峯

于巨川句刻意意刻句烈士發乎狂矢任待牙如劍樹口似血盆徒逞詞鋒虛張意氣所以淨名杜口早涉繁詞摩竭掩關已揚家醜自餘瓦棺老漢巖頭大師向羗峯頂上拏風鼓浪翫弄神變脚跟下好與三十且道過在甚麼處良久云機關不昚韓光作莫把胸襟富等閑至節上堂云二十五日已前羣陰消伏泥龍閉戶二十五日已後一陽來復鐵樹開華正當二十五日塵中醉客騎驢騎馬前街後街迺相慶賀物外閑人納帳蒙頭圍爐打坐風蕭蕭雨蕭蕭冷秋秋誰管你張先生李道士胡達磨上堂懶翁懶中懶最懶懶說禪亦不重自己亦不重先賢又誰管你地又誰管你天物外翛然無箇事日上三竿猶更眠上堂舉僧問趙州如何是古人言州云諦聽諦聽師曰諦聽卽不無切忌喚鐘作甕室中間僧萬法歸一一歸何處曰新羅國裏師曰我在青州作一領布衫重七斤潛曰今日親見趙州師曰前頭見後頭見僧乃作斫額勢師曰上座甚處人曰江西師曰因甚麼却來這裏納敗缺僧擬議師便打

福州東禪蒙庵思岳禪師上堂。蛾羊孺子說一切法。牆壁瓦礫現無邊身。見處既精明。聞中必透脫。所以雪峯和尚。凡見僧來。輒出三箇木。毬如弄雜劇相似。玄沙便作斫牌勢。卑末謾道將來。普賢今日謗古人。千佛出世不通懺悔。這裏有人謗普賢。定入拔舌地獄。且道謗與不謗者。是誰心不負人面。無慚色上堂。達磨來時。此土皆知梵語。及乎去後。西天悉會唐言。若論直指人心。見性成佛。大似羚羊挂角。獼犬尋蹤。一乘乖疎。萬言無用。可謂來時他笑我。不知去後我笑他。唐言梵語親分付。自古齋僧怕夜茶。上堂臘月初歲云。徂黃河凍已合。深處有嘉魚。活鱖鑽跳不脫。又不能相煦以濕。相濡以沫。慚愧菩薩摩訶薩。春風幾時來。解此黃河凍。令魚化作龍。直透桃華浪。會即便會。癡人面前且莫說。夢上堂。僧問。如何是初日分。以恒河沙等身布施。師曰。從苗辨地。因語識人。曰。如何是中日分。復以恒河沙等身布施。師曰。築著磕著。曰。如何是後日分。亦以恒河沙等身布施。師曰。向下文長。付在來日。復曰。一轉語如天普蓋。似地普擎。一

轉語舌頭不出口。一轉語且喜沒交涉。要會麼。慚愧世尊。面赤不如語直。大小岳上座。口似礪盤。今日爲這問話。僧講經不覺和注脚。一時說破。便下座上。堂啞却我口。直須要道塞却你耳。切忌蹉過。昨日有人從天台來。却道泗洲大聖在洪州打坐。十字街頭賣行貨。是甚麼。斷跟草鞋。尖簷席帽。

福州西禪此庵守淨禪師上堂。談玄說妙。撒屎撒尿。行棒行喝。將鹽止渴。立主立賓。華嚴宗乘。設或總不恁麼。又是鬼窟裏坐。到這裏山僧已是打退鼓。且道諸人尋常心。憤憤口。悻悻合作麼生。莫將閑學解埋沒。祖師心上堂。若也單明自己。不悟目前此人。有眼無足。若也祇悟目前。不明自己。此人。有足無眼。直得眼足相資。如車二輪。如鳥二翼。正好勘過了。打上堂。九夏炎炎。大熱木人汗流不輟。夜來一雨。便涼。莫道山僧不說。以拂子擊禪牀下座。上堂。若欲正提綱。直須大地荒。欲來衝雪刃。未免露鋒鋦。當恁麼時。釋迦老子出頭不得。卽不問你。諸人祇如馬鏡裏藏身。又作麼生。話會上堂。道是常道心。是常心。汝等諸人聞

山僧恁麼道。便道我會也。大盡三十日。小盡二十九。頭上是天。脚下是地。耳裏聞聲。鼻裏出氣。忽若四大海水。在汝頭上。毒蛇穿你眼睛。蝦蟆入你鼻孔。又作麼生。上堂。文殊普賢談理事。臨濟德山行棒喝。東禪一覺到天明。偏愛風從涼處發。咄。上堂。善鬪者不顧其首。善戰者必獲其功。既獲坐致。太平。太平。既致高枕無憂。罷。拈三尺劍。休弄一張弓。歸馬于華山之陽。放牛于桃林之野。風以時而雨。以時漁父歌而樵人舞。雖然如是。堯舜之君。猶有化在。爭似乾坤收不得。堯舜不知名。渾家不管興亡事。偏愛和雲占洞庭。上堂。閉却口。時時說。截却舌。無間歇。無間歇。最奇絕。最奇絕。眼中屑。既是奇絕。爲甚麼却成眼中屑。了了時。無可了。立立處。亦須呵。上堂。祖佛頂額上。有潑天大路。未透生死關。如何敢進步。不進步。大千沒遮護。一句絕言。詮那吒擎鐵柱。開堂拈香罷。就座。南堂和尚白。槌曰。法筵龍象衆。當觀第一義師。隨聲便喝曰。此是第幾義。久參先德。已辨來端。後學有疑。不妨請問。僧問。阿難問迦葉。世尊傳金襴。外別傳何。

物迦葉喚阿難。阿難應諾。未審此意如何。師曰。切忌動著。曰。祇如迦葉道。倒却門前刹竿著。又作麼生。師曰。石牛橫古路。曰。祇如和尚於佛日處。還有這箇消息也。無師曰。無這箇消息。曰。爭奈定光金地遙招手。智者江陵暗點頭。師曰。莫將庭際柏。輕比路傍蒿。僧禮拜。師乃曰。定光金地遙招手。智者江陵暗點頭。已是白雲千萬里。那堪於此未知休。設或於此便休去。一場狼籍不少。還有檢點得出者。麼。如無山僧。今日失利。僧問。佛佛授手。祖祖相傳。未審傳箇甚麼。師曰。速禮三拜。問不施寸刃。請師相見。師曰。逢強卽弱。曰。何得埋兵掉鬪。師曰。祇爲闍黎寸刃不施。曰。未審向上還有事也。無師曰。有曰。如何是向上事。師曰。敗將不斬。問古佛堂前。甚麼人先到。師曰。無眼村翁。曰。未審如何。趣向。師曰。柳栗橫擔。建寧府開善道謙禪師。本郡人。初之京師。依圓悟無所省。發後隨妙喜庵居。泉南及喜領徑山。師亦侍行。未幾令師往長沙。通紫巖居士張公書。師自謂我參禪二十年。無入頭處。更作此行。決定荒廢。意欲無行。

友人宗元者。叱曰。不可在路便參禪。不得也。去吾與汝俱往。師不得已而行。在路泣語元曰。我一生參禪。殊無得力處。今又途路奔波。如何得相應。去元告之曰。你但將諸方參得底。悟得底。圓悟妙喜爲你說得。底。都不要理。會途中可替底事。我盡替你只有五件事。替你不得。你須自家支當。師曰。五件者何。事願聞其要。元曰。著衣喫飯。屙屎放尿。馱箇死屍路上行。師於言下領旨。不覺手舞足蹈。元曰。你此回方可通書。宜前進。吾先歸矣。元卽回徑山。師半載方返。妙喜一見而喜。曰。建州子。你這回別也。住後上堂。竺土大僊。心東西密相付。如何是密付底。心良久云。八月秋何處。熱上堂。壁立千仞。三世諸佛。措足無門。是則是太殺。不近人情。放一線道。十方利海。放光動地。是則是爭奈和泥合水。須知通一線道。處壁立千仞。壁立千仞。處通一線道。橫拈倒用。正按傍提。電激雷奔。崖巖石裂。是則是猶落化門。到這裏。壁立千仞也。沒交涉。通一線道也。沒交涉。不近人情。和泥合水。總沒交涉。只這沒交涉也。則沒交涉。是則是又無佛法道理。若

也。出得這四路頭。管取乾坤獨步。且獨步一句作麼。生道。莫怪從前多意氣。他家曾踏。上頭關。上堂。去年也有箇六月十五。今年也有箇六月十五。去年六月十五。却今年六月十五。今年六月十五。却去年六月十五。多處不用減。少處不用添。既不用添。又不減。則多處多用。少處少用。乃喝一喝曰。是多是少。良久曰。箇中消息。子能有幾人知。上堂。洞山麻三斤。將去無星秤。子上定。過每一斤。恰有一十六兩。二百錢重。更不少一毫。正與趙州殿裏底一般。祇不合被大愚鋸解。秤鎚却教人理會。不得如今。若要理會得。但問取雲門乾屎橛。上堂。有句無句。如藤倚樹。撞倒燈籠。打破露柱。佛殿。奔忙。僧堂。回顧。子細看來。是甚家具。咄。祇堪打老鼠。上堂。諸人從僧堂裏。恁麼上來。少間從法堂頭。恁麼下去。並不曾差了一步。因甚麼。却不曾良久曰。祇爲分明極。驟令所得遲。慶元府育王佛照德光禪師。臨江軍彭氏子。志學之年。依本郡東山光化寺吉禪師落髮。一日入室。吉問。不是心。不是佛。不是物。是甚麼。師罔措。遂致疑。通夕

不寐次日詣方丈請益。昨日蒙和尚垂問。既不是心。又不是佛。又不是物。畢竟是甚麼。望和尚慈悲指示。吉震威一喝曰。這沙彌。更要我與你下注脚。在拈棒劈脊。打出師。於是有省。後謁月庵杲。應庵華百丈。震終不自肯。適大慧領育王四海英材。鱗集師亦與焉。大慧室中問師。喚作竹篋。則觸。不喚作竹篋。則背。不得下語。不得無語。師擬對。慧便棒師。豁然大悟。從前所得。瓦解冰消。初住台之光孝僧。問浩浩塵中。如何辨主。師曰。中峯頂上塔心尖上。堂臨濟三遭痛棒。大愚言下。知歸興。化於大覺棒頭。明得黃檗意旨。若作棒。會入地獄。如箭射。若不作棒。會入地獄。如箭射。衆中商量。盡道赤心片片。恩大難酬。總是識情卜度。未出陰界。且如臨濟悟去。是得黃檗力。是得大愚力。若也見得。許你頂門眼正。肘後符靈。其或未然。鴻福更爲諸人通箇消息。丈夫氣宇衝牛斗。一踏鴻門兩扇開。上堂。七手八脚。三頭兩面耳。聽不聞。眼覷不見。苦樂逆順。打成一片。且道是甚麼。路逢死地。莫打殺。無底籃子。盛將歸上堂。聞聲悟道。落二落三。見色明心。

錯七錯八。生機一路。猶在半途。且道透金剛圈。吞栗棘蓬底。是甚麼人。披蓑側立千峯外。引水澆蔬五老前。師住靈隱。日孝宗皇帝嘗詔問道。留宿內觀堂。奏對機緣。備于本錄。後示寂。塔全身於鄮峯東庵。常州華藏遜庵宗演禪師。福州鄭氏子上堂。拈起拄杖曰。識得這箇。一生參學。事畢。古人怎麼道。華藏則不然。識得這箇。更須買草鞋行脚。何也。到江吳地盡。隔岸越山多。臘旦上堂。一九與二九相逢。不出手。世間出世間。無剩亦無少。遂出手曰。華藏不惜性命。爲諸人出手去也。劈面三拳。攔腮一掌。靈利衲僧。自知痛痒。且轉身一句。作麼生。道巡堂喫茶去。上堂。舉南泉和尚道。我十八上。便解作活計。趙州和尚道。我十八上。便解破家散宅。師云。南泉趙州。也是徐六擔板。祇見一邊華藏也。無活計。可作亦無家宅。可破。逢人突出老拳。要伊直下。便到且道。到後如何。三十六峯觀不足。却來平地倒騎驢。

慶元府天童無用淨全禪師。越州翁氏子上堂。學佛止言真不立。參禪多與道相違。忘機忘境急回首。無

地無雖轉步歸佛不是心亦非覲體承當絕所依萬古碧潭空界月再三撈撈始應知上堂良久召衆曰還知麼復曰敗缺不少上堂學長沙示衆曰百尺竿頭坐底人雖然得入未爲眞百尺竿頭須進步十方世界現全身大慧先師道要見長沙麼更進一步保寧則不然要見長沙麼更退一步畢竟如何換骨洗腸重整頓通身是眼更須參師到靈隱請上堂靈山正派達者猶迷明來暗來誰當辨的雙收雙放孰辨端倪直饒千聖出來也祇結舌有分何故人歸大國方爲貴水到瀟湘始是清復曰適來松源和尚舉竹筴話令天童納敗缺諸人要知麼聽取一頌黑漆竹筴握起迅雷不及掩耳德山臨濟茫然情底如何插觜大慧嘗舉靈雲悟桃華問師曰靈雲一見兩眉橫引得漁翁良計生白浪起時拋一釣任教魚鼈競頭爭師自贊曰匙挑不上箇村夫文墨胷中一點無曾把虛空揣出骨惡聲贏得滿江湖後示寂塔于本山

大潯法寶禪師福州人也上堂喚作竹筴則觸不喚

作竹筴則背直須師子咬人莫學韓獪逐塊阿呵呵會不會金剛脚下鐵崑崙捉得明州懸布袋上堂千般言萬種喻祇要教君早回去夜來一片黑雲生莫教錯却山前路咄

福州玉泉曇懿禪師久依圓悟自謂不疑紹興初出住興化祥雲法席頗盛大慧入闍知其所見未諦致書令來師遲遲慧小參且痛斥仍榜告四衆師不得已破夏謁之慧鞠其所證既而曰汝怎麼見解敢嗣圓悟老人邪師退院親之一日入室慧問我要箇不會禪底做國師師曰我做國師去也慧喝出居無何語之曰香嚴悟處不在擊竹邊俱胝得處不在指頭上師乃頓明後住玉泉爲慧拈香繼省慧於小溪慧陞座舉雲門一日拈拄杖示衆曰凡夫實謂之有二乘析謂之無緣覺謂之幻有菩薩當體卽空衲僧見拄杖子但喚作拄杖子行但行坐但坐總不得動著慧曰我不似雲門老人將虛空刻窟竈薦拈拄杖曰拄杖子不屬有不屬無不屬幻不屬空卓一下曰凡夫二乘緣覺菩薩盡向這裏各隨根性悉得受用

唯於衲僧分上爲害爲冤。要行不得。行要坐不得。坐進一步。則被拄杖子迷却。路頭退一步。則被拄杖子穿却。鼻孔。即今莫有不甘底麼。試出來。與拄杖子相見。如無來年。更有新條在。惱亂春風。卒未休。正恁麼時。合作麼。生下座。煩玉泉爲衆拈出。師登座。敘謝畢。遂舉前話曰。適來堂頭和尚。恁麼批判。大似困魚止。樂病鳥棲蘆。若是玉泉。則不然。拈拄杖曰。拄杖子。能有能。無能。幻。能。空。凡夫二乘。緣覺菩薩。卓一下曰。向這裏百雜碎。唯於衲僧分上。如龍得水。似虎靠山。要行便行。要坐便坐。進一步。則乾坤震動。退一步。則草偃風行。且道。不進不退。一句作麼。生道良久曰。閑持經卷。倚松立。笑問客從何處來。

饒州薦福。悟本禪師。江州人也。自江西雲門參侍妙喜。至泉南小谿。于時英俊畢集。受印可者多矣。師私謂其棄已。且欲發去。妙喜知而語之曰。汝但專意參究。如有所得。不待開口。吾已識也。既而有聞。師入室者。故謂師曰。本侍者參禪許多年。逐日只道得箇不會。師詎之曰。這小鬼。你未生時。我已三度霍山廟裏。

退牙了。好教你知。由是益銳志。以狗子無佛性話。舉無字而提撕。一夕將三鼓。倚殿柱昏寐。聞不覺無字出口。吻忽爾頓悟。後三日。妙喜歸自郡城。師趨丈室。足纔越閭。未及吐詞。妙喜曰。本鬚子這回。方是徹頭也。住後上堂。高揖釋迦。不拜。彌勒者。與三十拄杖。何故爲他。祇會步步登高。高不會從空放下。東家牽犁。西家拽耙者。與三十拄杖。何故爲他。祇會從空放下。不會步步登高。高山僧。恁麼道。還有過也。無衆中莫有點檢得出者麼。若點檢得出。須彌南畔。把手共行。若點檢不出。布袋裏老鴉。雖活如死。上堂。釋迦掩室於摩竭。淨名杜口於毗耶。須菩提。唱無說而顯道。釋梵絕跡。聽而雨華大衆。這一隊不唧唧漢。無端將祖父田園私地。結契各據。四至界分。方圓長短。一時花墜了也。致令後代兒孫。千載之下。上無片瓦。蓋頭下無卓錫之地。博山當時。若見十字路頭。掘箇無底深坑。喚來一時埋却。免見通相鈍置。何謂如此。不見道家肥生孝子。國霸有謀臣。上堂。乾闥婆王。曾奏樂山河大地。皆作舞。爭如跛脚老雲門。解道臘月二十五。博山。

今日有條攀條無條攀例也要應箇時節。驀拈拄杖橫按膝上。作撫琴勢。云。還有聞絃賞音者麼。良久云。直饒便作鳳凰鳴。畢竟有誰知指法。卓一下。下座。慶元府育王大圓遵璞禪師。福州人。幼同玉泉懿問道。圓悟數載後。還里佐懿於莆中。祥雲紹興甲寅。大慧居洋嶼。師往訊之。入室。次慧問三聖。興化出不出。爲人不爲人。話。你道這兩箇老漢。還有出身處也無。師於慧膝上打一拳。慧曰。祇你這一拳爲三聖。出氣爲興化。出氣速。道速。道師擬議。慧便打復謂曰。你第一不得忘了這一棒。後因慧室中問僧曰。德山見僧入門。便棒。臨濟見僧入門。便喝。雪峯見僧入門。便道。是甚麼。睦州見僧。便道。現成公案。放你三十棒。你道這四箇老漢。還有爲人處也無。僧曰。有。慧曰。割僧擬議。慧便喝。師聞。遽領微旨。大慧欣然許之。

溫州鴈山能仁枯木祖元禪師。七閩林氏子。初謁雪峯。預次依佛心。木皆已機契。及依太慧於雲門。庵夜坐。次睹僧剔燈始徹。證有偈曰。剔起燈來。是火歷劫。無明照破。歸堂撞見聖僧。幾乎當面蹉過。不蹉過是

甚麼。十五年前奇特。依前祇是這箇慧。以偈贈之曰。萬仞崖頭解放身。起來依舊却惺惺。饑餐渴飲渾無事。那論昔人非昔人。紹興乙巳春。出住能仁上堂。有佛處不得住。踏著秤鎚硬似鐵。無佛處急走過。脚下草深三尺。三千里外逢人不得錯。舉北斗挂須彌。恁麼則不去也。棒頭挑日月。摘楊華。摘楊華。眼裏瞳人著繡鞋。卓拄杖下座。上堂。鴈山枯才實頭。禪不在尖新語句。邊背手忽然摸得著。長鯨吞月浪滔天。眞州靈巖東庵了性禪師。上堂。勘破了也。放過一著。是衲僧破草鞋。現修羅相。作女人拜。是野狐精。魅打箇圓相。虛空裏下一點。是小兒伎倆。攔腮贈掌拂袖便行。正是業識茫茫。無本可據。直饒向黑豆未生已前。一時坐斷。未有喫靈巖拄杖。分敢問大眾。且道爲人節文在甚麼處。還相委悉麼。自從春色來。嵩少三十六峯青。至今上堂。一葦江頭楊柳春。波心不見昔時人。雪庭要識安心士。鼻孔依然搭上唇。豎起拂子曰。祖師來也。還見麼。若也見得。卽今薦取其或未然。此去西天路。迢迢十萬餘。僧問人天交接如何開示。

師曰金剛手裏八棱棒曰忽被學人橫穿凡聖擊透玄關時又作麼生師曰海門橫鐵柱問如何是獨露身師曰牡丹華下睡貓兒

建康府蔣山一庵善直禪師德安雲夢人初參妙喜於回鴈峯下一日喜問之曰上座甚處人師曰安州人喜曰我聞你安州人會厮撲是否師便作相撲勢喜曰湖南人喫魚因甚湖北人著鞭師打筋斗而出喜曰誰知冷灰裏有粒豆爆出住保寧上堂諸佛不曾出世人人鼻孔遼天祖師不曾西來箇箇壁立千仞高揖釋迦不拜彌勒理合如斯坐斷千聖路頭獨步大千沙界不爲分外若向諸佛出世處會得祖師西來處承當自救不了一生受屈莫有大丈夫承當大丈夫事者麼出來與保寧爭交其或未然不如拽破好便下座一日留守陳丞相俊卿會諸山茶話次舉有句無句如藤倚樹公案令諸山批判皆以奇語取奉師最後曰張打油李打油不打渾身只打頭陳大喜

劍州萬壽自護禪師上堂古者道若人識得心大地

無寸土萬壽卽不然若人識得心未是究竟處且那裏是究竟處拈拄杖卓一下曰甜瓜徹蒂甜苦瓠連根苦

潭州大潯了庵景暈禪師上堂雲門一曲臘月二十五瑞雪飄空積滿江山塢峻嶺寒梅華正吐手把須彌槌笑打虛空鼓驚起憍梵鉢提冷汗透身如雨忽怒阿脩羅王握拳當胷問云畢竟是何宗旨咄少室峯前亦曾錯舉

臨安府靈隱誰庵了演禪師上堂面門拶破天地懸殊打透牢關白雲萬里饒伊兩頭坐斷別有轉身三生六十劫也未夢見在喝一喝下座

泰州光孝寺致遠禪師上堂舉女子出定話乃曰從來打鼓弄琵琶須是相逢兩會家佩玉鳴鸞歌舞罷門前依舊夕陽斜

福州雪峰崇聖普慈蘊聞禪師洪州沈氏子示衆云旃檀叢林旃檀圍繞師子叢林師子圍繞虎狼叢林虎狼圍繞荊棘叢林荊棘圍繞大眾四種叢林合向那一種叢林安居好若也明得九十日內管取箇箇

成佛作祖其或未然般若叢林歲歲凋無明荒草年年長

處州連雲道能禪師。漢州人。姓何氏。僧問鏡清六刮。意旨如何。師曰。穿却你鼻孔。曰。學人有鼻孔。即穿無鼻孔。又穿箇甚麼。師曰。抱賊叫屈。曰。如何是就毛刮。塵。師曰。筠袁虔吉頭上插筆。曰。如何是就皮刮。毛。師曰。石城虔化說話。斯罵曰。如何是就肉刮。皮。師曰。嘉眉果。閬懷裏有狀。曰。如何是就骨刮。肉。師曰。漳泉福建頭。匾如扇。曰。如何是就髓刮。骨。師曰。洋瀾左蠡。無風浪起。曰。髓又如何刮。師曰。十八十九癡人夜走。曰。六刮已蒙師指示。一言直截。意如何。師曰。結舌有分。臨安府靈隱最庵道印禪師。漢州人。上堂。大雄山下。虎南山鼉鼻地。等閑撞著。抱賞歸家。若也不惜好手。便與拔出重牙。有麼。有麼。上堂。五五二十五。擊碎虛空。鼓大地不容針。十方無寸土。春生夏長。復何云。甜者甜。苦者苦。中秋上堂。擊馬大師與西堂百丈。南泉翫月公案。師云。馬大師垂絲千尺。意在深潭。西堂振鬣百丈擺尾。雖則衝波激浪。未免上他鈎線。南泉

自謂躍過禹門。誰知依前落在巨網。即今莫有絕羅籠出窠。曰。底麼。也好出來露箇消息。貴知華藏門下。不致寂寥。其或未然。此夜一輪滿。清光何處無。建寧府竹原宗元庵主。本郡連氏子。久依大慧分座。西禪丞相張公浚。帥三山。以數院迎之。不就。歸舊里。結茆號衆妙園。宿衲士夫交請。開法示衆。曰。若究此事。如失却鑰匙。相似祇管尋來尋去。忽然撞著。噤在這裏。開箇鑰了。便見自家庫藏。一切受用。無不具足。不假他求。別有甚麼事。示衆。曰。諸方爲人抽釘拔楔。解黏去縛。我這裏爲人添釘著楔。加繩加縛了。送向深潭裏。待他自去理會。示衆。曰。主法之人。氣吞宇宙。爲大法王。若是釋迦老子。達磨大師。出來也教伊叉手。向我背後立地。直得寒毛卓豎。亦未爲分外。一日。舉世尊生下一手指天。一手指地。云。天上天下。唯我獨尊。師乃曰。見怪不怪。其怪自壞。垂語云。這一些子。恰如撞著殺人漢。相似你若不殺了他。他便殺了你。近禮侍者三山人。久侍大慧。嘗默究竹筴話。無所入。一日入室。罷求指示。慧曰。你是福州人。我說箇喻。向

你如將名品荔枝和皮殼一時剝了。以手送在你口裏。祇是你不解吞。師不覺失笑。曰。和尚吞却。卽禍事。慧後問師曰。前日吞了底荔枝。祇是你不知滋味。師曰。若知滋味。轉見禍事。

溫州淨居尼妙道禪師。延平尚書黃公裳之女。開堂曰。乃曰。問話且止。直饒有傾瀉之辯。倒嶽之機。禪僧門下一點用不著。且佛未出世時。一事全無。我祖西來。便有許多建立。列剎相望。星分派列。以至今日。累及兒孫。遂使山僧於人天大衆前。無風起浪。向第二義門。通箇消息。語默該不盡底。彌亘大方。言詮說不及處。徧周沙界。通身是眼。覷面當機。電卷星馳。如何湊泊。有時一喝。生殺全威。有時一喝。佛祖莫辨。有時一喝。八面受敵。有時一喝。自救不了。且道那一喝。是生殺全威。那一喝。是佛祖莫辨。那一喝。是八面受敵。那一喝。是自救不了。若向這裏。薦得堪。報不識之恩。脫或未。然山僧無夢。說夢去也。拈起拂子曰。還見麼。若見。被見刺所障。擊禪牀曰。還聞麼。若聞。被聲塵所惑。直饒離見絕聞。正是二乘小果。跳出一。步。蓋色騎。

聲全放。全收。主賓互換。所以道。欲知佛性義。當觀時節。因緣。敢問諸人。卽今是甚麼時節。蕩蕩仁風。扶聖化。熙熙和氣。助昇平。擲拂子下座。尼問。如何。是佛師曰。非佛曰。如何。是佛法。大意師曰。骨底骨董。問言無展事。語不投機。時如何。師曰。未。屑已。前墮坑落堑。平江府資壽尼無著妙總禪師。丞相蘇公頌之孫女也。年三十許。厭世浮休。脫去緣飾。咨參諸老。已入正信。作夏徑山大慧陞堂。舉藥山初參石頭後見馬祖。因緣師聞。豁然省悟。慧下座。不動居士馮公。機隨至。方丈曰。某理會得。和尚適來所舉公案。慧曰。居士如何。曰。怎麼也不得。囉。囉。娑婆訶。不怎麼也不得。囉。囉。娑婆訶。怎麼也不得。囉。囉。娑婆訶。不怎麼也不得。囉。囉。娑婆訶。慧舉似師師曰。曾見郭象註莊子。識者曰。却是莊子註郭象。慧見其語異。復舉巖頭婆子話。問之。師答偈曰。一葉扁舟泛渺茫。呈機舞棹別宮商。雲山海月都拋却。贏得莊周蝶夢長。慧休去。馮公疑其所悟。不根後過無錫。招至舟中。問曰。婆生。七子六箇。不遇知音。祇這一箇。也不消得。便棄水中。大慧老師言。道人理會得。

且如何會師曰。已上供通。並是詣實。馮公大驚。慧挂牌次。師入室。慧問。古人不出方丈。爲甚麼却去莊上喫油糞。師曰。和尚放妙總。過妙總。方敢通箇消息。慧曰。我放你過。你試道看。師曰。妙總亦放。和尚過。慧曰。爭奈油糞。何。師喝一喝而出。於是聲聞四方。隆興改元。舍人張公孝祥來守是郡。以資壽挽開法入院上堂。宗乘一唱三藏。絕詮祖令。當行十方。坐斷二乘。聞之怖走。十地到此猶疑。若是俊流。未言而諱。設使用移星換斗。底手段。施擄旗奪鼓。底機關。猶是空拳。豈有實義。向上一路。千聖不傳。學者勞形。如猿捉影。靈山付囑。俯狗時機。演唱三乘。各隨根器。始於鹿野苑。轉四諦法輪。度百千萬衆。山僧今日。與此界他方。乃佛乃祖。山河大地。草木叢林。現前四衆。各轉大法輪。交光相羅。如寶絲網。若一草一木。不轉法輪。則不得名爲轉大法輪。所以道於一毫端。現寶王刹。坐微塵裏。轉大法輪。乘時於其中間。作無量無邊廣大佛事。周遍法界。一爲無量無量爲一。小中現大大中現小。不動步游彌勒樓閣。不返聞入觀音普門。情與無情。

性相平等。不是神通妙用。亦非法爾。如然於此。個個分明。皇恩佛恩。一時報足。且道如何是報恩。一句天高。群象正海。瀾百川朝上。堂舉雲門示衆云。十五日已前。則不問十五日已後。道將一句來自代云。日日是好日。師曰。日日是好日。佛法世法。盡周畢。不須特地覓幽玄。祇管鉢盂兩度濕。上堂。黃面老人。橫說豎說。權說實說。說法說喻。說建法幢。立宗旨。與後人作榜樣。爲甚麼却道。始從鹿野苑。終至跋提河。於是二中間。未嘗說一字。點檢將來。大似抱贓叫屈。山僧今日人事忙冗。且放過一著。便下座。尼問。如何是奪人不奪境。師曰。野華開滿路。徧地是清香。曰。如何是奪境不奪人。師曰。茫茫宇宙。人無數。幾箇男兒。是丈夫。曰。如何是人境俱不奪。師曰。處處綠楊堪繫馬。家家門首透長安。曰。如何是人境兩俱奪。師曰。雪覆蘆華舟。橫斷岸。曰。人境已蒙師指示。向上宗乘事。若何。師便打。侍郎無垢居士張九成未第時。因客談楊文公呂微仲諸名儒所造精妙。皆由禪學而至也。於是心慕之。

聞寶印楚明禪師道傳大通居淨慈卽之請問入道之要明日此事唯念念不捨久久純熟時節到來自然證入復舉趙州栢樹子話令時時提撕公久之無省辭謁善權清禪師公問此事人人有分箇箇圓成是否清曰然公曰爲甚麼某無箇入處清於袖中出數珠示之曰此是誰底公俛仰無對清復袖之曰是汝底則拈取去纔涉思惟卽不是汝底公悚然未幾留蘇氏館一夕如廁以栢樹子話究之聞蛙鳴釋然契人有偈曰春天月夜一聲蛙撞破乾坤共一家正恁麼時誰會得嶺頭脚痛有玄沙屈明謁法印一禪師機語頗契適私忌就明靜庵供雲水主僧惟尙禪師纔見乃展手公便喝尙批公頰公趨前尙曰張學錄何得謗大般若公曰某見處祇如此和尙又作麼生尙舉馬祖陞堂百丈卷席話詰之紋語未終公推倒卓子尙大呼張學錄殺人公躍起問傍僧曰汝又作麼生僧罔措公毆之顧尙曰祖禪不了殃及兒孫尙大笑公獻偈曰卷席因緣也大奇諸方聞學盡攢眉臺盤趯倒人星散直漢從來不受欺尙答曰從來

高價不饒伊百戰場中奮兩眉奪角衝關君會也叢林誰敢更相欺紹興癸丑魁多士復謁尙於東庵尙曰浮山圓鑑云饒你入得汾陽室始到浮山門亦未見老僧在公作麼生公叱侍僧曰何不祇對僧罔措公打僧一掌曰蝦蟆窟裏果沒蛟龍丁巳秋大慧禪師董徑山學者仰如星斗公閱其語要歎曰是知宗門有人持以語尙恨未一見及爲禮部侍郎偶參政劉公請慧說法于天竺公三往不值暨慧報謁公見但寒暄而已慧亦默識之尋奉祠還里至徑山與馮給事諸公議格物慧曰公祇知有格物而不知有物格公茫然慧大笑公曰師能開諭乎慧曰不見小說載唐人有與安祿山謀叛者其人先爲闕守有畫像在焉明皇幸蜀見之怒令侍臣以劍擊其像首時闕守居陝西首忽墮地公聞頓領深旨題不動軒壁曰子韶格物妙喜物格欲識一貫兩箇五百慧始許可後守邵陽丁父難過徑山飯僧秉鈞者意慧議及朝政遂竄慧於衡陽令公居家守服服除安置南安丙子春蒙恩北還道次新淦而慧適至與聯舟劇談宗

要未嘗語往事于氏心傳錄曰憲自嶺下侍舅氏歸新淦因會大慧舅氏令拜之憲曰素不拜僧舅氏曰汝姑扣之憲知其嘗執卷遂舉子思中庸天命之謂性率性之謂道修道之謂教三句以問慧曰凡人既不知本命元辰下落處又要牽好人入火坑如何聖賢於打頭一著不鑿破憲曰吾師能爲聖賢鑿破否慧曰天命之謂性便是清淨法身率性之謂道便是圓滿報身修道之謂教便是千百億化身憲得以告舅氏曰子拜何辭繼鎮永嘉丁丑秋丐祠枉道訪慧於育王越明年慧得旨復領徑山謁公於慶善院曰某每於夢中必誦語孟何如慧舉圓覺曰由寂靜故十方世界諸如來心於中顯現如鏡中像公曰非老師莫聞此論也其頌黃龍三關曰我手何似佛手下衲僧無口縱饒掾起便行也是鬼窟裏走得不我脚何似驢脚又被綱膠粘著翻身直上兜率天已是遭他老鼠藥吐不人人有箇生緣處鐵圍山下幾千年三灾直到四禪天這驢猶自在旁邊無得公設心六度不爲子孫計因取華嚴善知識曰供其二回食

以飯緇流又嘗供十六大天而諸位茶杯悉變爲乳書偈曰稽首十方佛法僧稽首一切護法天我今供養三寶天如海一滴牛一毛有何妙術能感格試借意識爲汝說我心與佛天無異一塵纔起大地隔儻或塵銷覺圓淨是故佛天來降臨我欲供佛佛卽現我欲供天天亦現佛子若或生狐疑試問此乳何處來狐疑卽塵塵卽疑終與佛天不相似我今爲汝掃狐疑如湯沃雪火銷冰汝今微有疑與惑鷄子便到新羅國

參政李邨居士字漢老醉心祖道有年聞大慧排默照爲邪禪疑怒相半及見慧示衆舉趙州庭栢垂語曰庭前栢樹子今日重新舉打破趙州關特地尋言語敢問大衆既是打破趙州關爲甚麼却特地尋言語良久曰當初祇道茆長短燒了方知地不平公領悟謂慧曰無老師後語幾蹉過後以書咨決曰某近扣籌室承擊發蒙滯忽有省入顧惟根識暗鈍平生學解盡落情見一取一捨如衣壞絮行草棘中適自纏繞今一笑頓釋所疑欣幸可量非大宗匠委曲垂

慈何以致此。自到城中。著衣喫飯。抱子弄孫。色色仍舊。既無拘執之情。亦不作奇特之想。其餘夙習舊障。亦稍輕微。臨行叮嚀之語。不敢忘也。重念始得入門。而大法未明。應機接物。觸事未能無礙。更望有以提誨。使卒有所至。庶無玷於法席矣。又書曰。某比蒙誨答。備悉深旨。某自驗者。三一事無逆順。隨緣卽應。不留習中。二宿習濃厚。不加排遣。自爾輕微。三古人公案。舊所茫然。時復瞥地。此非自昧者。前書大法未明之語。蓋恐得少爲足。當續而充之。豈別求勝解耶。淨勝現流。理則不無。敢不銘佩。

寶學劉彥脩居士字子羽。出知永嘉。問道於大慧禪師。慧曰。僧問趙州。狗子還有佛性也。無。趙州道無但恁麼看。公後乃於栢樹子上。發明有頌曰。趙州栢樹太無端。境上追尋也太難。處處綠楊堪繫馬。家家門底透長安。

提刑吳偉明居士字元昭。久參真歇了禪師。得自受用。三昧爲極。致後訪大慧於洋嶼庵。隨衆入室。慧舉狗子無佛性話。問之。公擬答。慧以竹筴便打。公無對。

遂留咨參。一日慧謂曰。不須呈伎倆。直須啐地折墮地。斷方敵得生死。若祇呈伎倆。有甚了期。卽辭去。道次延平。倏然契悟。連書數頌寄慧。皆室中所問者。有曰。不是心。不是佛。不是物。通身一具金鎖骨。趙州親見老南泉。解道鎮州出。蘿蔔慧卽說偈證之曰。通身一具金鎖骨。堪與人天爲軌。則要識臨濟小厮兒。便是當年白拈賊。

門司黃彥節居士字節夫。號妙德。於大慧一喝下。疑情頓脫。慧以衣付之。嘗舉首山竹筴話。至葉縣近前。奪得拗折。嚮堦下曰。是甚麼山。曰。瞎公曰。妙德到這裏。百色無能。但記得曾作蠟梅絕句曰。擬嚼枝頭蠟。驚香却肖蘭。前村深雪裏。莫作嶺梅看。

秦國夫人計氏法真。自寡處。屏去紛華。常蔬食。習有爲法。因大慧遣謙禪者致問。其子魏公公留謙以祖道誘之。眞一日問謙曰。徑山和尚尋常如何爲人。謙曰。和尚祇教人看狗子無佛性。及竹筴子話。祇是不得下語。不得思量。不得向舉起處會。不得向開口處承當。狗子還有佛性也。無。祇恁麼教人看。眞遂諦

信於是夜坐力究前話忽爾洞然無滯謙辭歸真親書入道槩略作數偈呈慧其後曰逐日看經文如逢舊識人莫言頻有礙一舉一回新

虎丘隆禪師法嗣

明州天童應庵曇華禪師斬州江氏子生而奇傑年十七於東禪去髮首依水南遂禪師染指法味因徧歷江湖與諸老激揚無不契者至雲居禮圓悟禪師悟一見痛與提策及入蜀指見彰教教移虎丘師侍行未半載頓明大事去謁此庵分座連雲開法妙嚴後遷諸巨刹住歸宗日大慧在梅陽有僧傳師垂示語句慧見之極口稱歎後以偈寄曰坐斷金輪第一峯千妖百怪盡潛蹤年來又得真消息報道楊岐正脉通其歸重如此上堂九年面壁壞却東土兒孫隻履西歸鈍置黃面老子以拄杖畫一畫曰石牛欄古路一馬生三寅上堂德章老瞎禿從來沒滋味拈得口失却鼻三更一點唱巴歌無端驚起梵王睡喝一喝曰我行荒草裏汝又入深村上堂臨濟在黃檗處三度喫棒底意旨你諸人還覷得透也未直饒一咬

便斷也未是大丈夫漢三世諸佛口挂壁上天下老和尚將甚麼喫飯上堂十五日已前水長船高十五日已後泥多佛大正當十五日東海鯉魚打一棒雨似盆傾直得三千大千世界一切衆生悉皆歡喜謂言打這一棒不妨應時應節報恩不覺通身踊躍遂作詩一首舉似大眾蜻蜓許是好蜻蜓飛來飛去不曾停被我捉來摘却兩邊翼恰似一枚大鐵釘上堂若作一句商量喫粥飯阿誰不會不作一句商量尿坑裏蟲子笑殺闍黎拈拄杖曰拄杖子罪犯彌天貶向二鐵圍山且道薦福還有過也無卓拄杖曰遲一刻上堂明不見暗暗不見明明暗雙忘無異流俗阿師野干鳴師子吼師子吼野干鳴三家村裏臭胡孫價增十倍驪龍領下明月珠分文不直若作衲僧巴鼻甚處得來三十年後換手搥背未是苦在上堂飯籬邊漆桶裏相唾饒你潑水相罵饒你接觜黃河三千年一度清蟠桃五百年一次開華鶴勒那咬定牙關朱頂王呵呵大笑歸宗五十年前有一則公案今日舉似諸人且道是甚麼公案王節級失却帖上堂

三十二相八十種好。從朝至暮。啾啾唧唧。說黃道黑。不知那裏是二時上堂喫粥喫飯。不覺嚼破舌頭。血濺梵天。四天之下。霈然有餘玉皇大帝。發追東海龍王。向金輪峯頂。勸頃刻之間。追汝諸人作證見也。且各請依實供通。切忌回避。儻若不實。喪汝性命。上堂。趙州喫茶。我也怕他。若非債主。便是冤家。倚牆靠壁。成羣隊。不知誰解辨。龍地上堂。五百力士。揭石義萬仞崖頭。撒手行十方世界。一團鐵虛空。背上白毛生。直饒拈却胭脂帽子。脫却鶻臭布衫。向報恩門下。正好喫棒。何故半夜起來。屈膝坐毛頭。星現衲僧前。上堂。三世諸佛。眼裏無筋。六代祖師。皮下無血。明果咬定牙關。踴跳也。出他圈。積不得。何故南泉斬貓兒。上堂。云參禪人。切忌錯用心。悟明見性是錯。用心成佛作祖是錯。用心看經講教是錯。用心行住坐臥是錯。用心喫粥喫飯是錯。用心屙屎送尿是錯。用心一動一靜。一往一來。是錯。用心更有一處錯。用心歸宗。不敢與諸人說。破何故。一字入公門。九牛車不出。上堂。云良工未出玉石。不分巧治無人。金沙混雜。縱使

無師自悟。向天童門下。正好朝打三千。暮打八百。蒸拈拄杖。云喚作拄杖。玉石不分。不喚作拄杖。金沙混雜。其間一箇半箇。善別端由。管取平步丹霄。苟或未然。卓拄杖。云急著眼看。僧問。婆子問巖頭。呈機舞棹。則不問。且道。婆手中兒子。甚處得來。巖頭扣船舷。三下。意旨如何。師曰。焦磚打著。連底凍。曰。當時若問和尚。如何對他。師曰。一棒打殺。曰。這老和尚。大似買帽相頭。師曰。你向甚處見巖頭。曰。劉師曰。杜撰。禪和曰。婆生七子。六箇不遇知音。祇這一箇。也不消得。擲向水中。又且如何。師曰。少賣弄。曰。巖頭當時不覺吐舌。意作麼生。師曰。樂則同。歎曰。僧問雲門。如何是清淨法身雲門。曰。華藥欄。此意如何。師曰。深沙努眼睛。問祇這是埋沒自己。祇這不是孤負先聖。去此二途。和泥合水。處請師道。師曰。玉箸撐虎口。曰。一言金石。談來重萬事。鴻毛脫去輕。師曰。莫謾老僧。好問人皆畏炎熱。我愛夏日長。熏風自南來。殿閣生微涼。時如何。師曰。倒戈卸甲。虎丘忌日。拈香曰。平生沒興。撞著這無意智老和尚。做盡伎倆。潦泊不得。從此卸却干戈。

隨分著衣喫飯。二十年來坐曲肱。木懸羊頭賣狗肉。知他有甚憑據。雖然一年一度燒香。日千古令人恨。轉深。師於室中能鍛鍊者。艾故世稱大慧。與師居處。爲二甘露門。嘗誡徒曰。衲僧家著草鞋住院。何啻如。玩蛇戀窟乎。隆興改元六月十三日。奄然而化。塔全身于本山。

育王裕禪師法嗣

福州清涼坦禪師。有僧舉大慧竹篋話請益。師示以偈曰。徑山有箇竹篋。直下別無道理。佛殿廚庫三門。穿過衲僧眼耳。其偈言下有省。

臨安府淨慈水庵師。一禪師。婺州馬氏子。十六披削。首參雪峯慧照禪師。照舉藏身無迹話。問之師。數日方明。呈偈曰。藏身無迹更無藏。脫體無依便斯當。古鏡不勞還自照。淡煙和霧濕秋光。照質之曰。畢竟那裏是藏身無迹處。師曰。嘎。照曰。無蹤迹處。因甚麼莫藏身。師曰。石虎吞却木羊兒。照深肯之。住後上堂。舉圓悟師翁道。參禪參到無參處。參到無參始徹頭。水庵則不然。參禪參到無參處。參到無參未徹頭。若也

欲窮千里目。直須更上一層樓。上堂。凍雲欲雪。未雪。普賢象駕崢嶸。嶺梅半合。半開。少室風光漏泄。便恁麼去。猶是半提。作麼生是全提。底事無智人前。莫說打你頭。破額裂上堂。舉法眼示衆曰。盡十方世界明。皎皎地。若有一絲頭。卽是一絲頭。師豎起拂子曰。還見麼。穿過觸體。猶未覺。法燈云。盡十方世界自然明。皎皎地。若有一絲頭。不是一絲頭。師曰。夜來月色十分好。今日秋山無限清。上堂。寂然不動。感而遂通。古人恁麼說話。大似預搔待痒。若教渠踏著衲僧關捩。管取別有生涯。喝一喝。卓拄杖下座。

安吉州道場無庵法全禪師。姑蘇陳氏子。東齋川和尚。爲落髮師。久依佛智。每入室。智以狗子無佛性話。問之師。罔對。一日。聞僧舉五祖頌云。趙州露刃。劍忽大悟。有偈曰。鼓吹轟轟祖半肩。龍樓香噴益州船。有時赤脚弄明月。踏破五湖波底天。住後上堂。欲得現前。莫存順逆。卓拄杖云。三祖大師。變作馬面。夜叉向東。弗于逮西。瞿耶尼南。瞻部洲北。鬱單越却來。山僧手裏。首身元來。只是一條黑漆。拄杖還見麼。直饒見

得入地獄如箭射卓拄杖下座上堂拈拄杖曰汝等諸人箇箇頂天立地肩橫柳栗到處行脚勘驗諸方更來這裏覓箇甚麼纔輕拶著便言天台普請南嶽遊山我且問你還曾收得大食國裏寶刀麼卓拄杖曰切忌口街羊角僧問牛頭未見四祖時如何師曰天下無貧人曰見後如何師曰四海無富漢乾道己丑七月二十五日將入寂衆求偈師瞪目下視衆請益堅遂書無無二字棄筆而逝火後設利五色塔于金斗峯

泉州延福寒巖慧升禪師建寧人也上堂喝一喝曰盡十方世界會十世古今都盧在裏許箇箇塞塞了也若乃放開一鍼鋒許則大海西流巨嶽倒卓龜鼉魚龍鰕蟹蚯蚓盡向平地上湧出波瀾游泳鼓舞然雖如是更須向百尺竿頭自進一步則步步踏轉無盡藏輪方知道鼻孔搭在上脣眉毛不在眼下還相委悉麼復喝一喝曰切忌轉喉觸諱

大潯泰禪師法嗣

潭州慧通清日禪師蓬州嚴氏子初出關主德山值

泰上堂舉趙州曰臺山婆子已爲汝勘破了也且道意在甚麼處良久曰就地撮將黃葉去入山推出白雲來師聞釋然翌日入室山問前百丈不落因果因甚麼墮野狐後百丈不味因果因甚麼脫野狐師曰好與一坑埋却住後上堂說佛說祖正如好肉剜瘡舉古學今猶若殘羹餽飯一聞便悟已落第二頭一舉便行早是不著便須知箇事如天普蓋似地普擎師子遊行不求伴侶壯士展臂不借他力佛祖拈撥不起衲僧願見無門迷悟雙忘聖凡路絕且道從上諸聖以何法示人喝一喝曰莫妄想佛性和尙忌日上堂三脚驢子弄蹄行步步相隨不相到樹頭驚起雙雙魚拈來一老一不老爲憐松竹引清風其奈出門便是草因喚檀郎識得渠大機大用都推倒燒香勘證見根源糞埽堆頭拾得寶叢林浩浩護商量勸君莫謗先師好

潯州靈巖仲安禪師幼爲比丘壯遊講肆後謁圓悟於蔣山時佛性爲座元師扣之卽領旨逮性住德山遣師至踵阜通嗣書圓悟問曰千里馳來不辱宗風

公案現成如何通信師曰觀面相呈更無回互曰此是德山底那箇是上座底師曰豈有第二人曰背後底覺師投書悟笑曰作家禪客天然有在師曰付與蔣山次至僧堂前師捧書問訊首座座曰玄沙白紙此自何來師曰久默斯要不務速說今日拜呈幸希一覽座便喝師曰作家首座座又喝師以書便打座擬議師曰未明三八九不免自沈吟師以書復打一下曰接時圓悟與佛眼見悟曰打我首座死了也佛眼曰官馬厮踢有甚憑據師曰說甚官馬厮踢正是龍象蹴踏悟喚師至曰我五百人首座你爲甚麼打他曰和尚也須喫一頓始得悟顧佛眼吐舌眼曰未在和顧師問曰空手把鉏頭步行騎水牛人從橋上過橋流水不流意作麼生師鞠躬曰所供並是詣實眼笑曰元來是屋裏人又往見五祖自和尚通法眷書祖曰書裏說箇甚麼師曰文彩已彰曰畢竟說箇甚麼師曰當陽揮霍劍曰近前來這裏不識幾箇字師曰莫詐敗祖顧侍者曰是那裏僧曰此上座向曾在和尚會下去祖曰怪得恁麼滑頭師曰被和尚鈍

置來祖乃將書於香爐上熏曰南無三曼多沒陀南師近前彈指而已祖便開書回德山曰佛果佛眼皆有偈送之未幾靈巖虛席衲子投牒乞師住持遂師法焉上堂參禪不究淵源觸途盡爲留礙所以守其靜默澄寂虛閑墮在毒海以弱勝強自是非他立人我量見處偏枯遂致優劣不分照不構用用不離窠此乃學處不立盡爲流俗到這裏須知有殺中透脫活處藏機佛不可知祖莫能測所以古人道有時先照後用且要共你商量有時先用後照你須是箇漢始得有時照用同時你又作麼生抵當有時照用不同時你又向甚麼處湊泊還知麼穿楊箭與驚人句不是臨時學得來

成都府正法瀨禪師上堂舉永嘉到曹谿因緣乃曰要識永嘉麼掀翻海嶽求知已要識祖師麼撥動乾坤建太平二老不知何處去卓拄杖曰宗風千古播嘉聲

成都府昭覺辯禪師上堂毫釐有差天地懸隔隔江人唱鷓鴣詞錯認胡笳十八拍要會麼欲得現前莫

存順逆五湖煙浪有誰爭自是不歸歸便得

護國元禪師法嗣

台州國清簡堂行機禪師本郡人姓楊氏風姿挺異才壓儒林年二十五棄妻孥學出世法瞬見此庵密有契證出應荒山刀耕火種單丁者一十七年嘗有偈云地爐無火客囊空雪似楊華落歲窮拾得斷麻穿屨納不知身在寂寥中每謂人曰某猶未穩在豈以住山樂吾事邪一日偶看斫樹倒地忽然大悟平昔礙膺之物泮然冰釋未幾有江州圓通之命乃曰吾道將行即欣然曳杖而去登座說法云圓通不開生藥鋪單單只賣死貓頭不知那箇無思算喫著通身冷汗流上堂單明自己樂是苦因趨向宗乘地獄劫住五日一參三八普說自揚家醜更若問理問事問心問性克山叵耐若是英靈漢窺藩不入據鼎不嘗便於未有生佛已前轉得身却於今時大官路上捷行闊步終不向老鼠窟草窠裏頭出頭沒若也根性陋劣要去有滋味處咬嚼遇著義學阿師遞相錮鑊直饒說得雲興雨現也是蝦蟇化龍下梢依舊喫

泥契土堪作甚麼上堂仲秋八月旦庭戶入新涼不露風骨句愁人知夜長上堂無物宿恩可參臨濟禪有肯諾意難續楊岐派窮斯煎餓斯炒大海祇將折箸攪你死我活猛火然鐺煮佛喋恁麼作用方可撐門拄戶更說聲和響順形直影端驢年也未夢見僧問三聖問雪峯透網金鱗未審以何爲食峯云待汝出網來即向汝道意旨如何師曰同途不同轍曰三聖道一千五百人善知識話頭也不識峯云老僧住持事繁又作麼生師曰前箭猶輕後箭深曰祇如雪竇道可惜放過好與三十棒這棒一棒也較不得直是罕遇作家意又作麼生師曰陣敗說兵書曰這棒是三聖合喫雪峯合喫師以拂子擊禪牀曰這裏薦取示衆云衲僧拄杖子不用則已用則如鴛鳥落水魚鼈皆死正按傍提風颯颯地獨步大方殺活在我所以道千人排門不如一人拔關若一人拔關千人萬人得到安樂田地還知麼鴛鴦繡出從君看不把金鍼度與人示衆云觀色即空成大智故不住生死觀空即色成大悲故不證涅槃生死不住涅槃不證

漢地不收秦地。不管且道在甚麼處安身立命。莫是昭昭於心目之間。而相不可覩。晃晃於色塵之內。而理不可分麼。莫是起坐鎮相隨。語默同居止麼。若恁麼總是觸瞞。前敲磕須知過量。人自有過量用。且作麼生是過量用。北斗藏身。雖有語出羣消息。少人知。鎮江府焦山。或庵師體禪師。台州羅氏子。上堂。舉臨濟示衆四喝公案。乃召衆曰。這箇公案。天下老宿拈綴甚多。第恐皆未盡善。焦山不免四稜著地。與諸人分明注解。一偏如何是踞地師子。咄如何是金剛王寶劍。咄如何是探竿影草。咄如何是一喝不作一喝用。咄若也未會拄杖子。與焦山吐露看。卓一下曰。笑裏有刀。又卓一下曰。毒蛇無眼。又卓一下曰。惡俊不。禁又卓一下曰。出門是路。更有一機。舉話長老也。理會不得。上堂。年年浴佛在今朝。目擊迦維路不遙。果是當時曾示現。宜乎惡水烹頭。澆上堂。熱月須搖扇。寒來旋著衣。若言空過日。大似不知時。上堂。道生一無角鐵牛。眠少室。一生二。祖父開田說大義。一生三。梁間紫燕語呢喃。三生萬物男兒活計。離窠宿多處。

添少處滅大蟲。怕喫生人膽。有若無實。若虛爭掩。龍明月珠。是則是祇如焦山坐斷。諸方舌頭一句作麼生。道肚無偏僻。病不怕冷油壺。拍禪牀下座。僧問如何是。卽心卽佛。師曰。鼎州出獐。爭神曰。如何是非心。非佛。師曰。閩蜀同風。曰。如何是不是。心不是。佛不是。物。師曰。窮坑難滿。問起滅不停時。如何。師曰。謝供養。問我有沒絃琴。久居在曠野。不是不會彈。未遇知音者。知音既遇。未審如何品弄。師曰。鐘作鐘。鳴。鼓作鼓。響。曰。雲門放洞山三頓棒意。旨如何。師曰。和身倒。曰。淚出痛腸。曰。真金須是紅爐煅。白玉還他妙手磨。師曰。添一點也難爲室。中常舉苕帚柄。問學者曰。依佛苕帚柄。秀髻赤斑。地衆皆下語。不契。有僧請益。師示以頌曰。依佛苕帚柄。秀髻赤斑。地棒下無生忍。臨機不識爺。淳熙己亥八月朔。示微疾。染翰別郡守。曾公逮夜半書偈辭衆曰。鐵樹開華。雄雞生卵。七十二。年搖籃繩斷。擲筆示寂。常州華藏湛堂智深禪師。武林人也。佛涅槃日上堂。

兜率降生雙林示滅掘地討天。虛空釘橛四十九年。播土揚塵三百餘會。納盡敗缺。盡力布網。張羅未免。喚龜作鼈。末後拘尸城畔。擲示雙趺。旁人冷眼看來。大似弄巧成拙。卓拄杖曰。若無這箇道理。千古之下。誰把口說。且道是甚麼道理。癡人面前切忌漏洩。參政錢端禮居士字處和號松窓。從此庵發明已事。後於宗門旨趣。一一極之。淳熙丙申冬。簡堂歸住平田。遂與往來。丁酉秋。微恙修書召堂及國清瑞巖主僧有訣別之語。堂與二禪詣揚次公起。趺坐言笑。移時。卽書曰。浮世虛幻。本無去來。四大五蘊。必歸終盡。雖佛祖具大威德力。亦不能免。這一著。子天下老和尚。一切善知識。還有跳得過者。無蓋爲地。水火風因緣。和合暫時湊泊。不可錯認爲已。有大丈夫磊磊落落。當用處。把定立處。皆眞順風使帆。上下水皆可因齋慶贊去。留自在。此是上來諸聖開大解脫一路。涅槃門本來清淨。空寂境界。無爲之大道也。今吾如是。豈不快哉。屢勞外緣。一時掃盡。荷諸山垂顧。咸願證明。伏惟珍重。置筆顧簡堂曰。某坐去。好臥去。好堂曰。

相公去便了。理會甚坐與臥耶。公笑曰。法兄當爲祖道自愛。遂歛目而逝。

靈隱遠禪師法嗣

慶元府東山全庵齊已禪師。卽州謝氏子。上堂舉修山主偈曰。是柱不見柱。非柱不見柱。是非已去了。是非裏薦取。召大眾曰。薦得是移華兼蝶。至薦得非擔泉帶月歸。是也好。鄭州黎勝。青州棗非也好。象山路入蓬萊島。是亦沒交涉。踏著秤錘硬似鐵。非亦沒交涉。金剛寶劍當頭截。阿呵呵。會也麼。知事少時煩惱少。識人多處是非多。連社會道友。請上堂漸漸雞皮龜髮。父少而子老。看看行步踉蹌。疑殺木上座。直饒金玉滿堂。照顧白拈賊。豈免衰殘老病。正好著精彩。任汝千般快樂。渠儂合自由。無常終是到來歸。堂喫茶去。唯有徑路修行。依舊打之遠。但念阿彌陀佛。念得不濟事。復曰。噫。這條活路已被善導和尚直截指出了。也是你話人。朝夕在徑路中。往來因甚麼當面蹉過。阿彌陀佛。這裏薦得便可除迷倒。障拔猶豫箭。截疑惑網。斷癡愛河。伐心稠林。浣心垢濁。正心詔曲。

絕心生死。然後轉入那邊。擡起脚向佛祖履踐不到處。進一步。開却口向佛祖言。諍不到處。說一句。喚回善導和尚。別求徑路。修行其或準前捨父逃走。流落他鄉。撞東磕西。苦哉阿彌陀佛。

撫州疎山歸雲如本禪師。台城人也。上堂。久雨不晴。戊在丙丁。通身泥水。露出眼睛。且道是甚麼眼睛。卓拄杖曰。林間泥滑滑。時叫兩三聲。

覺阿上人。日本國藤氏子也。十四得度。受具。習大小乘有聲。二十九屬商者。自中都回。言禪宗之盛。阿奮然拉法弟金渡。航海而來。袖香拜靈隱僧海禪師。海問其來。阿輒書而對復書曰。我國無禪宗。唯講五宗。經論國主無姓氏。號金輪王。以嘉應改元。捨位出家。名行真年四十四。王子七歲。令受位。今已五載。度僧無進納。而講義高者。賜之某等。仰服聖朝。遠公禪師之名。特詣丈室。禮拜願傳心印。以度迷津。且如心佛及衆生。是三無差別。離相離言。假言顯之。禪師如何。開示海曰。衆生虛妄。見見佛。見世界。阿書曰。無明因何而有。海便打阿。即命海陞座。決疑。明年秋辭避金

陵。抵長蘆江岸。聞鼓聲。忽大悟。始知佛海垂手。旨趣旋靈。隱述五偈。敘所見辭。海東歸。偈曰。航海來探教。外傳要離知。見脫蹄筌。諸方參徧草鞋破。水在澄潭月在天。其掃盡葛藤。與知見信手拈來。全體現。腦後圓光。徹太虛。千機萬機一時轉。其妙處如何。說向人。倒地便起。自分明。驀然踏著故田地。倒裏幞頭。孤路行。其求眞滅妄。元非妙。即妄明眞。都是錯。堪笑靈山老古錫。當陽拋下破木杓。其豎拳下喝。少賣弄。說是說非。入泥水。截斷千差。休指注一聲。歸笛囉囉哩。其海稱善。書偈贈行。歸本國住叡山寺。泊通嗣法。書海已入寂矣。

內翰曾開居士。字天游。久參圓悟。暨往來大慧之門。有日矣。紹興辛未。佛海補三衢光孝公。與超然居士趙公訪之。問曰。如何是善知識。海曰。燈籠露柱。貓兒狗子。公曰。爲甚麼贊即歡喜。毀即煩惱。海曰。侍郎曾見善知識否。公曰。某三十年參問。何言不見。海曰。向歡喜處見煩惱。處見公擬議。海震聲便喝。公擬對海曰。開口底不是。公罔然。海召曰。侍郎向甚麼處去也。

公猛省遂點頭說偈曰。咄哉瞎驢。叢林妖孽。震地一聲。天機漏泄。有人更問意如何。拈起拂子劈口截海曰。也祇得一椀。

知府葛鄰居士字謙問號信齋。少擢上第。玩意禪悅。首謁無庵全禪師。求指南。庵令究卽心。卽佛。久無所契。請曰。師有何方便。使某得入庵。曰。居士太無厭生。已而佛海來居劒池。公因從遊。乃舉無庵所示之語。請爲衆普說。海發揮之曰。卽心卽佛。眉拖地。非心非佛。雙眼橫。蝴蝶夢中家。萬里子規枝上月。三更留旬日而後返。一日舉不是心。不是佛。不是物。豁然頓明。頌曰。非心非佛。亦非物。五鳳樓前山突兀。艷陽影裏倒翻身。野狐跳入金毛窟。無庵肯之。卽遣書頌呈佛海。海報曰。此事非紙筆可。旣居士能過我。當有所聞矣。遂復至虎丘海迎之。曰。居士見處止可入佛境界。入魔境界猶未得在。公加禮不已。海正容曰。何不道。金毛跳入野狐窟。公乃痛領。嘗問諸禪曰。夫婦二人相打。通兒子作證。且道證父卽是。證母卽是。或庵體禪師著語曰。小出大遇。淳熙六年守臨川。八年感疾。

一夕忽索筆書偈曰。大洋海裏打鼓。須彌山上聞鐘。業鏡忽然撲破。驢身透出虛空。召潦屬示之曰。生之與死。如晝與夜。無足怪者。若以道論。安得生死。若作生死會。則去道遠矣。語畢端坐而化。

華藏民禪師法嗣

臨安府徑山別峯寶印禪師。嘉州李氏子。自幼通六經。而厭俗務。乃從德山清素。得度具戒。後聽華嚴起信。旣盡其說。棄依密印於中峯。一日印舉僧問。嚴頭起滅不停時。如何嚴叱曰。是誰起滅。師啓悟。卽首肯。會圓悟歸。昭覺印遣師往省。因隨衆入室。悟問從上諸聖以何接人。師豎拳。悟曰。此是老僧用底。作麼生。是從上諸聖用底。師以拳揮之。悟亦舉拳。相交大笑而止。後至徑山謁大慧。慧問甚處來。師曰。西川慧曰。未出劒門。關與汝三十棒了也。師曰。不合起動。和尚慧忻然掃室。延之。慧南遷。師乃西還。連主數刹。後再出峽。住保寧金山。雪竇徑山。開堂陞座。曰。世尊初成正覺於鹿野苑中。轉四諦法輪。橋陳如比丘最初悟道。後來眞淨禪師初住洞山。拈云。今日新堂洞裏祇。

轉箇拄杖子。遂拈拄杖著左邊云。還有最初悟道者麼。若無丈夫自有衝天志。莫向如來行處行。遂喝一喝下座。若是印上座則不然。今日向鳳凰山裏初無工夫。轉四諦法輪。亦無氣力。轉拄杖子。祇教諸人行須緩步。語要低聲。何故欲得不招無間業。莫謗如來正法輪。上堂。三世諸佛。以一句演百千萬億句。收百千萬億句。祇在一句。祖師門下半句也。無祇恁麼合喫多少痛棒。諸仁者。且諸佛是祖師。是若道佛是祖。不是祖。是佛不是。取捨未忘。若道佛祖一時是佛祖。一時不是。顛頂不少。且截斷葛藤。一句作麼生。道大蟲。裹紙帽。好笑。又驚人。復舉僧問巖頭。浩浩塵中如何辨主頭。云。銅沙羅裏滿盛油。師曰。大小巖頭打失鼻孔。忽有人問。保寧浩浩塵中如何辨主。祇對他道。天寒不及卸帽。上堂。六月初一。燒空赤日。十字街頭。雪深一尺。掃除不暇。回避不及。凍得東村。廖胡子半夜著靴水上。立上堂。將心除妄。妄難除。卽妄明心。道轉迂。桶底趯穿。無忌諱。等閑一步一笑。藥師至徑山。彌決孝宗皇帝召對。選德殿。稱旨入對。日賜肩輿於

東華門內。十年二月上注。圓覺經遣使馳賜命作序。師年邁益厭住持。十五年冬。奏乞庵居。得請。紹熙元年十一月。往見交承智策禪師。與之言別。策問。行日。師曰。水到渠成。歸索紙書。十二月初七夜。鷄鳴時。九字如期。而化。奉蛻質返寺之法堂。留七日。顏色明潤。髮長頂溫。越七日葬于庵之西岡。諡慈辯禪師。塔曰智光。

昭覺元禪師法嗣

鳳棲慧觀禪師。上堂。前村落葉盡。深院桂華殘。此夜初冬節。從茲特地寒。所以道。欲識佛性義。當觀時節因緣。時節若至。其理自彰。喝。一喝。恁麼說話。成人者少。敗人者多。

文殊道禪師法嗣

潭州楚安慧方禪師。本郡許氏子。參道禪師於大別。未幾。改寺爲神霄宮。附商舟過湘南。舟中聞岸人操鄉音。厲聲云。叫那由是有省。卽說偈曰。汙水江心喚一聲。此時方得契平生。多年相別重相見。千聖同歸一路行。住後上堂。臨老方稱住持。全無些子玄機。開

口十字九乖問東便乃答西如斯出世討甚玄微有時拈三放兩有時就令而施雖然如是同道方知且道知底事作麼生直須打翻鼻孔始得上堂達磨祖師在脚底踏不著兮提不起子細當頭放下看病在當時誰手裏張公會看脉李公會使藥兩箇競頭醫一時用不著藥不相投錯錯喫茶去

常德府文殊思業禪師世爲屠宰一日戮豬次忽洞徹心源卽棄業爲比丘述偈曰昨夜叉心今朝菩薩面菩薩與夜叉不隔一條線往見文殊殊曰你正殺豬時見箇甚麼便乃剃頭行脚師遂作鼓刀勢殊喝曰這屠兒參堂去師便下參堂住文殊日上堂舉趙州勘婆話乃曰勘破婆子面青眼黑趙州老漢瞞我不得

何山珣禪師法嗣

婺州義烏稠巖了贊禪師上堂舉趙州狗子無佛性話乃曰趙州狗子無佛性萬疊青山藏古鏡赤腳波斯入大唐八臂那吒行正令咄

鉢隨衆參扣後依佛燈久之不契因訴曰某祇欲死去時如何燈曰好箇封皮且留著使用而今不了不當後去忽被他換却封皮卒無整理處公又以南泉斬貓兒話問曰某看此甚久終未透徹告和尚慈悲燈曰你祇管理會別人家貓兒不知走却自家狗子公於言下如醉醒燈復曰不易公進此一步更須知有向上事始得如今士大夫說禪說道祇依著義理便快活大率似將錢買油糞喫了便不饑其餘便道是瞞他亦可笑也公唯唯

泐潭明禪師法嗣

漢州無爲隨庵守緣禪師本郡人姓史氏年十三病目去依棲禪慧目能禪師圓具出峽至寶峯值峯上堂舉永嘉曰一月普現一切水一切水月一月攝師聞釋然領悟住後上堂曰以一統萬一月普現一切水會萬歸一一切水月一月攝展則彌綸法界收來毫髮不存雖然收展殊逾此事本無異致但能於根本上著得一隻眼去方見三世諸佛歷代祖師盡從此中示現三藏十二部一切脩多羅盡從此中流出

天地日月萬象森羅盡從此中建立。三界九地七趣四生盡從此中出沒。百千法門無量妙義。乃至世間工巧諸伎藝盡現行此事。所以世尊拈華迦葉便乃微笑。達磨面壁二祖於是安心。桃華盛開靈雲疑情盡淨。擊竹作響香嚴頓忘所知。以至盤山於肉案頭悟道。彌勒向魚市裏接人。誠謂造次顛沛必於是。經行坐臥在其中。既有如是奇特。更有如是光輝。既有如是廣大。又有如是周徧。你輩諸人因甚麼却有迷有悟。要知麼。幸無偏照處。剛有不明時。

龍翔珪禪師法嗣

南康軍雲居頌庵德昇禪師。漢州何氏子。二十得度。習講久之。棄謁文殊道禪師。問佛法省要。殊示偈曰。契丹打破波斯寨。奪得寶珠村裏賣。十字街頭窮乞兒。腰間挂箇風流袋。師擬對殊曰。莫錯。師退參三年。方得旨趣。往見佛性機不投入。闔至鼓山禮覲。便問。國師不跨石門句意。旨如何。竹庵應聲喝曰。閑言語。師卽領悟。住後僧問。應真不借三界高超。卽不問如何。是無位真人。師曰。聞時富貴。見後貧窮。曰。擡頭須。

掩耳側掌。便翻身。師曰。無位真人在甚麼處。曰。老大宗師話頭也不識。師曰。放你三十棒。

通州狼山蘿庵慧溫禪師。福州人。姓鄭氏。徧參諸老。晚依竹庵於東林。未幾庵謝事。復謁高庵。悟南華。曷草堂清皆蒙賞識。會竹庵徙閩。之乾元師歸省。次庵問情生智。隔想變體。殊不用停囚長智。道將一句來。師乃釋然。述偈曰。拶出通身是口。何妨罵雨。訶風。昨夜前村猛虎。咬殺南山大蟲。庵首肯。住後上堂。釋迦老子四十九年坐。籌帷幄。彌勒大士九十一劫帶水拖泥。凡情聖量不能剷除。理照覺知猶存露布。佛意祖意如將魚目作明珠。大乘小乘似認橋皮爲猛火。諸人須是豁開胃襟。寶藏運出自己家珍。向十字街頭普施貧乏。衆中忽有箇靈利漢。出來道。美食不中飽人喫。山僧只向他道。幽州猶自可。最苦是新羅。

雲居悟禪師法嗣

婺州雙林德用禪師。本郡戴氏子。上堂拈槌豎拂。祖師門下。將黃葉以止啼。說妙談玄。衲僧面前。望梅林而止渴。際山今日去却之乎者也。更不指東畫西。向。

三世諸佛命脉中。六代祖師骨髓裏。盡情傾倒爲諸人說。破良久曰。啼得血流無用處。不如緘口過殘春。台州萬年無著道閑禪師本郡洪氏子。上堂。全機敵勝猶在半途。啐啄同時。白雲萬里。纔生朕兆。已落二三。不露鋒銑。成何道理。且道從上來。事合作麼生。誣人之罪。以罪加之。上堂。舉乾峯示衆云。舉一不得。舉二放過。一著落在第二。雲門出衆云。昨日有人從天台來。却往徑山去。峯曰。典座來。日不得。普請師曰。相見不須瞋。君窮我亦貧。謂言侵早起。更有夜行人。

福州中際善能禪師嚴陵人。往來龍門雲居。有年未有所證。一日普請擇菜。次高庵忽以貓兒擲師懷中。師擬議。庵攔臂踏倒。於是大事洞明。上堂。萬古長空一朝風月。不可以一朝風月。味却萬古長空。不可以萬古長空。不明一朝風月。且如何。一朝風月。人皆畏炎熱。我愛夏日長。熏風自南來。殿閣生微涼。會與不會。切忌承當。

南康軍雲居普雲自圓禪師綿州雍氏子。年十九試經。得度。留教苑五。祝出關南下。歷扣諸大尊宿。始詣

龍門。一日於廊廡間。覩繪胡人有省。夜白高庵庵舉法眼偈曰。頭戴貂鼠帽。腰懸羊角錘。語不令人會。須得人譯之。復策火示之曰。我爲汝譯了也。於是大法明了。呈偈曰。外國言音不可窮。起雲亭下一時通。口門廣大無邊際。吞盡楊岐栗棘蓬。庵遣師依佛眼。眼謂曰。吾道東矣。上堂。舉僧問雲門。如何是透法身句。門曰。北斗裏藏身。師曰。南北東西萬萬千。乾坤上下兩無邊。相逢相見。呵呵笑。屈指擡頭。月半天。

烏巨行禪師法嗣

饒州薦福退庵休禪師。上堂。風動邪幡動。邪風鳴邪鈴。鳴邪非風。鈴鳴非風。幡動此土。與西天一隊黑漆桶。誑惑世間人。看看滅胡種。山僧不奈何。越後也打。閩瓠子曲彎彎。冬瓜直籠侗。上堂。結夏時。左眼半斤。解夏時。右眼八兩。謾云九十日安居。贏得一肚皮妄想。直饒七穴八穿。未免山僧拄杖。雖然如是。千鈞之弩。不爲鼯鼠而發機。上堂。先師尋常用腦後一鎚。卸却學者胷中許多屈曲。當年克賓維那。曾中興化。此毒往往天下叢林。喚作超宗異目。非唯孤負興化。亦

乃克賓受辱。若是臨濟兒孫。終不依草附木。資福喜見同參。今日傾腸倒腹。遂卓拄杖。喝一喝。曰。還知先師落處麼。伎死禪和。如麻似粟。上堂言發。非聲是箇甚麼色。前不物。莫亂針錐。透過禹門。風波更險。咄。信州龜峯晦庵慧光禪師。建寧人。上堂。數日暑氣如焚。一箇渾身無處安著。思量得也是煩惱人。這箇未是煩惱。更有已躬下事。不明便是煩惱。所以達磨大師煩惱。要爲諸人吞却。又被咽喉小要爲諸人吐却。又被牙齒礙取不得。捨不得。煩惱九年。若不得二祖不惜性命。往往轉身無路。煩惱教死。所謂祖禪不了殃及兒孫。後來蓮華峯庵主。到這裏煩惱不肯住。南嶽思大到這裏煩惱不肯下山。更有臨濟德山。用盡自己查。黎煩惱鉢盂。無柄龜峯。今日爲他閑事長無明。爲你諸人從頭點破。卓拄杖一下。曰。一人腦後露腮。一人當門無齒。更有數人鼻孔沒半邊。不勞再勸你諸人。休向這裏立地瞋睡。殊不知家中飯糲鍋子。一時失却了也。你若不信。但歸家檢點看。眞州長蘆且庵守仁禪師。越之上虞人。依雪堂於烏

巨聞。曾說曰。今之兄弟做工夫。正如習射。先安其足。後習其法。後雖無心。以久習故。箭發皆中。喝一喝云。只今箭發也。看看師不覺倒身。作避箭勢。忽大悟上堂。百千三昧。無量妙門。今日且庵不惜弱性命。祇做一句子說。與諸人乃卓拄杖下座。嘗頌臺山婆話云。開箇燈心。阜角鋪日。求升合度。朝昏只因風雨連綿。久本利一空愁倚門。

白楊順禪師法嗣

吉州青原如禪師。僧問。達磨未來時。如何師曰。生鐵鑄崑崙。曰。來後如何。師曰。五彩畫門神。

雲居如禪師法嗣

太平州隱靜園極彥岑禪師。台城人也。上堂。韓信打關。未免傷鋒犯手。張良燒棧。大似曳尾靈龜。既然席卷三秦。要且未能囊弓累革。煙塵自靜。我國晏然。四海九州。盡歸皇化。自然牛閑馬放。風以時雨。以時五穀熟。萬民安。大家齊唱村田樂。月落參橫。夜向闌。上堂。今朝八月初五。好事分明爲舉。嶺頭漠漠秋雲樹。底鳴鳩喚雨。昨夜東海鯉魚吞却。南山猛虎雖然有。

照有用畢竟無賓無主。唯有文殊普賢住。住我識得。你上堂舉正堂辯和尚室中問學者。蚯蚓爲甚麼化爲百合師曰。客舍并州已十霜。歸心日夜憶咸陽。無端更度桑乾水。却望并州是故鄉。

鄂州報恩成禪師上堂。秋雨乍寒。汝等諸人。青州布衫成就也未。良久喝曰。雲溪今日冷處著一把火。便下座。

道場辯禪師法嗣

平江府覺報清禪師上堂。舉僧問雲門。如何是諸佛出身處。門曰。東山水上行。師曰。諸佛出身處。東山水上行。石壓筍斜出。岸懸華倒生。

安吉州何山然首座。姑蘇人。侍正堂之久。入室次堂。問貓兒爲甚麼偏愛捉老鼠。曰。物見主眼。卓豎堂。欣然因命分座。

黃龍忠禪師法嗣

成都府信相戒修禪師上堂。舉馬祖不安公案。乃曰。兩輪舉處。煙塵起。電急星馳。擬何止目前。不礙往來。機正令全施。無表裏。丈夫意氣自衝天。我是我。你

是你

袁州慈化寺普庵印肅禪師宜春余氏子。生時祥光燭天。長師壽隆賢授以法華。師曰。諸佛玄旨。皆悟於心。數墨循行。何益於道。謁牧菴。問曰。萬法歸一。一歸何處。菴豎拂示之。有省。歸誦華嚴論。至達本情亡。知心體合。大悟曰。我今親契華嚴法界矣。說偈曰。捏不成團。撥不開。何須南嶽又天台。六根門首無人用。惹得胡僧特地來。後主慈化上堂。三界惟心。惟佛解萬法。惟識更誰知。迷悟本無權。立化恰如黃葉止兒啼。涅槃生死猶如夢。十聖三賢是阿誰。有物先天無相貌。言詮不及體阿彌。祇者阿彌是汝心。不勞逐相外邊尋。三僧祇劫隨時立。心心卽是如今人。不了心非相。執境迷真。著色聲了色。通聲無二體。山河大地說真經。敢問諸人。真經作麼生說。良久曰。今古妙音無間歇。除非迦葉不聞聞。師之廣津梁。崇塔廟。禦災患。異跡不可勝紀。有問修何行業而得此。師向空畫一畫云。會麼。曰。不會。師曰。止止。不須說。自贊曰。蒼天蒼天。悟無生法。談不說禪。開兩片皮。括地該天。如

何是佛十萬八千。乾道五年七月二十一日書偈曰。
乍雨乍晴。寶象明。東西南北亂雲橫。失珠無限人遭。
劫。幻應權機爲汝。清擲筆而逝。

西禪建禪師法嗣

遂寧府西禪第二代希秀禪師上堂曰。秋光將半。暑
氣漸消。鴻鴈橫空。點破碧天。似水猿猿挂樹。撼翻玉
露。如珠直饒對此明機。未免認龜作鼈。且道應時應
節。一句作麼生道。野色併來三島月。溪光分破五湖
秋。

淨居尼溫禪師法嗣

溫州淨居尼無相法燈禪師上堂拈拄杖卓曰。觀音
出普賢入文殊。水上穿靴立。擡頭鷄子過新羅。石火
電光追不及咄。

大滄果禪師法嗣

荊門軍玉泉窮谷宗璉禪師合州董氏子。開堂曰。問
答已乃曰。諸僧向人天衆前一問一答。一擒一縱。一
卷一舒。一挨一拶。須是具金剛眼睛始得。若是念話
之流。若向西秦。我之東。傳於宗門中。殊無所益。這一

段事不在有言不在無言。不礙有言不礙無言。古人
垂一言半句。正如國家兵器。不得已而用之。橫說豎
說。祇要控人入處。其實不在言句上。今時人不能一
徑徹證根源。祇以語言文字而爲至道。一句來一句
去。喚作禪道。喚作向上向下。謂之菩提涅槃。謂之祖
師。巴鼻正似鄭州出曹門。從上宗師會中。往往真箇
以行脚爲事。底纔有疑處。便對衆決擇。祇一句下見
諦明白。造佛祖直指不傳之宗。與諸有情盡未來際
同得同證。猶未是泊頭處。豈是空閑唇皮。胡言漢語
來。所以南院示衆云。諸方祇具啐啄同時。眼不具啐
啄同時。用時有僧問。如何是啐啄同時。用院曰。作家
不啐啄。啐啄同時。失僧曰。猶是學人問處。院曰。如何
是你問處。僧曰。失院便打。其僧不契。後至雲門。會中
因二僧舉此話。一僧曰。當時南院棒折。那其僧忽悟。
卽回南院。院已遷化。時風穴作維那。問曰。你是問先
師啐啄同時話底僧。那僧曰。是穴曰。你當時如何曰。
我當時如在燈影裏行。穴曰。你會也。師乃召大衆曰。
暗穿玉線。密度金針。如水入水。似金誇金。敢問大衆。

啐啄同時是親切處。因甚却失。若也會得。還報不報之恩。共助無爲之化。便可橫身宇宙。獨步大方。若跳不出。依前祇在架子下。上堂拈拄杖曰。破無明。暗截生死。流度三有。城泛無爲海。須是識這箇始得。乃召大衆曰。喚作拄杖。則觸不喚作拄杖。則背。若也識得。荆棘林中撒手。是非海裏橫身。脫或未然。普賢乘白象。土宿踏泥牛。參上堂。一切數句。非數句。與吾靈覺何交涉。師曰。永嘉恁麼道。大似含元殿上。更覓長安。殊不知有水皆含月。無山不帶雲。雖然如是。三十年後。趙婆酤醋上堂。宗乘一唱。殊途絕萬別。千差俱泯滅。迦身是口。難分雪。金剛腦後三斤鐵。好大哥。僧問。保壽開堂。三聖推出一僧。保壽便打。意旨如何。師曰。利動君子。曰。爲復捧頭有眼。爲復見機。而作師曰。獼猴繫露柱。曰。祇如三聖道。你恁麼爲人。瞎却鎮州一城人眼。又作麼。生師曰。錦上鋪華。又一重問。行脚逢人時。如何。師曰。一不成。二不是。曰。行脚不逢人時。如何。師曰。虎咬大蟲。曰。祇如慈明道。釣絲絞水。意作麼。生師曰。水浸鋼石。卵問三聖道。我逢人卽出。出則不

爲人意旨。如何。師曰。兵行詭道。曰。興化道。我逢人則不出。出則便爲人。又作麼。生師曰。綿裏秤錘。問不落因果。爲甚麼墮野狐身。師曰。廬山五老峯曰。不昧因果。爲甚麼脫野狐身。師曰。南嶽三生藏曰。祇如不落不昧。未審是同是別。師曰。倚天長劍逼人寒。問初生孩子。還具六識也。無趙州道。急水上打毯子。意旨如何。師曰。兩手扶犁。水過膝。曰。祇如僧又問。投子急水上打毯子。意旨如何。曰。念念不停流。又作麼。生師曰。水晶甕裏浸波斯。問楊岐道。三脚驢子弄蹄行。意旨如何。師曰。過蓬州了。便到巴州。潭州大潯行禪師上堂。橫拄杖曰。你等諸人。若向這裏會去。如紀信登九龍之輦。不向這裏會去。似項羽失千里烏騮。饒你總不恁麼。落在無事甲裏。若向這裏撥得一路。轉得身。吐得氣。山僧與你拄杖子。遂靠拄杖下座。上堂不是。心不是。佛不是。物且道。是箇甚麼。不在內。不在外。不在中間。畢竟在甚麼處。苦苦有口說不得。無家何處歸。潭州道林淵禪師僧問。鐘未鳴。鼓未響。拓鉢向甚麼

處去德山便低頭歸方丈。意旨如何。師曰：奔電迸火。曰：巖頭道這老漢。未會末後句。在又作麼。生曰：相隨來也。曰：巖頭密啓其意。未審那裏是他密啓處。師曰：萬年松在祝融峯。曰：雖然如是。祇得三年。三年後果遷化。還端的也。無師曰：嚙呢。噯。喇。吽。噯。吒。臨示寂上堂。拈拄杖示衆曰：離却色聲言語。道將一句來。衆無對。師曰：動靜聲色外。時人不肯對。世間出世間畢。竟使誰會。言訖倚杖而逝。

隨州大洪老衲祖證禪師。潭州潘氏子。上堂。萬象之中。獨露身。如何說箇獨露底道理。豎起拂子曰：到江吳地。盡隔岸。越山多。僧問：雲門問。僧光明寂照。徧河沙。豈不是張拙秀才語。僧云：是。門云：話墮也未審。那裏是這僧話。墮處。師曰：鮎魚上竹竿。問：離却言句。請師直指。師豎拂子。僧曰：還有向上事也。無師曰：有曰：如何是向上事。師曰：速禮三拜。

隆興府泐潭山堂德淳禪師。上堂。俱胝一指頭。一毛拔九牛。華嶽連天碧。黃河徹底流。截却指。急回眸。青筇笠前無限事。綠蓑衣底一時休。

常州宜興保安復庵可封禪師。福州林氏子。上堂。天寬地大。風清月白。此是海宇清平。底時節。衲僧家等閑問著。十箇有五雙。知有祇如夜半華嚴池。吞却楊子江。開明橋。撞倒平山塔。是汝諸人還知麼。若也知去。試向非非想。天道將一句來。其或未知。擲下拂子曰：須是山僧拂子始得。

隆興府石亭野庵祖璿禪師。上堂曰：喫粥了也。未趙州無忌諱。更令洗鉢盂。太煞沒巴鼻。悟去由來不丈夫。這僧那免受塗糊。有指示無指示。韶石四楞潭。塌地入地獄。如箭射雲岫。清風生大厦。相逢擲手上高山。作者應須辨真假。真假分若爲。論午夜寒蟾出海門。

潭州石霜宗鑒禪師。上堂曰：送舊年迎新歲。動用不離光影內。澄輝湛湛。夜堂寒。借問諸人。會不會。若也會增瑕。類若不會。依前昧與君指箇。截流機。白雲更在青山外。

石頭回禪師法嗣

南康軍雲居蓬庵德會禪師。重慶府何氏子。上堂。舉

教中道若見諸相非相卽見如來作麼生是非相底道理。佯走詐羞偷眼。觀竹門斜掩半枝華。

南嶽下十七世

教忠光禪師法嗣

泉州法石中庵慧空禪師。贛州蔡氏子。春日。上堂拈拄杖卓一下。曰。先打春牛頭。又卓一下。曰。後打春牛尾。驚起虛空入藕絲裏。釋迦無路潛蹤。彌勒急走千里文殊。却知落處。拊掌大笑。歡喜且道。歡喜箇甚麼。春風昨夜入門來。便見千華生碓觜。上堂。千家樓閣一雲秋。風祇知襟袖涼生。不覺園林落葉於斯。薦得觸處全真。其或未。然且作寒溫相見。上堂。舉金剛經云。佛告須菩提。爾所國土中所有衆生。若干種心。如來悉知。何以故。如來說諸心。皆爲非心。是名爲心。要會麼。春風得意馬蹄疾。一日看盡長安華。僧問。先佛垂範。禁足安居。未審是何宗旨。曰。瑠璃鉢內拓須彌。僧便喝。師便打。

臨安府淨慈混源曇密禪師。天台盧氏子。依資福道榮出家。十六圓具。習台教。棄參大慧於徑山。謁雪巢。

一此庵元入閩。留東西禪。無省發之泉。南教忠俾悅衆。解職歸前資。偶舉香巖擊竹。因緣豁然。契悟述偈呈忠。忠舉玄沙未徹語。詰之無滯。忠曰。子方可見妙喜。卽辭往梅陽。服勤四載。住後。上堂。諸佛出世。打劫殺人。祖師西來。吹風放火。古今善知識。佛口蛇心。天下衲僧。自投籠檻。莫有天然氣槩。特達丈夫。爲宗門出一隻手。主張佛法者麼。良久曰。設有也。須斬爲三段。上堂。德山小參不答話。千古叢林成話。霸問話者三十棒。慣能說詞說秀。時有僧出的能破的。德山便打風流儒雅某。甲話也未問。頭上著枷。脚下著匣。你是那裏人。一回相見。一傷神。新羅人把手笑。欣欣未跨船。舷好與三十棒。依前相斯誑。混源今日恁麼批判。責情好與三十棒。且道是賞是罰。具參學眼者。試辨看。上堂。舉雲門問僧。光明寂照。徧河沙。因緣師曰。平地擺魚鰕。遼天射飛鸚。跛脚老雲門。千錯與萬錯。後示寂塔于本山。

東林顏禪師法嗣

荊南府公安遯庵祖珠禪師。南平人。上堂。不是心不

是佛不是物。瀝盡野狐涎。趨翻山鬼窟。平田淺草裏。露出焦尾大蟲。太虛寥廓中。放出遼天俊鶻。阿呵呵。露風骨等閑拈出。衆人前畢。竟分明是何物。咄咄上堂。玉露垂青草。金風動白蘋。一聲寒鴈叫。喚起未惺人。

汀州報恩法演禪師果州人。上堂。舉俱胝豎指因緣。師曰。佳人睡起懶梳頭。把得金釵插便休。大抵還他肌骨好不塗紅粉也。風流。

臨安府淨慈肯堂彥充禪師於潛盛氏子。幼依明空院義堪爲師。首參大愚宏智正堂大圓。後聞東林謂衆曰。我此間別無玄妙。祇有木札羹鐵釘飯。任汝咬嚼。師竊喜之。直造謁陳所。見解林曰。據汝見處。正坐在鑑覺中。師疑不已。將從前所得底。一時颺下一日。聞僧舉南泉道時人見此一株華如夢相似。默有所覺。曰。打草祇要蛇驚。次日入室。林問那裏是巖頭密啓。其意處。師曰。今日捉敗這老賊。林曰。達磨大師性命在汝手裏。師擬開口。驚被攔臂一拳。忽然大悟。直得汗流浹背。點首自謂曰。臨濟道黃檗佛法無多子。豈

虛語邪。遂呈頌曰。爲人須爲徹殺人。須見血。德山與巖頭萬里一條鐵。林然之。住後上堂。世尊不說說迦葉。不聞聞卓拄杖曰。水流黃葉來何處。牛帶寒鴉過遠村。上堂。舉雪峯示衆云。盡大地是箇解脫門。因甚把手拽不入。師曰。大小雪峯話作兩橛。既盡大地是箇解脫門。用拽作麼。上堂。一向與麼去。法堂前草深一丈。一向與麼來。脚下泥深三尺。且道如何。卽是三年逢一閏。鷄向五更啼。上堂。舉己庵先師道坐佛牀。斫佛脚不敬。東家孔夫子却向他鄉習禮樂。師曰。入泥入水。卽不無先師爭奈寒蟬抱枯木。泣盡不回頭。卓拄杖曰。灼然有。不回頭底。淨慈向升子裏。禮汝三拜。上堂。三世諸佛無中說。有。蘭蕩拾華針。六代祖師有裏尋。無猿猴探水月。去此二途如何。話會儂家不管興亡事。盡日和雲占洞庭。元庵受智者請引座曰。南山有箇老魔王。炯炯雙眸放電光。口似血盆。阿佛祖牙如劍樹。罵諸方幾度業風吹不動。吹得動雲黃山畔與嵩頭陀傳大士。一火破落戶。依舊孟八郎賺他無限癡男女。開眼堂堂入鑊湯。忽有箇衲僧出來。

道既是善知識爲甚。賺人入鑊湯。只向他道。非公境界。後示寂塔于寺之南庵。

婺州智者元庵真慈禪師。潼川人。姓李氏。初依成都正法出家。具戒後。遊講肆聽。講圓覺至四大各離今者。妄身當在何處。畢竟無體。實同幻化。因而有省。作頌曰。一顆明珠在我這裏。撥著動著。放光動地。以呈諸講師。無能曉之者。歸以呈其師。遂舉狗子無佛性話。詰之。師曰。雖百千萬億公案。不出此頌也。其師以爲不遜。乃叱出師。因南遊至廬山。圓通挂搭時。已庵爲西堂。爲衆入室。舉僧問雲門。撥塵見佛時如何。門云。佛亦是塵。師隨聲便喝。以手指脅曰。佛亦是塵。師復頌曰。撥塵見佛。佛亦是塵。問了。答了。直下翻身。勸君更盡一杯酒。西出陽關無故人。又頌。塵塵三昧曰。鉢裏飯桶裏水。別寶崑崙坐潭底。一塵塵上走須彌。明眼波斯笑彈指。笑彈指珊瑚枝上清風起。已庵深肯之。

成都府昭覺紹淵禪師。上堂。舉僧問雲門。樹凋葉落時如何。門曰。體露金風。師曰。要明陷虎之機。須是本

色衲子始得。雲門大師具逸群三昧。擊節扣關。於閃電光中。出一隻手。與人解粘去縛。拔楔抽釘。不妨好手。仔細簡點將來。大似與賊過梯。昭覺即不然。忽有僧問。樹凋葉落時如何。祇答他道。落霞與孤鶩齊飛。秋水共長天一色。且道與雲門是同是別。復云。止。止。不須說我妙法難思。

西禪需禪師法嗣

福州鼓山木庵安永禪師。閩縣吳氏子。弱冠爲僧。未幾謁懶庵於雲門。一日入室。庵曰。不問有言。不問無言。世尊良久。不得向世尊。良久處。會隨後便喝。倏然契悟。作禮曰。不因今日問爭喪。目前機庵許之。住後上堂。要明箇事。須是具擊石火閃電光底手段。方能嶮峻。巖頭全身放捨。白雲深處得大安。居如其觀地。覓金針。直下腦門。須迸裂到這裏。假饒見機。而變不犯鋒鋦。全身獨脫。猶涉泥水。祇如本分全提一句。又作麼生。道擊拂子曰。淬出七星光。燦爛解拈天下任橫行。上堂。舉睦州示衆云。諸人未得箇入處。須得箇入處。既得箇入處。不得忘却老僧。師曰。怎麼說話。面

皮厚多少。木庵則不然。諸人未得箇入處。須得箇入處。既得箇入處。直須颺下入處。始得上堂。拈拄杖曰。臨濟小厮兒。未曾當頭道著。今日全身放憨。也要諸人知。有擲拄杖下座。僧問。須彌頂上。翻身倒卓時。如何。師曰。未曾見毛頭星。現曰。恁麼則傾瀉倒獄去也。師曰。莫亂做。僧便喝。師曰。雷聲浩大雨點全無。

温州龍翔栢堂南雅禪師上堂曰。瑞峯頂上棲鳳亭。邊一杯淡粥。相依百衲。蒙頭打坐。二祖禮三拜依位而立。已是周遮。達磨老臊胡。分盡髓皮。一場狼籍。其餘之輩。何足道哉。栢堂恁麼道。還免諸方檢責也。無拍繩牀云。泊合停囚長智。上堂曰。大機貴直截。大用貴頓發。縱有啗鐵機。一鎚須打殺。何故。我王庫內無如是刀。上堂曰。紫藤伸拳。筍破梢。楊華飛盡。綠陰交。分明西祖單傳句。黃栗留鳴。燕語巢。這裏見得諦信得及。若約諸方。決定明窓下。安排龍翔門下。直是一槌槌殺。何故。不是與人難共住。大都緇素要分明。福州天王志清禪師上堂。豎起拂子云。只這箇天。不能盡地。不能載徧界。徧空成團。成塊。到這裏三世諸

佛。向甚麼處摸索。六代祖師。向甚麼處提持。天下衲僧。向甚麼處名邈。除非自得。自證。便乃敲唱。雙行。雖然如是。未是衲僧行履處。作麼生是衲僧行履處。是非海裏。橫身入豺虎叢中。縱步行。

南劍州劍門安分庵主。少與木庵同隸業安國。後依懶庵。未有深諍。辭謁徑山大慧。行次江干。仰瞻宮闕。聞街司喝侍郎來。釋然大悟。作偈曰。幾年箇事挂胷。懷問盡諸方。眼不開。肝膽此時俱裂破。一聲江上侍郎來。遂徑回西禪。懶庵迎之。付以伽黎。自爾不規所寓。後庵居劍門。化被嶺表。學者從之。所作偈頌。走手而成。凡千餘首。盛行於世。示衆這一片田地。汝等諸人。且道天地未分。已前在甚麼處。直下徹去。已是鈍置。分上座。不少了也。更若擬議思量。何啻白雲萬里。鶻拈拄杖。打散大眾。示衆上至諸佛。下及衆生。性命總在山僧手裏。檢點將來。有沒量罪過。還有檢點得出者麼。卓拄杖一下。曰。冤有頭。債有主。遂左右顧視。曰。自出洞來。無敵手。得饒人處。且饒人。示衆十五日。已前。天上有星。皆拱北。十五日已後。人間無水。不朝

東已前已後總拈却到處鄉談各不同乃屈指曰一二三四五六七八九十十一二十二三十三四諸兄弟今日是幾良久曰本店買賣分文不賒

東禪岳禪師法嗣

福州鼓山宗逮禪師上堂世尊道應如是知如是見如是信解不生法相遂喝曰玉本無瑕却有瑕福州鼓山石菴知昭禪師示衆舉曹山不如話頌曰曹山不如花根本艷不如曹山虎體元斑江南地暖塞北天寒一把柳絲收不得和烟搭在玉闌干

西禪淨禪師法嗣

福州乾元宗頴禪師上堂卓拄杖曰性燥漢祇在一槌靠拄杖曰靈利人不勞再舉而今莫有靈利底麼良久曰比擬張麟兔亦不遇

開善謙禪師法嗣

建寧府仙州山吳十三道人每以已事扣諸禪及開善歸結茆於其左遂往給侍紹興庚申三月八日夜適然啓悟占偈呈善曰元來無縫罅觸著便光輝既是千金寶何須彈雀兒善答曰啐地折時真慶快死

生凡聖盡平沉僊州山下呵呵笑不負相期宿昔心

育王光禪師法嗣

臨安府靈隱妙峰之善禪師湖州劉氏子十三祝髮經論一見輒了大意參佛照於鄮山以風幡語直箭鋒機印以偈曰今日與君通一線斬釘截鐵起吾宗遂入匡廬卓錫妙高峰下面壁十年初住慧因晚住靈隱上堂應物現形如水中月信手拈來一時漏泄以拂子擊禪床左邊曰者裏是鑊湯爐炭擊右邊曰者裏是劍樹刀山前面是觀音勢至後面是文殊普賢中間一著還知落處麼又擊曰毗婆尸佛早留心直至如今不得妙上堂久參高士眼空四海鼻孔掾天見也見得親說也說得親行也行得親用也用得親只是未識老僧拄杖子在何故將成九仞之山不進一簣之土示衆汾陽云識得拄杖子行脚事畢錯三角云識得拄杖子入地獄如箭錯老僧則不然識得拄杖子錯妙峰三箇錯不是無病藥龐公賣策籬清平道木杓將示寂書偈曰來也如是去也如是來去一如清風萬里遂逝

臨安府淨慈北澗居簡禪師。潼川龍氏子。依邑之廣福院。得度。參別峰塗毒。沉默自死。一日閱已菴語。有省。再參佛照。機契自是。往來其門者十五年。走江西。訪仲溫於羅湖。與師議論大奇。之遂以大慧居洋嶼。菴竹筴付之師。巽焉。久之出世。台之報恩。晚遷淨慈。上堂。識得一萬事。畢了事。稍僧一字不識。直饒怎麼。未稱全提。禹力不到處。河聲流向西。上堂。舉密師伯與洞山在餅店。密於地上畫一圓。相謂洞山曰。把將去。山曰。拈將來。後來保寧。勇和尚曰。非但二人提不起。盡大地人亦提不起。北澗敢道。保寧計窮力盡。上堂。舉趙州入僧堂。曰。有賊有賊。見一僧便捉。曰。賊在者。裏僧曰。不是某。甲州托開曰。是。卽是不肯承。當師曰。趙州收處太寬。放去太急。淨慈則不然。家賊難防。家財必喪。卓拄杖曰。只可錯捉。不可錯放。淳祐丙午春。示疾。索筆書偈於紙尾。復書曰。四月一日珍重。六字至期假寐而逝。

臨安府徑山浙翁如琰禪師。台州周氏子。上堂。拈拄杖曰。蔣山喚者。箇作拄杖子。諸人亦喚者。箇作拄杖

子。還有緇素也。無闌干。雖共倚山。色不同。觀上方朴翁銛禪師。讚達磨曰。一言已出。駟難追。賴得君王放過。伊楊子江心航折。葦浪頭何似。問頭危。東禪性空觀禪師。上堂。舉鹽官國師。因僧問。如何是本身盧舍那。官曰。與老僧過淨瓶來。僧將淨瓶至。官曰。却安舊處。著僧復來。問官曰。古佛過去久矣。師曰。盲者難以與乎文彩。瞶者難以與乎音聲。者僧旣不薦來。機國師只成虛設。雲門道無朕迹。扶國師不起。以拂子畫一畫曰。前來葛藤。一時劃斷。且道畢竟如何。是本身盧舍那。擲拂子下座。

慶元府育王孤雲權禪師。上堂。舉僧問雪峰古礪寒泉時。如何。峰曰。瞪目不見。底僧曰。飲者如何。峰曰。不從口入。又問趙州古礪寒泉時。如何。州曰。苦僧曰。飲者如何。州曰。死師曰。一人隨波逐浪。一人截斷衆流。檢點將來。總欠會。在今日。有問育王古礪寒泉時。如何。只對他道。須是親見雪峰。飲者如何。問取趙州。慶元府育王秀巖師瑞禪師。上堂。舉演化大師問報慈曰。如何是真如佛性。慈曰。誰無化不契。遂請益護。

國國曰誰有化於言下契悟師曰誰無誰有全機道
言下翻身不唧啗直饒未舉已先行錯認箴箕作熨
斗呵呵呵若人便解倒騎驢一生不著隨人後

臨安府淨慈退谷義雲禪師福州閩清黃氏子世爲
士既冠遊國學因讀論語中庸有所悟入後從山堂
淳禪師祝髮至吳見鐵菴菴留入侍司一日室中問
國師三喚侍者話師亟舉手掩其口又問侍者三應
又作麼生師拂袖徑出菴大喜時佛照唱道靈隱師
往依之及佛照移育王命師分座照聞其說法歎曰
此子提唱宛如雪堂行和尚吾鉢袋有所付矣出住
香山育王諸大利而朝命又起師說法淨慈僧問三
聖道我逢人則出出則不爲人意旨如何師曰東斗
西移曰興化道我逢人則不出出則便爲人又作麼
生師曰南斗北轉上堂奔流度刃疾燄過風啐啄同
時崖州萬里有底道如人學射久習則巧殊不知未
穀已前中的早涉迂迴了也趙州到茱萸靠却拄杖
卽且置只如乎上座道聖箭折也意作麼生喝一喝
曰若不同床睡焉知被底穿開禧二年五月師示微

疾作偈別衆曰意鳥碎碎萬人氣索佛法向上何曾
蹋著臨行業識茫茫一任諸方卜度遂寂

慶元府育王空叟宗印禪師舉僧問長沙如何是上
上人行履處沙曰如死人眼僧曰上上人相見時如
何沙曰如死人手師頌曰死人眼死人手金烏飛玉
兔走直截根源取之左右張翁醉倒臥官街元是李
翁喫私酒

金陵鍾山鐵牛印禪師示衆曰若是大丈夫漢與決
烈之志屏浮蓋之行從脚跟下一刀兩段向佛祖外
一覷便透身心俱了亦不爲難亦不思護身符子不
入手所以道高山流水深深意自有知音笑點頭

天童全禪師法嗣

慶元府育王笑翁妙堪禪師四明慈谿毛氏子參無
用於天童用曰行脚僧遊山僧師曰行脚僧用曰如
何是行脚事師以坐具便搥用曰此僧敢來者裏捋
虎鬚參堂去室中常示以狗子無佛性話師擬開口
用以竹筴劈口便打師應聲呈偈曰大茶毒鼓轟天
震地轉腦回頭橫屍萬里用領之出世妙勝晚徒育

王上堂膏雨及時江山如洗幽鳥語喬林殘紅隨遠水可憐盲聾瘖瘡人不識此方真教體一日示疾辭衆偈曰業鏡高懸七十二年一槌擊碎大道坦然置筆而逝

臨安府靈隱石鼓希夷禪師上堂舉南泉曰文殊普賢昨夜三更相打每人與二十棒越出院了也趙州曰和尚棒教誰喫泉曰王老師過在甚麼處州作禮而出頌曰春風吹落碧桃花一片流經十萬家誰在畫樓沽酒處相邀來喫趙州茶

雪峰然禪師法嗣師大慧會元不載

如如顏丙居士頌趙州有主沙彌話曰解把一莖野草喚作丈六金身會得頭頭皆是道眼中瞳子面前人

淨慈一禪師法嗣

慶元府天童息菴達觀禪師示衆舉南泉曰江西馬祖說卽心卽佛王老師不恁麼道不是心不是佛不是物恁麼有過麼趙州禮拜而出僧隨問州曰上座禮拜便出意作麼生州曰你却問取和尚僧乃問適

來論上座意作麼生泉曰他却領得老僧意旨頌曰慣弄瑤琴與琵琶清音歷歷遍天涯堪嗟不入聾人耳空使西山日又斜

天童華禪師法嗣

南書記者福州人久依應庵於趙州狗子無佛性話豁然契悟有偈曰狗子無佛性羅睺星入命不是打殺人被人打殺定庵見喜其脫略紹興末終於歸宗侍郎李浩居士字德遠號正信幼閱首楞嚴經如遊舊國志而不忘持彙後造明果投誠入室應庵堪其曾曰侍郎死後向甚麼處去公駭然汗下庵囑出公退參不旬日竟躋堂奧以偈寄同參嚴康朝曰門有孫贖鋪家存甘贊妻夜眠還早起誰悟復誰迷庵見稱善有鸞胭脂者亦久參應庵頗自負公贈之偈曰不塗紅粉自風流往往禪徒到此休遶過古今圖讚後却來這裏喫拳頭

道場全禪師法嗣

常州華藏伊庵有權禪師臨安昌化祁氏子年十四得度十八歲禮佛智裕禪師于靈隱時無庵爲第一

座室中以從無住本。建一切法。問之師。久而有省。答曰。暗裏穿針耳。中出氣庵可之。遂密付心印。嘗夜坐達旦行粥者。至忘展鉢。鄰僧以手觸之。師感悟。爲偈曰。黑漆崑崙把釣竿。古帆高挂下驚湍。蘆花影裏弄明月。引得盲龜上釣船。佛智嘗問心包太虛。量廓沙界時如何。師曰。大海不宿死屍。智無其座曰。此子他日當據此座。呵佛罵祖去。在師自是埋藏頭角。益自韜晦。遊歷湖湘。江湖幾十年。依應庵於歸宗。參大慧於徑山。無庵住道場。招師分座說法。於是聲名隱然。住後上堂。今朝結却布袋口。明眼衲僧莫亂走。心行滅處解驪身。噴嚏也成師子吼。拈檀林任馳驟。剔起眉毛頂上生。剜肉成瘡露家醜。上堂禪禪無黨無偏。迷時千里隔悟在口皮邊。所以僧問石霜如何是禪。霜云。甌𨔵又僧問睦州如何是禪州。云。猛火著油煎。又僧問首山如何是禪。山云。胡孫上樹尾連頭。大眾道無橫徑立處。孤危此三大老。行聲前活路。用劫外靈機。若以衲僧正眼檢點將來。不無優劣。一人如張良入陣。一人如項羽用兵。一人如孔明料敵。若人辨

白得可與佛祖齊肩。雖然如是。忽有箇衲僧出來道。長老話作兩橛也。適來道道無橫徑。無黨無偏。而今又却分許多優劣。且作麼生祇對還委。悉麼把手上山。齊著力咽喉出氣。自家知淳熙庚子秋。示微疾。留偈跌坐而逝。茶毗。齒舌不壞。獲五色舍利無數。瘞于橫山之塔。分骨歸葬萬年山寺。

焦山體禪師法嗣

慶元府天童癡鈍智顓禪師。頌達磨見武帝。因緣曰。提起須彌第一。跪玉關金鎖。擊難開重施背踏空勞力。應悔迢迢萬里來。

雙林用禪師法嗣

婺州三峯印禪師。上堂。舉野狐話曰。不落不昧。謬人之罪。不昧不落。無繩自縛。可憐柳絮。隨春風有時自西還自東。

大灣行禪師法嗣

常德府德山子涓禪師。潼川人也。上堂。見見之時。見非是。見見猶難。見見不能。及遂喝曰。鯨吞海水盡。露出珊瑚枝。衆中忽有箇衲僧出來道。長老休寐語。却

許伊具一隻眼。上堂橫按拄杖曰。一二三四五六七。七六五四三二一。循環逆順數將來。數到未來無盡日。因七見一。因一亡七。踏破太虛空。鐵牛也汗出絕氣。息無蹤跡。擲拄杖曰。更須放下這箇。始是參學事。畢上堂拈拄杖曰。有時奪人不奪境。拄杖子七縱八橫。有時奪境不奪人。山僧七顛八倒。有時人境兩俱奪。拄杖子與山僧削迹吞聲。有時人境俱不奪。卓拄杖曰。伴我行千里。攜君過萬山。忽然撞著臨濟大師。時如何。喝曰。未明心地。印難透。祖師關。

大洪證禪師法嗣

萬壽月林師觀禪師。頌玄沙三種病曰。盲聾啞。捉敗了也。更問如何。盲聾啞。

五燈嚴統卷第二十

五燈嚴統卷第二十一

臨濟宗

南嶽下十七世

天童華禪師法嗣

慶元府天童密菴咸傑禪師。福州鄭氏子。母夢廬山老僧入舍而生。自幼穎悟。出家爲僧。不憚遊行。徧參知識。後謁應菴於明果菴。孤硬難入。屢遭呵。一日菴問。如何是正法眼。師遽答曰。破沙盆。庵領之。及辭回。省親庵。送以偈曰。大徹投機句。當陽廓頂門。相從今四載。徵詰洞無痕。雖未付鉢袋。氣宇吞乾坤。却把正法眼。喚作破沙盆。此行將省覲。切忌便踪跟。吾有末後句。待歸要汝遵。出世爲巨次。遷祥符蔣山華藏未幾。詔住徑山靈隱。晚居太白僧。問虛空消殞時如何。師曰。罪不重科。上堂達磨不來東土。二祖不往西天。石室行者踏碓忘却移步。玄沙討魚賣峭。踏翻釣船。且道這一隊漢。還有帶僧巴鼻也無。良久曰。當門不用栽荆棘。後代兒孫惹著衣。上堂牛頭橫說豎說不。

知有向上關。楔子有般漆桶。輦東西不辨南北。不分便問。如何是向上關。楔子何異。開眼尿牀。華藏有一轉語。不在向上。向下。千手大悲。摸索不著。雨寒無處曬。眼今日普請。布施大衆。良久曰。達磨大師無當門齒。上堂。世尊不說。說幻曲作直。迦葉不聞。聞望空啓告。馬祖卽心。卽佛。懸羊頭賣狗肉。趙州勘庵主。賈賤賣分文不直。祇如文殊是七佛之師。因甚出女子定。不得河天月。暈魚分子。樹葉風微。鹿養茸。上堂。卓拄杖曰。迷時祇迷這箇。復卓一下曰。悟時祇悟這箇。迷悟雙忘。糞埽堆頭重添搥。擗莫有向東涌西沒全機。獨脫處。道得一句底麼。若道不得。華藏自道去也。擗拄杖曰。三十年後。上堂。舉金峯和尚示衆云。老僧二十年前有老婆心。二十年後無老婆心。時有僧問。如何是和尙。二十年。前有老婆心。峯云。問凡答凡。問聖答聖。曰。如何是二十年後無老婆心。峯云。問凡不答凡。問聖不答聖。師曰。烏巨。當時若見。但冷笑兩聲。這老漢忽。警地。自然不墮聖凡窠。白上堂。舉婆子燒庵話。師曰。這箇公案。叢林中少有拈提者。傑上座

裂破面皮。不免納敗一上。也要諸方檢點。乃召大衆曰。這婆子。洞房深穩。水泄不通。偏向枯木上。簪花寒巖中。發燄箇僧。孤身迴迴。慣入洪波等閒。坐斷潑天潮。到底身無涓滴水。仔細檢點將來。敲枷打鎖。則不無二人。若是佛法。未夢見在。烏巨與麼提持。畢竟意歸何處。良久曰。一把柳絲。收不得。和煙搭在玉欄干上。堂動絃。別曲。葉落知秋。舉一明三目。機銖兩如王秉劒。殺活臨時。猶是無風。巾巾之波。向上一路。千聖把手。共行。合入泥犁地獄。正當與麼時。合作麼生。江南兩浙。春寒秋熱。上堂。盡乾坤大地。喚作一句子。擔枷帶鎖。不喚作一句子。業識茫茫。兩頭俱透。脫淨保。裸赤洒洒。沒可把。達磨一宗。掃土而盡。所以雲門大師道。盡乾坤大地。無纖毫過患。猶是轉句。不見一法。始是半提。更須知有全提底時。節大小雲門。劒去久矣。方乃刻舟。後示寂塔于寺之中峯。

南嶽下十八世

天童傑禪師法嗣

夔州臥龍山破庵祖先禪師廣安王氏子徹證根源。

機辯捷出密庵居杭之靈隱。命師分座有道者請益。曰：胡孫子捉不住。願垂開示。師曰：用捉麼？如風吹水自然成紋。住後上堂不是心，不是佛，不是物。忍俊不禁，爲諸人作個噉脫。拈拄杖卓一下曰：流水暗消溪畔石，勸人除卻是非難。上堂畢，良遂參麻谷。話頭曰：諸人知處良遂知，良遂知處人不知。王維已死，無人畫留得青山對落暉。示楞嚴座主偈曰：見猶離見非真，見還盡。八還無可還，木落秋空山骨露。不知誰識老瞿曇。

臨安府靈隱松源崇嶽禪師。處州吳氏子。初參大慧。後見密庵。會庵入室。問僧不是心，不是佛，不是物。話師侍側。豁然大悟。上堂大凡扶豎宗乘。須具頂門正眼。懸肘後靈符。只如寶壽開堂三聖推出一僧。寶壽便打三聖道。與麼爲人瞎却。鎮州一城人眼去在。寶壽擲下拄杖。便歸方丈。二尊宿等閒一挨一拶。便乃發明臨濟心髓。只是不知性命。總在者僧手裏。還有檢點得出者麼？昔年覓火和烟。得今日擔泉帶月歸上堂。學僧辭趙州曰：甚處去？曰：諸方學佛法去。州

豎拂子曰：有佛處不得住，無佛處急走過三千里外。逢人不得錯舉。曰：與麼則不去也。州曰：摘楊花摘楊花。師曰：鐵山崩倒壓銀山盤走珠，珍珠走盤密把鴛鴦閉繡。出金針終不與人看。室中問僧不是風動不是旛動。汝作麼生。會僧擬議。師便打出。嘉泰二年八月四日垂語曰：大力量人因甚擡脚不起。明眼衲僧因甚脚跟下紅絲線不斷。又曰：開口不在舌頭上。復書偈曰：來無所來去無所去。瞥轉玄關佛祖罔措。跌踟而寂。壽七十一臘。四十塔全身北高峯之原。

慶元府天童枯禪自鏡禪師。福州高氏子。上鍾示衆一摸脫就轉風流平地。教他不冒休。要得洪音喧宇宙。直須更上一層樓。

饒州薦福曹源生禪師。南劍人。學長沙。翫月話頭曰：浮雲散盡月當空。鬼子懷胎產大蟲。跳出風前弄牙爪。至今撼動廣寒宮。

臨安府淨慈潛庵慧光禪師。化鹽偈曰：合水和泥一處烹。水乾泥盡雪花生。乘時索起撩天價。公驗分明孰敢爭。

太平府隱靜菴致柔禪師潮州陳氏子上堂舉裴相國眞儀可觀高僧何在因緣頌曰浮雲宿霧兩朦朧行徧千峯與萬峯落地喚回霜夜夢舉頭親見月當空

侍郎張鑑居士號約齋字功甫忠烈王諸孫官直秘閣學士造密庵籌室蒙庵示徇子話忽聞鐘聲悟入偈曰鐘一撞耳根塞赤肉團邊去個賊有人問我解何宗舜若多神面門黑書呈庵庵官之自此瀟然物外幅巾竹杖嘯歌往來後捨宅建慧雲寺請密庵開山

南嶽下十九世

臥龍先禪師法嗣

臨安府徑山無準師範禪師劍州梓潼雍氏子髫歲依陰平山道欽出家及長請益老宿坐禪之法宿曰禪是何物坐底是誰師晝夜體究一日如廁提前話有省謁育王佛炤炤問何處來師曰劍州炤曰帶得劍來麼師隨聲便喝炤笑曰者烏頭子也亂做主靈隱時破庵居第一座偶同遊石笥庵有道者請益胡

孫子話師侍旁大悟初住明州清源後受詔主徑山上堂名不得狀不得取不得捨不得只麼得且道得箇甚麼三人證龜成鼈上堂若論箇事直是省要易會多是諸人自作艱難自作障礙所以有時東廊西廊見諸人和南問訊山僧便乃低頭相接其實無他只要諸人識得長老是西川隆慶人氏若識得去便與諸人打些鄉談說些鄉話如今且未說你識得長老且各自知自家鄉貫也得還知麼明州六縣奉化八鄉上堂舉僧問大龍色身敗壞如何是堅固法身龍曰山花開似錦澗水湛如藍師曰山花似錦水如藍突出乾坤不露顏曾踏武陵溪畔路洞中春色異人間上堂靈山指月曹溪話月遞代相傳證龜成鼈範上座尋常有一張口掛在壁上未曾動著今日無端入者行戶事到如今只得東簾西簾未免拈起多年曆日於中點出些子悞賺處說似諸人且要郭大李二鄧四張三知得江南兩浙春寒秋熱雖然如是黃河三千年一度清頌善財入彌勒樓閣話曰南方經歷幾雲烟收得珍奇貨滿船彈指便帆風到岸一

時翻作大光錢理宗召入內奏對詳明賜號佛鑑及金襴僧伽黎淳祐己酉三月旦日示疾陞座謂衆曰山僧既老且病無力與諸人東語西話今勉強出來將從前說不到底盡情向諸人抖擻去也遂起身抖衣曰是多少便歸方丈十五日集衆遺囑書偈曰來時空索索去也亦條條更要問端的天台有石橋移頃而逝塔全身於圓炤庵

南康府雲居即庵慈覺禪師蜀人舉僧問葉縣如何是學人密用心處縣曰關市輓毬子曰意旨如何縣曰普請衆人看頌曰輓毬關市衆人看一陣清風吹面寒定亂不須雙刀劍活人何必九還丹師登雲居時先一夕宿瑤田庄夢伽藍安樂公謂曰汝與此山祇有一粥緣明日午後至寺晚參罷會同袍二僧鬪狠聞於寺司凡新到例遭斥逐師深切疑訝後數年蜀士有宦達於朝與師親故以雲居虛席請師補處師欣然承命將復徵往夢竟至瑤田庄而寂臨安府靈隱石田法薰禪師眉山彭氏子聞破庵道望往依焉室中舉世尊拈花迦葉微笑師曰焦磚打

著連底凍赤眼撞著火柴頭庵可之住後上堂但得本莫愁末喚甚麼作本喚甚麼作末松栢千年青不入時人意牡丹一日紅滿城公子醉山僧怎麼道苦有不冒底是我同參上堂舉僧問慈明行脚不逢人時如何明曰釣絲絞水師曰老倒慈明爲指迷釣絲絞水出羣機時人貪看蘆花白不見沙鷗隔岸飛弟子師俊繪師像求讚有曰末後一句分付廚山衆頗訝之明日忽示疾退歸寶壽趣辦終焉塔全身於院之後山

靈隱嶽禪師法嗣

寧波府天童滅翁文禮禪師臨安阮氏子幼攜籃隨母採桑俄而寤念攜之者誰遂有離塵志十六依鄉真向寺剃落走淨慈參混源源舉現成公案放汝三十棒話不契謁育王佛炤炤問怎麼來者那箇是汝主人公師豁然領旨一日炤問是風動是幡動這僧如何師曰物見主眼卓豎又問不是風動不是幡動甚處見祖師師曰揭却腦蓋炤然之松源唱天童法道於薦福室中問僧不是風動不是幡動擬議即打

出師聞頓忘知解。往參蒙印。可住後上堂。僧問。人天普集。選佛場開。祖令當機。如何。舉唱。師曰。今日約齋。請山僧開堂。曰。和尚見佛。炤時如何。師曰。石中有玉。曰。見松源後。如何。師曰。沙裏無油。僧禮拜。師曰。從上來事。迴絕名模。列祖出興。卒難啓口。迫不得已。向第二義門。拈槌豎拂。棒喝交馳。或擎叉。或覓毬。或拽石。或搬土。禮上座。尋常橫草。不敢拈。豎草。不敢踏。今日被人推出。不顧危亡。露個消息。使諸人知道。眉毛在眼上。豎拂子曰。千峯勢到岳邊止。萬派聲歸海上消。上堂。事事無礙。青山掩映斜陽外。法法無差。欄前古木。鬧羣鴉。君不見太原孚上座。走天涯。楊州五更聞。畫角吹。斷落梅花。直至如今。未到家上堂。舉楞嚴經。曰。諸可還者。自然非汝。不汝還者。非汝而誰。頌曰。不汝還兮。復是誰。殘紅流在釣魚磯。日斜風定無人掃。燕子銜將水際飛。上堂。舉疎山手握木蛇。有僧問。手中是甚麼。山提起曰。曹家女。師曰。手中木蛇。是曹家女。美態異常。惡心難禦。拈拄杖曰。如今變現在南山。倒用橫拈。誰敢看。擲下曰。炤顧性。命上堂。萬松關。

迴九隴烟橫。谷風傳響。澗水流聲。若以眼觀耳聽。拔舌犁耕。不以眼觀耳聽。拔舌犁耕。且利害在什麼處。若不同牀睡。焉知被裏穿。上堂。有句無句。如藤倚樹。坐斷千差。毒蛇當路。樹倒藤枯。句歸何處。老僧直得五年分疎。不下僧問。祖意教意。是同是別。師曰。南山笠筍。東海烏巒。問龍牙。問翠微。如何是祖師西來意。微曰。與我過禪板來。牙度禪板。與翠微。微接得便打。意作麼生。師曰。喪盡家財。曰。龍牙道打。則任打。要且無祖師西來意。齊師曰。却堪持論。曰。後復問臨濟。濟曰。與我過蒲團來。牙度蒲團。濟接得便打。又作麼生。師曰。草本天下同。曰。龍牙又與麼道。畢竟具甚眼目。師曰。重疊關山路。曰。忽有問和尚。如何是祖師西來意。未審如何支遣。師曰。速禮三拜。因虎維那參次。僧問。汝名什麼。曰。智虎。師退身作怕勢。虎擬議。師便歸方丈。師學問淵博。尤精易理。朱晦庵。楊慈湖。兩先生與之遊。師直示以心法。不爲世語。狗悅也。晦庵問。母不敬師。又手示之。慈湖問。不欺之力。師答偈曰。此力分明在不欺。不欺能有幾人知。要明象兔全提。句看。

取升階正笏時。師歷主五大刹。歸終於梁渚西丘。嬰微恙。說偈脫去。茶毗。頂骨牙齒不壞。舍利如瓊珠。附天童應庵塔之東。壽八十四。

溫州龍翔石巖希運禪師。潮陽馬氏子。僧問。昔日佛炤光禪師。因孝宗皇帝宣問。釋迦入山六年。所成何事。炤曰。將謂陛下忘却。意旨如何。師答以頌曰。大根大器。大熏修。警轉機輪。向上頭。萬億斯年。惟一佛雪山元。不隔龍樓。

臨安府淨慈谷源道禪師。舉石頭刻草話。頌曰。石頭刻草。龜英豪。情懂丹霞。眼不高。若解轉身行活路。至今應不累兒曹。

常州華藏無礙覺通禪師。青苗會上堂。破一微塵。出大經。鳶飛魚躍。更分明。不將眼看。將心看。已見重敲火裏冰。淹黑豆。昧平生。直須劫外話。豐登。綠成白雪。桑重綠。割盡黃雲稻。正青。

北海心禪師。示衆。舉大顛因韓文公至。問曰。弟子軍州事繁。佛法省要處。乞師一語。頌良久。公罔措。時三平爲侍者。敲禪牀三下。頌曰。作麼。平曰。先以定動。後

以智拔。公乃曰。和尚門風高峻。弟子於侍者邊得箇入處。師頌曰。將軍宴坐碧油幢。凜凜威風冷似霜。却把機關輕漏洩。至今千古錯商量。

慶元府雪竇大歇仲謙禪師。金華義烏應氏子。幼見傳大士心王銘。乃誓出家。始見息庵庵器之。而抑其銳曰。汝儒家習氣。不除。何能到大休。大歇田地。宜如土木人去。師朝暮研究。有省。因以大歇自名。既見松源。一日。聞學秘魔擎杈話。俄失聲曰。爭奈有人不甘。源提竹篋曰。打汝不甘。師擬進語。而篋輒至。茫未有措。源震聲喝。師卽豁然。

諸庵肇禪師。頌陸巨大夫片石話曰。兩手持來難蓋覆。依前兩手還分付。一枕清風睡正濃。鳥銜花落崑前路。

安吉州道場山運庵普巖禪師。頌趙州布衫話曰。無端提起七斤衫。多少禪人著意參。盡向青州做窠窟。不知春色在江南。

台州瑞巖少室光睦禪師。題栽松道者贊曰。幾年活計。纔頭邊。萬本青松鎖翠烟。夢破曹溪天地濶。再來

不值半文錢

鎮江府金山掩室善開禪師上堂。舉僧問雲門。如何是法身門。曰。六不收。佛果曰。一不立。師曰。六不收。一不立。清淨法身何處覓。夜來一陣吹葉風。掃盡浮雲。月照壁。頌城東老姥話。曰。開眼也著。合眼也著。回避無門。將錯就錯。祥麟只有一隻角。

秘監陸遊居士。越山陰人。問松源曰。心傳之學。可得聞乎。源曰。既是心傳。豈從聞得。公領解。獻偈曰。幾度驅車入帝城。逢僧一例眼雙青。今朝始覺禪家別。說有談空要眼聽。

天童鏡禪師法嗣

杭州淨慈清溪沅禪師上堂。達磨西來一坐具。地被他神光。禮了三拜。一時占了。致令後代兒孫。自分疆別界。衲僧家撥草瞻風。朝吳暮越。南天台北五臺。拄杖頭草鞋底。還曾踏著也未。良久曰。切忌踏著。

薦福生禪師法嗣

臨安府徑山癡絕道冲禪師。武信荀氏子。資性絕羣。長應進士不利。受學于梓州妙音院紹熙三年出峽。

時曹源出世妙果師。往謁聽其提唱。有省。後參松源於靈隱源門庭峻絕。笠樓八月不獲入室。或以失士告源曰。我已八字打開。挂搭渠。自是渠當面蹉過耳。師聞之。口耳俱喪。徹見曹源於妙果龜峯時嬉笑怒罵。皆爲人善巧方便。自是不疑天下老和尚。舌頭初住嘉興天寧移雪峯。方半載。詔遷天童。育王虎席兼攝住持上堂。天童用底來育王用不著。育王用底來天童用不著。雖然。如是用不著處。用有餘。一箭雙鵰。隨手落臘。八上堂。舉世尊觀明星悟道。因緣頌曰。正覺山前失眼睛。是凡是聖盡生盲。至今夜夜明星現。誰肯向伊行處行。未幾被旨遷徑山。一日辭衆上堂。舉世尊臨入涅槃。告衆曰。汝等善觀吾紫磨金色之身。瞻仰取足。無令後悔。今日則有明日。卽無師曰。世尊平生用盡伎倆。臨死之際。求生不得。求死不得。死山僧則不然。要行便行。要去便去。八臂那吒。攔不住。夜分起坐。移頃而逝。遺骨舍利。塋金陵山中。

隱靜柔禪師法嗣

雙杉元禪師。頌太宗勸發菩提心話曰。萬里謳歌聖

化成條風塊雨樂樵耕不因嵩嶽三呼後無象誰知
眞太平

南嶽下二十世

徑山範禪師法嗣

袁州仰山雪巖祖欽禪師年十六得度銳志咨參初
在雙林鐵樹遠會下看狗子無佛性話次過淨慈參
天目禮禮曰汝豈不見臨濟三度問三遭棒末後向
大愚肋下築三拳道元來黃檗佛法無多子汝但恁
麼看後在徑山無準處十遷星序不得徹悟一日在
天目殿上行擡眸見古栢觸著向來所得境界和底
颺下礙膺之物撲然而散師出世龍興晚住仰山凡
六大刹賜紫登對名震江湖上堂老屋半千間啓煖
聖煖凡潑天爐鑪烏藤六七尺振乃佛乃祖墜地宗
綱風高月冷海濶山遙逆順卷舒縱橫在我有時恁
麼有時不恁麼家家門首透長安恁麼也得不恁麼
也得處處綠楊堪繫馬只如高超物表不墮見知畢
竟如何是六國晏清一句寺門高開洞庭野殿脚插
入赤沙湖上堂純清絕點正是眞常流注打破鏡來

未免一場狼籍不若遇飯喫飯遇茶喫茶曉來獨立
空庭外閒對寒梅幾樹花上堂乳燕飛華屋梅子正
香熟連核和皮一咬百雜碎元來祖意教意雪瀑掛
層崖月狖啼寒木往往有般不知好惡漢聞道林恁
麼道將謂以境示人拍膝一下曰眼裡無筋一世貧
上堂佛佛授受祖祖相傳西天梵語此土唐言風滿
獵獵弄輕柔欲立蜻蜓不自繇五月臨平山下路藕
花無數滿汀洲且道是唐言是梵語逢人不得錯舉
冬至小參羣陰剝盡一陽復來萬里清湘寒水發談
千年古栢枯幹花開所以道小人道消君子道長四
絕堂前地平如掌就中一人半人向這裡不移寸步
挨拶得入便見主賓互換是非杳忘蒲團獨坐乾坤
大愛日新添一線長僧問天氣秋高玉露垂庭前黃
菊綻東籬臨濟德山施棒喝不問知音更問誰師曰
知音知後更誰知曰與麼則水向石邊流出冷風從
花裏過來香師曰閑言語曰如何是德山棒師曰穿
過你獨體曰如何是臨濟喝師曰還聞麼曰記得臨
濟有四喝示衆此意如何師曰從頭問將來曰如何

是一喝如金剛王寶劍師曰切忌傷鋒犯手曰如何
 是一喝如踞地師子師曰真箇可憐生曰如何是一
 喝如探竿影草師曰不得面前背後曰如何是一喝
 不作一喝用師曰却須參始得曰探竿影草驗來人
 一喝須教海岳昏不是法王親的子等閒誰敢踏渠
 門師曰且緩緩上堂心是根法是塵兩種猶如鏡上
 痕鏡已破法不存疎影橫斜水清淺暗香浮動月黃
 昏因看弄傀儡上堂鬼面神頭線索牽抽神頭鬼面
 牽抽索線幾多觀底看底將謂是紅粉佳人當場妙
 舞手裏把柄輕羅白扇山僧未免爲諸人揭翻布幕
 去也卓拄杖曰伶俐衲僧一見便見上堂露地白牛
 黑黑是處尋他不得山青水綠似有如無眼見耳聞
 依稀彷彿全不顧時蹄角却在纔動著時蹤跡已沒
 月下閒將短笛吹風前休把長繩勒呵呵也奇特
 如今越亦不去自在東西南北無準忌拈香曰盡道
 先師今日死誰知今日是生朝不知却有何憑據紫
 栢黃檀一處燒書眞贊付高峯曰上大今已無人雪
 岩可知禮也虛名塞破乾坤分付原妙侍者

明州天童別山祖智禪師順慶楊氏子十四得度聞
 僧誦六觀語悅之時殿住蘇之穹窿廬往從焉後見
 無準於雪竇準知是法器待之彌峻時或捧喝交下
 一語不少貸師擬對輒噤不能發緣是知解都喪久
 而言曰吾生平伎倆皆死法今見此翁始行活路既
 而準移徑山命師分座竇祐丙辰被旨住天童一囊
 鉢縛茅以居上堂舉麻谷問臨濟大悲千手眼那
 箇是正眼濟曰大悲千手眼那箇是正眼速道速道
 谷近前拽臨濟下禪牀却坐濟近前曰不審谷擬議
 濟便喝拽下禪牀却坐谷便出去師曰賊隊相逢午
 夜時擡旗奪鼓討便宜焉然天曉重相見滿面羞慚
 各自歸庚辰九月旦示衆曰雲淡月華新木脫山骨
 露有天有地來幾箇眼睛活有省問者師曰不及相
 見各自努力越十日夜分囑後事已叉手而寂
 環溪一禪師頌卽心卽佛話曰卽心卽佛砒霜狼毒
 起死回生不消一服
 杭州淨慈斷橋妙倫禪師台之黃巖徐氏子初見谷
 源於瑞巖聞麻三斤話疑之忽閱楞伽至蚊蟲蟻

無有言說而能辦事。豁然有省。次謁無準於雪竇。準以狗子因何有業識。令師下語。凡三十轉。不契。師曰。可無方便乎。準以眞淨所頌答之。師竦然良久。聞板聲通身汗下。頓脫知見。出世祇園。遷瑞巖。國清至淨慈上堂。荊山有玉。獲得者不在荊山。赤水有珠。拾得者不在赤水。衲僧有無位眞人。證得者出入不在面門。驚拈拄杖。橫按曰。會麼。幽州江口石人蹲上堂。舉永明潛初參法眼。眼曰。子參請外看什麼。經潛曰。華嚴眼曰。總別同異。成壞六相。是何門。攝潛曰。世出世間一切法。皆具六相。眼曰。空具六相。不潛無對。眼曰。何不問去。潛却問。空具六相。不眼曰。空潛開悟。眼曰。子作麼生。會潛曰。空眼然之。師曰。空兮空兮。無背面。拈起豁然成兩片。擔向南屏山角頭。千古萬古。少人見。要見麼。以拂子打圓相曰。金烏飛上琉璃殿。臨終集衆入室。作書辭諸山及魏國公。公使人問曰。師生天台。因甚死在淨慈。師曰。日出東方。夜落西。書偈而化。

明州天童西巖惠禪師示衆。舉金峯因僧問。是身無

知如土木瓦石。此意如何。峯下禪牀。扭僧耳。衆僧負痛作聲。峯曰。今日始捉著箇。無知漢。僧作禮出。峯召闍黎。僧回首。峯曰。若到堂中。不可舉著。僧曰。何故。峯曰。大有人笑。金峯老婆心。師曰。扁舟劃斷曉江雲。一曲高歌遠送君。驚起灘頭野鴨子。海天飛去不成羣。頌六祖傳衣話曰。不作樵夫作碓夫。只將脚力驗精麤。知他踏著踏不著。和米和糠到鉢盂。

月坡明禪師舉僧問。子湖自古上賢。還達眞正理否。湖云。達僧云。眞正理作麼生。達湖云。電光當時賣假銀。城與單于契書是什麼人作。僧無語。師頌曰。手裏絲綸卷復舒。扁舟撐撥洞庭湖。忽然惡浪翻空去。收拾歸來一伎無。

希叟曇禪師舉僧問。南泉師歸丈室。將何指南泉曰。昨夜三更失却牛。天明起來失却火。頌曰。奴顏婢膝走人間。羞見羊裘七里灘。文叔雖爲天子貴。子陵元作故人看。

杭州靈隱退耕寧禪師上堂。目前雨餘山色翠。座間風暖鳥聲喧。拍禪牀一下曰。堪笑老胡無轉智。少室

峯前坐九年。上堂。極目千峯鎖翠滿。空脚絮飛綿。可憐無位異人。一向草宿露眠。啞。今春看又過。何日是歸年。

靈隱薰禪師法嗣

杭州淨慈愚極慧禪師。參石田田。舉雪門念七話。無人下語。忽有僧纔跨門。田曰。雪峯親毬師在傍領悟。說偈曰。雪門念七雪峰親毬。白蘋紅蓼。明月孤舟。田頌之。

杭州中竺雪屋珂禪師。上堂。枯桑知天風。海水知天寒。且道。納僧知箇甚麼。知道飯是米。做直饒恁麼。閻羅老子。索飯錢有日在。題初祖贊曰。一葦截流。深心叵測。梁士太平。魏邦著賊。師以宋鼎既遷。卽謝寺事。金山默庵覺禪師。雅知師。時元兵下江南。庵被總兵伯顏協而置之幕中。從至武林。默庵言於伯顏。請師住靈隱。親持請疏。扣師門。師抽關露半面。問曰。汝爲誰。庵曰。故人某甲。師落關曰。我不識汝。蓋師雖處世外。而以忠節自持。故不屑靈隱之命。後斷江恩禪師贊曰。雪屋今亡四十年。高風凜凜尙依然。伯顏丞相

拜牀下。不冒爲渠來冷泉。

天童禮禪師法嗣

明州育王橫川如珙禪師。示衆。舉玄沙三種病人話。頌曰。曲設多方驗作家。有誰親見老玄沙。耳聾口瘡。眼睛瞎。五濁衆生。數似麻。夜參少室無門戶。如何便得通。夜深寧耐立。聽我話西東。

杭州淨慈石林行鞏禪師。上堂。山靜課花蜂。股重林空含籊籊。肌明倚欄不覺成癡兀。又得黃鸝喚一聲。思溪怎麼道。好喫拄杖三十何。故爲他不合。隨聲逐色。上堂。舉雪峯在僧堂內。燒火閉却前後門。乃叫曰。救火救火。玄沙將一片柴。從窓櫺中拋入。峯便開門。師曰。高燒槽櫺。煖通身快活。難禁一屋春。不是謝郎來合火。誰知門外有寒人。上堂。水鄉水濶地多濕。六月花蚊。嘴似鐵。夜半起來惱不徹。惱不徹。作什麼。牀頭一柄扇。無端又打折。

華藏通禪師法嗣

杭州徑山虛舟普度禪師。江都史氏子。謁無礙礙問。不與萬法爲侶者。是甚麼人。師曰。金香爐下鐵崑崙。

礙曰將謂者矮子有長處見解只如此師作禮曰謝和尚證明住后上堂萬法是心光諸緣惟性曉本無迷悟人只要今日了既無迷悟人了箇甚麼卓拄杖曰千言萬語無人會又逐流鶯過短牆上堂舉世尊摩胸示衆話頌曰雙林樹下手摩胸說有談無恣脫空若謂瞿曇曾入滅錯教啼鳥笑春風至元丁丑被命徑山值火餘志圖興復將有緒俄示微恙索筆大書曰八十二年駕無底船踏翻歸去明月一天擲筆而逝

雪竇謙禪師法嗣

平江府承天覺庵真禪師有華嚴講主挾上命將易爲講肆師曰汝能說禪吾從汝易吾不能說教汝易吾從于是搥鼓陞堂以一喝入五教顯示吾宗千聖頂額一著子講主泣拜懺悔而退

道場嚴禪師法嗣

臨安府徑山虛堂智愚禪師四明人上堂舉雪竇住翠峯時有數僧到竇曰新到那日是竇曰參堂去僧繞行竇復喚曰來來僧回首竇曰洞庭難得師僧到

與你一碗茶喫師曰入門句子已先酬喚去呼來第二頭到此不知茶味者紛紛空買洞庭舟師初住淨慈天使傳旨問趙州八十行脚虛堂因甚八十住山師舉趙州行脚到臨濟話頌曰趙州八十行脚虛堂八十再住山別有一機恢佛祖九重城裏動龍顏使以頌回奏上大悅錫資甚優室中嘗垂語曰已眼未明底因甚麼將虛空作布袴著畫地爲牢底因甚透這箇不過入海算沙底因甚向針鋒頭上翹足杭州淨慈石帆衍禪師示衆舉僧問瀉山如何是百丈真山下禪牀叉手立曰如何是和尙真山却坐頌曰老婦臨粧絳點唇人前自逞好精神翠眉冷笑深相似不顧傍邊掩鼻人

金山開禪師法嗣

臨安府徑山石溪心月禪師眉州人僧問如何是佛師曰矮子看戲上堂舉馬祖示衆曰凡有言句是提婆宗以此箇爲主師曰玉轉珠回著眼看有相干處沒相干只將此箇以爲主喝一喝曰一劍倚天星斗寒

徑山冲禪師法嗣

杭州淨慈簡寂教禪師學雲門示衆云聞聲悟道見色明心遂舉手曰觀世音菩薩將錢買餅放下手曰元來祇是饅頭師頌曰一曲風前信是誰調高爭霄落今時見無人會曲中意又把雲簫特地吹

北山隆禪師頌鳥窠布毛話曰八十翁翁要力行布毛吹起禍重生殺人流血三千里枯樹枝頭一老僧

南嶽下二十一世

仰山欽禪師法嗣

杭州西天目高峯原妙禪師蘇之吳江人俗姓徐母周氏夢羶僧乘舟投宿而婉幼嗜跌坐年十五從嘉禾密印寺法住圓顯二十二請益斷橋倫令參生從何來死從何去話次謁雪巖於北禪纔問訊插香巖卽打出後凡入門巖便問阿誰與汝拖箇死屍來聲未絕巖亦打出一日觀五祖演和尚眞贊曰百年三萬六千朝反覆元來是這漢驚然打破死屍之疑時巖住南明師往省巖問阿誰與你拖箇死屍到這裏師便喝巖拈棒師把住曰今日打某甲不得巖曰爲

甚打不得師拂袖而出巖赴天寧師隨侍焉一日巖問日間浩浩時作得主麼師曰作得主曰睡夢中作得主麼師曰作得主曰正睡著時無夢無想無見無聞主在什麼處師無語巖曰從今日去也不要汝學佛學法也不要汝窮古窮今但只飢來喫飯倦來打眠纔眠覺來抖擻精神我這一覺主人公畢竟在甚處安身立命師遂奮志入龍鬚越五嶺因同宿友推枕墮地作聲廓然大徹遷武康雙髻戶屢彌滿應接弗暇師宵遁入西天目之獅子巖營小室如舟榜曰死關斷緣屏侍有三關語示衆曰大徹底人本脫生死因甚命根不斷佛祖公案只是一箇道理因甚有明與不明大修行人當遵佛行因甚不守毗尼弗契卽拒戶不納至元丁未雪巖寄竹笠法語至衆復請就石室內開堂僧問如何是十方同聚會師曰龍蛇混雜凡聖交參曰如何是箇箇學無爲師曰口吞佛祖眼蓋乾坤曰如何是選佛場師曰東西十萬南北八千曰如何是心空及第歸師曰動容揚古路不墮悄然機曰怎麼則言言見諦句句朝宗師曰你甚

處見得僧喝師曰也是掉棒打月曰此事且止只如西峯今日十方聚會選佛場開畢竟有何祥瑞師曰山河大地萬象森羅情與無情悉皆成佛曰既皆成佛因甚學人不成佛師曰汝若成佛爭教大地成佛曰畢竟學人過在甚處師曰湘之南潭之北曰還許懺悔也無師曰禮拜著僧纔拜師曰獅子咬人韓盧逐塊上堂昨夜夢中作得一偈舉似大眾良久曰忘却了也驀拈拄杖曰拄杖子還記得麼良久曰同坑無異土中夏上堂以拂子○曰四十五日前薦得非特日消萬兩黃金亦乃能應四天下供養四十五日後薦得寸絲滴水也當牽犁拽耙償他擊禪牀一下曰曾經巴峽猿啼處不是愁人也斷腸上堂海底泥牛銜月走簷前石虎抱兒眠鐵蛇鑽入金剛眼崑崙騎象驚鷺率此四句內有一句能殺能活能縱能奪若檢點得出許汝一生參學事畢上堂日正暄春已暮落花片片隨流去拈拄杖曰拄杖枝頭一點紅馨香遍界無人顧大眾顧不顧即且止畢竟一歸何處遂擲下拄杖上堂門外有一人用盡機謀要入入不

得門裏有一人做盡伎倆要出出不得入不得且置且道門外人與門裏人相見時如何愁人莫向愁人說說向愁人愁殺人送法被至上堂裁蜀錦剪吳綾披白玉間黃金打成一片時針割不入羅紋結角處線路難尋雖然只如西峯以諸法空爲座以拄杖指被曰還著得這箇麼靠拄杖曰天香影散莓苔石五葉花開蘄蔔林師貌古神清行解真寔僧俗皆手額讚歎曰古佛善知識也元貞乙未臘朔上堂曰西峯三十年妄談般若罪犯彌天末後一句不敢累及平人自領去也大衆還知落處麼良久曰毫釐有差天地懸隔書偈曰來不入死關去不出死關鐵蛇鑽入眼撞倒須彌山泊然而逝塔全軀於死關壽五十八臘四十三

衡州靈雲鐵牛持定禪師礪溪王氏子壯歲謁冒庵勤剪髮聞別傳之旨情累釋然尋依雪巖居槽廠服杜多行嚴示衆曰兄弟做工夫若也七日夜一念無間眼不交眨無箇入處斫取老僧頭做箇尿杓師默領旨勵精奮發適染疾自取觸桶就屏處危坐其上

單持正念目不交睫者七日。至夜將半忽覺山河大地觀露堂堂久之。如聞擊木聲。驚醒偏體汗流其疾遂愈。且舉似嚴。嚴詰以公案。酬對無滯。越五載。方爲大僧。又六年。聞嚴上堂。舉亡僧死了。燒了。向什麼處去。自代曰。山河及大地。全露法王身。言下疑情蕩盡。身如踴高丈許。衆退。卽詣方丈。曰。適來和尚舉揚般。若驚得法堂前石獅子笑舞不已。嚴曰。試道看。師曰。劫外春回萬物枯。山河大地一塵無。無法身超出如何。舉笑倒。西天碧眼胡。嚴敲桌子曰。山河大地一塵無。這箇是什麼。師作掀倒勢。嚴笑曰。一彩兩賽入室次。嚴問親切處。道將一句來。師曰。不道。嚴曰。爲什麼不道。師拈起香盒曰。這箇得來不值半文錢。嚴曰。多口。漢巡堂次。師以楮被裹身而睡。嚴召至。方丈厲聲曰。我巡堂汝打睡。若道得。卽放過。若道不得。趁汝下山。師隨答曰。鍊牛無力。賴耕田。帶索和犁就雪眠。大地白銀都蓋覆。德山無處下金鞭。嚴曰。好箇鍊牛也。因以爲號。一時行輩靡不推服。後之鄴縣過桃源山。愛其幽深。有棲遯意。遂束茆爲廬。與二三禪徒共處。兩

霧晦冥之夕。鬼獸圍呼。師舉迷悟因緣論之授以戒法。羣怪遂息。達魯花赤伯顏公入山問道。未幾成大梵利。榜曰靈雲。大德壬寅冬。手書長偈示衆。其末曰。塵世非久日。銷月磨桃源。一脈三十年。後流出一枝。無孔笛吹起。太平歌。明春示寂。侍僧求別衆語。師曰。吾別衆久矣。恬然坐化。壽六十四臘。二十六函。全身於陶具。至三年啓視。顏貌如生。爪髮俱長。塔於寺北沙潭。

吉安州道場山及庵信禪師。初住建陽西峯石屋。參師問何在。曰。天目。師曰。有何指示。曰。萬法歸一。師曰。汝作麼生。會屋無語。師曰。此是死句。甚麼害熱病底。教汝與麼屋拜求指的。師曰。有佛處不得住。無佛處急走過。意旨如何。屋答不契。師曰。者箇亦是死句。屋不覺汗下。後入室。再理前話。詰之。屋曰。上馬見路。師呵曰。在此六年。猶作者個見解。屋發憤棄去。途中忽舉首見風亭豁然。有省。回語師曰。有佛處不得住。也是死句。無佛處急走過。也是死句。某甲今日會得活句也。師曰。汝作麼生。會屋曰。清明時節雨初晴。黃鶯

枝上分明語師領之

匡山無極源禪師嘗受命於雪巖曰子福落不宜出世度人遂歸隱匡廬年已百歲獨坐茅庵終日不語天真參師亦無啓發後值師於廟上乃趨問曰如何是祖師西來意師擒住曰道道真於言下釋然頓悟但搖首而已師曰子有所得耶真拂袖而出遂服勤月餘日益玄奧

鐵山瓊禪師初參雪巖於仰山聞提唱法語刻意用工覺有得力處一日到方丈巖曰有什麼事師曰門前好五鳳樓巖連打數棒曰未在且去隨示偈曰一拶虛空粉碎時花開鐵樹散瓊枝紹隆佛祖向上事腦後依前欠一槌師自疑曰如何又欠一槌將近半載偶頭痛捉瓶煎藥遇見覺赤鼻曰你須是那吒太子析肉還母析骨還父然後爲父母說法始得轟然打破疑團未幾巖順世師以離巖太早再謁蒙山山問那箇是你本來面目師擬進語山便閉門後凡室中下語山只曰欠在一日於定中觸著欠字不覺身心豁然徹骨髓如積雪倏忽開霽跳下禪牀捉住

山曰我少欠箇甚麼山打三掌師禮拜曰啞鐵山這一著子今日方了也次年作首座冬節秉拂曰冬在月頭賣被買牛冬在月尾賣牛買被卓拄杖曰這裏無尾中道齊休行也休休坐也休休住也休休臥也休休睡眠豁開五雲現瑞光風霽月無處不週梅綻枯枝古渡頭風前時復暗香浮雖然到此向上一路萬里崖州何以見得靠拄杖曰休休住後竟承嗣雪巖焉

淨慈倫禪師法嗣

台州瑞岩方山寶禪師付無見偈曰此心極廣大虛空比不得此道只如是受持休外覓竹屋簡禪師頌臨濟訪平田路逢使牛嫂話曰目前條路平如砥何不堂堂掉臂行揀撥老婆牛性發赤身挨棒可憐生

絕象鑒禪師示衆舉投子指雨問僧曰數日來好雨且道什麼處來僧無語後因看華嚴經有省師曰陌上遊人競採芳不知眼底度春光夜來一陣落花雨一百十城流水香

無學元禪師法嗣

月庭忠禪師頌文殊三處度夏話曰錦衣公子遊春
慣白首佳人懊恨多彼富尚嫌千口少自貧無奈一
身何

育王珙禪師法嗣

台州紫籜山竺元道禪師恕中參問趙州狗子話擬
開口師一喝中大悟呈偈曰狗子佛性無春色滿皇
都趙州東院裏壁上掛葫蘆師乃發笑曰恁麼會又
爭得中拂袖而出

金陵保寧古林茂禪師十三爲僧厲志參訪乃得徹
證出住開元永福保寧僧問毛吞巨海芥納須彌是
衲僧分上事不是衲僧分上事師云拈却門前大案
山曰鯨吞海水盡露出珊瑚枝師曰金剛腦後鐵蒺
藜曰只如教中道我得無諍三昧人中最爲第一如
何是無諍三昧師曰放汝三十棒曰仁義盡從貧處
斷世情偏向有錢家師曰知恩者少負恩者多問如
何是佛師曰釘釘膠粘曰如何是祖師西來意師曰
蟻子不食鐵問如何是偏中正師曰苔封古殿曰如

何是正中偏師曰草滿法堂曰如何是兼中至師曰
日上月下曰如何是兼中到師曰截水停輪曰如何
是正中來師曰獼猴戴席帽曰五位君臣蒙指示夜
明簾外事如何師曰越曉不歸家黃昏看日出問佛
陀和尚常持一串數珠念三種名號意旨如何師曰
氣急殺人曰如何是一釋迦師曰天上天下曰如何
是二元和師曰草鞋無底曰如何是三佛陀師曰鼻
孔大頭垂曰此曲祇應天上有人間能得幾回聞師
曰高著眼問羣陰剝盡一陽復生時節因緣請師指
示師曰風不來樹不動曰夜來何處火燒出古人墳
師曰闍黎失却鼻孔曰德山小參爲甚麼不答話師
曰人貧智短曰趙州爲甚麼却答話師曰馬瘦毛長
曰二大老州縣相似鄉談不同師曰且道我卽今是
答話是不答話曰來朝更有新條在惱亂春風卒未
休師曰只恐不是玉小參紅塵鬧市十字街頭百草
頭邊孤峯頂上若作佛法商量入地獄如箭射直得
萬機休罷千聖不攜聲前非聲色後非色箇點將來
正是觸體前妄想設使打破觸體揭却腦蓋趨倒須

翻踏翻大海。脚跟下推動得出。也是落七落入通方。上士出格高人。除非自有生涯。終不守他窠窟。現前大衆。冀善參詳。山僧二千里水陸間關。來此聚頭。不爲別事。復說偈曰。處世行藏各有由。老來誰不愛心休。爲圓鄮嶺先師話。來結鄱陽衲子讐。跛鼈但隨他逐浪。錦鱗終是解吞鉤。相逢試把家私展。蜜菓時懸槩樹頭。

淨慈鞏禪師法嗣

杭州靈隱東嶼德海禪師。頌俱胝豎指曰。深深無底。高高絕攀思之轉。遠尋之復難。

嘉興府天寧竺雲景曇禪師。婺州浦江嚴氏子。及長學無常師。頂石林座下。委心請法。林曰。佛之妙用。在汝觸事不迷。師一言解悟。住後上堂。金烏未上玉兔西沉。伶俐衲僧。東討西尋。忽然撞破虛空。歷劫只在如今。卓拄杖下座。焙經上堂。海藏靈文。經天緯地。琅函玉軸。塞壑填溝。如來不說。說敲出鳳凰五色髓。迦葉不聞。聞擊碎驪龍領下珠。火燄爲三世諸佛說法。義天朗耀。揭坤維三世諸佛向火燄上說法。字脚不

留空法界。兜羅線裏。玉轉珠回。文武火中。星移電捲。行行鑄出黃金字。朶朶花開白玉蓮。湛寂凝然。應真不借。只如經歸藏。禪歸海。又作麼生。五千餘卷。瘡疣紙一衆。傳來耿夜光。問古人道。須參活句。莫參死句。如何是活句。師曰。路逢死蛇。莫打殺。曰。如何是死句。師曰。無底籃兒。盛將歸。曰。不死不活句。又作麼生。師曰。易分雪裏粉。難辨墨中煤。問三賢未達。十聖難知。如何是此宗。師曰。無孔笛。豈拍板。曰。知音者。誰。師曰。聖人爭得聞。曰。也知和尚慣有此機。師曰。鷄子過新羅。

徑山度禪師法嗣

杭州徑山虎岩淨伏禪師。淮安人。至元間。上御大明殿。受朝賀。因問南禪才者。右相和禮。霍孫首舉。師師作偈以進。其略曰。過去諸如來。安住秘密藏。現在十方佛。成道轉法輪。未來諸世尊。一切衆生是。緣妄想執著。結煩惱。蓋纏迷。成六道身。虛受三塗苦。惟念過現佛。不敬未來尊。與佛結冤仇。或烹宰殺害。不了衆生相。全是法性身。昔有常不輕。禮拜於一切。言我不

輕汝汝等當作佛若能念自他同是未來佛現世增福壽生生佛國上覽悅而問曰戒勿殺有道者試爲朕言之師奏對曰有宋仁宗皇帝一日語羣臣曰朕夜來飢甚思欲燒羊羣臣奏曰陛下何不宣付有司辦之仁宗曰朕偶飢思爾慮爲常例寧忍一時之戒不忍啓無窮之殺殿下皆稱萬歲上嘉納即受帝師戒

徑山愚禪師法嗣

閒極雲禪師舉虛堂三轉語頌曰縫却虛空算盡沙針頭畫地是生涯改頭換面無人見幾度春風吹落花

寶葉源禪師示衆舉德山入門便棒話頌曰皎潔晴天吼怒雷鐵山萬疊盡驚開因思塊雨條風曰安得全提有此來又頌三心不可得話曰去歲春風燕子多社前先到舊時窠今年春色歸將半簾幕蕭蕭不見過

徑山月禪師法嗣

南我叟禪師示衆舉趙州因一秀才云和尚是古佛

州云秀才是新如來師曰廣寒宮殿淨無埃已是逢君八字開月桂不須零碎折等閒和樹拔將來

南嶽下二十二世

高峯妙禪師法嗣

杭州天目中峯明本禪師錢塘孫氏子母夢無門開道者持燈籠至家而生神儀挺異纔離襁褓便好結跏歌梵頃初參高峯於死關高孤峻嚴冷不假人辭色一見師驪然欲爲祝髮一日誦金剛經至荷擔如來處恍然開解明年遂薙染受具未幾觀流泉有省即詣高求證高打趂出旣而民間訛傳官選童男女師問忽有人來問和尚討童男女時如何高曰我但度竹篋子與他師言下洞然徹法源底高乃書眞贊付師曰我相不思議佛祖莫能視獨許不肖兒窺得半邊鼻有問高諸弟子優劣高曰如義首座固是一根老竹其如七曲八曲唯本維那却是竿上林新篁他日成材未易量也延祐六年秋駙馬太尉藩王璋奏奉聖旨御香請師陞座師示衆曰大道無爲大功不宰大善無跡大位不居一切處海印發光千萬

古金枝挺秀訪圓通大士於潮音祠裏買石得雲饒
修如意輪期於明慶寺中移花兼蝶至香風奏四天
之樂梵音轟大地之雷二千載已現國王五百劫常
爲世主一大藏教隨機運轉百千善行任意發揮祝
萬歲於九重保三韓於上國此是太尉藩王海印居
士尋常行履處且佛法相應一句如何指陳匝天匝
地祥雲起無古無今瑞氣騰高峯忌日師拈香曰順
心庵裏太湖中央俄然逢愍忌世相未能忘大衆高
峯老和尚來也雨蒸苗葉綠風撼稻花香示衆春入
寒巖不可加枯株朽幹盡萌芽化工無處藏形跡紅
白都開一樣花大衆一年歲事已過一月了也蒲團
禪板還知覺也無鉢盂匙筯還休歇也無芒鞋竹杖
還放得下也無燈籠露柱還忘境界智也無如其未委
你還知前一月如此虛度若不痛以生死無常爲已
重任精勤勇猛別立生涯則後一月未免又成虛喪
不消打幾箇瞌睡十二箇月特不過展轉唐捐剃髮
染衣超方越俗所圖何事你還知命存呼吸麼壯色
不停猶如奔馬麼或不趁此呼吸未斷之頃壯色可

玩之時拌性命提起話頭與之挨拶討箇分曉其落
湯螃蟹之喻各將誰歸不見石鞏居馬祖會下在廚
作務次祖問子在此作麼羣曰牧牛祖曰牛作麼生
牧羣曰一回入草去驚鼻拽將回祖曰子真牧牛也
看他前輩於作務之頃未嘗斯須忘此道豈似今人
橫草不拈豎草不踏二時粥飯百般受用指顧如意
聞首座打板聲厭嫌頓起嗟訝羣生不得已走上蒲
團情猿意馬馳驟不息或不昏沉便成散亂間有箇
不忘出家本志者強把箇所參話頭提撕作主方舉
未完則又被風吹別調矣似如此喚作參玄上士不
啻鄭州出曹門較他古德造次不離者豈止霄壤相
間哉諸禪德本色道流面前不容佇思豈許商量遠
得便行玄都觀裏桃千樹提得便走杏華枝上月三
更燕聲尋王謝堂上之巢馬蹄踏劉阮溪邊之路無
一草不含芳潔無一華不帶春容錦雲騰第一義天
玉浪漲真三昧海且不涉化工底句如何指陳驚鷺
灘上翹雙足蝴蝶園中叫一聲雪朝示衆凍雲四合
雪漫漫孰解當機作水看只爲眼中花未瞥啓窓猶

看玉琅玕小。參大道在目前。山是山水是水。玄機超物表。聖非聖。凡非凡。一念洞然萬緣廓。爾水精宮秋容淡淡。森羅萬象吞吐明月珠。松雪齋瀨氣沉沉。屏几六牕交徹。寶絲網無一物不彰。至體無一事不演。真乘莊周。雖蝶悟枕邊。敢保其當機罔措。子韶固蛙聞月下。未許其覲面。施呈這一著。子名不得狀不得。卽其知處已陷情。團事亦然理亦然。與麼會時早沉識海。所以道神光獨耀。萬古微猷。入此門來。莫存知解。且不存知解底句。如何指陳。玉宇秋高。無界限金園。春事政敷。朕師居無宅止。隨所寓庵。廬皆曰幻住。四方龍象奔走輻湊。仁宗皇帝聞而聘之。不至。錫金襴袈裟。并賜佛慈圓炤廣慧之號。英宗繼御。龍賚一如先朝。嘗斥學者不求實悟。有曰。今之參禪。不靈驗者。第一無古人真實志氣。第二不把生死無常做一件大事。第三拌捨積劫以來所習所重。不下又不具久遠不退轉身心。畢竟病在於何。其實不識生死根本故也。凡見學者。輒問曰。汝喚什麼作生死。或茫然無所對。輒激勵開示之。至治癸亥秋。示疾有來省者。

師曰。幻住庵上漏旁穿。籬圻壁倒。不可久住也。語笑如平昔。復有告歸吳門者。師曰。何不過了中秋。去十四早寫偈辭衆曰。我有一句分付大衆。更問如何。無本可據。置筆安坐而逝。是日。白虹貫山。壽六十一臘三十七塔。全身於寺西望江石元統二年。復賜號普應國師。仍以師所著書三十卷。名曰廣錄。敕隨大藏流行。

杭州西天目山斷崖了義禪師。姓湯。湖之德清人。六歲始能言。世事情無所知。年十七有僧過門。誦高峯上堂語曰。欲窮千里目。更上一層樓。師忽曰。此大善知識也。我宜往見。母驚異之。卽上死關爲童峯。令提一歸何處話。因授名曰從一。一日過鉢孟塘。見松梢雪墜。有省。詣峯呈頌曰。不問南北與東西。大地山河一片雪。峯痛棒打。退不覺隕身崖下。同學捫蘿以救。力挽之。還師復端直。堅誓以七日爲限。未及期。豁然大悟。馳見峯曰。老和尚今日護我不得也。再呈頌曰。大地山河一片雪。太陽一炤便無蹤。自此不疑諸佛祖。更無南北與東西。東峯上堂曰。我布縵天大網打。

鳳羅龍不曾遇得一蝦一蟹。今日有蟪蛄蟲撞入三十年後向孤峯絕頂揚聲大叫。且道。叫箇什麼。舉拂子曰。大地山河一片雪。師便奪拂子爲衆舉揚。曰。盡大地有一人發真歸源。從一皆知之後。歸德清偕母入武康結茅。越五載還山。峯曰。大有人道你拖泥帶水。師曰。兩眼對兩眼。遂求薙落。更名曰了義。暨峯委席本雍二公亦相繼而化。師乃勉衆請誓示衆曰。若要超凡入聖。永脫塵勞。直須去皮換骨。絕後再甦。如寒灰發發。枯木重榮。豈可作容易想。我在老和尚處多年。每被大棒打徹骨髓。不曾有一念遠離心。直至今日。纔觸著痛處。不覺泪流。豈似汝歡喜踴躍。咬著些子苦味。便乃掉頭不顧。殊不知苦味能除百病。或示衆曰。除却語默動靜。道將一句來。又曰。一息不來。向何處安身立命。師說法應機頗多。稱言穢語人所不堪。元統元年除夕。謂衆曰。有一件事。天來大。你還委麼。良久曰。明日是年朝。越六日與僧夜談。乃曰。老僧明日天台去也。僧曰。某甲隨去。師曰。你走馬也。越我不及。翌午踰跌而寂。壽七十二。臘四十九。初

中峯示寂。會葬。齋次。師笑謂衆曰。後十二年更爲老僧一會。至是十二年矣。全身藏於獅子岩。賜號佛慧圓明正覺普度大師。

杭州天目山大覺寺布衲祖雍禪師。明州寧海人。得旨於高峯。躬舂爨樵。貌甚瘠黑。慧而少文。嘗和永明山居偈曰。我要心灰。即便灰何須更去覓。良媒千差。路口齊關。斷萬別機頭。盡截摧就樹縛茅成屋。住拾荆編戶。傍溪開是他。懶瓚無靈驗。惹得天書三度來。又曰。尋常冷解。自知非退步。沉踪住翠微。掃蕩百年榮辱夢。倒回多劫本根機。蟻因尋穴沿堦走。蝶爲尋花徧圃飛。須信先天并後地。洞然物物有真歸。後住中天竺桂子堂。書偈安坐而逝。

處州白雲空中。以假禪師得法。高峯後。栖白雲山。禪侶聞風。屢滿戶外。至元丙子夏一日。援筆書偈曰。地水火風先佛記。掘地深埋第一義。一免檀那幾片柴。二免人言無舍利。跌坐而化。

靈雲定禪師法嗣

洪州般若絕學世誠禪師。示衆兄弟家三年五年。做

工夫無個人處。將從前話頭拋却。不知行到中途而廢。可惜。前來許多心機。有志之士。看衆中柴乾水便。僧堂溫煖。發願三年不出門。決定有箇受用。有等纔做工夫。心地清淨。但見境物。現前便成四句。將謂是大了。當人口快舌便。悞了一生。三寸氣消。將何保任。佛子若欲出離。參須寔。悟須寔。悟。

徑山陵禪師法嗣

杭州徑山竺遠正源禪師。南康歐陽氏子。聞虛谷道望。往依焉。一日。谷舉龍潭滅紙燭話。問之。師曰。焦石可破。層氷谷曰。破後奚爲。師曰。探索。方知。谷曰。所知者何事。師擬對。谷便打。師釋然。領旨。後五主大刹。號佛慧慈。炤普應禪師。壽七十三而逝。塔豎本山。

金華府雲黃山寶林。桐江紹大禪師。俗姓吳鳳山。爲沙彌時。私自計曰。化龍之魚。肯于蹄涔求生乎。卽上雙徑。謁虎谷。谷指以入道捷要。久之。辭去。一策湖湘。徧扣禪局。法無異味。乃歸省谷。奮勵倍加。遂得自在。無畏法。初住烏龍。晚居寶林。示滅。衆請書偈。師接筆擲地曰。縱書到彌勒下生。寧復離此耶。脩然而化。闍

維獲設利如紺珠色。牙齒貫珠不壞。壽七十四臘五十一。

蘇州覺隱本誠禪師。嘉禾語溪人。嘗作貧居偈。自適曰。但得閒中樂。豈以貧爲艱。愈貧愈無事。無事心愈閒。雖居人世中。恰似出塵寰。

道場信禪師法嗣

嘉興府福源寺石屋清珙禪師。蘇之常熟溫氏子。首參高峯。授以萬法歸一話。服勤三年。次往建陽西峯。參及庵。不契。遽發憤棄去。途中忽舉首見風亭。躍然有省。歸語庵。庵領之。師卓庵天湖。躬役樵蔬。禪暇喜作山居吟。遂有終焉之志。俄而福源專使至。師堅臥不起。或勸曰。沙門當以弘法爲重。任閒居。獨善何爲哉。於是幡然而就。上堂達磨居少林。九年面壁。墮不牢。疎山賣布單。千里見人。路頭繁雜。福源這裏墮。堅牢路頭平直。諸人每日行在正路上。行住在穩密處。住中間一片田地。因甚踏不著上堂。我有一句。子欲與諸人說破。又恐諸人罵我。我不與諸人說破。又恐諸人疑我。且如今說卽是不說。卽是撫膝曰。知我

罪我我無辭焉。上堂動若行雲止猶谷神水中鹹味。色裏膠青細雨濕衣看不見閒華落地聽無聲。上堂我本山林拙比丘等閑來此伴禪流縱饒相聚人情好那箇人情得到頭休休休綠霧紅霞千嶂錦西風黃葉一天秋。上堂知見立知即無明本知見無見斯即涅槃春山疊亂青春水漾虛碧寥寥天地間獨立望何極拈拄杖曰放過釋迦老子卓拄杖曰穿却雪竇鼻孔良久曰劍爲不平離寶匣藥因救病出金瓶及庵忌師拈香曰沒興相逢處西峯與建陽不平多少事盡在一爐香除夜小參北禪分歲三代禮樂全該王老燒錢一種杯盤狼籍哄上座固守清貧兼逢歉歲難與諸方鬪富從年頭直至年尾共諸人同家共活豐儉隨宜終不陪笑面去借地栽花虛粧好漢且就自家屋裏量水打碓免見求人但每日二時率補得過便可塞住持之責古人有言時挑野菜和根煮旋斫青柴帶葉燒不是爺貧連子苦免教家富小兒嬌居七年以老引退復歸天湖至正間朝廷聞師名降香旌異皇后賜金襴衣示疾書偈曰青山不著

臭尸骸死了何須掘土埋顧我也無三昧火光前絕後一堆柴擲筆而逝塔于天湖之原以及庵之塔配之蓋不忘及庵昔日與汝同龕之囑云詔諡曰佛慈慧炤禪師

金華府聖羅山石門剛禪師得旨於及庵遊歷罷歸里中善信卽其山地營建寶坊請師主之歲夜謝道德首座順侍者看病上堂歲事除年華畢尊莫尊乎道重莫重乎德覺卽般若因順卽菩提佛當知種豆不生麻因果自然明歷歷然雖如是且道如何見得八福田中看病第一辭世偈曰七十六年了然寬廓拶破虛空須彌倒卓

匡山源禪師法嗣

嘉興府海門天真惟則禪師湖州費氏子母夢異僧分衛覺而有娠及旦異香襲人髻年出家遍參有道知識一十八員皆弗契後聞匡廬無極源禪師徑往扣之豁然大悟衆請開法海門上堂僧問如何是佛祖爲人處師曰狗舐熱油鐺曰今日海門開堂還有爲人處麼師曰猛虎當路坐曰和尚豈無方便師震

咸一喝曰。謝師指示師曰。退過一面。方覺自慚。乃曰。向上事。向下事。截斷兩頭。休執滯。驀然放出。鼉鼻蛇。咬殺方知難躲。避咩咩。咩咩。海門今日忍俊不禁。越例爲諸人通箇消息。汝等諸人還委悉麼。以拂子點一點。曰。等閒拋下活人丹。浩浩清風動天地。上堂菊綻東籬香。正浮海天空濶。月華秋當陽。拈出吹毛利劍。絕縱橫。六不收。上堂風頭峭急。寒毛卓豎。諸人若也打熬不過。只得向煖處商量。且道商量箇甚麼。商量道。觀音菩薩將錢買胡餅。放下却是饅頭。大家喫得飽。煖睡來。但覺鼻息齁齁。忽然冷灰裏火爆。拶却面門。到這裏。莫怪海門說夢。好喝一喝。上堂我有一間空屋。令一人在內外。有一人叫應。也不是不應。也不是作麼生出。得參僧問。如何是趙州喫茶去。師曰。舌頭在你口裏。曰。如何是趙州不喫茶去。師曰。舌頭在什麼處。曰。如何是日面佛。師曰。今日雲生。曰。如何是月面佛。師曰。夜來再看僧禮拜。師曰。自起自倒。漢上堂六月不熱。五穀不結。搖扇取涼。飲水止渴。海門不惜眉毛八字。打開向諸人道了也。還委悉麼。暑風微

動。琳琅響。曉露輕凝。菡萏香。洪武初。常預薦法事。以足疾賜歸。一日告衆曰。吾去矣。侍者請偈。師厲聲曰。平常說底不是耶。卽瞑目而逝。

鐵山瓊禪師法嗣

汝州香山無聞聰禪師。初謁獨翁令參三不是話。未嘗發。一日。敬上座。謂曰。要知端的。意北斗面南看。忽有省。適鐵山從高麗回。在石霜聞師有發明處。乃問仙府何處。師曰。汝州曰。風穴祖師面目如何。師曰。和尚且止。須臾之間。將二十年工夫說一遍。鐵山遂問。如何是無字義。師曰。近從潭州來。不得湖北信。山曰。未是再道。師曰。和尚幾時離高麗。山曰。未是更道。師一喝拂袖而出。山曰。者兄弟都好。只一件大病。道發明了。師感激鐵山爲開示細大法門。後住光州。獨行獨坐十七年。方得顓脫。普說曰。法無定相。遇緣卽宗。秉金剛劍。吞栗棘蓬。截斷衲僧舌頭。坐却毗盧正項。豎一莖草。作丈六金身。將丈六金身。作一莖草。不是禾山鼓响。且非教外別傳。直教寸絲不掛。月冷秋空。寒灰發焰。到者裏。喚作佛法。墮地獄如箭射。不喚

作佛法亦墮地獄如箭射諸仁者畢竟作麼生會開口爛却舌根豈不見船子曰吾於藥山二十年藏身處沒踪跡沒踪跡處莫藏身雖然恁麼舉唱開佛知見立大圓鏡豎涅槃幢舉揚般若敲唱雙舉兼帶叶通炤用同時正眼觀來盡是閒家具與我衲僧分上料掉沒交涉豎拂子曰會麼

瑞岩寶禪師法嗣

天台華頂無見先觀禪師台之仙居葉氏子資性秀敏嗜讀書過目成誦從古田屋羅髮參方山一日作務次渙然氷釋山以偈印之築室華頂一坐四十年足未嘗踰戶限白雲參問曰西來密意未審何如師曰待婆羅峯點頭卽向汝道

高峯日禪師法嗣

日本國兜率院夢窓疎石國師姓源氏勢州人字多天王九世孫母夢吞金色光而孕長爲大僧留神教典然恐執滯名相遂飛渡南遊見一山寧山曰我宗無語句亦無一法與人師曰願慈悲方便山曰本來廓然清淨雖慈悲方便亦無也師迷悶不已復往萬

壽參高峯日日曰一山云何師述前語日厲聲喝曰汝何不道和尙逗漏不少師於言下有省一夕坐久偶作倚壁勢身忽仆地豁然大悟乃說偈自慶有等關擊碎虛空骨之句亟趨見日日印可之後道譽日隆加號賜紫壽七十七示滅

紫籙道禪師法嗣

杭州徑山大宗興禪師台州人臨終忽嘆曰夫三十婦六齡畢竟偶不成遂坐去

台州瑞巖恕中無愠禪師本郡臨海陳氏子初受度於元叟和尙後謁竺元以看狗子無佛性話未破請益纔開口被元一喝忽然大悟上堂適來行者打鼓一下下打著汝諸人心肝五臟還知疼痛麼而今長老說黃道黑一句句道著你屋裏七代先靈還知慚愧麼若也知得可謂恩犬難酬若也未知未免爲汝重下註脚拈拄杖卓一卓上堂巖寺春深草樹肥幾回特地啓柴扉行人只在青山外杜宇聲聲喚不歸佛誕上堂黃面老子未出母胎已前好箇大力量人既出之後口吧吧地便見不堪只知道天上天下惟我

獨尊闢市裏。鵬碌磚必定打著。爭奈無人承當。禱雨上堂。甘雨愆期。田疇龜拆。衲僧鼻孔焦熱。生烟拈拄杖。子化爲龍。向南閭浮提行雨去也。山僧不可洗手奉功。未免助其神力。卓拄杖曰。急急如律令。敕謝來蘇莊監收上堂。山僧昨遣數員宿將。征諸未服。既溪我來蘇一鼓而下。直得風以順雨。以時嘉谷豐登。庶民樂業。今當還師。振旅奏凱。論功坐享太平之時。玄弼眞君忍俊不禁。不覺手之舞之。足之蹈之。於一毫端揚聲而歌曰。台州仙高一百紅蓮青。江口白蝦蟆。來歸兮。連子格。且道是什麼曲調。良久曰。飯飽弄筋上堂。盡十方世界是一口劍。且道欄杆落在什麼人手里。縱然道得分明。我要問你。是殺人劍。活人劍。僧問如何。是最初一機。師曰。蝦蟆趕鷄子。曰。如何是末後一句。師曰。老鼠弄糊獮。曰。怎麼則七出入沒去也。師曰。且莫詐明頭。曰。人無遠慮。必有近憂。師曰。晨朝有粥齋時。有飯憂箇什麼。曰。竹影掃階塵不動。月穿波底水無痕。師曰。二年同一春。僧提起具曰。謝師答話。師曰。口是禍門。問維摩丈室。不以日月爲明。和尚

丈室以何爲明。師曰。物見主眼卓。豎曰。摩竭掩室毗耶杜。詞相去多少。師曰。一坑埋却曰德山。入門便棒。臨濟入門便喝。畢竟明什麼邊事。師曰。塞北千人帳。江南萬斛船。問如何是函蓋乾坤。句。師曰。猛虎口裏活雀兒。曰。如何是截斷衆流。句。師曰。金剛手裏八棱棒。曰。如何是隨波逐浪。句。師曰。李白捉月。張騫乘槎。示衆穩坐家堂。主人翁因甚不識。掀翻大海。擱碎須彌。平地上因甚擡脚不起。眼光爍破四天下。自家眉毛落盡。因甚不見。拈拄杖曰。三句內一句外。不涉兩頭。有人道得。拄杖子兩手分付。洪武七年日本國主遣使入貢。奏請師化其國。上召至闕下。師以老病辭。弟子復迎歸翠山。侍奉一日。忽遷微恙。揮毫書偈曰。七十八年無法可說。末後一句。露柱饒舌。咄。端坐而逝。靈骨塔於翠山。

慶元府天童了堂一禪師。僧問。昔日保壽開堂。三聖橫身相爲。臨濟住院。普化盡力扶持。畢竟明甚麼邊事。師曰。兩頭俱坐斷。一劍倚天寒。曰。與麼則五位君臣齊。裂下三玄。戈甲一時收。師曰。錯下名言。僧一喝。

師曰。亂統禪和。如麻似粟。上堂拈一莖草。作丈六金身。將丈六金身。作一莖草。好大衆。不是苦心人。不知便下座。上堂最初一句。末後一機。直下搆得。燈籠露柱。動地放光。其或未然。竹山今日失利。

保寧茂禪師法嗣

嘉興府本覺南堂清欲禪師。臨海朱氏子。初住開福上堂。摩尼珠人不識。如來藏裏親收得。萬象森羅影現中。一顆圓光色非色。永嘉大似乞兒。暴富開福道。摩尼珠誰不識。擊碎分文也不直。拋向虛空更那邊。免使時人挂胸臆。然則雲開日出。職到威成。撞著本色道流。恰似泗州人。見大聖後。住本覺上堂。顧視太衆曰。莫有作家戰將麼。時有僧出衆曰。盡大地是箇問頭。和尚作麼。生答師曰。遍虛空是個答話。是汝作麼。生頷曰。萬福。師曰。拄杖不在。苕帚柄與你三十日。諸方有明眼人在。師曰。你莫是患盲麼。僧無語。師喝曰。將謂是收燕破趙之才。元來也做未得行間小卒。在出去。乃曰。若論戰也。個個力在。轉處到者。裏直須通。方上士本色。英流寸刃不施。全鋒敵勝。其或未然。

白

擬議不來。觸體粉碎。卓拄杖喝一喝。下座。舟中值冬至。小參一道。虛明總是自家田地。初交既兆。全彰格外。乾坤無去來動靜之殊。無取舍是非之異。可以騎聲蓋色。可以隨流入流。可以泛華亭半葉之舟。可以盡澤國烟波之勝。不舉任公之釣。非同濠上之遊。擊拂子曰。劈口一橈。已傷鹽醋。離鉤三寸。休更回頭。拍膝曰。永夜月。明天在水。雁聲飛過。白蘋洲。癸卯八月示寂。

明州瑞雲清涼寺寔庵茂禪師。族鄭氏。十六去髮。不營細務。乃卷衣渡江。謁南澗泉。泉命掌藏鑰。一夕松月下。聞流水聲。有省。往白泉。泉俾詣古林。林問來欲何爲。師曰。特爲生死事大。來求出離。林曰。子明知四大五蘊。是生死本根。何緣入此草窠。耶。師擬開口。林舉杖擊之。遂臻玄奧。至正壬午。住瑞雲。有僧問。答未竟。以手拍地而笑。師曰。滯貨何煩拈出。耶。僧囁一聲。師便喝。僧有省。後良公迎歸天童。未幾。示疾。左右具觴。翰請偈。師舉手指心曰。我此中廓然也。何偈之爲。明旦端坐。握拳枕額。憑几而逝。留七日。顏潤頂溫。茶

毗天花現瑞。舍利無數。塔於瑞雲西崗。壽八十五。

靈隱海禪師法嗣

杭州徑山月林鏡禪師。幼歲出家。間扣名碩。俾參本來人。久有省作偈曰。本來人。本來人。無腦無頭。作麼尋。驚然揪著個鼻孔。試看元來是白丁。頃見晚視曰。可是師與一摺。

明州育王大千慧炤禪師。永嘉麻氏子。首謁晦機於淨慈。未契圓證。一日閱真淨語錄。至頭陀石被莓苔裏處。忽流汗浹背。往見東嶼。嶼問。東奔西走。將欲何爲。師曰。特來參禮。嶼曰。天無四壁。地絕八荒。汝向何地措足。耶。師抵掌於几而退。及嶼遷淨慈。邀師分座。初出世樂清明慶。繼居寶陀。晚主育王。嘗垂三關語。以驗學人。曰。山中猛虎。以肉爲食。何故不食其子。虛空無向背。何緣有南北。東西飲乳等。四大海水。積骨如毗富羅山。何者是汝。最初父母居九年。退居妙喜泉上。築夢庵。以自處。洪武癸丑陽月示寂。

天寧曇禪師法嗣

三空居士女中之善倫也。秉烈丈夫之志。不爲富貴。

所轉參。參雲單提無字。如是三十六年。忽一日問曰。生死到來時如何。雲曰。生是誰。耶。死是誰。耶。居士低頭問。訊雲疑其異常。遂再扣之曰。是誰。生是誰。死是誰。復低頭問。訊雲曰。切忌死在這裏。士提起念珠曰。數珠一百八。未幾示微疾。說偈而去。火浴得舍利無數。

玉山珍禪師法嗣

金陵蔣山曇芳忠禪師。南康人。梁王至建康。是夕寺留明日。王詣寺問曰。興復若何。師曰。賴有大檀越在。王曰。寺旣燬矣。佛依何住。師曰。古佛過去。今佛再來。王大悅。又曰。衲子所謂蔣簿粥者何也。師曰。將謂殿下忘却。王曰。衲子所謂三隻襪者何也。師曰。國內山川都踏遍。今朝親到帝王家。賜廣惠園。悟大禪師。

徑山伏禪師法嗣

杭州徑山南楚悅禪師。隆興人。上堂。聞聲悟道。見色明心。薰拈拄杖曰。者箇是色。卓一卓曰。者箇是聲。諸人總見。總聞。且那個是明。底心。那個是悟。底道。喝一喝曰。貪他一粒米。失却半年糧。

天童坦禪師法嗣

金陵天界寺孚中懷信禪師奉化姜氏子。上天童謁西竺坦坦。知是法器。厲色待之。一日上堂。舉興化打克賓公案。問師曰。俊哉師子兒也。遂依侍左右。就維那職。泰定丙寅。出世明之觀音。復遷住洛伽二王首加崇禮。後主龍翔明太祖親幸寺中。聽法。特改額爲大天界。一日索浴更衣。召衆曰。吾將歸矣。汝等當以荷法自期。勵精進行可也。言畢而瞑。侍者撼且呼曰。和尚何不留片語示人乎。師乃握管書曰。平生爲人戾契七十八年。漏泄今朝。撒手便行。萬里晴空。片雪書畢。復瞑。一日前太祖方督師江陰。夢師入太祖問曰。師來胡爲。師曰。將西歸來告別耳。未幾。駕還金陵。聞師訃。正與夢符。帝驚異。詔出內帑。以助葬。事塔于牛首山麓。分爪髮衣履。瘞天童寺。

五燈嚴統卷第二十一

五燈嚴統卷第二十二

臨濟宗

南嶽下十八世

鼓山永禪師法嗣

臨安府淨慈晦翁悟明禪師。福州人。上堂。舉長慶云。總似今日老胡。有望保福云。總似今日老胡。絕望師曰。天高鴻鴈侵雲舉。地肅蜚蜚入草鳴。渾是一秋風景裏。客愁幾逐異鄉情。纂修禪燈會要行於世。

靈隱善禪師法嗣

福州雪峯藏叟善珍禪師。南安呂氏子。上堂。盡大地是紫磨金身。諸人終日開眼覷見釋迦老子心。肝舉步築著釋迦老子鼻孔。說有說無。是誑說。生說滅。是謗說。卽心非心。是妄不誑。不謗不妄。春風吹落桃李花。淡煙疎雨籠青嶂。自題像曰。參禪無悟識。字有數眼。三角似燕山愁。胡面百擢如趙婆呷醋。一著高。出諸方。敢道飯是米。做後奉朝命。移徑山。嘉定丁丑示寂。

吉安府龍濟山友雲宗整禪師廬陵王氏子年十九

薨受具闡妙峯蘭化靈隱往依之一日峯上堂拈

拄杖曰釋迦老子來也諸人還見麼微妙淨法身具

相三十二放下拄杖曰你諸人不會入涅槃去也師

於言下豁然未幾辭歸得修山主古寺基木食調飲

或雪寒無宿火啖菖歎數寸度日口占自遣曰山僧

有分住煙蘿無米無錢莫管他水似琉璃山似玉眼

前儘有許來多嗣是化風稍行不數載成大叢庵因

襲舊名榜曰龍濟清涼寺嘗書門曰除却眼耳鼻舌

身意那個是汝自己若也道得許你親見龍濟其或

未然且居門外僧問和尚曾接得幾人師曰山僧從

來不會按牛頭喫草問臘月三十日到來時如何師

曰門前無索債人示疾集衆囑後事彈指一聲曰只

此是別衆語也衆請留偈索筆書曰一燈在望更無

言說大地平沉虛空迸裂泊然而寂住世八十塔全

身於峯巔

杭州淨慈東叟仲穎禪師上堂切忌隨他覓無旁向

已求縱橫活潑潑有放還有收是甚麼一葉落天下

歌

淨慈簡禪師法嗣

慶元府育王物初大觀禪師鄞縣陳氏子參北磬於

南屏機語契合住後上堂一冬二冬你儂我儂暗中

偷笑當面脫空雖是尋常家飯誰知米裏有蟲夜來

好風吹折門前一枝松上堂塵劫來事只在今時當

斷不斷斗換星移拈拄杖卓曰花須連夜發莫待曉

風吹上堂達磨正宗禪僧巴鼻充塞虛空無處迴避

堪笑迷流白日青天開却眼只管瞋睡更有黃面老

人不識好惡入泥入水却道我於然燈佛所無一法

可得而爲我授記何必好肉剜瘡空花求蒂畢竟如

何悉喇悉喇順世後塔於寺西之庵

徑山瑛禪師法嗣

臨安府淨慈偃溪廣聞禪師侯官林氏子參新翁翁

舉趙州洗鉢孟話師將開口翁遽止之平生疑碍冰

釋紹定戊子出世淨慈上堂舉趙州示衆曰老僧三

十年前在南方火爐頭有箇無賓主脚直至如今無

人舉著師拈曰森羅萬象明暗色空日夜舉揚趙州

古佛不是不知只爲貪程太速上堂十字街頭石幢子無你遮護處一聲江上侍郎來無你迴避處衲僧家朝出暮入脚前脚後也須子細忽然築著磕著淨慈拄杖別有分付上堂趙州喫茶去金牛喫飯來龍門多上客有人續得末後句許法入阿字法門上堂舉王常侍與米和尚相見因緣頌曰機輪活脫走珠盤妙處都盧在筆端豎起依然還放下靈鋒寶劍倚天寒景定四年示寂

東山源禪師頌蜆子和尙曰紙錢堆裏可憐生臭口纔開便葛藤蕩盡鬼家窮活計至今古廟絕人行

婺州雙林介石朋禪師舉明招天寒上堂衆纔集招曰風頭稍硬不是汝安身立命處且歸暖室商量便歸方丈大衆隨至立定招又曰纔到暖室便見瞌睡以拄杖一時趁下師頌曰稍硬風頭早已乖更將暖處自沉埋反令千古成踪跡枉喫羅山白飯來

臨安府徑山淮海原肇禪師通州潘氏子參浙翁翁問何處人師曰淮人曰泗州大聖爲甚麼在楊州出現師曰今日又在杭州撞著曰且得沒交涉師曰自

遠趨風翁以師警敏欲大激發未容參堂纔見便曰下一轉語來師擬開口翁便喝師呈頌末有曰空教回首望長安翁曰者裏是甚麼所在師曰謝和尚挂搭始許入室

弁山阡禪師頌李翱參藥山因緣曰貴耳而賤目背手抽金鍊仰面看青天謂遇新羅國

臨安府靈隱大川普濟禪師明州奉化人題世尊出山相曰龍章鳳質出王宮肘露衣穿下雪峯智願必空諸有界不知諸有幾時空纂修五燈會元二十卷行世

育王瑞禪師法嗣

慶元府瑞巖無量崇壽禪師臘八上堂舉世尊親明星悟道公案頌曰明星一見眼皮穿漢語胡言萬萬千暴富乞兒休說夢誰家竈裏火無煙

天童派禪師法嗣

無境徹禪師舉巖頭因僧問塵中如何辨主頭曰銅砂羅裏滿盛油頌曰百萬雄兵入漢關威如猛虎陣如山單刀直取顏良首不是關公也大難

天童觀禪師法嗣

平江府虎丘伽堂善濟禪師讚魚籃觀音像曰雲鬢濃粧苦強顏爲他閒事入塵寰。攜來活底無人買。只作尋常死貨看。

天童顓禪師法嗣

臨安府靈隱荆叟如珏禪師婺州人。因癡鈍室中間。如何是佛。師曰爛冬瓜。仍頌曰。如何是佛。爛冬瓜。咬著水霜透齒牙。根蒂雖然無窖子。一年一度一開花。住後上堂。新歲擊新鼓。普施新法雨。萬物盡從新。一就規矩。普賢大士忻歡乘時。打開門戶。放出白象王。徧地無尋處。拈拄杖曰。惟有者個不屬故新等閒。開口吞却法身。擲下曰。是甚麼。千年桃核裏元是舊時仁。

萬壽觀禪師法嗣

杭州黃龍無門慧開禪師本郡梁氏子。參月林看無字話。久無省發。乃奮志自誓。脇不沾席。一日法座邊立。聞鼓聲有看。作偈曰。青天白日一聲雷。大地羣生眼豁開。萬象森羅齊稽首。須彌踣跡舞三臺。次日入

◆第一作派

室欲通所得林。遽曰。何處見神見鬼。來師便喝。林亦喝。師又喝。淳祐六年。奉旨開山護國仁王寺。上堂。是非長短耳邊風。切莫於中覓異同。要得八風吹不動。故教心地等虛空。慈雲老人只解順水張帆。不能逆風把柁。黃龍又且不然。是非都去了。是非裏薦取何故。漸幾度黑風翻大海。未曾聞道釣舟傾。屬歲大旱。宋理宗召師祈雨。還而默坐。帝遣內侍問之。師曰。寂然不動。感而遂通。既而大雨。賜號佛眼禪師。潭州石霜竹巖妙印禪師對月看經。偈曰。未動舌頭。文彩露五千餘卷。一時周若言待月重開。卷敢保驢年未徹頭。

南嶽下十九世

徑山珍禪師法嗣

杭州徑山元叟行端禪師。臨安何氏子。生而秀拔。過目成誦。十二歲化成院出家。越六年。受具。聞藏叟唱道徑山。乃往依之。叟問何處人。師曰。台州。叟便喝。師展坐具。叟又喝。師收坐具。叟曰。放汝三十棒。參堂去。師於言下頓悟。一日侍次。叟曰。我泉南無僧。師曰。和

尙濟叟便捧師接住曰。莫道無僧好。叟領之已而叟告寂師。至淨慈依石林。鞏命掌記室。復參雪岩。岩問何處來。師曰。兩浙岩曰。因甚語言不同。師曰。合取臭口岩曰。懶徑橋高。集雲峯峻。未識書記。在師拍手曰。鴨吞螺。蠅眼睛突出。岩笑。顧謂侍者曰。點好茶來。師曰。也不消得。大德庚子出世。湖之資福。特旨賜號。次遷天竺。又遷靈隱。復補徑山。凡三被金襴之賜。聲光藹著。僧問。月旦清晨。升寶座。請師先祝。萬年春。師曰。麒麟出鳳凰。現曰。祝聖一句。蒙師指向上宗乘事。若何。師曰。冬瓜直侗。龍瓠子曲彎彎。曰。祇如臺山婆。凡有僧問臺山路向甚麼處去。婆云。驀直去。僧纔行。婆云。好箇師。僧便恁麼去。未審婆子具甚麼眼目。師曰。瞎曰。趙州道婆子被我勘過了也。意旨如何。師曰。賊是小人。僧禮拜。師便喝問。如何是祖師西來意。師曰。草鞋無跟。問如何是寔頭。一句師曰。刀砍不入。曰。如何是虛頭。一句師曰。火燒不著。曰。如何是不虛不寔。一句師曰。切忌從他覓。迢迢與我疎。問大通智勝佛十劫坐道場。佛法不現前。不得成佛。道西天廣額。

旃陀羅放下屠刀。因甚便道我是千佛一數。師曰。水流江漢去。雲向帝鄉歸。問如何是正法眼藏。師曰。十字街頭石敢當。曰。莫者便是麼。師曰。月似彎弓。少雨多風。上堂。心不是佛。兔馬有角。智不是道。牛羊無角。熏拈拄杖。劃一劃。曰。一夜落花雨。滿城流水香。臘八上堂。未到雪山脚跟下。好與三十。既到雪山脚跟下。好與三十。夜來見明星。脚跟下。好與三十。更有三十。山僧自喫釋迦老子。無分何也。有功者。賞上堂。盡大地是一碗燈。三世諸佛。六代祖師。天下老和尚。在燈裏。橫屍露骨。進一步。築碎釋迦胸門。退一步。踏折達磨脊梁。不進不退。坐在臨濟德山鼻尖上。且作麼生得平展去。良久曰。海枯終見底。人死不知心。上堂。秋天削玉秋水磨銅。南北東西活路通。一隻草鞋健似虎。一條錫杖。獐如龍。忽然撞著。定上座。道無位真人。與非無位真人。相去多少。切忌無言滿面。紅師嘗勘一新到曰。何方聖者。甚處靈祇。曰。臨朕碁。師曰。杜撰。禪和如麻。似粟。參堂去。又勘一僧曰。棋盤石。斫破汝腦門。鉢盂池。浸爛汝脚板。僧擬議。師便喝。又勘一僧。

日劈開華嶽連天秀。放出黃河徹底清。卽且置平塞地上道。將一句來。僧擬開口。師便打。至正辛巳秋。示微疾。問侍僧曰。呼之曾已休。吸之尙未舍。寄同諸苦源來者。不來者。如何。是來者。不來者。侍僧無語。師良久曰。後五日看。至期夜分書偈曰。本無生滅焉有去來。冰河發燄。鐵樹花開。投筆垂一足。而化奉全身。空于寂炤塔院。

淨慈頴禪師法嗣

溫州江心一山了萬禪師。臨川金氏子。參東叟於南屏。偶經神祠。見紙灰隨風旋起。脫然忘所證。亟以白叟。叟詰之。無有疑滯。遂蒙印可。住後。僧問。如何是江心。景師曰。寶塔凌空。曰。如何是景中人。師曰。撥舟過岸。曰。人境已蒙師指示。祝聖報恩。句若何。師曰。傾盡此時心。同音歌萬壽。皇慶元年冬。遘疾坐化。明州岳林栢堂益禪師。溫州人。上堂。古德道我者。裏無法與人。只是據款結案。彰聖者裏。亦無法與人。亦不據款結案。拈拄杖曰。如何是佛。赤脚踏蓮花。如何是佛。向上事。雕梁畫棟。擲下拄杖。便歸。方丈二月十

五日上堂。擊拂子曰。彰聖今日。將三十年前冷灰中。爆出烏豆。揆老胡眼。睛去也。喝一喝。曰。設有一法。過於涅槃。我此一喝。不作一喝用。

育王觀禪師法嗣

洪州仰山晦機元熙禪師。南昌唐氏子。與兄元齡俱從進士業。元齡既登第。師遂祝髮。聞物初闢化玉。几往依之。朝夕咨扣。盡發其秘。元貞二年。出世百丈。遷淨慈上堂。雲門道個。普字盡大地人。不奈何。殊不知雲門四稜塌地。當時若與震威一喝。待此老惡發。徐打箇問訊道。莫怪觸忤。好非但抹取此老。亦能振起雲門。綱宗雖然。口是禪門。後遷徑山。未幾。退歸百丈。大仰之徒。爭來請師。師不獲已。遂還仰山。居二年。示寂。作偈。擲筆而化。

淨慈聞禪師法嗣

杭州徑山雲峯妙高禪師。福寧州人。參偃溪。一日。溪舉牛過窓。樵話豁然有省。答曰。鯨吞海水。盡露出珊瑚。技溪可之。住後。上堂。世界未形。乾坤泰定。生佛未具。觀體全真。無端鏡容。大士鷹巢。躍出。劈破面皮。早

是遭人描邈。那更缺齒老胡。不依本分。遙望東震旦。有大乘根器。迢迢十萬里來。意在攬行。奪市直得。鳳堂鼓響。阿閣鐘鳴。轉喉觸諱。插脚無門。合國難追。重遭許露。新蔣山迫不得已。跨他船。拉入他界。分新官不理舊事。畢竟如何。拍禪牀曰。戊樓靜貯千峯月。塞草閑鋪萬里秋。時有毀謗禪宗者。師爭之。遂趨京師。集諸宗徒。廷辯。上宣進場。前同百法論師。仙林。賜坐。使各持論。林曰。始從鹿野苑。終至跋提河。於是二中間。未嘗談一字。五千餘卷。自何而來。師曰。一代時教。如標月。指了知。所標畢竟非月。林曰。如何是禪師。以手打一圓相。林曰。何得動手動脚。師曰。只者一團。尙透不過。說甚千經萬論。林無語。上大悅。陞辭甫歸。示衆曰。我本深藏巖竇。隱遁過時。不謂日。炤天臨難。逃至化。又曰。衲被蒙頭。萬事休。此時山僧都不會。示寂。塔於寺之西麓。

明州天童止泓鑒禪師。頌太陽無相道場話曰。真空無相。絕名模。立底精兮。畫底龜道。卽不難辭。上紙西天鬚子。絕髭鬚。

雙林朋禪師法嗣

杭州靈隱悅堂祖閭禪師。南康周氏子。一日閱華嚴。至惟一堅密身。一切塵中現。忽有省。往見別山。山問。近離何處。師曰。江西山。曰。馬大師安樂否。師叉手曰。起居和尚。參斷橋。橋問。臨濟三遭黃檗痛棒。是否。師曰。是。曰。因甚。大愚肋下築三拳。師曰。得人。一牛還人。一馬。橋領之。暨橋逝。世介石補其處。一日室中學栢樹子。話師擬議。石抗聲曰。何不道黃鶴樓前鸚鵡洲。師於言下大悟。初出世。西林次住靈隱。嘗勸一僧曰。微塵諸佛。在汝舌上。三藏聖教。在你脚底。何不瞥地。僧罔措。師便喝。又勸一僧曰。釋迦彌勒。是他奴。他是阿誰。僧擬對。師便打。辭衆偈曰。緣會而來。緣散而去。撞倒須彌。虛空獨露。遂告寂。

靈隱濟禪師法嗣

慶元府雪竇野翁炳同禪師。新昌張氏子。初參癡絕。次謁大川。川舉臘月火燒山。話師擬對。川拈竹筴。遽挂之。有省。閉戶書經。有老來非厭客。靜裏欲書經之句。時雪竇虛席。衆請住持。壬寅中秋夕。蛻然而逝。

薦福燦禪師法嗣

福寧州支提山愚叟澄鑒禪師本州寧德張氏子初住白雲至元二十年世祖敕賜住持支提號通悟明印大師後示寂偈曰八十二年落賺世緣躍翻筋斗應跡西乾遂奄然坐化

華藏淨禪師法嗣

慶元府天童西江謀禪師示衆春日晴黃鸝鳴最親切誰解聽一日將入滅顧侍僧曰一笑翻身日月面跌坐而逝

徑山珏禪師法嗣

杭州中天竺空巖有禪師室中垂語曰黃金鑄就鉄眞人東海涌頌曰錦衣公子醉田家熟睡柴牀日未斜熱渴呼漿無所得便將玉帶換甌茶

黃龍開禪師法嗣

杭州護國吳庵宗禪師上堂舉岳林振禪師示衆曰布袋口開還有買得底麼僧曰有林曰不作貴不作賤作麼生買僧無語林曰老僧失利師曰岳林說個問端也甚奇特及至被人道個有字直得東遮西掩

囊藏不迭護國今日布袋口開還有買得底麼良久曰欄杆雖共倚山色不同觀

溫州瞎驢無見禪師頌興化打克賓曰興化打克賓言親語不親棒頭如雨點敲出玉麒麟

放牛余居士古杭人參無門凡有所問被門劈面截住曰是不是及見吳庵問曰吾師甚麼見解敢對人天顛倒是非庵曰我在無門座下無法可得無道可傳只得兩箇字士曰兩字如何說庵曰是不是士于言下始知無門爲人處述是非關其言曰直指人心見性成佛迴光返照迴絕遮欄纔擬思量白雲萬里逢人品藻遇物雌黃重古輕今貴耳賤目任伊卜度沉吟未夢見是非關在且作麼生透如何是第一義對答不得打折齒却逗神通暗渡江有分奔波不近貴將心來與汝安大痛無聲徹骨寒摘葉尋枝非好手西天依舊黑漫漫有佛處不得住燕子銜將春色去杜宇鳴時雪滿天落紅萬點相思雨無佛處急走過覺王寶殿不肯坐修行六載出山來方知斧頭是鐵做安吉州沈道婆問是非關有幾句士曰有

四句婆曰。四句作麼生。舉士曰。第一句有是有非。則不可。第二句無是無非。又不可。第三句是是非非。也不可。第四句非是是非。亦不可。若離得此四句。始見本地風光。曰。我離得否。士曰。汝離不得。曰。人人有分。我爲何離不得。士曰。嫁雞逐雞飛。嫁狗逐狗走。曰。如何是本地風光。士曰。月子彎彎。照幾洲。幾人歡喜。幾人愁。曰。不問者。個風光。士曰。問那個本地風光。曰。無男女相底。士曰。既無男女。相問甚是非。關曰。別有向上事也。無士曰。有曰。如何是向上事。士曰。馬蝗丁住驚驚脚。你上天時。我上天。

孤峯秀禪師法嗣

福州鼓山皖山正凝禪師舒州大湖李氏子。蒙山來參師。問。光明寂照。遍河沙。豈不是張拙秀才語。山撥開口。師便喝。出次年。山得悟。復上。方丈。師舉前問。山便掀倒禪牀。師乃擒住。曰。那裏是話。盧處山以手掩師口。師曰。諸訛在甚麼處。山曰。再犯不容。師曰。更須看山。卽頌曰。雲門捏怪。不堪自敗。獅子咬人。韓盧逐塊。師曰。拄杖不在。別日與汝一頓。山曰。和尚要用。借。

與汝師拈起竹篋。打三下。山便拜出。師題初祖像曰。渡江一葦。風濤急。少室九年。空面壁。錯把安心露。一機至今。滿地花狼籍。

婺州雙林一衲。介禪師。頌傳大士披衲頂冠。因緣曰。非儒非道。亦非禪。杜撰修行。忒可憐。擔閣一身。三不了。至今八百有餘年。

容庵海禪師法嗣

燕京慶壽中和璋禪師。一夕夢異僧。策杖趨方丈。踞師子座。天明謂知客曰。今日但有僧過。當令來見。及晚。海雲至。師笑曰。此乃夜來所夢者。雲曰。某不來而來。作麼生。相見。師曰。參須寔。參悟須寔。悟莫打野擺。雲曰。某甲因擊火迸散。乃知眉橫鼻直。師曰。吾此處別。雲曰。如何表信。師曰。牙是一具骨耳。是兩片皮。雲曰。將謂別有。師曰。錯。雲喝曰。草賊大敗。師休去。次日。師舉臨濟兩堂首座。齊下。喝。僧問。還有賓主也。無。濟曰。賓主歷然。汝作麼生。會。雲曰。打破秦時鏡。磨尖上古錐。龍飛霄漢外。何勢更下。推。師曰。你只得其機。不得其用。雲便掀倒禪牀。師曰。路途之樂。終未到家。雲。

與一掌曰。精靈千載。野狐魅看破。如今不值錢。師打一拂子曰。汝只得其用。不得其體。雲進前曰。青山綠水。自西東。落花無向背。師曰。汝雖善語言。三昧要且沒交涉。雲豎起拳。復拍一拍。當時丈室振動。師曰。如是如是。雲拂袖便出。一日授以偈曰。天地同根無異殊。家山何處不逢渠。吾今付你空王印。萬法光輝總一如。

南嶽下二十世

徑山端禪師法嗣

杭州靈隱性原。慧明禪師台之黃岩夏氏子。謁元叟。叟曰。東嶺來。西嶺來。師指草鞋曰。此是三文錢買底。叟曰。未在更道。師曰。某甲只恁麼。和尚作麼生。叟曰。念汝新到。放汝三十棒。師乃悟旨。初住鄞之五峯。後居靈隱上堂。舉香嚴和尚曰。去年貧。未是貧。今年貧。始是貧。去年貧。猶有卓錫之地。今年貧。錫也無。衆中忽有箇漢出來。問長老錯了也。今朝四月八。是佛生日。如何學此公案。山僧只對他道。住持事繁。室中嘗

垂語曰。蓮花峯被蜂蟬食却半邊。因甚麼不知。又曰。冷泉亭吞却。擊雷亭卽不問。南高峰與北高峰。顯顯是第幾機。洪武十九年。遭無妄之災。逮捕或勸師早自爲計。師不顧。怡然詣所司。未鞠卽就廬下。說偈端坐而逝。

海鹽州天寧楚石梵琦禪師。象山朱氏子。母夢日墮懷而生。在襁褓中有神僧摩其頂曰。此佛日也。他時能紹曜昏衢乎。七歲。靈性顯發。遠近號爲奇童。九歲授經。十六芟染。圓具後。閱楞嚴。至緣見因。明暗成無見處。有省。遂往徑山。參元叟。問如何是言發非聲。色前不物。叟遽曰。言發非聲。色前不物。速道速道。師擬進語。叟振威一喝。師愕然而退。會元英宗詔善書者赴闕。師在選中。旣至館於萬寶坊。一夕聞絃索鼓聲。豁然大悟。述偈曰。崇天門外鼓騰騰。騰騰割虛空。就地崩。拾得紅爐一點雪。却是黃河六月水。冬歸再參叟。叟迎笑曰。且喜大事了畢。遽命分座。未幾出世。鹽之福臻上堂。僧問。我本無心。有所希求。今此法王大寶。自然而至。如何是法王大寶。師曰。有眼者見。有耳者

聞曰莫只這便是麼師曰擊碎觸髅拽脫鼻孔曰如何受用師曰直待雨淋頭乃曰未離兜率已降王宮未出母胎度人已畢三世諸佛歷代祖師天下老和尚說心說性學古學今總是無風雨之波寔情好與二十拄杖新福臻今日不是盡法無民打頭不遇作家到底翻成骨董若相委悉拈却灸脂帽子脫却鶻臭布衫其或未然明朝後日大有事在上堂一手指天已在言前一手指地莫教錯過會天上天下可知禮也惟吾獨尊口是禍門政恁麼時如何委悉拈拄杖曰千古長如白練飛一條界破青山色次移天寧主報國并本覺光孝二刹上堂舉祖師道在胎名身處世名人在眼曰見在耳曰聞在鼻嗅香在舌談論在手執著在足運奔徧現俱該法界收攝在一微塵識者知是佛性不識喚作精魂師曰書頭教娘動作息書尾教娘莫瞋睡還識娘面背麼玉容寂寞泪闌干梨花一枝春帶雨喝一喝上堂若據一大藏教說少一字若據祖師門下說多一字不多不少恰好處道將一句來僧擬進語師便打出上堂祖禪不了殃

及兒孫壽山無端入水牯牛隊裏牽犁拽耙與你諸人抵償還有人相教麼若有不妨出來道看如無釣竿斫盡重栽竹不計功程得便休僧問不愁念起惟恐覺遲如何是覺師曰牛角馬角曰如何是念師曰四五十也不識問一大藏教是個切脚未審切個甚麼字師曰切個不字曰只如不字又切個甚麼字師曰莫錯舉似人曰謝師指示師曰石羊頭子向東看問如何是學人自己師曰汝問我覓問如何是先招後用師曰壁開太華連天色放出黃河到海聲曰如何是先後用師曰劍爲不平離寶匣藥因救病出金瓶曰如何是招用同時師曰定光金地遙招手智者金陵暗點頭曰如何是招用不同時師曰三月嬾遊花下路一家愁閉雨中門僧禮拜師曰更問一轉豈不好問一言道盡時如何師曰開口了合不得曰不假一言時如何師曰合口了開不得曰總不與麼時如何師曰七棒對十三問大悲菩薩用許多手眼作什麼師曰春風不裏頭問九夏賞勞如何言薦師曰重疊關山路曰便與麼去時如何師曰江南儘

有江北絕無問如何是在窟師子師曰頭頂天曰如何是出窟師子師曰腳踏地曰如何是哮吼師子師曰還聞麼曰即今聞也作麼生師曰伏惟尚饗問一人因說得悟一人因參得悟一人無師自悟三人同到壽山未審接那一人師曰獅子咬人韓盧逐塊曰與麼則普請參堂也師曰去汝不會我語曰總不與麼來時如何師曰却較些子曰壽山門下風吹不入水洒不著師曰罕逢穿耳客多遇剎舟人曰和尚只有受壁之心且無割城之意師曰莫錯怪老僧上堂召大眾曰若道說的是爭奈諸法寂滅相不可以言宣若道默的是爭奈佛法無人說雖慧莫能了莫是說時默默時說麼向下文長付在來日上堂秋風涼秋夜長天河無起浪月桂不聞香耳到聲邊聲到耳從教露草泣寒蟬上堂諸供養中法供養最供養則不無如何是法莫道我謾你南無佛陀南無達磨南無僧伽卓拄杖曰山河大地草木叢林盡向這裏平等證入未解脫者令得解脫未涅槃者令得涅槃雖在衲僧分上如經蠱毒之家水也不得沾他一滴靠

拄杖下座嗣後再住天寧洪武元年上半年上設水陸大會普濟幽冥詔徵禪師十餘人師與其列二年復應召說法錫燕文樓下親承勞問三年秋上徵問鬼神之理師與夢堂亦與焉既而書成候奏忽示微疾書偈曰眞性圓明本無生滅木馬夜鳴西方日出書畢謂夢堂曰師兄我去矣堂曰子去何處師曰西方堂曰西方有佛東方無佛耶師厲聲一喝泊然而逝弟子奉遺骸及諸不壞者歸海鹽建塔于天寧西齋壽七十有五

紹興府天衣天鏡元潞禪師會稽倪氏子上堂即心卽佛嘉州牛喫禾非心非佛益州馬腹脹不是心不是佛天下覓醫人灸猪左膊上良久曰啼到血流無用處不如緘口過殘春上堂聲不是聲觀音三昧色不是色文殊法門聲色無碍普賢境界拈拄杖畫一畫曰大鵬展翅蓋十洲籬邊燕雀空啾啾明興建會鍾山師與壁峯被召入內問道洪武九年主靈隱以無罪被謫陝西至寶應夜宿寧國寺端坐而逝

台州國清夢堂曇噩禪師慈谿王氏子祖父皆縉紳

求學出世法。往參元叟。機辯交觸。叟頷之後。歷住數大利錫。佛真文懿之號。將示滅。謂弟子曰。三界空花。如風捲烟。六塵幻影。如湯澆雪。亘古亘今。惟一性獨存。吾將入滅。聽吾偈曰。吾有一物。無頭無尾。要得分明。涅槃後看言訖。危坐而逝。

杭州徑山愚庵智及禪師。吳縣顧氏子。幼入海雲院爲童子。智光日顯。及長。祝髮。受具。聞賢首家。講法界觀。不契。遂走建業。參廣智。訢微露文采。衆相推譽。有時上座呵曰。子才俊。若此。不思負荷大法。甘作詩奴。手無盡燈。偈所謂黃葉飄飄者。不知作何見解。師無對。仍歸海雲。胸中如碍。一日見秋葉墮庭。豁然有省。卽升雙徑。謁元叟。叟可之。住後。僧問。不與萬法爲侶者。是什麼人。師曰。十字街頭石敢當。僧擬再問。師曰。又要第二杓惡水。在問馬祖。陞堂。百丈捲席。意旨如何。師曰。不是苦心人。不知曰。龍袖拂開全體現。象王行處絕狐踪。還得相應也。未師曰。萬里望崖州。問佛法禪道相去多少。師舉手曰。展則成掌。握則成拳。僧禮拜。師曰。狂。僧問。如何是威嚴師。師曰。斷根草。

◆如等十字
應作無害

鞋曰。如何是法身主。師曰。尖簷席帽曰。學人不會。師曰。現成行貨。有什麼不會。僧擬議。師便喝。問竺土大仙心。東西密相付。如何是密付底。心師曰。九秋黃葉亂飄金。日和尙莫將境示人。師曰。老僧罪過。問如何是清淨法身。師曰。月色和雲白。松聲帶露寒。問淨法界身。本無出沒。因甚釋迦老子。今日降生。師曰。知而故犯。曰。遵布衲浴佛次。藥山問。汝只浴得者箇。還浴得那箇麼。遵曰。把那箇來。如何是那箇。狀上堂。目前無法。心外無機。皇風蕩蕩。民物熙熙。花霏霏。日遲遲。高下林巒。錦繡圍却。怪當時杜鵑子。春山無限好。猶道不如歸。上堂。時維三月。節屆清明。不寒不熱。半陰半晴。落花啼鳥。一聲聲。驀拈拄杖曰。穿却解空鼻孔。戳瞎達磨眼睛。踏破草鞋。赤脚走好山。猶在最高層。上堂。顧大眾曰。老僧已爲諸人和盤托出了也。饑逢王饑。不能餐。莫錯怪人好。上堂。何物苦求而不得。何物不求而自來。何物鐵鎚打不破。何物夜合而晝開。滿地落花春已過。綠陰空鎖舊莓苔。師入園見僧割瓜。問割得幾箇。祖師頭曰。三十箇。師曰。那箇皮下有。

血日和尙何得重重相戲。師曰：好心不得好報。遂藏帖。師承相到方丈。問淨名丈室容受三萬二千師子座。淨慈丈室容多少。師曰：一塵不立。曰：得與麼觀體相違。師提起簾曰：請丞相鑑相。呵呵大笑曰：作家。宗師不勞再勘。師便供茶。洪武癸丑詔有道名宿赴京。師居其首。以病不及召。對賜還海雲。戊午秋示疾書偈而逝。塔於穹窿山之陰。

蘇州府萬壽寺行中至仁禪師。番陽吳氏子。參元叟。叟曰：仁書記虎而翼者也。出世德章萬壽等刹。後歸松林。示衆幻軀。將逼從心。年松下。經行石上。眠珍重。北山龍象衆。普通年話幾時。圓居無何。書偈而逝。杭州府徑山古鼎祖銘禪師。奉化應氏子。謁元叟。一日入室。扣以黃龍見慈明機緣。叟詰之曰：只如趙州云：臺山婆子被我勘破。與慈明笑曰：是罵耶。你且道。二老漢爲復肝膽相似。爲復鼻孔不同。師曰：一對無孔。鐵鎚曰：黃龍當下悟去。又且如何。師曰：病眼見空花。叟曰：是不是。師擬進。叟便喝。自是坦然無碍。晨夕警發。益臻闡奧。住後。僧問：如何。是佛師曰：秤錘蘸

。叟曰：如何。是佛向上事。師曰：仰面不見天。曰：記得僧問雲門：如何是佛。門云：乾屎橛。又作麼生。師曰：雲門不是好心。曰：乾屎橛與秤錘蘸醋相去多少。師曰：鑊湯無冷處。僧擬進。師便喝。示疾書偈曰：生死純真太虛。純滿七十九年。搖籃繩斷擲筆而逝。

杭州靈隱竹泉法林禪師。台之寧海黃氏子。謁元叟。唱道中竺往謁焉。叟問何來。師曰：天台。叟曰：曾見寒山拾得麼。師叉手向前曰：今日親見和尙。叟曰：脫空謾語。漢參堂去看經次。叟曰：看經那師曰：是叟曰：將甚麼看。師曰：將眼。看叟豎拳曰：何不道將這箇看。師曰：放下拳頭。將甚麼看。叟微笑。至元四年。主靈隱上堂。法是常法。道是常道。拶破面門。點即不到。雪峯一千七百人善知識。朝夕只覓三個本。毬趙州七百甲子老禪和。見人只道喫茶。去中峯居常見兄弟相訪。只是叙通寒溫。燒香叉手。若是金毛獅子。子三千里外。定請訛上堂。古杭管內靈隱名山。肇建於東晉咸和年間。慧理法師爲第一祖。今日上元令節。諸處放燈。知事直歲各各。炤管風燭。便下座。示寂偈曰：七十

二年虛空釘檄末後一句不說不說遂怡然而化。

杭州徑山復原福報禪師寧海方氏子。參元叟。叟問近離甚處。師曰淨慈。叟曰來作甚麼。師曰久慕道風。特來禮拜。叟曰趙州見南泉作麼。生師曰頭頂天脚踏地。叟曰見後如何。師曰飢來喫飯困來眠。叟曰何處學得。若虛頭來。師曰今日親見和尚。叟領之住東山上。堂舉一不得。舉二放過。一著落在第二。古人恁麼說話。正是抱甕叫屈。東山卽不然。舉二不得。舉一放過。一著落在第七。到這裏須知有向上一路。始得。如何是向上一路。良久曰莫守寒岩異草。青坐却白雲。宗不妙。洪武初應召入京。稱旨留三年。賜還兩住徑山。一日疾甚。侍者乞偈。師叱曰吾世壽尙有三年。已而果然。及化之日忽拍手曰阿呵呵。大衆是甚麼。看取竟寂。

仰山熙禪師法嗣

金陵龍翔笑隱大訢禪師南昌陳氏子。參晦機。機問黃龍何勘潭得旨。領徒遊方。及見慈明。氣索汗下。過在甚處。師曰千年桃核裏覓甚舊時仁。又一日問

不落因果。便墮野狐身。不昧因果。便脫野狐身。且道利害在甚麼處。師擬對機。一喝。師始豁然。文宗皇帝聖忌滿散藏經上堂。尊而無上。高超象帝之先。貴不可名。坐斷毗盧之頂。其頂之大。則容攝十虛。其用之廣。則包括萬類。如月涵衆水。無分淨穢之殊。春在百華。不見正偏之相。妙有不有。真空不空。所以道無邊刹境。自他不隔於毫端。十世古今。始終不離於當念。擲大千於方外。納須彌於芥中。於斯見得。便見文宗皇帝。昔從佛地。示現王宮。撫治邦家。又安宗社。化導已周。復歸佛位。寂然不動。智普應於十方。廓爾無私。量已周於沙界。龍翔與麼讚揚。且道還契聖意也無。良久曰優鉢天花吹不斷。又從兜率下閻浮。至正甲申五月示寂。

杭州中天竺一關正達禪師鄱陽方氏子。參晦機。機問何處人。師曰鄱陽人。機曰鄱陽湖水深多少。師曰澄目不見底。機曰恁麼則浸爛諸僧鼻孔也。師曰終不借和尚鼻孔出氣。機曰畢竟借誰鼻孔出氣。師曰恭惟和尚萬福。機肯之。

金陵保寧仲方天倫禪師象山張氏子參晦機機問湖山藹藹湖水洋洋浸爛汝鼻孔塞破汝眼睛因甚不知師曰通身無影像步步絕行踪機曰未得更道師拂袖便出遂依座下屢以此事扣問機終不說乃往吳興桃花塢結茅一日聞雷有省徹見晦機用處上堂初三十一中九下七七九六十三九九八十一朝往西天暮歸東土一馬產三寅石牛欄古路參臘八上堂昨夜見明星悟道後園風吹籬笆倒曉來無跡可追尋雪山依舊生青草上堂修多羅教如標月指昨日有人從西州來接得東州信報道大食國裏人在眼睫上賣香藥喝一喝

明州育王石室祖瑛禪師吳江陳氏子髫年出家即謁晦機一見契合謝平石砥禪師問疾偈曰是身無我病根深慚愧文殊遠訪臨自有岩花談不二青燈相對笑吟吟臨終辭衆曰五十二年弄巧成拙踏破虛空赤脚行萬象森羅笑不徹

嘉興府祥符寺梅屋念常禪師華亭黃氏子年十二得度至大戊申參晦機值機上堂舉手上座聞角聲

因緣頌曰琴生入滄海太史遊名山從此揚州城外路令嚴不許早開關師於言下有省投丈室通所得機頌之俾掌記室服勤七年延祐丙辰主祥符著佛祖通載二十二卷行於世

靈隱閻禪師法嗣

江州東林無外宗廓禪師南昌魏氏子參悅堂堂問溪聲盡是廣長舌機語相契遂承印記初住雲居晚遷東林辭世偈曰吾年七十一世緣今已畢挨到五須彌夜半日頭出寂然而逝

鼓山凝禪師法嗣

蒙山異禪師參皖山看無字公案未省入往承天謁孤蟾瑩因首座入堂燒香打香盒作聲有省頌曰沒興路頭窮踏翻波是水超羣老趙州面目只如此次依虛堂堂指瓶梅曰做得頌者歸堂師曰戰退羣陰得意回百花頭上作春魁看他方便爲人處放出春風和氣來堂曰歸堂去復參皖山一日上石梯子廓然大悟嘗垂三關語驗學者曰蟪蛄蟲吸乾滄海魚龍蝦蟹向何處安身立命又曰水母飛上色究竟天

入摩醯眼裏作舞。因甚不見。又曰。蓮湖橋爲一切人直指明眼人。因甚落井。

金牛真禪師法嗣

舒州太湖無用寬禪師。一源參師。問何來源。曰。通州師曰。淮海近日盈虛。若何。源曰。沃日滔天。不存涓滴。師曰。不著漕道。源曰。請和尚道。師便喝。又一日。舉證道偈。問曰。掣電飛來。全身不顧。擬議之間。聖凡無路。速道速道。源曰。火迸星飛。有何擬議。覲面當機。不是。師振威一喝。源曰。喝作麼。師曰。東瓜山前吞扁擔。捉住清風。剝了皮。源不覺通身汗下。曰。今日方知和尚用處。師曰。閉著口。

慶壽璋禪師法嗣

燕京慶壽寺海雲印簡禪師。山西寧遠宋氏子。生而穎悟。七歲。父授以孝經。開宗明義章。師曰。開者何。宗明者何。義父驚異。於是禮中觀。召爲師。一日。扶觀行。觀曰。法燈道看他家事忙。且道承誰力。汝作麼。生會。師將觀手一掣。觀曰。者野狐精。師曰。啫。啫。觀曰。更須別。參後杖策之燕。值雨宿岩下。擊火大悟。自捫面曰。

今日始知眉橫鼻直。信道天下老和尚不寐。語謁中和璋。遂承記。荆主慶壽。一日於廊下逢數僧。師問。第一僧曰。那裏去。曰。賞花去。師便打。問第二僧。那裏去。曰。禮佛去。師亦打。問第三僧。那裏去。曰。那裏去。師亦打。問第四僧。那裏去。僧無語。師亦打。問第五僧。那裏去。曰。覓和尚去。師曰。覓他作麼。曰。待打與一頓。師曰。將什麼來打。曰。不將棒來打。師連打四下。曰。者掠虛漢。衆皆走。師召曰。諸上座。衆回首。師曰。是什麼。後示寂。諡佛日圓明大師。

南嶽下二十一世

萬壽仁禪師法嗣

杭州徑山南石文琇禪師。崑山李氏子。上堂。十方無異路。爲什麼。南尋天台北。尋五臺。目前無異草。爲什麼。桃華紅。李華白。良久。曰。打破祖師關。總是自家底。上堂。舉真淨和尚云。昨日風氣暖。今朝天色寒。乾坤共著力。褸子眼皮寬。怎麼說話。猶欠悟。在昨日風氣暖。今朝天色寒。休於地上走。收足上蒲團。咄。上堂。法身無相應物。以形般若。無知對緣。而炤洞庭。七十一。

二峯烟雲滿太湖三萬六千頃波浪滔滔箭徑與
潮空闊相對。雲臺與穹窿山相朝。日焰幽崑。鵲啼古
木。蔦拈拄杖曰。這箇是拄杖子。那箇是法身。指香桌
曰。這箇是香桌。那個是般若。於此見得明白。處處歸
源。頭頭合轍。其或未然。靈嚴拄杖子未肯分付你在
上堂。情塵易遣。理障難除。盡十方世界。空索索地。欲
求一法了。不可得。有什麼情塵。可遣。有什麼理障。可
除。雖然。山門頭佛殿上。切忌撞著露柱。上堂。塵說刹
說。絕覆藏無間歇。橫按拄杖曰。會麼。漠漠水田飛白
鷺。陰陰夏木轉黃鸝。上堂。舉僧問五祖一大藏教是
箇切脚。未審切箇甚麼。祖曰。鉢囉娘。師曰。東山道箇
鉢囉娘。往往禪流妄測。量不是張華安識。劍徒看光
射斗牛。傍上堂拈拄杖曰。國一祖師向東。弗于逮西。
瞿耶尼南。瞻部洲北。鬱單越走一遭。却來山僧手裏
呈身。仔細看來。元是黑漆拄杖。還見麼。縱饒見得分
明。也是秦時轆轤。僧參擬展坐具。師曰。我這裏無
殘羹餽飯。不用使破炊巾。曰。和尚慈悲。受禮。師曰。笑
倒門前青石幢。僧入門。師曰。你這踏州縣漢。脚跟下

摩詰師

好與三十棒。曰。某甲話也未問。便蒙賜棒。師曰。待你
開口。堪作甚麼。僧擬議。師便喝出。

徑山銘禪師法嗣

嘉興府天寧西白力金禪師。吳郡姚氏子。謁古鼎鼎
示以德山見龍潭話。有省。洪武五年冬。詔建大會。命
師闡揚第一義。公侯庶僚聽者。靡不脫服。一日。示門
人曰。吾有夙因。未了。必當酬之。汝等勿以世相逼我。
未幾。示微疾。委順而化。塔于嘉興城西環翠蘭若。
杭州徑山象源仁淑禪師。台州人。一日趨入門。曰。殺
來了。殺來了。作麼生。避遂坐脫。

龍翔訢禪師法嗣

南京天界覺原慧曇禪師。天台楊氏子。母夢吞明珠
而娠。年十六。爲大僧。學律。習教。聽止觀法。時笑隱唱
道天竺師往造焉。隱問何處來。師曰。遊山來。隱曰。笠
子下。搗破洛浦遍參底。作麼生。師曰。未入門時。呈似
了也。隱曰。卽今因甚不拈出。師擬議。隱便喝。師脫然
有省。他日。隱展兩手示師曰。八字打開了也。因甚不
肯承當。師曰。休來鈍置。隱曰。近前來。爲汝說。師掩耳。

而出隱額之住後上堂一句子黑漆黑無把柄有準則良久曰會麼確搗東南磨推西北上堂少室峯前曹溪門下燈燈相續的的相傳自古自今絲毫不易且以何爲驗樓臺上下火焰火車馬往來人看人上堂經有經師論有論師龍河放一線道分科列段去也拈拄杖卓一下曰且道是何章句上堂只箇現成公案衆中領解者極多錯會者不少所以金鑰不辨玉石不分龍河者裏直要分辨去也張上座李上座一個手臂長一個眼睛大總似今日達磨一宗教甚麼人擔荷噓一聲下座示衆春風浩浩春日遲遲黃鸝啼在百花枝箇中無限量消息有誰知時有僧出問曰心意識遏捺不住時如何師厲聲曰是誰遏捺室中謂僧曰二六時無你啗啄分無你趨向分會麼僧問措師曰未明三八九難免自沉吟洪武庚戌夏奉使西域至省合刺國國王事師於佛山精舍明年九月示疾呼左右曰予不能復命矣跌坐夜半問曰日出否曰未也問至再三曰日出矣怡然而逝附葬于國之辟支佛塔

南京天界季潭宗泐禪師臨海周氏子始生坐卽踞趺人異之八歲從笑隱學佛經藏過目成誦一日隱問國師三喚侍者三應於意云何師曰何得剋肉作瘡隱曰將謂汝奇特今故無所得也師一喝隱擬拈棒師拂袖而出元末隱徑山洪武元年遷中竺上堂金剛王劍橫揮千妖屏跡爍迦羅眼洞然萬物潛形到此卷舒在已殺活臨時直得千歲巖申天踔跳錢塘水東湧逆流諸人還知有也無遂豎拂子曰庭前石笋抽條也會見高枝宿鳳凰後應詔主天界高皇后薨臨塋期風雨雷雹帝甚不樂忽召師至曰太后將就塋汝其宜偈焉師即應聲曰雨落天垂泪雷鳴地舉哀西天諸佛子同送馬如來帝大悅洪武二十四年以老退渡江至江浦石佛寺示疾喚侍者曰這個灣者茫然師曰苦遂寂塔於天界訢公之後九江府圓通約之崇裕禪師毗陵陳氏子謁笑隱隱舉臨濟無位真人話詰之曰你還知麼師不覺下拜隱曰你何所見而作禮師曰拜者非是他人隱曰從門入者不是家珍師曰和尚慎毋欺人隱首肯之洪

武五年秋應召至便殿問以佛法大意師書偈獻上大悅賜食上前師或假寐鼻息微有聲隣坐引裾覺之上笑曰此老人無機心誠善知識也後示寂塔於石耳峯

杭州靈隱用貞輔良禪師蘇州吳縣人范文正公十葉孫十五薙髮受具乃曰學佛將以明心非師無以指示肯綮遂參笑隱於龍翔隱一見器之他日再有所問師發言愈厲隱笑曰得則得矣終歸第二義也久之遂契心法後出世嘉興資聖晚住靈隱示衆達磨一宗陵夷殆盡汝等用力如救頭然可也然百千法門無量妙義於一毫端可以周知如知之變大地爲黃金受之當無所讓否則貽素餐之愧矣歲月流電向上之事汝等急自進修洪武四年正月十六日示寂

紹興府寶相寺清遠懷渭禪師南昌魏氏子笑隱之甥也生時有靈芝產於庭長而英發誦書不待師授時隱住龍翔聞而喜曰此吾宗千里駒也挽致座下一日隱警勵諸徒衆未有對師直前肆言隱震威一

喝師氣不少沮往返詰難隱笑曰汝可入吾室矣遂命爲記室師行化時有陳氏婦求開示其婦恍若有悟師行未百步而婦與家人別坐脫而去

竺田霖禪師法嗣

安吉州道場孤峯明德禪師朱氏子家世明之昌國父與普陀玠公交玠聞鷄聲入道凡說法必鼓翅爲鷄鳴玠亡已久母夢玠來託宿覺而有娠十四月而生幼好跌坐有問之曰童子不讀書擬坐安求師曰求作佛耳十七得度圓具謁竺西西問何方來師曰金鷄來曰金鷄山高多少師曰不見頂西斥之次見晦機機問什麼人恁麼來師曰胡張三黑李四又問汝從朝至暮著衣喫飯還認自己否師如前對機拈棒師拂袖而出後參竺田值田上堂舉隱山泥牛入海公案音聲如雷師不覺慶快羣疑頓釋因呈偈田歎曰人天眼目儼然猶在自是名稱普聞歷主四利洪武五年二月書偈入滅塔建東崗壽七十九

天池信禪師法嗣

杭州大慈止巖成禪師傑峯參師曰那裏見神見鬼

來峯曰捉得賊了也。師曰賊在甚麼處。峯一喝。師曰開口合口都不是。向上道得一句來。峯曰徧界明明不覆藏。師舉竹筥曰喚作竹筥則觸。不喚作竹筥則背。汝喚作甚麼。峯便掀倒禪牀。師打竹筥三下曰瞎漢敢來者裏捋虎鬚。峯便禮拜。隨侍三載。一日師曰古人尋師擇友不可蕩喪光陰。子雖得佛祖之道。猶未能向上翻身。豈不聞汾陽見首山曰萬古碧潭空界月再三撈。擬始應知手峯乃豁然。

建寧府天寶山鐵關法樞禪師溫之平陽林氏子。十七禮竺西爲師。受具參中峯及庵。不契。遂見元翁於石門。教看三不是話。一日齋後下牀。忽大悟。作頌曰不是心。佛物。拶出虛空骨。金毛獅子兒。豈戀野狐窟。咄咄卽詣方丈。翁問作麼。師曰南泉被我捉敗了也。翁曰不是心。不是佛。不是物。是個甚麼。師曰牙齒一具。骨耳朶兩片。皮翁曰不是別道。師曰驚啼燕語鵲噪鴉鳴。翁曰錯。師亦曰錯。翁曰南泉卽今在甚麼處。師便喝。翁曰離却者一喝。南泉在什麼處。師拂袖而出。後南遊建州。郡將請主天寶。再住松溪之普。載上

堂弗弗莫莫錯錯錯。顧侍者曰老僧舌頭在麼。三年退歸天寶。至元六年中秋書偈曰本無來去一句全提紅霞穿碧落。白日繞須彌。擲筆而逝。

無能教禪師法嗣

西湖妙果竺源水盛禪師初謁月庭忠於蔣山時孤舟濟爲第一座。以皖山示。蒙山語示之。越五載有省。濟曰蒙山嘗言栽松道者不具二緣而生。達磨藝熊耳後隻履西歸。果神通耶。抑法如是耶。師曰此形神俱妙而已。濟曰不然。子他日當自知之。師後見無能述前話。能曰爲汝弗解故也。師忽大省。天曆己巳主妙果。至正丁亥夏示寂。

無用寬禪師法嗣

常州龍池一源永寧禪師通州宦族朱氏子。生而穎慧。十三歲給牒。薙度爲僧。尋受具戒。蓬累出游。見諸宗匠。語多弗諧。後至淮西。謁無用。纔進門。用厲聲叱出。師作禮門外。合爪而立。久之乃許入見。師退就禪窟。通夜不寐。一日聞用舉雲門一念不起話。有省。急趨求證。用便打。然知師頓悟。令頌趙州無字。師立成。

日趙州狗子無佛性。萬象森羅齊乞命。無底籃兒盛死蛇。多添少減無餘剩。用大笑久之辭去。用燭曰。汝逢龍卽住。遇池卽居。至治癸亥。適請居龍池。師以名符懸記。欣然而赴。踰歲遐邇畢集。叢席屢遷。入覲帝宸。賜紫加號。洪武己酉夏季。示疾。屬製紙衣。且曰。吾將逝矣。十七日起服紙衣。書偈曰。七十八年守拙明。一場敗闕泥牛海底翻身。六月炎炎飛雪。書畢吉祥而化。

重慶府縉雲山如海真禪師。碧峯來參師於地上。畫一圓相峯以袖拂去。師復畫一圓相峯於中。增一畫。又拂去。師再畫如前。峯又增一畫成十字。又拂去。師復畫如前。峯於十字加四隅成卍文。又拂去。師乃總畫三十圓相峯。一一具答。師曰。汝今方知佛法宏勝如此。宜往朔方大行吾道。

南嶽下二十二世

雙林闇禪師法嗣

杭州徑山月江宗淨禪師。蘭溪倪氏子。誦楞嚴至如標月指處。有省。參雙林林問。黃檗打臨濟。你作麼生。

師曰。按牛頭喫草。臨寂偈曰。祖師門下。客開口論無生。老我百不會。日午打三更。遂逝。

天界曇禪師法嗣

南京靈谷定嚴淨戒禪師。參覺原原。舉桶箍爆。因緣問之。師未答。原厲聲曰。早遲八刻了也。師於言下大悟。師續刻聯珠頌古行於世。

大慈成禪師法嗣

衢州烏石山傑峯世愚禪師。本郡西安余氏子。遍遊叢社。弗愜。聞止巖闡化。大慈往謁焉。嚴舉不是。心不是。佛不是。物一夕坐至夜分。聞隣僧舉證道歌曰。不除妄想。不求真。豁然如釋重負。偈曰。時時覩面不相逢。喫盡娘生氣。力窮夜半忽然忘。月指虚空迸出日輪紅。往見元翁。翁問何來。曰。大慈翁曰。大慈鼻孔深多少。師卓拄杖一下。翁曰。拗折拄杖。把甚麼卓。師作禮曰。今日親見老師。翁翁曰。念汝師孫。放過三十棒。值岩回師往禮。因夜舉汾陽見首山曰。萬古碧潭空。界月再三撈。曉始應知。方得瞥然住。後上堂。有一人說到行不到。有一人行到說不到。有一人行說俱到。

有一人行說俱不到。且道是什麼人。釋迦老子四十九年說法。說到行不到。達磨大師少林面壁九年。行到說不到。狸奴白牯念摩訶行說俱到。露柱燈籠齊合掌。行說俱不到。且道四人中間那個最親。若也辨得出。許汝具一隻眼。其或未然。請木上座出來。與諸人遞個消息。卓拄杖曰。昨夜雷聲轟宇宙。普天匝地雨漫漫。喝一喝上堂。秋風颯颯。秋葉飛飛。炎威乍退。暑氣方微。山高日出。晚海濶浪來遲。豎起摩醯三隻眼。大千沙界一毫釐。上堂。臨濟德山大機。大用。喝似雷轟。棒如風送。震動五嶽三山。驚散靈山大衆。有放有收。有擒有縱。百匝千重。無罅縫。大衆還見德山臨濟麼。咄。白日青天。休說夢上堂。諸方今日開爐。紅猷亘天。禱子爭前向火。個個烘得頭黃面赤。雖然取性一時爭奈。被守爐神看破。龍眠這裏也不要開爐也。不須向火。從教玉潔冰清。滴水滴凍。凍得徹骨徹髓。忽然冷灰中爆出一粒豆響。驚天震地。不妨慶快平生。何故。卽知此日圍爐。坐不記當年立雪。人上堂。臘八喫鷄羹。纔疑禍便生。溪邊楊柳影。不碍釣舟行。古

人與麼道。大悟不拘於小節。未免與賊張梯引邪入正。與國則不然。臘八喫紅糟。叢林意氣豪酣。酣沉醉倒。更不惹風騷。上堂。年年此日。鬪龍舟。鼙鼓喧天水。上遊翻憶屈原當日事。悲風動處。冷湫湫。卽此意有誰酬。往古來今。幾度秋。漢地楚天何處是。長江依舊水東流。上堂。若論此事。如人上山。一般行。一步見一步。行到半山。便見半山境界。行到山頂。便見山頂境界。若都不行。皆無所見。大衆且道。諸人卽今在山頂。耶。在平地。耶。有所見。耶。無所見。耶。豎拄杖曰。見見見。時非是。見卓拄杖曰。聞聞聞。處處更無聞。豁開頂眼。超三際大地。山河一口吞。靠拄杖起身。解夏上堂。浙東山浙西水。福建泉南。脚頭脚底。假饒徧界遨遊。不出縵天網裏。呵呵。哩囉哩。滿堂無限白蘋風。明明不自秋江起。僧問我。有沒絃琴。久居在曠野。不是不會彈。未遇知音者。如何是沒絃琴。師曰。高山流水曰作麼生。彈師曰。雪曲陽春曰與麼則。一聲畫角。龍樓曉。手握金鞭。賀太平。師曰。此是宣差相公。分上事。曰。學人全肩領荷時如何。師曰。若將耳聽。應難會。眼裏聞

聲方始知。日夜半折蘆江上。渡九年。面壁意如何。師曰。一場敗闕。曰。二祖立雪齊腰。斷臂投誠。所求何事。師曰。不是一翻寒徹骨。爭得梅花撲鼻香。曰。罪從心起。將心懺懺。罪何如莫起心。三祖因甚。求二祖懺罪。師曰。心疑生暗鬼。眼病見空花。曰。寧可永劫受沉淪。不向諸聖求解脫。四祖因甚。乞求解脫法門。師曰。好肉剜瘡。自繩自縛。曰。垂垂白髮下青山。七歲歸來。改舊顏人。却少年松已老。是非從此落人間。畢竟是真。是妄。師曰。日從東出。月向西沉。曰。黃梅碓。背花開。曰。夜半傳衣過嶺南。此事還端的也。無師曰。一物本來無兩肩。擔不起。曰。不是風動。不是旛動。仁者心動。又作麼生。師曰。知燈元是火。信水不離波。曰。畢竟如何。保任師曰。路逢劍客須呈劍。不是詩人莫獻詩。曰。和尚爲人一句。又且如何。師曰。攔腮一掌。腦後一鎚。曰。與麼則老婆心太切。師曰。不從白浪拋香餌。爭得金鱗上釣船。僧禮拜。洪武三年臘月十日。書偈辭衆曰。生本不生。滅本不滅。撒手便行。一天明月。擲筆而逝。

天寶樞禪師法嗣

福州雪峯逆川智順禪師。溫之瑞安陳氏子。七歲出家。長出遊教苑。皆以穎邁見推。忽感世相無常。遂入閩。參鐵關踰月。如廁有省。舉所得求證。關曰。此第入門耳。最上一乘太遠。在復囑曰。汝可悉棄前解。專於參提上致力。則自入閩奧矣。一日值關晚參。擬離榻豁然大徹。厲聲告關曰。南泉敗關已見了也。關曰。不是心。不是佛。不是物。是何物。師曰。地上磚鋪屋上瓦。覆關曰。卽今南泉在什麼處。師曰。鷄子過新羅。關曰。錯。師亦曰。錯。關曰。錯。錯。師觸禮一拜而退。關曰。未也。鳴鐘集衆。勸驗。師笑曰。未吐辭前。已不相涉。和尚眼目何在。又爲此一場戲劇耶。關曰。也要大家知。後出世。大龍以至雪峯。凡五大刹。洪武六年。應召赴京。僅四閱月。奄然坐化。

緡雲眞禪師法嗣

代州五臺靈鷲碧峯寶金禪師。永壽石氏子。幼恒纏疾。父母以爲生感祥徵。宜歸之釋。甫六歲。令依雲寂溫法師及長。受具。縱遊講肆。隨更衣入緡雲。謁如海。海示以道要。師大起疑情。偶攜筐隨海。擲蔬忽凝坐。

不動半晷方寤海曰汝定耶師曰然海曰爾何所見師舉簞海不甯師置簞於地拱手而立海亦不甯師一喝海奮前搥其胸師不少讓海笑曰塵勞暫息定力未能深也必使心路絕祖關透然後大法可明耳後憩錫峨眉三年脇不沾席一日聞伐木聲大悟急往求證海反覆辨詰師拽傾禪牀而出至正間順帝三召入燕都賜以金紋伽黎并寂焰圓明之號洪武初太祖亦屢召見褒寵倍優未幾示疾衆請遣偈師曰三藏法寶尙爲故紙吾言欲何爲夷然而逝壽六十五荼毗於聚寶山獲五色舍利無數

南嶽下二十三世

淨慈聯禪師法嗣

杭州慈光寺立中成禪師錢塘孫氏子謁淨慈聯聯舉六月火燒山詔師頌曰白雲迷却舊行踪臘月燒山火正紅再得慈風來扇發冷水水處煖烘烘聯深器之

烏石愚禪師法嗣

南京靈谷寺無涯非幻禪師衢之西安人從傑峯出

家峯問何來師曰虛空無向背峯指寺鐘令頌師曰百煉爐中滾出來虛空元不惹塵埃如今掛在人頭上撞著洪音遍九垓時年十二峯器之即令薙髮永樂丁亥太宗文皇帝有事於長陵徵師入對稱旨大嘉賞資命住靈谷庚子春上建會師若不經意其徒問之師笑曰自家有一大事甚緊何暇他及乃書偈曰生死悠悠絕世緣蒙恩永樂太平年者回撒手空歸去雪霽雲消月正圓遂逝

羅陽三峯寺太初啓原禪師日本國人年十九參上國四十五員宗匠末於傑峯得法後住三峯一日書偈曰生也鐵面皮死也鐵面皮一槌百雜碎白日繞鐵圍擲筆而化塔於院南

五燈嚴統卷第二十二

五燈嚴統卷第二十三

臨濟宗

南嶽下二十三世

中峰本禪師法嗣

全華府伏龍聖壽千巖元長禪師蕭山董氏子天資明敏。經目成。誦年十九。薙髮受具。會行丞相府。飯僧師隨衆入中峰在座。呼曰。汝日用何如。師曰。念佛。峰曰。佛今何在。師擬議。峰厲聲叱之。師遂跪求法要。峰授以無字話。師縛苾芻。隱山中。三載。脇不沾席。因往望亭。聞鵲聲。有省。亟見峰。具陳悟因。峰復斥之。師憤歸。夜寂。忽鼠翻食猫之器。墮地有聲。恍然開悟。復往質於峰。峰問趙州何故言無。師曰。鼠食猫飯。峰曰。未也。師曰。飯器破矣。峰曰。破後如何。師曰。築碎方甕。峰微笑住。後上堂。僧問。如何。是第一句。師曰。有口如啞。曰。如何。是第二句。師曰。有眼如盲。曰。如何。是第三句。師曰。棒折也未。放你在。師乃擲拂子曰。此是老僧第二句。如何。是第一句。便下座。上堂。是法住。法位。世間。

相常住。山是山水。是水僧。是僧俗。是俗盡乾坤大地。無絲毫過患。德山臨濟門下。又且不然。畢竟如何。剛然愛結死冤家。獨瞎頂門三隻眼。賜法衣上堂。陳年布襪破毳毼。新製金欄天上來。裏得虛空無少贖。山河朶朶笑顏開。上堂。大衆佛之一字。吾不喜聞。況說出許多閑言長語。教壞人家男女好與三十棒。何故。蚊虻遭扇打。只爲口傷人。久立上堂。是法非思量分別之所能解。釋迦老子云。我於三七日。思惟如是事。喚作不思量。得麼。達磨大師云。汝得吾髓。喚作不分別。得麼。咦。相逢盡道休官去。林下何曾見一人。上堂。江月炤松風。吹面面。青山展笑眉。經有經師論有論。師莫怪老僧無法說。勞汝諸人立片時。僧問。如何。是祖師西來意。師曰。野馬入牛欄。問。如何。是和尙家風。師曰。無力豎拳頭。問。釋迦彌勒。猶是他奴未審。他是阿誰。師曰。糞掃堆頭生苕帚。曰。學入不會。師曰。問取淨頭。問。如何。是奪人不奪境。師曰。日炤山河影。動搖曰。如何。是奪境不奪人。師曰。背水陣圓增勇健。曰。如何。是人境俱奪。師曰。任是鋒刀常坦坦。假饒毒藥也。

開闢曰如何是人境俱不奪師曰野老不知堯舜力
槩槩打鼓祭江神示衆召衆曰還知老僧落處麼如
釣魚放生示衆拈拄杖曰古佛過去久矣汝諸人更
要第二杓惡水那卓一卓示衆狂心不息雖天上亦
不稱意便成佛亦是虛頭狂心一息便是佛也不要
做更說什麼天堂地獄汝諸人還息麼示衆今朝臘
月二十五雲門一曲曾無譜爭似無明調轉高等閒
唱出千山舞大地爲琴虛空爲鼓拍拍相隨聲聲相
助汝諸人須聽取白雪陽春何足數箇中端的孰知
音寥寥永夜松風度衆看經次師舉起經曰這是甚
麼經衆無對師代曰序品第一良久曰會麼向下文
長因俗官見貓兒問曰貓兒喫肉否師曰不喫肉只
喫老鼠曰善知識如何容得他師曰教官人莫來不
得至正丁酉六月十四日示微疾會衆書偈曰平生
饒舌今日敗關一句轟天正法眼滅遂投筆而逝弟
子等用陶器函蓋奉蛻質瘞于青松庵賜諡佛慧圓
鑒禪師

蘇州師子林天如惟則禪師吉安永安譚氏子示衆

曰趙州道箇無字開口見心肝因甚諸人自生障礙
時有僧問蠢動含靈皆有佛性因甚狗子獨無師曰
莫說狗子直饒汝問他釋迦彌勒還有佛性也無他
也道無曰趙州禪在口唇邊因甚只道箇無字師曰
趙州見處只到這裏曰和尚不肖趙州那師曰是曰
趙州是古佛和尚因甚不肖他師曰趙州在那裏隨
後便喝示衆曰紙屏風上畫於菟兩眼通紅似火珠
夜來突出一雙角鬪殺楊岐三脚驢汝等諸人上牀
下地出門入戶各自炤管窮性命示衆舉臨濟道我
這裏是活祖師西來意一切臨時要用便用師拈拂
子搖曳曰我這裏也是活底要用便用一切臨時且
道與臨濟底是同是別擊一擊擲下曰臨濟猶欠這
一著在示衆跛者命在杖濟者命在舟有來絲沒來
絲一身還有一身愁衲僧門下奪食驅牛擬著眼看
便與閉却戶牖擬開口道便與塞却咽喉夜廊無月
不點火露柱從教撞破頭示衆天如老漢一箇呆僧
爭奈諸人認他不著道他卓卓巍巍他却蠢蠢苴苴
道他蠢蠢苴苴他又卓卓巍巍或時做知識模樣談

玄說妙。或時現三頭六臂。發嗔發惡。如是等處。一一認他不著。殊不知老漢不在諸人眼睛裏。却在諸人鼻孔裏。諸人不信。伸手摸著。縱饒摸他不著。也摸著自家鼻孔。示衆舉拂子曰。只這些子。不直半錢。指揮佛祖號令人天。卽今分付諸人去也。遂擲下喝。一喝示衆。山中何所有。嶺上多白雲。呵呵呵。箇是衆家之物。誰敢私而有之。雖然如是。只可自怡悅。不堪持贈君。示衆釋迦老子推不開達磨大師。趕不出引得一畝之地。三蛇九鼠。盡道呼蛇易。造蛇難。拍膝曰。有甚麼難家。有白澤之圖。必無如是妖怪。除夜示衆。欲達佛性。義當觀時節。因緣舊時官曆。賣不值錢。師子林下。別有說焉。過得臘月三十日。明朝決定是新年。佛誕日。示衆梅雨弄晴。梅風吹濕。悉達太子生也。舉拂子曰。現在拂子頭上。目顧四方。周行七步。惱亂天下人。盡從今日起。吽吽。莫道世無雲門。無人敢欺你惡水。鷲頭澆杓柄。在老僧手裏。後示寂塔于水西原。日本國相州建長寺古先印原禪師。俗姓藤爲。國中貴族十三刺髮。徧歷戶庭。咸無證入。遂乘航而南。參

無見親見。指謁中峯。隨侍左右。屢呈見解。峯呵曰。根塵不斷。如纏縛。何師寢食俱廢。峯憐其誠。乃曰。此心包羅萬象。迷則生死。悟則涅槃。生死之迷。固是未易驅斥。涅槃之悟。猶是入眼金塵。當知般若如大火聚。近之則焦頭爛額。唯存不退轉一念。生與同生死。死與同死。自然與道相符。脫使未悟之際。千釋迦萬慈氏。傾出四大海水。入汝耳根。總是虛妄塵勞。皆非究竟。事師聞之。不覺汗下一日。有省。告峯曰。印原已撞入銀山鉄壁去也。峯曰。旣入銀山鉄壁。來此何爲。師超然領旨。後受請出世。八遷名利門人。欲繪師像。預索贊語。師作一圓相。題其上曰。妙相圓明。如如不動。觸處相逢。是何面孔。洪武甲寅春。將入滅。呼侍者曰。時至矣。可持觚輪來。及至。復曰。吾塔已成。唯未書額耳。大書心印二字。入室端坐而化。九峯壽首座得旨於中峯。後示寂。說偈曰。七十二年這邊那邊。喫十方飯。參達磨禪。今朝一擲翻身去。笑破傍觀嘴半邊。

般若誠禪師法嗣

建寧府高仰山古梅正友禪師廣信貴溪丁氏子弱齡出家及長遍參耆宿一日因小便觸地得個入處請益絕學後到雪岩閱法昌語錄至驅耕奪食不覺汗下便頌公案數則寄呈學學曰此人得我第三番竹篋上氣力但欠脫殼在越三禩因過堂打動鉢盂忽大悟上堂慧劍單提明行正令擬議不來喪身失命還有當鋒底麼良久曰正好一帆風過海箇中不遇駕濤人小參月落山頭慘雲橫谷口陰欲明生死事直指本來心還有會得本來心底麼夜靜不勞重偈月玉蟾常掛太虛中至正壬辰夏示寂

智者義禪師法嗣

杭州淨慈德隱普仁禪師蘭溪人俗姓趙參了然機語相契至正乙未間住金華西峯太祖取婺州幸智者寺詔師住之晚蒞淨慈忽示微疾屈指計曰今夏五月矣左右曰然師曰此八月八日最良吾將逝矣至期整衣坐脫

平山林禪師法嗣

杭州止庵德祥禪師本郡人一日倚座曰一隊噉酒

糟漢我爭如你何不道竟寂

海門則禪師法嗣

湖州弁山白蓮寺嬾雲智安禪師嘉興沈氏子示衆萬法歸一無孔鉄鎚當面擲一歸何處抹過西天并此土青州布衫重七斤寒岩古木瑤花春仁者殷勤問端的娘生鼻孔從來直倘於言下解知歸九九分明八十一示寂塔于蒼弁之南阡

華頂觀禪師法嗣

處州福林院白雲智度禪師郡之麗水吳氏子弱冠從空中假公披削受具後一策南游徧叩禪林無有可其意者復旋白雲遺址築院以居日取楞嚴圓覺二經鈔疏但執泥文字所見不允聞無見觀和尚說法天台欣然就謁問西來密意未審如何見曰待婆羅峯點頭與汝道師以手搖曳擬答見便喝師曰婆羅峯頂白浪滔天花開芒種後葉落立秋前見曰我家無殘羹剩飯也師曰此非殘羹剩飯而何見領之後主普慈諸刹洪武庚戌春浩然有歸志衆堅留之師曰葉落歸根吾所願也便回福林一日書偈曰無

世可辭有衆可別太虛空中何必釘撇擲筆而逝火餘獲五色舍利併靈骨不壞等瘞于院西

別源源禪師法嗣

明州天童元明原良禪師寧海周氏子侑宏智禪師詞曰嗚呼山不讓塵故能成其高海不讓流故能成其深師非宿備六度萬行之願輪則曷由樹斯大法之功於古今聖人出興作百世師千載一時惟師得之巍巍罕堵鎮茲東谷洞上一宗真規復復昭告菲詞深勒崖谷願師再來爲法作則

天童一禪師法嗣

撫州雲居呆庵普莊禪師台之仙居袁氏子母夢梵僧入室而生晬歲岐嶷穎異負笈入鄉校授書成誦長依天童左庵薙髮受具抵郡之天寧參了堂堂問何來師曰天童堂曰冒雨衝寒著甚死急師曰正爲生死事急堂曰如何是生死事急師以坐具作撼勢堂曰敢來這裏捋虎鬚參堂去一日堂室中舉庭前栢樹子話師擬開口堂劈口掌之豁然有省住初出世撫州北禪示衆昨日開荒地請諸人剗却荊棘除

去瓦礫本來基址已見分明只有中間樹子無人拔得山僧今日未免別行方便利刀剪盡繁枝葉鈍鐮深鋤邪倒根實地工夫成一片住山鉏斧了無痕鏟草次僧問者片田地幾時鏟得乾淨師舉起鋤頭曰不得喚作鋤頭未審上座喚作什麼僧無語師拋下鋤頭曰者片田地幾時鏟得乾淨問如何是雲居境師曰路轉溪回空院靜曰如何是境中人師曰太平時代自繇身曰人境已蒙師指示願聞一句接初機師曰無毛鷄子潑天飛問路逢達道人不得語默對時如何師曰達道者方知曰和尚何得干戈相待師曰捉賊不如嚇賊曰明眼人瞞他一點也不得師曰情知汝不是好心洪武二十六年春詔徵天下高僧師與舉首對揚稱旨秋函命祭廬山禮成復賜衣一襲是冬得旨升住徑山上堂人從廬嶽來接得華頂信報道南山白額虎却在龍淵裏藏牙伏爪東海赤梢鯉直上驚峯頭躍浪衝波好大衆一大藏教何曾說到者裏雖然徑山拄杖子未肯放過在拈拄杖畫一畫曰仙人張果老不愛藥葫蘆靠拄杖下座忽於

十月二十三日。謂衆曰。難難。二八嬌娘。上高山。老僧扶不得。言訖遂寂。

徑山悅禪師法嗣

杭州靈隱見心來復禪師。南昌豐城王氏子。掩關示衆。槁木形骸。百念灰溪。猿野鶴苦相猜。閉門獨掩青松。雨笑口逢人亦嬾。開賦白牛。偈曰。耕耘不住海門東。收向楞伽小朶峯。露地已忘調伏力。雪山誰識去來踪。放歸祇樹垂羊鹿。種就曇花伴象龍。一色天闌頭角別。水精池沼玉芙蓉。洪武元年冬。以高行召說法鍾山。賜食內廷。時蜀王椿爲太祖所鍾愛。命儒臣與師論道。無虛日。二十四年。山西捕獲胡黨。舉師等往來胡府。坐罪入滅。

靈隱明禪師法嗣

杭州淨慈無旨可授禪師。台之臨海李氏子。十九得度。後策杖游方。參普覺。問答之際。疑情頓釋。覺可之。臨終日。衆求偈。師曰。吾宗本無言。說遂合掌而化。

南嶽下二十四世

伏龍長禪師法嗣

蘇州鄧尉山萬峯時蔚禪師。溫之樂清人也。俗姓金。母夢儒釋二人入其寢覺而生。二子師居末。白光燭室。襁褓中見僧輒微笑。作合掌態。十三歲得度。嘗誦法華經至諸法從本來常自寂滅。相有省。遂入杭。受具。參止嚴。嚴示以三不是。語別入達蓬山。卓庵一日。聞寺僧舉瀉山踢倒淨瓶公案。忽契悟。後往華頂。謁無見觀。觀囑師且居山保守。已而聞千岩偈。有寄語諸方參學者。莫教錯過好時光之句。徑造伏龍岩。便問將甚麼與老僧相見。師豎拳曰。者裏與和尚相見。岩曰。死了燒了。向何處安身立命。師曰。溫生溫滅。水還在。風息波平。月映潭嚴曰。不是心。不是佛。不是物。是箇甚麼。師以坐具打圓相。叉手而立。一日普請砍松次。師拈圓石作獻珠狀曰。請和尚酬價。嚴曰。不值半文。錢師曰。瞎嚴曰。我也瞎。汝也瞎。師曰。瞎瞎。嚴就命堂中第一座。師辭不獲。免一日嚴陞堂。舉無風荷葉動。必定有魚行。師震威一喝。拂袖而出。嚴示偈曰。鬱鬱黃花滿目秋。白雲端坐碧峯頭。無賓主句輕拈出一喝。千江水逆流。師受偈退。職往蘭溪嵩山衆請。

開堂僧問。如何是嵩山境。師曰。四面好山。擎日月。一湖秋水。浸青天。曰。如何是境中人。師曰。三僊描不就。終不與君傳。曰。如何是目前事。師曰。眉毛眼上。橫曰。莫不是他安身處。麼。師曰。錯認定盤星。乃曰。千聖難明不了。因代代相傳。古到今。今日嵩山重舉。似鉄樹花開。別是春向無影樹。不打眠。宏開飯店於虛空背。上經行大闢宗。乘塵塵利利全。彰物物頭頭合。敲擊碎魔王窠。曰。斷送衲子命。根不作奇特商量。不作玄妙解會。直得淨名杜口。共贊昇平。巖頭密契。咸宣至化。政恁麼時。開堂祝聖一句。作麼生道。良久曰。一片靈光輝宇宙。儼然萬國奉君恩。上堂。月頭是初一。光明漸漸出。月尾是三十。光明何處覓。假饒老釋迦。也道拈不出。拈得出。萬事畢。大眾若有人道得出。來道看。如無嵩山與你。諸人露箇消息。舒兩手曰。我見燈明佛。本光瑞如此。後居鄧尉。四衆歸嚮。構大伽藍。曰。聖恩將入滅時。門人問曰。和尚會中。幾人得法師示偈。曰。慈悲無念。花開果熟。因地分明。慧寶致燭。清徹源源。一派流千古。萬古來相續。復說偈曰。七十九年。

一味杜田懸崖撒手。杲日當天。跌坐而逝。停龕十三日。顏色如生。塔全軀於院西。其遺像吳人咸繪事之。杭州天龍無用守貴禪師。俗姓甄家。業耕樵。每使之行。饒田間。志甚弗樂。弱冠爲苾芻。謁千岩。深有證入。次遍扣名宿。乃曰。千江雖殊。而明月則一。吾今後無疑矣。後住持天龍。百廢具勛。示寂。曰。書偈曰。一蠅臭殼。內外穢惡。撒手便行。虛空振鐸。天龍一指。今猶昨。擲筆而逝。丞相達識帖。穆爾爲造慈濟塔于天龍西。崗奉全身塋焉。

松江府松隱唯庵德然禪師。郡之張氏子。少祝髮于無用貴公。后謁千岩。聞其提唱。頓領深旨。於是聲光聳起。繼席聖壽上堂。垂鈞四海。慣釣鯨鰲。衆中莫有不惜性命者。麼。出來道一句。看僧便問。遠離松水來。據龍峯海衆臨筵。請師祝聖。師曰。萬年松在祝融峯。曰。祝聖已蒙師指示。列祖宗風事。若何。師曰。春到寒食。一百五。曰。莫便是和尚爲人處。麼。師曰。斧頭是鐵。做曰。恁麼則龍門無宿客也。師曰。早已點頭。曰。若不登樓望。焉知滄海深。師曰。汝道老僧眉毛有幾莖。曰。

一堂風冷淡千古意分明師曰蹉過不少乃曰第一義諦已被東白和尚一槌擊碎了也未免向第二義門露箇消息山僧數年搓得一條龜毛索子今日拈來將三世諸佛西天四七東土三三天下老和尚鼻孔一串穿却且道山河大地草木叢林森羅萬象有情無情甚處得來良久曰莫將閒學解埋沒祖師心上堂蠟人爲輪始於今日九十日終推功辨的黃面老瞿曇結住布袋頭百萬人天咸皆受屈松隱結制總不恁麼以手作搖櫓勢曰山僧卽今駕無底鐵船普請大眾同入大圓覺海遊戲去也喝一喝曰看取定南針上塔頂寶索上堂鈎索連環連環鈎索覲體全彰眼眼相顧其橫也穿却虛空鼻頭其豎也鎖住須彌鐵柱親從惡辣鉗上煅煉得來豈比尋常麻纏紙裹個是谷瑤居士壯觀浮圖騰今亘古底作也雖然如是且道高懸倒掛一句如何舉似四簷平定香雲繞萬世光華佛日長

金華府花山明叟昌庵主辭衆偈曰生本非生滅亦無滅撒手便行虛空片月端坐而逝

白蓮安禪師法嗣

杭州正傳院空谷景隆禪師蘇之洞庭陳氏子因曰本僧問如何是禪師曰大明國對扶桑國曰恁麼則風吹南岸柳雨打北池蓮師曰猶著外境在曰如何是不著外境師曰說似一物則不中問如何是佛法的的大意師曰此問最親切曰覲面露堂堂師曰途路未爲真曰南人如問雪我道是楊花師曰一任喚鐘作甕示徒偈曰春暖天風浩蕩吹痛心求法效常啼看他空裏翻身擲正是金毛師子兒又曰便於言外解承當未許雄文可度量越格一機神莫測拈來瓦礫也生光

福林度禪師法嗣

太平府繁昌八峯山古拙俊禪師無際參師問還我招用來際曰若有招用卽成障礙師曰者斯著空佛也救不得際曰有無俱寂滅空佛悉皆非后示以偈曰憶昔繁昌一別時此心能有幾人知無絃曲子真堪續慧命懸懸付阿誰

南嶽下二十五世

鄧尉蔚禪師法嗣

蘇州鄧尉山寶藏普持禪師參萬峯峯付偈曰大愚脇下痛還拳三要三玄絕正偏臨濟窟中師子子燈燈續燄古今傳虛白參師問曰心不是佛智不是道汝云何會白向前問訊叉手而立師呵曰汝在許多時還作者見解白乃發憤忘食至第二夜大徹師笑曰雖然如是也須善自護持復送偈曰見得分明不是禪竿頭進步絕思言發揚祖道吾宗旨更入山中二十年示寂塔建本山

武昌府九峯無念勝學禪師隨州應山陳氏子幼禮本郡寶林無極公爲師初不識字執苦經年自覺已事不明往參無聞授以一歸何處話後入嵩山住靜有省偈曰數載東山昏霧濛凭欄終日待晴空夜來忽觀霜天月萬象全彰一鏡中緣是遍訪蒼宿抵鄧尉參萬峯峯舉牛過窓樵話令頌師曰頭角嶢嶢四足蹄通身過隙月沉西當機若解翻身去嘹吼一聲更不疑峯印可之洪武間太祖召至奉天殿親問法要師進偈曰萬機之暇究眞玄百草頭邊佛祖禪毛

孔遍合塵刹土毫端現出性中天定迴坐看雲橫谷行樂閒觀石涌泉林下衲僧何以報祝延聖壽億千年上大悅御製詩文以賜永樂三年示寂說偈曰世尊七十九無念八十邊打破華藏海依舊水連天儼然而逝塔全身於師子岩諡清福廣惠禪師

果林首座因僧參師擲下蒲團索頌僧曰只此消息本無言說破蒲團上地迸天裂師曰且道裂箇甚麼僧擬進語師便打

慈舟濟禪師法嗣

杉關福田西竺本來禪師撫州崇仁人也俗姓裴年十三發足參禮一峯後往金山見慈舟濟曰學人拿得賊來請師決斷舟曰賊即不問賊在甚處師以拳打香案一下舟喝曰你到這般無禮舟曰和尚到這般無禮舟曰聞你當初見一峯是否師曰是喫他三十痛棒文書久已到手今日特來和尚處討個印子舟指淨餅花曰你試頌看師曰當機拶破乾坤骨撒髓漫天瑩絕瑕驚得淨餅開口笑常敷劫外四時花舟曰諸佛不說諸祖不傳除却搖唇鼓舌瞬目揚眉

處還我到家語來師默然舟肩之未幾遁跡劍江壽聖寺寧王聞師道邁遣使齎書三請不赴復進書問道崇錫師號黎川壽昌上堂拈香畢曰天日高明暑漸隆榴花噴火耀庭中衲僧眼裏真機露無位真人覲面逢直下知端的擬議隔千重要達已躬事黃龍最上峯便下座後住閩杉關福田重興大利一日焚香趺坐書偈曰這個老乞兒教化何時了顛顛倒倒任隨流是聖是凡人不曉咄來來來去去去海湛波澄風清月皎默然而逝世壽六十八僧臘五十五

繁昌俊禪師法嗣

普州東林無際悟禪師蜀人楚山參師問數年來住在何處山曰我所住廓然無定在師曰汝有何所得山曰本自無失何得之有師曰莫不是學得來者山曰一法不有學自何來師曰汝落空邪山曰我尙非我誰落誰空師曰畢竟若何山曰水淺石出雨霽雲收師曰莫亂道只如佛祖來也不許縱你橫吞藏教現百千神通到者裏更是不許山曰和尙雖是把定要津其奈勞神不易師拍膝一下曰會麼山便喝師

笑曰克家須是破家兒恁麼幹疊也省力山掩耳而出

何密庵居士法嗣

楊州素庵田大士僧問普陀路向甚麼門出土曰卽今從何門入曰抑勒人作麼士曰看脚下僧擡頭進前三步士曰錯僧退後三步士曰錯僧茫然士曰是汝錯貧道錯僧曰未舉已前早知錯了士指膝曰正好喫棒在僧無語士曰若到諸方分明記取

南嶽下二十六世

鄧尉持禪師法嗣

杭州東明虛白慧岳禪師湖廣王氏子年十四禮丹陽妙覺寺湛然落髮一日作務次然問曰汝在此作甚麼師曰切蘿藟然曰汝只會切蘿藟師曰也會殺人然引頸與師師曰降將不斬值然住疎山聞松隱唱道雲間卽往咨扣因睹松有省後見寶藏具陳悟因藏叱之師乃發憤忘食至第二夜驀然徹法源底偈曰一拳打破太虛空百億須彌不露踪借問箇中誰是主扶桑涌出一輪紅師受囑後至安溪設關三

十餘年影不出山。道風揚播。宿衲爭趨座下。示衆曰。株守林泉三十載。一條拄杖。兩眉橫去。來不用纖毫力。試問水雲會。未曾付海舟。法陞座曰。瞿曇有意。向誰傳。迦葉無端。開笑顏。到此豈容七佛。長文殊面。赤也。茫然今朝好笑。東明事千古。令人費吐涎。幸得海公忘。我濟宗一脉。續綿綿。擲下拄杖曰。千觔擔子。方全付立。要如今拄杖。談以拂子。擊三下。下座宣德辛酉六月二十七日。有去世意。衆請留偈。師曰。大藏教無人看。著爭得這幾句閒言。語越二日。跌坐而逝。塔於安溪東塢。

壽昌來禪師法嗣

建寧府天界山雪骨會中禪師大闡參師示偈曰。萬緣都競起。放下莫驚寒。但把河沙法。收歸作一團。掀翻諸障礙。打破五陰關。戰退魔軍陣。干戈罷却閒。闍有省師讚曰。的是金毛親。出窟法輪早。轉入鄮來一聲。卒地遙空吼。野獸聞知腦裂開。

東林悟禪師法嗣

成都府東山天成寺楚山紹琦禪師唐安雷氏子。初

詣玄極通學出世法。後謁無際示以無字公案。偶聞板鳴。礙膺冰泮。往見際際曰。還我無字意來。師曰。者僧問處偏多事。趙老何曾涉。所思信口一言都吐露。翻成特地使人疑。曰。如何是汝不疑處。師曰。青山綠水。燕語鶯啼。歷歷分明。更疑何事。曰。未更道。師曰。頭頂虛空。腳踏實地。際曰。亦未在。師乃禮拜。際曰。如是如是。住投子。僧問。遠離皖山來。據投子海衆臨筵。請師祝聖。師曰。鼎內長生篆。峯頭不老松。曰。祝聖已蒙師的旨。投子家風事。若何。師曰。提瓶穿市過。不是賣油翁。曰。只如祖師道。不許夜行。投明須到還端的也。無師曰。雖然眼裏有筋爭奈舌頭無骨。曰。趙州道我早侯白。更有侯黑意。作麼生。師曰。不因弓矢盡未肯豎降旗。師入園見園頭縛冬瓜架。師指冬瓜曰。者個無口。因甚長如許多大頭。曰。某甲不曾怠惰。一時師曰。你主人公還替你出些氣力也。無頭曰。全靠他力。師曰。請來與老僧相見。頭禮拜。師曰。猶是奴兒婢子在。頭拈篋縛冬瓜架。師呵呵大笑。回顧侍僧曰。菜園有蟲。成化九年三月望日。示微疾。衆請師末後句。

師展兩手曰。會麼。曰。不會。復曰。今年今日。推車撞壁。撞倒虛空。青天霹靂。呵呵。泥牛吞却老龍珠。澄澄性海。遍花息。遂安詳而逝。

太平府八峯山廣善寶月潭禪師。付大慧偈曰。乾坤雖大不能藏。日月雖明難逾光。紹續慧燈常不滅。流傳千古繼諸方。

南京太崗月溪澄禪師。付法偈曰。心即能知心。法即可知法。今所付法。心非心。亦非法。

伏牛山物外圓信禪師。金臺高氏子。依無際參究。後得灑脫。偈曰。崑崙倒跨清風舞。澗底泥牛鬪石虎。磕著蒼松。眼上眉蟠。頓踏破虛空肚。

重慶府西禪雪峯瑞禪師。天奇參師。問無字話。奇移時。方覺。答曰。澗底頑冰吞宇宙。性湖明月匝天寒。師大喝曰。汝還有嫌凡愛聖底心。掃妄求真底見。奇曰。是。師曰。汝若嫌凡愛聖。斷般若之善根。你若掃妄求真。絕諸佛之命脉。震聲又喝曰。真又是誰。妄又是誰。凡又是誰。聖又是誰。奇豁然。

浮山古庭善堅禪師。滇之昆明人。參一歸何處話。一

日定中。聞僧曰。見無所見。即真見。忽頓然脫落。後至隆恩。見無際。機語相投。一日禮辭。際曰。子向甚麼處去。師曰。十字街頭。喝佛罵祖。去際曰。子再來麼。師曰。不違和尙。尊顏脫開法浮山。

南嶽下二十七世

東明岳禪師法嗣

杭州東明海舟普慈禪師。蘇州常熟錢氏子。世宗儒業。出家於破山。聽講楞嚴。至但有言說。都無實義處。有疑。往謁萬峯。峯問何來。師曰。常熟峯曰。到此何爲。師舉前話求示。峯劈頭兩棒曰。只者是。實義師有省。遂結廬洞庭山塢。後有一僧呵。其見解未忘。師即謁東明。一日明問。曾見人否。師曰。見萬峯。明曰。萬峯卽今在什麼處。師罔然。明曰。恁麼。則何曾見萬峯。歸寮三晝夜寢食。俱忘。偶琉璃燈墮地。忽然大悟。詣呈悟。繇明曰。老闍黎。承嗣萬峯去。師曰。和尙爲我。打徹豈得承嗣。萬峯明乃出關陞座。付法。未幾明遷化。師留繼席。示衆。舉趙州到黃檗。檗見來。便閉方丈。門州入法堂。叫曰。救火救火。檗開門捉住。曰。道道州曰。賊過。

後張弓師曰此二老疑殺天下人時有僧問和尚疑箇什麼師曰捉賊不著被賊笑曰和尚也須具眼始得師便打僧禮拜師頌曰一擒一縱二施能戟去鎗來兩陣陳彼此機關誰識得至今疑殺李將軍示春舉僧問睦州一言道盡時如何州曰老漢在你鉢裏師曰看這僧如出林虎睦州輕輕收入重網深坑埋却僧問如何是重網深坑處師曰禮拜了向汝說僧拜起又問師哭曰我爺哪我娘哪僧問措師打曰不會出去別時再來頌曰問人容易會機難只在渠儂彈指間鉢裏哭聲如悟得千七百則一齊穿示衆舉僧問投子依稀似半月彷彿若三星乾坤收不得師於何處明子曰道什麼僧曰想師只有湛水之波且無滔天之浪子曰閒言語師曰這僧文辭燦爛投子本分提持若是濟下兒孫痛打一頓逐出復頌曰中宮夜靜百花香欲捲珠簾春恨長斜抱三星光並日朦朧樹色隱昭陽景泰元年示寂說偈曰九十六年於世七十四載爲僧中間多少諸訛一見東明消殞以拂子打圓相曰釋迦至我六十二世有不可數

老和尚多向這裏安身咄泊然而逝全身塔於本山之左

天界中禪師法嗣

邵武府君峯大闡慧通禪師建寧政和邵氏子出家斗峯初參周山主閉關岩頭庵次參雪骨一夕有省卽呈偈曰手把清風斧毗盧頂破開三千諸佛法一串串將來骨肯之成化癸巳秋抵燕京中官黃高爲師建寺奏上賜名正法開堂曰僧問無眼人如何吹得笛響師曰禮拜善向汝道僧禮拜師曰響也響也豈得無眼僧豁然後住君峯弘治十四年二月十七日辭世偈曰人生七十古來稀更添一歲也希奇若問老僧何處去太虛裏面笑嘻嘻沐浴而化

天成琦禪師法嗣

襄陽府大雲興禪師隨楚山下山回至途中性空本潔毒庵三人來迎山曰你道我甚麼處去來空曰知和尚去處也潔曰今朝天色晴暖庵曰和尚登山不易山顧師曰汝作麼生師曰大衆久立請師回寺山曰那裏是寺師曰鐘聲響得好山笑曰頭角鬚鬚鼻

孔一般到家各與三十拄杖衆同禮一拜山轉身便行

涿州金山寶禪師參楚山山問面南觀北斗低回看青天此語明甚麼邊事師曰和尚合却口好山曰未
在師曰瞞別人卽得山曰差別用處非智眼不能無
惑子欲洞明佛祖眞宗須具透關正眼未審如何是
透關正眼師振威一喝山曰具得正眼當明向上一
機如何是向上一機師曰青天日卓午山曰猶未夢
見在師曰木人拈玉線石女度金針山曰從上佛祖
不傳之妙子作麼生領會師近前禮拜山曰轉身一
句速道將來師曰雨添山色秀風來草影移山擬拈
拄杖師一喝拂袖而出山曰放子三十棒師復回近
前合掌曰謝和尚垂慈深雖痛割山曰子雖有滔天
之浪且無湛水之波師叉手默然山曰如是如是
唐安湛淵禪師楚山問如何是至理一言師曰有
口說不得山曰松風流水爲甚麼却說得師曰爲渠
無口山曰你道他說個甚麼師曰和尚適來問甚麼
山曰絕音響處還有說也無師曰有則灼然有只是

聞不及山曰聞則且置你道說個甚麼師乃豎起拳
頭山曰還有聞得及者麼師指香爐曰是渠却聞得
山曰渠爲甚却聞得師曰爲渠有耳山曰汝亦有耳
爲甚聞不得師曰雖然聞不得瞞他一點不過山曰
放汝二十棒師乃禮拜

古渝濟川洪禪師問楚山曰蠅螟蟲吸乾滄海魚龍
蝦蟇向何處安身立命山曰識海若空魚龍自有變
化師曰未審蠅螟蟲卽今何在山曰在汝眉毛下師
曰水母飛上色究竟天入摩醯眼裏作舞因甚不見
山曰多少人向者不見處打失鼻孔師曰未審如何
是摩醯正眼山喝曰會麼師曰不會山曰面門兩眼
渾無事頂中一點耀乾坤師曰蓮湖橋爲人直指因
甚明眼人落井山曰高山無險路平地有深坑師曰
如何是直指的事山曰玉欄干上石獅子紅藕花邊
白鷺鷥師曰謝師答話山曰切忌隨語生解師禮拜
太原府海雲深禪師因鐘聲楚山便問子還聞麼師
曰聞山曰你道說個甚麼師作鐘聲山曰只如鐘聲
未發已前響在何處師曰未發已前山曰鐘聲絕後

響歸何處。師曰：鐘聲起後。山曰：耳是根。響是塵。知響者是甚麼。師曰：非心不響。非響不心。山曰：心豈有響乎。師曰：心雖非響。響處分明。師曰：無響之時。心在何處。師曰：心體湛然。不逐響生。不隨響滅。蓋緣兩耳。虎通是以應用無礙。山曰：子說道理。耶。師曰：不說可乎。山便打師禮拜。

石經海珠祖意禪師。掩關次。楚山撫關門。一下曰：請關中主相見。師斂手。鞠躬而立。山曰：日用事作麼生。師曰：看取無字。山曰：如何。是無字意。師曰：無孔鉄鎚。當面擲。山曰：趙州意作麼生。師曰：只爲婆心。切肝膽。向人傾。山曰：不涉有無。如何體會。師曰：某甲到這裏。無用心處。山曰：早是用心了也。師曰：某亦不知。山曰：誰道不知。師曰：道者亦非。山曰：待出關來。與汝一頓。師曰：某卽今亦不在關內。山拍關門一下曰：這裏響。師一喝。山曰：未在。更道。師曰：靈機無隔礙。牆壁絕周遮。山亦喝。師近前問訊曰：謝指教。山曰：天時酷暑。善加保愛。

長松大心真源禪師。三池張氏子參。楚山問從上佛。

祖言行不到處。請師直指。師拈拄杖曰：響師一喝。山便打。師又喝。山又打。曰：汝道好打麼。師乃捉住拄杖曰：打甚麼。山與一喝。師作禮。山曰：那裏來。師曰：本無動靜。山曰：因甚到此。師曰：來處亦非。山曰：與甚麼人同途。師曰：野鶴獨翔。雲漢表清。蟾孤。炤字寰中山曰：途中忽遇猛虎。時如何迴避。師曰：虎在甚麼處。山便作虎聲。師作怕勢。山曰：怎麼子親見虎來。耶。師却作虎聲。山呵呵大笑。復問曰：子於二六時中。何所用心。師曰：獨開雙眼。睜長伸兩脚。眠。山曰：向上還有事也。無師曰：晴。霄。月。曬。梅。花。冷。寒。夜。霜。敲。木。葉。疎。山曰：只此便是。別更有麼。師曰：古木枝頭飛赤鳥。山曰：末後一句。始到牢關。把斷要津。不通凡聖。子又如何領會。師曰：泥牛走入海。吞却老龍珠。山曰：未在。師進前叉手默然而立。山曰：如是如是。

石經豁堂祖裕禪師。成都巨氏子參。楚山值山閱經。次。師進前舉起經曰：這箇是什麼。山一喝曰：你道是什麼。師亦喝。山乃奪經舉起曰：百千三昧。無量妙義。皆從此經流出。子還知此經出處麼。師彈指一下。山

曰般若智。用子今得矣。遂度經與師曰。更須一字一句從頭閱過。再來汝共商量。師接經作禮而出。

中溪隱山昌雲禪師參楚山。山問汝名甚麼。師曰昌雲。山曰號甚麼。師曰隱山。山曰雲在山中隱。如何又出山。師曰只因夜來鶴帶過上頭關。山曰或爲霖雨時如何。師曰徧布寰區。山曰忽被猛風吹散時如何。師曰依舊青天白晝。山乃笑。

松潘大悲寺崇善一天智中國師彭縣人生有異相。年十二卽禮月光爲師。後住松潘時番夷叛服不常。師爲撫化莫不投伏。天順間累封國師。楚山過訪師。呈悟繇山曰如何。是無字意。師曰出匣吹毛劍寒光射斗牛。山曰趙州因甚道無。師曰波斯嚼冰雪不覺齒牙寒。山曰拈過有無如何。湊泊師曰夜深誰把手。同共御街遊。山曰向上還有奇特事也。無師曰秋夜家家月春來處處花。一雙明白眼何處撒塵沙。山曰善哉。

三池月光常慧禪師簡州李氏子謁楚山。山問二六時中如何。用工師曰看取無字。山曰如何。是無字師

◆師隱山

曰適來上山。怎麼發因。山曰意旨如何。師曰風吹秋月冷。雪壓老梅寒。山曰還我無字頌來。師曰無無無處亦非。無雲散長空。月正孤。亘古亘今。渾不昧。要將名列祖師圖。山肯之。

天成古音韶禪師掩關次楚山。以拄杖扣門三下曰。關主在麼。師曰他不曾出入。誰云在不在。卽開門禮拜。山曰此猶是奴兒婢子事。請關中主相見。師叉手默然。山曰怎麼則寂默去也。師曰師適來問甚麼。山曰問汝關中主。師曰喚作寂默得麼。遂呈偈曰。只此寂默非寂默。非寂默中非亦絕。渠儂面目已呈師。動靜何曾有區別。師曰若然則子不在關內耶。師曰某甲見和尚亦不在關外。山以手拍關門曰。爭奈者箇何師。擬對山便叱之。

翠微悟空眞空禪師陝右人。楚山問踏翻大地了。無寸土徹底窮源更無一物。子作麼生領會。師曰有星皆拱北。無水不朝東。山曰此中還假履踐功用也。無師曰履踐則不無功用。不可得。山曰只個不可得處亦不可得。子又作麼生。師擬開口。山振聲一喝。師曰

恩大難酬。山彈指曰。知即得。宜加保任。

南京香岩古溪覺澄禪師。高陽張氏子。參楚山。山問。心外無法。滿目青山。作麼生。會師曰。法外無心。青山滿目。已而針芥相投。隨衆入室。天順五年。住高座寺。結制。小參。三根椽下。坐堆堆。把定身心。若死灰撥出。爐中些子火。驚天動地。一聲雷。我此堂中。都是伶俐。衲僧。本分禪和。個中。有不惜眉毛者。出來問話。有麼。有麼。十五日以前。不許動著。十五日以後。道將一句。來有者。云。日日是好日。如此。則太煞分明。又論甚麼。小參。大參。橫說豎說。有時。三世諸佛。與露柱說法。覓火和烟。得有時。火爐說法。三世諸佛。諦聽擔泉。帶月歸。如斯會得。芥子納須彌。也得極小。同大。忘絕境界。須彌納芥子。也得極大。同小。不見邊表。只如大小相含。一多無礙。樹凋葉落。體露金風。作麼商量。太陽門下。日日三秋。明月堂前。時時九夏。正眼觀來。兩個火爐。三世諸佛。結住於青州布衫。不放出頭一粒芥子。百億須彌。收之於雲門胡餅。不容開口教你兩堂雲水。穿又穿不得。咬又咬不破。正當恁麼時。且道是小。

參是大參。還會麼。眉間拶出金剛焰。露柱燈籠盡放光。成化癸巳秋。坐化。衆皆悽然。師徐開目曰。不須如是。遂瞑目。

陝府玉峯如琳禪師。楚山問。子在甚處。用心。師曰。無用心處。山曰。與麼。則虛喪光陰。耶。師曰。虛空百雜碎。廓徹太分明。山曰。如何是分明的事。師曰。識得東君面目。乾坤總是春。山曰。未在。師曰。面門鼻孔。大頭垂山。日子。恁麼到不疑之地。耶。師曰。某甲亦不向者裏住著。山曰。子向甚麼處住著。師曰。有無俱不滯。脫體絕思量。山曰。只者絕思量處。子今正好思量。師乃諾。諾。山曰。且道絕思量處。如何思量。師曰。非思量。非思量。山爲點首。

珪庵祖玠侍者。病甚。作痛苦聲。楚山問。子平日得力句。到此還用得著麼。師曰。用得著。山曰。既用得著。叫苦作麼。師曰。痛則叫。癢則笑。山曰。笑與叫者。復是阿誰。師曰。四大無我。叫者亦非。真寂體中。實無受者。山曰。主人公。即今在什麼處。師曰。秋風不扇。桂蕊飄香。山曰。恁麼。則徧界絕遮藏也。師曰。有眼覷不見。山曰。

只如三寸氣消時子向何處安身立命師曰雨過天晴青山依舊山曰從今別後再得相見否師曰曠劫不違今何有問山曰恁麼則子不曾病耶師曰病與不病總不相干山遂執其手曰此是甚麼師曰是祖玠手山曰祖玠是誰師曰玠固非我亦不離我山嘆曰善哉只個不卽不離妙契無生子今理見既明雖則年茂死亦何憾師乃合掌告山曰快與某甲趺座龜來山命舁龜至師顧衆曰吾行矣遂振身端坐斂目而逝

廣善潭禪師法嗣

南京崇福寺大慧覺華禪師維揚劉氏子初請益海丹慈有省次至太平繁昌參寶月遂承印證住後上堂舉拂子曰威音那畔元只是者個如今目前也只是者個山僧將來上下拂左右拂若喚作拂子瞎却人天眼目若不喚作拂子亦瞎却人天眼目大衆畢竟喚作甚麼若也會得便知迦葉微笑二祖覓心了不得處紹如來傳燈續祖庭正脉聯二十八世英華接三十四代骨髓衆皆默然良久曰千聖不能離以

丹陽舟

拂子擊香几下座

太崗澄禪師法嗣

杭州天眞寺毒峯本善禪師鳳陽吳氏子幼惡腥葷好以佛事爲嬉年十七薙髮遇源明授以無字公案遍扣禪局至清溪設關精進一日聞鐘聲有省偈曰沉沉寂寂絕施爲觸著無端吼似雷動地一聲消息盡觸體粉碎夢初回遂參月溪于廣恩溪問如何是無字師曰本善一向隨人道是个無字今日看來是口金剛王寶劍溪曰如何是金剛王寶劍師曰寒霜焰焰騰今古溪曰還我劍來師曰擬動卽犯他鋒銚溪曰橫按當軒時如何師曰佛來也殺祖來也殺溪曰老僧來濟師曰亦不相饒溪曰殺敗後如何師曰且喜天下太平溪頷之師深自韜晦隨處掩關上堂諸大德旣來這裏參禪究明生死須依貧道家風行持他後決不相賺各各俱要屏息諸緣一心向道追復百丈已前釋迦老子頭陀之行是謂家風此之苦行頭陀經中具載請自檢看然雖今人難比古人且請於中行得一半亦得沾頭陀苦行之少分不可以

今時學者至不問著甘作無慚愧人。佛法驢年會得。只如世尊當時。飢則領衆持鉢入城。歸則各處岩穴。趙州三十年不開口。告人匾擔山和尚。唯冷橡栗過日。丹霞然一生只箇布衲。芙蓉楷不發。疏薄甘事淡。薄此諸尊宿。俱是行頭陀。行家風。所以箇箇魁磊秀。出當時。千古爲世所尊。諸大德若依此苦行。行持久之不移。不易。僧問。如何是佛雲門道。乾屎橛。管取呵呵。大笑。時有僧問。如何是和尙家風。師曰。前江潮急。魚行溢。後嶺松高。鳥泊難。下座。普說略曰。寶劍全提。口用中高。揮大抹。肯從容。卷兮魂膽迎風。喪舒也。觸骸遍地。橫萬死萬生。渾不顧。一鎗一劍。便收功。趙州性命分明也。血刃參天。不露鋒。拂一拂曰。虛空廓徹。無消息。萬里無雲。天碧碧。拶得須彌入藕絲。彌勒釋迦齊叫屈。倒騎鐵馬逐西風。驚殺泥牛從海出。諸仁者。若作奇特勝妙會。正是辜負已靈。不作奇特勝妙會。又是抱贓叫屈。且作麼生會。不見道。解藏天下於天下。始見林梢掛角羊。

夷峯寧禪師付法偈曰。祖祖無法付人人。本自有汝。

受無付法急著傳於後。

代州五臺普濟寺孤月淨澄禪師。西河張氏子。參月溪看無字話三日。有省。溪可之後。入蜀謁廣福。福問大死底人。却活時如何。師曰。眉毛眼上橫鼻孔大頭。垂曰。如何是無字意。師曰。風行草偃。水到渠成。曰。大地平沉。虛空粉碎。汝向何處安身立命。師曰。雲消山岳露。日出海天清。天順改元。代王請詣內掖。問道。感現光明。王心大悅。而師禮焉。遂捐俸建寺。華嚴谷。額曰。普濟山居。偈曰。寰中獨許五臺高。無位真人伴寂寥。一任諸方風浩浩。常空兩眼視雲霄。颯颯春風和鳥哀。清音直到耳邊來。爐燒栴子端然坐。對月殘經又展開。後坐脫於本寺。

西禪瑞禪師法嗣

棠城寶文洪印禪師。古淪棠城張氏子。禮西禪瑞有年。因禪遷化。遠扣楚山。值定王除禪。請山陞座。師出問。雷音動地。選佛場開。一會靈山。儼然未散。未審皇恩。佛恩如何。補報。山曰。蕩蕩堯風。清六合。明明佛日照三千。師曰。祝讚已聞。師的旨。拈花微笑。意如何。山

曰機前有語難容舌。獨許頭陀一笑。傳師曰。玉梅破雪紅。葉凋霜適官家除禪之辰。廼鶴駕仙遊之日。未審卽今何在。山豎拂曰。在山僧拂子頭上。成等正覺。放大光明。與三世如來共轉法輪。汝還見麼。師曰。與麼則徧界絕遮藏也。山曰。要且有眼覷不見。師曰。只者覷不見處。不隔纖毫。山曰。未是妙師。曰。未審如何是妙。山曰。二邊俱抹過。始見劫前人。師曰。蒙師點出。金剛眼。死去生來。更不疑山。曰。俊哉。禪子透網金鱗。出語標宗。不忝西禪之嗣。更須保任。切莫自欺。師曰。人天證明。謝師印可。

古庭堅禪師法嗣

五臺山顯通大巍淨倫禪師。昆明康氏子。受業于無極泰。得法於浮山。堅住臺山。曰。僧問。如何是臺山境。師曰。不是下雨。便是天晴。曰。如何是境中人。師曰。金剛寶窟。萬菩薩。曰。尋常所談何事。師曰。清風吹幽松。近聽聲愈好。問。如何是佛法的大意。師曰。今年調雨水。農家好春麥。問。如何是祖師西來意。師曰。飯仙山轉身。卽向汝道。示衆。山高海闊。月朗風清。松蒼石

白。夏暑冬寒。如是歷歷分明。一一成現。且衲僧分上。成得個什麼邊事。莫有道得者麼。不妨出來道看。若無老僧自道去也。拈拄杖下座。示衆。目前無法意。在目前。他不是目前法。非耳目之所到。白雲自占。青山明月。誰分流水。示衆。我這裏也不管東村李大郎太儉。也不說西社王二姐太奢。也不會安角呼兔。也不會添足畫蛇。早起一碗白粥。午後一碗清茶。誰管他陳年爛葛藤。冷地開花。展兩手云。你等諸人來這裏討什麼乾木查。示衆。演祖道有一則奇特。因緣舉似諸人欲說。又被說礙。不說又被不說礙。師曰。大小演祖。大似靈龜曳尾。一言既落人耳。如何又諱得住。山僧者裏也有一則奇特。因緣索性舉似大方。使他依門傍戶者。一箇箇壁立千仞。也不爲分外。示衆。長沙岑大師。道盡大地草木人畜。總是般若眞光。師乃召曰。大衆看看。老僧上黃鶴樓也。只見晴川歷歷。漢陽樹芳。草萋萋。鸚鵡洲是汝諸人。還見麼。喝一喝。

南嶽下二十八世

東明慈禪師法嗣

南京寶峯明瑄禪師吳江范氏子素業木工因海舟建塔院失斧傷足痛甚索酒舟曰范作頭傷足猶可假若斫去頭有千石酒與作頭喫能喫否師有省即求爲僧舟與披剃曰今日汝頭落也師曰頭雖落好喫酒人不落也乃充火頭一日負薪舟見曰將刺棘作麼師曰是柴舟呵呵大笑師惘然舟曰是柴將去燒却師疑曰和尚畢竟有什麼道理故爾問我是夕刻意參究不覺被火燎眉面如刀割以鏡照之忽然大悟呈偈曰負薪和尚喚爲棘火焰燒眉面皮急祖師妙旨鏡中明一鑑令人玄要得舟便打師奪拄杖曰這條六尺竿幾年不用今日又要重拈舟大笑師又呈偈曰棒頭著處血痕斑笑裏藏刀仔細看若非英靈真漢子死人喫棒舞喃喃舟曰卽此偈語可紹吾宗乃付偈曰臨濟兒孫是獅子一吼千山百獸死今朝汝具爪牙威也須萬壑深山止從此名聞遐邇學徒川赴逝於成化八年臘月九日塔建東明寺左

君峯通禪師法嗣

邵武府君峯清祥上座呈大闡偈曰法性空無礙平

等觀自在截斷兩頭機是名超三界

天寧宣禪師法嗣

杭州徑山天才英禪師嘗曰默堂和尚平地上湧起波濤虛空裏敲出木楔中人毒氣回來剛道親見寶月不知瞎却多少人眼睛啞泊合饒舌

東方裕禪師法嗣

南京碧峯寺天通顯禪師玉芝問碧峯寺裏有如來莫便是和尚否師曰上座還見麼曰縱見得也是金屑落眼師曰者漢死去多少時汝來爲他乞命便歸方丈明日上堂舉古德云打破大唐國覓個不會佛法也無又曰向南方走了一轉拄杖頭上不曾撥著個會佛法的此二句甚有誦訛試爲酬一語看芝曰前不遘村後不迭店師曰未在再道曰不遇知音者徒勞話歲寒師復問曰汝向南參有何言句試道看芝舉悟道偈曰湖光倚杖三千頃山色開門五六峯觸目本來成現事蒲團今不鍊頑空滿月風光足起居有誰平地別親疎縱令達磨傳心訣問著依然不識渠師曰非非芝曰云何非非師曰子不非非恁

人非梁皇達磨兩不見機何勞折葦又遣人追古之今之落人圈續曰如何得不落人圈續師打一掌曰是落耶是不落耶芝禮拜平日所蘊泮然水釋師遊南屏宗鏡堂升法座曰此處正好說法芝從傍唱曰說法已竟師便下座顧曰何者是我說法處芝曰劍去久矣師頷之

夷峯寧禪師法嗣

杭州天目寶芳進禪師付法偈曰眞性本無性眞法本無法了知無法性何處不通達

南嶽下二十九世

寶峯瑄禪師法嗣

天奇本瑞禪師鍾陵人江氏子二十一歲從荊南無說能披剝卽看一歸何處後遍遊叢社遇全首座行次聞呼猪聲全曰阿娘塙裏喚哪哪途路師僧會也麼拶破這些關板子娘娘依舊是婆婆師聞之瞿然一日染病甚劇有暉禪者囑曰病中不可放逸昔大慧杲生背瘡晝夜叫痛有問和尚還有不痛底麼杲曰有曰有在什麼處杲曰痛死人師於此透得娘娘

依舊是婆婆一日聞鹿鳴會得日用之中無不是語後往南京過單縣途次恍如夢醒始覺從前所悟一場懣懣乃參見寶峯峯問甚處來師曰北京峯曰別有去處麼師曰隨方瀟灑峯曰曾到四川否師曰曾到峯曰四川境界與此間如何師曰江山雖異風月一般峯豎拳曰還有這個麼師曰無峯曰因甚却無師曰非我境界峯曰如何是汝境界師曰諸佛不能識誰敢强安名峯曰汝豈不是著空師曰終不向鬼窟裏作活計峯曰西天九十六種外道汝是第一師拂袖便行峯乃付偈曰濟山棒喝如輕觸殺活從茲手眼親聖解凡情俱坐斷曇華猶放一枝新住後示衆一切無餘一切無礙一切無礙一切無餘透得無礙自然無餘透得無餘自然無礙會麼嬌花若繡紅千朵曲水如羅碧一灣示衆人人鼻孔揀天何用拈花對衆箇眼睛突出休尋向上玄機臨濟妄立三玄洞山强分五位識破瀉山水牯方知僧璨無罪畢拂曰三陽開泰戶一氣轉鴻鈞示衆⊕大衆會麼若然不會更聽一偈寬兮宇宙誠然小窄也絲毫實不

存空劫那邊如殞却。莫來這裏強言論。復拈拄杖曰。曾伴夜行驚惡虎。幾回同上碧蘿峯。

吉庵祚禪師法嗣

嘉興府天寧法舟道濟禪師本郡張氏子。依東禪昂爲比丘。後謁吉庵偶行廊廡。聞磬響契悟。尋趨方丈。庵望見笑曰。子著賊也。師曰。賊已收下。庵曰。賊在甚處。師提坐具曰。狼籍狼籍。庵曰。這掠虛漢。狼籍箇甚。宏師一喝歸衆。庵喜而印之。嘉靖初出世。金陵僧問。如何是安隱境。師曰。三山半落青天外。二水中分白鷺洲。曰。如何是安隱家。風師曰。石虎山前。關泥牛水底眠。曰。不會。師曰。用會作麼。未幾歸天寧。示衆學梁武帝問達磨曰。如何是聖諦第一義。磨曰。廓然無聖。帝曰。對朕者誰。磨曰。不識。帝不領悟。師頌曰。廓然無聖。聖絕機輪。打破重關。百萬門。雨過落花紅滿地。行人猶自不知春。示衆精嚴寺裏。撞鐘。府譙樓上。撞鼓。同時顯大神。通透千門萬戶。大衆聞麼。若道不聞。爭奈鐘鼓分明。人人有耳。若道聞將什麼。聞卽今鼓絕鐘消。聞的事作麼生。速道。速道。卓拄杖曰。黃金自

有黃金。價終不和沙賣。與人僧問。如何是道。師曰。滿口道不出。僧復問。師曰。一番提起。一番新問。達磨未來時如何。師曰。古鏡分明。含萬象。曰。來後如何。師曰。萬象分明。古鏡中。曰。用來作麼。師曰。若不來埋沒。古鏡問佛。佛授手。祖祖相傳。未審傳箇甚麼。師曰。蘇盧蘇盧。悉利悉利。溪上坐次。僧問。如何是隨波逐浪句。師曰。兩岸春風香不斷。一溪流花落。花新曰。爭奈學人不曾。師曰。蜻蜓飛尙緩。蛺蝶舞偏忙。曰。和尚將境示人。師震威一喝。僧禮拜。師曰。未在。更道。僧無語。師曰。啼得血流無用處。不如緘口過殘春。有士對奕。問曰。如何下手。方妙。師曰。向黑白未分時。下一著。看士作下子。勢。師曰。妙手妙手。陸五臺問。畫前元有易否。師曰。若無庖犧氏。將甚麼畫。曰。畫後如何。師曰。元無一畫。曰。現有六十四卦。何得言無。師曰。莫著文字。曰。請師離文字。發一爻。看師召。臺臺應諾。師曰。這一爻。從何處起。師示一少年偈曰。學道還須年少。身每因年少誤青春。若言年少堪憑仗。荒塚應無年少人。梵僧來師。似榻與坐。二鼓見三神人。峩冠緋衣而入。師

怪問之。皆曰。吾伽藍神也。師入深禪定。故來謁耳。遂不見。秋寢疾革。或請說偈。師曰。此皆文飾耳。無事。此也以手搖曳而逝。年七十四。坐五十二夏。

碧峯顯公師法嗣

湖州天池玉芝庵。月泉法聚禪師嘉禾富氏子。幼肄儒業。長得度於海鹽資聖寺。喜作韻語。忽自謂曰。出家當爲生死嗜此奚益。遂誓志參學。後聞禪者。舉僧問大顛。如何是見性。顛曰。見卽是性。躍然一笑。結廬於澈湖。悟空山參碧峯。問如何不落人圈。續峯與一掌師卽大悟。徙居天池玉芝精舍。嘗與名紳證儒釋大同之旨。聞者欣快。上堂迅速。年光若流水。盡道三十六旬今夜止。爭如山僧有個陳年曆。曰。直是無頭無尾。雖然墨爛紙灰。爭奈諸人本命元辰。盡在裏許。驚然拈出繩牀角頭。打亂週天星紀。誰管他角亢危婁氏房箕尾。切忌顛拈倒舉。如何是顛拈倒舉。老者不減年。幼者非得歲。申生人不屬。猴子生人不屬。鼠上堂。棒喝交馳。機如掣電。猶是祖師門下尋常茶飯。忽若移星換斗。露影藏形。苟非親見古人用處。往往

分疎不下。遂舉趙州訪二庵主。因緣師曰。此話商量者不少。每向豎拳處。下度異同。殊不知機輪轉處。擒縱臨時。變通無滯。方堪八面受敵。使或據險一隅。不免得隴失蜀。得失且置。只如趙州拂袖便行。與禮拜處。是同是別。試聽一偈。鋪席經過。祇一般爭知死貨活人。拈束行賣。賣西行賤。勘破方知不值錢。上堂舉金剛經曰。一切諸佛及諸佛阿耨多羅三藐三菩提法。皆從此經出。既是佛從經出。則經非佛說。畢竟喚什麼作此經。現前大眾又作麼生受持。良久擊拂。子曰。說如啞耳。聽若鴈鷺。驚夜宿寒汀。月飛入蘆花。不見蹤。陸五臺問。東土一千七百善知識。卽今向什麼處去。師指樹上鳴蟬曰。這裏也有一個。曰。聲響便是。麼師曰。喚作聲響。卽蹉過去也。嘉靖癸亥五月示寂。葬於本山。壽七十有二。

金臺覺禪師法嗣

杭州徑山萬松慧林禪師仁和沈氏子。因入京師宿通堂。聞僧誦丹霞上堂語。大徹。后參金臺。陳所解。遂得法焉。晚住徑山。一日書偈曰。七十六年萍踪何倚。

本無去來應緣而已。蛻然而逝。

天目進禪師法嗣

野翁曉禪師無趣來參師。令看一歸何處話。後趣有省。師付以偈曰：非法非非法，非性非非性，非心非非心。付汝心法竟。

壽堂松禪師法嗣

建寧府斗峯古音淨禪師。建陽蔡氏子。參萬法歸一公案。後經南陽鷄鳴河中。途有省。謁壽堂于巫山寺。遂承印可有醍醐。集行於世。

南嶽下三十世

天奇瑞禪師法嗣

隨州關子嶺龍泉寺無聞明聰禪師。邵武光澤奚氏子。依隱庵初出家。參大通智勝佛四句偈。數載偶聞馬嘶豁然大悟。參天奇。纔入門。值奇外出。師曰：一出一入。是同是別。奇曰：同別且置。見出入者是阿誰。師良久。奇怒罵而出。夜歸。問知客曰：今日我罵這僧在否。曰：在。奇曳杖到寮。師禮拜奇。便打。師曰：適來某甲草草觸忤和尚。奇曰：老僧今日被上座勘破。復問在。

世忘世。是如何。師曰：了物非物。奇曰：在念念。念是如何。師曰：於心無心。奇曰：心物俱忘。是如何。師曰：華山高峽太行。錢奇曰：教壞人家男女者。惟汝一人。乃付以偈曰：破情情破。破還情絕。跡無私精。內精知是個中。今不惜盡。盡分付與仁。行師後住關子嶺龍泉寺。爲開山第一世。僧問：如何是本來面目。師曰：石香亭。曰：便怎麼去時。如何。師曰：喪却了也。問：今朝四月八。天下叢林皆慶如來降誕。未審如來何處降生。師於几上畫圓相示之。示疾告衆曰：因心不了。又遊山吳。越山川路渺茫。拄杖一條擔日月。龍泉寺裏話偏長。以拄杖擲地。跌坐而逝。全身塔於寺右。

淨庵素禪師法嗣

襄西大覺圓禪師。儀貌豐碩。音聲如鐘。因僧入室。次師曰：外道問佛。不問有言。不問無言。世尊良久。外道便悟。既不涉有無。良久亦是閑名。正恁麼時。外道悟箇什麼。僧擬答。師急掩其口曰：止。止。猶要掛齒。僧曰：有省。師曰：可謂東土衲僧。不如西天外道。僧呈偈曰：自笑當年畫模。則幾番紅了幾番黑。如今謝主老還。

鄉那管平生得未得師大喜之一日無病而終壽七十三坐五十三夏

天寧濟禪師法嗣

嘉興府胥山雲谷法會禪師嘉善懷氏子參法舟於天寧舟令參念佛是誰話一日受食碗忽墮地有省尋閱宗鏡錄大悟僧問如何是祖師意師曰有水皆含月無山不帶雲曰莫更有奇特否師曰不得將龜作鳖

嘉興府精嚴寺冬谿方澤禪師嘉善任氏子聞法舟舉龍潭參天王語至何處不指示心要有省解制秉拂佛法雖徧一切世間而未嘗有絲毫逗漏作麼生結雖未嘗有絲毫逗漏亦未嘗有絲毫囊藏作麼生解故知百丈大師曲引初學爲此方便之辭其實不能結不能解也設有箇孟八郎漢出來道我能向百丈大師結不得處一結結斷直使天下衲僧忘前失後求出無門亦能向百丈大師解不得處一解解開直使天下衲僧七狼八籍鼠身無地却甚奇特諸上座彼既丈夫我能不爾乃擊拂子曰咩

野翁曉禪師法嗣

嘉興府敬畏庵無趣如空禪師本郡施氏子志慕祖道適野翁寓東塔師往謁每呈見解盡被掃闢一日翁謂師曰達磨西來直指人心見性成佛唯在直下體取你若信得及可放下萬緣參箇一歸何處師猛參三載聞鷄鳴有省遂蒙印可付衣鉢焉剃染後衆請居敬畏庵示衆搜窮三際元無我逼塞虚空更有誰祖佛相傳無法付拈花微笑只因渠召大衆曰世尊拈花則不問且道迦葉作麼生笑衆無對師曰苦哉佛陀耶示衆鴻蒙未判天地未分先有一物時人呼爲正法眼藏亦名涅槃妙心今在諸人六根門頭顯現四威儀內昭彰拈起拂子曰見麼若見通箇消息其或未然不得不疑示衆衆纔集師良久喝一喝曰禍出私門便歸方丈示衆夏末秋新卽佛卽心秋新夏末卽心卽佛擲下拄杖曰會麼不知寒暑催人老除夜聞爆竹聲師問衆曰是什麼曰爆竹聲師曰破了也衆有省同居士湖邊步月一僧至師曰明月與清風水天同一色人人在箇中祇是出不得僧曰

打草驚蛇作什麼師曰汝又作麼生曰看脚下師呵
呵大笑曰將謂胡鬚赤更有赤鬚胡師問講主經前
一句逼塞虛空經後一句充滿大地包括一句函蓋
乾坤正恁麼時法師向什麼處下口主無對師良久
曰善來法師杭城回示衆予在湖山境中作篇佛法
且是平直切當簡易明白渴欲歸來舉示大眾及乎
今日相見忘卻了也遂竖起拂子曰記得麼萬曆己
卯冬謂門人性冲曰來歲中秋五六之間吾欲行子
宜來次年八月六日冲以前命至師示微恙說偈而
逝偈曰生來死去空華死去生來一夢皮囊付與丙
丁公白骨斷橋隨衆呵呵明月清風吟弄塔於本庵

石門海禪師法嗣

隨州七尖峯大休宗隆禪師青州益都賈氏子在成
都北寺爲典座挑水忽地撞壁有省謁無盡於乾明
寺遂蒙印前住後垂三關語示學者曰吹毛寶劍被
石人持去掛在萬仞峯頭四壁無路如何取得有一
如意珠被木人擎來拋向大海波中不假舟航如何
覓得盡大地是個火坑燒却了也惟有一整眉毛在

未審何人見得示寂偈曰三際握來爲拄杖十方原
是舊袈裟泥牛石虎知消息踏破虛空便到家端坐
而逝

斗峯琴禪師法嗣

建寧府斗峯天真道覺禪師本郡張氏子看一歸何
處話有省作偈曰一手拍兮一手鼓無位真人出格
舞口中唱出無腔歌三千諸佛同一母呈古音卽蒙
印記

五燈嚴統卷第二十三

五燈嚴統卷第二十四

臨濟宗

南嶽下三十一世

龍泉聰禪師法嗣

北京笑巖月心德寶禪師金臺吳氏子世族錦衣母
於晴晝忽聞巨雷震地而誕既冠不甘處俗二十二

歲禮廣慧大寂祝髮受具首謁古拙大川後上關子
嶺謁無聞學從前見處皆印可之忽確房杵聲卽舉
以驗師隨答之聞曰汝之所得正矣翌旦入室條問
上座許多路索向甚處去師擬對聞笑曰鷄子已過
新羅國遂問曰十聖三賢已全聖智如何道不明斯
旨聞厲聲曰十聖三賢爾已知如何是斯旨速道師
下語不契一日洗菜忽一莖菜墮水逐水圓轉捉不
著師有省喜躍携籃而歸聞見問曰是甚麼師曰一
籃菜曰何不別道一句師曰請和尚別問來晚侍立
次聞舉靈雲見桃花話詰師師隨問而答問曰祇如
玄沙不肯意作麼生師曰賊入空房問曰這則公案
不得草會師隨聲便喝拂袖而出參大覺逾年返覲
值圍爐次聞問人人有箇本來父母子之父母今在
何處師曰一火焚之曰恁麼則子無父母耶師曰有
則有只是佛眼覷不見日子還見麼師曰某亦不見
日子何不見師曰若見則非眞父母曰善哉師呈偈
曰本來眞父母歷劫不曾離起坐承他力寒溫亦共
知相逢不相見相見不相識爲問今何在分明學似

師聞曰如是如是住後上堂拈拄杖曰有麼有麼時
有僧作禮師劈脊打曰多口作麼曰某甲一言也本
何爲多口師復打曰再犯不容上堂趨庭路濕塔苔
滑行道藤牽山徑迷禪者多詢眞祖意夜來攜履獨
歸西拈拄杖指曰看看祖師又越山門來也喚行童
卽便與我逐出且道正欲覓祖師祖師既至爲什麼
却逐出良久曰是汝諸人分上著這等閒家具不得
上堂舉雲門道佛法太煞有祇是舌頭短覺範道佛
法大有只是牙痛師曰山僧這裏牙且幸不痛舌頭
頗相稱只是無甚佛法可說上堂當門一隻箭來者
看方便擬進問如何穿過觸髅面僧問如何是和尙
昔年獲益事師以拂子倒懸視僧曰會麼曰某甲已
識得和尙做處也師曰汝道荊州黃四娘禮佛求個
甚麼僧無對師打出問如何是曹溪家風師曰滔滔
底曰如何是臨濟家風師曰劉玄德種圃曰如何是
雲門家風師曰大禹觀河曰如何是曹洞家風師曰
柳巷花街公子醉問祖意教意是同是別師曰柳影
橫塘魚上樹槐陰罩地馬登枝曰與麼則形影兩分

曲直自顯去也。師曰：未嘗飽食廬陵米，徒把蒲團認作天。問：如何是佛？師曰：鷲奴白牯曰：如何是祖？師曰：鷲奴白牯笑哈哈曰：如何是本來神通？師曰：鷄解司晨，犬解吠，問某心中久有一惑，特來乞師決破。師曰：汝惑猶可，莫教惑著。老僧曰：和尚心如虛空，焉能惑得？師曰：汝喫飯也未？曰：某適來居士家得齋。師曰：怪道一陣生臘氣。問：大死底人却活時如何？師曰：與伊一盞茶喫。問：久聞和尚大人相，乞請隨喜。師縮頸作蹲勢。僧罔措，問：如何是道人境界？師曰：泥牛吸盡西江水，木馬嘶迴北塞風。問：至理箇徑處？乞師一言。師曰：罕遇其人居士問佛道，玄奧弟子擬欲進入，未知有分否？師曰：人皆爲堯舜，曰：如何契入？師曰：我欲仁，斯仁至矣。曰：一切時中云何履踐？師曰：進則過之，退則不及，曰：不進不退，可適中否？師曰：易開終始，口難保，歲寒心問如何是清淨法身？師曰：春風無面目，花柳滿皇都。曰：已悟者則不問，未悟者還有分也。無師曰：曲不藏，直問達磨來東土，所傳何事？師曰：熊耳塔前風，搖少林崖畔月，朦朧問如何是和尚家風？師

曰：烈焰鑪中飛彩鳳，曰：如何是和尚宗旨？師曰：白鷺下田千點雪，黃鸝上樹一枝花，因水桶底置佛像，師見問衆曰：既是佛爲甚麼却在桶底坐？一僧曰：佛身充滿法界。師曰：佛身既充滿法界爲什麼被小桶盛？却僧無對。次日有三人請師代語，方舉前話，師急徵曰：佛在桶底坐，且止。忽然桶底脫時，又作麼生？三人豁然省旨。上堂舉金剛經爲人輕賤，話師曰：萬法本空，一心無住，不持不失，罪福何寓？昨夜釋迦老子與波旬眉毛厮結，帝釋天主共閻羅王鼻孔相御，更有一夥不識好惡，漢務要佛魔兩分，天獄另處，却被阿修羅怒發，把伊密密打入黑山鬼窟裏，直教伊盡未來劫依舊業識忙忙，無本可據，於戲人有近憂，必無遠慮。上堂夜來好大風，底砌舞殘紅，悉達無巴鼻，爲人話苦空，示衆舉玄沙天龍同入山見虎，龍曰：面前是虎，沙曰：是汝。雪竇曰：要與人天爲師，面前端的是虎。師曰：於今這裏虎也無，面前端的是箇什麼？若辨得出許你與人天爲師。示衆舉乾峯舉一不得舉二話，師曰：拾得酒酣寒山醉倒相扶相攙和泥臥草，天

明攜手出松門。直至如今無處討。僧問：如何是西來的的？師曰：不是苦辛人。不知師初至熊耳山禮祖塔寺僧。叱曰：汝愁拜空塔奚爲？師從容以手指塔問曰：此是空塔乎？曰：然。師曰：祖師贊曰：攜履西遊已久矣。師曰：蒼天蒼天！一僧聞風鈴有省。喜躍曰：某甲今日識破觀音老漢了也。卽入室求證。纔禮拜。師劈脊與一棒。曰：速將你識破底觀音出來。看僧以手作搖鈴勢。口作鈴聲。師直打出方丈。問：一念不生三際永斷時如何？師曰：遠山青嶼。帆近水響。丁東。問：古人云：打破鏡來相見。旣打破鏡。擬向什麼處相見？師曰：慚惶殺人。問：一言道盡。更不容言時如何？師曰：武陵溪畔杜鵑語。十里桃花血染紅。問：一切衆生。畢竟成佛未審。成佛後如何？師曰：山高兮水自流。師素性寡言。遷寓不一萬曆丁丑。結庵京都西城柳巷。越四載。跣趺而化。塔於城西小西門。語錄有南北二集。又輯沙彌成範一冊垂世。

大川洪禪師法嗣

代州五臺龍樹庵寶印禪師。一日晨起。見霜有省。作

偈曰：日出東山月沉西。蟬昨日今朝曾無兩樣。楚峯和尚居秘魔崖十餘載。枯淡晏如。一日聞火爆聲。大悟。說偈曰：眼睛突出死柴頭。赫赫神光炤四洲。觸處分明人不委。幾回春去又逢秋。玉堂和尚僧問：如何是道？師曰：脚下底。曰：如何履踐？師曰：直去不迷。

敬畏空禪師法嗣

蘇州車溪無幻性冲禪師。秀水張氏子。參無趣。誨以教外別傳之旨。參究有契。遂剃染結庵徑山。集無趣語錄。旣畢。返觀趣問子一向在什麼處？師曰：徑山趣。曰：做得甚麼事？師曰：某甲買得一段田。收得原本契。書請和尚僉押。卽將集本呈上。趣接看曰：這箇是我底。汝底。趣師曰：和尚莫攙奪行市。趣擲下集本。趣趨出。已而呈偈。趣莞爾曰：非語言文字。也是汝作底麼？師曰：某甲鼓粥飯氣。若謂有所得。辜負和尚不少趣。點首住後。示衆云：孤峯頂上。濶步大千。十字街頭。知音少。遇不禮維摩。詰不尊傅大士。良久。曰：舉頭天外看。誰是箇中人。示衆毗藍園裏。曾呈醜。古佛堂前又

露形不是月光三昧力何年洗得你身清大衆且道釋迦老子今日誕生未審此時落地也未一僧出曰落地了也師曰你見什麼人說僧無語師曰杓卜聽虛聲示衆三界唯心萬法唯識卓拄杖曰昨宵時雨滴空墪一片綠苔俱打濕示衆良久曰世界如許開潤爲甚麼在老僧手裏便歸方丈示衆禁烟時節陳寒食荒塚野田人啼泣死骸體上活眼開鬼神茶飯都打失首陽山堪隱逸時人莫謂春無力一夜東風鼓少林落花滿地成狼籍示衆舉起拂子曰未明這些子俱是妄卜度既明這些子亦是妄卜度一僧出問未明時卜度某甲不疑既明後爲甚麼也是卜度師曰豈不見道不得春風花不開及至花開又吹落僧問如何是西來密傳心印師呵呵大笑僧問措復問傳箇什麼師打曰開門漁笛近明月在滄洲問清虛之理畢竟無身時如何師曰道者合如是曰向上更有事也無師曰雪隱鷺鷥柳藏鸚鵡問臘月三十日到來時如何師曰家無索債人問和尚百年後向甚麼處去師曰千株松下角彎彎百草頭邊亂蹀跳

師燒火次僧問如何是自性天真佛師曰與我搬取一束柴僧搬柴復問師曰這奴子好惡也不知便打問達磨未來時如何師曰家家觀世音曰來後如何師曰旄頭星出現問如何是最上一乘師曰藤穿箴縛曰意旨如何師曰三十年後師問僧何處來曰廬山師曰古人道不向廬山尋落處象王鼻孔漫遶天如何是廬山落處曰舉即不難傍觀者哂師曰不然你且舉看曰和尚尊重萬福師曰我還疑著你曰不消師休去萬曆辛亥冬痺疾囑後事畢端坐而寂闍維奉紺骨塔于徑山臘三十壽七十二

南嶽下三十二世

笑巖寶禪師法嗣

常州龍池禹門幻有正傳禪師溧陽呂氏子十九歲荊溪顯親寺祝髮嘗燃頂發願曰若不見性明心誓不將身倒席一夕聞燈花爆聲有省參笑巖方具述所以巖忽趨出隻鞋曰向這裏道一句看師茫然通夕不寐明晨猶佇立簷下巖見喚師師回顧巖翹足作修羅障日月勢師豁然一日巖持拄杖入堂曰我

者杖要與人。有要底麼。首座曰。某甲要嚴。曰。汝要作麼座。曰。要他鏟斷天下人舌根。嚴以杖架肩。曰。柳樛橫擔。不顧人。直入千峯萬峯去。師躍然下禪牀。曰。若果如是。須分付某甲可也。往前迎取。嚴微笑。曰。汝當久久執持一番。須可打草去也。已而辭去。嚴書正宗付焉。仍贈一笠。曰。以此覆之。無露圭角。師初住龍池。次遷五臺秘魔。次北京普照。晚歸龍池。僧問。如何是西來意。師曰。屋北鹿獨宿。曰。不會。師曰。溪西鷄齊啼。問。如何是佛祖奇特事。師曰。蝦蟆捕大蟲。曰。恁麼則不爲奇特也。師曰。滿兒捉老鼠。僧禮拜起。師振威一喝。曰。和尚爲什麼放某甲。不過師急索曰。老僧有事。你且去問。如何是佛。師曰。千峰雪色。炤人寒。曰。如何是法師。曰。春水平江。匝匝波。曰。如何是僧。師曰。飯依似木人。曰。學人不會。師曰。爭怪得老僧。有客舉僧問雲門。如何是諸佛出身處。門曰。東山水上行。如何會。師曰。無孔笛。沒人解吹。曰。學人試問和尚得否。師曰。得。曰。如何是諸佛出身處。師曰。西河火裏坐。上堂。一切法不有一切法。不無。若能如是。會水上打葫蘆上。

堂山漉漉水漉漉。四天王昨夜忽被無明。逐算盤子打過了八萬四千九百九十零九遍。衆兄弟爲什麼累我。廚下火頭直到如今睡不足。下座曰。參。上堂也。大奇也。大奇地。轉天迴斗柄移。山門昨夜與燈籠鬪。苕帚糞箕俱失儀。急努力莫思議。地獄天宮總皺眉。直得一身冷汗出。翻轉話頭都不知。喝一喝。上堂。無上法王有大陀羅尼。門名爲圓覺。驚起拂子曰。汝等會得這個麼。鷄子已飛雲外去。癡人猶向月邊尋。久立珍重。上堂。舉文殊三處度夏。話師曰。文殊當時太殺神通。迦葉奈何局於智短。若作迦葉。應把黃面老子先須攬却。何也不見道來。說是非者。便是是非人。上堂。豎起拂子曰。老僧今日借取這拂子。一時說法。直得三世諸佛立地聽汝等。現前俱信得及麼。倘信不及。止止不須說。我法妙難思。珍重。題香爐偈曰。有耳聞聲。一似響。無容餘物動乎中。灰心未必常如此。贏得清烟便不同。師與士大夫遊。嘗舉東坡點琴操語曰。門前冷落車馬稀。老大嫁作商人婦。琴操何所感。便削髮爲尼。耶士大夫多不契。又慮學者見落。

斷常著書三篇曰駁語曰性住釋曰物不遷題旨刻行於世萬曆甲寅春仲示寂塔建本山與一源禪師同塔

代州東臺瑞峯和尚壽昌參問某甲於古德機緣數則有疑乞師指示師曰請道昌曰臨濟道佛法無多子畢竟是個甚麼師曰向道無多子又是個甚麼昌曰玄沙謂靈雲敢保老兄未徹在何處是他未徹處師曰大是玄沙未徹昌曰趙州勘破婆子勘破在甚麼處師曰却是婆子勘破趙州昌乞頌師曰知是般事便休昌作禮而退

高陽靈谷曇芝禪師參笑巖問古人云打破鏡來相見既打破鏡擬向甚麼處相見巖曰慚愧殺人師有省舞躍而出

南嶽下三十三世

龍池傳禪師法嗣

寧波府天童密雲圓悟禪師宜興蔣氏子。上而凝穆長事耕穫見堆柴突露面前有省二十九歲安置家室依龍池祝髮喜兀坐二六時中看得心境兩立與

●抵巇

古人天地同根萬物一體話未能契合因請益池池曰汝若到這田地便乃放身倒臥師益昏惑一日過銅棺山豁然大悟時池遷燕都師往省覲池問汝離老僧三年有新會處麼師曰一人有慶萬民樂業池曰汝又作麼生師曰某甲特來覲和尚池曰念子遠來放汝三十棒師便出一日侍次池問忽有人問汝如何抵對師豎拳池曰老僧不曉得者箇是什麼意思師曰莫道和尚不曉得三世諸佛也不曉得池曰汝又作麼生師便喝池曰三喝四喝後如何師即連喝而退池曰宛有古人之作師復喝又一日池陞座舉拂問曰諸方還有這個麼師震威一喝池曰好一喝師連喝兩喝歸位池顧師曰再喝一喝看師即出法堂池歸方丈師隨入曰適來觸忤和尚池乃鑼鼓上堂授師衣拂復命入室囑累扶持佛法師呈偈曰若據某甲扶佛法任他○○○○都來總與三十棒莫道分明爲賞罰未幾池示寂師依塔三載萬曆丁巳衆謂繼席開法次住通玄金粟黃檗育王天童凡六鉅刹宗風大振上堂禪不在參道不在悟直下

了然超佛越祖。驀拈拄杖曰。卽今莫有超佛越祖者麼。卓拄杖曰。正好朝打三千。暮打八百。擲拄杖曰。爲什麼如此。撫掌曰。這裏放過。則不可上堂。本來無物。可評論。未悟之人。妄見分忽。若迸開頂額。眼大地山河。一口吞上堂。今朝正是四月八。釋梵王宮生悉達。祇爲時人不知。因年年枉遭惡水潑。衆中若有知因者。出來爲這老漢雪屈。良久曰。若無雲門大師來也。拽拄杖下座。打散上堂。有問有答。正是業識茫茫。無問無答。亦是無本可據。直饒問恁麼。道撩起便行。未免落在山僧圈續裏。且不涉化門一句。如何通信。卓拄杖曰。舉頭天外看。誰是我般人。上堂。樹影葉落。明。明脫體全彰。雲散天空。杲杲日輪。當午正恁麼時。霜風劈面來。諸人還覺寒。毛卓豎也。無若也。覺得如龍得水。似虎靠山。日用頭頭全體露。折旋俯仰沒遮欄。喝一喝。上堂。人人盡道。今日生誰。謂老僧今日死。但了死生個。一時莫問。世間花甲子。上堂。六月初一。正炎熱。人人通體汗流出。忽然一陣涼風來。個個仍前乾暴暴。且道乾暴暴底。是汗流出底。是汗流出底。是

則不應有乾暴暴底時節。乾暴暴底。是則不應有汗流出底時節。恐悞賺諸人。老僧不敢道。破也。須各自悟。討個分曉。始得。僧問。如何是金粟境。師曰。四野桑田。曰。如何是境中人。師曰。金粟山頭望。曰。人境已蒙師指示。擊鼓陞堂。事若何。師曰。瞻之仰之。問清淨本然。云何忽生山河大地。師曰。眼花作麼。曰。如何是清淨本然。師曰。腦後見腮。問。如何是本來面目。師以手摸嘴。曰。會麼。曰。不會。乞師指示。師打曰。天晴不肯走。須待雨淋頭。問。大事未明。如喪考妣。意旨如何。師曰。汝是無主孤魂。曰。爲甚大事已明。亦如喪考妣。師曰。唯我獨尊。問。如何是五眼圓明。師曰。老僧止兩隻。問。如何是三寶。師曰。一頓胡餅。兩頓粥。曰。不問者三。飽。師曰。老僧日日奉持。問。雲門餅。趙州茶。和尚這裏有甚麼。師曰。一頓大拳。頭問。清水洗塵水。歸何處。師曰。茅廁裏。曰。某甲不會。師曰。問取淨頭去。問。如何是暗中明。師曰。東村黃老。夜摩肩。曰。如何是明中暗。師曰。南海波斯。盪洗面。曰。明暗相去幾何。師曰。分身兩處。看問除却。棒喝請師。分明指示。師以手指僧。曰。指

示汝僧無語。師便打問。一口氣不來時如何。師曰。眼閉脚直。問月明星稀。密雲藏在何處。師直打出問。殺生是大戒。爲什麼。南泉斬猫。歸宗斬蛇。師曰。汝寔恁麼問。那日是師曰。汝當懺悔。去問長大無衣。是什麼人。師曰。不識醜陋。漢居士問狗子。還有佛性也無。師曰。汝且喚狗子來。士禮拜。師與一踏曰。這畜生問如何。是不動尊。師曰。此去徑山五百里。問乞師指箇修行路。師曰。我從來不會修行。曰。更冀慈悲。師曰。一事無成。兩鬢絲上堂。新年新月。新日新時。長老又披新法衣。提起衣曰。這箇是衣。如何是法。放下衣曰。九九百百。張七趙八。孟春猶寒。不得露骨。喝一喝。上堂。子規啼血。滿花枝。口口聲聲。祇叫歸。不耐時人。猶不省。年年三月。又來啼。大衆還委麼。自是不歸歸。便得五湖烟景。有誰爭。卓拄杖一下。上堂。太白山中。儘有柴一株。不許衆人搬。老僧不是多護惜。爲要諸人徹骨寒。雖然如是。只如道。三界無安。猶如火宅。諸人又向甚麼處迴避。若也迴避得。可以高超三界。獨步大方。其或未然。各各炤顧眉巒。始得上堂。今朝五月五日。

知事頭首乞老僧陞座。應個時節。老僧無計可處。何以雄黃燒酒。固也不可。要且無個銅錢買糯穀。思量到計窮力極。忽然得個富。不有餘貧。無不足真。可謂是平等法門。正可以與世移風易俗。遂豎起兩拳曰。只將這兩個大稷子。供養大衆。一任橫咬豎咬。忽然咬著自家底。直得人人飽足。免得窮斯煎。餓斯炒。爲甚如此。到底終輸自家寶。上堂。未到天童。不妨疑著。已到天童。瓦解冰消。何故。還不見道。聞名不如見面。既見矣。諸人分中。成得個甚麼邊事。一翳在眼。空花亂墜。崇禎辛巳國戚田公爲皇貴妃。齎紫衣入山。請師演法。復得俞旨。住金陵大報恩寺。師以衰邁遜謝。明年春拂衣上通玄。秋七月三日示微疾。七日午時奄然坐化。流光夜炤。四山變白。壽七十有七。迎全身歸塔於天童幻智庵右隴。

管州磬山天隱圓修禪師。本郡閔氏子。依龍池剎染參父母。未生前話。偶展楞嚴。見佛咄阿。難此非汝心處。有所證入。後閱古今因緣。一一透露。至僧問乾峯。十方薄伽梵。話未免疑滯力。參兩載。忽聞驢鳴大徹。

偈曰忽聞驢子叫驚起當人笑萬別與千差非聲非色。開遂抵燕京覲池一日侍次問歷歷孤明時如何。池曰待汝到這田地與汝道師便喝池曰汝還起緣心麼師拂袖而出又一日因事池穿褊衫舉椅子曰汝上座待我拜你爲師師含笑退呈偈曰木人提唱笑呵呵更著衣衫誰識他昨日覲來是男子今朝還作老婆婆池曰甚愜老僧意暨池順世師乃結茆磬山閱歷寒暑方成叢席僧問如何是臨濟旨師曰怒雷掩耳曰如何是滄仰旨師曰光含秋月曰如何是法眼旨師曰千山獨露曰如何是曹洞旨師曰萬派朝源曰如何是雲門旨師曰乾坤坐斷問既是師子兒爲什麼被文殊騎師曰理能伏人問如何是句到意不到師曰言言見諦步步迷踪曰如何是意到句不到師曰只在舌尖頭盡力吐不出曰如何是意句俱到師曰有時獨倚庭欄上閒看梅開三五枝曰如何是意句俱不到師曰落花流水去空負浪遊人問如何是出格句師曰獨脚蟹示衆舉古人道幽鳥語如簷柳垂金線長煙收山谷靜風送杏花香永日滿

然坐澄心萬慮忘欲言言不及林下好商量師曰既言之不及又商量個什麼若道有商量古人恁麼道若道無商量古人恁麼道諸人且作麼生良久曰薰風自南來殿閣生微涼示衆今朝四月半農家秧好看堪笑癩禪和一事無可斷開了兩片皮只是粥飯罐道眼不能明閻羅要打算示衆磬山阿裏有兩個小老虎昨日老僧被他截住却在三家村裏躲過你等出出入入切須仔細隨顧左右曰且喜不露爪牙便歸方丈示衆舉玄沙三種病人話師曰玄沙老宿可謂善說未能善接雲門大師如此接人也只接得無三種病底漢果寔有三種病人來又如何接若到磬山門下來也不難何故如患盲者來高聲向他道個瞎若患聾者來劈脊便棒若患啞者來便以拂子打圓相示之今日還有三種病底麼良久曰如無老僧今日失利崇禎乙亥秋季報恩示寂塔建磬山湖州淨名庵抱樸大蓮禪師杭之臨安駱氏子幼失怙恃出家於青山妙嚴院後寓雙徑結制從尿桶邊因地大徹作偈曰自幼失親娘遍覓於他鄉驀然一

相見便不再商量。遂參龍池。進方丈。以坐具打圓相。展具三拜。收具一拂。便出住。後僧問。如何是殺人刀。師曰。垂簾關乳燕。曰。如何是活人劍。師曰。穴紙出癡。蠅問香巖上樹。意旨如何。師高聲呼曰。一個人跌死了。曰。是則是。只是大驚小怪。師曰。人命不是小事。崇禎二年秋。示微疾。衆請末後句。師曰。我有日用相應。頌在跌坐而逝。頌曰。○並行黑白却同年。○芳草茸茸到處眠。○一時秋空雲翳盡。○夜深何處是家園。

南嶽下三十四世

天童悟禪師法嗣

瀉山五峯如學禪師。陝西人。律身嚴謹。遇事精勤。一夕與天童話。次童驚伸脚曰。你作麼生。師以脚踢之。童笑曰。未在未在。師曰。和尚道看童倒臥。師曰。也只是困童。曰。你又與麼去也。師禮拜。一日辭行。童握拂曰。喚作拂子。則觸不喚作拂子。則背不得。拈起不得。放下不得。下語不得。無語不得。錯舉若不錯舉。即分付汝。師連跳兩跳曰。要不要。童曰。猶是亂叫亂跳。更試舉看。師轉身曰。某甲去也。童乃付。

蘇州鄧尉山漢月法藏禪師。梁谿蘇氏子。十九圓頂。於德慶庵二十九歲。讀高峯語錄。有疑歷十餘秋。聞折竹聲。忽然大徹。天啓甲子。春天童悟。唱道金粟師往參焉。一日童上堂。舉僧問古德云。朗月當空時。如何。德曰。猶是堦下漢。僧曰。請師接上。堦德曰。月落後。相見童。乃顧師曰。且道。月落後。又如何。相見師。便出法堂。冬。開爐命居。衆首童上堂。舉起拄杖曰。舉一不得。舉二放過。一著落在第二。擲下拄杖曰。落二去也。且一又如何。舉便下座。師掣拄杖。便行。童歸方丈。師以拄杖呈曰。此是打盡天下人底拄杖。今日還却和尚。童接得。便打曰。先打汝一箇起。師曰。幸得還和尚。杓柄童曰。猶嫌少在。又打數下。師作禮而出。住後上堂。把斷要津。不通凡聖。你纔出頭來。早與三十棒。趁出去矣。老僧一向閒極。目朝雲漢。不得已。指點桑麻。行看山水。你若恁麼會。又錯過了也。喝一喝曰。何不簡便。會取久立珍重。上堂。攀躋不住。忽然翻打破吾宗。向上關。剩得一雙窮相手。始知無法付人間。上堂。有一人平地上行。船如飛箭。有一人輕波上去。脚似。

騰雲會得者。今日天晴。昨日雨下。不會者。昨日雨下。今日天晴。盡情透過。還有一人不肯。鰲拈拄杖曰。會麼。良久曰。黃金柳。栗白玉。瑯玕。遂擲下。上堂。山僧十五六年前。也曾見神見鬼。如今年深月久。總忘却也。但得輕衣一片。飽食三餐。童子擲。掄禪人問道。讚之。或喜罵之。或怒而已。若道曹山有尊貴。旨訣切莫聽。他這樣說話。上堂。數萬先須舉一二。五恰成一十。數到不可說處。舌大如鼯。神機活脫。蟠桃一夜盡開。花歲歷三千始成實。諸仁者。且道萬出于千千。起于百。百始于十。十始于一。只這一從空不得。從有不得。畢竟從那裏起。良久曰。剝到頂時。培碩果。雷從復處震。天機喝一喝。上堂。秋山清。秋桂老。秋風高。夜莫掃。放下破蒲團。秋湖向人好。昔日晦堂問黃山谷云。還聞木樨花香麼。谷云。聞堂云。吾無隱乎爾。喝一喝。曰。恁麼答話。惹人情見不少。老僧昨宵大睡。一覺外牀倒裏。牀倒。枕子是藤。白席是草。乃顧視左右下座。上堂。如何是西來的的。意。稽首和南。齊著地。如何是向上。一門。那箇爲官不戴君。還有受用也。無春風花亂競。

提壺恁麼。則通身尊貴去也。沙水螭橫。是蟹。此四句一句是佛。一句是祖。一句是老僧。一句是大衆。若人縑素得出。許汝一生參學事畢。何故。盡道洞庭如簫笠。春風亂。插滿頭。花上堂。心無起處。原無事。念轉非情。運六通。雙足不知誰是主。看山踏遍白雲中。且道如何是脚下事。以拂子擊香几曰。紅葉投空。錦清泉。擲地。金小參云。斬釘截鐵。梵天濺血。不待三尺龍泉。只用飄空一葉。急急急。孟冬正是十月。節小參云。古意不可得。蕭然四座僧。簷牙無燕雀。赤日印空庭。良久曰。不可得意。則不問曰。印空庭事。若何。乃曰。苔文鏤石。古草篆帶簾。青間如何是安隱。境師曰。石幢倒卓。門前水樹骨橫撐。殿後山曰。如何是安隱。家風師曰。黑袈裟下雲承座。白柳標邊風逼人。曰。如何是安隱。禪師曰。坐到月來香未過。臥教日出粥方粘。曰。如何是安隱。事師曰。鐘聲過後。催廚板。經韻銷時。接夜香。曰。無眼耳鼻舌身意。意旨如何。師曰。牀下龍眠雲半。夜石邊鳥宿露初。更問未雨以前時。如何。師曰。凍草帶殘雪。寒花夾野雲。曰。正雨時如何。師曰。陰

陰烟霧裏落落數家村。曰忽然傾倒時如何。師曰大江初漲白孤嶼不停雲。曰雨收雲散又作麼。生師曰芒鞋攜短杖。隨意過橋東。師室中嘗舉竹篋子。話勘驗學者。稍或擬議。便痛打出。崇禎乙亥七月。示疾侍者問如何。是身後事。師曰牀頭老鼠偷殘藥。壁上孤燈照舊衣者。復問師舉手。曰放下慢子著。遂酣睡至中夜。索浴更衣而逝。塔建本山。

破山海明禪師。蜀之蹇氏子。弱冠得度。從慧法主聽講。楞嚴咨疑不決。卽出蜀。住破頭山。鞭逼三載。忽于經行之際。見一平世界。不覺墮落。巖下損足。至夜半翻身劇痛。有省。叫曰屈屈。一居士曰。師脚痛耶。師劈面一掌。曰非公境界。尋參博山。復參雲門。後參天童。童問那裏來。師曰雲門。曰幾時起身。師曰東山紅日出。童曰東山紅日出。與汝什麼相干。師曰老老大大。猶有這箇語。話童曰我既如此。你許多絡索。又從那裏來。師震威一喝。便出。次日同僧進方丈。童命坐裏首。師曰昨日走得今日走不得也。童曰作賊人心虛。師曰是賊識賊。童領之久之。命作西堂。入室。次童問。

內不放出外不放入。政恁麼時。以何爲界。師曰竿頭絲線從君弄。不犯清波意自殊。便出。崇禎己巳。出世禾之東塔。後返蜀。中僧問如何。是一六開。天師曰竹密山齋冷。曰如何。是二五成。性師曰荷開水殿香。問達磨西來爲甚。隻履西去。師曰長安雖樂不是久居。問萬法從心生。萬法從心滅。不生不滅。心在什麼處。師曰謝三娘不識四字。僧禮拜。師曰虧汝當面懺悔。問如何是當機句。師曰東塔廟前上堂。爆竹一聲蒼天兩字。草木昆蟲。全彰意氣。柳眼拖不價之金。梅梢吐不瑕之玉。龍兒鳳子。齊歌舜德。堯仁。獺狗泥猪。同和祖風。佛日導羣情。而越死超生。普萬有而豐衣足食。當恁麼時。還有不威而嚴。無爲而化者麼。良久曰東風吹出林間去。惹得遊蜂嚷舊新。喝一喝。送法衣至上堂。大庾嶺頭提不起。鷄足山前成滯貨。衲僧今日獲一披如雲。普覆華王座。大眾記取三十年後。切忌不可動著。何也。動著則禍生。上堂。天上月正圓。人間道月半。撞著閻羅王。便把飯錢算。咄。休打算。且待山僧細細與你從頭判。天上月正圓。陝府鐵牛頭角。

攢人問道。月半嘉州大像皮毛。換撞著閻羅王大蟲。被犬傷。便把飯錢算兩箇五百。是一貫。不管三七念。一二五。一十挨排算。到臘月三十日。祇算得一半。設或完全。直待驢年卓拄杖。一下上堂。金鋤削盡千峯雪。露出天涯星月。孤炤得。世間人。廓徹都來。依樣畫葫蘆。大衆未審。還有依樣畫得者麼。有。則不妨。好手中呈好手。紅心裏射紅心。其或未然。且待山僧自畫去也。以拄杖打圓相。擲地曰。層落。落。影團團。千古萬古。與人看上堂。山僧連日傷風。佛法沒處啓口。檀越強逼陞座。只好略揚家醜。驀拈拄杖。卓曰。釋迦老子。過十恒河沙等佛土。來山僧拄杖頭上。口喃喃地。露題露目了也。汝等諸人。還聽得麼。顧視左右曰。且道。釋迦老子。露個甚麼題目。灤落。梅。濺石。青。九。碎。臥柳。臨波。翠帶長。喝一喝。上堂。卓拄杖曰。大衆聞麼。木上座爲汝諸人。轉根本法輪去也。塵說刹說。熾然說。無間歇。復擲下曰。頻呼小玉。原無事。只要檀郎認得聲。問是法。非思量。分別之所能解。爲什麼。惟佛與祖。乃能知之。師曰。知音不必頻頻舉。八兩原來是半。

◆提聲呈

斤問破山堂內有僧否。師拈拄杖曰。向前來與汝道。曰。執杖者是誰。師驀頭一棒。僧無語。師連棒打出。杭州府徑山費隱通容禪師。闍之福。清何氏子。十四依鎮東慧山祝髮。首參壽昌。提無字話。發奮身心。遽忘寢食。忽一日。覺身世俱空。話頭脫落。目前虛逼逼。地問昌曰。今日看破和尚家風了也。昌曰。汝有什麼見處。師便喝。次參雲門。又參博山。往返至。再不能了。手天啓壬戌。開天童寓吼山。師冒雨往謁。問覲面相。提事若何。童便打師曰。錯。童又打師盡力。一喝。童復打師。復喝。至第七打。伎倆知見。泮然冰釋。後上天台省覲。童問。薰風自南來。殿閣生微涼。汝作麼。會。師曰。水向石邊流出。冷風從花裏過來。香曰。離了此。又作麼。生。師曰。放和尚三十棒。曰。除却棒。又作麼。生。師便喝曰。喝後。暫。師曰。更要重說。偈言。童休去。旣而童主金粟命。職西堂。明年隨赴黃檗。童陞座。以源流衣拂付焉。開堂曰。僧問。昔從黃檗去。今向黃檗來。作麼生。道箇無來去。底事。師曰。頭頂天。腳踏地。曰。黃檗消息。更何如。師便喝曰。砂盆雖破。家風猶在。師曰。與闍黎。

無干問打著昔年舊痛處。於今猶恨棒頭輕。請師末後一頓師。打曰。舊瘡癩上著艾。曰。怎麼則徹骨徹髓去也。師曰。如何是徹底意。僧一喝。師曰。喝後。僧曰。時清休唱太平歌。師曰。祇引一半問。如何是奪人不奪境。師曰。打教觸體穿。曰。如何是奪境不奪人。師曰。掀翻坐具地。曰。如何是人境兩俱奪。師曰。一并收下。曰。如何是人境俱不奪。師曰。一任踴跳。問。古人道。猶如爭鬪快龍舟。一度贏來方始休。祇如未得贏時。和尚作麼相爲。師曰。休將櫓棹施。曰。看來舊閣閒田地。何事慳懃錯用功。師曰。天地寬濶。曰。正值端陽時節。好大家共唱採蓮歌。師曰。不易道。將來上堂。全身擔荷。赤體提持。要是夙有器骨。英靈漢子。於尋常日用。活卓卓地。不將奇特言句。貼於額頭。玄妙理致。蘊於底裏。專用格外鉗鎚。獨奮宗門牙爪。生擒猛虎。活捉獐龍。縱有言超佛祖。行過舍那。入此閻域。未免橫身拶出其餘之輩。觀心作念。著意思惟。塵寂光生。而有神顯妙慧。自作去就。畢竟構他語脈。不上要有者等。丁卓始可。別行教外。單傳直指。主持棒喝。全行正令。而

與從上瞎驢蹄角相肖。且正當怎麼時。回機就位。一句作麼生道。本來不借修因。得那管心。明與法通。上堂。句要分明。意須不錯。分明灑灑落落。隨處降雨。騰雲不比禿帚墮在壁角。所以垂鉤四海。只釣獐龍。格外玄機。爲尋知己。獐龍既釣也。則蝦蟆蚯蚓。不在所言。知已若遇也。則門外漢子。徒勞捉摸。且道金粟會裏。以何爲知已。滴水能興萬丈波。到來猶欠那一杓。上堂。良久。曰。聲前一句子。欲要大家知。便下座上堂。天寒人寒。大家在這裏。風和陽和。彼此行物外。有佛處不得住。沒孔鐵鎚。恐虫蛀。無佛處急走過。枯木岩前。蹉路多。怎麼則不去也。驀地翻身。尋本據。摘楊花摘楊花。誰憶趙州老作家。然則金粟今朝解制。還是去的是。不去的是。把住兩頭。咸踢脫等閒舉步。廓周沙上堂。薦豎拂子。曰。這一段事。亘古亘今。人人本具。個個圓成。會也草披春色。不會月瀉秋清。弗用求真息見。那許管帶忘形。五湖四海同風。曰。社舞村歌。樂太平。上堂。爐韜重開。鉗鎚再握。格外推敲。超方烹琢。活捉鐵額銅頭。生擒超宗異目。當機難於吐氣。

退後如何摸索。任他深如滄海。亦要掀翻。更有高似青天也。須打落。還有諸人進退處麼。所以道。若也畢唱宗門中事。使得三乘膽戰。十地魂驚。直饒等覺地菩薩見性。如同羅月。只如釋迦老子。即今在什麼處。喚來者裏。扇爐添炭。喝一喝。曰。爲什麼點。却不到卓拄杖下座。小參舉雪峯示衆曰。南山有一條鼈鼻蛇。汝等諸人。切須好看。蛇無頭不行。長慶曰。今日堂中。大有人喪身失命。張開蛇口。雲門以拄杖攬向面前。作怕勢。露出蛇斑。僧舉似玄沙。沙曰。須是我殘兄。始得與蛇搭癢。雖然如是。我却與麼。僧曰。和尚作麼。生沙曰。用南山作麼。跳出蛇窠。當時雪峯會裏者一羣。蛇今日被山僧挑向拄杖頭上。要教他生也得。要教他死也得。要教他不生也得。要教他不死也得。所謂把住則四方無路。放行則草叢裏覩現前兄弟。還有與古人出氣者麼。有則出來爲蛇畫足。無則出僧放者。一羣蛇咬殺汝諸人去也。以拄杖一時打退上堂。今日徑山啓期底意。與諸方常例不同。蓋者裏天空海濶。山高水長。如鵬搏萬里。扶搖自在。朝陽峯下。

祥光滿目。燕坐當軒。八面玲瓏。鉢盂峯頂。香積如堆。更有大人擁護。其間頭頭彰實。所一一顯真機。心目所知。手足所到。無非是格外乾坤。古佛家風。從緣薦得。匝地優曇。就體消停。橫生荆棘。所以學道人。貴手緣境。會心。從心了境。心境一如。方名解脫。始信古人謂通玄峯。頂不是人間心。外無法。滿目青山。忽然灑落。時又作麼。生山月如銀。牽老興。閒行不覺到峯西。卓拄杖一下。上堂舉臨濟祖師云。若第一句中薦得。堪與佛祖爲師。若第二句中薦得。堪與人天爲師。若第三句薦得。自救不了。師曰。徑山者裏。則不然。若向第三句薦得。則石筍抽條。若向第二句薦得。則種麻得豆。若向第一句薦得。則漆桶不快。笑看臨濟。強分節目。將刀割水。無事望江亭上立。山河無限箇中圓。喝一喝。上堂。今日冬至。慶無不利。衲僧門下。多增意氣。日增少許。長梅將鋪梵字。不是東魯書。亦非西祖意。律筒灰裏煖些兒。靈焰融通三昧地。且道者一氣從何處發來。參天童悟和尚三週忌拈香曰。一二三三三。鐵馬嘶空沒踪跡。憶得當年騰踏時。一回飲。

水一回噎。雖然如是。心不負人。面無慚色。師自黃檗蓮峯法通。暨至金粟天童。超果福嚴。及今徑山萬壽。鉗錘衲子。寒暑弗懈。每見諸方言行。有乖法門者。不避怨憎。直筆救正。著書十二卷。顏曰別集與語錄。並行於世。

嘉興府金粟石車通乘禪師金華朱氏子。二十六歲。依天真爲僧。雲門稟具。閱六祖不思善公案。有省。不憚間關。遍參知識。後謁天童於金粟。童問那裏來。師曰雲門。童曰幾時起身。師打圓相。童曰莫亂。統師曰千里同風。今日特來親領痛棒。童曰既千里同風。又來作麼。師翹左足。童曰未在。師翹右足。童曰錯也。師曰風吹別調。中童休去。入室。次童問世尊拈花迦葉微笑。意作麼。生師曰白曰穿針。童連棒打退。師豁然懷香禮謝。童復舉手曰我手何似佛手。師拂袖使出。呈偈曰我手何似佛手。赤脚蓬頭便走。直得透上玄關。管取合著狗口。童肯之。命爲都監。一日領衆作務。童曰我在龍池爲都監。做在人前。師曰虛名要他作麼。童曰如何是汝實處。師劈面一掌。童連棒打曰我

終日與你搗。胆大有因緣。師喝曰好事不如無。童大罵。越出先出世於杭之隆慶。次繼席金粟上堂。諸佛出世爲一大事。因緣達磨西來。指人見性成佛。金粟不諳老婆禪。祇要諸人棒下見血。若也恁麼會得。觸處逢渠。纖塵不立。垂手人間。和光化物。既然觸處逢渠。且道渠是阿誰。毫釐有差。天地懸隔。喝一喝上堂。千言萬語。不如不說。今朝四月八。爲何不說。驀拈拄杖卓一卓曰珊瑚枕上兩行泪。半是思君半恨君。上堂道絕功勳。建功失宜。虛玄不昧了了。常知飢來喫飯。寒只添衣。雖然如是。十箇有五雙。到這裏望崖而退。殊不知正是諸人全體受用。底境界。擊拂子曰會麼。百般美味。非珍饈一味。粗羹飽卽休。上堂少室真機。人天普育。直指父母未生面目。大衆有眼曰見有耳曰聞。且作麼。生是父母未生面目。良久曰牆外烏啼聲已碎。盡在搖頭不語中。喝一喝上堂不寒不熱。火柴頭撥動些兒。爆地流從此一番親煅煉。縱橫無碍。任悠悠。若也見得不須畫地爲牢。其或未。然燒却眉毛有幾莖。晚參云把斷乾坤。迴無一物。直饒悟去。

猶落廉纖還。有證明底麼。出來相見。僧問。棒喝交參。意旨如何。師曰。虛明歷歷。復曰。會麼。曰。不會。師曰。不會。聽取。一偈。棒喝交參。體證十方。不容擬議。石火生光。以拄杖打散。僧問。未出母胎。度人已畢。黃面瞿曇。又出來作甚麼。師曰。打草驚蛇。曰。座中亦有江南客。休向人前唱鷓鴣。師打曰。漆桶不快。問。如何是禪師。曰。撥水不成。連曰。如何是。道。師曰。直透到長安。曰。禪道相去多少。師曰。往來不異。曰。向上宗乘事。若何。師曰。六六三十六。問。有不得無不得。畢竟是個甚麼。師曰。破草鞋。曰。不值半文錢。師曰。誰教你問問。萬法歸一。一歸何處。師曰。掬水月在手。弄花香滿衣。曰。猶是萬法歸一。畢竟一歸何處。師便打。問。火宅門外布三車。未審金粟堂上車在何處。師打曰。這裏薦取。曰。清清物外。虛空體。卽是如來堅固心。師曰。面赤不如語直。崇禎戊寅春。示疾。僧問。此後向甚處。與和尚相見。師曰。遍界不曾藏。僧作禮。曰。恁麼則向這裏。與和尚相見去也。師曰。且莫錯認。泊然而逝。世壽四十六。停龕兩載。閣維塔於本山之左。

贛州寶華朝宗通忍禪師。常州陳氏子。弱冠出家。謁天童於金粟。茫無所入。遍禮諸方。未幾復回。童問。薰風自南來。殿閣生微涼。汝作麼生。會。師曰。通身慶快。徹骨清涼。呈偈曰。翰林學士渾身濕。兵部尙書徹骨寒。晤對不須頻呌屈。一人有慶萬民安。童肯之後。隨童赴育王。請寺碑有刻。大千禪師垂語云。山中猛虎。以肉爲命。何故不食其子。被童逼拶。坐臥不安。經兩旦。遽然除去。覓胸之物。趨見童下。語曰。惟人自肯。乃方親。童曰。亦未在。師笑曰。和尚只做得大千兒孫。便出已。而聞童自答曰。自肉食不盡。方省悟。未在之旨。翌日。童上堂。師問。直下知歸。則不問如何。是大用現前。一句童擬拈棒。師指曰。這老漢。伎倆不忘。一釣便上。拂袖而出。住後。上堂。見徹非眼。眼見則瞎。聞洞非耳。耳聞則聾。瞎却眼。聾却耳。南泉刀下斬猫兒。趙州庭前生栢子。端的得一回汗出。胸襟流出。還與巖頭豈學。玄沙封張白紙。繁興大用。觀體全真。千聖共傳。無底鉢。鎮州蘿蔔。重三斤。東舍織機底。連宵不歇。西隣種菜底。整日不停。天上雲行似白駒。過隙樹頭風。

過如鳥鵲噪庭。歷歷根塵脫落。堂堂闕見分明。只是諸人到這裏。十箇有五雙換却耳朵。晴因甚如此。只爲頭頭忒現成。薰拈拄杖卓一卓曰。還知落處麼。復卓一卓問。如何是寂然不動。師曰。七縱八橫曰如何。是感而遂通。師曰。推門落臼。問山中猛虎以肉爲命。何故不食其子。師曰。從門入者。不是家珍。問如何是。大事已明如喪考妣。師曰。單單只得我曰。威音那畔事。如何。師曰。祇這是問。向上事如何。下手師便掌。僧擬議。師踢曰。脚也下得。問雪裏埋人時。如何。師曰。出頭天外看。問如何是同生。師曰。大家在這裏曰。如何是同死。師曰。君向瀟湘我向秦。曰。未更道。師曰。不是知音者。徒勞話歲寒。問世尊初生。已解指天。指地。後來觀明星。又悟箇甚麼。師曰。貧兒思舊債。問狗子佛性。趙州因甚道無。師曰。一字入公門。九牛拔不出。居士問。如何是百姓日用而不知。師曰。上大人丘乙巳。士不覺失笑。師乃大笑曰。元來是你家常茶飯。士無語。又居士閱語錄。至斂手哭蒼天處。笑問曰。他當時爲甚麼哭。師曰。你今爲甚麼笑。曰。弟子解他這

一哭不得。師曰。你今還解得你這一笑麼。曰。我笑他這一哭。師曰。他正哭你這一笑。師問僧。那裡人。曰。蘇州人。師踢椅曰。是甚麼僧。無語。師曰。虎丘山也不識。乃叱曰。去。嘗州龍池萬如通微禪師。嘉興張氏子。出家興善後。參天童有僧問。童曰。如何是佛法的大意。童曰。近前來。僧近前。童便打。僧曰。上根大器。直下承當。中下人來。如何。童曰。老僧從來未曾眼花。僧問。措師聞之。豁然遂回。嘉興住。靜未幾。省覲入門。便喝。童曰。胡喝。亂喝。師禮拜。童打曰。再喝。喝看。師曰。蒼天蒼天。茶畢。趨出。童喚曰。萬如我直下疑汝。這兩喝。道道看。師曰。歇歇與和尚道。便行。一日。侍次。童問。薰風自南來。殿閣生微涼。汝作麼生。會。師曰。嚴霜初降。徹骨皆寒。童曰。亂道。師拂袖出。呈頌曰。薰風自南來。殿閣生微涼。遍體寒毛豎。將身裊被藏。鼻息軒軒一覺省。從來越國是南鄉。童覽竟。休去。崇禎十三年冬。開法如如院。次移曹山。後補龍池上堂。前三三後三三。個中消息。許誰諳。春風處處花成錦。秋水澄澄月一灣。喚作真

如不壞法。此人曾未踏鄉關。喚作無常生死法。管教累劫受餘殃。敢問諸人畢竟如何。卽是以拂子打圓相。曰。生佛未形消息。在不知幾個肯擔當。遂擲下拂子。上堂。一九二九。林林竹木赤條條。仲冬季冬疊疊雲山呈面目。所以道。望州亭與汝相見了。烏石嶺與汝相見了。僧堂前與汝相見了。可謂徹底婆心。如何是佛。麻三斤。如何是佛。殿裏底。如何是佛。新婦騎驢阿家牽。忒殺現成通方之士。自然物物歸元。迷性之流。便見頭頭逐妄。山僧到這裏。總與截斷。使諸人各歸家穩坐。拈拄杖卓一卓。召大眾曰。雖然說得十分真。不若一番親見面。僧問。吹毛用了急須磨。如何是吹毛劍。師曰。炤顧性命。曰。靈光一點。異萬古炤人間。師曰。血流也不知問超。凡越聖須識自己。如何是自已。師曰。問我卽不得。曰。某甲爲甚不識。師曰。恰好。僧喝。師便打問。今朝四衆皆雲集。師將何法利天人。師曰。雨下地上濕。曰。謝師指示。師曰。炤顧袈裟角。問語默涉難微。如何通不犯。師曰。黃河九曲水出崑崙。曰。恁麼則縱橫妙用去也。師曰。未信汝在。曰。爭奈我。

何師呵呵大笑。問一念不生全體現。一念若生全體在什麼處。師曰。俱見汝問話。僧禮拜。師曰。擬議思量。隔萬山。問拈起毫端風雨快。這回不做探花郎。如何是狀元消息。師曰。頭上花冠色正鮮。曰。可謂出頭須是英靈漢。敵勝還他獅子兒。師曰。切莫詐明頭。僧喝。師便打。

湖州府道場木陳道忞禪師。潮州林氏子。匡廬薙染。依悟和尚座下。掌記室。暨悟順世。乃繼席。後住道場。僧問。古鏡未磨時如何。師曰。玲瓏嚴寺舊傳燈。曰。磨後如何。師曰。法堂佛殿長相對。曰。此去漢陽不遠。師曰。罕逢穿耳客。多見刻舟人。曰。黃鶴樓前鸚鵡洲。又作麼生。師曰。蛇女已歸霄漢去。猷郎猶自火邊蹲。僧禮拜。曰。謝師指示。師打曰。打破鏡來好相見。問如何是學人水牯牛。師打曰。這畜生。僧無語。師復打曰。昨問不進不退。是甚麼道理。師曰。立地死。漢問如何。是本來面目。師連擲曰。好不識羞。問眼光落地時。向什麼處安身立命。師曰。七星板上。僧禮拜。師曰。添著一場愁。問如何是天童境。師曰。二十里松關行欲盡。

青山捧出梵王宮。曰：如何是境中人？師曰：閒移拄杖松根立。笑問客從何處來。曰：向上宗乘事。若何？師曰：看脚下。問：如何是諸佛出身處？師曰：你喫粥也未？僧擬議。師曰：諸佛過去久矣。上堂：世尊初生，草本不勞拈出一手指。天一手指地。賣弄小孩兒。周行七步，脚跟未點地。在目顧四方。望空啓告：天上天下，惟我獨尊。囚供死歎。雲門一棒打殺貪他香餌。著他鈎。天童恁麼判斷。雖則相席打令。猶是大嚼對屠門。然既慶讚因齋。何妨借花獻佛。乃召大眾曰：世尊初生，拈向一邊。祇如雲門一棒且道打得他殺打他不殺。若打得他殺。西天東土。瓦解冰消。豈有今朝與麼事。若打他不殺。山僧不免更下毒手去也。拽拄杖下座。打散上堂。釋迦老子道作是思惟時。十方佛皆現。古德道：纔入思惟。便成剎法。且道名字既同。因甚麼有利有害。紅粉易粧。端正女無錢難做好兒郎。立秋兼謝雨。上堂：三伏火雲中。金風動。寥泝香芬十里荷。衣搗千家月。歷歷清秋令。明明朱夏節。夏秋曷以分。智者善甄別。大眾這裏合下得什麼語。與此時相應去。莫是

月色水鋪地。鴈聲秋滿天。麼算來。猶隔半月程。莫是秋風吹渭水。落葉滿長安。麼。眼前未有恁麼事。畢竟如何。道得恰好。山僧這裏有一道依時及節。不傷物。義鑄古鎔。金通上徹。下底靈驗。眞言只是諸人不得作佛法會。不得作世法會。但能至心聽受。要會天地同根萬物一體。有什麼難。乃合掌曰：易見龍王。大易見龍王。甘露連注。龍王毗疎其梨。那龍王會麼。山中無六月。一雨便成秋。示衆云：有一人三頭八臂。有一人無背無面。同到天童門下。且道安下那箇。卽是一晚入堂。大叫曰：適來欄中不見了牛。普請諸人把火上山尋牛去。衆愕然。一僧纔出。師便低頭歸方丈。嘗舉居一切時不起妄念。話頌曰：草鞋踏遍江南雪。歸看廬山石上雲。却笑閒身猶未老。尋梅幾度出松門。寧波府雪竇石。奇通雲禪師住。靈鷲上堂。僧問：如何是靈鷲境。師曰：秀峯齊插耳。曰：如何是境中人。師曰：靚面案山橫。曰：如何是目前事。師打曰：腦後薦取。乃曰：一二三四五六七。逗到今朝是人日。春風驚面忽相逢。撲破鼻頭撞破額。靈鷲寺裏今日有齋。大眾開

單展鉢拈匙放筯。則且置。祇如應時及節一句。作麼生道。拈拄杖曰。泥牛起舞。春悠悠。不風流處也。風流上堂。春山疊亂。青春水漾。虎碧寥寥。天地間獨立。望何極。古德怎麼說話。大似在孤峯頂上。等箇人來。且道他要等箇什麼人。以拄杖擊香几曰。還委麼。麼定光金地遙招手。智者江陵暗點頭。上堂。昨日火雲燒空。今朝陰生巖谷。天道何似不嘗人身。隨著反覆。或時夾背汗流。或時乾燥。暴暴分明。不隔纖毫。直下好箇消息。且道。是何消息。良久曰。無事。此靜坐一日。似兩日。移雪竇上堂。當陽一著。獨露無遮。八面玲瓏。十方軒豁。明眼作證。豈敢囊藏。直得瓊樓玉殿。百草頭上。全彰千丈報身。瓦礫堆邊。頓現塵塵爾利。利爾突出。無位真人。發明現成公案。直饒三世諸佛。歷代老古。雖到來個個退身。有分正當。恁麼時如何。水歸大海。波濤靜。雲到蒼梧。氣象閒。

嘉興府古南牧雲通門禪師。嘗熟張氏子。二十歲禮興福洞。聞爲師。初參博山。次參天童。童問。卽今事作麼。生師擬議。童便打師。禮拜童。向背上築一拳曰。汝

若作打會入地獄。如箭射自是發憤。谷參終成凝滯。後上天童。題萬松關偈曰。古路松陰二十里。長過時誰覺。骨清涼。童曰。何不道過時。誰不骨清涼。師於言下頓去所滯。作活眼。泉偈正當思索。偶右手於左臂一觸。豁然契悟。住古南。日僧問。昔日臨濟初住院云。我欲於此建立黃檗宗旨。未審如何。是黃檗宗旨。師打曰。一棒血淋淋。曰。今日或有問和尚如何。是天童宗旨。又作麼。生師又打曰。再犯不容僧禮拜。師復打曰。恩大難酬。師曰。也祇道得一半。問如何。是學人安身立命處。師曰。摸取脚跟問。如何。是黑豆未生芽。師曰。黑豆潛僧。無語。師曰。黑豆也未見說。甚生芽。問不能滅。是如何。師曰。好人不肯做。定要屎裏臥。問天不能蓋地。不能載時。如何。師曰。放下坐具。看曰。恁麼則天上天下。惟我獨尊。師曰。未到你在。曰。彼既丈夫。我亦爾。因甚。未到學人。師曰。只恐不是。玉僧便禮拜。曰。何須腦後用鉗鎚。師休去。上堂。竺土大仙心。東西密相付。釋迦老子。說法四十九年。三百餘會。不說心便說性。達磨大師。從南天竺國來。震旦亦說直指人。

心見性成佛。及乎逗到老神光安心。又道覓心了不可得。且道諸訛在甚處。安心且置。年荒米貴。禪和子聚頭一百二十十字街頭。石敢當不知我先佛法門。陰翊王度冷地不甘。昨夜奏上四天王宮。各各忿然大怒。差了飛行夜叉。向四天下尋覓。凡是禪和子。俱要一時索取眼睛。驀拈拄杖卓曰。正恁麼時。還有避得者麼。若知回避。不得不妨。因禍致福。若也眼瞎。睡地復卓拄杖曰。謹白參玄人。光陰莫虛度。天童山掃塔上堂。太白峯頭。千差坐斷。清關橋下一派常流。雖爲列祖道場。固是先師重扶家業。山僧昔預此會。法乳親嘗。今日重來。墓木拱矣。可勝悽愴。雖然。須知恁麼中。不恁麼。砂盆未破。堂構依然。幸我堂頭法兄。寅夕不倦。流慈於此方廣座上。劈開面門。放出先師形相。與諸人描遞。直得鉢盂峯點。頭玲瓏。岩起舞。正恁麼時。敲唱雙行。主賓互換。且如何道得恰好底。句良久曰。妙舞會須誇偏拍。三臺須是大家催。

蘇州報恩寺浮石通賢禪師平湖李氏子十九離俗。歷扣眞寂雲門。憫無入路。廼偕同志上鷲窠山掛搭。

適閱傳燈至屍在這裏人向什處去。有省述偈曰。一池蛙鼓夜喧喧。歷歷明明道口邊。通報五湖林下客。從今不必更加參。後謁天童童問。薰風自南來。汝作麼生。會師無對。連呈數偈。童俱曰。未在一日入室。曰某甲會也。童曰。如何是汝會處。師曰。鷄子過新羅。復呈偈曰。薰風自南來。殿閣生微涼。我今看破處。也只是尋常。童曰。不是。不是。師曰。和尚自不是。禮拜而出。住後上堂。當陽顯露。更不囊藏。就體知歸。和聲揭示。黃鶴樓中吹玉笛。不墮宮商江城五月落梅花。豈同春色到恁麼地。可謂知歸。若到青蓮門下一點。也用不著。且道用個甚麼。拈拄杖曰。拄杖踣跳上三十三天。築著帝釋鼻孔。東海鯉魚打一棒。雨似盆傾。若能恁麼滴水與波滔。天作用便是。撒手懸崖。洞明大法底漢。已過關者。聞恁麼舉。揀起便行。未過關者。聞恁麼舉。且聽新青蓮爲汝道。破良久曰。橫按鎧鄒金正令。太平寰宇斬癡頑。僧問。牛頭未見四祖時。如何。師曰。花園擺燕。曰。見後如何。師曰。茅屋疎籬。問。如何。是西來意。師曰。風過樹頭搖。問。如何。是獨露無私一句。

師曰。玉欄杆上石獅子。問久。秘法音請師。一震。師曰。分明聽取。曰。恁麼則。喧天震地去也。師曰。未是知音者。問如何。是一師曰。賊曰。某甲爲何是賊。師曰。還要抱賊。叫屈。問家親作祟。是如何。師曰。祇要個護身符。子曰。如何是護身符。子曰。但恁麼舉問。如何是第一義。師曰。戲論。曰。如何是某甲。戲論。師曰。但有言說。都無實義。僧禮拜。師便喝。問如何是東塔。境。師曰。殿後一溪水。門前角里街。曰。如何是境中人。師曰。搖的搖擺的。擺僧擬議。師曰。還我人境處來。僧無語。師便打。問某甲有百問。請師一句答。師曰。放汝三十棒。曰。過在什麼處。師曰。不識痛癢。漢問某甲。昨日一問。今日請師答。師曰。不答。曰。因甚。不答。師曰。字經三寫。烏焉成馬。

寧波府天童林野通奇禪師。合州蔡氏子。十八披緇。卽南遊。研窮教典。久之。拖關當湖。忽接天童參禪偈。曰。一念未生。前試看底模樣。疑情猛發。一日失足墮樓。有悟入處。遂破關。參天童於吳門之清涼庵。隨童住育王。童上堂。舉世尊初生下地。便解指天指地。汝

等諸人。猶向老僧擬計。甚麼碗。拽拄杖下座。打散師。自此全身脫落。一日將破碗入庫。取油。童見曰。你爲甚打破常住碗。師曰。不是某打破底。童曰。爲什麼在汝手裏。師曰。城門失火。殃及池魚。童曰。賠了碗去。師便展手。童休去。崇禎癸未。住通玄次居樓。眞後遷天童上堂。皇恩廣庇。萬象光新。大地羣情。均蒙澤及。各適其適。各安其安。所謂一人端拱。無爲萬物咸賴。得所。且林下道人。將何報答。驚豎拂子曰。只將這柄無塵拂。祝讚吾皇萬萬春。上堂。舉丹霞訪忠國師。值睡。次乃問侍者和尙在否。者曰。在。卽在。祇是不見。客霞曰。太深遠。生者曰。莫道上座佛眼也。覷不見。霞曰。龍生龍子。鳳生鳳兒。國師睡起者。舉似師打二十棒。越出丹霞。聞曰。不謬。爲南陽國師。師曰。侍者瞠眼寐語。累他國師寢食不安。丹霞雖解。就地埋人。殊不顧傍人看破。還有知他侍者喫棒。丹霞喫驚底麼。試道看復頌曰。端居丈室。獨安眠。不憶春花落檻前。可恨遊蜂胡亂弄。至今趕向草堤邊。僧擬禮拜。師曰。莫妄想。僧擬開口。師又曰。莫妄想。僧拂袖轉身。師曰。與麼好。

笑問禮拜的可是某甲否。師曰：汝問那個僧進語。師一推曰：莫妄想。僧禮拜。師問僧：崑崙曰：祇如毗嵐風一起，盡大地吹爲微塵，崑崙在什麼處。僧擬議，師便打出。

磬山脩禪師法嗣

鎮江府夾山林臯本豫禪師。初參雲門，次參博山。博山曰：未入金籠，貯誰家野雀兒。師曰：鶴有九皋，狷碧漢。馬無千里，謾追風。博曰：運斤非郢，未免傷痕。師曰：祇如諸方豎拂揚眉，又得甚麼邊事。博曰：片雲橫海岳，樵子盡思歸。師曰：怪來岩下虎，特地暗驚人。便出參磬山。入室，次山曰：我疑汝不會。廓侍者與華嚴相會。因緣。師曰：不但和尚疑某甲，盡大地人疑某甲。山曰：盡大地人疑汝，則可。莫使老僧疑你。師曰：怎麼則某甲罪過。山曰：只如興化與旻德賓主，四喝化曰：適纔若是別人三十棒，一棒也較不得。何故爲他會一喝，不作一喝。用那裏是他會一喝，不作一喝。用處。師曰：放某甲別通個消息。山曰：不要下語。師遂頌曰：主賓相逢，縱奪作家。喝下從雲見活蛇，棒頭突出通無犯。

豈作親承解撒砂。山然之後，開法石湫，過報恩。謝法山將如意付曰：此是老僧四十年用不盡底。將去揩磨，不得有忘。師秉如意入堂曰：者个是堂上老人爲豫上座作用，不盡底公案。敢問有同相證用者麼。良久，擊板頭一下，便出。開山次，握枯藤謂侍者曰：此是曹家女者。曰：却少謝家郎。在師曰：但得有女何愁無郎者。曰：雖然也要完全始得。師拈藤度與者，擬接。師擲下笑曰：却不相當。誕日上堂，天地與我同根，萬物與我一體。秋光遍界，生秋風從地起，拈起拄杖曰：山僧今日生也。遂放下曰：逢人切莫錯舉。晚參云：不透祖師關，休來到夾山。一步一吃攞，千難與萬難。這箇且止作麼是行脚事。參示衆云：我這裏參禪，大似與汝等荔枝吃去了殼，喫了肉，須還老僧核來。始得。且道殼作麼生去。肉作麼生喫。核作麼生還得。老僧一僧纔出禮拜，師便歸方丈。僧問：如何是大法源底。師豎拂子曰：會麼。曰：忽有人道和尚也未徹。在又作麼。生師曰：汝不是這等人。曰：和尚因甚。旻良爲賤。師曰：從來得恁麼慣。僧禮拜。僧辭問：或有人問某甲竹林。

佛法如何抵對師曰。一日惟擔兩度土。曰。怎麼則某甲竟往也。師直打出。復示偈曰。竹林寺裏無佛法。一日擔擔兩度土。分付諸方禪學人。輕輕莫到來山路。湖州報恩玉林通秀禪師。答城楊氏子澄江請磬山不赴師破關來見。叉手曰。狂兒國土父不容過者。個峯頭還是老漢住處麼。山曰。你且站下脚。我與汝道。師掀倒香案。便出山。高聲曰。將拄杖來。師遙應曰。劍去久矣。住後上堂。有一句子。河沙刹土三世諸佛。不能說。西乾東震。歷代祖師。不能說。天下善知識。不能說。先師亦未曾說。秀上座。今日既居此位。爲衆分明舉似去也。良久曰。元正啓祚。萬象咸亨。上堂衆競出。問話畢。師曰。欲釣鯨鯢。澄巨浸。却嗟蛙步。滯泥沙。擲拄杖下座。上堂。有一人。佛之一字。素不喜聞。念佛一聲。漱口三日。有一人。見佛歡喜。禮拜讚歎。種種供養。二人同到報恩來。且道。留那一個。卽是有般漢。便道。功德天黑暗女。有智主人。二俱不受。正好捉來。朝打三千暮打八百。何故。大海若不納百川。應倒流。僧問。和尚昔年見處如何。師曰。路逢劍客須呈劍。曰。卽今

日用事如何。師曰。不遇詩人莫獻詩。問。因地一聲時如何。師曰。慚惶殺人。問。德山入門便棒。臨濟入門便喝。未審過在什麼處。師曰。咬人屎橛。不是好狗。問。某甲特來禮拜和尚。師曰。却值和尚不在。僧擬議。師便喝。問。如何是定師。曰。顛顛倒倒。曰。如何是慧師。曰。愚愚癡癡。曰。如何是定慧總持師。曰。又顛倒。又愚癡。問。如何是臨濟宗師。曰。耀古騰今。曰。如何是雲門宗師。曰。普天匝地。曰。如何是曹洞宗師。曰。家風綿密。曰。如何是潯仰宗師。曰。父子作家。曰。如何是法眼宗師。曰。進前來與汝道。曰。打破砂盆透底去也。師曰。與汝三十拄杖。

杭州理安箬庵通問禪師。吳江俞氏子。參磬山。看父母未生前話。久無入處。一日。聞風聲。驚然慶快。呈偈曰。千玄萬妙隔重重。箇裏無私總不容。一種沒絃琴。上曲寒崖吹落五更風。山曰。玄妙卽不問。汝如何是不隔底句。師擬對山。便打。退入室。次山曰。不得燒却眉毛。師便喝。山曰。燒却了也。師轉身曰。看這老漢一場敗闕。便出住後。示衆僧問。如何是奪人不奪境。師

曰藏盡楚天月。唯存漢地星。曰如何是奪境不奪人。
師曰花落亂流稀。村翁坐遲暮。曰如何是人境兩俱
奪。師曰干戈既息。狼烟少。誰唱江南折柳辭。曰如何
是人境俱不奪。師曰拍手向君開笑。闔大家齊唱木
蘭舟。問四衆臨筵乞師垂示。師曰雨過青山翠欲流。
曰與麼則大衆沾恩。學人禮謝去也。師曰今日好天
晴。僧喝。師曰驢鳴馬嘶。作甚麼。乃曰既隆釋種。須紹
門風諦審。先宗是何標格。莫似而今長養無明。縱肆
習氣。隨羣逐隊。全不忖思。也須自發大勇猛。起大精
進。拋却從前惡知惡解。翻來覆去看。道畢竟是個什
麼道理。忽然啐地折爆地。斷始信此事不從人得。且
道不從人得時如何。一夜落花雨。滿溪流。水香示衆。
堂堂密密密密堂。覲面不識舉目全彰。枯木岩前
休蹉過。白雲堆裏好風光。豎拂曰一夜寒梅滿院香。
示衆。千林霧隱。淫雨晦冥。雲鎖柴門。苔連石几。虎堂
閑寂。冷淡自知一段家風。阿誰相委。良久豎拂子曰。
今古長如白練飛。一條界破青山色。問如何是理安
境。師曰一團空翠烟雲繞。曰如何是境中人。師曰坐

立儼然。曰如何是人中意。師拈拄杖曰與你二十棒。
僧遶一匝。師曰門外打之。遶問大悲千眼阿那箇是
正眼。師曰急水灘頭下釣絲。問冬裘夏葛各自知時
不掛寸絲底。人如何過活。師曰拄杖不在。答帚柄聊
與三十問。雲門放洞山三頓棒。畢竟有喫棒分。無喫
棒分。師呵呵大笑曰雪上加霜。師噓一聲曰明眼人
前休得錯舉。

南嶽隱身岩山茨通際禪師。磬山問如何是就理藏
鋒。師曰梁皇殿上道不識。曰如何是就事藏鋒。師曰
今朝雨落地不乾。曰如何是理事俱藏鋒。師曰行不
出戶。坐不當軒。曰如何是俱不涉理事藏鋒。師曰八
角磨盤空裏走。

五燈嚴統卷第二十四

五燈嚴統卷第二十五

曹洞宗

青原下

大覺念禪師法嗣

紹興府雲門顯聖寺湛然圓澄禪師會稽夏氏子家貧爲郵卒傳符籙期思受辱走投隱峯執役後謁妙峯漸落充淨頭三載一日憶乾峰示衆舉一不得舉二話遂大發明作頌曰舉一舉二別端倪個裏元無是與非雪曲調高人會少獨許韶陽和得齊二老何曾動舌諸方浪自攢眉擬議鷄過新羅刻舟求劍元迷詣雲棲棲舉高峯海底泥牛話師推出傍僧曰大衆證明棲領之禹曆辛卯值大覺念至越師趨呈所見求證念問止風圖向青山近越王城傍滄海遙時如何師曰月穿潭底破波斯不展眉又問洞上宗旨師呈偈曰五位君臣切要知個中何必待思惟石女慣弄無針線木偶能提化外機井底紅塵騰藹藹山頭白浪滾飛飛誕生本是無功用不覺天然得帝畿

念以爲當家種草遂印可之住後上堂朔風凜凜正隆冬葉落園林露本容凋盡繁柯眞實在何必殷勤問主翁物理循復枯必然榮目下雖然窮徹骨來年依舊笑春風上堂昨夜泥牛耕破月波斯怒眼恨不徹石人無掌笑呵呵木女傍徨淚成血且道是何宗旨良久云薰風醉倒西湖客莫把杭州作汴州到徑山上堂細切嶺頭雲落批潭底月將取無底碗滿盤堆垛出取則不可取喫則從君喫大衆莫謂山僧將常住物當人管好上堂老儂不識元字脚強出人前要說法錯讀曾參作魯參合堂大衆皆笑殺者一笑中有妙若還悟得其中意點破當頭者一竅大衆如何是者一竅良久曰動容揚古路不墮悄然機僧問如何是殺人刀師曰布鼓當軒誰敢擊曰如何是活人劍師曰雖然後學也堪爲問如何是圓相師曰大燒餅曰如何是暗機師曰凌霄峯曰如何是義海師曰半山亭曰如何是意語師曰啞子呪人曰如何是默論師曰溫伯見孔子曰如何是同互師曰孝子諱爺名天啓六年臘月於顯聖寺作付囑語四日至天

華上堂。明智白。往九華。師曰。汝去。老僧即今起程。復爲衆語。至夜分丑時。右脇示寂。門人奉全身塔于顯聖寺南鉢盂山之陰。世壽六十六。臘三十八。

青原下

雲門澄禪師法嗣

指南明徹禪師金華永康應氏子。年二十二。禮古卓爲師。看萬法歸一話。竟無所入。向佛前自勵立誓。兩斷其指。後遍扣名宿。漸有入處。而終是礙膺。聞雲門在梅墅。遂往參焉。門舉僧問法眼。如何是佛眼。曰。卽汝便是。倘有問汝作麼生答。師曰。向他道。清風度廊下。門曰。未在。更道。師曰。教某道個甚麼。卽得。門心肯之一日。同麥浪侍次。門召師曰。老僧四大不和。汝能療否。師曰。蒼天蒼天。門召浪曰。汝能療否。浪曰。謔語作麼。門曰。不如者個不識字的。後蒼溪住。靜偶至土橋。示疾。僧問大師得力宗門。今日何如。師震威一喝而逝。

麥浪明懷禪師山陰王氏子。幼歲出家。長遍遊講肆。聞禪宗有奇特處。決意咨參。後謁雲門。遂蒙印可。示

衆。昨日雨。今日風。非空非色。天台來徑山去。是聖是凡。孟八郎漢檢點得。七穿八穴。猶是隔靴抓癢。其或未然。一任鑽龜打瓦。

杭州佛日石雨明方禪師嘉善陳氏子。二十二歲披削。看南泉三不是公案。碍胸痛甚。時雲門闡化石佛。師往實告。門詬曰。愚癡漢。參禪圖大安樂。似這樣苦。參他作麼。後抵姑蘇。閱楞嚴。至如汝文殊更有文殊。是文殊者。不覺微笑。同參扭住曰。道道。師道抑無對。勇猛倍常。走謁博山。慙山仍歸顯聖。因門上堂曰。放下著。豁然慶快。呈偈曰。平空一擲絕躊躇。轉眼風波徹。太虎會得竿頭舒卷意。放生原是釣來魚。門問如何。是一口道不盡底句。師曰。晨昏禮拜和尚。也是尋常事。門曰。趙州道無意作麼生。師曰。和尚喜著棋。某甲粗知門曰。他道有又作麼生。師信口頌曰。家家有幅遮羞布。放下便能當雨露。獨怪當年老趙州。擲却頭巾頂却禪。門印可之。住後上堂。天寒人寒。明星今夜許誰看。結制解制。草鞋明日難迴避。會得者。撩起便行。不會者。再三辭退。會不會。且置。且道碗子落地。

爲什麼碟子成七片。參上堂坐斷十方山。僧自肯密移一步。分付諸人。還會麼。補出蒲團秋月現。列開五位。招人難遊。鼓山上堂。敲空作響。擊木無聲。喚什麼作聲。喚什麼作響。還有道理商量麼。若有安得有今日事。若無安得有今日事。且道如何是今日事。莫是拈匙豎拂。要接續晏國師。聖箭麼。方巔峯高。滄海近。片帆早已透錢塘。莫是語言三昧。要起博山遺香麼。遊人不坐忘。歸石水盡山窮。總是愁。莫是爲張道人。因齋助薦麼。昨夜面然親口說。鬼王早已自知羞。恁麼則不干今日事也。雖然要會今日事。也不難。大家汲鼓山水。烹鼓山茶。吹鼓山笛。唱鼓山歌。興鼓山叢林作鼓山佛事。只不要打鼓山鼓。何故。恐落在今日。故送東山密禪師圓寂上堂。風雨發惡。滔天浪作。師兄靈骨何處。摸索休摸索。舉出東山水上行。從教大地入牛角。還有轉得身。吐得氣者麼。良久曰。問取化山和尚去。臘八解制上堂。舉拂子曰。見麼。夜半明星。何似這箇。瞌睡朦朧說悟不悟。一喚即醒。天曉不露。逼塞虛空。向何處去。去不去。住不住。鶻眼龍睛徒。

勞佇顧滔天白浪。紫雲峯爲君脫却娘生褲。脫却也未喝一喝。司理黃元公問。明頭來時如何。師曰。耶溪不許扁舟宿。曰。暗頭來時如何。師曰。此去錢塘尚隔程。因裱瑞白和尚像。次僧問和尚終日上堂爲什麼。弁山和尚口掛壁上。師曰。恰好。曰。祇如弟全歸兄一句作麼。生道。師曰。更須歸。父曰。歸後又如何。師曰。同時不識祖。一日辭衆出山。柱首座問曰。和尚幾時回。師曰。初八九日便回。初六至寶壽。初七上龍門。是日示疾。晚付託後事。屈旦命侍者曰。扶老僧起來。衆寮師有去世意。問和尚還有分付也。無。師曰。我無甚麼分付。時諸檀護問候。師一見合掌微笑。遂坐脫。筵塔於龍門悟空寺案山巖下。世壽五十六。臘三十五。紹興府化山三宜明孟禪師。仁和丁氏子。出家眞寂院。參雲門。有省。一日同佛曰。入室門踞座。問曰。如何。是一口道不盡底句。師曰。問取典座。復問趙州。無字意作麼。生師呈偈曰。佛性無佛性。無秤錘落井不替。浮知得趙州端的意。拍手終朝唱鷓鴣。遂與佛日同承印記。崇禎癸未主顯聖上堂。若論第一義。花擘了。

也。向山僧未扇已前。薦取早已落七落八。沉在文字。語言白雲萬里。除此二途。君子可入。萬不得已。借路經過。聊塞一時之責。薦豎拳曰。者是老和尚一生用不盡底。餽殘孟上座。賣賤賣不妨奇特。屈指曰。一二三四五。南瞻部洲。普請北俱盧洲。打鼓七金山下。乾闥婆阿修羅迦樓羅。身起舞。須彌山頂帝釋天主。高聲唱道。汝等佛子。各各本有靈明妙智。與刹等世界等諸佛等菩薩羅漢賢聖僧等衆生等神通等妙用等說法等壽量等相好等光明功德等拂一拂云者。一落索向什麼處去也。水向石邊流出。冷風從花裏過來。香下座。

紹興府東山爾密明復禪師會稽王氏子。初謁真白珊於大慈。決志力參。一日舟中聞鐘聲。有省。遂棄俗。往開元。薙髮後。參雲門。呈聞羅。因緣門曰。汝夙有善根。故得隨觀音入道。命充維那。一日門上堂曰。放下著。師因此全身脫落。作偈曰。夜半霜寒月忽低。行人到此盡遲疑。翻身踏著來時路。默默星輝斗柄垂。門印可之。住後上堂。心生則種種法生。心滅則種種法

滅。且道今日事出奇。逢緣成偶。作還是心生。法生心法。雙忘良久。曰。紅葉舞空難辨。數白雲迷嶂味高。低上堂。遂磨九載。面壁言滿天下。釋迦四十九年說法。未曾道著一字。與麼看來。多不在添。少不在減。是以東山數欲踢翻二老。窠臼也不刻華文。也不書梵字。從來是個無文印子。尋常逢逆則譏訶。怒罵遇順則四海春風。現前兄弟。猶言個老子面皮少黃黑。在且道。今日與麼提持。還是添多還是減少。倘有兄弟。繇素得出許他具一隻眼。繇素不出亦許具一隻眼。恁麼批。今判古。非特現前甘伏。要且賞罰分明。小參洞山云。秋初夏末。各各東去西去。直須萬里無寸草處。去有曰。出門便是草。有曰。直得不出門。亦是草。洞山老祖與二尊宿。忘却自家四大五臟。盡力提持。恐人入草。今日東山解制臘節。初臨春氣未至。正值燒痕滿界。衆兄弟直須向乾茅叢裏。信手拈來。寸寸瓊枝。纓纓玉葉。不妨和身臥在荊棘林中。累地賴他十七八。親起來通身荊棘。非但佛祖難親。饒他舜若多神。擬著則鮮血淋漓。縱使臘月三十索債。盈門難以近。

傍東山如是告報大似出客顛狂自露通身醜惡雖然也不得錯舉崇禎壬午夏示寂塔於顯聖之南山紹興府香雪庵具足明有禪師會稽楊氏子性純孝常割股療父病二十二歲出家便參念佛是誰謁雲門聞拈提宗教屢有發明後因僧舉北斗南看話疑情頓發一日殿上經行見前山豁然大悟偈曰虛空粉碎無偏正大地平沉孰是親從今了却相思債石虎泥牛笑轉新門付以偈曰孝爲致道之先孰能於此兩兼時中護念如是諸佛慧命可全出住上虞之香雪僧問久滯不通時如何師曰數珠在手曰音聲未息時如何師曰葶藶子曰六窓未淨時師曰相見了也未幾示寂塔於顯聖之南山

南昌府百丈瑞白明雪禪師桐城楊氏子參雲門門問向來作什麼師曰持毗舍偈門曰四大是假妄心是空阿誰拖你者死屍來師疑甚後聞鐘聲大徹遍謁博山黃檗天童諸尊宿復歸雲門遂承印記上堂秋色漸深滿林紅葉承玉露金風乍起半山冷氣逼人寒徹骨徹髓自家知通天通地何人曉道有也見

之不見絲毫道無也用時遍滿法界觸處靈明何須他覓遂豎拂曰會麼烏鵲藏玉樹泥牛舞碧波上堂扶桑日出須彌突兀北俱盧洲人無貪欲南閻浮提衣足食足特地報知莫生疑惑且作麼生是不疑底事良久曰靜倚長松忘百慮擡頭祇見帝王家解制示衆月鉤雲餌整常拋湛水澄潭正寂寥有時浪裏吞鉤去敗捲絲綸喜氣高大衆且道收綸捲釣一句作麼生道良久曰柳條橫串花籃裏街坊高叫賣新鮮僧問師唱誰家曲宗風嗣阿誰師曰黑狗白銀蹄曰宗旨已蒙師指示曹溪一滴事若何師曰泥牛翻白浪問三九二十七棒打不出不出門的人如何安養師曰團爐獨自坐曰九重深密旨已曉迴出紅輪事若何師曰炤天炤地問如何是不思議境界師曰螺螄吞大象問如何是西來大意師曰弁山無剩語問一口氣不來何處安身立命師曰日炤寒光澹曰畢竟如何師曰山色冷如水問如何是佛師曰秋林葉落曰學人不曾師曰遍地殘紅問金鉤玉線將收挽鯨鯢忽現時如何師曰虛空撒下漫天網縱使飛

驚爭出頭曰。拏雲攫霧去也。師曰。霹靂一聲。魂膽碎。曰。三級浪。高魚化龍。漁翁空捕。夜江水。師曰。已被柳條穿却。崇禎辛巳三月十九日。浴手書偈曰。來亦無一物去亦無一物。若知端的意。百丈花梢月。擲筆吉祥而逝。弟子迎全身塔於弁山龍華寺之北。世壽五十八臘三十八。

雁田柳湏居士山陰人。參雲門。問世尊上堂意旨。爲復是陞座處。爲復是白毚處。門應聲一掌。士曰。分明勾賊破家門。曰。還要第二頓。那後有省呈偈曰。是甚麼。是甚麼。對著家親莫問爺。金不換金。隨處使從來。常遇白牛車。門曰。且道趙州勘破婆子。甚處是勘破處。士曰。壁外葦茅屋。門曰。不是更道士曰。雷聲甚大雨點全。無門曰。不信道。

五燈嚴統卷第二十五終

重刊五燈嚴統跋併讚

夫燈不明。繼之以光。統既混亂。嚴之以正。偏頗狂狷。

導之以中。恠誕縱庶。御之以庸。矯僞幻妄。示之以真。詭異變詐。指之以常。高古奇潔。處之以平。輕露眇薄。挽之以樸。斯乃師家鑄人之妙。用挽回真正。圓明具足之大道。速如反掌。仍然亘赫中天。奕葉斯承。繩繩不忒。功覆千秋。而不宰源流。萬劫以常。清大哉。師範嚴若金湯。邪外魔侶。莫可窺其毫芒。轟轟烈烈。師道廓如中興。臨濟非吾師者。誰歟。余小子。遨遊海外。不知吾師擔荷法門之憂。其歎何如。一日。過知浴寮。偶閱老人示。逸然偈有流通法脉。騰今古無限風光。令遠思之。句徹見師心。片片謂逸然曰。子知之乎。然少頃。感悟密囑之意。歎然承領。可謂見義而爲。知恩有地。更有甚兵衛者。與數信士共樂其事。啓板於季春。不滿百日。其工已竣。真猛於三軍。迅如瀑流矣。大凡世出世間之事。至公至正。至明至當者。自有默默呵護存焉。故一談吐。頃卽成莫大之功勳。而啓天下萬世之正眼。豈小補也哉。是書老人懷之有年。稽古覈今的的相承。歷歷可據。無黨無偏。明如果日。炤耀天下。禪林一時。一刻不可無也。禪衲無此如盲者。不觀

乎大陽之光。若響者不聞乎黃鐘之音。況不責已之見聞晦塞。反咎乎光音之鳥有者。可乎。丈室無事。偶閱虎關禪師濟北集有五家辨一篇。論宗旨甚詳。於戲扶桑三百年前。與老人所脩。若合符節。然海外且有至公至正金石之論。況中華文獻之邦。禪統宗綱。詎可混蓋乎。自老人嚴正之後。開萬世禪學正眼。爲叢林千秋龜鑑。擴乎師承道統。巍巍蕩蕩。輝輝煌煌。虛空可壞。海水可竭。此書不可磨也。讀曰

拈花別傳	微笑首盟	祖燈燦爛
大道縱橫	至我中華	五葉鼎盛
三千年來	愈振愈更	法久弊生
統亂混正	以愚自用	以賤自慶
邪習成風	相爲比併	聖賢末學
僞言詐行	逐惡隨邪	佐輔力勁
僭竊祖道	欺賢罔聖	業累三途
萬劫奚屏	堪悲堪憐	可嗟可詠
余愧龍鍾	偷光微調	誰起頽風
誰行祖令	吾師婆心	嚴敷宗鏡

朗如太虛	揭邪匡正	令彼迷徒
回光自映	枝派分明	人天皈敬
合轍通途	大道坦平	各各還源
物物歸命	無黨無偏	頓除爭競
有據可憑	永息浪孟	見端行確
名順理性	佛祖爪牙	衲僧欄柵
獨露真心	法眼圓淨	龜鑑千秋
燈傳靡竟		

峇丁酉仲夏念有四日。寓攝州普門福元禪寺。嗣法弟子隆琦謹跋

五燈嚴統解惑篇

徑山興聖萬壽寺沙門 通容 述

五燈嚴統刻行矣。而洞下有三宜公及遠門輩各著書刊布。一謂明宗正譌。一謂摘欺說。一謂闢謬說。以共攻同。抗拒抑此書使勿行。約其三人之立意。謂予因仍舊典。以天皇天王兩人歸於青原南嶽派下。遂鼓予改易。龍藏是無君之過。顧此可勝惜其昏且惑也。殊不知予所宗者。有唐兩巨儒丘玄素及符載公爲二大禪師所作之文。以記其出處。顧末可謂金石之書。不刊之典。編於佛祖通載中。且通載一書久入神京。皇藏我字函中。普天之下。靡不流通。所以古今皆崇尚其說。用以考據辨文藉爲定論。始明天王與天皇各屬一宗。而涇渭從此得清也。三宜公見予因仍舊典。不能深加博考。反謂予改易龍藏。是無君之過。則汝以龍藏中所存佛祖通載。亦不肯尊隆其說。而且東引西援。千言萬語。貶駁二公及古今諸大老公論。此爲僞且謬。呵爲是邪。是欺。下勝橫恣。略無忌憚。如此排訕。非惟不尊龍藏。亦且闢毀。俞旨則

無君之罪。又當何如耶。今不惜齒頰爲汝分疏其意。蓋三教書史之板刊藏於內府。以冀其不朽。使後人無能移動。得彌遠弘通。亦且使依從皆有舊製出處。可推詳討論。所以自古三教有頒降之書。如廣弘明集中所載累朝歷代有無量名目多賴。帝王以存不遺。所以太常太史東觀延閣永久常存。正以備國君顧問。近臣便於考對。頒行學宮。流通天下。使遠域近陬無不見聞。或考文考義。并考事跡。三者若有闕陷。亦任人推詳修補。即其文之繁衍者。何曾禁人刪芟。即其義之未安者。何曾禁人辨論。乃至見其人與事跡有差謬者。亦何曾禁人考訂。以故著書立言行於世間。總不出此數種損益。而作經緯以定裁成。此世出世間內外經史所由來。任人裁製。朝廷功令。不曾禁之大概也。如宋明教嵩禪師上仁宗皇帝疏云。山中嘗力探大藏。或經或傳。校驗其所謂禪宗者。推正其所謂佛祖者。其所見之書果謬。雖古書必斥之。其所見之書果詳。雖古書必取之。又其所出佛祖年世事迹之差謬者。若傳燈錄之類。皆以衆家傳記

與累代長曆校之修之垂十萬餘言編成其書命曰傳法正宗記可見縱大藏中是經是傳亦有詳略正謬之各別全不曾禁人取斥修之校之而折衷成文於其間也又如國史春秋以前固不必論嗣後有十七史之撰述其間刪纂批評縱橫所見代代有之而呂東萊之詳節爲最著卽綱鑑一書實繁多莫紀議論錯出末後得朱氏綱目劉氏前編司馬氏資治通鑑其損益始定流播於今坊間不啻數十種顧於秘閣之板曾無以功罪議之者而謂改易大藏乎若竊取其板擅自改易則罪在冒死於不曾禁之功令數文演義以修其不足補其未逮便謂改易大藏則從上是僧若儒博達高人亦多皆依內典著書立言特加分釋商確涵澍皆坐其罪可乎今將道原所修景德傳燈錄及明教嵩傳法正宗記與大川五燈會元彼此一較則詳略之旨有天壤之異蓋傳燈與正宗記雖入在藏中約二種書總四十卷考其人名如傳燈所載六祖下一千四百三十四人如正宗記所載六祖下一千四百九十六人于幾千人而傳燈只以

簡易之文作世次與傳正宗則僅以節略之筆敘其嗣法及世系而已並不曾將二千餘人昭明舉出表其宗旨分其支派綱領節目浩繁無緒故不能使家喻戶曉雖有其書而實未盛行於世也幸而宋朝景定間有靈隱大川禪師乃宗門博達之士間氣而生觀傳燈錄及正宗記僅歷敘其嗣法世次竟無支派宗旨之分遂將二書所載世次之人各行語錄因見西天祖師議定南嶽馬祖故錄西天四七東土三三下便將南嶽列之於前而青原編之於後此蓋依西天般若多羅所議故也況傳燈所錄亦不曾核定青原爲昆南嶽爲季殊不知青原之前更有十一人之名目在雖則列青原在南嶽之前而青原之前更有十一人亦爲青原之昆乎足知傳燈錄正宗記二書只明人數與世次而已實不曾分支派表宗旨何爲昆何爲季只隴侗一式敘成如紀傳世譜云故大川禪師因兩識以定兩人後先而後又分支派表宗旨一曰臨濟宗一曰雲門宗一曰曹洞宗一曰溪仰宗一曰法眼宗五宗既定支派攸分縱千千萬孫於百

億世皆見其有宗有派有原有委修集衆典成一大部書以作禪宗定史功不在禹下所以流通五百餘年以來無不讚爲盛典然則傳燈錄與正宗記只敘其人名世次之如彼而五燈會元之分支表宗又如如此如彼之簡易殊略如此之詳明顯著不止天壤之異自古及今年多且遠無人齒及大川公如此立義爲改易大藏卽明朝黎眉郭居士所修教外別傳一十六卷亦系天王於馬祖之下載本書第七卷中而蓮宗一主教觀而規模弘範已定故先秉嚴統筆者無心討論其機緣近得梁生譚居士所寄年譜履歷今已補入伏祈諸大台臺以人天正眼嚴賜護持則不特容一人荷蒙覆庇卽普天禪禪當祝讚諸大檀護與震旦初祖于大圓鏡中同受法供矣夫旣植佛祖之因同居三界之內因果報應不爽絲毫稍有私心能不負之而趨乎至于嚴統一輯彼輩關書橫出海內豈有定評想列位台臺亦不我遐棄也潦率佈復統希始終護持正法原諒不宣

復武林越州諸縉紳書

恭惟列位台臺儒宗麟鳳釋氏金湯現宰官身而說法具人天眼以護僧此山塾容居恒攝衷乃心之語藉手敢告于台端者也蓋柱石法門不祖左右見諸著述付之闕人此卽一燈有賴五宗可明佛祖胥慶何幸如之第細讀翰章諸方尊宿根由似未親歷而近日堂頭著作亦未深詳旣荷鴻雲之佈敢陳雀躍之私竊聽有道少辨諸訛夫五燈會元一書乃佛祖慧命五家宗統從來師師授受昭若日星近因續略書出以素所推定之臨濟忽然抑之於後大公編輯之曹洞一旦擡之於前大翻前案殊屬乖張所以然者邇來洞宗之內多屬提唱傳帕以口耳誦習之人加于眞參實悟尊宿之上奪統乎不奪乎翻案乎不翻手實之臺端不惟昭穆立辨亦且黑白較然苟非山塾容于嚴統中剔釐一番則附會影響遙嗣代付不可勝言將師授根源佛祖印信付之亡羊岐路矣且屢見近日諸方唱道尊宿德固高而道亦隆獨于師承授受一事多依稀質鼎致後學晚輩行愧先型解慚前詰尤而效之長此安窮不得已邇流尋源與

同道縑素日積月累參考融會共成此書實以砥後學之狂瀾爲千百世神史龜鑑擬有益于法門豈敢欺心臆決自貽刺謬以駭見聞如壽昌之於廩山不過剃度法派原非承嗣師印詳在解惑篇中茲不贅瀆第容奉教壽昌亦有年歲至今想見其不屑諸方嚴冷自愛之致未嘗不恍然追隨杖履時也今列之未詳者所謂未詳傳法之人獨出無師之智推尊極矣豈云抹去更披博山和尚後刻壽昌語錄竟刪廩山之香板存經房流通惟塔銘中有嗣法廩山之言則當日執筆者未紬繹也卽銘中亦止敘得法惟元來一人住博山其他不曾付囑從可知矣來論絕之譜外不自自明若雪嶠老人最初歸依幻有師祖亦起法名先師住金粟時依次刊名塔上後住天童仍列禪燈世譜中雪翁見之大肆呵罵自語削去兩刻之詳故先師卽命侍者踰時剴剴卽雪翁出世拈香竟酬占之雲門偈所在上堂歷皆如是語錄流行天下誰不共知後到天童弔先師時有六千餘人寺衆敦請上堂猶如是拈香衆皆不悅懣懣而散次至雲

門顯聖寺時三宜公主席亦請上堂乃力勸拈香龍池後應東塔上堂拈香亦如顯聖夫宗門拈香於人天衆前原本酬法爲萬古典型若倏彼倏此不惟令後學靡所取法亦且使無稽效顰安可底止此宗門慎重之任豈可如此變幻譜入未詳如世諦由光愜而且尤也又天王于馬祖天皇于石頭皆前人所定之牒見諸典籍不啻數十種非容胸臆私裁實亦依龍藏中佛祖通載原本根據庶令統清系白似有功于兩派然且不居奪統之論胡爲乎來哉洞宗諸公屢出關書謂容改易藏本等說茲具解惑篇請正高明想能鑒諒若顯聖一燈紹繼而來名正言順夫復何議但自天童淨以下至慈舟和尚自昔未見語錄行世突然一旦刻出朱紫之疑有識所共矧容力任嚴統之責敢冒昧增入以于篡假之誅乎正如來論所云存真黜僞守闕疑之大義者也今據遠門摘欺說中分別其語錄出載多從萬松評唱探出改易名字可勝差錯如評唱所載人山遠門作仁山王山法祖遠門作王山體至其語句乃出自浮山遠公牽強

支吾誑人耳目。更自謂出何塔銘。出何題詠。尤覺荒唐。倒謬之極。可見彼從前歷代老宿。無全語錄。行世之明徵大驗矣。故通容但見有語錄。行世者。盡皆修入。派下非有私心。彼此于其間也。如長翁素有語錄。已曾抄稿付梓。不意督刻者遺失二葉。今已補入。嗚呼。容修此書。矢公矢慎。十易星霜。總爲道法。豈計身名。正欲以至公至正還之千古。豈甘與無據徒刻者。同類而共嗤于世也。伏冀列位台臺。迅提犀鏡。爲容深照體察。則心同聖賢之心。行同佛祖之行。一切緇衣。均蒙覆蔭。不妨轉鬪。諍爲慈化。變兵戈作慧光。任此書公同天下。聽龍天隨世浮沉。知博厚君子正學。大儒性天之中。包羅萬象。必不以斯刻爲介意。誠如來諭。無分子左右之袒。感荷盛德。有同戴天之被矣。臨紙神馳。無任仰瞻之至。

又復武林諸縉紳書

瑤函下頒。名山映色。深見列位台臺護法之弘願矣。踴躍歡欣。遙望合十。謹讀琅函。欵欵實未詳察鄙衷。蓋釋教著書立言。除譯經外。總爲法門起見。不與世

諦鬪諍同科。如山楚容所輯嚴統一書。實原本舊。頒北藏已定之案。來教優劣尊卑門戶等論。在容分中。皆屬上林子虛。夫宗派既有真僞。立言自當公正。奈三宜公輩特生能所。強執我人。鬪書之出。至三且王。容亦僅付不見不聞。第誑遁飛騰。投杼難釋。不得已著解惑一篇。普誓公論。茲附台覽。請正則山楚容好新領異之罪。庶幾不白。可道至于雲愁二大師一主。況予以五燈會元中所載之辨文及藏中判定兩人之碑。空更依諸家之公論。總待夫後人會合之定案。博攷深究。補足其文獻。以清天皇之譜。而又歸天王之牒。皆因仍藏中舊章。非憑臆說。事久自然。論定亦成一部禪史。藏之法門。傳之嫡裔。明有宗也。敢不其難其慎。與三宜輩不知讚歎而反誣以無君。矯爲過當之語。可慨也夫。又謂道原爲法眼二世孫。修傳燈錄。明教爲雲門四世孫。修正宗記。咸以龍潭屬之天。皇然據道原所修傳燈錄。亦多差錯。如魏府大覺屬臨濟之子。却修爲黃檗法嗣。與臨濟作昆季。則其餘差謬可知。如明教云其所出佛祖年世事迹之差謬。

者若傳燈錄之類。此其一明證也。且道原之去天王。歲數既遠。世次亦邈。若非盡心查攷。如人天眼目所載。止托人摺拾。則遺失人名事跡。從可知矣。今按世次逆數而上。自道原爲一世。天台韶爲二世。法眼益爲三世。羅漢琛爲四世。玄沙備爲五世。雪峰存爲六世。德山鑑爲七世。龍潭信爲八世。天王悟爲九世。以國君年號曆數查考。道原與天王。唐宋相隔二百三十年。又以明教逆數而上。自明教爲一世。洞山聰爲二世。文殊眞爲三世。德山密爲四世。雲門偃爲五世。雪峰存爲六世。德山鑑爲七世。龍潭信爲八世。天王悟爲九世。亦以國君年號曆數查攷。明教與天王。亦唐宋相隔三百有餘年。其年代既相隔如是之遠。雖爲雲仍之孫。未嘗盡心博考于歷代相傳世系。而只宛轉托人摺拾。安能保其不差失自家之宗祖乎。只如湛老和尚一枝自大覺老宿而上。至雲居膺二十六世。余在老和尚座下親領教義。出入十有餘年。並不聞老和尚確言其世次人名分曉。明白蓋從上無來源傳下故也。況老和尚古佛心腸。尋常日用間。無一事不述無一

德不舉行藏履。歷生平不肯自秘。居恒嘗以大覺老宿所付手卷示余。偈中云。射得南方半個兒。幅末只出曹洞第二十六代某某而已。近得遠門親到少林。查其歷傳碑載。纔有如是世次人名刊刻出來。緣此以談從前法系。可謂只存代數如繫鼎一綫。若不得渠躬往搜尋。吾知二十六代以上世次人名。恐付之夫已氏矣。此亦浙中邇來衲子所共曉。誰得而裝點之。若不信余言。即今報國院無住老兄。尙屬當時親炙。聞見言猶在耳。稍一詢問。予言可符矣。又如覺浪公欲認廩山爲壽昌嗣法師。浪公之與廩山年代既近。世次亦不遠。尙杳然不知其從上世次據遠門刻中所載。其以書與石雨公云。聞法兄曾命門人特往少林搜洞下一帶源流事實。此正弟先年造嵩之至意也。前弁山兄所集傳燈世譜。其中未考究傳位與紹位之殊云云。即我廩山忠和尙自稱二十五代者。乞示我一參正之。明見浪公於壽昌於廩山世次尙且不遠。猶不知從上代數人名。即湛老和尚親荷洞宗道法。亦不確知其從上世次人名。而浪公認壽昌

爲嫡祖世代最近都莫曉其授受來歷何況道原明教與天王相隔三百有餘年而參考修集又係托人摺拾事跡安能保其不遺失乎卽將此近代現前事返覆推詳甚可曉其真僞凡有智者當爲我諒焉又以近刻並言之如遠門所刻曹洞源流正派圖後附正訛二葉第二篇謂按永覺禪師源流以廩山常忠嗣月舟載公非也丁亥春柱走少室讀載公碑陰觀其法嗣門人並無常忠二字及稽小山書公嗣列亦無其名止於參學門人得之方知廩山爲書公嗣也據遠門此篇考核顯見廩山不曾承嗣曹洞蓋得之參學門人則屬道聽途傳何得妄爲憑據哉予昔年親炙壽昌老人提耳面命之言謂廩山係曹洞法派非嗣曹洞之法故特往少林參無言宗主及上五臺參瑞峰和尚蓋爲此也若當時廩山既有授受兩行可以不必況壽昌老人道眼圓明操行孤標上無師承下無濫印高突諸方一頭地被龍天推出而自已實無意于斯也且係此一時彼一時吾知老人若在今時決不肯爾爾然則據遠門如此正訛而浪公欲

認壽昌爲嫡祖而不知嫡祖承嗣之下落於戲大可笑矣又據正訛第一葉謂按弁山一花現瑞及傳燈世譜以鹿門覺爲石林秀王山體爲玉山體淳拙文才爲拙才淳中間又少第二十六代俱空契斌禪師誤也遠門又引種種辨明卽此猶見瑞白公于湛老和尚身出其門親受其法而於自派一脈世次人名亦杳然不知確實何況道原明教與天王相隔三百有餘年又焉能知其不差失乎噫遠門刻此正訛兩葉實有神鬼所使帶累瑞白公等與覺浪公于親枝親派俱不知其來歷的據致人談論不已又顯見古今事跡存亡往往多相類如此又據丘玄素爲天王悟作碑文係唐元和戊戌十三年卽天王悟圓寂之歲也又符載爲天皇悟作碑文亦係唐元和丁亥二年卽天皇示逝之歲也據二名公固博大文人爲二大老作碑序身復同時居復同郡不相遠隔作文又係圓寂之年可謂最親最近最真最實凡有識見者亦無得而議於此二碑不信更復何信乎如洪覺範禪師之辨宗派說刊布方冊已久載在藏中昭如日

星況更有羣籍所載諸家文獻旁參側證汝皆以爲僞則汝俱能焚劈之乎今詳汝之心妄吾以改易大藏則汝今欲泯滅二種藏文較之誣我之罪抑相什伯矣明知三宜公與覺浪公輩私心偏執謂二碑文係是僞造立種種返復窮辨此亦好笑之甚獨不審世間作文必有請乞那有如是等人造如是僞文刻如是僞碑藏于王室流通今古炫惑於人亦將所圖何事耶爲復以馬祖下人集石頭派下于伊何疎乎爲復以石頭下人入馬祖譜內于伊又何親乎況雲門法眼二派皆無傳嗣久矣其從上二派尊宿古今莫不尊崇誰得而親疎之不過據實考核其根據爲至公至正之事云爾三宜公又以石頭派下二十五則機緣事跡以作憑據比例較勘用擊馬祖下九則之事跡典故其實馬祖下事跡彰明於世何止九則但不暇備抄附錄此亦不必細爲分析如道原修傳燈時不能親身討究第托人摺拾篇章未免魚魯參差在前自有多般烏焉繼之於後所謂一人傳虛萬人傳實亦何用予之贅言今但以曹洞宗旨一辨以

見德山雪峰一派非洞宗眷屬如雪峰存禪師三登投子九上洞山機緣未見相契職任飯頭一日於洞山淘米次洞山偶見問云淘砂去米淘米去砂峰答云砂米一齊去洞云大衆喫個什麼峰便覆却盆洞云據汝所見因緣不在此當往德山雪峰後果嗣德山據此公案則兩家宗旨判然明白如嘗鬱得鼎差異見矣蓋洞宗之旨要有正偏相參宛轉夾妙且語忌十成機貴回互如金針玉線去來不墮偏枯而有端的也所謂寶鏡澄明驗正偏珠璣宛轉看兼到如雪峰此段機緣一語一機而無回互夾妙故洞山不肯印證以語脈不契其宗所謂語脈不通非眷屬是也其於德山門下則一任掀翻聖凡不落窠臼施大機發大用更無留礙既見兩家宗旨之攸異則從上古人所定支派確然不差三宜輩於此宗旨上不能吐一辭只虛爭名分爲家翁尋常一味麤心浮氣講演經論爲事不知何年何日忽得芒毫穿於金針之鼻玉線入于機紐之樞莫道余心麤莽好然則以宗旨驗之龍潭信德山鑑雪峰存非天王馬祖之派而

何且如此辨別宗旨。緣來尚矣。非特今日既紹其宗。不以宗旨豎義。則爲不知識法者。懼總屬亂統。禪和如麻似粟。更可笑者。如弁山傳燈世譜。浪公祖印圖。及遠門五燈續略。一皆私尊其所自之祖。而顛倒其所續之書。蓋南嶽臨濟從來在前。青原曹洞自屬居後。今一旦列青原曹洞于南嶽臨濟之前。既背西天祖識。更將千古聖賢名位倒置。是猶以思孟駕于顏曾之上。其誰信之。不知傳燈錄所載法系。長次渾融之未核。亦不知會元建宗立義之深旨。已定而欲續會元。乃反強飭其說。謂南嶽在六祖室中作侍者。故當在後。青原在六祖門內充首座。故當在前。如此評論。可發深笑。審如是。則六祖在黃梅槽廠中舂米。而神秀在堂中爲導師。亦當六祖在後。而神秀在前。今神秀之名雖列在前。獨不見載爲旁出另錄乎。又如坐脫立亡首座。亦當在前。而得衣鉢九峰侍者。應須在後矣。不遵大川公製之典。特生偏頗之見。曷足怪乎。至於二株嫩桂。久昌昌之識。何不覓少林秘要一看。以知其屬誰耶。一味杜說。奚益於事。又曇照臨終

機緣與天王相合。便疑駁之。而不知從上先德。或在榻坐化。或吉祥而逝。相同處不一而多。總不之疑。獨于二老撒手相似。遽疑且謗。謂是後人扭捏耶。果如此何事。不可而獨以曇照臨終之事。妄作天王行實乎。聽言當以理觀。況以時按之。曇照又在最後。寂音尊者一生任董狐之筆。既辨兩家宗派。刊之方冊。載在藏中。又復囑侯公作僧寶傳序。則亦當刪去舊說。而不刪者。益知侯公見別書作文托詞之意。蓋尋常才士屬文。借言往往皆然。如海岸黃公作禪燈世譜序。謂壽昌是臨濟的血骨兒。孫豈黃公亦係壽昌之屬乎。此亦不推而明。又古之君子。如無盡張公夏卿。呂公皆具宗門爪牙。卽我圓悟祖大慧祖悉推服其大手眼。三宜公輩。槩貶爲千古笑具。譏爲矮人看戲。使盡未來際人驚心駭目。貶駁先賢。得罪名教。安所逃哉。五燈會元序。謂元朝至正間。雲壑公作心燈錄。特援丘玄素所製塔銘。以龍潭信出馬祖下。致或人阻抑。不大傳於世。識者惜焉。嗟乎。奇哉。雲壑之作心燈。先得我心。余今詳定嚴統。亦合先轍。彼時卽有或

人阻之不行。而今亦有三宜輩共攻力拒。則淺見之人。古今皆有。今但據藏典及衆說。彌多則難逃公論。前所謂久而論定者。亦頗顯微闡幽。發前人未發之旨。庶乎理長義就。當有明哲知音。共扶南董。何愁乎世上之不行耶。據伊正論中。謂夫符載碑云。靈鑑請居者。非馬祖下之天王。乃石頭下之天皇。以此按之。可見有一天王。非天皇之謂。豈曰竟無天王之云乎。天下慧真幽閒文貴三人。一曰一世俱嗣天皇。一曰三世相繼便絕。此亦有彷彿處。或三世同時。公孫一堂。常有是事。如密先師在時。亦有三世同闡化道二者之間。記筆不定。達觀顯舉丘碑時。雖與明教修正宗記同。其實省郡彼此相隔最遠。況明教不過因天台出傳法藏以關達磨一宗。亟亟修此記以救其害。而無暇遠討爾。嚴統凡例云。評唱之儔。未明本分。皆出自湛和尚。及壽昌博山三大老之言。蓋常檢點其不能提持本分。非一朝夕之辭。蓋人所共知。圓悟雖有碧巖集行世。亦一方便爲人處。但不談心說性。引舉亦不支離。且圓卓活潑。此亦湛老和尚及先師

所嘗言者。幸而不曾教授子孫。習熟作講席中物。大慧亦曾劈毀其板。恐後人落其窠臼。誠爲幾先之燭。若萬松等評唱。則未免多涉教義心。性支離汗漫。亦先人所嘗言。而況又作講席提唱相傳受哉。昔人謂洞下一宗。至講評唱一大變矣。汝遠門必以講背評唱傳帕爲的確真傳。又憎人據公談論。則少林一派。下如萬松老宿所載。已有一百二十人。無言老宿親授。亦幾百餘人。其他相傳共計。何止千數。汝必執爲諦當。則當以此千數人。刻入續略。汝今不刻者。亦知汝有所料。簡兼具藻鑑。分明得湛老和尚傑出偉人。承紹其一綫之脈。復振洞上之宗。則從前相繼之人。縱然如何。亦聽人品量。又奚礙於事乎。余昔親聆老人之言。曰。自師大覺以上數代。俱是提評唱傳授者。于我分中。既獲開悟。必假師承印證。故不忽其授受名目。以表法系世次之來歷。免玄策所謂無師自悟。盡屬天然外道。即付我手卷中機緣語句。亦是老僧寫就。呈送大覺和尚。遂命騰清付我。蓋言其不工于筆墨故也。當時老人直心直行太公之言。如雷灌人。

耳目誰不共聞。故凡紀行由歷履。須憑實述。出纔是眞。正知識稍有裝點。便屬虛僞。然則遠門又何怪予述老人平素之言。以入凡例也。且汝不知修續五燈佛祖慧命法門。關係於前人往行。語言出載。有成錄刊行者。方可譜入燈內。若殘言剩語。片羽偶現。豈可輕易修集。惹今時人效顰。不可與他世楷式。蓋此世禪者行脚。誰不有一冊兩冊杜臆之談。都可修入傳燈。則禪籍雜糅。從此創始。抑見汝不能揣時度務。確量今古矣。且此書不比世間人徵修詩詞歌賦。東取西拾。不論根據彙成帙部。此固無怪。然汝所修續。略不特未辨金鑰。而且無擇臧否。如曇茂先雖付囑。後是還俗之僧。卽車溪一脈久絕。予兩參占卓。備悉因由。汝將遙認數人。盡修牒內。至于或剽或竊。蕪穢煩冗。亦訂派入下。何以感動世人之景仰。然如是製作。僅爲外史小言。更公售于楞嚴坊間。我亦何所答而掩蔽之。但觀此案。亂用是精嚴泛濫。以博訂其從前統系。明若大圓鏡。研燼立辨。較汝所續之書。不啻淵天正所謂仁者見之謂之仁。知者見之謂之知。彼此

雖然相隔。其實亦有相須甚殷之用。嘆汝無能賞鑑。取益反遽。哆口磨滅。呵我爲外道魔王。夫此二種名義。汝尙茫然未諳。我不惜一筆與汝註明。夫外道者。佛在世時。當機對辨。知其無本。可操不明。唯心向外。別求故軼。指是外道。若世上尋常人。將一分外之語。加之是魔。是外。分明不具正偏。知何稱曰佛。蓋聖凡平等故也。至於魔王。據華嚴經載。七地菩薩。纔能現魔。又如維摩經云。十方魔王。皆住於不思議境界。據汝如此毀謗老僧。其實讚歎老僧不少也。又卽以近理言之。魔者磨也。磨滅人善根。毀壞人佛性。老僧承先師付囑。以來主盟斯宗。已二十餘年。海內誰不知予造詣。誠見爲若何。曾有人謂我磨滅人善根。破敗人佛性。否設或有之。亦是汝邪見之僞。天下人既俱無妄說。獨待汝一後生晚輩。呵叱是外道魔王。想亦難逃天下公論。自有人痛罵汝。在何用老僧紙筆與汝頡頏哉。只如大慧杲手眼圓明。波瀾濶大。雖然呵叱諸方。不曾明指。指何人屬魔。何人屬外。汝奚人斯放肆無忌。如斯之甚也。卽我或形諸紙筆。或出諸語。

言句句皆尊崇湛老和尚。以我昔時曾皈依起名汝師是我師弟。汝今是我師姪。應當惡口犯上乎。異日到雲門塔上。以名分處責汝不晚也。閱註四家。頌昔聞之先師云。因洞下人每譏濟宗。龍洞不知差別名義。故著是書以服其心。並不曾傳授人作講席套耳。又以今時不曾經名師印證。而僭竊公符者。遙比古時興化之嗣。臨濟報本之嗣。黃龍曷不悉興化在臨濟作侍者。參叩日久。後於大覺痛棒下。會得臨濟喫三頓棒底道理。此宛如臨濟于黃檗受棒而後得大愚點發。似同一轍。豈比今人毫無干涉。遽認以爲師印者。可同年而共語耶。只如當時黃龍法席人盛於報本。先有記莭而後忘之。非報本于黃龍未曾得旨。乃今之來見也。漸源之于石霜。先亦已中其毒。後乃發覺而嗣之。乃不忘其本如此。我幻師翁久于笑巖座前。曾有機緣語句源流并一笠之授。以表師印。何昧心佯而不識乎。海舟慈一謂常熟錢氏一謂蜀中人乃集者之訛。非源流有差也。又以會元第七卷辨註一篇。係元至正間添入此說。並無出載揣度之言。

誠不足信。黃公明示一張。及集生余公致黃公書牘。當時先師密老人曾酬辨已詳。及後王大含亦以宗旨深論。茲不必再理此葛藤可也。亦謂余修集巖統。乃管他家宗派。是非短長。咸責余爲多事。不知此書之修固余素志。因時勢多故。未遑卒業。茲因遠門續略書出。多顛倒從上聖賢以累及我宗。故不得已。亟爲清楚。豈好爲多事歟。百愚關謬一冊。概屬莽蕩。羶浮不足經眼。故不以一言及之。大抵顯聖諸昆仲輩。全不知予一片好心于此書中。歷敘洞上一支人名。世次載之不朽。而十六位語錄。雖因素不曾見。無獲刊入其實。宗譜已成金石。將來曷能移易其一絲哉。此即余素常所積之公心也。不達此意。反左袒捏根。據覺浪公受其搖惑。借用筆鋒。相觸多而更廣。將俗事比之以金助鎗。抑不自揣其甚而且錯矣。更譏余以名世事迹。自編位次。蓋遠門續略中亦曾修入。何況緝續門人得無紀載。固是于我無與。然子與著孟子見知自任。馬遷修史。記自序頗雄意。在斯乎人言何恤。固難爲淺見寡聞道也。祁王及邢三位居士因

甚隨遠門輩模糊眼目爲作序文全不知世外人著書立言只闡明佛法禪道爲事于世法國紀毫不相干何得以弑君父世諦慘毒之言用傷風化學道之人乃如是耶今也老朽以兩宗支派引說辨解孰真孰僞各有根據不較自明不彰自著始見老朽素非園莽之人然則滿篇慘毒之言三位居士當一擔收歸自坐可否如不信再引數語以明之如雲門拈世尊初生話謂一棒打殺與狗子喫亦是弑君父之謂乎又文喜粥鍋上打文殊鄧隱峰碾折馬祖之脚黃檗因呼近前來遂打百丈臨濟自大愚歸舉話亦打黃檗所謂棒下無生忍臨機不見師乃至五宗之人皆有語言機用激揚風烈不可指屈卽大慧杲祖初參洞下尊宿經七八員後在圓悟老人會下撒手遂力詆從前尊宿之說又如教家清涼觀國師先與天台荆溪尊者之席深曉五時八教之旨後到清涼主張五教十立及論法性多覆天台之義據古人於禪於教或抑或揚多屬超情入道之語人焉度哉三位居士倘與之同時悉能以君父之過罪之手老朽今

亦只勸居士等且惜取舌頭三宜公更設客問十三則語尤見鼓不風之波多屬妄生枝節欲吾與渠妄生鬭諍豈是擔荷法門之人之所行乎故付之於無言之天至於壽昌和尚之承嗣未詳與雪嶠老人之拈香返覆及天童淨下十六世語錄不曾刻入嚴統等駁殆不知已先秉筆者既有公論臚列於凡例之中近復縉紳書中又略剖其微今亦不當復辨矣若仍復加辨正所謂清蓋則傷刻嚴峻防祇益我山尤見多事故吾略之大凡世上人集諸家文獻以成一書行於宇內自有大主意亦有所尊崇茲余以輿論所尊之藏典及五燈會元合成嚴統者蓋會元有經有法有條有理宗旨之於支派不假攷而明昭而顯令後之人見千百世前佛祖授受師資相承於禪統法系嚴如風霜不致紊亂此卽予今日爲法門蓋觴中流一柱之大志也三宜公等攻予之惑固當解入於無諍三昧矣時歲次甲午正月日也

帝欽賜通載
三十六卷

徑山龍藏係
明朝神宗皇

著解惑篇業已付梓適會稽陶氏貽我曹溪通誌翻

閱之始見。慙大師駁余。裏公法堂記。謂以南華住持自青原始。而至普遂。則當九世非也。然青原自得法後。但執侍數年。卽開化一坊。並未領曹溪山門事。據此則遠門所謂青原居東南。嶽居西。皆屬強扯虛爭。名位背西天祖師之識。徒附會近說。以誑飭人耳目也。因再摘出。以告高明。

遠門又謂會元所載洞宗終十四卷。濟宗終二十卷。先書者先續。後竟者後書。據此議論。續略當與會元串合同行。共編卷帙。則此語可通。今劈空以曹洞居卷首。豈所謂先書先續也。分明與傳燈世譜祖印圖等著同一線索。更暗埋青原居東南。嶽居西等話。顛倒翻案。究竟無益。徒增切怛耳。吾恐如是用心。將來濟宗子孫同起共論。有捫心咋舌日子。不微在。

又謂嚴統皆竊彼續略所訂。不想余徵修一啓。已於壬午年出佈海內。共見卽彼續略自序。亦謂邇來明眼宗師徵修。有年未見刻出。何前後自相矛盾也。余書固不具論。卽會元一書。已經五百餘年。續略序則謂其始終條理。一以貫之。摘欺說則謂其未具眼在。

不許入藏。一人之口筆始贊之。而終毀之。摘欺耶。自欺耶。爲之拈出肺肝。如見矣。

又謂獨存棠城。而刪興善。不知車溪示寂于萬曆辛亥年。法嗣已絕。衣鉢僅爲師弟古卓老宿所藏。卓翁又終其衣鉢。相傳於南明之手。十有餘年。南明寂後。送歸溪翁嗣法。師無趣老人之施菴。及南明之孫玄微。於金粟作堂主。時求先師覓人代付。先師不肯。此衣只貯金粟。方丈數載。先師赴天童後。石車法弟主席。又復送還施菴。如是展轉十餘歲。玄微自建寧普明寺。歸嘉禾省親。有東塔寺當家號馥生者。德便縉素。謂此衣乃玄微家物。持以送之。玄微入閩。因石雨公闡化閩中。遂求證焉。此三十年來。遠近衲子共所洞悉。不知普明既已無法可傳。何以謂之刪去。至于妄言欺普明之孱弱。不揣其本。謬之謬矣。更怪其引浮山投子相證。不思浮山乃受太陽之囑。普明曾爲何人所囑乎。此與續略凡例所云。圓通善王山濟法嗣俱莫可考。冀有後獲等語。同一心行。以開遙嗣。代付之寶子之所謂嚴統者。此物此志也。夫

又謂嚴統譚序乃余嫌悞夫掃菴當代宗工見真識確豈有被人賺悞之理抑老僧真心實行素足信人豈肯賺悞於人惟口起羞何不自審更認居士於浪公前求懺悔等語又何塗汚高賢之甚也設果有影響昨歲掃翁貽書徑山中不啻數四且謂作序時若有神助卽予侍者兩登著作堂了不聞其咳及謂或有所回互則予門人嚴轅轢居士乃其的親中表豈無片語逗漏以此觀之枝葉之詞槩可觀矣噫五戒不持人天路絕既主法席當如是耶請以問之掃翁又謂卽復假托詞林作序爲後來爭端張本夫詞林弁首惟曹韋二大家曹義翁則辛卯年同予于華亭超果寺促膝茶筵商確嚴統甚愜高懷嗣作序文相寄韋念翁則壬辰年爲其太翁稱壽請余於武林慧雲寺上堂設供畢遂索嚴統細閱欣然椽筆簡頭爭端之謗從空飛下此現在宰官是欺非欺可卽親質安同古之無盡夏卿丘符諸公得以比類唾叱乎請試思之

又謂搖尾乞憐于諸士大夫之門虛借名姓較正爲

日後護身符予正自取殺身滅種之禍不知嚴統較正名氏或全篇訂裁或片義取決必經歷耳目者方敢登刻如義雪曹公聲玉韋公念義韋公質生單公素心李公安仁周公覲周徐公予固張公臣共李公仲嘉張公子穀蔡公士材李公皆摘文揆藻吮墨含毫共炤黎燈同摩柏几出鴻儒之錦心成禪宗之繡史虛借之謗爲辭已甚其他不經翰墨止鐫名氏或擅那或護法皆係願植般若之因同增正信之種堪爲典訓于中原可作標榜于法苑亦猶楊大年李淡齋陸務觀諸大老之裁訂序述各傳燈錄諸書者也若夫中柱張翁阮仙劉翁克猷劉翁介子范翁小邨宋翁仲生石翁六君子者皆韋念翁親筆所書命予刻入彼時山僧期期未敢念翁云余往都門卽爲歛致諸公皆法中樑棟我爲譜入自是歡喜踴躍耳嗟乎清理禪宗匡扶祖印上不干國家之朝政下不涉民生之利弊何必爲護身符安在爲滅種事噫嘻其立言也亦甚矣懣

又謂庚寅夏有僧參彼寶壽問其名假稱達源命坐

細談續略其僧杜口而退。傍有識者曰：此從徑山差來。此僧回徑山阿意曲從。方丈以圖付法。不以實告。獨曰：得之殿前碑也。不知此僧來自天童。偶過福嚴。談及一時之話。遂捏許多口業。吁！他語不必深詳。只從徑山差來一語。辨之。予赴徑山之請。乃庚寅十月廿七也。其夏正在福嚴。焉有先半載逆知爲徑山主人而故遣人作無根之談耶？立言所以存不朽。梨刻現在。請付諸方公評之。

又謂若碑無機語立之何爲？據伊如此強設。將謂少室天涯無能到者。誰知我徑山門下昔年親知親見者。尤不知其幾何。咸謂殿前碑只列代數。不存機語。卽如盧舍菴首座老師。係北地人。久住少林。亦曾備悉其根源。而且出言慷慨。直謂並無機語。是則親知親見之一證也。

又謂若本分不明。焉能評唱。且引圓悟天奇二祖評釋四家頌古。以爲比擬。獨不思少林評唱。非能自出手眼。圓活古今。特依樣葫蘆而講演之耳。此如法師講諸經典。謂經典非佛口所出。不可謂經典。卽法師

所出可乎？若真本分事。明決不肯爲如此講演。評唱之行矣。夫佛果天奇二老之註。不過爲人方便。疏通。是猶舉業家之偶爲詩賦。豈詩賦卽其舉業乎？略大求細。舍本論末。欺乎不欺乎？自有明眼在。

又棠城爲西禪法嗣。夙已契印。後與楚山對機。山云：俊哉。諸子不忝西禪之嗣。城曰：人天證明。謝師印可。此乃當機讚揚之語。自古皆然。遠門妄添其末曰：山乃代付。擬藉一時之辨端。流爲百世之口實。所謂毫厘有差。天地懸隔。何昧之甚歟！

又謂二株嫩桂。獨主青原下少林一脈。而南嶽無聞。是以祖師之語。當爲等閑。顛倒弄筆。何無畏忌之甚。也不思達磨受法時。問般若尊者云：我當往何國而作佛事者。乃識以二株嫩桂之偈。蓋明指少林道法久遠。兼容并包而言。並未分南嶽青原也。又問此後如何者。云：却後二百年。林下見一人。當得道果。未有金雞解。啣一粒粟。供養十方羅漢僧之識。蓋南嶽係金州人。爲金雞啣粟馬祖爲什邡縣人。羅漢寺僧也。此西天祖師聖口宣說。千古敬信無疑。且六祖又面

彌南嶽曰。西天般若多羅。識汝足下。出一馬駒踏殺天下人。明白證據。何得謂予錯認。以西天祖師之定識。遠門擅敢貶駁。畏聖人之言。謂何是可無忌憚也。孰不可無忌憚也。區區嚴統之詆毀。固屬末節矣。噫。必欲扭捏筆尖。排謗聖語。誑惑世人。弁髦祖識。果報之隨鳴鼓之攻。吾知其不免矣。

又謂具眼縉紳。唐推楊李。宋首蘇黃。數百年中指未多屈。今五十八位一時許。可法運盛至此乎。之語。然無盡夏卿。固所憎惡。不必再提。如陸景山。裴公美。楊無爲。郭功甫。張子韶。李漢老輩。儘有可觀。何故一概拒絕。是亦曾爲僞碑來耶。若今之五十八位。雖未必宗門爪牙畢具。而邪正自是瞭然。稱爲具眼。以入較訂。何所不可。此如今著史。首推馬班。下此固不能嫌美。亦豈無片長足錄。若欲擠之深淵。必令龍門扶風。至今存可也。雖然。不以世諦言。我亦以世諦喻。嬰兒無丁畦。殆是之謂乎。

又謂爲我代設三策。其上翻然毀板布告。諸方蓋此書。乃十方檀那共成勝事。且印刷數百部。流布江楚。

闡廣之間久矣。正信人稱揚讚歎之牘。不勝踵至。抑行以蔽天下之眼。若猶未也。毀板以昧檀那之因。毋乃不可乎。其次謂默然自悔。暗毀不行。蓋此書輯修十有餘年。字字皆正眼篇篇咸苦心。既正見之已定。復就裁于多人。商確者盡正大高賢。秉筆者皆名儒。頑諸原慎重于後。悔甘貽毀于今。茲鉛槧已久。恒譚自多。其二三謂遂過飭非。遁辭強辨。徒損方寸。愈敗聲名。蓋此書有功佛祖。得罪今時。過乎非乎。任之知罪。既依據北藏勘定之本。又拈出諸方源流之自重。門洞開。方寸何損。至于聲名二字。古人有一池荷葉衣。無盡幾樹松花食。有餘之語。計及于此。風斯下矣。雖然。自處如是。猶恐不諒我衷。亦奉君儕三策。聊表猜忌。無心上策。亦著一書與嚴統並行。任從世賞。次策將遠門續略。附入會元。或再將全書更翻名位。以洩其憤。下策結連偏見。同心肆刻。辱罵明阻。嚴統之莫行暗媒。叢林之多事。且取快于一時。更何論夫千古是亦不可已矣。乎必滅此而後朝食。如是而已。君無尤焉。解惑篇已將客問十三則付無言之天。茲以太

甚者三段摘附末簡。彙告同人共發一燦。


五燈嚴統所訂南嶽下天王禪師青原下天皇悟禪師兩派譜傳俱按往造舊典。茲再逐一錄出附後。呈似儒禪宗匠幸搜原本共證。非余杜撰。庶知述者苦心。云唐正議大夫戶部侍郎平章事荊南節度使丘公玄素爲天王悟撰碑銘出北藏佛祖通載唐協律郎符公載所撰天皇悟碑銘亦佛祖通載所出也。其通載梵本計卷三十有六久入北京。皇藏我字函中元朝華亭念常禪師所集之書歷今幾四百年矣。若唐閩人歸登所製南嶽讓禪師碑中列法孫數人。天王道悟其一也。至圭峰禪師答宰相裴公宗超狀列馬祖法嗣六人。首曰江陵道悟及權德輿氏撰馬祖塔銘載弟子慧海智藏等十一人。道悟在焉。乃若歷代帝王稽古略其書編爲四大卷。載天王天皇兩支明白詳盡。出第三卷三十四葉中。迨趙宋佛國白禪師修續燈錄計梵本三十六卷。敘雪竇顯爲馬祖九世孫。益知雲門一宗不屬曹洞派下無疑。如宋洪覺範禪師辨明天王天皇兩支宗派則林間錄上

卷十三葉中燦然明備。亦北藏我字函所收者更如祖源通要一書編卷三十亦載天王爲馬祖之嗣。則有宋西余山拱辰禪師所集也已上十種或隱或顯不少概見。若靈隱大川禪師之五燈會元幾經翻刻。蓋弦利誦內註一篇辨明天王天皇兩派確實雅馴。總之不離古文者近是他若人天眼目內載覺夢堂重較五家宗派序并明天王天皇兩支又何詳引而博論也。事具五卷一十三葉中。嗣是宋尙書員外郎夏卿呂公之銘雪竇塔也。乃謂禪師諱重顯馬祖九世孫智門之法嗣。夫雪竇顯爲馬祖九世孫則雲門一宗出自南嶽派下。夫復何疑。爰及張相國無盡議論宗派皆稱道悟嗣馬祖信從有徵也。且有擇法驗人不謬之語更別出手眼矣。卽雲壑心燈錄並如前製天王歸入馬祖下。迄有明那羅延窟之汝稷瞿公所集指月錄三十卷分清天王天皇兩派不差。第九卷五十葉中實詳且盡。後海昌宰官黎眉郭居士集教外別傳一十六卷亦以天王系馬祖派下證據頗詳。見本書第七卷首葉雪竇大師爲之弁首。至我天

童密老和尚直說內致司理海岸黃公書牘辨論天
王天皇兩派見于七卷一十三葉中又判至公說所
辨兩支詳明顯著附直說第八卷後也復有禪燈世
譜所編天王天皇世系較然詳具本書九卷中又有
福唐居士吳侗氏製祖師圖亦收天王于馬派盡皆
百世同風未得明孝廉大舍王谷居士著有宗門正
名錄證辨兩家支派發明宗旨纖悉畢具豈非年世
逾邁音微如日者歟博雅君子觀之往古驗之當世
述者之心庶有豸乎

繼燈錄

明・元賢輯



繼燈錄序

禪家歷世相傳喻之爲燈取其能破暗以顯物亦取其能繼照於無盡也自宋景德間道原大師始爲傳燈嗣是則有廣燈續燈聯燈普燈之作所述互有詳略學者難以盡考由是大川濟公合之爲會元始終一貫後學便之功至渥也若紹定以後諸師會元未及取者猶賴續燈收之但採錄未備且止於宋末元初自元以至今日將四百載諸師靈光鏤彩未獲著明於世伊誰之責乎愚不自揣乃於戊子之春博採旁蒐冀以緝補前闕至庚寅夏復得遠門柱公所輯五燈續略益補其所未備無何而病作殊劇歷三月始愈愈則目加昏耳加聾手亦不能復親筆硯故其所錄尙闕成化以下蓋止乎其所得不止也錄凡六卷名之曰繼燈或謂禪家貴在心悟語言文字其糟粕也何必連編累牘牽枝引蔓如五燈耶況又益之爲繼燈耶是不知言可以障道亦可以載道執之則精醇卽爲糟粕了之則糟粕皆爲精醇言顧可盡廢歟至其所錄或詳或略則亦因其時與機之不同

其勢不得不然也如少林面壁二祖安心此則上古結繩之政也繼而有信心銘法寶壇經則軒轅之書契也唐世馬祖石頭二派浩浩說禪非三代之禮樂乎宋世五派競興五燈迭出非洙泗之六經乎時當略則結繩不爲少時當詳則六經不爲多要在逗衆生之機以明本有之性而已若責春秋之民曰何不爲結繩之簡不亦悖乎至今日而猶有作者非得已也政如六經之後復有孟氏之七篇道性善稱堯舜倡仁義息邪說亦以明先王之道耳豈曰益之而爲贅哉若夫所錄混濫弗當於西來之旨則如王通之五經雖自謂可繼孔氏而不自知實塵飯塗羹之戲也其罪戾不亦重乎此則吾之所深懼而不能自述者尙當質之大方以俟郢削云

歲在辛卯秋九月下浣之吉鼓山嗣祖沙門元賢序於聖箭堂中

凡例七條

一宗派舊有五今惟臨濟曹洞二宗臨濟宗會元終

於十七世故茲錄卽始於十八世曹洞宗會元終於十五世故茲錄卽始於十六世

一諸師法語不存而出處可考者必載之或一行之可傳或臨終之有異者亦載之使人毋謂宗門徒打口鼓也

一諸師或有名可知而出處言句俱失錄者但依舊例存其名以俟後人攷入其有頌古傳世者亦取其一二則附入此乃續略舊例今因之

一諸師言句或有醇疵相半者難以樂錄豈可盡捐今則節取之一以成前人之美一以碎金斷璧無非寶也

一五燈續略一書採錄爲詳余所未及見者多得之此書其功偉矣但有余之所見而彼未及見者或有彼之所取而余則削去者或同一語錄而取舍各異者或同一行實而詳略有殊者茲錄之行自不可已豈冒其功而爲之哉

一五宗次序景德傳燈及正宗記俱先青原後南嶽大川乃私黨己宗以南嶽先青原後又恐人評論

故復以法眼先臨濟紊亂極矣今一依舊例爲定一諸師年代既遠嗣續難以攷正聞明初有續傳燈余未及見世已無傳惟嘉靖間有祖派圖載之頗詳然混亂極矣未可全據近見五燈續略攷正良多然亦未盡如東嶼海下有月林鏡今攷月林乃參本來人入道者實徑山第八十代住持入滅於正德乙卯與東嶼相去遠甚故特去之餘未及正姑以俟後之君子

繼燈錄目錄

序文 凡例

卷一

曹洞宗

青原下十六世

雪竇鑑禪師法嗣

天童如淨禪師

華藏祚禪師法嗣

東谷光禪師

青原下十七世

天童淨禪師法嗣

鹿門覺禪師

石林秀禪師無錄

日本道元禪師

東谷光禪師法嗣

直翁舉禪師無錄

青原下十八世

鹿門覺禪師法嗣

青州一辯禪師

直翁舉禪師法嗣

天童岫禪師

青原下十九世

青州辯禪師法嗣

大明寶禪師

天童岫禪師法嗣

雪竇大證禪師

青原下二十世

雪菴從瑾禪師

孤蟾瑩禪師無錄

慈雲覺禪師

大明寶禪師法嗣

王山體禪師

青原下二十一世

王山體禪師法嗣

雪巖滿禪師

仁山恒禪師法嗣

大明證禪師無錄

青原下二十二世

雪巖滿禪師法嗣

報恩行秀禪師

青原下二十三世

報恩秀禪師法嗣

少室福裕禪師

從寬禪師

丞相移刺楚材居士

青原下二十四世

少室裕禪師法嗣

少室文泰禪師

仁山恒禪師

勝默光禪師

報恩從倫禪師

華嚴至溫禪師

報恩智泰禪師

靈巖淨肅禪師

青原下二十五世

少室泰禪師法嗣

寶應福遇禪師

靈巖肅禪師法嗣

寶應永達禪師

青原下二十六世

寶應遇禪師法嗣

少室文才禪師

靈巖潔禪師法嗣

天界道成禪師

封龍就禪師法嗣

天慶義讓禪師

青原下二十七世

少室材禪師法嗣

萬安子嚴禪師

靈谷謙禪師法嗣

靈谷正映禪師

靈巖潔禪師無錄

封龍普就禪師

靈谷謙禪師無錄

天慶讓禪師法嗣

熊耳子定禪師

青原下二十八世

萬安嚴禪師法嗣

少室了改禪師

靈谷映禪師法嗣

雪峰遠芷禪師無錄

青原下二十九世

少室改禪師法嗣

少室契斌禪師

卷第二

臨濟宗

南嶽下十八世

鼓山永禪師法嗣

淨慈悟明禪師

靈隱善禪師法嗣

雪峰善珍禪師

淨慈仲穎禪師

淨慈簡禪師法嗣

龍濟宗整禪師

育王大觀禪師

徑山琰禪師法嗣

淨慈廣聞禪師

徑山原肇禪師

東山源禪師

育王瑞禪師法嗣

瑞巖崇壽禪師

乾元穎禪師法嗣

鼓山祖鑑禪師

育王堪禪師法嗣

薦福燦禪師無緣

天童傑禪師法嗣

臥龍祖先禪師

天童自鏡禪師

隱靜致柔禪師

侍郎張鎡居士

天童觀禪師法嗣

華藏善淨禪師無緣

雙林朋禪師

靈隱普濟禪師

弁山旰禪師

天童穎禪師法嗣

靈隱如珏禪師

萬壽觀禪師法嗣

黃龍慧開禪師

石霜妙印禪師

南嶽下十九世

雪峰珍禪師法嗣

徑山行端禪師

淨慈穎禪師法嗣

江心了萬禪師

育王觀禪師法嗣

仰山元熙禪師

淨慈聞禪師法嗣

徑山妙高禪師

雙林朋禪師法嗣

靈隱祖閭禪師

靈隱濟禪師法嗣

雪竇炳同禪師

孤峰德秀禪師無緣

嶽林益禪師

天童鑒禪師

薦福燦禪師法嗣

支提澄鑑禪師

臥龍先禪師法嗣

徑山師範禪師

雲居慈覺禪師

靈隱嶽禪師法嗣

天童文禮禪師

雪竇仲謙禪師

金山善開禪師

瑞巖光睦禪師

諾菴肇禪師

天童鏡禪師法嗣

鼓山元智禪師

薦福生禪師法嗣

徑山道冲禪師

隱靜柔禪師法嗣

雙杉元禪師

華藏淨禪師法嗣

靈隱法薰禪師

華藏覺通禪師

道場普巖禪師

龍翔希堯禪師

北海心禪師

淨慈道禪師

淨慈沅禪師

天童謀禪師

靈隱玉禪師法嗣

天竺有禪師

黃龍開禪師法嗣

護國宗禪師

放牛余居士

孤峰秀禪師法嗣

鼓山正凝禪師

石霜印禪師法嗣

金牛真禪師無繫

容菴海禪師法嗣

慶壽章禪師

卷第三

臨濟宗

南嶽下二十世

徑山端禪師法嗣

靈隱慧明禪師

徑山智及禪師

諸驢無見禪師

雙林介禪師

真翁圓禪師無錄

天寧梵琦禪師

萬壽至仁禪師

靈隱元潛禪師

國清曇噩禪師

徑山祖銘禪師

靈隱法林禪師

徑山福報禪師

仰山熙禪師法嗣

龍翔大訢禪師

中竺正達禪師

祥符念常禪師

天童鑒禪師法嗣

竺田霖禪師無錄

靈隱闇禪師法嗣

東林宗廓禪師

徑山範禪師法嗣

仰山祖欽禪師

天童惠禪師

月坡明禪師

希叟曇禪師

無學元禪師無錄

靈隱薰禪師法嗣

淨慈妙倫禪師

天童祖智禪師

環溪一禪師

靈隱寧禪師

雪峰可湘禪師

淨慈慧禪師

中竺珂禪師

天童禮禪師法嗣

育王如拱禪師

淨慈行鞏禪師

華藏通禪師法嗣

徑山普度禪師

雪竇謙禪師法嗣

承天眞禪師

道場巖禪師法嗣

徑山智愚禪師

淨慈衍禪師

金山開禪師法嗣

徑山心月禪師

徑山冲禪師法嗣

淨慈敬禪師

北山隆禪師

天竺有禪師法嗣

天池信禪師無錄

鼓山凝禪師法嗣

蒙山異禪師

金牛眞禪師法嗣

太湖寬禪師無錄

眞翁圓禪師法嗣

無能教禪師無錄

慶壽璋禪師法嗣

慶壽印簡禪師

卷第四

臨濟宗

南嶽下二十一世

靈隱明禪師法嗣

雙林闇禪師無錄

萬壽仁禪師法嗣

徑山文琇禪師

徑山銘禪師法嗣

天寧力金禪師

龍翔訢禪師法嗣

天界慧曇禪師

圓通崇裕禪師

靈隱懷渭禪師

天界宗泐禪師

靈隱輔良禪師

保寧倫禪師法嗣

物先義禪師無錄

竺田霖禪師法嗣

道場明德禪師

仰山欽禪師法嗣

高峰原妙禪師

徑山希陵禪師

匡山源禪師無錄

淨慈倫禪師法嗣

瑞巖寶禪師無錄

竹屋簡禪師

無學元禪師法嗣

月庭忠禪師

雪峰湘禪師法嗣

開元妙恩禪師

育王珙禪師法嗣

紫籙道禪師無錄

淨慈鞏禪師法嗣

靈雲持定禪師

道場信禪師無錄

絕象鑑禪師

高峰日禪師無錄

開元契祖禪師

保寧清茂禪師

靈隱德海禪師

天寧景曇禪師

徑山度禪師法嗣

雙林闇禪師法嗣

玉山德珍禪師無錄

徑山淨伏禪師

天童坦禪師無錄

天界曇禪師法嗣

徑山愚禪師法嗣

靈谷淨戒禪師

寶葉源禪師

閑極雲禪師

徑山月禪師法嗣

淨慈聯禪師無錄

南叟我禪師

高峰妙禪師法嗣

天池信禪師法嗣

中峯明本禪師

大慈成禪師無錄

天寶法樞禪師

蒙山異禪師法嗣

靈雲定禪師法嗣

鐵山瓊禪師

般若世誠禪師

太湖寬禪師法嗣

徑山陵禪師法嗣

縉雲眞禪師無錄

寶林紹大禪師

龍池永寧禪師

無能教禪師法嗣

智者義禪師無錄

妙果水盛禪師

道場信禪師法嗣

卷第五

臨濟宗

福源清拱禪師

匡山源禪師法嗣

南嶽下二十二世

徑山宗淨禪師

正宗了義禪師

白雲以假禪師

徑山正源禪師

海門惟則禪師

瑞巖寶禪師法嗣

華頂先觀禪師

高峰日禪師法嗣

日本疎石國師

開元祖禪師法嗣

開元如炤禪師

紫籙道禪師法嗣

瑞巖無愠禪師

天童一禪師

保寧茂禪師法嗣

本覺清欲禪師

靈隱海禪師法嗣

徑山顏禪師

育王慧炤禪師

天寧曇禪師法嗣

三空居士

玉山珍禪師法嗣

別源源禪師無錄

瑞雲茂禪師

斗峯正璋禪師

育王悟光禪師

龍翔忠禪師

徑山伏禪師法嗣

徑山悅禪師

天童坦禪師法嗣

天界懷信禪師

大慈成禪師法嗣

烏石世愚禪師

天寶樞禪師法嗣

雪峯智順禪師

鐵山瓊禪師法嗣

香山聰禪師

緡雲眞禪師法嗣

靈鷲寶金禪師

南嶽下二十三世

淨慈聯禪師法嗣

慈光成禪師

中峰本禪師法嗣

伏龍元長禪師

靈隱明禪師無錄

獅林惟則禪師

日本印原禪師

般若誠禪師法嗣

仰山正受禪師

智者義禪師法嗣

淨慈普仁禪師

海門則禪師法嗣

白蓮智安禪師

華頂觀禪師法嗣

福林智度禪師

開元炤禪師法嗣

開元大圭禪師

別源源禪師法嗣

天童原良禪師

天童一禪師法嗣

雲居普莊禪師

徑山悅禪師法嗣

靈隱來復禪師

靈隱明禪師法嗣

淨慈可授禪師

烏石愚禪師法嗣

靈谷非幻禪師

卷第六

臨濟宗

南嶽下二十四世

伏龍長禪師法嗣

鄧蔚時蔚禪師

松隱德然禪師

仰山友禪師法嗣

慈舟濟禪師無錄

白蓮安禪師法嗣

正傳景隆禪師

福林度禪師法嗣

繁昌俊禪師無錄

南嶽下二十五世

鄧蔚蔚禪師法嗣

鄧蔚普持禪師無錄

三峰啓原禪師

天龍守貴禪師

太守密菴何公無錄

九峰勝學禪師

慈舟濟禪師法嗣

壽昌本來禪師

繁昌俊禪師法嗣

東林悟禪師

何密菴居士法嗣

素菴田大士

南嶽下二十六世

鄧蔚持禪師法嗣

東明慧昌禪師

東林悟禪師法嗣

天成紹琦禪師

太崗澄禪師無錄

西禪瑞禪師

素菴田大士法嗣

佛跡真禪師

南嶽下二十七世

東明昂禪師法嗣

東明普慈禪師

廣善潭禪師無錄

伏牛圓信禪師

古庭善堅禪師

廣善潭禪師法嗣

崇福覺華禪師

太崗澄禪師法嗣

天真本善禪師

未詳法嗣

瀉山太初禪師

雪峰悟逸禪師

天台祖燈禪師

少林悟順禪師

普濟淨澄禪師

中觀沼禪師

通玄圓通禪師

徑山莊禪師

繼燈錄目錄終

繼燈錄卷第一

鼓山嗣祖沙門 元賢 輯

曹洞宗

青原下十六世

雪竇鑑禪師法嗣

明州天童長翁如淨禪師生而岐嶷不類常童長學出世法參足菴於雪竇看庭前栢樹子話有省呈頌曰西來祖意庭前栢鼻孔寥寥對眼睛落地枯枝纔踣跳松蘿亮鬲笑掀騰菴領之出世屢遷名剎後主淨慈陞天童開爐上堂召大眾打圓相云個是天童火爐近前則燒殺退後則凍殺忽有個漢出來道合作麼生因火爐動也上堂霜風號肅殺霜葉墜蕭颺舉拂子曰看唯有玲瓏崔嵬望轉高所謂天童滯貨今朝短販一遭莫有耐價底麼下座巡堂上堂外不放入內不放出痛下一槌萬事了畢且道如何太白峰前令斬新內外紀綱俱委悉上堂天童鉄鼻老拳頭打殺江湖水牯牛夜深忽然生個卵天明推出大日頭且道如何晒眼諸人烝濕處免教行步滑如油

上堂靈雲見處桃花開天童見處桃花落桃花開春風催桃花落春風惡靈雲且置莫有與天童相見底麼春風惡桃花躍浪生頭角新起妙嚴慶懺上堂推倒多生老鼠窠掃空平地笑呵呵從空架起生頭角蓋覆驢牛不厭多今朝成就大緣千古發揮大事且道如何祈願任他門外客到家還我個中人復舉文殊問無著近離甚麼著處云南方殊云南方佛法如何住持著云末法比丘少奉戒律殊云多少衆著云或三百或五百師云春風勾引鷓鴣啼著問文殊此間佛法如何住持殊云凡聖同居龍蛇混雜著云多少衆殊云前三三與後三三師曰平地波瀾鈎鐵船這兩轉語要與諸方眉毛拈結更有兩轉語要與諸方點眼或三百或五百銅錢鐵錢省數足陌前三三與後三三羅蔔芋嫺淺貯滿擔諸方忽然眼開決定拍手大笑笑個甚麼不笑巴叉便笑杜撰雖然笑者還稀忽有人問天童多少衆便向他道新起妙嚴誇第一一齊都在畫圖中師六坐道場未說稟承衆有是請師曰我待涅槃堂裏拈出果臨終拈香曰如淨

行脚四十餘年首到乳峰失脚墮於陷穽此香今不免拈鈍置我住雪竇足菴大和尚并書辭世頌曰六十六年罪犯彌天打個踉蹌跳活陷黃泉咦從來生死不相干擲筆而逝塔全身于本山

華藏許禪師法嗣

師嗣淨慧禪會元無出今收入補登

東谷光禪師上堂藏身處沒踪跡無影樹頭靈鳥宅沒踪跡處莫藏身不萌枝上花開坼有來繇誰辯的天晚西風拂拂吹松欂一徑爭拋擲嘗頌僧問曹山不挂靈衣曰曹山酒顛有誰諳醉語狂言不自慚夜半日頭當午炤騎牛背面著靴衫又頌韶國師問龍牙天不能蓋地不能載曰大海心中泛鐵船隨波逐浪浪滔天順風到岸無人識江北從來使鐵錢

青原下十七世

天童淨禪師法嗣

襄州鹿門覺禪師參長翁值翁上堂舉靈雲悟道因緣頌曰一個烏梅似本形蜘蛛結網打蜻蜓蜻蜓落了兩片翼堪笑烏梅較鐵釘師不覺失笑曰早知燈是火飯熟幾多時後承印記出住鹿門示衆曰盡大

地是學人一卷經盡乾坤是學人一隻眼以這個眼讀如是經千萬億劫常無間斷諸人還看讀得麼如看讀得老僧請他喫個無米油糍

雪菴從瑾禪師僧請益倩女離魂話師示以頌曰南枝向煖北枝寒何事春風有兩般憑仗高樓莫吹笛大家留取倚闌看

日本永平道元禪師姓源氏本國村上天皇九世之裔骨相奇秀七處平滿目有重瞳七歲讀毛詩左傳及諸經史不由師訓自然通曉時以神童稱之居母喪每觀香煙繚繞念念散滅悟世無常遂投舅氏台山良顯法師出家時年一十四矣尋稟具戒究大小乘諸經論聞大宋有老宿傳佛心印乃特附船舶航海入宋抵明州當寧宗嘉定十六年也首登天童見無際派和尚既而遊雙徑禮浙翁琰又謁宗月月堂今宗門具大眼目者莫如長翁淨和尚現應詔住天童子盍往見之師如教即造天童一見懽若平昔師乃啓曰道元自幼在本國發菩提心參諸知識播閱

經論徒滯名相不明大法後入大宋見諸尊宿獲聞臨濟之宗今得造法席誠多生之幸願和尚慈悲聽道元不時入室咨問法要蓋生死事大時不待人也淨憐其誠忻然許之師於是晝夜精勤脇不沾席者將及兩載一夜淨巡堂見僧打睡責之曰參禪要身心脫落何得只管打睡師從旁聞之當下身心脫落廓然契悟天明入方丈燒香淨曰子作麼生師曰身心脫落淨曰身心脫落脫落身心師曰這個是暫時岐路和尙莫亂印某甲淨曰我不亂印師曰如何是和尙不亂印底淨曰脫落身心師於言下釋然得大無礙由是服勤四載盡得洞上之道於是告歸淨付以伽黎頂相囑其弘揚師既歸首住興聖寶林禪寺德風遠播萬指圍繞其禪林軌則一取法於天童上堂山僧歷盡叢林只是等閒最後見天童先師當下認得眼橫鼻直不被人瞞便乃空手還鄉總無一毫佛法只是任運過時日日東出夜夜月沈西畢竟如何良久云三年逢一閏鷄向五更啼上堂身心脫落聲色俱非箇中無悟何處著迷座中誰是江南客

聽取鷓鴣聲外詞上堂興聖久不爲衆說話佛殿僧堂溪聲樹影總爲諸人說了也諸人聞得也未若道聞得說個甚麼若道不聞辜負自己雲州太守義重公糴永平道場請師居之當開堂曰有山神出現因號其山曰吉祥副元帥時賴平公從師受菩薩大戒執弟子禮甚恭縑素弟子得戒者徧於東國後嵯峨帝賜以其服微號師奉之高閣未嘗掛體一日示微疾辭衆書偈坐化茶維獲舍利無算卽塔於永平閱世五十有四坐四十一夏所著有正法眼藏叢林清規學道用心集並語錄共若干卷流行於世景定間無外遠和尚嘗爲序其語錄靈隱退耕寧淨慈虛堂愚二老俱爲題跋嗣法弟子慧辨僧海詮慧凡三人師在日國爲洞宗始祖今三十六州界內禪刹凡稱洞下雲仍者莫不事其香火禮其靈塔猗歟盛哉道元禪師得法天童淨祖爲日國洞宗始祖續傳燈失載近有逆流禪德是其宗裔特作書以師道行碑文附商舶寄示所載悟由法語甚詳書中又引宋文憲護法錄贈日本範堂儀公藏主文中覺

阿之嗣佛海遠道元之承天童淨二語爲證余於是知古今得道散處於此界他方或出或處名德不表彰於世知道元禪師者何限余於是重有感焉乃特採碑文立傳列於先師繼燈錄天童淨祖嗣下庶不沒古德幽光亦使讀者有所攷鏡云

住福州鼓山涌泉禪寺道霈謹識

青原下十八世

鹿門覺禪師法嗣

青州普照寺一辯禪師精究內典貫通旨趣及參鹿門得言外旨出住青州普照遷東都萬壽當是時燕秦齊晉之間入是宗者皆其後學室中設百問以勘驗學者嘗作四賓主頌賓中賓曰天涯奔走幾經春負學論功日轉貧行海淵深須遍涉我天空濶不容塵賓中主曰衣穿瘦骨露無餘獨鎮寶區暉太初三尺匣中誅佞劒百囊篋裡薦賢書主中賓曰丹墀鞭靜六宮開萬里江山絕點埃脫却欄衫戴席帽聲聲只道那邊來主中主曰重巖幽邃鎖烟岑古洞龍吟霧氣深石女唱歸紅燄裡木人運步絕知音

直翁舉禪師法嗣

明州天童雲外岫禪師郡之昌國衛人遷其氏依直翁得度究明曹洞宗旨盡法源底初住慈溪之石門已而繼竺西坦席遷天童上堂開市紅塵裡有開市紅塵裡佛法深山巖崖中有深山巖崖中佛法山僧昨日出城門鬧市紅塵裡佛法一時忘却了也行到二十里松雲滿目便見深山巖崖中佛法大眾且道如何是深山巖崖中佛法良久曰白雲淡泞出沒太虛之中青蘿黃緣直上寒松之頂上堂以拂子打圓相曰摩訶衍法難四句絕百非又打一圓相曰禮之用和爲貴先王之道斯爲美又打一圓相曰摩尼珠人不識如來藏裡親取得諸人還見麼所見不同互有得失天童這裡毋固毋必師一日問無印曰天童今日大死去也汝作麼生救印曰誦和尙喫飯師曰天童今日大死去也汝不要相救印曰救他作麼師又曰天童今日大死去也阿誰與我同行印曰和尙先行某甲隨後師呵呵大笑自此師資唱和不爽毫髮若瀉山之與寂子也後示寂塔于本山

青原下十九世

普照禪師法嗣

磁州大明寶禪師僧問如何是轉功就位師曰用盡
鐵頭力放下臥清風曰如何是轉位就功師曰不居
無影谷曳杖入烟村曰如何是功位齊彰師曰掌上
擎日月運炤自無私曰如何是功位俱隱師曰石人
同木女相邀入海中曰此是今時事如何是那邊事
師曰待汝盡却今時卽向汝道示衆若論此事如人
用針線幸然針針相似忽見人來不覺失却針祇見
線這邊尋也不見那邊尋也不見却自曰近處尙不
見遠處那理得來多時尋不得心煩不好昏悶打睡
拽衣就枕方就枕時驀然一割曰原來祇在這裡
唐慈雲十身寺覺禪師普照室中稱爲上首普照垂
百問以驗學者往來憧憧鮮有契其機者惟師所答
有同水乳略舉七則以見其槩問曰聲前薦得落在
今時句後承當迷頭認影作麼生是空劫已前自己
師曰夜半石人無影像縱橫誰辯往來源問不見一
法猶是半提作麼生是全提底道理師曰石馬驟千

山問喫飯忘其饑力充忘其飽作麼生是力充底人
師曰巨靈擡手無多子分破華山千萬重問直得不
恁麼來者猶是兒孫事如何是向上人師曰半夜烏
鷄雪裡啼問行立體妙落在今時究理窮源關山萬
里祇如未知有底人如何趨向師曰牀窄先臥問迷
時千卷少悟後一言多且道悟了底人如何履踐師
曰出不由戶坐不當堂問岸如欲止先停棹車若不
行須打牛如今打牛也車行也未師曰下載清風付
與誰

天童岫禪師法嗣

明州雪竇無印大證禪師饒州鄱陽史氏子幼穎異
依州之昌國寺剃落受具出遊謁荆石琰於圓通機
語不契時思菴睿居閒房師曰親煅煉聞雲外唱道
天童師往依之一日入室機語相契遂蒙付囑語見雲外
章至正九年主雪竇上堂千說萬說不若覲面一見
昨日二十九今朝七月一報你參玄人光陰如箭疾
娘生兩隻眼個個黑如漆急急回頭看取天真佛
良久曰是何面目下座巡堂喫茶上堂妙不妙衲僧

鼻孔多無竅立不立利竿頭上無青天志士寧容袖
手良馬豈待揮鞭全超棒喝不落蹄筌百鳥不來春
又過巖房贏得日高眠居四年退居定水之圓明菴
明年示寂闍維建塔于菴後

青原下二十世

大明寶禪師法嗣

太原府王山體禪師侍大明戮力十年躬爲侍者秘
重深嚴不見參學一日抽單罔不疑恠或問大明侍
者何往明曰諸方來諸方去何介意哉又問參學何
似明曰道有參學裁他頭角道無參學滅他威光衆
方知己蒙印記久隱西山太原府府運兩衙請住王
山創建禪席師嘗發明洞上宗旨曰既有尊貴之位
須明尊貴底人須知尊貴底人不處尊貴之位方明
尊貴不落階級五位頌曰正中偏夜深古殿鎖輕烟
寂寂苔封臣不立密密光輝未兆前偏中正玉人不
觀臨臺鏡子夜星河霧氣濃依舊青山不露頂正中
來木人攜杖火中回趨起泥牛耕練色放教石馬步
蒼苔偏中至轉側相逢全意氣交揮終不犯鋒鋦大

用縱橫無變異兼中到明暗盡時光不照石女有智
妙難窮解裁絕頂無根草

五位中第四位古來俱用兼中至後洪覺範不達
此旨謬改爲偏中至然洞下實未有依之者如天
童覺淨慈暉等皆用兼中至載之會元及諸書者
可見迨宋末天童淨公一生不說稟承至臨終始
拈香嗣雪竇考其說法雖有悟門但任意發揮而
宗旨全失矣故鹿門嗣天童作五位頌始用偏中
至此後相承五代各有頌惟王山所作爲當然仍
用偏中至則是襲鹿門之悞而不能知者也

仁山恒禪師久侍大明遂升堂奧明付以衣法師曰
某甲不是恁麼人明曰不是恁麼人自不殃及伊師
以法乳情深俛仰而受明囑曰汝旣如是第一不得
容易出世若躁進輕脫中間必有坎珂

青原下二十一世

王山體禪師法嗣

磁州大明雪巖滿禪師初參普照照曰兄弟年俊正
宜勉力叩參老僧當年念念常以佛法爲事師避席

進日和尙而今如何也。照曰：如生冤家相似。師曰：若不得此語，幾乎枉行千里。照下禪床，握師手曰：作家。那師與勝默同參，嘗跪受呵斥，或問其故。師曰：今諸方或有師資法屬，諍訟招譏，師子身中虫自食其肉，不可不重誠也。後參王山，發明心印，接踵住持上堂。舉洞山曰：秋初夏末，兄弟或東去，西去，直須向萬里無寸草處去。良久曰：祇如萬里無寸草處，又作麼生去。石霜曰：出門便是草。太陽曰：直饒不出門，亦是草。漫漫地。師曰：三個老漢，雖然異口同音，未免撞頭磕額。何也？一人大開口了，合不得；一人高擡腳了，放不下；一人緊閉門了，出不去；王山卽不然。遍十方界，非外全在一微塵；一微塵非內全遍十方界。祇這一微塵許也，須及盡，不可得。向那裏安門？甚處入草？還會麼？休侵洞嶺，初秋草請看疎山臘月蓮。

勝默光禪師嘗頌九峰不肯首座曰：元座徒亡一炷烟，九峰不是抑高賢。若將一色爲承紹，辜負先師不借緣。示衆舉麻谷振錫話，師曰：是無，可是非？無，眞非。是非無主，萬善同歸。梟鷂晝夜徒自支離，我無二寸。

驚得喚龜迦葉不肯一任攢眉

青原下二十二世

雪巖滿禪師法嗣

燕京報恩寺萬松行秀禪師，河內之解人，姓蔡氏，出家於邢州淨土寺。禮贊公爲師，後受具戒，挑囊距燕歷潭，過慶壽參勝默老人，教看長沙，轉自己歸山河大地話半載全無。由入默曰：我只願你遲會一日，有省復看玄沙未徹語，請益雪巖於磁之大明纔廿七日，不覺伎倆已盡，留入記室，語言相契，徑付衣偈，尋歸淨土，構萬松軒以自適。寺內尊宿敦請住持，次住中都萬壽寺。小參昔有跨驢人問衆僧何逞，僧曰：道場去人曰何處不是道場？僧以拳歐之曰：這漢沒道理，向道場裏跨驢不下，其人無語。師曰：人人盡道這漢有頭無尾，殊不知却是這僧前言不副後語。汝既知舉足下足皆是道場，何不悟跨驢跨馬無非佛事？金章宗皇帝明昌四年即南宋光宗紹熙四年也，詔師於禁庭陞座，帝親迎禮聞，未聞法開悟，感慨親奉錦綺大僧伽衣，內宮貴戚羅拜拱跪，各施珍愛。承安二年丁巳，詔

師住大都之仰山棲隱禪寺上堂說偈曰蓮宮特作梵宮修聖境還須望駕遊雨過水澄禽泛子霞明山靜錦蒙頭成湯也展恢天網呂望稀垂浸月鉤試問風光甚時節黃金世界桂花秋師問僧洞山道龍吟枯木異响難聞如何是異响曰不會師曰善解龍吟問諸佛不出世爲甚麼却向王宮生師曰青天常舉足曰亦無有涅槃爲甚麼却向雙林滅師曰白日不移輪問撒手那邊底人爲甚麼不居正位師曰大功不卒曰回頭這畔底人爲甚麼不墮偏方師曰至化無爲問向道莫去歸來背父如何得不背父去師曰切忌回頭問心放下難如何是放下底人師曰擔取去問是處是慈氏無門無善財爲甚麼道瑠璃殿上無知識師曰拆殿了來相見遷住報恩晚退居從容菴示衆機輪轉處智眼猶迷寶鏡開時纖塵不度開拳不落地應物善知時兩刃相逢時如何回互示衆去卽留住住卽遣去不去不住渠無國土何處逢渠在在處處且道是甚麼物得恁麼奇特示衆動則埋身千丈不動則當處生苗直須兩頭撒開中間放

下更買草鞋行脚始得示衆踢翻滄海大地塵飛喝散白雲虛空粉碎嚴提正令猶是半提大用全彰如何施設示衆向上一機鶴冲霄漢當陽一路鷄過新羅直饒眼似流星未免口如匾擔且道是何宗旨嘗發明洞上宗旨曰睦州云裂開也在我捏聚也在我问裂開便提起一絡索問捏聚便斂手而坐雖然收放自如大似被他使喚洞山斥爲話作兩橛缺針斷線不見道恁麼道則易相續也大難直須當存而正泯在卷而彌舒鈎鎖連環謂之血脈不斷又曰藥山一宗實難紹舉雲巖掃地塵埃亘天洛浦服膺稱冤不已好在無舌人解語無手人行棒直饒棒喝交馳只得傍提一半師於周孔老莊百家之學無不博通三閎藏教恒業華嚴得法者一百二十人壽八十一塔在燕京城內乾西橋北

青原下二十三世

報恩秀禪師法嗣

西京少室雪庭福裕禪師太原文水張氏子師五齡解語日了千言鄉里有聖小兒之稱未幾適遭世難

喪失天倫，然無依道逢一老比丘，誘師出家學佛。曰：汝能誦得一卷法華經，則一生事畢。師曰：佛法止此而休，莫亦更有向上底在否？比丘異之，遂偕謁休林古佛於仙巖。曰：此子龍象種也，得奉巾瓶於左右，他日必成大器。古佛欣納之，乃爲祝髮，受具，遂與雙溪廣公同執務者七年。時萬松住燕之報恩，師不通介紹，輒獨掉臂以往。松一見，便奇之，親炙十年，深得其髓。自是名益著，從之者曰益廣。值壬辰之變，少林祖刹荒蕪，上以師補之，尋承萬松海雲重以尺牘見招，遂應少林之命。世祖潛邸命師作大資戒會，戊申詔住和林，與國未期，月憲宗召詣帳殿，奏對稱旨，傳總領釋教，復僧尼廢寺計二百三十有六區。庚申，世祖卽祚，因論辯僞經，馳驛以聞，火其書，仍賜光宗正辯之號。命卽故里，剏建精舍，曰報恩，給田若物以餽僧。時萬壽祖席無可當之者，衆復請師主之。僧問：如何是向上尊貴？一路師曰：漁歌驚起沙汀鷺，飛出蘆花不見踪。問：遍界不曾藏，雪峰答：何處不是石霜因。甚不契。師曰：從來孝子諱爺名。僧參師，問：甚處人？曰：

青州師曰：識得趙州布衫否？曰：趙州布衫近被人裂破了也。師曰：因甚裂破？曰：風流不在著衣多。師便打。曰：因甚打某甲？師曰：咄！風流在甚麼處？師問僧：道源不遠性海非遙，且道在甚麼處？僧擬議，師便喝。後師既老，倦於接納，歸棲嵩陽乙亥秋七月二十日示微疾，書偈告終。俗壽七十三，臘五十二，塋于寺之西隅。燕京報恩林泉從倫禪師初住萬壽上堂禪禪非正，非偏，無意路有玄淵，超今邁古，絕後光先，但能忘影迹，何必守蹄筌？直指人心，見性須憑祖意。通玄九年，面壁真消息端的，其中有秘傳。元世祖皇帝至元九年，詔入內殿從容問辯，抵暮而退。帝大悅，示衆北斗，似杓南斗，似瓢任伊斟酌。暖日涼飈，冬至寒食，一百五須知節氣，不相饒到此，莫有解吞吐者麼？僧問：法眼道我二十年，只作境話會，既不作境會，合作麼生？會師曰：猿抱子歸青嶂後，鳥銜花落碧岩前。示衆若論此事，如丹鳳衝霄，不留其跡，其由性空寥廓，慧日精明，炤五蘊之皆空，使萬緣之俱泯，直得星攢碧落，月侵丹墀，翡翠簾垂，燭香人靜，當此之際，那容喘息。

寧許窺窬密室不通風立門難措足雖然如是一點
靈明通字由那拘西竺與曹溪至元十八年十月二
十日聖旨就大都憫忠寺焚燒道藏偽經除道德經
外盡行燒燬命師下火師陞座云憶昔當年明帝時
曾憑烈焰辯妍媸大元天子續洪範顯正摧邪誰不
知嗟彼道教陰靈佛書自古至今造訛捏偽益竊釋
經言句圖謀貝葉題名謗毀如來誠誣先聖無蒂狂
談實難遍舉始自張陵杜撰不遵老氏立言謬作醺
書彙集靈寶詐道從空而得妄言太上親傳用三張
鬼法以誑惑愚夫設五運神符而覓奸匹婦葛孝先
徒搜要妙陶洪景謾述浮辭杜光庭白拈丐偷劫賊
無異陸脩靜外好裡惡說客何殊寇謙之口舌瀾翻
損他利己林靈素機謀誣詐敗國亡家嗚呼悲法琳
不遇而遭貶嗟道世雖再而難爲致令釋子傷心幸
得皇天開眼恭惟我大元皇帝陛下闢邪歸正去偽
存真恐衆生永墮迷津令萬姓咸登覺路遂以火炬
打一圓相曰諸仁者只如三洞靈文還能證此火光
三昧也無若也於斯會得家有北斗經枉教人口不

安寧其或未然從此灰飛烟滅後任伊到處覓天尊
急著眼看

從寬禪師臨終問其次兄曰佛祖父母我今一箭射
殺二哥以爲何如隨整襟坐脫

上都華嚴寺全一至溫禪師邢州郝氏子幼聰敏異
常兒六歲祝髮參萬松博記多聞論辯無礙松命爲
侍者凡松偈頌法語一聞輒了遂得法焉常以侍者
代應對機鋒不可犯太保劉秉忠薦師大可用世祖
召見與語大悅留王庭多有贊益居三歲放還錫號
佛國普安大禪師至元丁卯五月示疾右脇而逝異
香三日茶毗舍利無數

丞相移刺真卿居士字楚材本姓耶律及金滅遼公
歸金改姓移刺初公在京師見禪伯甚多唯獨重聖
安澄和尚常訪以祖道屢以古昔尊宿語錄中所得
者叩之聖安問有許可公自以爲得及遭憂患以來
功名之心束於高閣求祖道愈急遂再以前事訪諸
聖安聖安譏案不然所見公甚惑焉聖安從容謂曰
昔公居要地又儒者多不諦信佛書惟搜摘語緣以

資談柄故予不敢苦口鉗錘耳今揣公之心果爲本分事以問予予豈得猶襲前憊不爲苦口乎予老矣有萬松老人者儒釋兼脩宗說俱通辯才無礙公可見之既參萬松杜絕人跡屏斥家務雖祁寒溽暑無日不參焚膏繼晷廢寢忘餐者幾年乃獲印證號湛然居士其序評古略曰佛祖諸師埋根千丈機緣百則見世生苗天童不合抽枝萬松那堪引蔓湛然向枝蔓上更添芒索穿過尋香逐氣者鼻孔絆倒行玄體妙的脚跟向去若要脚跟點地鼻孔擦天也須向這葛藤裏穿過始得先是元世主將西征有司奏五臺等處僧徒有能呪術武略及有膂力者可爲部兵扈從西征公止之曰釋氏之高行者必守不殺戒奉慈忍行故有危身不證驚珠守死不拔生草者法王法令拳拳奉行雖死不犯用之從兵豈其宜哉其不循法律者必無志行在彼既違佛旨在此豈忠王事故皆不可以從王師也帝從之太宗十六年公卒壽五十五即南宋淳祐三年也

青原下二十四世

少室裕禪師法嗣

西京少室靈隱文泰禪師里族未詳師顓悟過人篤好宗乘從少室遊未幾即悟心要故當時稱二泰一肅爲雪庭之高弟者師其一也上堂塵劫來事只在于今河沙妙德總在心源試教伊覲面相呈便不解當風拈出且道過在甚麼處卓拄杖曰祇爲分明極翻令所得遲

太原府報恩寺中林智泰禪師汾陽魚城溫氏子創髮於華嚴喟然嘆曰大丈夫當體究大事焉能區區於此耶時雪庭主萬壽師往依數載契悟超絕朝廷嚮師之名宣住報恩僧問如何是萬里無寸草處師曰不是闍黎踐履之境曰如何是出門便是草師曰纔動即乖曰如何是不出門亦是草漫漫地師曰住著即錯曰如何得不涉動靜去師曰遍界絕紅塵通身無影像一日示疾集衆告誡書偈而逝

泰安州靈巖足菴淨肅禪師保定金臺永平人族張氏禮香山壽聖爲師參請一十餘年所遇知識十有餘輩最後參雪庭于萬壽淘汰有年付以衣偈初主

萬壽次少室靈巖上堂白露橫江黃花滿圃砧聲敲
夜月蛩語泣秋風蟬噪岸邊之樹葉辭檻外之柯色
色現海印三昧聲聲轉根本法輪諸人若能于斯會
得則如面對鏡眉目分明方可喚作半個衲僧猶有
俗氣未除若能打破鏡來便好與你相見祇如相見
後又作麼生更有三十棒且待別時來後退居香山
一日集衆告辭右脇而化

青原下二十五世

少室泰禪師法嗣

西京寶應還源福遇禪師霍州靈石王氏子依邑之
兜率薤落徧遊講肆雄辯如流景聆靈隱禪師道眼
圓明投誠參究一日聞隱上堂舉切忌從他覓迢迢
與我疎語師頓領悟即承印可初住天慶次寶應僧
問如何是祖師西來的大意師曰風送泉聲來枕
畔月移花影到窓前問如何是誕生王子師曰雖有
尊貴分不是尊貴人曰如何是朝生王子師曰雖登
金榜貴終是老朝臣曰如何是末生王子師曰歷盡
艱辛後方得覲堯天曰如何是化生王子師曰與父

西歷五

無異體權操聞外機曰如何是內生王子師曰長在
深宮內咫尺近龍顏曰向上一路請師指示師曰無
絃琴有韻人天那得聞皇慶癸酉十月終壽六十九
臘四十九

靈巖禪師法嗣

西京寶應月岩永達禪師汾陽劉氏子下髮於本州
天寧寺每以生死自策勵南詢靈巖岩法雷遠震遙
餐風德跡足往參一見器之親炙積久遂入閭奧乃
曰發證由師行之在已遂之安泰州閉關久之道俗
堅請住寶應不得已而起上堂鹿門老人道盡大地
是學人一卷經盡乾坤是學人一隻眼以如是眼看
如是經千萬億劫無有間斷後萬松老人直得計窮
力盡道個看讀不易諸人還看讀得麼須知這一卷
經阿誰不具這一隻眼誰人不圓要長則千萬億劫
難盡要短則一剎那頃便周寶應今日不惜眉毛爲
諸人指出乃彈指一下曰看讀了也諸人切莫錯過
良久擊拂子曰自是不歸歸便得五湖煙景有誰爭
一日示疾泊然而逝

封龍山古巖普就禪師生潯陽劉氏族十五往禪慶
出家參靈巖巖以本分鉗錘重加煅煉疑情爆然頓
落大德六年月菴海禪師退席本寺具疏請師開堂
朝旨賜妙嚴弘法大禪師俄封龍堅請師勉受之僧
問如何是顗墮師曰不是披毛戴角底曰如何是隨
墮師曰不是聞聲見色底曰如何是尊貴墮師曰不
是斷聲色底曰恁麼則如何有墮名師曰雁過長空
影沉寒水曰古人道三墮是了事人病既是了事人
如何有病師曰祇爲了事所以病生曰此病何時得
愈師曰直待無身此病即除因示頌曰金鎖重重早
豁開三處悠然獨往來雁過長空無繫著影沉寒水
任渠猜後歸隱靈栖未幾示寂世壽七十有七

青原下二十六世

寶應遇禪師法嗣

鄧州香嚴淳拙文才禪師平陽臨汾姚氏子生有異
質見僧則合掌作禮不顗常兒長依絳明福嚴普公
出家嘗讀證道歌至幻化空身即法身之句欣然契
悟乃謁還源禪師呈所解源可之閱藏於龍門山三

載泰定甲子住少室尋隱香嚴詮釋般若心經并華
嚴法界觀僧問如何是理法界師曰虛空撲落地粉
碎不成文曰如何是事法界師曰到來家蕩盡免作
屋中愚曰如何是事理無礙法界師曰三冬枯木秀
九夏雪花飛曰如何是事事無礙法界師曰清風伴
明月野老笑相親至正壬辰五月十七日沐浴更衣
呼門徒申教誡且曰吾死無事虎費火已揚灰可也
翌日吉祥而逝塋全身於雪庭塔右春秋八十

靈巖潔禪師法嗣

金陵天界寺雪軒道成禪師雲州趙大王之遠孫父
徙居保定遂家焉年十五出家郡之興國寺師廣額
平額氣象雄偉有大志受具已結三人爲侶在青州
土窟中密究單傳之旨忽有老人貌甚奇古謂曰汝
三人忘苦辛甘澹泊究明向上大事他日必作法門
棟梁去也師叱之曰既作棟梁居士窟之中老人曰
未有常行而不住未有常住而不行言訖而隱師益
自勵密聞秋江潔公大弘曹洞之旨於靈巖遂往禮
謁潔問何處來師曰青州來潔曰帶得青州布衫來

麼師曰：呈似和尚了也。潔曰：參堂去久之，平昔疑情一旦冰釋，徑造丈室，潔曰：金鎖玄關打開也。未師曰：千年桃核裏，竟甚舊時仁潔，頷之。囑曰：是汝本有之事，善自護持，他日能弘吾道者，必汝也。師回青州，衆請住東萊大澤山。次住普照洪武十五年，天下郡縣開立僧司，統領釋教師，應選道契。親王殿下睿眷尤隆。三十年秋八月，上召師至殿，命住天界師奏不會佛法。上製詩一首，鐫於金榜，懸諸法堂，曰：不答來辭許默然，西歸隻履舊單傳。鼓鐘朔望空王殿，示座從前數歲年。上堂白雲萬頃卷舒露，劫外真機紅葉千峰燦爛顯。個中妙旨亙古今，而不昧經塵劫。以常存鳥道虛通運，步玄關綿密獅絃錯落按指古韻鏗鏘直得石女點頭。木人拍手拈起金針玉線穿過機先，截來兔角龜毛發明向上，正偏獨露隱顯全該。所以物物頭頭塵塵刹刹，未有一絲毫欠少。大衆還會麼？夜來木馬雲中過，驚起南辰北斗藏。是年十月，勅就寺建普度大齋三晝夜。上躬率百僚行祭獻禮，曰：幸丈室從容顧問，賜寶鈔若干錠。上堂陰

極陽回化日長，梅花處處噴清香。個中消息無多子，徧界何曾有覆藏。如是明明兼帶百草頭，邊相逢密密宣揚萬象光。中獨露利名場上薦取無位真人，我山中顯示本來面目，影含宗鑑心，生則種種法生，身是道場心滅，則種種法滅。石女高提寶印，文彩全彰。木人暗度金梭，絲毫不昧，牽動劫外機輪，烜赫寰中。日月潛通，遐邇直得枯木生花，該括古今，解使寒灰發焰，雲籠古路，依依野色還迷月，滿寒巖皎皎神光徧照六門機息，何須宛轉旁參一色功圓，切忌當頭印破。白牛還步已蒙建化之緣，玉馬嘶風總是利生邊事。且道如何是向上事？咄！兔角杖挑潭底月，龜毛拂挂嶺頭雲。上堂三陽交泰，萬物咸新，顯一真之妙用，總造化之淵源。塵塵合道處處通津，法筵大啓覺苑弘開，國運與佛運齊興，皇風與宗風並扇。只如道舊歲已去，新歲到來，未審去從向去，來自何來？如斯評論轉見諸訛，敢問大衆衲衣下一著子，還有增添去來也無？於斯會得，便見臘盡陽和無影，樹春回花發不萌。枝上堂五月榴花照眼明，薰風啼鳥徧巖

腐機先一著無玄妙切忌當人認色聲記得夾山會禪師示衆曰目前無法意在目前不是目前法非耳目之所到天童覺曰夾山老子解開布袋將差珍異

寶撒向諸人面前了也正當恁麼時又作麼生路不拾遺君子稱美大衆據此夾山天童二老師見處一檢點將來總成漏逗鳳山分上則不然若是色見聲求即非家珍了知目前無一法頭頭物物總相應其或未然更聽末後一句道泰不傳天子令時清休唱太平歌三十五年七月太宗文皇帝嗣登寶位奉使日本國往宣聖化二年回與同使官僚備奏皇情大悅恩寵之隆有加四年以僚佐諸繫於囹圄百餘日師坦然無慮上知其非罪宥之六年春奉旨就鍾山建普度大齋命師說法聽者數萬人十一年赴北京朝賀奉旨於慶壽建齋賜資尤加宣德三年師年七十六表辭歸山宣宗章皇帝憫其誠遣內官護送南還天界寺西菴養老七年臘月八日示微疾辭衆說偈跌坐而逝上遣官致祭有文春秋八十一僧臘六十有五闍維之日烟焰五色仙鶴翔

空異香縹緲官貴四衆萬餘人咸歎希有火後收舍利圓紅者無算建塔于應天府安德門外勅賜塔所爲鷲峰禪寺

封龍就禪師法嗣

西京天慶寺息菴義讓禪師眞定李氏子卅歲薙落通參宗匠末後往封龍山扣古巖之室巖深器之至治二年開堂天慶次遷熊耳之通相泰山之靈巖洛之嵩少僧問無功之功還有偏正否師曰偏正歷然曰如何是無功底偏正師曰石牛吐出三春霧靈鳥不棲無影林問如何是直指人心師曰舌在口裏曰如何是見性成佛師曰金屑雖貴落眼成塵曰如何是莫向言中取則師曰道火何曾燒著口曰如何是句外明宗師便打曰因甚便打某甲師曰你要我句內明宗麼庚辰夏遘疾乃命門人曰斯疾不可起也吾往必矣至五月十一日付後事書偈曰來時本靜去亦圓周虛空作舞任意優遊右脇而化

青原下二十七世

少室才禪師法嗣

南陽府萬安寺松庭子嚴禪師河南之古緱氏縣樊姓幼多疾病父母憐之許以從釋禮齊雲於少林十八受具師聰敏過人博通內外典凡詩文之類不學而能援筆立就碩師鉅儒無不以法器期之初參江月炤次參息菴讓蒙示禪要有所警發後參淳拙禪師拙以寶鏡三昧反覆徵辯大豁疑礙拙曰荷擔大法盡在子躬遂付以衣法有五乳峯頭獅子子光前耀後自超群之句時南陽府萬安虛席延師主之明洪武二年己酉主少林力田給衆偈曰亂後歸來自釋耘生涯辛苦與誰論晝拈塊石驅山鳥夜坐巢菴逐野豚腸斷秋風頻擊柝目窺夜月暗銷魂近來始識農夫苦一飯仍恩施主恩僧問地藏栽禾博飯與和尚是同是別師曰欄干雖共倚山色不同觀曰百丈開田說義但展兩手意旨如何師曰雖然無語其聲如雷曰和尚又作麼生師曰晝拈塊土驅山鳥夜坐巢菴逐野豚問嚴頭參洞山不肯洞山嗣德山不肯德山巖頭有甚長處師曰若肯二師則孤負二師去也曰他道洞山古佛只是無光是若何師曰渠却

有光不是古佛問和尚陞座秦封槐因基不來聽法師曰疑情早已斷何須更見人十三年冬周王殿下敬爲國母慈孝皇后資悼冥福命師陞座說法賜僧伽黎以旌異之後退老閒居示寂未詳

靈谷謙禪師法嗣

祖派圖以師嗣清遠謂者非是蓋錯以報國謙爲靈

谷謙也

南京靈谷潔菴正映禪師撫州金谿洪氏子幼入安仁三峰爲沙彌洪武十九年試經得度謁靈谷異中謙禪師方入門懷中香忽墮地遂有省謙命領維那謙沒往天界參雪軒軒命典藏會有旨云泉州開元寺僧臨難選的當人住持乃闍選而出及引見帝曰著你去倣住持如今倣住持難善則欺侮你惡則毀謗你但清心潔已長久欽此師奉勅來院洪武三十一年六月開堂僧問法筵肇啓四衆具瞻皇恩佛恩如何普報師曰甘露泉開流大地曰報恩一句蒙師指西來祖意若爲宣師曰庭前石塔聳寒空曰遍界不曾藏師曰汝見個甚麼曰某甲終不敢自瞞師曰切莫眼花又僧問如何是和尙爲人一句師曰

兔角杖挑天上月龜毛拂散海濱雲曰恁麼則龍天
胥慶僧俗歸仁去也師曰且合取口僧禮拜師乃曰
山僧蒙恩點住此刹親蒙天語丁寧付以清心潔
已四字此是傳佛心印亦是鎮海明珠山僧既已頂
戴南來亦要普施大衆大衆須知世法佛法落霞與
孤鶩齊飛古佛今佛秋水共長天一色天心罔測山
益高而海益深聖語難窮天普蓋而地普載大衆作
麼生會聖意去莫是不染世塵麼莫是不貪法味麼
莫是不飲無爲酒不坐涅槃床麼若恁麼會非則不
非是則未是山僧今日不敢久秘未免當堂指出去
也木人舞出法堂前一任炎天飛白雪師居數載百
廢俱修永樂元年朝京回福州諸山舉住雪峰雪峰
屋老敝已甚不堪仍舊師一舉而新之人咸以爲應
雪峰再來之識洪熙元年得旨住持靈谷宣德元
年擢僧錄司左講經卒于靈谷有語錄名古鏡三昧
行于世

天慶讓禪師法嗣

陝州熊耳山崧溪子定禪師偃師馬氏子七歲禮古

嚴祝髮迨巖遷化往參息菴菴命主藏因白事次言
下豁然大悟出世熊耳山小參宗門中事號曰單傳
一心之外更無餘法只爲此土衆生好在言句中著
到甘在道理中埋殺于一心之法轉增迷悶所以初
祖西來打破舊日窠臼闢開別樣乾坤非是好奇立
異祇是見病與藥非爲得已如初祖一到少林三緘
其口九年面壁坐斷一切枝葉單提向上巴鼻任你
窺伺無門鑽研不入者裏不可以有言會不可以無
言會不可向格內通不可向格外通直須忘情泯見
方可得其心髓既得其心髓則諸佛之法印列祖之
命脉無出于此按一指而地轉天旋行一令而山崩
海竭又安用割截虛空巧立門庭隨波逐浪別生枝
節哉今日許多禪和不知務本只尋枝摘葉過日不
知有甚用處如洞山玉線金針大似花前弄影臨濟
三玄三要無非醉後添杯諸人還看得破麼良久曰
夜靜水寒魚不食滿船空載月明歸一日示疾謂門
弟子曰吾世緣已畢順化時至矣末後一句聽吾分
付遂默然入寂

青原下二十八世

萬安嚴禪師法嗣

嵩山少室凝然了改禪師鍾秀於嵩陽金店之茂族
自韶亂年繫念空宗知有已躬下事遂依止少林二
十始納僧服初參月印於香山涉歷寒暑鮮克契人
會松庭禪師住天慶師往依之每以已事咨叩一日
庭上堂曰一言迥脫獨拔當時師當下釋然舉似庭
庭印之歸隱二祖菴洪武二十三年請主少室上堂
祖師心印不是有言不是無言不是有知不是無知
豈可向言句下研窮意識中揣度哉昔日祖師初來
取得久遠滯貨無人承當只得九年面壁後來二祖
却似癡猿捉月來問安心這老漢也是憐兒不覺醜
向他道將心來與汝安二祖便爾承虛接響喚作得
隨看來也好與三十棒何故纔動唇吻便隔千山諸
人還會麼咄山僧今日恁麼道也好與三十棒永樂
十九年無恙忽召衆叙別說偈而逝

青原下二十九世

少室改禪師法嗣

嵩山少室俱空契斌禪師平陽坦曲人參凝然求示
心要朝夕咨扣一日觀秦封槐豁然契悟徑回侍次
然一見謂曰契斌參得禪也師便喝然曰喝作麼師
曰和尚何得以賊認人然曰趙州勘破婆子婆子敗
缺在甚麼處師曰一對無孔鐵鎚然曰如何是趙州
意師曰荊棘林中重加陷穽然曰石頭書亦不通信
亦不達是何意旨師曰千里同風然曰青原垂足又
作麼生師曰福事禍事然曰洞上一宗密在爾躬矣
景泰四年主少室僧問如何是空劫已前事師曰鳥
龜向火問如何是正中偏師曰夜半烏鷄帶雪眠曰
如何是偏中正師曰老翁抱著石烏龜曰如何是正
中來師曰出匣吹毛寒逼天曰如何是兼中至師曰
公孫舞劍難思議曰如何是兼中到師曰黑狗銀蹄
無處討曰五位既蒙師指示少林直指事如何師曰
沙裏無油麥中是麵

繼燈錄卷第一

繼燈錄卷第二

鼓山嗣祖沙門 元賢 輯

臨濟宗

南嶽下十八世

鼓山永禪師法嗣

臨安府淨慈晦翁悟明禪師福州人上堂舉夾山會下一僧到高亭纔禮拜亭便打僧曰特來禮拜何得打某甲僧再禮拜亭又打越僧回舉似夾山山曰會麼僧曰不會山曰賴汝不會汝若會卽夾山口啞應菴拈曰高亭一期忍俊不禁爭奈拄杖放行太速者僧當時若是個漢莫道高亭夾山便是達磨大師出來也斬爲三段何故家肥生孝子國霸有謀臣師曰高亭夾山門庭施設各得其宜但中間一人較些子應菴與麼道也是牽縣茶瓶師纂修聯燈會要傳於叢林

靈隱善禪師法嗣師嗣有王光會元無出今收入補燈

福州雪峰藏叟善珍禪師泉州南安呂氏子謁妙峰於靈隱入室悟旨出世里之光孝升承天雪峰復以

朝命遷主育王及徑山上堂盡大地是紫磨金身諸人終日開眼覷見釋迦老子心肝舉步築著釋迦老子鼻孔說有說無是誑說生說滅是誘說卽心非心是妄不誑不謗不妄春風吹落桃李花淡煙疎雨籠青嶂嘗自題其像曰參禪無悟識字有數眼三角似燕山愁胡面百摺如趙婆呷醋一著高出諸方敢道飯是米做除夜小參舉僧問古德年窮歲盡時如何德曰依舊孟春猶寒師曰古德怎麼答話只怕諸人忘却今日忽有人問年窮歲盡時如何拈棒便打待他道因什麼打某甲卽向他道更要我道孟春猶寒那上堂春雪寒春宵短古佛心破燈盞正法眼乾紙撚抖搜精神只管看看到北斗西移南斗東轉上元依舊正月半嘉定丁丑示寂

吉安府龍濟院友雲宗鑒禪師廬陵王氏子初依妙峰一日峰上堂拈拄杖曰釋迦老子來也諸人還見麼微妙淨法身具相三十二放下拄杖曰你諸人不會入涅槃去也師於言下豁然後登吉水之佛頂峰得修山主古寺以居焉木食澗飲夙夜危坐或雪寒

無宿火啖菖獨數寸度日管口占以自遣曰山僧有分住煙蘿無米無錢莫管他水似琉璃山似玉眼前盡有許多妙峰寄法衣竹笠并其肖像以付師峰自題其像曰妙峰孤頂草離離橫按竹笠三尺鐵只許佛頂龍濟知父子不傳真秘訣師嘗書門以示來參曰除却眼耳鼻舌身意那個是你自己若也道得許你親見龍濟來其或未然且居門外雪巖和尚見而問曰曾接得幾人師曰山僧從來不會按牛頭喫草僧問臘月三十日到來時如何師曰門前無索債人忽示疾集衆囑後事復彈指一聲曰只此是別衆語也侍僧請留頌不答至夜分遽索筆書曰一燈在望更無言說大地平沉虛空迸裂遂坐逝

杭州淨慈東叟仲穎禪師上堂切忌隨他覓無勞向已求縱橫活潑潑有放還有收是什麼一葉落天下秋嘗頌長慶總似今日老胡有望曰天高鴻雁侵雲舉地肅蛩螢入草鳴渾是一秋風景裏客愁幾逐異鄉情

淨慈簡禪師法嗣師育王光會元無出今收入補燈

慶元府育王物初大觀禪師明之鄞縣陸氏子初依北澗於南屏一日入室次機語契合遂大發明後出世屢遷名利晚主育王上堂一冬二冬你儂我儂暗中偷笑當面脫空雖是尋常茶飯誰知米裏有蟲夜來好風吹折門前一枝松上堂用黑豆法換人眼睛如恒河沙會火爐頭話能有幾個九九三世諸佛不知有翻身踢倒五須彌何用法身藏北斗藏北斗分明向外揚家醜上堂塵劫來事只在今時當斷不斷斗換星移拈拄杖卓一下曰花須連夜發莫待曉風吹上堂舉龐居士問馬大師不與萬法爲侶是什麼人大師曰待汝一口吸盡西江水卽向汝道師曰大小祖師只知開口易不覺舌頭長當時若問育王但曰若要向汝道直待虚空落地自然出他一頭何故車不橫推理無曲斷上堂達磨正宗衲僧巴鼻充塞虚空無處迴避堪笑迷流白曰青天開却眼只管瞌睡更有黃面老人不識好惡入泥入水却道我於燃燈佛所無一法可得而爲我授記何異好肉剜瘡空花求蒂異竟如何悉喇悉喇既順世塔於寺之西

菴

徑山瑛禪師法嗣師嗣育王光會元無出今收入補燈

臨安府淨慈偃溪廣聞禪師福州侯官林氏子初參浙翁鍼芥難投復遍參諸方及再參浙翁于徑山翁笑迎曰汝來耶一夕坐簷間聞更三轉入室曳履而蹶如夢忽醒翌朝造室翁舉趙州洗鉢孟話師將啓口翁遽止之平生疑碍氷釋紹定戊子出世小淨慈歷住香山萬壽雪竇育王淨慈靈隱徑山上堂舉趙州示衆曰老僧三十年前在南万火爐頭有個無賓主話直至如今無人學著師拈曰森羅萬象明暗色空日夜舉揚趙州古佛不是不知只爲貪程太速上堂雲門放洞山三頓棒嚼飯餒嬰兒黃檗打臨濟三頓棒按牛頭喫草只今不犯絲毫有個方便良久曰大事爲汝不得小事自家擔當上堂十字街頭石幢子無你遮護處一聲江上侍郎來無你迴避處衲僧家朝出暮入脚前脚後也須仔細忽然築著磕著淨慈拄杖別有分付上堂繞禪牀一匝擊香案一下轉藏已竟講經已竟若具看經眼目方知落處其或未

然依經解義三世佛冤雖經一字還同魔說上堂趙州喫茶去金牛喫飯來龍門多上客有人續得末後句許你入阿字法門景定四年六月十四日示寂壽七十五夏五十八

臨安府靈隱大川普濟禪師明州奉化人題世尊出山相曰龍章鳳質出王宮肘露衣穿下雪峰智願必空諸有界不知諸有幾時空師纂修五燈會元二十卷行世

臨安府徑山淮海原肇禪師楊之通州潘氏子參浙翁翁問何處人師曰淮人曰泗州大聖爲什麼在楊州出現師曰今日又在杭州撞著曰且得沒交涉師曰自遠趨風翁以師警敏欲大激發未容其參堂纔見便曰下一轉語來師擬開口翁卽喝師以頌呈末句有曰空教回首望長安翁曰者裏是什麼所在師曰謝和尚挂搭始就入室之列已而命掌記翁既寂師出世通之光孝後歷主雙塔清涼萬壽萬年江心以朝命遷杭之淨慈靈隱徑山其住徑山通秀山積僧殘屋老未幾樓閣轟霄雲衲踵至不減浙翁全盛

時嘗頌達磨渡江曰踏翻地軸與天關合國人追不
再還去去一身輕似葉長江千古浪如山六月初十
日書偈而逝

婺州雙林介石朋禪師因見郁山主畫像傍僧索讚
師信手書曰拾得驪珠笑眼開爲言塵盡轉生埃若
無直下承當者孤負闍黎一撲來嘗頌明招謙一日
天寒上堂曰風頭稍硬不是汝安身立命處曰稍硬
風頭早已乖更將暖處自沉埋反令千古成踪跡枉
喫羅山白米來

東山源禪師頌蜆子和尙曰紙錢堆裏可憐生臭口
纔開便葛藤蕩盡鬼家窮活計至今古廟絕人行又
頌葉縣省爲僧說栢樹子話曰簷頭滴滴分明歷歷
碧眼黃頭二俱不識識不識普天匝地成狼藉
弁山旰禪師頌李翱參藥山因緣曰貴耳而賤目背
手抽金鏃仰面看青天箭過新羅國

育王瑞禪師法嗣師嗣育王光會元
無出今收入補燈

慶元府瑞巖無量崇壽禪師因僧問世尊觀明星悟
道此意如何師答以偈曰明星一見眼皮穿漢語胡

言萬萬千暴富乞兒休說夢誰家竈裏火無煙

乾元頌禪師法嗣

鼓山檜堂祖鑒禪師懷安徐氏子禮建康鐘山眞禪
師雍度往依晤堂遠禪師服勤五載及歸聞參乾元
頌禪師始得大事了畢出世滌之琅琊無何徙眞之
北山復主資福泉守程公延致承天遷光孝慶元已
未帥府葉公請住鼓山凡七載開禧乙丑謝事明年
五月示疾革侍者請偈師說偈曰平生患語多臨終
更何說盡力舉似人紅爐一片雪遂寂塔於山之西
畚師諱祖鑒續傳
燈誤作宗鑒

天童傑禪師法嗣

夔州臥龍山破菴祖先禪師廣安州王氏子初參密
菴聞上堂語有省後菴住靈隱命師分座有道者請
益曰胡孫子捉不住時如何師曰用捉他作什麼如
風吹水自然成紋住後上堂不是心不是佛不是物
忍俊不禁爲諸人作個撇脫拈拄杖卓一下曰流水
暗消溪畔石勸人除却是非難

臨安府靈隱松源崇嶽禪師處州龍泉吳氏子早歲

慕出世法見大慧於徑山慧陞座稱應菴爲人徑捷師聞之不待旦而行既至朝夕咨請應菴舉世尊有密語迦葉不覆藏師曰鈍置和尚菴震威一喝師有省菴大喜以爲法器隆興初師始得度入閩見木菴菴舉有句無句如藤倚樹師曰裂破菴曰琅琊道好一堆爛柴聲師曰矢上加尖如是應酬數反菴曰吾兄下語老僧不能過其如未在他日拂柄在手爲人不得驗人不得師曰爲人者使博地凡夫一超入聖域固難矣驗人者打向面前過不待開口已知渠骨髓何難之有菴舉手曰明明向汝道開口不在舌頭上後當自知逾年見密菴於西山隨問卽答菴微笑而已師切於究竟至忘寢食會密菴入室次問僧不是心不是佛不是物話師侍側豁然大悟乃曰今日方會木菴道開口不在舌頭上自此機辯縱橫旋出世於平江澄照徙光孝治父薦福香山虎丘慶元三年被旨補靈隱上堂大凡扶豎宗乘須具頂門正眼懸肘後靈符只如寶壽開堂三聖推出一僧寶壽便打三聖道與麼爲人瞎却鎮州一城人眼去在寶壽

擲下拄杖便歸方丈二尊宿等閑一挨一拶便乃發明臨濟心髓只是不知性命總在者僧手裏還有檢點得出者麼昔年覓火和煙得今日擔泉帶月歸示衆古者道拈起也天回地轉放下也草偃風行治父則不然拈起也乾坤黯黑放下也瓦礫生光忽有一個半個驀然戳瞎頂門達磨一宗未至寂寥在示衆舉臨濟如蒿枝拂相似公案雪竇曰臨濟放處太危收來太速師拈拄杖曰臨濟據令而行不知孤負黃檗雪竇盡力擔荷也只見得一邊且道薦福節文在什麼處擲下拄杖示衆舉汾陽曰識得拄杖子行脚事畢師曰汾陽雖是開口見膽未免落在第二頭薦拈拄杖曰者個不得喚作拄杖子漆桶參室中垂語曰是風動是幡動僧擬議師便打出又曰不是風動不是幡動僧擬議師亦打出又曰有力量人因甚擡脚不起又曰開口不在舌頭上又曰明眼衲僧因什打失鼻孔有賊無賊○僧問如何是一同一質師曰裂破曰如何是二同大事師曰一毛頭上定乾坤曰如何是三總同參師曰蝦蟇蚯蚓跛鼈盲龜曰如何

是四同眞智師曰一不成二不是曰如何是五同徧
普師曰大地撮來無寸土曰如何是六同具足師曰
猶欠一著曰如何是七同得失師曰入泥入水曰如
何是八同生殺師曰自救不了曰如何是九同音吼
師曰八角磨盤空裏走曰如何是十同得入師曰寒
山逢拾得曰與什麼人同得入師曰胡張三黑李四
曰與誰同音吼師曰狸奴白牯曰作麼生同生殺師
曰德山棒臨濟喝曰什麼物同得失師曰草裏覓曰
阿那個同具足師曰信手拈來著著親曰是什麼同
徧普師曰針鋒影裏騎大鵬等閑挨落天邊月曰何
人同眞智師曰黑山鬼窟曰孰與總同參師曰燈籠
入露柱曰那個同大事師曰嘉州大象陝府鐵牛曰
何物同一質師曰盤脫丘師退居東菴俄屬微疾因
書偈曰來無所來去無所去警轉立關佛祖罔措踟
跌而寂塔全身於北高峰之原

慶元府天童枯禪自鏡禪師長溪高氏子受業泉州
法石後遍參諸方得旨於密菴出世寧德鳳山嘉定
癸未移鼓山鑄洪鐘有挂鐘偈曰一模脫就轉風流

平地教他不肯休要得洪音喧宇宙直須更上一層
樓頌鵝湖因唐憲宗詔問如何是佛性曰因地而倒
因地起離地求起無是理不離所問語雖親認著依
前還不是紹定己丑移眞州北山後移天童甫至而
寂建塔天童

饒州薦福曹原生禪師南劍人嘗詠靈雲石曰雲去
復來非有意雲來復去亦無心有無截斷靈何在突
兀一峰青到今頌長沙與仰山翫月曰浮雲散盡月
當空兔子懷胎產大蟲跳出風前弄牙爪至今撼動
廣寒宮頌僧問古德生死以何爲舟航曰年盡不燒
錢鼠穴被蛇穿直饒玄會得對面隔西天

太平府隱靜萬菴致柔禪師潮州陳氏子上堂舉天
衣懷禪師雁過長空影沉寒水話頌曰長空孤雁一
聲秋獻寶波斯鼻似鈎風捲白雲歸別嶂黃昏月挂
柳絲頭又頌倩女離魂曰憶昔春風上苑行欄窺紅
紫厭平生如今再到曾行處寂寂無人草自生頌南
泉與歸宗麻谷同去參禮南陽國師曰金鍼繡出玉
鴛鴦石女擎來不覆藏剛被木人偷眼覷至今兩兩

不成雙

臨安府淨慈潛菴慧光禪師有化鹽偈曰合水和泥
一處烹水乾泥盡雪花生乘時索起捺天價公驗分
明孰敢爭頌楞嚴經佛謂阿難見見之時見非是見
曰雨洗淡紅桃萼嫩風搖殘碧柳絲輕白雲影裏恁
石露綠水光中古木清

侍郎張鑑居士號約齋字功甫忠烈王諸孫官直秘
閣學士造密菴籌室蒙菴垂示因舉狗子話忽聞鐘
聲悟入偈曰鐘一撞耳根寒赤肉團邊去個賊有人
問我解何宗舜若多神面門黑以書告其悟由菴肯
之尋掃軌休閒徜徉南湖之小園或幅巾曳杖嘯歌
往來澹然忘歸嘗曰昔賢有云不爲俗情所染方能
說法度人蓋光明藏中孰非遊戲若心常清淨離諸
取著於有差別境中能常入無差別定則淫房酒肆
徧歷道場鼓樂音聲皆談般若倘知因物隔境逐情
移如鳥粘翹動傷軀命又烏知所謂說法度人者哉
後捨宅建慧雲寺請密菴開山

天童觀禪師法嗣

師嗣淨慧一會元
無出今收入補燈

平江府虎丘伽堂善濟禪師讚魚籃觀音像曰雲鬢
濃粧苦強顏爲他閒事入塵寰攜來活底無人買祇
作尋常死貨看

天童頌禪師法嗣

師嗣焦山體會元
無出今收入補燈

臨安府靈隱荆叟如玉禪師婺州人初參痴鈍於鍾
山嘗呈偈曰鍾山白刃赤身挨幾度曾經被活埋一
自人亡家破後了知無位可安排鈍肯之住後上堂
新歲擊新鼓普施新法雨萬物盡從新一一就規矩
普賢大士忻歡乘時打開門戶放出白象王徧地無
尋處拈拄杖曰惟有者個不爲故新等閒開口吞却
法身擲下曰是什麼千年桃核裏元是舊時仁端平
春自育王升徑山小參我此一宗正令全提如暴風
卒雨鼓蕩無前石火電光追奔不及舉意即迷源擡
頭已蹉過不是目前法莫生種種心縱汝三種互修
尅期取證第一頭第三首高拄千撐轉見氣急殊不知
觸體未具已眼先明呱地一聲干了百當然雖知如
是親證者萬中無一二錯會者數有恒河沙僧問如
何是佛師曰爛冬瓜復成頌曰如何是佛爛冬瓜咬

著冰霜透齒牙根帶雖然無害子一年一度一開花
佛成道日頌曰六年雪嶺方成道打失從前鬼眼睛
滿面慚惶無著處至今生怕是明星

萬壽觀禪師法嗣師嗣大洪證會元無出今收入補燈

杭州黃龍無門慧開禪師杭州梁氏子參月林看無
字話六年無省乃奮志赴責誓曰若去睡眠爛却我
身一日在法座邊立忽聞齋鼓聲有省偈曰青天白
日一聲雷大地羣生眼豁開萬象森羅齊叩首須彌
踴跳舞三臺次日入室欲通所得林遠曰何處見神
見鬼了也師便喝林亦喝師又喝自此機語脗合淳
祐六年奉旨開山護國仁王寺上堂是非長短耳邊
風切莫於中覓異同要得人風吹不動放教心地等
虚空慈雲老人只解順水張帆不能逆風把柁黃龍
又且不然是非都去了是非裏薦取何故響幾度黑
風翻大浪未曾聞道釣舟傾屬歲大旱宋理宗召師
祈雨還而默坐帝遣內侍問之師曰寂然不動感而
遂通既而大雨賜號佛眼禪師
潭州石霜竹巖妙印禪師對月看經偈曰未動舌頭

文彩露五千餘卷一時周若言待月重開卷敢保臘
年未徹頭

南嶽下十九世

雪峰珍禪師法嗣

杭州徑山元叟行端禪師台之臨海何氏子初參藏
叟於徑山叟問你是什處人師曰台州叟便喝師展
坐具叟又喝師收坐具叟曰放汝三十棒參堂去師
於言下豁然頓悟一日侍次叟曰我泉南無僧師曰
和尚響叟便棒師接住曰莫道無僧好叟頷之即延
入侍司及叟告寂即至淨慈依石林鞏禪師林處以
記室復參雪巖巖問何處來師曰兩浙巖曰因甚語
音不同師曰合取鼻孔巖曰賴徑橋高集雪峰峻未
識書記在師拍手曰鴨吞螺螄眼睛突出巖笑顧謂
侍者曰點好茶來師曰也不消得遂送師居蒙堂大
德四年庚子出世湖之資福學徒奔轅名聞京國特
旨賜慧文正辯禪師次主中天竺皇慶壬子遷靈隱
有旨設水陸大會於金山命師陞座說法加賜佛日
普照至治壬戌補徑山泰定甲子上為降璽書作大

護持仍賜金襴袈裟師至是三被金襴之賜僧問三聖和尚道我逢人則出出則不爲人興化和尙道我逢人則不出出則便爲人意旨如何師曰雞銜燈籠走鼈咬釣魚竿僧曰爲人不爲人則且止如何是逢人出底句師曰知僧曰逢人出不出則且止如何是爲人底句師曰切問如何是正法眼藏師曰十字街頭石敢當曰莫只者是麼師曰月似彎弓少雨多風僧參師問曰何方聖者甚處靈祇曰臨朕碁師曰杜撰禪和如麻似粟參堂去又勸一僧曰棋盤石打破你腦門鉢盂池浸爛你脚板僧擬答師便喝又勸一僧曰劈開華嶽連天秀放出黃河徹底清卽且置平實地上道將一句來僧擬開口師便打上堂卽心卽佛蜜果換苦葫蘆非心非佛寶器貯於不淨不是心不是佛不是物鄭州出曹門且喜沒交涉拈拄杖曰拄杖子鑽過北鬱單越走向西瞿耶尼今向翔鳳山中興雲吐霧去也卓一卓曰大洋海底火發燒却嘉州大像領下眉毛復卓一卓下座上堂三世諸佛拈向一邊六代祖師置之一壁十二時中且要識得

自家主人翁隨處作主立處皆眞五欲八風搖撼不動四生九有籠罩不住方有少分相應我且問你著衣喫飯屙屎送溺行住坐臥見聞覺知且阿那個是你主人翁有般漢便向第八識裏妄生卜度便道呼之有聲不見其形只今言談抵對歷歷孤明豈不是我自家主人翁錯了也此是無量劫來生死根本無始劫來業識痴團使得你七頭八倒役得你萬苦千辛豈可認以爲實降此之外畢竟阿那個是你主人翁復高聲喚曰主人翁惺惺著上堂古戍朝鳴角空山夜答鐘時人皆共聽何處不圓通元宵上堂并謝監收浴主維那千粒萬粒從一粒生只者一粒從甚麼處生千燈萬燈從一燈起只者一燈從甚麼處起識得一燈千燈萬燈燈燈不疑識得一粒千粒萬粒粒粒無碍三脚驢子弄蹄行踏破無邊香水海拈拄杖卓一卓曰頂門上也少者一槌不得至正辛巳八月四日書偈訣衆曰本無生滅焉有去來冰河發焰鍊樹花開投筆垂一足而化奉全身空於寂照塔院

淨慈顯禪師法嗣

溫州江心一山了萬禪師撫州臨川金氏子年十五業程文有聲然出家素志莫能奪去從金溪常樂院祝髮東叟領南屏擇師掌記師偶經神祠見紙灰隨風旋起脫然忘所證亟以白叟叟詰之終無疑滯遂蒙印可後遊天台衆請開法寒巖遷紫籙疎山開先升住江心少不滿意輒棄去會廬山月澗明禪師遣舟迎歸東溪及明沒開先之衆復請乃回開先皇慶元年冬遺疾書訣坐逝

明州岳林栢堂益禪師溫州人上堂古者道我者裏無法與人只是據款結案彰聖者裏亦無法與人亦不據款結案拈拄杖曰如何是佛赤腳踏蓮花如何是佛向上事雕梁畫棟擲下拄杖便歸方丈二月十五日上堂擊拂一下曰彰聖今日將三十年前冷灰中爆出黑豆換老胡眼睛去也喝一喝曰設有一法過於涅槃我此一喝不作一喝用

育王觀禪師法嗣

洪州仰山晦機元熙禪師南昌唐氏子與兄元齡俱習進士業元齡既登第師遂祝髮聞物初闡化玉几

往依之初與語大驚異之留侍左右朝夕咨叩盡發其秘後謁東叟穎公於南屏穎命掌記元貞二年出世百丈遷淨慈上堂雲門道個普字盡大地人不奈何殊不知雲門四稜塌地當時若與震威一喝待此老惡發徐徐打個問訊道莫恠觸忤好非徒救取此老亦能振起雲門綱宗雖然口是禍門上堂三界無法何處求心白雲爲蓋流泉作琴古今無間誰是知音擊拂子曰一曲兩曲無人會兩過夜塘秋水深上堂獨坐大雄峰寒灰撥不紅一星熒火出孤鶴過遼東遷徑山閱三月師杖策歸南山之下復起之不往也江西學者聞師退閒咸傾誠法味以致百丈大仰之徒爭來請師師辭不獲已遂還徑山居二年將示寂作偈示衆擲筆化去大仰山之下有金雞石者應馬大師懸識故葬焉

淨慈聞禪師法嗣

杭州徑山雲峰妙高禪師福寧州人受具後往參痴絕次見無準皆器之及參偃溪一日溪舉譬如牛過懸欄頭角四蹄都過了因甚尾巴過不得師劃然有

省乃曰鯨吞海水盡露出珊瑚枝溪曰也只道得一半後出世大蘆遷勸忠何山復奉朝命住蔣山至元庚辰遷徑山上堂世界未形乾坤泰定生佛未具觀體全真無端鏡容大士鴈巢躍出劈破面皮早是遭人描邈那更缺齒老胡不依本分遙望東震旦有大乘根器迢迢十萬里來意在攬行奪市直得鳳堂鼓響阿闍鐘鳴轉喉觸諱插脚無門合國難追重遭許露斯徑山道不得已跨他船舫入他界分新官不理舊事畢竟如何拍禪牀曰戊樓靜貯千峰月塞草閒鋪萬里秋上堂五峰峭峙到者須是其人一鏡當空無物不蒙其照祖師基業依然猶在衲僧活計何曾變遷著手不得處正要提撕措足無門時方可履踐直待山雲淡泞澗水潺湲一曲無私萬邦樂業正恁麼時功歸何所車書自古同文軌四海如今共一家示衆言前辯旨句下明宗東計山熾然說法湛瀆水轉爲流通者裏構得未免邇相鈍置若尙存觀聽擾擾勿勿晨雞暮鐘時有譖毀禪宗者師嘆曰此宗門大事吾當忍死爭之遂趨京有旨集諸宗徒廷辯上

問禪以何爲宗師奏曰淨智妙圓體自空寂非見聞覺知思慮分別所能到上宣問再三師歷舉西天東土諸祖以至德山臨濟棒喝因緣大抵言禪是正法眼藏涅槃妙心趨最上乘孰有過於禪詞旨明顯餘二千言又宣進揚師同百法論師仙林賜坐使各持論林曰始從鹿野苑終至跋提河於是二中間未嘗說一字五千餘卷自何而來師曰一代時教如標月指了知所標畢竟非月林曰如何是禪師以手打一圓相林曰何得動手動脚師曰只者一圈尙透不得說甚千經萬論林無語上大悅賜食陞辭南歸示寂塔於寺之西麓

明州天童止泓鑒禪師頌大陽無相道場話曰真空無相絕名模立底精兮畫底龜道即不難辭上紙西天鬚子絕髭鬚

雙林朋禪師法嗣

杭州靈隱悅堂祖閭禪師南康周氏子一日閱華嚴至惟一堅密身一切塵中現忽有省往見別山山問近離什處師曰江西山曰馬大師安樂否師叉手曰

起居和尚參斷橋問臨濟三遭黃檗痛棒是否師曰是曰因甚大愚肋下築三拳師曰得人一半還人一半馬橋領之橋逝而介石補其處一日室中學栢樹子話師擬議石抗聲曰何不道黃鶴樓前鸚鵡洲師於言下頓悟久之歸廬山出世西林大德九年住靈隱嘗勸一僧曰微塵諸佛在汝舌上三藏聖教在汝脚底何不警地僧罔措師便喝又勸一僧曰釋迦彌勒是他奴他是阿誰僧擬對師便打一僧新到師問何處來曰閩中師曰彼處佛法如何住持曰饑則吃飯困則打眠師曰錯曰未審和尚此間如何住持師拂袖歸方丈居四歲訣衆偈曰緣會而來緣散而去撞倒須彌虎空獨露遂逝

靈隱濟禪師法嗣

慶元府雪竇野翁炳同禪師新昌張氏子首從痴絕於天童次造大川之室川舉臘月火燒山話師擬對川拈竹筴遽挂之有省隱跡仗錫閉戶書法華經有老來非厭客靜裏欲書經之句時雪竇虛席衆堅請師往赴至壬寅八月十五日陞座語衆勸勵極切蓋

示別也衆請留偈笑而不應至夕而逝

薦福璨禪師法嗣

福寧州支提山愚叟澄鑑禪師本州寧德張氏子依政和龍山剎落參無文璨禪師遂入其室初住白雲至元二十年世祖勅賜住持支提賜號通悟明印大師後示寂書偈曰八十二年落賺世緣躍翻筋斗應跡西乾沐浴更衣趺坐而逝

臥龍先禪師法嗣

臨安府徑山無準師範禪師劍州梓潼雍氏子九歲出家請益老宿坐禪之法宿曰禪是何物坐底是誰師晝夜體究一日如廁提前話有省謁育王佛照炤問何處人師曰劍州炤曰帶得劍來麼師隨聲便喝炤笑曰者烏頭子也亂做至靈隱時破菴爲第一座同遊石笥菴有道者請益胡孫子話師於侍傍大悟初住明州清涼遷焦山雪竇育王後受詔主徑山上堂靈山指月曹溪話月遞代相傳證龜成鼈範上座尋常有一張口挂在壁上未曾動著今日無端入者行尸事到如今只得東簾西簾未免拈起多年曆日

於中點出些子悞賺處說似諸人且要郭大李二鄧四張三知得江南兩浙春寒秋熱雖然如是黃河三千年一度清上堂若是個事直是省要易會多是諸人自作艱難自作障礙所以有時東廊西廊見諸人問訊和南山僧便乃低頭相接其實無他只要諸人識得長老是西川隆慶府人氏若識得去便與諸人打些鄉談說些鄉話如今且未說你識得長老且各自知得自家鄉貫也得還知麼明州六縣奉化八鄉上堂名不得狀不得取不得捨不得只恁麼得且道得個什麼三人證龜成鼈理宗召入修政殿奏對詳明賜金襴僧伽衣又宣詔慈明陞座說法帝垂簾而聽賜號佛鑑淳祐己酉三月旦日疾作遂陞座謂衆曰山僧既老且病無力與諸人東語西話今勉強出來將從前說不到底盡情向諸人抖搜去也遂起身抖衣曰是多少便歸方丈十五日集衆遺囑至十八日黎明書偈曰來時空索索去也赤條條更要問端的天台有石橋移頃而逝塔全身於圓照菴臨安府靈隱石田法薰禪師眉山彭氏子初遊石霜

禮雷遷塗述偈曰一念慈容元不隔何須特地肆乖張平高就下婆心切惱得雷公一夜忙師名因是大著聞穹窿破菴道望遂往依焉菴室中舉世尊拈花迦葉微笑師曰焦磚打著連底凍赤眼撞著火柴頭菴陰奇之初住蘇之高峰遷楓橋鍾山淨慈靈隱示衆但得本莫愁末喚什麼作本喚什麼作末松栢千年青不入時人意牡丹一日紅滿城公子醉山僧恁麼道若有不肯的是我同參弟子師俊繪師像求讚有曰末後一句分付厨山衆頗訝之明日忽示疾退歸寶壽趣辦終焉計辦畢即趨寂空全身於院之後山

南康府雲居即菴慈覺禪師蜀人舉僧問葉縣如何是學人密用心處縣曰鬧市鞦韆子曰意旨如何縣曰普請衆人看師頌曰鞦韆鬧市衆人看一陣清風吹面寒定亂不須雙刃劒活人何必九還丹師始登雲居時先一夕宿瑤田庄夢伽藍安樂公謂曰汝與此山祇有一粥緣明日午後至寺晚參罷會同袍二僧鬪狠聞於寺司凡新到例遭斥逐師深切疑訝後

數年蜀士有宦達於朝者與師親故以雲居虛席請師補其處師欣然承命將復徵往夢竟至瑤田庄而寂

靈隱獻禪師法嗣

慶元府天童滅翁文禮禪師杭之臨安阮氏子家天目山之麓師生六歲携籃隨母採桑俄而寤念携籃者誰耶遂懷出家志十六得度參混源源舉現成公案放汝三十棒話不契謁佛炤炤問怎麼來者那個是你主人翁師豁然領旨他日炤問是風動是幡動者僧如何師曰物見主眼卓豎又問不是風動不是幡動甚處見祖師師曰揭却腦蓋炤喜其俊邁俾掌書記久之聞松源唱道饒之薦福室中問僧不是風動不是幡動僧擬議即棒出師聞之頓忘知解往參蒙印可嘉定五年開法臨安之慧雲遷能仁淨慈室中每舉南山篲笋東海烏鰂話學者擬議師輒督牙三下莫有湊泊之者厥後遷居福泉升住天童開堂日僧問和尚見佛炤時如何師曰石中有玉曰見松源後如何師曰沙裏無油問觀方知彼去去者不至

方意旨如何師曰前不違村後不迭店有來上來者直入方丈曰某甲有狀告投和尚師曰對頭在那裏曰和尚便是師曰老僧與你有什冤讐來無語師捉住曰冤家冤家虎維那參師問汝名什麼曰智虎師退身作怕勢虎擬議師便歸方丈上堂衆生本不曾迷夜闌雞向五更啼諸佛本不曾悟清秋鴈度長空去拍膝一下曰西窓昨夜月華明涼颺已到梧桐樹上堂法不孤起仗境方生境既不存法從何立龍湫瀉千尺瀑且不是境雁峰聳萬丈高寒且不是法明眼衲僧到者裏合作麼生直饒個儻分明山僧棒折也未放在何故殺人刀活人劍上堂事事無碍青山掩映斜陽外法法無差欄前古木開羣鴉君不見太原字上座走天涯楊州五更聞畫角吹斷落梅花直至如今未到家聖節上堂坐琉璃殿垂夜明簾混然一體以難該冥應衆緣而無忒從上以來推尊此位且全身奉重一句如何舉唱妙叶羣機齊入貢從教諸道自分權宏智禪師忌日上堂夜明簾外寶鑑臺前元無兼帶豈有偏圓正恁麼時畢竟誰居止位古

渡無人霜月冷蘆花風靜鷺鷥眠上堂萬松關迥九
龍煙橫谷風傳響澗水流聲若以眼觀耳聽拔舌犁
耕不以眼觀耳聽拔舌犁耕且利害在什麼處若不
同牀睡焉知被底穿師退院迨迨於梁渚之上羣禪
聚叩與住院無異將入寂謂侍者曰誰與我造無縫
塔侍者曰請師塔樣師曰盡力畫不出怡然脫去
常州華藏無得覺通禪師青苗會上堂破一微塵出
大經寫飛魚躍更分明不將眼看將心看已是重敲
火裏冰淹黑豆味平生直到却外話豐登綠成白雪
桑重綠割盡黃雲稻正青

慶元府雪竇大歇仲謙禪師金華義烏應氏子幼見
傅大士心王銘乃誓出家始見息菴菴器之而抑其
銳曰汝儒家習氣不除何能到大休大歇田地宜如
土木人去師朝暮研究有省因以大歇自名既見松
源一日聞舉秘魔擎杈話俄失聲曰爭奈有人不甘
源提竹篋曰打你不甘師擬進語而篋輒至茫未有
措源震聲喝師即豁然

安吉州道場山運菴普嚴禪師讀趙州曰無端提起

七斤衫多少禪人著意參盡向青州做窠窟不知春
色在江南

鎮江府金山掩室善開禪師頌僧問雲門法身曰六
不收一不立清淨法身何處覓夜來一陣吹葉風掃
盡浮雲月照壁又頌淨慈肯堂示衆觀方知彼去曰
孰謂觀方不在方纔開鼻孔便乖張行人要覓長安
路不覺全身在帝鄉

温州鳳翔石巖希璉禪師潮陽馬氏子僧問昔日佛
韶光禪師因孝宗皇帝宣問釋迦入山六年所成何
事韶曰將謂陛下忘却意旨如何師答以頌曰大根
大器大熏修管轉機輪向上頭萬億斯年惟一佛雪
山元不隔龍樓

台州瑞巖少室光睦禪師贊四祖曰破頭峰頂紫雲
飛三却天書老翠微滯貨雖然無用處不應分付小
孩兒頌靈雲見桃花曰一見桃花便墜跟鐵圍生陷
出無門倚牆傍壁知多少一度春風一斷魂

北海心禪師嘗頌唐太宗蛤蚧因緣曰合水和泥底
事忙被渠點破太乖張雖然默契君王意已是全身

入鑊湯頌雪峰拓開門放身是什麼曰同條生兮不同死弟既耳聾兄目瞽家門蕩盡徹骨窮却把黃金如糞土末後句休葬園甜者甜兮苦者苦

諾菴肇禪師嘗頌南泉鐫佛因緣曰兩手持來難蓋覆依前兩手還分付一枕清風眠正濃鳥銜花落巖前路又頌松源示衆明眼衲僧因甚打失鼻孔曰殺人一萬損三千獨弄單提機不全萬頃滄波明月夜一聲短笛釣魚船

臨安府淨慈谷源道禪師嘗頌石頭刻草話曰石頭刻草驗英豪惜懂丹霞眼不高若解轉身行活路至今應不累兒曹

天童鏡禪師法嗣

福州鼓山愚谷元智禪師長溪薛氏子年十八受業於本縣湛然本禪師時枯禪主鳳山師往從之叩請甚勤禪已奇之出嶺謁浙翁琰於雙徑次參少林崧於北山留掌記有聲少林移徑山枯禪嗣其席師喜曰青鳳山前事未竟今竟矣禪主仍掌記俄而機契遂蒙印可嘉熙己亥出住平江薦福遷洞庭翠峰宜

與芙蓉退居靈隱後起住泉之法石未幾遷福州怡山舉其廢癸亥秋移鼓山甫一夏以病告退老東菴咸淳丙寅正月十七日跌坐書偈而化壽七十一臘五十八塔全身於鼓山南院

薦福生禪師法嗣

臨安府徑山痴絕道冲禪師武信荀氏子資性絕人長應進士不第受業於梓州妙音院紹熙三年出峽時曹源出世妙果師往謁聽其入門語有省俾侍左右三年以偈辭遊浙有尙餘一雙窮相手要向諸方癢處爬之句參松源於靈隱源門庭峻絕笠屨八月不獲入室或以失士告源曰我已八字打開挂搭渠自是渠當面蹉過耳師聞其語口耳俱喪徹見曹源於妙果龜峰時嘻笑怒罵皆爲人善巧方便自是不疑天下老和尚舌頭初住嘉興天寧移雪峰方半載

詔移天童育王虛席兼攝住持上堂天童用底來育王用不著育王用底來天童用不著雖然如是用不著不著處用有餘一箭雙鵰隨手落上堂圓覺伽藍塵塵有路坐斷去來頓空今古那裏十三者邊十五後先不差毫髮可笑黃面瞿曇至今不知落處上堂有一人一念頓證墮在佛數有一人累劫闡提不願成佛且道那個合受人天供養良久曰蝶穿芳徑雙眉濕蜂掠殘花兩股肥上堂僧問心佛及衆生是三無差別如何是過去心師曰放待冷來看曰如何是現在心師曰你問我答曰如何是未來心師曰後次上堂向汝道曰如何是過去佛師曰去年梅曰如何是現在佛師曰今歲柳曰如何是未來佛師曰顏色馨香依舊曰如何是過去差別智師以拂子擊禪牀左邊曰如何是現在差別智師以拂子擊禪牀右邊曰如何是未來差別智師以拂子中間點一點僧曰心佛衆生無向背十方利海一毫收便禮拜師乃曰過去心不可得現在心不可得未來心不可得三心既不可得喚什麼作差別智若人見得徹去三世諸

佛無一時不在諸人頂額上轉大法輪更來者裏挨肩竝足討什麼碗以拄杖一時趕散未幾被旨還徑山將示寂謂衆曰無準忌在三月十八吾以十五日行不能辦香修供矣至十四日上堂辭衆舉世尊臨入涅槃告衆曰汝等善觀吾紫磨金色之身瞻仰取足毋令後悔今日卽有明日卽無師曰世尊平生用盡伎倆臨死之際求生不得生求死不得死山僧則不然要行便行要去便去八臂那吒攔不住下座至夜分起坐移頃而逝壽八十二臘六十一茶毗舍利五色者無數靈骨分一半建塔金陵王山菴一半建塔菖蒲田玉芝菴

隱靜柔禪師法嗣

雙杉元禪師嘗頌太宗勸發菩提心話曰萬里謳歌聖化成條風塊雨樂樵耕不因嵩嶽三呼後無象誰知真太平又頌應菴問密菴正法眼話曰五陵公子少年時得意春風躍馬蹄不惜黃金爲彈子海棠花下打黃鸝

華藏淨禪師法嗣

慶元府天童西江謀禪師江南老宿不被黃敕者四十年末路受理宗寵命三錫示衆春日晴黃鸝鳴最親切誰解聽一日將入寂顧侍僧索筆書偈曰一笑翻身日面月面開筆而逝立塔天童

靈隱玉禪師法嗣

杭州中天竺空巖有禪師室中垂語曰黃金鑄就鐵真人東海湧頌曰錦衣公子醉田家熟睡柴牀日未斜熱渴呼漿無所得便將玉帶換甌茶

黃龍開禪師法嗣

杭州護國吳菴宗禪師上堂舉嶽林振禪師示衆曰布袋口開還有買的麼僧曰有林曰不作賁不作賤作麼生買僧無語林曰老僧失利師曰嶽林說個問端也甚奇特及至被人道個有字直得東遮西掩囊藏不迭護國今日布袋口開還有買的麼良久曰欄干雖共倚山色不同觀

温州瞎驢無見禪師嘗頌興化打克賓曰興化打克賓言親語不親棒頭如雨點敲出玉麒麟放牛余居士古杭人淳祐間參無門凡問被門劈面

截住曰不是不是及見吳菴問曰吾師甚麼見解敢對人天顛倒是非菴曰我在無門座下無法可得無道可傳只得兩個字士曰兩字如何說菴曰不是不是士言下始知無門爲人處嘗述是非關其言曰直指人心見性成佛回光返照迥絕遮欄纔擬思量白雲萬里逢人品藻遇物雌黃重古輕今貴耳賤目任伊卜度沉吟未夢見是非關在安吉州沈道婆問是非關有幾句士曰有四句婆曰四句作麼舉士曰第一句有是有非則不可第二句無是非又不可第三句是是非非也不可第四句非是是非亦不可若離得此四句始見本地風光曰我離得否士曰汝離不得曰人人有分我何離不得士曰嫁雞逐雞飛嫁狗逐狗走曰如何是本地風光士曰月子彎彎照幾州幾人歡喜幾人愁曰不問言個風光士曰問那個本地風光曰無男女相底士曰既無男女相問甚是非關曰別有向上事也無士曰有曰如何是向上事士曰馬蝗釘住鷺鷥脚你上天時我上天

孤峰秀禪師法嗣

福州鼓山峻山正凝禪師舒州太湖李氏子受業於黃州雙泉嘉熙初入閩謁孤峰秀禪師於莆之囊山執侍五載盡得其奧旨知藏鼓山分座雪峰寶祐間出世本州釣龍臺遷萬歲己巳十月移鼓山嘗頌世尊臨入滅以手摩胸話曰潦倒瞿曇不識羞臨行猶自逞風流摩胸示衆歸何處啼鳥一聲山更幽又頌金峰枕子話曰天作孽猶可違自作孽不可追又頌德山參龍潭曰潭不見龍不現全身已在空王殿夢回忽聽曉鶯啼春風吹落桃花片咸淳甲戌臘月八日示寂闍維數珠不壞獲舍利於齒中乃別建塔師人聞三十餘年道俗敬慕如親生佛凡得颺利悉作方便事更無儲蓄壽八十四臘四十五

婺州雙林一衲介禪師嘗頌傳大士拔禪頂冠因緣曰非儒非道亦非禪杜撰修行忒可憐擔閣一身三不了至今八百有餘年

容菴海禪師法嗣
師嗣竹林安安嗣竹林實
實嗣顧牛和和嗣天目齊
齊嗣五祖演自齊
以下舍元俱無出

燕京慶壽中和璋禪師一夕夢異僧策杖徑趨方丈

踞師子座天明謂知客曰今日但有旦過當令來見老僧及晚海雲至師笑曰此衲子乃夜來所夢者雲曰某不來而來作麼生相見師曰參須實參悟須實悟莫打野撾雲曰某甲因擊火迸散乃和眉橫鼻直師曰吾此處別雲曰如何表信師曰牙是一具骨耳是兩片皮雲曰將謂別有師曰錯雲喝曰草賊大敗師休去次日師舉臨濟兩堂首座齊下喝僧問還有賓主也無濟曰賓主歷然汝作麼生會雲曰打破秦時鏡磨尖上古錐龍飛霄漢外何勞更下碓師曰你只得其機不得其用雲便掀倒禪牀師曰路途之樂終未到家雲與一掌曰精靈千載野狐魅看破如今不直錢師打一拂子曰汝只得其用不得其體雲進前曰青山綠寒色月照一溪雲師曰汝只得其體不得其智雲曰流水自西東落花無向背師曰汝雖善語言三昧要且沒交涉雲豎起拳復拍一拍當時丈室震動師曰如是如是雲拂袖便出明日命掌記復以向上鉗錘勘驗應答皆契一日謂曰汝今已到大安樂地宜善護持吾有如來正法眼藏涅槃妙心密

付於汝母令湮沒雲掩耳而出卽授以偈曰天地同根無異殊家山何處不逢渠吾今付汝空王印萬法光輝總一如

繼燈錄卷第二

繼燈錄卷第三

鼓山嗣祖沙門 元賢 輯

臨濟宗

南嶽下二十世

徑山端禪師法嗣

杭州靈隱性原慧明禪師台州黃巖夏氏子既長不甘處俗往依樂清寶冠寺出家後謁元叟叟曰東嶺來西嶺來師指草鞋曰此是三文錢買的叟曰未在本更道師曰某甲只恁麼和尚作麼生叟曰念汝新到放汝三十棒師乃悟旨久之究盡底蘊乃曰縈涉思惟皆爲利法初住鄞之五峰洪武五年詔建佛會於鍾山召高行沙門師與季潭渤公與焉後住靈隱

上堂舉香嚴和尚曰去年貧未是貧今年貧始是貧去年貧猶有卓錫之地今年貧雖也無衆中忽有個漢出來問長老錯了也今朝四月八是佛生日如何舉此公案山僧只對他道住持事繁師室中垂語曰蓮華峰被蜉蝣食却半邊因什麼不知又曰冷泉亭吞却壑雷亭卽不問南高峰與北高峰鬪額是第幾機十九年遭無妄之災逮捕或勸師早自爲計師不顧怡然詣所司未鞠卽廡下說偈端坐而化海鹽州天寧楚石梵琦禪師寧波象山朱氏子生在襁褓有僧見而謂其父曰此佛日也必當大振佛法照耀濁世九歲授經十六爲僧二十因閱楞嚴至緣見因明暗成無見不明自發則諸暗相永不能昏於此有省參元叟於徑山問如何是言發非聲色前不物叟遽曰言發非聲色前不物速道速道師擬進語叟振威一喝師乃錯愕而退已而應書大藏之選至京師一夕聞城樓上鼓聲豁然大悟偈曰崇天門外鼓騰騰騰割虛空就地崩拾得紅爐一片雪却是黃河六月冰冬歸再參叟叟迎笑曰且喜大事了畢

命分座未幾出世海鹽之福臻升主永祚次報國再遷本覺帝師錫號佛日普照慧辯禪師移光孝再住永祚開堂日僧問我本無心有所希求今此法王大寶自然而至如何是法王大寶師曰有眼者見有耳者聞曰莫只者便是麼師曰擊碎觸體拽脫鼻孔曰如何受用師曰直待雨淋頭上堂舉僧問乾峰十方薄伽梵一路涅槃門未審路頭在什麼處峰以拄杖畫一畫曰在者裏師曰白雲萬里僧舉前話問雲門門曰扇子踣跳上三十三天築著帝釋鼻孔東海鯉魚打一棒雨似盆傾師曰白雲萬里忽有人出來問天寧與麼批判還慙得二大老意麼向他道白雲萬里呵呵囉囉哩囉囉哩利利塵塵知幾幾十字街頭石敢當忽然吸竭滄溟水你輩茄子瓠子那裏知得拍禪牀便起上堂汝等諸人見我開口便作說法會見我無言便作默然會總向兩頭覓我爭知不在兩頭你道尋常在什麼處莫是高高峰頂立不露頂麼深深海底行不濕脚麼若恁麼早被伊尋著也還知山僧有隱身訣麼終朝不見長相見盡日相逢却

不逢有念盡爲煩惱鎖無心端是水晶宮喝一喝上堂聞茶板喫茶去聞浴板洗浴去聞壽山道你諸人休去歇去爲什麼不肯與麼去忽有人出來道和尚恁某甲不得向他道未到壽山與汝三十棒了也上堂一向面壁道絕人荒一向貪程眼瞶耳熱未有長行而不往未有長住而不行或時十字街頭拈起拄杖和其光同其塵灼然一切處光明燦爛去或時孤峰頂上放下鉢囊杜其豁塞其穴灼然一切處放教枯淡去卽心卽佛也不得非心非佛也不得不是心不是佛不是物也不得我見兩個泥牛鬪入海直至如今無消息喝一喝一日因施主送楊梅僧就盒拈起問曰一般楊梅爲什麼有赤有白師以盒子合却曰見個什麼僧無語師又開盒曰齏僧又無語師曰你只是個無開合漢問大悲菩薩用許多手眼作麼師曰春風不裊頭一夕望月次僧指月問師曰一半得恁麼明者一半得恁麼暗師曰明者從他明暗者從他暗曰十五夜圓時暗向什麼處去師曰也與三十不較多曰恁麼則全無明暗也師曰還見眞月麼

日如何是真月師曰不照燭曰照燭時如何師曰多
 少人撈天掌地曰莫只者便是麼師曰猶是影在僧
 擬進言師便喝一僧送拄杖師曰從什麼處得來僧
 度拄杖師豎起曰是體是用曰拈也從體起用放也
 攝用歸體師曰你與麼來只得其體不得其用曰和
 尙與麼舉只得其用不得其體師卓一下靠拄杖曰
 體用一齊收洪武元年九月十一日徵師說法於蔣
 山廷臣奏其說上大悅二年三月復用元年故事
 召師說法如初錫宴文樓下親承顧問暨還出內
 府白銀以賜三年之秋上以鬼神之理甚幽意遺
 經必有明文命揀僧中通三藏之說者集焉師與夢
 堂行中等十六人應召而至館於大天界寺上
 命儀曹勞之既而援據經論成書將入朝敷奏忽示
 微疾跣趺書偈曰眞性圓明本無生滅木馬夜鳴西
 方日出書畢謂夢堂曰師兄我將去矣堂曰何處去
 師曰西方去堂曰西方有佛東方無佛耶師振威一
 喝而逝時七月二十六日也弟子奉遺骸及諸不壞
 者歸海鹽塔於西齋壽七十五臘六十二

杭州徑山愚菴智及禪師蘇之吳縣顧氏子生而靈
 異發祥及入海雲院爲童子釋書儒典竝進其師嘉
 之使其祝髮受具聞賢首家講法界觀往聽之未及
 終章莞爾而笑曰一眞法界圓同太虛但涉言辭卽
 成膾法縱獲天雨寶花於我奚益哉遂往建業參笑
 隱於龍翔隱以文章道德傾動一世師微露文采交
 相延譽同袍嶼上座呵曰子才俊爽若此不思荷負
 大法甘作詩騷奴僕乎無盡燈偈所謂黃葉飄飄者
 不知作何見解師舌噤不能加答卽歸海雲目不交
 睫者踰月忽見秋葉墮於庭豁然有省謁元叟於徑
 山遂得法焉至正壬午宣政院舉師出世昌國之隆
 教轉普慈未幾升淨慈復升徑山上堂師召大眾衆
 皆仰視師曰鷄子過新羅便下座上堂僧問釋迦已
 滅彌勒未生正當今日佛法委付何人師曰老僧打
 退鼓曰前無釋迦後無彌勒還有參學分也無師曰
 風不來樹不動乃曰目前無法心外無機皇風蕩蕩
 民物熙熙花霏霏日遲遲高下林巒錦繡圍却恁當
 時杜鵑子春山無限好猶道不如歸上堂時維三月

節屆清明不寒不熱半陰半晴落花啼鳥一聲聲驚
拈拄杖曰穿却解空鼻孔敲瞎達磨眼睛踏破草鞋
赤脚走好山猶在最高層上堂四大本空佛依何住
青青翠竹盡是法身若悟無依佛亦無得鬱鬱黃花
無非般若諸人信也好不信也好三千里外遇著本
色道流輒不得道徑山從來柳下惠善權通長老嗣
書到上堂自從胡亂後三十年不少鹽醬雪後始知
松栢操任你非心非佛我只管卽心卽佛事難方見
丈夫心有底便道江西信息通也大梅梅子熟也善
權方便固當如是只如石頭道書亦不達信亦不通
諸人如何話會直下道得鉏斧子未到你在師一日
入園見典座割瓜師問割得幾個祖師頭座曰三十
個師曰那個皮下有血座曰和尚何是重重相戲師
曰好心不得好報僧問如何是清淨法身師曰月色
和雲白松聲帶露寒問藥山示衆曰我有一句子待
特牛生兒卽向汝道未審是那一句師曰千手大悲
提不起曰時有僧出云特牛生兒也祇是和尙不道
山喚侍者將燈來僧便抽身歸衆意旨如何師曰一

對鴛鴦畫不成問竺土大仙心東西密相付如何是
密付底心師曰九秋黃葉亂飄金日和尙莫將境示
人師曰老僧罪過問天上無彌勒地下無彌勒未審
誰與安名師曰我行荒草裏汝又入深村問淨法界
身本無出沒因甚釋迦老子今日降生師曰知而故
犯曰遵布裙浴佛次藥山問你只浴得者個還浴得
那個麼遵曰把那個來如何是那個師曰擔枷過狀
問如何是本身盧舍那師曰不離閻黎所問曰如何
保任師曰彼自無瘡勿傷之也問如何是一句具三
玄師曰萬仞峰頭駕鐵船曰如何是一玄中具三要
師曰眼裏瞳人吹木呌曰如何是和尙家風師曰吹
折門前一株松曰學人不問者個風師曰汝問什麼
風曰家風師曰我者裏大功不豎賞問既是一眞法
界爲什麼却有萬別千差師曰甜瓜徹蒂甜苦瓠連
根苦問道遠乎哉觸事而眞喚什麼作眞師曰千年
無影樹曰聖遠乎哉體之卽神喚什麼作神師曰今
時沒底靴曰羣陰欲去未去之際一陽欲生未生之
時還有佛法也無師曰鐘作鏡鳴鼓作鼓響曰今古

應無墜分明在目前師曰莫眼花洪武癸丑詔有道之僧十人集京師天界寺而師實居其首以病不及召對乙卯賜還海雲戊午八月忽示微疾至九月四日索筆書偈而逝壽六十八藹五十一塔遺骸於海雲以爪髮塔徑山

蘇州府萬壽寺行中至仁禪師饒之番禺吳氏子自幼識見穎卓出家後遍參諸老及參元叟叟曰仁書記虎而翼者也出世德章遷崇報萬壽等刹辭萬壽歸松林示衆幻軀將逼從心年松下經行石上眠珍重北山龍象衆普通年話幾時圓洪武初詔入京問以鬼神之事師以佛旨爲書進上大悅臨終書偈而逝

靈隱樸隱元滯禪師會稽人姓倪初以童子從弘教大師立公祝髮受具後遍游講席尋棄去參玉几石室瑛瑛奇之指參元叟入門叟厲聲一喝師頓脫黏縛遽稽首作禮叟曰汝果何所見耶問答四三轉皆愜叟意叟曰是般若中人也命歸侍司尋掌記久之遍參諸老宿咸推譽之至正十六年出世會稽長慶

升天衣上堂卽心卽佛嘉州牛喫禾非心非佛益州馬腹脹不是心不是佛天下覓醫人炙猪左膊上良久曰啼得血流無用處不如緘口過殘春上堂聲不是聲觀音三昧色不是色文殊法門聲色無碍普賢境界拈拄杖畫一畫曰大鵬展翅蓋十洲籬邊之物空嗽嗽明興詔天下有道沙門建會於鍾山師被召入內庭從容問道賜食而退已而辭歸和塔處洪武九年起居靈隱未幾以無妄之災被謫陝西爲民行至寶應夜宿寧國寺端坐而化有三會語撰園集行於世

台州國清夢堂曇靈禪師慈谿王氏子也家本宦族洎長窮覽儒籍徹其義隨嘗嘆曰攻書修辭此世間相耳曷若求出世間法乎乃往依長蘆雪庭傳公爲僧後參元叟叟風規嚴峻非宿學之士莫敢闕其門師直前咨叩機鋒交觸情想路絕叟領之至元五年出世保聖再遷開壽三轉國清帝師錫佛眞文懿之號洪武二年詔徵有道僧而師與焉旣奏對上憫其年耄放令還山一旦無疾謂弟子曰三界空花

如風捲煙六塵幻影如湯澆雪亘古亘今惟一性獨存吾將入滅聽吾偈曰吾有一物無頭無尾要得分明涅槃後看言訖危坐而逝世壽八十有九師律身嚴謹體道勤渠日惟一食夜則坐以達旦嘗誡諸徒曰吾與爾等研究空宗當外形骸忘寢食以消累劫宿習然後心地光明耳翰林學士承旨張公翥曰黽師儀觀偉而重戒行嚴而潔文章簡而古禪海尊宿今一人耳師平生製作甚富多爲縉紳所推重但悉不存稿晚年重修歷代高僧傳鏤梓行世筆力遒勁識者謂有得於太史遷云

杭州府徑山古鼎祖銘禪師四明奉化應氏子依金峨錫公得度竺西坦公辟爲內書記後遍參諸老宿屬元叟在靈隱師往從之扣以黃龍見慈明機緣叟詰之曰只如趙州云臺山婆子被我勘破與慈明笑曰是罵耶你且道二老漢爲復肝膽相似爲復鼻孔不同師曰一對無孔鐵鎚曰黃龍當下悟去又且如何師曰病眼見空花叟曰是不是師擬進語叟便喝自是廓然無碍命居記室晨夕警發益臻閩奧元

茲元年出住昌國之隆教遷補陀中天竺尋主徑山錫號慧性宏覺普濟禪師僧問如何是佛師曰秤錘蘸醋曰如何是佛向上事師曰仰面不見天日記得僧問雲門如何是佛門曰乾屎橛又作麼生師曰雲門不是好心曰乾屎橛與秤錘蘸醋相去多少師曰鑊湯無冷處僧擬進言師便喝僧問祖意教意是同是別師曰破糞箕生苕帚僧禮謝師曰昨夜三更失却牛天明起來失却火後因徑山寇亂中天竺用貞良公請歸了幻菴尋示疾書偈曰生死純真太虛純滿七十九年搖籃繩斷擲筆而化

杭州靈隱竹泉法林禪師台州寧海黃氏子參元叟於中天竺叟問何處來師曰天台叟曰曾見寒山拾得麼師叉手向前曰今日親見和尚叟曰脫空護語漢參堂去看經次叟曰看經那師曰是叟曰將甚麼看師曰將眼看叟豎起拳曰何不道將者個看師曰放下拳頭將甚麼看叟微笑至元四年主靈隱上堂法是常法道是常道拶破面門點即到雪峰一千七百人善知識朝夕只觀三個木毬趙州七百甲子

老禪和見人只道喫茶去中峰居常見兄弟相訪只是敘通寒溫燒香叉手若是金毛師子子三千里外定請訛上堂舉趙州布衫話師曰趙州雖則善用太阿截斷者僧舌頭未免自揚家醜靈隱則不然忽有僧問萬法歸一一歸何處只向他道今日熱如昨日至正十五年二月二日示寂書偈曰七十二年虛空釘櫬末後一句不說不說遂奄然而化

杭州徑山復原福報禪師台之寧海方氏子往投石湖美公薙髮參元叟叟問近離甚處師曰淨慈叟曰來作什麼師曰久慕和尚道風特來禮拜叟曰趙州見南泉作麼生師曰頭頂天腳踏地叟曰見後如何師曰饑來喫飯困來眠叟曰何處學得者虎頭來師曰今日親見和尚叟領之次日命入侍司明年升掌藏久之出世蘆山遷東山智門上堂舉一不得舉二放過一著落在第二古人恁麼說話正是抱贓叫屈東山即不然舉二不得舉一放過一著落在第七到者裏須知有向上一路始得如何是向上一路良久曰莫守寒巖異草青坐却白雲宗不妙上堂一葉落

天下秋一塵起大地收誰謂北鬱單越不是南瞻部洲剛自騎牛更覓牛上堂語是謗默是誑還有二俱不涉者麼拍禪牀曰泊合停囚長智洪武初驛召有道沙門師赴京慶入內庭應對稱旨留三年賜還兩住徑山一日得疾甚革侍者請偈師叱曰吾世壽尚有二年已而果然及化之日忽拍手曰呵呵呵大眾是什麼看取竟寂

仰山熙禪師法嗣

金陵龍翔笑隱大訢禪師南昌陳氏子參晦機機問曰黃龍向泐潭得旨領徒遊方及見慈明氣索汗下過在什麼處師曰千年桃核裏覓甚舊時仁又一日以百丈野狐話詰之且道不落因果便墮野狐身不昧因果便脫野狐身利害在什麼處師擬答機喝一喝師始豁然出世吳興烏回遷鳳山天竺天曆己巳文宗以金陵潛宮爲龍翔集慶寺詔師開山上堂釋迦世尊捨金輪而登佛位今上皇帝從佛位而御金輪收攝三千刹海於一印中具足八萬法門於一毫上如華嚴會上菩薩得無盡福德藏解脫門於一器

中出生種種美味飲食又於衆會仰觀空中而雨種種珍寶隨衆生心悉令滿足然後得其寶者盡證法門食其味者咸成妙道無一塵而不具足佛事無一法而不圓滿正宗卽今崇建寶坊闡揚法施諸天音樂不鼓自鳴梵唄詠歌自然敷奏十方菩薩咸集道場八部天龍同伸慶讚還有不歷化城徑登寶所者麼擊拂子曰四海已歸皇化裏時清休唱太平歌文宗皇帝聖恩滿散藏經上堂尊而無上高超象帝之先貴不可名坐斷毗盧之頂其頂之大則容攝十虛其用之廣則包括萬類如月涵衆水無分淨穢之殊春在百花不見正偏之相妙有不有真空不空所以道無邊利海自他不隔於毫端十世古今始終不離於當念擲大千於方外納須彌於芥中於斯見得便見文宗皇帝昔從佛地示現王宮撫治邦家又安宗社化道已周復歸佛位寂然不動智普應於十方廓爾無私化已周於沙界龍翔與麼贊揚且道還契聖意也無良久曰優鉢天花吹不斷又從兜率下閻浮上堂言發非聲色前不物著甚來由聲色裏睡眠聲

色裏坐臥却較些子所以道卽此見聞非見聞無餘聲色可呈君個中若了全無事體用何妨分不分薰拈拄杖曰水流黃葉來何處牛帶寒鴉過遠村卓拄杖下座至正甲申五月示寂

金陵保寧仲方天倫禪師明之象山張氏子參晦機問曰湖山藹藹湖水洋洋浸爛你鼻孔塞破你眼睛因甚不知師曰通身無影象步步絕行踪機曰未在更道師拂袖便出遂依座下屢以此事叩問機終不肯乃往吳興桃花塢結茅一日聞雷有省徹見晦機用處出世東泉佛殿保寧臘八上堂昨夜見明星悟道後園風打籬笆倒曉來無跡可追尋雪山依舊生青草上堂初三十一中九下七七九六十三九九八十一朝往西天暮歸唐土一馬生三實石牛欄古路參上堂修多羅教如標月指昨日有人從西州來接得東州信報道大食國裏人在眼睫上賣香藥喝一喝

杭州中天竺一關正遼禪師饒之鄱陽方氏子參晦機問甚處人師曰鄱陽人機曰鄱陽湖水深多少

師曰：「瞪目不見底機，曰：『恁麼則浸爛衲僧鼻孔也。』」師曰：「終不借和尚鼻孔出氣。」機曰：「畢竟誰鼻孔出氣？」師曰：「恭惟和尚萬福。」機肯之，命充侍司，尋往參元叟。叟命掌記後出世金陵，崇因示衆心，不是佛智，不是道，一念涉思，惟全身入荒草。所以道目前無法意，在目前，不是目前法，非耳目之所到。古今天地，古今日月，古今山河，古今人倫，頭頭顯露，物物全彰，不從千聖借，不向萬機求，內外絕承當。古今無處所，恁麼解會，猶是錯認驢鞍橋。作阿爺下領，雖然既是泗洲大聖，因甚在楊州出現？良久曰：「參。」

明州育王石室祖瑛禪師，蘇之吳江陳氏子。龔年出家，卽策杖遊方，初參虛谷陵，聞晦機道化，亟往投之。一見契合，遂留掌記，出住隆教，移萬壽，遷雪竇。育王師有謝平石砥禪師，問疾，偈曰：「是身無我病，根深慙愧文殊遠。」訪臨自有巖花，談不二青燈，相對笑吟吟。後造一木龕，日坐其中，不涉世事。臨終示衆曰：「五十二年，弄巧成拙，踏破虛空赤脚行，萬象森羅笑不徹，遂跌坐而化。」

嘉興府祥符寺梅屋念常禪師，世居華亭黃姓。年十二，依平江圓明院薙髮。至大戊申，晦機自百丈還淨慈，師往參。值機上堂，舉太原孚上座聞角聲，因緣頌曰：「琴生入滄海，太史遊名山。從此楊州城外路，令嚴不許早開關。有省投丈室，呈所解機領之傳。掌記室服勤七年，延祐丙辰，主祥符著佛祖通載二十二卷，行於叢林。」

雲隱闇禪師法嗣

江州東林無外宗廓禪師，南昌魏氏子。初參悅堂堂，問溪聲盡是廣長舌，因緣機語相契，遂承印記。初住雲居，晚遷東林。臨終偈曰：「吾年七十一，世緣今已畢。挨倒五須彌，夜半日頭出，倏然而逝。」

徑山範禪師法嗣

袁州仰山雪巖祖欽禪師，初在鐵檨遠會下，便看狗子無佛性，話止坐在澄澄死水中。次過淨慈，參天目禮堂中，勇猛提撕，忽有所得，但見地不脫礙。正知見後，在徑山無準會下多年，而此病不除。一日在天目佛殿上行，擡頭見一株古栢礙膺之物，撲然而散，始

見徑山老人立地處初住潭州龍興晚主仰山凡經六利上堂露地白牛黑黑是處尋他不得山青水綠似有而無眼見耳聞依稀彷彿全不顧時蹄角却在纔動著時踪由已沒月下閒將短笛吹風前休把長繩勒呵呵也奇特如今趣亦不去自在東西南北小參濟北之道出乎平常語默動靜脫體全彰三玄三要松直棘曲四賓四主鳬短鶴長所以圓悟於諸佛出身處熏風自南來殿閣生微涼帶累妙喜打失鼻孔徧界難藏山蒼蒼水茫茫無朕跡絕承當竹籬茅舍江村外遠浦歸帆挂夕陽上堂豆好合醬鹽好羹羹飯能療饑茶能止渴從上以來的的相承逗到理極情忘處無越乎此因甚楊岐老古錘却道弄蹄驢子三隻脚開眼也著合眼也著上堂聲色已盡有未盡者存焉見聞已脫有未脫者在焉直得如木頭照鏡頭石聽鐘猶有木頭頭石在是汝諸人曾到者田地無曾有者時節無若是今日參禪明朝辦道善財手裏一莖草

杭州淨慈斷橋妙倫禪師台州黃巖徐氏子十八落

髮於永嘉廣慈院見谷源於瑞巖聞麻三斤話疑之忽閱楞伽至蚊蟲螻蟻無有言說而能辦事頓然有省謁無準於雪竇準以狗子因何有業識令師下語凡三十轉不契師曰可無方便乎準以真淨所頌答之卽竦然良久忽聞板聲通身汗下於是始脫然矣出世祇園遷瑞巖國清至淨慈上堂荆山有玉獲得者不在荆山赤水有珠拾得者不在赤水衲僧有無位真人證得者出入不在面門焉拈拄杖橫按曰會麼幽州江口石人蹲上堂德山低頭夾山點頭俱低豎起手指頭玄沙築破脚指頭拈拄杖曰都來不出山僧拄杖頭何以見得卓拄杖曰一葉落天下秋上堂舉達觀禪師示衆曰七佛是性隸萬法是心奴且道主人翁在甚麼處自喝曰七佛以下出頭又自諾曰各自祇候師曰喚七佛爲性隸指萬法是心奴達觀自謂有出身路及乎自喝自諾又是奴隸邊事主人翁何曾夢見在大衆要見麼以拂一拂曰曉來一陣春風動開遍園林百樣花臨終集衆入室作書辭諸山及魏國公公使人問曰師生天台因什死在

淨慈師曰日出東方夜落西書偈而化

明州天童西巖惠禪師嘗頌六祖傳衣話曰不作樵夫作確夫只將脚力驗精粗知他踏著踏不著和米和糠到鉢孟又頌泐潭常興見南泉來便面壁話曰面壁堆危引客過問誰那更問如何道尋常已成多事檢點儂家事更多

明州天童別山祖智禪師蜀之順慶楊氏子十四得度聞僧誦六巖語悅之時巖住蘇之穹窿亟往從焉因閱華嚴經彌勒樓閣入已還閉之語恍如夢覺遂頌靈雲見桃花曰萬綠叢中紅一點幾人歡喜幾人嘆巖頷之越二年遍叩諸尊宿最後見無準於雪竇準知是法器待之彌峻時或棒喝交下一語不少貸師擬對輒噤不能發由是知解都喪久之作而言曰吾平生伎倆皆死法今見此翁始行活路既而準移徑山命師分座出世洞庭天王寶祐丙辰天童煥朝旨以師補之師至一囊一鉢縛茅以居凡三年克復舊觀庚辰九月旦示衆曰雲淡月華新木落山骨露有天有地來幾個眼睛活有省問者師曰不及相見

各自努力越十日夜分呼侍者囑後事珍重大衆叉手而寂

月坡明禪師嘗頌僧問子湖自古上賢還達真理曰手裏絲綸卷復舒扁舟撥撥洞庭湖忽然惡浪翻空立收拾歸來一伎無

環溪一禪師嘗頌卽心卽佛話曰卽心卽佛砒霜狠毒起死回生不消一服

希叟曇禪師學僧問南泉師歸丈室將何指南泉曰昨夜三更失却牛天明起來失却火頌曰奴顏婢膝走人間羞見羊裘七里灘文叔雖爲天子貴子陵元作故人看

杭州靈隱退耕寧禪師上堂目前雨餘山色翠座間風暖鳥聲喧拍禪牀一下曰堪笑老胡無轉智少室峰前坐九月上堂極目千峰鎖翠滿空柳絮飛綿可憐無位真人一向草宿露眠啞今春看又過何日是歸年

福州雪峰絕岸可湘禪師台州寧海葛氏子參無準範得旨咸淳八年主雪峰凡十年謝院事退居杭州

寶壽寺嘗頌僧問歸宗如何是玄旨曰三聲鼎蓋普門開苦海勞生喚不回九十春光今又半空飛花片點莓苔又頌楞嚴八還辯見曰還還還後更無還一個閒人天地間昨夜大蟲遭虎咬皮毛落盡體元斑至正二十七年示寂壽八十五歸骨雪峰建塔於西菴

靈隱薰禪師法嗣

杭州淨慈愚極慧禪師參石田田舉雲門念七話無人下語忽有僧纔跨門田曰雪峰毬毬師在傍嘉然領旨衝口說偈曰雲門念七雪峰毬毬白蘋紅蓼明月孤舟田領之

杭州中天竺雪屋珂禪師上堂枯桑知天風海水知天寒且道衲僧知個甚麼知道飯是米做直饒恁麼闍羅老子索飯錢有日在師以宋鼎既遷卽謝寺事金山默菴覺禪師雅知師且尊其道行時元兵下江南菴被總兵伯顏脇而置之幕中從至武林默菴言於伯顏請師升住靈隱親持請疏叩師門師抽關露半面問曰汝爲誰默菴曰和尚故人某甲也師落關

曰我不識你蓋師雖處世外而以忠節自持故不屑靈隱之命後斷江恩禪師贊曰雪屋今亡四十年高風凜凜尙依然伯顏丞相拜牀下不肯爲渠來冷泉

天童禮禪師法嗣

明州育王橫川如珙禪師夜參少室無門戶如何便得通夜深寧耐立聽我話西東嘗頌就源問國師百年後有人問極則事作麼生曰正直道流行脚去護身符子不須擔國師實爲就源切不是臨岐作對談杭州淨慈石林行瑩禪師上堂舉僧問古德曰如何是看經眼古德豎起拳頭師曰喚作看經眼又是拳頭喚作拳頭又是看經眼到者裏作麼生緇素召大眾曰背觸難分處機先失照時虛空也穿透何止爛牛皮上堂山靜課花蜂股重林空含籊笋肌明倚欄不覺成痴兀又得黃鸝喚一聲思溪恁麼道好喫拄杖三十何故爲他不合隨聲逐色

華藏通禪師法嗣

杭州徑山虛舟普度禪師維揚江都人史姓出家徧參謁無得得問不與萬法爲侶者是甚麼人師曰金

香爐下鐵崑崙得曰將謂者矮子有長處見解只如此師曲躬作禮曰謝和尚證明出世金陵半山後歷遷諸刹而至徑山上堂邪人說正法正法悉皆邪正人說邪法邪法悉皆正卓拄杖一下曰邪耶正耶又卓一下曰說耶不說耶向者裏揀辯得出黃金爲屋未爲貴玉食錦衣何足榮上堂萬法是心光諸緣惟性曉本無迷悟人只貴今日了既無迷悟人了個什麼卓拄杖一下曰千言萬語無人會又逐流鶯過短牆上堂學臨濟和尚道有一人論劫在途中不離家舍有一人離家舍不在途中那個合受人天供養師曰兔馬有角牛羊無角寸毫尺釐天地寥廓潘闓倒騎驢擲殺黃番綽俄示微恙索筆大書曰八十二年駕無底船踏翻歸去明月一天擲筆而逝

雪竇謙禪師法嗣

平安府承天覺菴眞禪師有華嚴講主挾上命將易爲講肆師曰汝能說禪吾從汝易吾不能說教汝易吾從於是搥鼓陞堂以一喝入五教顯示吾宗千聖頂額上一著子講主泣下再拜乞懺悔而退

道場嚴禪師法嗣

臨安府徑山虛堂智愚禪師四明人出世嘉禾之興聖後歷主十刹咸淳十年奉詔住徑山上堂言而足終日言而盡道言而不足終日言而盡物且道道與物是一是二若道是一爲什麼客山高主山低若道是二爲什麼天地一指萬物一馬個裏縈素得出還你草鞋錢不然但願來年蠶麥熟羅襪羅兒與一文師初住淨慈天使傳旨問趙州八十行脚虛堂因甚八十住山師舉趙州行脚到臨濟話頌曰趙州八十方行脚虛堂八十再住山別有一機恢佛祖九重城裏動龍顏使以頌回奏上大悅特賜米五百石絹一百疋其住育王徑山亦賜賚優渥師室中垂語曰已眼未明底因甚將虛空作布袴著畫地爲牢底因什透者個不過入海算沙底因甚向針鋒頭上翹足後示寂塔於徑山直嶺下杭州淨慈石帆衍禪師舉大顛擯首座因緣頌曰一串摩尼觀面當機賺殺首座疑殺昌黎弄盡許多窮伎倆春秋元自不曾知

金山開禪師法嗣

臨安府徑山石溪心月禪師眉州人僧問如何是佛師曰矮子看戲嘗頌黃山谷在黃龍聞桂香悟道曰渠儂家住白雲鄉南北東西路渺茫幾度欲歸歸未得忽聞叢桂送幽香又頌唐文宗嗜蛤蜊因緣曰一點悲心墜不開饒湯滾處笑盈顙希奇之事朕難信見與君王說法來

徑山冲禪師法嗣

杭州淨慈簡翁敬禪師舉瀉山問仰山曰終日與子商量成得個什麼邊事仰空中畫一畫瀉曰若不是吾終被子惑師頌曰父子雖親共較量胸中爭信有刀鎗當時一畫畫得斷遍界葛藤無復生又頌文殊問菴提遮女生以何爲義及死以何爲義曰問處分明答處端當機覩面不相護死生生死元無際月上青山玉一團

北山隆禪師頌烏窠吹布毛曰八十翁翁要力行布毛吹起禍重生殺人流血三千里枯樹枝頭一老僧

鼓山凝禪師法嗣

蒙山異禪師參皖山於鼓山教看個無字未有省入遂往承天謁孤蟾瑩禪師一日坐次首座入堂燒香打香盒作聲有省頌曰沒興路頭窮踏翻波是水超群老趙州面目只如此次依虛堂堂指瓶梅曰做得頌者歸堂師曰戰退羣陰得意回百花頭上作春魁看他方便爲人處放出春風和氣來堂曰歸堂去復參皖山山問光明寂照遍河沙豈不是張拙秀才語師欲開口山便打喝出次年一日上石梯子廓然大悟復上方丈山又問光明寂照遍河沙豈不是張拙秀才語師便掀倒禪床山乃擒住曰那裏是話墮處師以手掩山口山曰請訛在什麼處師曰再犯不容山曰更頌來師卽頌曰雲門捏怪不堪自敗獅子敵人韓獪逐塊山曰拄杖不在別日與汝一頓師曰和尚要用借你山拈起竹筴打三下師便禮三拜退住後示衆蘇州有常州有八角磨盤空裏走日面佛月面佛觀面和盤都托出便與麼掀倒禪牀拂袖散去法門幸甚或有猶豫之者只得把手牽汝歸家聞聲悟道見色明心豈拂子曰見麼見底是色那個是心

喝一喝曰聞麼聞底是聲那個是道直下正眼豁開
方得入門猶是脫白沙彌要與衲僧齊驅並駕更進
竿頭一步師垂三關語以驗學者曰蟪蛄蟲吸乾滄
海魚龍蝦蟇向何處安身立命又曰水母飛上色宛
竟天入摩醯眼裏作舞因甚不見又曰蓮湖橋爲一
切人直指明眼人因什落井

慶壽璋禪師法嗣

燕京慶壽寺海雲印簡禪師山西寧遠宋氏子生而
神悟七歲父授以孝經開宗明義章師曰開者何宗
明者何義父驚異於是禮中觀沼爲師一日扶觀行
觀曰法燈禪師道看他家事忙且道承誰力汝作麼
生會師將觀手一掣觀曰者野狐精師曰啗啗觀曰
更須別參後策杖之燕過松鋪值雨宿於巖下因擊
火大悟自捫面曰今日始信眉橫鼻直信道天下老
和尚不寐語謁中和璋禪師遂承記荊語見中辛卯
師主慶壽一日於廊下逢數僧師問第一僧曰那裏
去曰賞花去師便打問第二僧那裏去曰禮佛去師
亦打問第三僧那裏去曰那裏去師亦打問第四僧

那裏去僧無語師亦打問第五僧那裏去曰覓和尚
去師曰覓他作麼曰待打與一頓師曰將甚麼來打
曰不將棒來打師連打四下曰者掠虎漢衆皆走師
召曰諸上座衆回首師曰是什麼後歷承寵命大弘
濟北之道示寂諡佛日圓明大師

繼燈錄卷第三

繼燈錄卷第四

鼓山嗣祖沙門 元賢 輯

臨濟宗

南嶽下二十一世

萬壽仁禪師法嗣

杭州徑山南石文秀禪師蘇之崑山李氏子出家邑
之紹隆院嘗問法要於虎丘行中禪師得言外旨洪
武五年住蘇州普門開堂曰僧問世尊出世天雨四
花和尚出世有何祥瑞師曰一牛飲水五馬不嘶曰
恁麼則熙怡的旨傳千古寂照宗風播四方師曰好

事不如無遷靈殿上堂正法眼藏亘古亘今般若真燈照天照地當陽無向背直下絕承當靈然獨露透色透聲廓爾現前絕聞絕見常在一切處不爲一切處所拘非離一切時不爲一切時所攝者裡見得無迷無悟非後非先百千法門無量妙義不假思惟悉皆具足建化法中斯爲可矣若是衲僧門下直須向百尺竿頭濶步蟪蛄裏裏藏身娑婆擲去他方妙喜拈來此土不知承甚麼恩力得恁麼奇特良久曰慣從五鳳樓前過手握金鞭賀太平未幾退隱吳松之上永樂初詔天下儒釋道流之深通文義者纂脩永樂大典師應詔而起留京三載七年夏住徑山上堂森羅及萬象一法之所印前面是鉢盂峯中間是佛殿喚甚麼作一法良久曰國一祖師元是崑山人越四載師以老病退歸於蘇之北山松院一日無疾而逝

徑山銘禪師法嗣

嘉興府天寧西白力金禪師吳都姚氏子幼依寶積院祝髮初謁古鼎鼎示以德山見龍潭話從而有契

俾掌記室未幾命首衆分座說法至正丁酉出住瑞光會天寧寺災師爲起廢帝師授以圓通普濟之號師自幼喪父惟有母存乃去城東一舍築孤雲菴以奉養焉或譏之師呵曰你不見編蒲陳尊宿乎何言之易易也洪武初遷淨慈四年春詔住天界見皇上于外朝慰勞再三恩意優渥卽令內官送入院繼復召入內庭奏對稱旨上大悅是春詔建廣薦法會于鍾山命師總持齋事五年復建大會大駕幸臨命師闡揚第一義諦自公侯以下環而聽之靡不悅服一日忽示弟子曰吾有宿因未了必當酬之汝等勿以世相逼我未幾示微疾委順而化茶毗舍利無數塔于嘉興城西環翠蘭若

龍翔訢禪師法嗣

南京天界覺原慧曇禪師天台楊氏子母夢吞明珠而娠及生容貌嶷然幼不與群童狎長依越之法果寺出家尋受具戒初習教華嚴止觀無不貫練尋棄去入禪時笑隱唱道於中天竺師往造焉隱問何處來師曰遊山來隱曰笠子下拶破洛浦遍參底作麼

生師曰未入門時呈似了也隱曰卽今因甚不拈出師擬議隱便喝師當下脫然有省他日隱展兩手示師曰八字打開了也因甚不肯承當師曰休來鈍置隱曰近前來爲汝說師卽掩耳而出隱領之命侍香尋掌藏于龍翔至順二年初住牛首之祖堂遷石城清凉保寧蔣山勅改龍翔爲天界詔師住持特授演梵善世利國崇教大禪師上堂一句子黑漆黑無把柄有準則良久曰會麼確搗東南磨推西北上堂少室峰前曹溪門下燈燈相繼的的相傳自古自今絲毫不易且以何爲驗樓臺上下火照火車馬往來人看人上堂長者長法身短者短法身卽今現前一衆坐立儼然有長有短諸人盡知盡見畢竟阿那個是法身若也會得捧鉢孟向香積世界喫飯若也不會長連床且喫粥喫飯上堂經有經師論有論師龍河放一線道分科列段去也拈拄杖卓一下曰且道是何章句上堂只個現成公案衆中領解者極多錯會者不少所以金鑰不辨玉石不分龍河這裏直要分辨去也張上座李上座一個手臂長一個眼睛大總

似今日達磨一宗教甚麼人擔荷囉一聲下座上堂威音王已前彌勒佛已後有個現成公案未敢與汝說破何故心不負人面無慚色示衆春風浩浩春日遲遲黃鸝啼在百花枝個中無限意消息有誰知語未畢有僧出問曰心意識過捺不住時如何師厲聲曰是誰過捺室中謂僧曰二六時無汝啗啄分無你趣向分會麼僧罔措師曰未明三八九難免自沉吟洪武三年奉使西域至僧伽羅國其王事師於佛山精舍明年九月示寂附葬辟支佛塔先是彼佛懸記今之開附適符其言尙書回奏上勅賜遺衣塋於雨花臺之左

南京天界寺季潭宗泐禪師台之臨海周氏子始生坐卽跏趺人異之八歲從笑隱學佛經書過目成誦十四薙落二十受具一日隱問國師三喚侍者三應於意云何師曰何得刲肉作瘡隱曰將謂汝奇特今故無所得也師一喝隱擬拈棒師拂袖而出元末隱徑山洪武元年出世中竺上堂金剛王劒橫揮千妖屏跡爍迦羅眼洞照萬物潛形到此卷舒在已殺活

臨時直得千歲巖申天踔跳錢塘水東流西流諸人還知有也無遂豎拂子曰庭前石笋抽條也會見高枝宿鳳凰洪武四年遷徑山詔致天下高僧有學行者師首應詔至奏對稱旨命住天界五年上建廣薦會于蔣山親行三獻之禮命師撰樂章召集諸幽爽命師爲陞座說法十年冬詔師箋釋心經金剛楞伽三經丁巳奉使西域十五年還朝授右街善世復命育髮授以儒職師姑奉命至髮長上召而官之師再辭上乃從之賜師免官說後以胡黨獲譴著住鳳陽槎枋峰十九年取歸越五年以老賜歸渡江至江浦之石佛寺示疾喚侍者曰者個響者茫然師曰苦遂寂塔于天界訖公之後

九江府圓通約之崇裕禪師毗陵陳氏子年十六從壽昌院東林曉公爲沙彌具戒後首參元叟端次謁斷崖義皆未有所證入乃往見笑隱隱舉臨濟無位真人話詰之曰你還知麼師不覺下拜隱曰你何所見而作禮師曰拜者非是他人隱曰從門入者不是家珍師曰和尚恨毋欺人隱首肯之留笑隱者十餘

年初住南禪次住圓通師重新之不日而成適符旻古佛三百年後大興佛法之識又遷育王亦起其廢洪武五年秋上建法會于鍾山師應召至便殿問以佛法大意師以偈獻上大悅賜食上前師或假寐鼻息微有聲鄰坐引裾覺之上笑曰此老人無機心誠善知識也後示寂塔于石耳峰笑隱嘗稱其戒律嚴潔言行不相背馳惟崇裕一人而已

杭州靈隱用貞輔良禪師蘇州吳縣人范文正公十葉孫十五從迎禪院薙髮受具乃曰學佛將以明心心非師無以示肯綮去從北禪澤法師學台教充然若有所契會士瞻杓公勉其更衣入禪指參笑隱隱一見器之問答之際棒喝兼施剎那之頃凡情頓喪他日隱再有所問師發言愈厲隱笑曰得則得矣終居第二義也久之乃契心宗尋往四明育王參石室瑛縱橫叩擊石室極推譽之出世嘉興之資聖遷越之天章移杭之中竺升靈隱示衆達磨一宗陵夷殆盡汝等用力如救頭然可也然百千法門無量妙義於一毫端可以周知如知之變大地爲黃金受之當

無所讓否則貽素餐之愧矣歲月流電向上之事汝等急自進修洪武四年正月十有五日手疏衣費入公帑散交遊及治喪之事顧謂左右曰吾望日已時逝矣及時索浴端坐入寂

杭州靈隱寺清遠懷渭禪師南昌魏氏子笑隱之甥也生而靈芝產於庭槐已而英發誦書不待師授時隱住龍泓聞而喜曰此吾宗千里駒也挽致座下龍翔爲東南都會四方名紳俱與隱遊或發天人性命之秘文辭開閣之法師得與聞之學問大進爭歆慕之曰此文中虎也師曰公等謂吾專攻是業耶佛法與世法不相違背故以餘力及之將光潤其宗教爾苟用此相誇豈知我哉一日隱警勵諸徒衆未有對師直前肆言隱振威一喝師氣不少沮往返詰難隱笑曰汝可入吾室矣命爲記室隱瀕沒召師曰吾據師位四十餘年接人非不夥能弘大慧之道使不墜者惟汝與宗渤耳汝其懋哉後主會稽之寶相杭之報國湖之道場洪武初年主淨慈應詔入京回退居錢塘之梁渚八年十二月召門弟子囑後事怡然

而寂是月之十六日也茶毗有不壞者三日齒牙曰鉢塞莫日室利羅塔于梁渚

竺田霖禪師法嗣

安吉州道場孤峯明德禪師姓朱氏家世明之昌國父與普陀玠公交玠聞鷄聲入道凡說法必鼓翅爲鷄號玠亡已久母夢玠來託宿覺而有娠十四月始生在童幼好跌坐問將何求師曰欲學坐禪求作佛爾年十二入金鷲院爲僧越五年受具戒慨然有求道之志首謁竺西西問汝從何方來師曰金鷲來西曰金鷲山高多少師曰不見頂西斥之一曰西學世尊拈花因緣師忽若有解造偈以呈西肯之復如淨慈見晦機機問甚麼人恁麼來師曰胡張三黑李四機曰汝從朝至暮著衣喫飯還認得自已否師曰胡張三黑李四機拈棒拂袖而出往見明極俊公機語契合命入侍司尋主藏會明極往日本師乃抵雪竇值竺田上堂舉隱山泥牛入海話師於是群疑頓釋以所見呈田田曰人天眼目儼然有在後住松江之東禪再遷保寧居一十五載三遷道場升淨慈洪

武初謝歸道場竹林菴五年二月示微恙至二十七日入滅

仰山欽禪師法嗣

杭州西天目高峰原妙禪師蘇之吳江徐氏子十五出家於秀水密印寺初參斷橋次謁雪巖於北澗懷香請益纔問訊即打出後凡入門便問誰與汝拖者死屍來聲未絕便打出一日觀五祖演和尚眞贊曰百年三萬六千日反覆元來是者漢驚然打破拖死屍之疑值雪巖住南明師即往省巖問阿誰與汝拖個死屍到者裏師便喝巖拈棒師把住曰今日打某甲不得巖曰爲什打不得師拂袖便出一日巖問日間浩浩時作得主麼師曰作得主曰睡夢中作得主麼師曰作得主曰正睡著時無夢無想無見無聞主在甚麼處師無語巖囑曰從今日去也不要汝學佛學法也不要汝窮古窮今但祇饑來吃飯困來打眠纔睡覺來抖搜精神看我者一覺主人翁畢竟在什麼安身立命師遂奮志入龍巖越五年因僧推枕子墮地作聲廓然大徹次遷雙髻德祐己卯春入西天

目之獅子巖即石洞營小室丈許榜曰死關洞非梯莫登撒梯斷緣雖弟子罕得瞻視乃垂三關語以驗學者曰大徹底人本脫生死因甚命根不斷佛祖公案只是一個道理因甚有明與不明大脩行人當遵佛行因甚不守毗尼下語不契遂閉門弗接至元丁未雪巖寄竹篋拂子法語來授由是懷中片香始爲拈出上堂拈拄杖召大衆曰還見麼人人眼裏有睛不是瞎漢決定是見以拄杖卓一下曰還聞麼個個耳裏有竅不是死漢決定是聞既見既聞是個什麼以拄杖○曰見聞即且置只如六根未具之前聲色未彰之際未聞之聞未見之見正怎麼時畢竟以何爲驗以拄杖○曰吾今與汝保任斯事終不虛也以拄杖○曰三十年後切忌妄通消息靠拄杖下座上堂意句不到宗說不通盲龜跛鱉意句俱到宗說俱通盲龜跛鱉西峯怎麼告報莫有離此之外別有生涯底麼盲龜跛鱉上堂大海無魚大地無草大富無根大悟無道若人透此四重關非特親見高峯眉毛長短鼻孔淺深猶如赫日當空萬別千差無不照雖

然喚作拂子則觸不喚作拂子則背畢竟喚作什麼上堂海底泥牛脚月走岩前石虎抱兒眠鐵蛇鑽入金剛眼崑崙騎象鷺鷥牽此四句內有一句能殺能活能縱能奪若檢點得出許汝一生參學事畢辭衆西峰三十年妄談般若罪犯彌天末後有一句子不敢累及乎人自領去也大衆還知落處麼良久曰毫釐有差天地懸隔書偈曰來不入死關去不出死關鐵蛇鑽入海撞倒須彌山泊然而逝塔全身于死關壽五十八臘四十三

衡州靈雲鐵牛持定禪師吉安泰和王氏子年三十一歲謁肯菴勤禪師剪髮尋依雪巖居槽廠習杜多行巖示衆曰兄弟做工夫若也七日夜一念無間眼不交睫無個入處斫取老僧頭作爲尿杓師默有所領未幾有痢疾乃持一觸桶就屏處危坐其上單持正念目不交睫經七日夜將半忽覺山河大地草木叢林徧界如雪天明月下堂堂一身乾坤包不得久之如聞擊木聲驚省遍體汗流其病亦愈踊躍自慶不已早詣方丈學似巖巖舉公案詰之酬答無滯復

作偈曰昭昭靈靈是什麼眨得眼來已蹉過則邊籌子放光明直下元來只是我至元戊寅命爲僧又脇不沾席者六年一日巖上堂舉亡僧死了燒了向什麼處去自代曰山河及大地全露法王身師卽詣方丈曰適來和尚舉揚般若驚得法堂前石獅子笑舞不已巖曰試道看師曰劫外春風萬物枯山河大地一塵無法身超出如何舉笑倒西天碧眼胡巖敲面前卓子曰山河大地一塵無者個是什麼師作掀倒勢巖笑曰一彩兩賽及入室問曰親切處道將一句來師曰不道巖曰爲什麼不道師拈起手中香盒子曰者個得來不直半文錢巖曰多口漢巡堂次師以楮被裹身而睡巖召至方丈厲聲曰我巡堂你打睡若道得卽放過汝若道不得趨汝下山師隨口答曰鐵牛無力懶耕田帶索和泥就雪眠大地白雲都蓋覆德山無處下金鞭巖曰好個鐵牛也因以爲號後住靈雲唱雪巖之道大德壬寅冬書長偈示衆其末曰塵世非久日消月磨桃源一脉三十年後流出一枝無孔笛吹起太平歌明春將示寂侍僧求別衆語

師曰吾別久矣恬然坐逝

徑山虛谷希陵禪師字西白義烏何氏子家貧而苦學寒暑如一早歲夢入淨慈羅漢堂至東南隅忽一尊者指楣梁間詩示師曰一室寥寥絕頂開數峰如畫碧於苔等閒翻罷貝多葉百衲袈裟自剪裁由是有出俗志年十九落髮東陽資壽依東叟頴于淨慈掌內記侍石林肇兼外記參雪巖欽于仰山掌藏鑰後依徑山雲峰高亦掌藏鑰尋命分座說法出世歷遷至仰山元世祖召見說法稱旨賜號佛鑑成宗加號大圓詔住徑山仁宗又加號慧炤至正壬戌四月十二日手書付囑說偈而逝諡大辯塔曰寶華有瀑巖集及語錄行世

淨慈倫禪師法嗣

絕象鑑禪師嘗頌洞山不安因緣曰洞山有路透雲巖絕處教通到者難拄杖頭邊開活路方知不隔一毫端又頌晏國師赴大王請雪峯門送話曰洞天無壁月無遮朝斗先生扣齒牙風撼古壇松子落打翻頭上楮冠斜又頌泐潭法會問馬祖西來意曰鷄聲

茅店月華明客夢沉迷尙未醒開得眼來天大曉羣頭垢面便奔程

竹屋簡禪師頌鼓山聖箭曰青童雙勒玉驄嘶淡白春衫綠帶圍半夜歸來花底月金鞭敲落亂紅飛又日九重城裡本非遙射折重重箭倍饒忽遇二軍圍繞處分明有路直通霄頌投子指雨示僧曰天日來好雨曰百花香裡鷓鴣啼白面郎君醉似泥赫日光中開得眼福城東際草萋萋

無學元禪師法嗣

月庭忠禪師嘗頌迦葉擯文殊曰錦衣公子遊春慣白首佳人懊恨多彼富尙嫌千口少自貧無奈一身何又頌僧問白雲舊歲已去新歲到來如何是不遷義曰落葉已隨流水去春風未放百花舒青山面目依然在盡日橫陳對落暉

雪峰湘禪師法嗣

泉州開元斷崖妙恩禪師全州倪氏子初遍參名宿旋入雪峰湘和尚之室湘器之至使分座退居善見痛自韜晦至元二十二年僧錄劉鑑義言于行省奏

合開元百二十院爲一禪刹。明年秋，延師爲開山第一世。堅致不獲，謝至門曰：「第一句最初步，說到行到大千捏聚，喝一喝，莫來攔我。」毬門路墜座，嗣湘法示衆。吾心似破竹徑直無迂曲，一點不相瞞。六六三十三上堂是法，非思量分別之所能解。三家村裏十字街頭，穢語相爭，惡言厮罵，總是面門放光，助佛揚化。其奈學此道者，如人畫龍，真龍見時却又驚怕。因甚如此？識眞者寡。師履行純實，律身清苦，終始無數脇不沾席者四十二年。語言無華，而人心悅服。叢林法敝，以之具興三十年。三月望，以法弟契祖補其處。越三日，圓寂。既火而雨，舍利藏于西山，賜諡廣明通慧普濟禪師。有上生經解語錄行世。

泉州開元契祖禪師同安張氏子。初侍法石元智，智奇其材，既遍參畢，乃湛伏鄉院。至元二十九年，妙恩請爲堂中上座。至敬愛之，師嘗疾，恩餽藥資，不受。偈曰：「政坐虛消人信，施生身受此饒。」團殃鎔熱，鍊都吞了。那更教人入鑊湯，恩益重其爲人。三十年恩使嗣位，代行湘師之道。重陽上堂，今朝重九節，籬根菊

又花諸方不說陶潛卽說孟嘉。開元無可說者，歸堂喫茶鼓山行，筇至上堂。劣則峯前靈源洞口不墮巖崖，有一句。今日開元擬爲重舉，嗔鼓山門下不許咳嗽。時眞首座有能頌聲，以下隱頌要師作師頌曰：「自斷胸中更沒疑行藏，那許鬼神知直饒。天下藏天下未是羚羊挂角時，眞嘆服寺有傑道者，煩清狂出言無度，恒掃除街市所至，群穢相與譁笑之。素所服衣垢甚，忽取澣之，言明日行矣。至明日求僧粥，不予。傑請曰：「求之不再，幸予我得粥還。」置于几危坐而化。師爲闍維曰：「一生傑斗打硬參禪，街頭巷尾掣風掣顛若無末上一解，不值一半文錢。傑道者誰信？寒灰有煖烟，有司以師道行，聞賜佛心正悟之號，延祐六年秋無疾而化，壽九十，全身塔于西山。」

育王珙禪師法嗣

金陵保寧古林清茂禪師十三歲爲僧，見老宿舉高菴見僧不會便扭住曰：「父母生汝身，師友成汝志，無饑寒之迫，無征役之勞，於此不堅確，稍進成辦道業。」他日有何面目見父母師友乎？師聞之不覺涕淚俱

下便知有出生死一著子遂參善知識即便放下身心如是二十年間斫斫孜孜未嘗暫捨及到育王會中稍知觸淨後得徹悟出住開元永福保寧諸刹解夏小參僧問毛巨吞海芥納須彌是衲僧分上事不是衲僧分上事師云拈却門前大案山進云鯨吞海水盡露出珊瑚枝師云金剛腦後鐵蒺藜進云只如教中道我得無諍三昧人中最爲第一如何是無諍三昧師云放汝三十棒進云仁義盡從貧處斷世情偏向有錢家師云知恩者少負恩者多僧問昔日舉上座見琅琊問近離甚處舉云兩浙琊云船來陸來舉云船來琊曰船在什處舉云步下意旨如何師云開口見膽進云琅琊云不涉程途一句作麼生道如何是不涉程途底句師云前不迭村後不迭店進云只如舉上座以坐具據云杜撰長老如麻似粟又作麼生師云焦磚打著連底凍進云後來琅琊問侍者此是甚麼人者云舉上座琅琊遂親下旦過問云莫是舉上座麼莫怪適來相觸忤作麼生是觸忤處師云爛泥裏有刺進云舉上座喝云長老何年到汾

陽我在浙中早聞汝名見解如此何得名喧宇宙琅琊遂作禮云某甲罪過那裏是他罪過處師云若不登樓望安知滄海深進云後來大慧和尚道二大老相見如日月麗天龍象蹴踏未審還端的也無師云土上加泥又一重進云琅琊後遇慈明舉此語明云舉見處纔能自了是汝負墮爲復肯伊不肯伊師云一點水墨兩處成龍進云可謂龍得水時添意氣虎逢山勢長威憚師曰無人處祈願望汝僧禮拜師乃云秋初夏末東去西去萬里無寸草處去出門便是草擬向什麼處去古人事不獲已開却通天大路又謂之清淨大寂滅海與諸人同出同入初無絲毫差別彼我之相直下會得九十日內功不浪施明朝自恣之辰一任東去西去只不得向萬里無寸草處去何故蓋爲諸人未嘗踏著者一路子所以前頭大有事在雪峰云盡大地是解脫門把手拽不入雲門云盡大地是解脫門枉作佛法會却一處不通兩處失功兩處失通觸途成滯山僧道盡大地是解脫門過去未來現在三世諸佛盡在裡許汝諸人亦在裏許

拈拄杖云拄杖子亦在裡許且道還有不在裡許者
麼良久喝一喝云空將未歸意說向欲行人永福入
寺小參紅塵鬧市十字街頭百草頭邊孤峰頂上若
作佛法商量入地獄如箭射直得萬機休罷千聖不
攜聲前非聲色後非色箇點將來正是觸體前妄想
借使打破觸體揭却腦蓋踢倒須彌踏翻大海脚跟
下推勘得出也是落七落八通方上士出格高人除
非自有生涯終不守他窠窟現前大眾冀善參詳山
僧二千里水陸間關來此聚頭不爲別事復說偈云
處世行藏各有由老來誰不愛心休爲圓覺嶺先師
話來結鄱陽衲子讎跛鱉但隨他逐浪錦鱗終是解
吞鉤相逢試把家私展蜜菓時懸檠樹頭

淨慈鞏禪師法嗣

杭州靈隱東嶼德海禪師嘗頌俱胝豎指曰深深無
底高高絕攀思之轉遠尋之復難
嘉興府天寧竺雲景曇禪師婺州浦江嚴氏子及長
學無常師預石林座下委心請法林示曰佛之妙用
在汝觸事不迷師一言解悟初住婺之治平遷蘇之

北禪僧問諸法已聞於今日西來祖意願敷宣師曰
西來無意可宣曰達磨却傳個什麼師曰九年面壁
羞惶殺人曰與麼則佛法遍天下談玄口不開師曰
切忌喚鐘作甕問古人道須參活句莫參死句如何
是活句師曰路逢死蛇莫打殺曰如何是死句師曰
無底籃兒盛將歸曰不死不活句又作麼生師曰易
分雪裡粉難辨墨中煤問三寶未達十聖難知如何
是此宗師曰無孔笛豔拍板曰知音者誰師曰聾人
爭得聞曰也知和尚慣有此機師曰鷄子過新羅問
如何是涅槃心師曰須彌山曰如何是差別智師曰
四海水曰都來總不消得師曰金剛王寶劒你還提
得起否曰請師高著眼師曰話作兩橛住余山慈雲
昭慶寺上堂金烏東上玉兔西沉伶俐衲僧東討西
尋忽然撞破虛空歷劫只在如今卓拄杖下座焙經
上堂海藏靈文經天緯地琅函玉軸寒壑填溝如來
不說說敲出鳳凰五色髓迦葉不聞聞擊碎驪龍頷
下珠火焰爲三世諸佛說法義天朗耀揭坤維三世
諸佛向火焰上說法字脚不留空法界兜羅綿裏玉

轉珠回文武火中星移電捲行行鑄出黃金字朶朶
花開白玉蓮只如經歸藏禪歸海又作麼生五千餘
卷瘡痍紙一衆傳來耿夜光

徑山度禪師法嗣

杭州徑山虎巖淨伏禪師淮安人至元二十一年正
月帝御大明殿受朝賀因問南禪才者右相和禮霍
孫首學師師作偈以進其略曰過去諸如來安住秘
密藏現在十方佛成道轉法輪未來諸世尊一切衆
生是由妄想執著結煩惱蓋纏迷成六道身虛受三
塗苦唯念過現佛不敬未來尊與佛結冤讐或烹宰
殺害不了衆生相全是法性身昔有常不輕禮拜於
一切言我不輕汝汝等當作佛若能念自他同是未
來佛現世增福壽生生佛國帝覽悅而問曰戒勿
殺有道者試爲朕言之師對曰有宋仁宗皇帝一日
語群臣曰朕夜來饑甚思欲燒羊群臣奏曰陛下何
不宜付有司辦之仁宗曰朕偶饑思爾慮爲常例寧
忍一時之饑不忍啓無窮之殺殿下皆稱萬歲上嘉
納卽受帝師戒

徑山愚禪師法嗣

寶葉源禪師嘗頌五通仙人曰那一通你問我口是
福門招因帶果慚愧慈悲大法王丙丁離壬不屬火
又頌羅山開堂珍重便下座曰瑞世優曇見最難異
香浮動曉風寒自非世主垂青眼却作閑花野草看
又頌德山見僧入門便棒曰皎潔晴天吼怒雷鐵山
萬疊盡驚開因思塊雨條風日安得全提有此來
閑極雲禪師舉莊宗酬價因緣頌曰君王寶自難酬
價興化何嘗敢借看天地既無私蓋載至今留得鎮
中原又頌黃檗在鹽官殿上禮佛唐宣宗問不著佛
求曰轟雷掣電奮全機正是潛龍熟睡時忽地夢回
春恨斷曉風吹雨過前谿

徑山月禪師法嗣

南叟我禪師嘗頌婆生七子話曰鄂渚渡頭窮鬼子
全機錯在扣舷時何如別下一轉語救取婆婆第七
兒又頌魯祖面壁日日暖佳人刺綉遲紫荊枝上轉
黃鸝欲知無限傷春意盡在停針不語時又頌僧問
趙州道人相見呈漆器曰漱石冷冷古澗陰喬松干

尺帶寒青多應只看昂霄操誰信根頭有茯苓

天池信禪師法嗣

建寧府天寶山鐵關法樞禪師温州平陽林氏子年十七辭父母詣華藏禮竺西坦爲師受具後參中峯本及菴信俱不契遂見元翁信于石門教看三不是話凡三載一日齋後下床忽大悟作頌曰不是心佛物拶出虛空骨金色獅子兒豈戀野狐窟咄咄卽詣方丈翁問作麼師曰南泉被我捉敗了也翁曰不是心不是佛不是物是個甚麼師曰牙齒一具骨耳朶兩片皮翁曰不是別道師曰鶯啼燕語鵲噪鴉鳴翁曰錯師亦曰錯翁曰南泉卽今在什麼處師便喝翁曰離却者一喝南泉在什麼處師拂袖而出由是往參江西諸尊宿凡四年復歸石門翁問南泉向何處去也師曰說甚南泉釋迦老子來也翁曰不是心不是佛不是物是如何師曰劒去久矣翁乃曰諸佛妙道善自護持遂留侍巾拂一十五載盡得其末後大事後南遊建州郡將請主天寶不數載遂成叢席再住松溪之普載開堂日師曰當陽一句直截根源把

住放行全機歷落坐斷千聖頂顛鑿開翳眼睛疾談過鋒奔流度刃直得妙峰踣踣慧海波騰正恁麼時開堂祝讚一句作麼生道擊拂子曰龍袖拂開全體現象王行處絕狐踪上堂弗弗弗莫莫錯錯錯顧侍者曰老僧舌頭在麼遂下座小參金剛正印率土咸歸佛祖鉗鎚人天罔措階梯不立知解不存德山棒通上徹下臨濟喝絕後光前一明一切明一用一切用大丈夫秉吹毛劒懸肘後符雙收雙放全殺全活雖然鶴有九臯難翥翼馬無千里謾追風三年謝歸天寶至元六年八月示疾十三日作書別諸外護十五日索浴畢書偈曰本無來去一句全提紅霞穿碧落白日遶須彌擲筆而逝塔于本山

蒙山異禪師法嗣

鐵山瓊禪師參雪巖嚴曰有甚麼事師曰門前好個五鳳樓嚴連打二三十棒曰未在更去做工夫以紙求得法語曰風吹林葉四窓虛明獨坐一榻萬象鏡清汝撐得鐵船來載鐵山下得海然後向汝道一一現成猶是錯認定盤星佛法如大海前面洪濤際天

轉入轉深偈曰一撈虎空粉碎時花開鐵樹散瓊枝
紹隆佛種向上事腦後依然欠一匙偶頭痛欲煎藥
手提瓶子遇見覺赤鼻曰你須是如那吒太子析肉
還母析骨還父然後爲父母說法始得師忽然打破
疑團偈曰一莖草上現瓊樓識破古今閑話頭拈起
集雲峯頂月人前拋作百花毬值巖示寂遂至東林
因東林入室次學問心不是佛智不是道作麼生道
師曰抱賊叫屈曰不是心不是佛不是物是如何師
曰眉間迸出遼天鵲後到蒙山每遇入室山只道欠
在後於定中觸著欠字於是身心豁然徹骨髓走
上方丈捉住山曰我少欠個什麼山打三掌師禮三
拜又曰啞鐵山者著子幾年今日方了次年命首座
冬至秉拂曰冬在月頭賣被買牛冬在月尾賣牛買
被卓拄杖曰者裏無頭無尾中道齊休行也休休住
也休休坐也休休臥也休休睡眠豁開五雲現瑞光
風霽月無處不週梅綻枯枝古渡頭風前時復暗香
浮雖然到此向上一路萬里崖州何以見得靠拄杖
曰休休

太湖寬禪師法嗣

常州龍池一源永寧禪師淮東通州朱氏子世爲宦
族九歲懇求離俗依利和州廣慧寺出家寺乃州之
望刹宋有淮海肇禪師說法度人聲聞當時前一夕
寺衆同夢迎淮海次日而師至識者異之受具後遍
參諸老皆弗契謁無用于太湖用門庭高峻師方入
門卽厲聲叱出師作禮於門外合爪而立久之乃許
入見用問何處人師曰通州用曰淮海近日盈虛若
何師曰沃日滔天不存涓滴用曰不著糟道師曰請
和尚道用便喝師退就禪室徹夜不寐一日聞用舉
雲門一念不起語聲未絕而有省急趨入室無用便
打然知師已悟令頌趙州狗子話師立成曰趙州狗
子無佛性萬象森羅齊乞命無底籃子盛死蛇多添
少減無餘剩用嗒然一笑復舉證道偈問曰掣電飛
來全身不顧擬議之間聖凡無路速道速道師曰火
迸星飛有何擬議觀面當機是不是用振威一喝
師曰喝作麼用曰東瓜山前吞扁擔捉住清風剝了
皮師不覺通身汗下匍五體投地曰今日方知和尚

用處用曰閉著口至治癸亥宜與之龍池請師建立
禪林業已告就後復擇絕巘作室以居至順庚午出
主李山始開法無何遷常之天寧順帝賜號本覺妙
明眞淨禪師戊子有旨召入覲命說法于龍光殿上
大悅賜金襴法衣兼玉環加師號佛心了悟大禪師
賜歸未幾奉旨函香至五臺感文殊現祥光五道明
年辭歸庚子復爲衆所逼出領善權寺壬午謝歸龍
池洪武己酉六月示微疾命弟子裁紙製内外衣且
曰吾將逝矣移龕至絕巘所居十七日師起浴索筆
書偈曰七十八年守拙明明一場敗闕泥牛海底翻
身六月炎炎飛雪書畢側臥而化茶毗有五色光現
齒牙舌輪數珠皆不壞舍利無數煙所到處亦纍纍
然衆共取之至灰土中掬取淘汰獲者亦衆

無能教禪師法嗣

西湖妙果竺源水盛禪師饒之樂平范氏子十七依
羅山院出家既得度首謁月庭忠於蔣山時孤舟濟
爲第一座以皖山示蒙山語示之師極力參究越五
載有省濟曰蒙山常言栽松道者不具二緣而生達

磨塋熊耳後隻履西歸果神通耶抑法如是耶師曰
此形神俱妙而已濟曰不然子他日當自知之師住
無爲州見無能以濟所舉質之能曰爲汝弗解故也
師忽大悟能撫其背曰爾後當大弘吾宗也尋分座
于荇福既而隱于南巢天曆己巳出主西湖妙果未
幾復還南巢至正丁亥夏示寂初預立塔于南巢五
峯之下是夜有光如匹練自天際下燭俄頃散布五
峰之頂復合于塔中彌三夕乃止師制行峻絕如孤
峰萬仞可聖而不可攀嘗囑其徒曰凡剃髮染衣當
洞明心宗行解相應以正悟之境靈靈自照歲久月
深具大無畏如透水月華萬浪千波觸之不散方不
被生死陰魔所惑此師之生平實悟實證者故亦用
之以誨人也

繼燈錄卷第四

繼燈錄卷第五

鼓山嗣祖沙門 元贊 輯

臨濟宗

南嶽下二十二世

雙林闇禪師法嗣

杭州徑山月江宗淨禪師金華蘭溪倪氏子髫齡從邑之正覺院文譚祝髮受具因誦楞嚴經至如標月指處豁然有省往參雙林正菴闇問黃檗打臨濟你作麼生會師曰按牛頭喫草闇奇之留領維那後出世歷遷至徑山臨寂書偈曰祖師門下客開口論無生老我百不會日午打三更遂逝茶毗舌根不壞建塔于圓照菴

天界曇禪師法嗣

南京靈谷定巖淨戒禪師參覺原原舉桶穢爆因緣問之師擬議未即答原厲聲曰早遲八刻了也師於言下大悟師續刻頌古聯珠行於叢林

高峰妙禪師法嗣

杭州天目中峰明本禪師杭之錢塘孫氏子母夢無

門開禪師持燈籠至家遂生神儀挺秀具大人相雖襁褓便趺坐能言便歌讚梵唄參高峯於死關晝夜精勤困則以頭觸柱一日誦金剛經至荷擔如來處恍然開解遂從高峯薙落時年二十有四也未幾觀流泉有省即詣峰求證峰打趺出既而民間訛傳官選童男女師問忽有人來問和尚討童男女時如何峰曰我但度竹篋子與他師言下洞然徹法源底于是高峯書真贊付師曰我相不思議佛祖莫能視獨許不肯兒得見半邊鼻有問峰諸弟子優劣峰曰如義首座固是一根老竹其如七曲八曲唯本維那却是一竿上林新篁他日成林未易量也師居無定所或船或菴榜以幻住僧俗爭相瞻禮皆手加額曰江南古佛延祐戊午仁宗皇帝聞而聘之不至製金襴袈裟賜之號曰佛慈圓炤廣慧禪師院曰正宗英宗皇帝亦封御香製衣即所居而脩敬焉先是駙馬太尉潘王王璋常使人從師問法意以爲未足請於上親往見之請師陞座爲衆普說曰大道無爲大功不宰大善無跡大位不居一切處海印發光千萬古金

枝挺秀訪圓通大士於潮音洞。買石得雲饒。修如意輪期于明慶寺中。移花彙蝶至香風奏四天之樂。梵音轟大地之雷。二千載已現國王五百劫常爲世主。一大藏教隨機運轉百千妙行。任意發揮祝萬歲于九重保三韓於上國。此是太尉潘王海印居士尋常行履處。只如今日偕行宣政院使平章相國王子從官高登天目下視人寰。且佛法相應一句如何指陳。匝天匝地祥雲起。無古無今瑞氣騰。小參大道在目前。山是山水是水。立機超物表。聖非聖凡非凡。一念洞然萬緣廓。爾水晶宮秋容淡。森羅萬象吞吐明月珠。松雪齋瀨氣沉沉。屏凡六窓交徹。寶絲網無一物不彰。至化無一事不演。真乘莊周雖蝶夢。枕邊敢保其當機。罔措子韶雖蛙聞月下。未許其覲面。施呈者一著子名不得狀不得。卽其知處已陷情。團事亦然理亦然。與麼會時早沉識海。所以道神光獨耀萬古徽猷。入此門來莫存知解。且不存知解底句如何。指陳玉宇秋高無境界。金園春事政敷腴。示衆慧劍單提日用中。天然元不犯磨。神號鬼哭喪魂膽。

遍野橫尸不露鋒。古人與麼說話。已是自傷已命了也。殊不知我王庫內無如是刀。佛成道日示衆立立絕待妙妙。無依獨露真常。全彰全體。名不得狀不得雪。老冰枯理無礙事。無礙天荒地迴。萬里雲收。午夜四方星燦。長空揭開威音那畔。腦門圓陀陀光燦燦。揭瞎觸醜背後眼光淨。裸裸赤條條勒回三萬劫風飛。雷厲之神機突出五千軸。海湧雲屯之寐語大衆釋迦老子來也。卽今在諸人眼睛裏。仰見明星頂額上。成等正覺你諸人還覺眉毛動也。無如其未委各請歸堂。至治癸亥八月十四早書偈辭衆曰。我有一句分付大衆。更問如何。無本可據。置筆安坐而逝。後七年天曆己巳春。文宗皇帝賜諡智覺禪師。塔曰法雲。元統二年賜廣錄三十卷入藏。號普應國師。杭州天目正宗寺斷崖了義禪師。湖之德清湯氏子。年十七有禪者。誦高峰上堂語曰。欲窮千里目。更上一層樓。師曰。此大善知識。必能爲人抽釘拔楔。遂往見聞峰舉牛過窓。樞師疑甚。他日過鉢孟塘。見松上雪墜。有省。卽呈頌曰。不問南北與東西。大地山河一

片雪聲未絕峰痛棒不覺隕身崖下及出廼自誓七日取證遂端直堅堅忘廢寢食夜則攀樹露立達旦未至所期豁然大悟馳至死關呼曰老和尚今日瞞我不得也呈頌曰大地山河一片雪大陽一焰更無蹤自此不疑諸佛祖更無南北與西東峰上堂曰二十餘年布個漫天網子打鳳羅龍竟不曾遇著一個蝦蟇今日不期有個蟪蛄撞入網中固是不堪上眼三十年後向孤峰絕頂揚聲大叫且道叫個什麼大地山河一片雪師即奪拂子爲衆舉揚呵勵同學辭不少異復曰盡大地有一人發真歸元某甲皆知之有僧參峰次峰令見師師曰驀直去師從此剝落所至歸重泰定三年師徇衆請坐正宗寺一載示衆若要超凡入聖永脫塵勞直須去皮換骨絕後更甦如寒灰發焰枯木成榮豈可作容易想我在老和尚處多年每被大棒打痛徹骨髓不曾有一念遠離心直至今日纔觸著痛處不覺涕流豈似你等歡喜踴躍較著些子苦味便乃掉頭弗顧殊不知苦味能除百病大凡工夫若到省力時如順水流舟只要稍公

牢牢把舵纔有絲毫異念生管取喪身失命若到純一處不可起一念精進心不可起一念懈怠心不可起一念求悟心不可起一念得失心纔有念生即被一切邪魔入你心肘使爾顛狂胡說亂道永作魔家眷屬佛也難救你戒之戒之元統元年除日謂從者曰有一件事天來大你還委悉麼良久曰明日是年朝正月六日詣法雲塔西指空地曰更好立個無縫塔其晚與禪者談笑至夜分乃曰老僧明日天台去也者曰某甲隨師去師曰你走馬也越我不及翌午踟躕而化壽七十二臘四十九初中峰示寂會葬齋次師笑謂衆曰後十二年更爲老僧一會至是十二年矣賜佛慧圓明正覺普度大師弟子輩遂從師所指之處建塔焉

杭州天目山大覺寺布衲祖雍禪師明州寧海人得旨於高峰躬執樵爨貌甚鰥瘠而少文嘗和永明山居偈曰我要心灰即便灰何須更去覓良媒千差路口齊關斷萬別機頭盡截摧就樹縛茅成屋住拾荆編戶傍溪開是他癩癢無靈驗惹得天書三度來

又曰尋常冷解自知非退步沉蹤住翠微掃蕩百年榮辱夢倒回多劫本根機蟻因覓穴沿堵走蝶爲尋花遍圃飛須信先天并後地洞然物物有真歸初鶴沙瞿公寔爲高峰建寺于蓮花峰下請名大覺峰命師攝管及峰沒乃任住持後遷中竺嘗有念珠一串被鴉啣去次日復啣來還衆莫不異之一日無恙書偈辭衆安坐而逝

處州白雲空中以假禪師得法高峰後棲白雲山四方禪侶聞風來赴履滿戶外至元丙子夏一日援筆書偈曰地水火風先佛記掘地深埋第一義一免檀那幾片柴二免人言無舍利跌坐而寂

靈雲定禪師法嗣

洪州般若絕學世誠禪師示衆兄弟家三年五年做工夫無個入處將從前話頭拋却不知行到中途而廢可惜前來許多心機有志之士看衆中柴乾水便僧堂溫煖發願三年不出門決定有個受用有等纔做工夫心地清淨但見境物現前便成四句將謂是大了當人口快舌便悞了一生三寸氣消將何保任

佛子若欲出離參須實參悟須實悟

徑山陵禪師法嗣

金葉府雲黃山寶林桐江紹大禪師世居嚴之桐江姓吳氏幼入鳳山寺爲沙彌及受具後自上雙徑謁盧谷得其單傳之旨久之辭去歷參名宿乃曰吾今而後知法之無異味也復歸徑山時東嶼海唱道淨慈請師主藏每夜敷席于地映佛前燈閱大藏至三過遂盡通其旨至順壬申出世嚴之烏龍後遷智者寶林至己亥八月七日集衆訣別衆請書偈師接筆擲地曰縱書到彌勒下生寧復離此耶遂脩然而化茶毗舍利如紺珠色齒牙數珠不壞

杭州徑山竺遠正源禪師南康歐陽氏子年二十七始受具首謁盧谷谷以龍潭滅紙燭話問之師曰焦石可破層氷谷曰破後奚爲師曰探索乃知谷曰所知者何事師擬對谷便打師悚然默驗後五主巨剎其住靈隱時厄于回祿而師所居獨存似有神相之者住徑山日賜號佛慧慈炤普應禪師至元十二年六月將寂預告日期書偈而化塔全身於徑山弟子

剪爪髮分塵諸處皆有舍利叢生其靈異顯著如此
道場信禪師法嗣

嘉興府福源寺石屋清拱禪師蘇之常熟溫氏子依
本州興教崇福寺出家二十祝髮具戒後首參高峰
授以萬法歸一話服勤三年次住建陽西峰參及菴
菴問何處來師曰天目菴曰有何指示師曰萬法歸
一菴曰汝作麼生會師無語菴曰此是死句甚麼害
熱病底教汝與麼師拜求指的菴曰有佛處不得住
無佛處急走過意旨如何師答不契菴曰者個亦是
死句師不覺汗下遂求依止後入室菴再理前話詰
之師曰上馬見路菴呵曰在此六年猶作者個見解
師發憤棄去途中忽舉首見楓亭豁然有省回語菴
曰有佛處不得住也是死句無佛處急走過也是死
句某甲今日會得活句了也菴曰汝作麼生會師曰
清明時節雨初晴黃鸝枝上分明語菴領之久之辭
去菴門送之曰他日與子同龕未幾及菴住湖之道
場師再參命典藏後卓菴于天湖元統辛未住當湖
福源上堂把住也鋒芒不露放行也十字縱橫水雲

深處相逢却在千峰頂上千峰頂上相逢却在水雲
深處今朝福源寺裏開堂演法昨日天湖菴畔墾土
畊烟所以道法無定相遇緣卽宗可傳真寂之風仰
助無爲之化正與麼時如何卓拄杖曰九萬里鵬纔
展翼一千年鶴更翱翔歲朝上堂鏡清道新年頭佛
法有明教道新年頭佛法無道是有也未必有道是
無也未必無張公喫酒李公醉趙州東壁挂葫蘆上
堂吃飯要止饑飲水要止渴著衣要免寒歸鄉要到
家學道要到三世諸佛開口不得處參禪要到天下
祖師插脚不入處若不如倚他門戶傍他牆壁聽
人指揮喫人涕唾總不丈夫福源與麼說話良藥苦
口忠言逆耳解制上堂有佛處不得住樓臺月色雲
收去無佛處急走過池塘荷葉風吹破三千里外逢
人不得錯舉朗州山澧州水四海五湖皇化裏腰包
頂笠萬千千問著盡言山與水忽有不甘底出來道
山但言山水但言水有甚麼過良久云亦可全拋一
片心逢人且說三分話居七年退歸霞霧之天湖至
正間朝廷聞師名降香幣以旌異皇后賜金襴衣壬

辰秋七月二十四日示寂與衆訣侍僧問後事如何遂書偈曰青山不著臭尸骸死了何須掘地埋顧我也無三昧火光前絕後一堆柴擲筆而逝閱維舍利五色燦然不知其數塔於天湖之原配及菴塔示不忘同龕之記也有弟子愚太古者高麗人親得師旨嘗蒙說偈印可有金鱗上直鈎之句其王尊之爲國師聞師已逝表奏朝廷詔諡佛慈慧炤禪師仍入山分其舍利歸國建塔焉

匡山源禪師法嗣

嘉興府海門天真惟則禪師湖州費氏子母夢異僧分衛覺而有娠及旦異香襲人髻年出家徧參楚石千巖一十八位尊宿皆機緣不契後聞匡廬無極源禪師徑往叩之源亦無啓發後值源於廁上乃趨問曰如何是祖師西來意源擒住曰道道師於言下釋然頓悟但搖手而已源曰子有所得耶師曰何得之有日子作道理會耶師拂袖而出遂服勤月餘日益玄奧適平山林公招主藏鑰師往赴之後衆請開法海門上堂僧問如何是向上事師曰向下薦取曰作

麼生向下薦取師曰切莫動著曰動著後如何師曰與汝三十棒乃曰向上事向下事截斷兩頭休執滯驚然放出驚鼻蛇敵殺方知難躲避吽吽吽海門今日忍俊不禁越例爲諸人通個消息汝等還委麼以拂子點一點曰等閑拋下活人丹浩浩清風動天地上堂三三三九九海門潮音似雷吼香浮菊圃獻金錢靈感把堤呈玉狗你也有我也有捩轉南辰看北斗正恁麼時高登海門峰頂衝開碧落喝散白雲現大人相顯大神通底句子又作麼生道忽作脩羅擎日月相曰吞吐虛空擎日月十方法界即全身花朝上堂花期月夕蕊珠宮裏降神仙柳約春風綿繡叢中行綵女關關處處顯示舍那性海靜悄悄處理沒普賢行門正恁麼時且道關中活計是靜中活計是海門則不然良久彈指曰兜率天宮彈臂几閻浮世界響金鐘洪武初嘗預廣薦法會以足疾賜歸癸酉仲春示微疾一日侵晨告衆曰吾去矣侍者請偈師厲聲曰平常說底不是耶卽瞑目而逝茶毗獲舍利無筭頂骨牙齒舌根不壞建塔于福祐禪院

瑞巖寶禪師法嗣

天台華頂無見先說禪師台之仙居葉氏子資性秀穎嗜讀書過目成誦從古田屋羅髮參方山寶一日作務次渙然冰釋山以偈印之曰此心極廣大虛空比不得此道只如此受持休外覓師受命築室華頂一坐四十年足未嘗輒越戶限

高峰日禪師法嗣

日本國兜率院夢窓疎石國師姓源氏勢州人字多天王九世孫母禱觀音夢吞金色光而孕暨長繪死屍九變之相獨坐觀想知色身不異空花慨然有求道之意十八爲僧夢遊中國疎山石頭二刹一龐眉僧持達磨像授之既寤曰洞明吾本心者其唯禪觀乎初謁無隱範次謁一山寧山曰我宗無語句亦無一法與人師曰願和尚慈悲方便開示山曰本來廓然清淨雖慈悲方便亦無師疑悶無聊見佛國高峰日公叩請如前峰曰一山云何師述其問答峰厲聲喝曰汝何不道和尚漏逗不少師於言下有省辭歸舊隱常牧山一夕坐久偶倚壁忽然仆去豁然大悟

有等閑擊碎虛空骨之句求峰印可峰曰西來密意汝今已得善自護持卓菴濃州國王命師領南禪天龍等處王妃延入宮中執弟子禮問道賜號正覺又加號心宗普濟且遺以手書其略曰道振三朝名飛四海主天龍席再轉法輪秉佛祖權摧魔軍壘師以年高隱退尋示寂

開元祖禪師法嗣

開元佛果如炤禪師晉江蔡氏子從本寺道符出家開元合一妙恩爲第一世師左右恩恩甚器之既而徧參天慧內發深有所悟復歸開元恩益禮之及恩遷化契祖嗣位命師知藏大德八年領後堂十年移前堂及祖沒宣政院命師補其席嗣祖法佛成道上堂雪滿于山星回于天一見便見更待六年瞿曇瞿曇無端引得衆生起顛倒東土望西天又曰雪窖生埋幸可憐六年曾不動機絨眼皮爆綻三更後明破星兒卽不堪上聞賜佛果弘覺之號至順二年無疾溘化

紫籙道禪師法嗣

台州瑞巖恕中無愠禪師台之臨海陳氏子七歲入鄉校讀書不煩再授年未冠白父母依徑山寂照禪師剃落謁竺元以狗子無佛性話未破疑問纔開口被元一喝遂大悟呈偈曰狗子佛性無春色滿皇都趙州東院裏壁上挂葫蘆元乃發笑曰恁麼會又爭得師拂袖而出初住明之靈巖遷瑞巖上堂有問有答曰下挑燈無問無答兔頭截角別資一路萬里崖州直下承當且緩緩地拈拄杖畫一畫云天傾東南地傾西北臨濟小厮兒只具一隻眼卓拄杖喝一喝上堂祖師意無別法下地走穿却鞋上床眠脫却襪只恁麼太誦訛不恁麼無合殺爲山水牛百丈野鴨帶水拖泥不足觀腦後圓光最輝赫喝一喝上堂舉黃龍心禪師與夏公立劇談肇論論萬物爲自己情與無情共一體時有狗子臥香桌下龍拈歷尺擊狗子又擊香桌云狗子有情即去香桌無情自住情與無情如何得成一體公立不能加對龍曰纔涉思惟便成剎法何曾會萬物爲自己哉黃龍老漢傷慈不少夏公立如入寶山空手而回諸人要會萬物爲自

已情與無情共一體麼毆殺有情狗子碎却無情香桌盡情收拾將來與他一團束縛拋向東洋大海自然洒洒落落雖然更須知有頂門一竅始得拈拄杖擊香臺云阿刺刺阿刺刺登山脚膝酸啜茶舌頭滑十字街頭石敢當對月臨風吹尺八至節小參古佛心只如今明月焰幽谷寒濤助夜砧先德與麼吐露可謂千鈞之弩要待勅敵發機萬斛之舟不爲坳堂舩設若是滄溟上客闔外將軍振轉船頭踏蹴射垛自然中的於機先豈用瞻風於五兩所以道譬如師子王哮吼師子兒聞之皆增勇健不見洞山同與平云如何是古佛心平云汝心便是洞山云雖然如是猶是某甲疑慮平云恁麼即問取木人去大衆者些子見不破踏不著饒伊辯如滿慈智如鷲子未免癡狂外邊走今夜正當群陰剝盡一陽來復之時聊與諸人聚話片時敢問諸人洞山與麼問與平與麼答莫是將錯就錯借路經過麼莫是眞實相爲拳踢相赴麼如斯品論鄭州出曹門只如與平末後云恁麼即問取木人去此一轉語太殺慈悲多少人向者裡

錯會有能於此撥開胸襟伸得口氣何止醍醐灌頂
苟或未然陋巷不騎金色馬回來却著破爛衫後謝
事入松巖寄書退院衆固請師堅拒不允洪武七年
夏日本國主遣使入貢就奏請師化其國上召師
至闕下師以老病辭上憫而不遣遂住鄧之翠山
一日忽遣微疾索筆書偈曰七十八年無法可說末
後一句露柱饒舌咄端坐而逝

慶元府天童了堂一禪師至正二年住台之紫籜邊
天寧天童僧問昔日寶壽開堂三聖橫身相爲臨濟
住院普化盡力扶持畢竟明甚麼邊事師曰兩頭俱
坐斷一劒倚天寒曰與麼則五位君臣齊裂下三玄
戈甲一時收師曰錯下名言僧一喝師曰亂統禪和
如麻似粟上堂拈一莖草作丈六金身將丈六金身
作一莖草好大衆不是苦心人不知便下座上堂最
初一句末後一機直下搆得燈籠露柱動地放光其
或未然竺山今日失利示衆樵歌來疊嶂帆影落汀
洲胡孫戴紙帽直上樹梢頭七星劒五雲樓毬打人
夸人打毬萬事難把玩魚吞水面漚住天童上堂長

鶯鳥芳樹不棲摩斯迦滄溟不入龍泉與刀斧同鐵
利鈍懸殊良驥與駑駘同途遲速有異以拂子畫一
畫曰華須連夜發莫待曉風吹小參靈光不昧萬古
微猷智鑑洞明十虎普應時臨亞歲節屆書雲擊動
法鼓大衆雲集一天眞一一明妙更待說個甚麼
若說有法又被礙若說無法又被無礙若說不有
不無法又被不有不無礙若說不有不不無法又
被不不有不不無礙雲從龍風從虎聖人作而萬物
觀曰可冷月可熱衆魔不能壞眞說以拂子畫一畫
曰黃檗樹頭懸蜜果無言童子唱巴歌問文殊與普
賢萬法悉同源如何是同源底法師曰胡張三黑李
四曰一毛吞巨海于中更何言師曰不勞懸石鏡天
曉自鷄鳴曰是非不到處還有句也無師曰誠知你
亂會問名假法假人空法空請師直指師曰曾問幾
人來曰無根樹子向甚麼處栽師曰更深猶自可午
後更愁人曰只在目前爲甚麼再三不覩師曰千年
常住一朝僧

保寧茂禪師法嗣

嘉興府本覺南堂清欲禪師台之臨海朱氏子元曆二年出世集慶之開福上堂拈拄杖曰與麼來者彩鳳舞丹霄不與麼來者鐵蛇橫古路直饒與麼不與麼去來道絕也是稱鍾蘸醋卓拄杖上堂摩尼珠人不識如來藏裡親收得萬象森羅影現中一顆圓光色非色永嘉大似乞兒暴富開福道摩尼珠誰不識擊碎分文也不直拋向虛空更那邊免使時人挂胸臆然則雲開日出職到威成撞著本色道流恰似泗洲人見大聖元統元年住本覺上堂顧視大眾曰者裏莫有作家戰將麼時有僧出衆曰盡大地是個問頭和尚作麼生答師曰遍虛空是個答語你作麼生頷曰萬福師曰拄杖不在蒼帚柄與你三十日諸方有明眼人在師曰你莫是患盲麼僧無語師喝曰將謂是收燕破趙之才元來做未得行間小卒出去乃曰若論戰也個個力在轉處到者裏直須通方上士本色英流寸刃不施全鋒敵勝其或未然擬議不來觸體粉碎卓拄杖喝一喝下座舟中值冬至小參一道虛明總是自家田地初爻既兆全彰劫外乾坤無

去來動靜之殊無取捨是非之異可以騎聲蓋色可以隨流入流可以泛華亭半葉之舟可以盡澤國烟波之勝不舉任公之釣非同濠上之遊擊拂子曰劈口一橈已傷鹽醋離鈎三寸休更回頭拍膝曰永夜月明天在水雁聲飛過白蘋州問仲冬嚴寒年年事暑運推移事若何師曰昨夜日輪飄桂花今朝月窟生芝草問單傳直指已涉離微坐斷千差請師答話師曰破鏡不重照落花難上枝曰便恁麼去時如何師曰烏龜鑽敗壁問說法不應機總是非時語作麼生得應機去師曰夜半起來失却牛天明起來失却火問心不是佛智不是道還端的也無師曰喫飯止饑飲水止渴曰智不到處切忌道著又作麼生師曰塞却耳根分明聽取癸卯八月示寂

明州瑞雲清涼寺實菴茂禪師郡之奉化鄭氏子幼齡中夜坐禪母惡之推使仆輒達旦不寐後出家參南潤泉禪師一夕松月下聞流水聲有省往白泉泉俾詣古林林問汝來何爲師曰正爲生死事大求出離耳林曰子明知四大五蘊是生死根本爲何入此

革囊師擬議林以錫杖擊之豁然悟入至正壬午住長明之瑞雲山有僧問答未竟以手拍地而笑師曰滯貨何須拈出耶僧噓一聲師便喝僧有省退隱東堂影不出山元明師猶子也迎歸天童之此軒未幾示疾衆請書偈師曰我此中廓然也何偈之爲卽端坐憑几握右手爲拳以額枕之而逝號佛光普照大禪師

靈隱海禪師法嗣

徑山悅堂顏禪師明州人受度于婺之寶林寺徧參諸宿卒爲東嶼海之正嫡初住崑山之東禪轉吳門之萬壽升虎林之南屏遂陟雙徑堅大法幢名聞京國縑素雲縠如流赴壑朝廷再降璽書護教并賜金襴法衣師歷主四大刹有四會語錄金華宋公濂爲之序稱其隨機接引霑被爲多所謂施善巧釋結習假言辭窮實際者乎

建寧府斗峰大圭正璋禪師福州福清人禮湖南紹聽祝髮參東嶼海令看趙州狗子話工夫無間只是不知落處一日聞海頌俱胝豎指話言下頓悟遂上

方丈呈所得海曰作麼師曰古今現成事何必涉思惟海曰既不涉思惟汝來作麼師曰請和尚證明海曰證個什麼師便喝海曰汝什麼處見趙州師曰錯海曰向汝道什麼師曰須彌踣跳海曰趙州卽今在什麼師曰無海曰趙州鼻孔因什在老僧手裡曰謝和尚證明海曰放汝三十棒還我無字偈來師頌曰狗子佛性無覩著眼睛枯瞥爾飄身轉噉嚙哩蘇噓海撫而印之後結茅斗峯漸成叢席上堂良久曰黃金雖貴入眼成塵便下座上堂玉宇霜清瓊林落葉一向全提萬機寢創作者好求無病藥上堂舉青州布衫話師曰昨夜三更裏雨打虛空濕狸奴知不知倒上樹梢立上堂元正啓祚萬物咸亨喚作新年頭佛法瞎却你眼不喚作新年頭佛法折却我舌畢竟作麼生便下座臨終偈曰生本不生滅亦無滅幻化去來何用分別大衆珍重不在言說便合掌入滅

明州育王大千慧炤禪師永嘉麻氏子年十五依瑞光院出家受具後便發足參方首謁晦機次謁東嶼嶼問東奔西走將欲何爲師曰特來參禮爾嶼曰天

無四壁地絕八荒汝於何地措足耶師抵掌於几而退嶼知其有所悟乃復召至反覆勘辨嶼嘉之遂留執侍尋主藏于萬壽嶼遷淨慈邀師分座天曆戊辰出世樂清之明慶示衆佛法欲得現前莫存知解縛禪看教未免皆爲障礙何如一物不立而起居自在乎所以德山棒臨濟喝亦有甚不得已爾至正乙未遷補陀未幾署育王嘗垂三關語以示學者曰山中猛虎以肉爲命何故不食其子虛空無向背何緣有東西南北飲乳等四大海水積骨如毗富羅山何者是汝最初父母居九年退居妙喜泉上築室曰夢菴掩關獨處凝塵滿席不顧也洪武六年十月朔召弟子曰吾將西歸汝輩在外者可速還越七日沐浴更衣怡然入寂

育王雪窓悟光禪師字公實成都之新都人姓楊氏初說法于白馬寺遷開元已而升育王會天童虛席命師兼之有四會錄宋公濂序之其言曰四會之語屹立不遷如真正幢涉險度危如大法船至于垂三語以驗來學如臨萬仞懸崖撒手而立虞文靖公謂

爲佛果一枝鳳毛麟角其言信不誣也

天寧曇禪師法嗣

三空居士女中之善倫也秉烈丈夫之志不爲世氣所染參竺雲單持無字如是三十六年忽一日問曰生死到來時如何雲曰生是誰耶死是誰耶居士低頭問訊雲疑其異常遂再叩之曰是誰生是誰死士復低頭問訊雲曰切忌死在者裡士提起念珠曰數珠一百八未幾示微疾說偈而化火後得舍利甚衆

玉山珍禪師法嗣

金陵龍翔曇芳忠禪師南康人嘗繼端公之後住徑山後移蔣山升龍翔一夕寺災明日梁王詣寺問曰興復若何師曰賴有大檀越在王曰寺旣燬矣佛依何住師曰古佛過去今佛再來王曰衲子所謂蔣薄粥者何也師曰將謂殿下忘却王曰衲子所謂三隻襪者何也師曰國內山川都踏遍今朝親到帝王前王大悅賜號廣慧圓悟大禪師師再造龍翔工方竣而示寂

徑山伏禪師法嗣

杭州徑山南楚悅禪師隆興人也上堂聞聲悟道見色明心擣拈拄杖曰者個是色卓一下曰者個是聲諸人總見總聞且那個是明底心那個是悟底道喝一喝曰貪他一粒米失却半年糧謚佛慈法喜禪師

天童坦禪師法嗣

南京天界孚中懷信禪師明之奉化姜氏子年十五往法華院出家已而祝髮受具習教學三觀之旨後參竹西西知是法器厲色待之不與交一言師疑益熾一日西上堂舉興化打克賓話問師曰俊哉師子兒西領之師乃依止焉歷職至典藏泰定丙寅出住明之觀音遷洛迦山賜廣慧妙悟智寶弘教禪師之號法衣一襲至正壬午升中竺乙酉升天童冬十月移主龍翔會明兵下金陵寺僧散去師獨趺坐執兵者滿前無不投杖而拜高皇帝嘗幸其寺聽師說法嘉師言行純慤特改龍翔爲大天界寵賚尤加一日謂左右曰吾將歸矣汝等當以荷法自期勵精進行可也言畢而瞑侍者請留偈遂握筆書曰平生爲人戾契七十八年漏洩今朝撒手便行萬里晴空

片雪書畢復瞑停龕七日顏面如生其示寂前一日上方督師江陰夢師入謁上問曰師來何爲師曰將西歸來告別耳及駕還金陵聞師訃正與夢符上驚異詔出內帑以助喪事舉龕之夕上親致奠送出都門之外茶毗於聚寶山前舍利如麻如菽五色燦爛烟所及處亦累累然生門弟子卜於牛首山之東麓建塔焉

大慈成禪師法嗣

衢州烏石山傑峰世愚禪師郡之西安余氏子入蘭溪顯教爲僧得戒後徧參知識未有所入後參止嚴令看不是心不是佛不是物一夕坐至夜分聞隣僧舉證道歌曰不除妄想不求真豁然如釋重負偈曰時時覲面不相逢喫盡娘生氣力窮夜半忽然忘月指虚空迸出日輪紅往見嚴嚴曰那裏見神見鬼來師曰捉得賊了也嚴曰賊在甚麼處師一喝嚴曰開口合口都不是向上道將一句來師曰遍界明明不覆藏嚴舉竹筴曰喚作竹筴則觸不喚作竹筴則背你喚作甚麼師便掀倒禪床嚴打竹筴三下曰瞎漢

敢來者裏持虎鬚師便禮拜往見元翁問甚處來曰
大慈來翁曰大慈鼻孔深多少師卓拄杖一下翁曰
拗折拄杖把什麼卓師便禮拜曰今朝親見老師翁
翁曰念汝師孫放汝三十棒歸大慈執侍三載一日
嚴謂師曰古人尋師擇友不可蕩喪光陰子雖得佛
祖應化之道未能向上驪身因學汾陽見首山曰萬
古碧潭空界月再三撈擺始應知師始得大徹歸西
安烏石山結茅以居漸成叢席衆至三千指至正六
年住石溪僧問遠離烏石嶺來住石溪山開示人天
路如何透祖關師曰龍生金鳳子衝破碧瑠璃曰與
麼則覲面不相識千里可同風師曰重疊關山路曰
達磨西來不立文字直指人心見性成佛既不立文
字何得流傳至今師曰官不容針私通車馬曰直指
人心指出那個心師曰開口不在舌頭上曰見性成
佛性在什麼處師曰太湖三萬六千頃夜夜波心月
色明問黃梅碓棠花開日夜半傳衣過嶺南此事還
端的也無師曰一物本來無兩肩擔不起曰不是風
動不是幡動仁者心動又作麼生師曰知燈元是火

信水不離波曰和尚爲人一句又且如何師曰攔顯
一掌腦後一搥曰恁麼則老婆心切師曰不從巨浪
拋香餌爭得金鱗上釣船上堂萬仞峰頭打一搥粉
身碎首絕疑猜忽然絕後重甦起萬象森羅笑眼開
且道笑個什麼者回識得來時路更不將身入母胎
喝一喝大都安講主來參師問講主講什麼經曰金
剛經曾於無所從來亦無所去處得箇省處師曰既
是無來無去因什得到者裏曰便是無來無去底師
曰卽今在什麼處主一喝師曰下喝行拳都且止四
大分散時向何處安身立命曰盡大地那裏不是自
己師曰忽遇劫火洞然大千俱壞時如何曰我到者
裏却不會師曰六祖不會破柴踏碓達磨不識九年
面壁你不會見個什麼曰我只是不會師曰瞎漢請
坐喫茶洪武三年十二月示微疾書偈曰生本不生
滅本不滅撒手便行一天明月擲筆而逝弟子奉全
身藏于慈雲塔院

天寶樞禪師法嗣

福州雪峰逆川智順禪師温州瑞安陳氏子七歲出

家及受具遂入閩參鐵關關授以心要踰月因如廁
觀園中瓠瓜有省舉所悟求證關曰此第入門耳最
上一乘大遠在乃囑曰汝可悉棄前解專於參提上
致力則將自入閩奧矣一日值關將晚參擬離榻忽
豁然謂關曰南泉敗關今已見矣關曰不是心不是
佛不是物是個什麼師曰地上磚鋪屋上瓦覆關曰
卽今南泉在何處師曰鷄子過新羅關曰錯師亦曰
錯關曰錯錯師觸禮一拜關集衆勘驗師笑曰未吐
辭前已不相涉和尚眼在什麼處又爲此一場戲劇
耶關曰也要大家知遂將宗門要語一一訊師師皆
具答關然之乃命掌藏鑰尋令分座及關遷化衆請
嗣位繼主報恩遷歸原朝廷賜法衣及佛性圓辯之
號久之悉散其衣鉢所蓄退居一室掘地爲爐折竹
爲簪淡如也平章燕只不花出鎮閩省請師住東禪
不一載革故鼎新有同神造升雪峰亦立起其敝洪
武初詔有道僧十人於鍾山建無遮法會師奉
旨陞座說法大駕幸臨慰問備至南還住淨慈適
朝旨徵有道沙門入京以備顧問衆咸推師至京

四閱月一日索浴書偈而化茶毗獲舍利無筭持歸
建塔焉

鐵山瓊禪師法嗣

汝州香山無聞聰禪師香山人初參獨翁令參三不
是話未有省發一日敬上座謂曰要知端的意北斗
面南看疑之一夕有省遂尋敬敬問來者何人師曰
非人非我曰旣非人非我畢竟是什麼師曰饑來吃
飯困來眠敬不能決適鐵山從高麗歸在石霜乃往
見之山聞師有發明處乃問仙府何處師曰汝州曰
風穴祖師面目如何師曰和尚且止須臾之間將二
十年工夫說一遍鐵山把住嚤喉問如何是無字義
師曰近從潭州來不得湖北信山曰未是再道曰和
尚幾時離高麗曰未是更道師喝一聲拂袖便出山
曰者兄弟都好只一件大病道發明了師感激承鐵
山開示細大法門後隱光州獨行獨坐一十七年方
得顯脫曾說曰法無定相遇緣卽宗秉金剛劒吞栗
棘蓬截斷衲僧舌頭坐却毗盧正頂豎一莖草作丈
六金身將丈六金身作一莖草不是禾山鼓响且非

教外別傳直教寸絲不挂月冷秋空寒灰發焰到者裏喚作佛法墮地獄如箭射不喚作佛法亦墮地獄如箭射諸仁者畢竟作麼生會開口喪身失命不開口爛却舌根豈不見船子曰吾於藥山二十年藏身處沒踪跡沒踪跡處莫識身雖然恁麼舉唱開佛知見立大圓鏡豈涅槃幢舉揚般若敲唱雙舉兼帶挾通炤用同時正眼觀來盡是閑家具與我衲僧分上揀掉沒交涉拂子曰會麼

縉雲真禪師法嗣

代州五臺靈鷲碧峰寶金禪師乾州永壽人姓石氏父母俱崇善時有沙門以觀音像授其母囑曰謹事之當生智慧之男未幾果生師白光燁燁照室六歲禮雲寂溫法師爲童子及受大僧戒遂徧詣講肆窮性相之旨久之曰是可以了生死耶乃棄去時如海真禪師開法於縉雲師往謁示以道要師大起疑情偶攜筐隨海擷蔬於園忽凝然不動歷三時方寤海曰作定耶師曰動定不關海曰動定不關是什麼人師舉筐海不肯師置筐于地叉手而立海亦不肯師

一喝海奮前襟胸曰速道師築海胸仆之海笑曰塵勞暫息定力未能深也必使心路絕祖關透然後大法可明耳後憩錫峨眉日啖松柏脇不沾席者三年一日聞伐木聲大悟往見海海于地上畫一圓相師以袖拂去之海復畫一圓相師于中增一畫又拂去之海再畫如前師又增一畫成十字又拂去之海復畫如前師於十字加四隅成卍字又拂去之海乃總畫三十圓相師一一具答海曰汝今方知佛法宏勝如是宜往朔方其道大行先是師在定中見一山甚秀麗重樓傑閣金碧絢爛諸佛五十二菩薩行道其中有招師謂曰此五臺秘魔巖也汝前身脩道其中靈骨猶在何乃忘之既寤遂遊五臺山道逢蓬首女子身被五綵敝衣赤足徐行一黑契隨其後師問曰子何之曰入山中爾師曰將何爲曰一切不爲良久乃沒叩之同行者皆莫之見或謂文殊化身云師乃就山結靈鷲菴以居聲光日露四方聞之不遠千里負饌糧來獻者日續紛也至正戊子順帝遣使詔至京甚敬之命住海印寺力以疾辭賜寂照圓明之號

太祖高皇帝卽位詔師至南京見上于內殿問佛法大意上設普濟會于鍾山選高行僧十人蒞其事師與焉蒙寵賚甚渥親御翰墨賜詩十二韻未幾示微疾弟子請留末後句師曰三藏法寶尙爲故紙吾言欲何爲怡然而逝壽六十五臘五十九茶毗獲五色舍利齒舌數珠皆不壞

南嶽下二十三世

淨慈聯禪師法嗣

杭州慈光寺立中成禪師錢塘孫氏子首謁祖芳聯公請益次聯舉臘月火燒山話師頌曰白雲迷却舊行踪臘月燒山火正紅再得慈風來扇發冷水冰處煖烘烘聯深器之

中峰本禪師法嗣

婺州伏龍山千巖元長禪師越之蕭山董氏子家世宗儒九歲就外傳諸書經目成誦十九薙髮於武林靈芝寺會行丞相府飯僧師隨衆應供適中峰在座卽呼曰汝日用何如師曰念佛峰曰佛今何在師擬議峰厲聲叱之師遂跪求法要峰授以趙州無話令

參於是縛茆靈隱山中未幾復以他務移動隨順世緣倏忽十載復還靈隱脇不沾席者三年因往望亭聞鶻聲有省亟見峯具呈悟因峯又斥之師憤然來歸夜將寂忽鼠食猫飯墮其器有聲恍然開悟復往質於峰峯問曰趙州何故言無師曰鼠食猫飯峯曰未在師曰飯器破矣師曰破後如何師曰築碎方巒峰乃微笑後隱居伏龍漸成叢席始開法示衆龍門水急一句截流茅屋風高千山起浪三世諸佛望風結舌六代祖師研額有分天下老和尚仰羨仰羨是汝諸人旣到者裏作麼生與山僧相見鶻拈拄杖曰與麼與麼人境俱奪不與麼不與麼炤用同時卓一下曰龍生金鳳子衝破碧琉璃上堂僧問如何是第一句師曰有口如啞曰如何是第二句師曰有眼如盲曰如何是第三句師曰棒折也未放你在師乃擲拂子曰此是老僧第二句如何是第一句便下座上堂轉山河國土歸自己則易轉自己歸山河國土則難拈了也父母未生前道將一句來示衆一喝分賓主照用一時行要會個中意日午打三更諸禪德臨

濟大師四稜塌地了也乃喝一喝且道那個是賓那個是主那個是炤那個是用又喝只者是賓只者是主只者是炤只者是用又喝且不是賓且不是主且不是炤且不是用是個什麼又喝云進前求解會特也斬精靈上堂僧問達磨面壁意旨如何師曰有口開不得曰人天交接兩得相見如何是相見底事師曰烟熏黑漆桶曰浩浩塵中如何辯主師舉拳示之曰辯後如何師曰你主在什麼處僧禮拜師乃曰秋風涼秋夜長未歸客思故鄉大眾如何是你故鄉喝幸然家裏坐不用苦思量至正丁酉六月十四日示微疾集衆書偈曰平生饒舌今日敗闕一句轟天正法眼滅投筆而逝諡佛慧圓鑒禪師

蘇州獅子林天如惟則禪師吉安永新譚氏子幼歲入禾山祝髮後往天目依中峰每見峰曰老幻一生參禪不得開悟心竊有所疑後深得其旨遂往蘇州卓菴以居名獅子林四方請益者日衆乃開法示衆執法修行如牛拽磨關西沒頭腦漢盡力道得一半不執修行如磨拽牛山僧忍俊不禁也只道得一半

休休以何法證以何法修隨流認得性無喜亦無憂不風流處也風流驀拈拄杖曰叵耐雲門大師又道觀世音將錢買胡餅放下却是饅頭卓拄杖曰不因夜來鴈爭見海門秋示衆有時伸出佛手有時放出驢脚錯有時拍禪床有時擊香桌錯有時舌生毛唇生醭拄杖長年靠壁角臨濟德山鼻孔一時穿却錯諸禪德向者三箇錯處認得老僧請你喫無麵飢飢示衆言無展事句不投機承言者喪滯句者迷擬心即差動念即乖不擬不動立地死漢故我祖師門下驀剗相逢無你轉身處據令而行無你開口處跨一步去鐵壁银山眨得眼來電光石火三世諸佛也只得望崖而退若是個生鐵鑄就底漢等閑一擲抹過太虛直得南山鯨鼻咬殺東海鯉魚陝府鎮牛撞倒嘉州大像三界拘繫不得千聖羅籠不住從前萬別千差當下七通八達一一現成一一圓妙方信道達磨元是老臊胡臨濟喚作白拈賊雖然恁麼到獅林門下更須朝打三千暮打八百何故如此卓拄杖曰華嶽連天秀黃河徹底清太龕成示衆生死與涅槃

六六三十六無常等不來我且先瞑目諸禪德且道天如卽今是死是活死却活天如活却天如死佛佛受輪迴只爲者些子示寂塔于水西原

日本國相州建長禪寺古先印原禪師世居相州姓藤氏爲國中貴族十三刺髮徧歷戶庭咸無所證遂入中夏參無見於華頂見指參中峰師屢呈見解峰呵之師寢食俱廢峯憐其誠乃曰此心包羅萬象迷則生死悟則涅槃生死之迷固是未易驅斥涅槃之悟猶是入眼金塵當知般若如大火聚近之則焦首爛額惟存不退轉一念生與同生死與同死自然與道相符脫使未悟之際千釋迦萬彌勒傾出四大海水入汝耳根纔是虛妄塵勞皆非究竟事也師聞之不覺汗下一日有省告峯曰原已撞入銀山鐵壁去也峰曰旣入銀山鐵壁來此何爲師超然領解後辭去參古林東嶼諸大老會清拙澄公將入日本拉師同行遂出世甲州之慧林遷萬壽淨智長壽諸刹一日微疾謂侍者曰時至矣可持觚翰來乃曰吾塏已成唯未書額耳大書心印二字遂逝初門人欲畫師

像預索贊語師作一圓相題其上曰妙相圓明如如不動觸處相逢是何面孔

般若誠禪師法嗣

建寧府高仰山古梅正友禪師廣信貴溪丁氏子自幼出家禮末山本公爲師往江淮南浙徧參知識一日因小便觸地得個入處往見絕學學問曾見什麼人來師曰見海印和尚教提無字學曰無字作麼生提師曰未提已前早自分曉學曰靈雲見桃花悟道玄沙云諦當甚諦當敢保老兄未徹在且道是許他不許他師曰言下許學大笑曰不是再來看次上方丈學曰夜來事作麼生師曰靈雲捉得賊玄沙不放賊卽今賊賊一時斷還和尚把坐具便打學曰黃檗打臨濟六十棒意作麼生師便喝學曰因甚又去打大愚再來掌黃檗師纔開口學曰不是師曰畢竟那個是學便攔頭打曰且去再來看次上方丈學曰抽袈裟師擬議學便打三下師便喝學又打六下師便休去後上方丈求住學曰你去見無用中峰斷崖三人了却來與我同住後到雲巖見法昌語錄曰

驅耕夫牛奪饑人食忽有微處不覺汗下便頌公案數則寄呈學學看畢對衆曰此人得我第三番竹篋上氣力但是尙欠脫殼在越三年因過堂打動鉢盂忽大悟出住天心繼住高仰上堂慧劍單提明行正令擬議不來喪身失命還有當鋒底麼良久曰正好一帆風過海個中不遇駕濤人小參月落山頭慘雲橫谷口陰欲明生死事直指本來心還有會得本來心底麼夜靜不勞重借月玉蟾常挂太虛中至正壬辰五月初三日跏趺示寂全身塔于鳳山

智者義禪師法嗣

杭州淨慈德隱普仁禪師藝之蘭溪趙氏子十歲依演法院出家及受大僧戒遂走參了然義公機緣相契命爲侍者後遍遊名利靡不改容禮之東陽輝公留掌記而徑山悅公尋延師分座至正乙未出住金華西峯太祖高皇帝取婺州幸智者寺詔師主之晚蒞南屏忽示微疾屈指計曰今夏五月矣左右曰然師曰此八月八日最良吾將逝矣至期整衣端坐而寂

◆ 卷之三

海門則禪師法嗣

湖州弁山白蓮寺懶雲智安禪師嘉興沈氏子依海昌淨妙寺出家首謁天真發明別傳之旨自此豁光有司屢起以名利不就後恪遵竹杖禪師遺命住白蓮寺示衆萬法歸一無孔鐵槌當面擲一歸何處抹過西天并此土青州布衫重七斤寒巖古木瑤花春仁者殷勤問端的娘生鼻孔從來直倘於言下解知歸九九方明八十一晚歸淨慈久之託疾告終塔于蒼弁之南阡

華頂觀禪師法嗣

處州福林院白雲智度禪師處之麗水吳氏子從空中假禪師祝髮受具深習禪定者四年出遊閩中還乃築福林院以居日取楞嚴圓覺閱之久之復出遍參謁無見問西來密意未審何如見曰待娑羅峰點頭却向汝道師以手搖曳欲答見遽喝師曰娑羅峰頂白浪滔天花開芒種後葉落立秋前見曰我家無殘羹剩飯也師曰此非殘羹剩飯而何見頷之乃服勤數載及辭歸見祝之曰心法相投豈在多言勿掉

三寸舌誑人須真正見解著于行履可也師佩服之至正甲申衆迎師歸福林甲辰中丞章公延居龍泉之普慈僧徒雲集至八百人丙午遷武峯洪武己酉應召入京未幾回浙明年二月示疾還福林五日索浴更衣書偈曰無世可辭有衆可別太虛空中何必釘櫪擲筆而逝茶毗得舍利五色齒牙數珠不壞瘞于院西

開元紹禪師法嗣

泉州開元夢觀大圭禪師晉江廖氏子初習儒學既成父詔之曰吾爲佛不成吾以汝許佛汝其毋違師乃往開元禮廣漩爲師得度後侍佛果凡三歷職而至分座書記秉拂一元未判至理全彰三畫纔分彝倫攸叙鸞嶺拈花微笑大似上古結繩少林立雪安心何異肇興書契自此淳漓朴散接響承虛說黑說黃指曲指直總是土圭測景尺筭量空衲僧家須向卦爻未兆點畫未分已前一印印定俾從上千聖窺覷無門歷代祖師難尋朕迹說甚麼東來意西來意佛法短佛法長只如今日紫雲影裏華屋斬新玲瓏

八面峭峻一方作佛法商量卽是作世諦流布卽是以拂子畫一畫曰未明三八九難達古皇道後堂秉拂無言無說處顯示泥團土塊一機一境上提撕平地骨堆洞山果桌浩老布襯一奢一儉慈明揭榜仰山叉手一儉一奢從上古德與麼激揚致使末代葛藤不少上方丈子聽得出來道一切諸法如夢如化今夜第二座又向夢中說夢輒莫瞞人好秉拂上座直得緘默而已何也鐵牛對對黃金角木馬雙雙白玉蹄後宣政院檄師主承天堅謝不起築室于寺西額曰夢觀日以詩文自娛其文似柳其詩似陶允登作者之壇學者俱宗之示寂建瘞于西山所著有夢觀集紫雲開士傳行世

荆源源禪師法嗣

明州天童元明原良禪師寧海周氏子初住台之瑞巖後主天童其侑宏智禪師詞曰嗚呼山不讓塵故能成其高海不讓流故能就其深師非宿備六度萬行之願輪則曷由樹斯大法之功於今古聖人出興作百世師千載一時惟師得之巍巍宰堵鎮茲東谷

洞上一宗真規復復昭告非詞深勒崖谷願師再來爲物作則

天童一禪師法嗣

撫州雲居呆菴普莊禪師台之仙居袁氏子母夢梵僧入室而生辟歲岐嶷穎異負笈入鄉校授書成誦長依天童左菴薙髮受具抵郡之天寧參了堂堂曰何來師曰天童堂曰冒雨衝寒著甚死急師曰正爲生死事急堂曰如何是生死事師以坐具作據勢堂曰敢來者裡捋虎鬚參堂去一日堂室中舉庭前柏樹子話師擬開口堂劈口掌之豁然有省由是朝夕咨決聿臻闢奧洪武己未出世撫州北禪示衆昨日開荒地請諸人剗却荆棘除去瓦礫本來基址已見分明只有中間樹子無人拔得山僧今日未免別行方便利刀剪盡繁枝葉鈍鏹深鋤邪見根實地工夫成一片住山鋤斧了無痕師凡見僧便曰近奉公文務要打點上座僧曰某甲不是好細師曰也要勸過始得曰和尚莫得倚勢欺人師展手曰把將公驗來僧擬議師便掌鏹草次僧問者片田地幾時鏹得乾

淨師豎起鋤頭曰不得喚作鋤頭未審上座喚作什麼僧無語師拋下鋤頭曰者片田地幾時鏹得乾淨問騎虎頭撥虎尾中間事作麼生師曰渠儂得自由曰只如古人道我也弄不出意且如何師曰入水見長人僧請益師曰汝自己分上少個什麼却來請益僧擬對師曰只知食程不覺差路次遷雲居僧問如何是雲居境師曰路轉溪回空院靜曰如何是境中人師曰太平時代自由身曰人境已蒙師指示願聞一句接初機師曰無毛鷄子拍天飛問路逢達道人

不將語默對時如何師曰達道者方知曰和尚何得干戈相待師曰捉賊不如嚇賊曰明眼人瞞他一點也不得師曰情知汝不是好心上堂老僧開荒時於法堂基上掘得一個鋤斧子久聚兄弟若有用得著者兩手分付若是負荷不起老僧收得來著甚死急不如颺向垃圾堆頭從他日炙風吹去也驚拈拄杖卓一下曰鞭起鐵牛耕大地誰能并底種林檎洪武二十六年春詔徵天下高行沙門師與舉首對揚綱旨秋函命祭廬山禮成復命賜衣一襲是冬

得旨升住徑山上堂自有生佛以來說法如雲如雨者不可勝紀徑山今日權借虛空爲口須彌爲舌宣說真俗不二法門十方世界情與無情一時異口同音讚言善哉善哉希有希有衆中莫有旁不甘底麼出來與拄杖子相見拈拄杖卓一下曰諦觀法王法法王法如是上堂人從廬嶽來接得華頂信報道南山白額虎却在龍淵裏藏牙伏爪東海赤梢鯉直上鸞峰頭躍浪衝波好大衆一大藏教何曾說到者裡雖然徑山拄杖子未肯放過在拈拄杖畫一畫曰仙人張果老不愛藥葫蘆靠拄杖下座忽于十月二十三日謂衆曰難難二八嬌娘上高山老僧扶不得言竟遂寂

徑山悅禪師法嗣

杭州靈隱見心來復禪師南昌豐城王氏子祝髮於邑之西方寺誓屏諸緣直明涅槃妙旨久之全體無礙謁南楚楚然之留司內記初住越之定水作室東澗名曰蒲菴示睦州思親之意掩關示衆槁木形骸百念灰溪猿野鶴苦相猜柴門獨掩青松雨笑口逢

人亦懶開管賦白牛偈曰耕雲不住海門東收放楞伽小朶峰露地已忘調伏力雪山誰識去來蹤放歸祇樹隨羊鹿種就曇花伴象龍一色天闌頭角別水精池沼玉芙蓉洪武元年冬以高行召說法鍾山賜食內庭師有能文聲上詔侍臣取而覽之褒美弗置時蜀王椿爲太祖所鍾愛命儒臣李時荊蘇伯衡等與師論道無虛日蜀王遇師甚恭命撰坐心觀道崇本敬賢四箴勝於宮以自警二十四年山西捕獲胡黨學師等往來胡府坐罪入減

靈隱明禪師法嗣

杭州淨慈無旨可授禪師台之臨海李氏子年十二入石門寺爲驅烏十九得度爲大僧已而嘆曰所貴爲比丘者務欲究明心宗爾荷纏蔽文字相中何時能脫離耶遂杖策遍歷諸方因緣俱弗契久之參普覺明公于靈隱問答之頃疑情頓釋覺可之命充堂司尋反石門白巖眞公延居上座至元六年出世台之大雄遷隆恩補白巖明年遷龍華一坐十五秋百廢俱修乃作休菴于西塢日修淨土業且曰此卽禪

功也惡可強明同異哉洪武六年杭之中竺以府侯之命起師主其席師勉強應之行至江濱淨慈諸勤舊帥衆邀于道擁入居其位師却之不得色頽然不怡居二載手撾鼓而退歸臥竹院俄示疾端坐西向謂左右曰吾將逝矣衆請偈師曰吾宗本無言說乃合爪稱佛號至聲漸微而寂茶毗牙齒貫珠不壞舍利色如金銀水精者遍地藏于龍塢

烏石愚禪師法嗣

南京靈谷寺無涯非幻禪師衡之西安人從傑峰爲僧峯問何處來師曰虛空無向背峰指寺鐘俾作頌師曰百煉爐中滾出來虛空元不惹塵埃如今挂在人頭上撞著洪音遍九垓時年十二峰器之卽令祝髮永樂丁亥太宗文皇帝有事于長陵徵師入對稱旨大嘉賞賚命住靈谷庚子春上建法會師若不經意其徒問之師笑曰自家有一大事甚緊何暇他及乃書偈曰生死悠悠絕世緣蒙恩永樂太平年者同撒手空歸去雪霽雲消月正圓遂逝羅陽三峰寺太初啓原禪師日本國人年十九參上

國四十五員知識末於傑峰得法後住三峰一日書偈曰生也鐵面皮死也鐵面皮一椎百雜碎白日繞鐵圍鄼筆而逝塔于院南

繼燈錄卷第五

繼燈錄卷第六

鼓山嗣祖沙門 元賢 輯

臨濟宗

南嶽下二十四世

伏龍長禪師法嗣

蘇州鄧蔚山萬峰時蔚禪師温州樂清金氏子年十三依本縣演慶昇講主出家十六落髮十九更衣學禪聞杭州虎跑止巖和尚道譽遂往參謁巖付以三不是話乃回明州於達蓬山佛跡寺故址卓菴辦道一日正在疑悶中忽聞寺中宗律師舉百丈問瀉山不可喚作淨瓶喚作甚麼瀉山踢倒淨瓶便行不覺觸破疑團說偈曰顛顛倒倒老南泉累我工夫却半

年當下若能親薦得如何不進劈胸拳遂往華頂訪
無見求決擇見問曰萬法歸一一歸何處師進前問
訊云不審見復問如何是道師曰道無可道見曰不
道又不道個甚麼師曰正要和尚疑著見曰疑著卽
錯師曰不疑亦錯見便喝師亦喝見又喝師亦喝拂
袖而出復回達蓬山居十載後往伏龍見千巖巖便
問不是心不是佛不是物是個甚麼師以坐具打一
圓相叉手而立巖休去次日復見巖問你將甚麼來
與老僧相見師豎起拳曰者裏與和尚相見巖曰死
了燒了向何處安身立命師曰漚生漚滅水還在風
息浪平月映潭巖復曰莫要請益受戒麼師掩耳而
出巖次日命師入堂首衆一日巖上堂舉無風荷葉
動必定有魚行師出衆一喝拂袖而行巖印以偈曰
鬱鬱黃花滿目秋白雲端坐碧峰頭無賓主句輕拈
出一喝千江水逆流師見偈從此退職遂往蘭溪嵩
山結茅以居後巖以書招之不至乃令人賁法衣頂
相授之師始開法元末移錫蘇州鄧蔚山創立伽藍
名曰聖恩道風彌布僧俗歸向益衆洪武十四年正

月十九日集衆付囑畢趺坐說偈曰七十九年一味
杜田懸崖撒手杲日當天語畢而逝世壽七十有九
僧臘六十夏停龕十三日顏色如生二月十三日塔
全身於院西

杭州天龍無用守貴禪師婺之浦江甄氏子入康侯
山爲僧首參千巖恍有所契次見中峰諸老乃曰千
江雖殊而明月則一吾今後無疑矣至正庚寅主天
龍不數載大小咸備隱然一大伽藍矣後示寂日書
偈曰一蠅臭殼內外穢惡撒手便行虛空振鐸天龍
一指今猶昨擲筆而逝

松江府松隱唯菴德然禪師郡之張氏子少祝髮於
無用貴公次謁千巖聞其提唱豁然悟入後嗣主其
席上堂元正啓祚萬物咸新驀拈拄杖曰拄杖子昨
夜抽條今朝吐蕊花開五葉香滿大千且道當得新
年頭佛法也無卓拄杖喝一喝上堂天無門地無戶
俊快衲僧一任去來藏裏摩尼照徹十方洞裏桃花
千葩競吐假劫外之春風應今時之律呂海神夜半
看鮫珠眼光挂在扶桑樹喝一喝上堂蠟人爲驗始

於今日九十日終推功辨的黃面老瞿曇結住布袋頭百萬人天咸皆受屈松隱結制總不恁麼以手作搖櫓勢曰山僧即今駕無底鐵船普請大眾同入大圓覺海遊戲去也喝一喝曰看取定南針

白蓮安禪師法嗣

杭州開元寺空谷景隆禪師蘇之洞庭陳氏子爲童時不如葦趺坐若禪定嘗從弁山懶雲咨問道要湖海諸大老亦靡不遍謁後禮虎丘石菴爲師宣德二年從杭昭慶受戒遂依石菴住靈隱七年往天目禮祖塔憩錫一載刻苦參究忽有省遂造懶雲剖露雲印可之初居西湖之正傳院晚年遷居開元示寂塔于西湖之修吉山所著有空谷集行世

南嶽下二十五世

鄧蔚蔚禪師法嗣

武昌府九峰無念勝學禪師德安隨州應山人陳姓九歲禮本郡寶林緣公出家自覺已事不明參無聞開示萬法歸一話後入嵩山住靜一日有省偈曰數載東山昏霧濛凭欄終日待晴空夜來忽起霜天月

萬象全彰一鏡中由是參萬峰于鄧蔚山峰以偈證之復回寶林道風昭著楚昭王建剎延師居之師問衆如何是達磨直指一句衆無語師代曰五乳峰前談少室洪武間太祖召至奉天殿親問法要師進偈上大悅御製詩文以賜永樂三年乙酉三月廿九日說偈曰世尊七十九無念八十邊打破華藏海依舊水連天儼然而逝塔全身於師子巖謚清福廣慧禪師

慈舟濟禪師法嗣

壽昌西竺本來禪師撫州崇仁人性裴氏七歲出家于本邑觀音寺年十三參見一峰寧付以禪觀之法孜孜究明已躬下事一日頓覺身若虛空心絕邊表行住坐臥不知是誰忽聞人誦清淨經云內觀其心無其心豁然有省作偈曰幾年外走喪眞魂今日相逢迥不同身畔金毛石獅子回頭吞却鐵崑崙乃往見一峰寧呈所見寧弗許遂往貴溪江東卓菴以居凡七年方得發明時寧已示寂乃往金山見慈舟濟得蒙印可歸隱劔江聖壽寺後寧王聞師道邁遣

使三請師終不赴。又呈偈問道師答以進修之要。王大悅。授師慧光普照禪悟圓通西江西竺大禪師之號。從此道譽遠播四方。來學者衆。次遷新城壽昌。豎大伽藍。上堂花燦爛。日輪紅。心法昭彰。觸處通衲僧。鼻孔大頭下。浩氣騰騰宇宙中。眼空四海無家計。只者拄杖子。在手要西便西。要東便東。卓一卓下。座小參了。了了一片長空光皎皎。休休雲自高。飛水自流。豁眼通身無向背。十方沙界任遨遊。後杉關福田寺廢。請師重興。工將畢。一日焚香趺坐。索筆書偈曰。者個老乞兒。教化何時了。顛顛倒倒任隨流。是聖是凡人不曉。咄來來去去。去海湛空。澄風清月。皎擲筆而逝。世壽六十八。僧臘五十五。門人奉眞身于師表堂。

繁昌俊禪師法嗣

普州東林無際悟禪師蜀人。二十出纏縛。竹爲菴。研勵無懈。四指大書帖。亦不看。只是拍盲做鈍工夫。後得大徹。大悟作偈曰。寂照無上下。光明處處通。本來無皂白。何處不含容。往見繁昌昌曰。還我炤用來師。

曰。若有炤用。卽成障礙。昌曰。者斯著空底佛也。救不得。師曰。有無俱寂。滅空佛悉皆非。昌然之後。寄以偈曰。憶昔繁昌一別時。此心能有幾人知。無絃曲子真堪續。慧命懸懸付阿誰。

何密菴居士法嗣

楊州素菴田大士僧。問補陀路向甚麼門出。士曰。卽今從何門入。曰。抑勒人作麼。士曰。看脚下。僧擡頭進前三步。士曰。錯。僧又退後三步。士曰。錯。僧茫然。士曰。是汝錯。貧道錯。曰。未舉已前。早知錯了。士拍膝曰。正好喫棒。在僧無對。士曰。若到諸方。分明記取。

南嶽下二十六世

鄧蔚持禪師法嗣

杭州東明盧白慧岳禪師。姓王氏。湖廣人。年十四往丹陽妙覺寺禮湛然落髮。一日作務次。然問曰。子在此作甚麼。師曰。切蘿蔔。然曰。汝只會切蘿蔔。師曰。也會殺人。然引頸就師。師曰。降將不斬。值然住疎山。聞松隱唱道雲間。卽往咨叩。一日出定。舉首觀蒼松。有省。尋至蘇之鄧蔚。見果林林。擲下蒲團。索頌。師曰。只

些消息本無言說破蒲團上地迸天裂林曰且道裂個甚麼師擬進語林便打林復指見寶藏具陳悟因藏闔心不是佛智不是道汝云何會師向前問訊叉手而立藏呵曰汝在者裏許多時還作者見解師乃發憤忘食至第二夜豁然徹法源底偈曰一拳打破太虛空百億須彌不露踪借問個中誰是主扶桑湧出一輪紅藏見笑曰雖然如是也須善自護持永樂戊子至安溪東明設關三十餘年影不出山道俗播宿衲爭趨座下宣德辛酉六月廿七日將去世衆請留偈師曰一大藏教無人看著爭得者幾句閑言語廿九日辰時跏趺而逝塔于安溪東塢

東林悟禪師法嗣

成都府東山天成寺楚山紹琦禪師唐安雷氏子八歲入鄉校授經成誦九歲失怙詣玄極道禪師學出世法後謁無際示以無子公案偶聞開靜板鳴礙胸水泮往見際際曰還我無字意來師曰這僧問處偏多事趙老何曾涉所思信口一言都吐露驪身特地使人疑曰如何是汝不疑處師曰青山綠水燕語鶯

啼歷歷分明更疑何事曰未在更道師曰頭頂虛空腳踏實地際曰亦未在師乃禮拜師再參際問數年來住在何處師曰我所住廓然無定在際曰汝有何所得師曰本自無失何得之有曰莫不是學得來者師曰一法不有學自何來曰汝落空耶師曰我尙非我誰落誰空曰畢竟若何師曰水淺石出雨霽雲收曰莫亂道只如佛祖來也不許縱你橫吞藏教現百千神通到者裏更是不許師曰和尙雖是把斷要津其柰勞神不易際拍膝一下曰會麼師便喝際笑曰克家須是破家兒怎麼幹疊也省力師掩耳而出際授法偈曰我無法可付汝無心可受無付無受心何人不成就後居天柱僧問如何是天柱境師曰澗澗雲歸晚山高日出遲曰如何是境中人師曰額下眉遮眼腮邊耳搭肩曰如何是天柱家風師曰雲甌炊松粉冰鎗煮月團曰如何是祖師西來意師曰海神撒出夜明珠曰學人不曾師曰文殊失却玻璃盞曰如何是佛師曰生鐵秤槌曰如何是法師曰石頭土塊曰如何是僧師曰黑漆拄杖曰不涉寒暑者是甚

麼人師曰爲汝道了也汝還識否僧擬對師咄曰擬心卽乖開口便錯。貶得眼來錯過了也曰原來恁麼地近那師曰汝見個甚麼道理曰面目分明當機不露師震威一喝僧當下豁然景泰五年住投子僧問遠離皖山來據投子海衆臨筵請師祝聖師曰鼎內長生篆峰頭不老松曰祝聖已蒙師的旨投子家風事若何師曰提瓶穿市過不是賣油翁曰只如祖師道不許夜行投明須到還端的也無師曰雖然眼裏有筋爭奈舌頭無骨曰趙州道我早猴白更有猴黑意作麼生師曰不因弓矢盡未肯豎降旗問今日和尚陞座說法未審有何祥瑞師曰麒麟步驟丹霄外優鉢花開烈火中曰如何是祖師西來意師曰雪消山頂露風過樹頭搖師乃顧視大衆曰只這些子請記古今多少師僧到這裏開口不得思量不及舉揚不出焉拈拄杖曰今日因甚却落在山僧手中以拄杖橫按曰橫也由我拈起拄杖曰豎也由我放下拄杖曰放下也由我以卷舒殺活總由我又以拄杖向空中點一下曰正當恁麼時從上佛祖乃至天下老

和尚到這裡只得乞命有分衆中莫有爲佛祖出氣底麼良久卓拄杖一下曰戳瞎金剛正眼靠倒空王寶座汝等諸人討甚麼碗師一日到菜園見園頭縛冬瓜架師指冬瓜曰這個無口因甚長得許多頭曰某甲不會怠惰一時師曰你主人公還替你出些氣力也無頭曰全靠他力師曰請來與老僧相見頭禮拜師曰纔是奴兒婢子在頭拈篋縛冬瓜架師呵呵大笑回顧侍僧曰菜園有虫成化九年三月十五日示微疾衆請師末後句師展兩手示之曰會麼曰不會師復曰今年今日推車撞壁挂倒虛空青天霹靂呵呵泥牛吞却老龍珠澄澄性海漚花息遂安詳而逝

伏牛山物外圓信禪師金臺高氏子依無際參究後得洒脫偈曰崑崙倒跨清風舞澗底泥牛闌石虎磴著蒼松眼上眉蟭螟踏破虛空肚

重慶府西禪雪峰瑞禪師天奇參師問如何是無字意奇移時乃答曰澗底頑冰吞宇宙性湖明月匝天寒師大喝曰汝還有嫌凡愛聖的心掃妄求真底見

奇曰是師曰你若嫌凡愛聖斷般若之善根你若掃妄求真絕諸佛之命脉又震聲喝曰真又是誰妄又是誰凡又是誰聖又是誰奇乃豁然便禮拜

古庭善堅禪師滇之昆明人參一歸何處話一日定中聞僧曰見無所見即真見師於此頓然脫落正統乙丑至隆恩見無際際曰子將從前做工夫處親似一遍師實供說至見諦處又手默然際曰子見諦如何與我不同師以兩手大展曰這個非別際曰這個還著言句也無師曰實無一字際曰只此無一字處吾與汝證明已竟師禮辭際曰子向甚麼處去師曰十字街頭呵佛罵祖去際曰子再來麼師曰不違和尚尊顏驀直而去就止金臺大容山雲水不絕際恐師出世早命爲首座問曰子別在甚麼處師曰佛祖行不到處際曰還許人來否師曰坦然無礙際曰從上古人阿誰有超祖之智師曰黃檗際曰子見黃檗麼師曰縱是黃檗也須見擯際曰敢在我這裏說大話師曰正眼無私際曰觀子知見吾非子之師也師曰無有過量豈免貶駁際曰如是如是

素菴田大士法嗣

佛跡願菴真禪師開堂普說曰青山疊疊綠水滔滔於斯會得獨步高超雖然如此也是尋常茶飯古德云欲窮千里目更上一層樓承古有言機不離位墮在毒海語不驚群陷於流俗若擊石火裏別縑素閃電光中辨殺活可以坐斷千差壁立萬仞還知有恁麼時節也無錯勘破了也如今談禪者脚跟點地鼻孔撐天具正眼者落落罕聞所以偏正不一各立異端堅執已解莫通實理所謂正法難扶邪法競興古云信有十分疑有十分疑有十分悟有十分可將盡平生眼裏所見耳裏所聞悉知惡解奇言妙句禪道佛法貢高我慢等心徹底傾瀉莫存毫末只就向未明未了公案上距定脚跟豎起脊梁無分晝夜無參處參無疑處疑直得東西不辨南北不分呆樁樁地却如個有氣的死人相似心隨境化觸著便知打破觸體不從他得豈不慶快平生者哉

南嶽下二十七世

東明岳禪師法嗣

湖州東明海舟普慈禪師西川人姓氏未詳嘗聽講

楞嚴至但有言說都無實義有疑往參萬峯問如何

是實義峰便劈頭兩棒攔背一踏以脚兩踢曰只這

是實義師起曰只好大費和尚心力峰笑而許之

遂承付囑尋命首衆後廬於洞庭山塢廿有九年一

日因一僧至激發參東明師往見適有人設齋師至

關前問曰今日齋是甚麼滋味明曰到口方知師曰

如何是到口味明即打滅燈曰識得燈光何處著落

味即到口師無語明日遣侍者請師師即至明問曰

曾見人否師曰見只見萬峰明曰若親見萬峰萬峰

即今在甚麼處師罔然明曰恁麼則何曾見萬峰師

歸寮三晝夜寢食俱忘偶瑠璃燈墮地忽然大悟詣

呈悟由明曰老闍黎親嗣萬峰去師曰和尚爲我打

徹豈得承嗣萬峰明乃笑遂集衆出關陞座付法曰

覆瓿有意向誰傳迦葉無端開笑顏到此豈容七佛

長文殊面赤也茫然今朝好笑東明事千古令人費

唾涎幸得海公忘我我濟宗一派續綿綿擲下拄杖

曰千觔擔子方全付立要如今拄杖談以拂子擊三

下下座迨明示寂衆請師繼席後遷五祖而終

廣善潭禪師法嗣

南京崇福寺大慧覺華禪師維楊劉氏子幼歲出家

棲止千天長瓜婁山請益海舟慈禪師有省成化元

年至太平繁昌參寶月月問如何是萬法歸一師曰

人間寒暑不能侵月曰杲日當空無所不炤因甚麼

被片雲遮却師曰船去船來岸不移月曰人人有個

影子因甚麼踏不著師曰昨日有人從廣東來月曰盡

大地是火坑得何三昧不被燒却師曰東海鯉魚吞

却日月曰如是如是以偈付之住後上堂舉拂子曰

威音那畔元只是這個如今目前也只是這個山僧

將來上下拂左右拂若喚作拂子瞎却人天眼目若

不喚作拂子亦瞎却人天眼目曰大眾畢竟喚作甚麼

若也會得便知迦葉微笑二祖覓心了不得處紹如

來之傳燈續祖庭之正脉聯二十八世之英華接三

十四代之骨髓衆皆默然良久曰千聖不能識以拂

子擊香几下座

太崗澄禪師法嗣

杭州天真寺毒峰本善禪師鳳陽吳氏子隨父任生于粵之雷陽十七出家初遇老宿開示無字公案囑曰須發大願以自護持師便發願曰若生死不了大事未明遺棄修行苦行貪著名利死墮阿鼻地獄受苦無盡萬消溪閉關一朝聞鼓聲忽不自由說偈曰沉沉寂寂絕施爲觸著無端吼似雷動地一聲消息盡髑髏粉碎夢初回參月溪於廣恩溪問如何是無字師曰某甲一向只隨人道是個無字今日看來是一口金剛王寶劒曰如何是金剛王寶劒師曰寒霜燄燄輝古騰今日還我劒來師曰擬動卽犯他鋒銳曰橫按當軒時如何師曰佛來也殺祖來也殺曰老僧來嚮師曰亦不相饒曰殺後如何師曰且喜天下太平溪然之後爲衆普說其略曰寶劒全提日用中高揮大抹肯從容卷兮魂膽迎風喪舒也髑髏遍地橫萬死萬生渾不顧一鎗一戟便收功趙州性命分明也血刃參天不露鋒又曰虛空廓徹無消息萬里無雲天碧碧拶得須彌入藕絲彌勒釋迦齊叫屈倒騎鐵馬逐西風驚得泥牛從海出諸仁者若作奇特

勝妙會正孤負已靈不作奇特勝妙會又是抱賊叫屈且作麼生會不見道解藏天下於天下始見林梢挂角羊
代州五臺普濟寺孤月淨澄禪師燕京西河張氏子參月溪看狗子無佛性話三日有省溪可之後入蜀謁廣福福問大死底人却活時如何師曰眉毛眼上橫鼻孔大頭垂曰如何是無字意師曰風行草偃水到渠成曰大地平沉虛空粉碎汝向何處安身立命師曰雲消山嶽露日出海天清天順改元返清涼代王請詣內掖問道感光明庭煥王心大悅而師禮焉王斥俸金建寺華嚴谷額曰普濟師有山居偈曰寰中獨許五臺高無位真人伴寂寥一任諸方風浩浩常空兩眼視雲霄甘貧林下思悠悠竹榻橫眠枕石頭格外生涯隨分足都緣胸次了無求自住丹崖綠水傍了無榮辱與閒忙老僧不會還源旨一任青山葉又黃深隱嚴阿不記年名韞利鎖莫能牽七斤衫子重聯補日炙風吹愈轉鮮颯颯春風和鳥哀清音直到耳邊來爐燒栴子端然坐對月殘經又展開後

坐脫於本寺

未詳法嗣

瀉山太初禪師字子愚溫陵人世爲儒者師倜儻有大志所爲詩文皆不凡士大夫多推目之一旦棄去選佛於尊勝以律自檢盡去豪舉之習出嶺遍參叢林中有聲藉甚久之罷參歸閩會南劔報恩虛席郡守陳宓聞師名命主之亡何眞德秀以大瀉來延住二十載衆至一千師說法縱橫博大不謝古尊宿德秀既致政每與師遊從容論道莫不心醉大抵師以平實接人始會儒釋大同爲門使之得入終則示吾法之極致爲室使之得所歸故諸儒雅重之中觀沼禪師海雲印簡之受業師也嘗訓海雲曰汝所欲者文字語言耳向去皆止之令身心若枯木死灰今時及盡功用純熟大死一場休有餘氣到那時節儼然自省方可與吾相見後同海雲爲元兵所劫北渡到朔方元國主署師慈雲正覺大師之號及師將示寂有羽客楊至慎求偈師命執筆代書偈曰七
十三年如掣電臨行爲君通一線泥牛飛過海東來

天上人間尋不見客曰師幾時行師曰三日後時五月念七日也至六月初一果無疾而逝

雪峰樵隱悟逸禪師懷安人姓聶氏旣爲僧不肯局守一隅屢叩名宿後得法于雪峰佛海禪師大德十年郡帥舉住雪峰凡七載退居西菴皇慶三年復奉旨再住賜佛智之號六年謝事泰定二年仍奉旨補前席居七載師三住雪峰百廢俱修大爲法門盛事嘗序雪峰錄有曰老眞覺自德山一棒桶底脫後直得鰲店月寒象峰雪霽攪醍醐於一杓彰大用于三毬譬之轟百億雷霆于四天之下曠數百世其聲愈宏所有垂示流出胸襟蓋天蓋地廣陵一奏么絃下魄不復聲矣元統二年示寂塔于佛海塔傍玉溪通玄菴圓通大禪師嘗著百問激勵學徒後萬松答之林泉頌之各如其數今盛行于世
天台上雪峰無盡祖燈禪師四明王氏子參日溪詠公於天寧問曰生死事大無常迅速乞賜指示溪曰十二時中密密參究忽然觸著却來再問師抗聲曰無常迅速生死事大語未終溪便喝師遽禮拜溪曰

見何道理便爾作禮師曰開口卽錯溪嶺之出參方
山諸大老尋卓錫上雲峰影不出山者五十春秋洪
武二年二月八日示微疾夜將半顧左右曰天向明
乎曰未也或曰和尚正當此際何如師破顏笑曰昔
古德坐疾僧問還有不病者麼德曰有曰如何是不
病者德曰阿哪阿哪師良久曰如此喚作病得麼衆
無語師曰色身無常早求證悟時至吾將去矣侍者
執紙求偈師曰終若無偈便未可死耶侍者請益堅
乃書曰生滅與去來本是如來藏撈倒五須彌廓然
無背向投筆端坐而逝

徑山敬菴莊禪師台州人自幼厭葷穢薄世塵父母
捨廣慈菴出家久之遍參方外了徹宗源曾于越中
主二刹稍不如意卽辭去往依全室于天界全處以
二座未幾推主徑山道化隆盛永樂十二年奉詔
入京同修大典寓天界三載少師姚公等交章薦住
持堅辭不受歸徑山示寂塔于水嶺小池上
少林圓國無空悟頓禪師開封錫州陳氏子忽辭父
母求出家父曰此兒尋常引舌過鼻非常人相令投

少林一日跪於師前請求法名其師曰道本無形何
名之有師曰三世諸佛皆有名號其師授以心經念
至五蘊皆空豁然大悟乃曰身尙是幻何處求名一
日其師手編大國於師前曰圓國是汝名也師答曰
旣名圓國內也無空其師曰教外別傳方契此旨後
造神仙山大川處酬答三日辯若懸河川曰眞少林
師子他日截斷衆流去在後到峨嵋結茅以居一日
至夔州江中曰道曠無涯逢人不盡下岸端坐而化

繼燈錄卷第六終

祖庭嫡傳指南

清・徐昌治

編



自序

自六佛出世相傳說法度人而不傳所說迨釋迦佛於靈山會上說四十九年法卒云未嘗說一字可見說原不說也特以不立文字教外別傳付囑摩訶迦葉且告曰吾以正法眼藏密付于汝汝當護持并敕阿難副二傳化無令斷絕付偈付衣從此而始在天竺國遞遞相傳二十八祖幸達磨憐念震旦依佛授記運光於彼遂囑弟子不若密多羅住天竺傳法而躬泛重溟且三周寒暑始達南海與梁武不契復住少林得遇神光真正踰海越漠爲法求人際會未諧如愚若訥者究竟慧可安心僧璨懺罪了無異轍所謂至道無難惟嫌揀擇是也四祖遲遲以待五祖再世受法俱非偶然至盧道人樵採鬻薪之下便曉諸佛妙理非關文字視學通內外之神秀何啻三舍避之而卒傳其道者槽廠獨獠人也南宗北宗又從此始嗣六祖者南嶽青原嶽出馬祖祖出臨濟濟仰雲門法眼派雖有四而臨濟爲正傳原出石頭頭出曹洞一花五葉又從此始論佛法機緣臨濟可謂闡發

殆盡亦不過稟承少室覓箇不受人惑的人興化薦得濟師于黃檗處喫棒底道理而拈香有專主風穴問答俱化首山會處不在法華汾陽化處不在停箸皆無始來時面目全也慈明徐整敝衣不負西河獅子楊岐知是般事白雲悟了遇人信哉他人住處我不住他人行處我不行也浮山接引五祖依白雲何至公無我我若是佛果透頂透底剪斷葛藤虎丘想醉生液聲振瞌睡應菴通楊岐正脈密菴喚法眼作沙盆無準受破菴開示不捉胡孫高峯枕子聲中峯竹篋子此意拈向處箇箇脫言詮或觀松豁然或燈花落處或火燎眉毛或水墮莖菜或無露圭角俱護他一點不得至于樵採爲業觸積薪而省與六祖若出一轍而一條白棒中興臨濟宗風密老人眞千古一人焉費隱禪師處今日更難矣非不抱遠公虛懷大愚汪度而世之攘奪如故非不景行海舟之自得師存獎之認薦主而世之奔競如故至于尊祖敬宗有稟承而無我慢大孝至友隆水木而敦同氣乃世之澆漓又如故然而直心直行至公無私密老人稱

之人亦能諒之。歷住名利新堂。構以紹前徽。併後闢。聽之將來。昔孔子知我罪。我惟春秋。孟子謂功不在禹下。余謂費師之功不在孔孟下。是同是別。總之昧却佛乘。迷却師承。故展轉支離。今急編嫡傳一帙。細爲剖白。孰頭可斷。而法不可貶。孰身可化。而道不可輕。孰虛已讓賢。孰師資道契。孰心心相印。孰鉢鉢相承。臚列古方爲俗耳針砭。佛腸鼓吹。名曰指南。余敢曰不藉衆長於尊宿。亦豈敢曰遂昭月旦於千秋。庶幾以一滴獅子乳。迸散十斛驢乳。不無小補也。伏願開械者目擊道存。思人人本具箇箇圓成。上追七佛諸祖芳躅。何以獨隆于遠古。下考六祖暨三十五世大宗師。何以僞美于百禩。可見僧佛非有二乘。承不相襲。但力杜邪知邪見。返炤迴光。便透脫分曉。所謂白雲迷却舊行踪。臘月燒山火。正紅再得慈風來。扇發冷水。冰處煖烘烘。蓋開眼見明合眼見暗不開不。合堂堂顯露過去未來不隔一線。既將眼看又心看。乃見重敲火裏冰。噫。晴霄月曬梅花冷。霜夜霜敲木葉疏。我憑此道勉知已。漸使清風廓九垓。

皆

壬辰秋季登高日徐昌治觀周父題大覺堂中

祖庭嫡傳指南目錄

卷上

七佛

毗婆尸佛

尸棄佛

毗舍浮佛

拘留孫佛

拘那含牟尼佛

迦葉佛

釋迦牟尼佛

西天祖師

一祖摩訶迦葉尊者

二祖阿難尊者

三祖商那和修尊者

四祖優波毼多尊者

五祖提多迦尊者

六祖彌迦尊者

七祖婆須密尊者

八祖佛陀難提尊者

九祖伏駄密多尊者

十祖脇尊者

十一祖富那夜奢尊者

十二祖馬鳴大士尊者

十三祖迦毗摩羅尊者 十四祖龍樹尊者

十五祖迦那提婆尊者 十六祖羅睺羅多尊者

十七祖僧伽難提尊者 十八祖伽耶舍多尊者

十九祖鳩摩羅多尊者 二十祖闍夜多尊者

二十一祖婆修盤頭尊者

二十二祖摩拏羅尊者 二十三祖鶴勒那尊者

二十四祖師子比丘尊者

二十五祖婆舍斯多尊者

二十六祖不如密多尊者

二十七祖般若多羅尊者

二十八祖菩提達磨尊者

東土祖師 達磨東來六世而有曹溪曹溪而後分爲兩支其一南嶽懷讓出焉

祖一出百丈海天王悟海出潯山祐黃梁運祐出仰山寂是渴仰宗運出臨濟玄是臨濟宗

悟出龍潭信通傳至雲門優是雲門宗法眼益是法眼宗其一青原思思傳石頭運天皇悟悟

絕運通傳至河山外外傳雲居膺是曹洞宗

初祖達磨大師 二祖慧可大師

三祖僧璨大士 四祖道信大師

五祖弘忍大師 六祖慧能大師

卷下

一世南嶽讓禪師 二世馬祖一禪師

三世百丈海禪師 四世黃檗運禪師

五世臨濟玄禪師 開山祖師 六世興化獎禪師

七世南院願禪師 八世風穴沼禪師

九世首山念禪師 十世汾陽昭禪師

十一世石霜圓禪師 十二世楊岐會禪師

十三世白雲端禪師 十四世五祖演禪師

十五世圓悟勤禪師 十六世虎丘隆禪師

十七世應菴華禪師 十八世密菴傑禪師

十九世破菴先禪師 二十世無準範禪師

二十一世雪巖欽禪師 二十二世高峯妙禪師

二十三世中峯本禪師 二十四世千巖長禪師

二十五世萬峯蔚禪師 二十六世寶藏持禪師

二十七世東明臣禪師 二十八世海舟慈禪師

二十九世寶峯喧禪師 三十世天奇瑞禪師

三十一世無聞聰禪師 三十二世笑巖寶禪師

三十三世幻有傳禪師 三十四世密雲悟禪師

三十五世費隱容禪師

祖庭嫡傳指南卷上

武原居士 徐昌治親周 編述

七佛

毗婆尸佛過去莊嚴劫第九會度人三十四萬八千神足二偈曰身從無相中受生猶

如幻出諸形象幻人心識本來無罪福皆空無所住

人壽八萬歲時此佛出世種利姓拘利若父娶頭母

娶頭婆提居婆羅門下說法三會度人三十四萬八千神足二

尸棄佛莊嚴劫第九會度人三十四萬八千神足二偈曰起諸善法本是幻造諸惡

業亦是幻身如聚沫心如風幻出無根無實性人壽七萬

歲時此佛出世種利姓拘利若父明相母光耀居光

相城坐分陀利樹下說法三會度人二十五萬神足二

毗舍浮佛莊嚴劫第十會度人二十五萬神足二偈曰假借四大以為身心本無生

因境有前境若無心亦無罪福如幻起亦滅人壽六萬歲時

此佛出世種利姓拘利若父善燈母稱戒居無喻城

坐婆羅樹下說法二會度人一十三萬神足二二扶遊

拘留孫佛賢劫第一會度人一十三萬神足二偈曰見身無實是佛身了心如幻

是佛幻了得身心本性空斯人與佛何殊別人壽四萬歲時

此佛出世種婆羅門姓迦葉父禮得母善枝居安和城

坐尸利沙樹下說法一會度人四萬神足二二一隨尼二

拘那含牟尼佛賢劫第二會度人四萬神足二偈曰佛不見身知是佛若實有

知別無佛智者能知罪性空坦然不怖于生死人壽三萬

歲時此佛出世種婆羅門姓迦葉父大德母善勝居清

淨城坐烏暫婆羅門樹下說法一會度人三萬神足二

迦葉佛賢劫第三會度人三萬神足二偈曰一切眾生性清淨從本無生無可

滅即七身心是幻生幻化之中無罪福人壽二萬歲

種婆羅門姓迦葉父梵德母財主居婆羅奈城坐尼拘

律樹下說法一會度人二萬神足二二一提舍二婆羅婆

釋迦牟尼佛賢劫第四會度人二萬神足二姓利利父淨飯王母摩耶利利

氏自天地更始闡浮洲初闢已來世為王佛歷劫修

行值然燈佛授記於此劫作佛後於迦葉佛世以菩

薩成道上生觀史陀天名護明大士及應運時至乃

降神於摩耶當此土周昭王二十四年甲寅四月初

八日自摩耶右脇誕生生時放大智光明照十方世

界地湧金蓮花自然捧雙足一手指天一手指地周

行七步目顧四方曰天上天下惟吾獨尊纔出胞胎脫離影指

天指地爲人攝引他無限衆男女天上人間沒覆藏雲門云我當時若見一棒打殺與狗子喫黃腸天下太平

自降生後種種神異具如經言至四十二年九月二月八日欲求出家而自念言當復何遇卽於四門遊觀見生老病死四等事心有悲喜而作思惟此老病死終可厭離於是夜子時有淨居天人於臆牖中叉手白言出家時至可去矣於是諸天捧所乘馬足超然凌虛逾城而去曰不斷人苦不成無上菩提不轉法輪終不還也淨飯王思甚遣其臣勸諭還宮者萬計確然不入檀特山修道始於阿藍迦藍處三年學不用處定知非便捨復至鬱頭藍弗處三年學非非想定知非亦捨又至象頭山同諸外道日食麻麥經於六年世尊自思曰今此苦行非正解脫吾當受食而後成佛卽沐浴于尼連河天爲之偃樹世尊援之而出受牧牛氏女所獻乳糜尋詣畢鉢樹下天帝化人擲瑞草以藉坐景雲祥風四起紛披天魔念世尊道成且受折抑率衆作難窮現可怖可欲諸境世尊泊然不動以指按地地大震魔皆顛仆於是降之故經云以無心意無受行而悉摧伏諸外道先

歷試邪法示諸方便發諸異見令至菩提乃穆王三

年癸未歲二月七日之夕入正三昧至八日明星出

時廓然大悟成等正覺乃嘆曰奇哉一切衆生具有

如來智慧德相但以妄想執著不能證得時年三十

矣成道後六年歸爲淨飯王說法王大喜遣其族五

百賁子從出家世尊一日陞座大衆集定文殊白

惟曰請觀法王法法王法如是世尊便下座列聖嚴中作者

知法王法令不如斯會中若有僇陀客何必文殊下一機○正當向未陞座前勸破世尊一

日陞座默然而坐阿難白惟曰請世尊說法世尊云

會中有比丘犯律行故我不說法阿難以他心通觀

是比丘遂乃遣出世尊還復默然阿難又白適來爲

二比丘犯律是二比丘已遣出世尊何不說法世尊

云吾誓不爲二乘聲聞人說法便下座前箭猶輕後

辨開示阿難發人於此發深省世尊一日陞座迦葉白惟曰世尊

說法竟便下座如是陞座如是白惟如是世尊在

忉利天爲母說法優填王思佛命匠雕栴檀像及世

尊下忉利天像亦出迎世尊三喚三應乃云無爲眞

四衆八部俱往空界奉迎有蓮花也比丘尼作念云我是尼身必居大僧後見佛不如用神力變作轉輪聖王千子圍繞最初見佛果滿其願世尊纔見乃訶云蓮花色比丘汝何得越大僧見吾汝雖見吾色身且不見吾法身須菩提巖中宴坐却見吾法身身一世尊示隨色摩尼珠問五方天王此珠而作何色時五方天王互說異色世尊藏珠復擡手曰此珠作何色天王曰佛手中無珠何處有色世尊曰汝何迷倒之甚吾將世珠示之便強說有青黃赤白色吾將真珠示之便總不知時五方天王悉自悟道世珠真珠從何分別世尊因黑氏梵志獻合歡梧桐花佛召仙人放下著梵志放下左手一枝花佛又召仙人放下著梵志又放下右手一枝花佛又召仙人放下著梵志曰吾今兩手俱空更教放下箇甚麼佛曰吾非教汝放捨其花汝當放捨外六塵內六根中六識一時捨却無可捨處是汝放身命處梵志于言下悟無生忍既捨六根六塵六識甚麼處是無可捨處是免生死處又喚甚麼作無生忍世尊因普眼菩薩欲見普賢不可得見乃至三度入定徧觀三

千大千世界覓普賢不可得見而來白佛佛曰汝但於靜三昧中起一念便見普賢於是普眼纔起一念便見普賢向空中乘六牙白象雲居道普眼推倒世尊世尊推倒普眼且道普眼在甚處未免傍觀者哂噫誰是傍觀者世尊因五通仙人問世尊有六通我有五通如何是那一通佛召五通仙人仙人應諾佛曰那一通你問我五通六通百千萬億世尊一日敕阿難食時將至汝當入城持鉢阿難應諾世尊曰汝既持鉢須依過去七佛儀式阿難便問如何是七佛儀式世尊召阿難阿難應諾世尊曰持鉢去佛佛儀容要現前瞿曇爲說老婆禪可憐慶喜懷懼去猶待人呼倒刹竿世尊因地布髮掩泥獻花于然燈佛然燈見布髮處遂約退衆乃指地曰此一方地宜建一梵刹時衆中有一賢于長者持標於指處插曰建梵刹竟時諸天散花相讚世尊嘗與阿難行次見一古佛塔世尊便作禮阿難曰此是甚麼人塔世尊曰過去諸佛塔阿難曰過去諸佛是甚麼人弟子世尊曰是吾弟子阿難曰應當如是世尊因自恣曰文殊三處過夏迦葉欲白椎擯出纔拈椎乃見百千萬億文殊迦葉盡其神力

惟不能舉世尊遂問迦葉汝擬擯那个文殊迦葉無對迦葉果神通應把對迦葉果神通應把城東有一老母與佛同生不欲見佛每見佛來即便回避雖然如此回顧東西總

皆是佛遂以手掩面乃至十指掌中總皆是佛見佛風平浪靜東西總皆是佛水漲船高世尊因文殊至諸佛集處值

諸佛各還本處唯有一女人近於佛坐而入三昧文殊乃白佛云何此人得近佛而我不得佛告文殊汝

但覺此女令從三昧起汝自問之文殊繞女人三匝鳴指一下乃托至梵天盡其神力而不能出世尊曰

假使百千文殊亦出此女人定不得下方過四十二恒河沙國土有罔明菩薩能出此女人定須與罔明

大士從地湧出作禮世尊世尊敕罔明出罔明却至女子前鳴指一下女子於是從定而出且置作麼生

是底定據之看破個中關楔子了無一法異尋常性天真事誰云別有師罔明彈指處女子出時不費絲毫力何曾動所思衆生總平等日用自多疑殃幡摩羅因持鉢至一長者門其家婦人正值產難長者曰瞿曇弟子汝爲至

聖當有何法能免產難殃幡語長者曰我乍入道未知此法待我回問世尊却來相報及返具事白佛佛

告殃幡汝速去報言我從賢聖法來未曾殺生殃幡奉佛語疾往告之其婦得聞當時分娩佛不殺生婦人分娩日出東山月沉西畔○華陰山前百尺井中有寒泉微骨冷誰家美人來照影不照其餘照斜領世尊一日因文殊在門外立乃曰文殊文殊何不入門來文殊曰我不見一法在門外何以教我入門門外且置喚甚無邊身菩薩將竹杖量世尊頂丈六了又丈六量到梵天不見世尊頂乃擲下竹杖合掌說偈云虛空無有邊佛功德亦然若有能量者窮劫不可盡無邊身不自量而量世尊無盡頂未免多此一重疑案世尊因乾闥婆王獻樂其時山河大地皆作琴聲迦葉起作舞王問

迦葉豈不是阿羅漢諸漏已盡何更有餘習佛曰實無餘習莫謗法也王又撫琴三遍迦葉亦三度作舞王曰迦葉作舞豈不是習佛曰實不曾作舞王曰世尊何得妄語佛曰不妄語汝撫琴山河大地木石盡作琴聲豈不是王曰是佛曰迦葉亦復如是所以實不曾作舞王乃信受風鳴水響無非樂法法全彰本現成世尊在第六天說大集經敕他方此土人間天上一切薄惡鬼神悉皆輯會受佛付囑擁護正法設有不赴者四天

門王飛熱鐵輪追之令集既集會已無有不順佛敎

者各發弘誓擁護正法唯有一魔王謂世尊曰瞿曇

我待一切衆生成佛盡衆生界空無有衆生名字我

乃發菩提心魔王魔王認那個作菩提心設使一切衆生成佛盡衆生界空無有衆生名字

未許在世尊因靈山會上五百比丘得四禪定

具五神通未得法忍以宿命智通各各自見殺父害

母及諸重罪于自心內各各懷疑于甚深法不能證

入於是文殊承佛神力遂手握利劍持逼如來世尊

乃謂文殊曰爾從本已來無有我人但以內心見有

我人內心起時我必被害即名爲害於是五百比丘

自悟本心如夢如幻于夢幻中無有我人乃至能生

所生父母於是五百比丘同讚歎曰文殊大智士深

達法源底自手握利劍持逼如來身如劍佛亦爾一

相無有二無相無所生是中云何殺文殊爲他開事長無明帶累五

百比丘打失鼻孔雖然還識世尊落處麼世尊因波斯匿王問勝義諦

中有世俗諦否若言無智不應二若言有智不應一

一二之義其義云何佛言大王汝于過去龍光佛時

曾問此義我今無說汝今無聽無說無聽是爲一義

二義世尊滿口說匿王滿耳聽那裏是無說無聽處試箇點看世尊因長爪梵

志索論義預約曰我義若墮當斬首以謝世尊曰汝

義以何爲宗志曰我以一切不受爲宗世尊曰是見

受否志拂袖而去行至中路自省乃歎曰我義兩處

負墮是見若受負門處粗是見不受負門處細一切

人天二乘不知我義墮處惟有世尊諸大菩薩知我

義墮回至世尊前曰我義兩處負墮故當斬首以謝

世尊曰我法中無如是事汝當回心向道于是同五

百徒衆一時投佛出家證阿羅漢是見若受破家門是見不受共誰論

區擔驚折兩頭脫一毫頭上現乾坤○機輪曾未轉轉必兩頭走明鏡忽臨臺當下分妍醜妍醜分兮慈雲開

慈門何處生塵埃因思良馬窺鞭影千里追風喚得回○是見受否轉迷驟驚忽知非辨已躬夾路桃花風雨

後馬蹄何處避殘紅世尊在靈山會上拈花示衆是時衆皆

默然唯迦葉尊者破顏微笑世尊曰吾有正法眼藏

涅槃妙心實相無相微妙法門不立文字教外別傳

付囑摩訶迦葉關市礙碌磚冤頭定打着○當時不掀倒禪牀致使後代兒孫謂有實法

來傳世尊至多子塔前命摩訶迦葉分座令坐以僧

伽黎圍之遂告以護持正法眼藏并敕阿難副貳傳

化無令斷絕而說偈曰法本法無法無法法亦法今

付無法時法何曾法爾時世尊說此偈已復告迦葉吾將金縷僧伽黎衣傳付于汝轉授補處至慈氏佛出世勿令朽壞迦葉聞偈頭面禮足曰善哉善哉我當依教恭順佛故

靈說拈花微笑是不知將底辦宗風若言心眼同時證未免臆

夢中 世尊臨入涅槃文殊大士請佛再轉法輪世

尊咄曰文殊吾四十九年住世未曾說一字汝請吾

再轉法輪是吾曾轉法輪耶

黃面瞿曇在摩竭提國阿蘭若法菩提場中于

一塵內破此一塵演說如來廣大境界妙音迴轉無處不及乃曰吾四十九年住世未曾說一字

世尊于涅槃會上以手摩胸告衆曰汝等善觀吾紫

磨金色之身瞻仰取足勿令後悔若謂吾滅度非吾

弟子若謂吾不滅度亦非吾弟子時百萬億衆悉得

契悟

千年常住一朝僧觀他作麼

爾時世尊至拘尸那城告諸

大衆吾今背痛欲入涅槃即往熙連河側娑羅雙樹

下右脇累足泊然宴寂復從棺起爲母說法特示雙

足化婆耆并說無常偈曰諸行無常是生滅法生滅

滅已寂滅爲樂時諸弟子即以香薪競焚之燼後

金棺如故爾時大衆即于佛前以偈讚曰凡俗諸猛

熾何能致火焚請尊三昧火闍維金色身爾時金棺

◆警世通用

從座而舉高七多羅樹往反空中化火三昧須臾灰生得舍利八斛四斗即穆王五十二年壬申歲二月十五日未出王宮已涅槃何須變足露金棺致令迦葉雙眉皺慶喜門前倒刹竿○臨行伸兩脚踏却斷

西天祖師

一祖摩訶迦葉尊者摩竭陀國人姓婆羅門父號飲澤母號香至過去世爲金師值毗婆尸佛般涅槃四衆起塔有貧女得金珠懇金師爲補塔中佛像金面缺處相與發願世世爲無姻夫妻由是因緣九十一劫身皆金色及此世與紫金光尼復爲夫婦梵語迦葉波此云飲光蓋以身光名然夫婦皆清淨自居無世間想旋復出家修杜多行會空中有神告曰佛已出世請往師之尊者即趨禮釋尊於竹林精舍佛言善來比丘鬚髮自除佛於衆中稱歎第一後因拈花因緣付法一華纔拈千聖騰落遇無知漢微笑而作死柴頭火今古輝燦佛涅槃時尊者在畢鉢羅窟以淨天眼見世尊在熙連河側入般涅槃即至雙樹悲戀號泣佛於金棺出示雙足尊者告比丘佛已茶毗金剛舍利非吾等事宜當結集

法眼無令斷絕。乃說偈告曰：如來弟子且莫涅槃。得神通者宜赴結集。於是得神通者咸赴耆闍崛山。畢鉢羅窟時。阿難爲漏未盡。不得入會。後證阿羅漢果。乃入尊者告衆言：此阿難比丘有大智慧。所聞佛法如水傳器。無有遺餘。可請彼集修多羅藏。大衆默然。如此多聞人。尚不得入會。今人稍有涉略。便祖父不足介意。平人藐若鴻毛。要到漏未盡田地。敢保未夢見在。結集既畢。尊者自念衰老。宜入定於雞足山。以待彌勒。乃召阿難言：我今不久世間。今將正法付囑於汝。汝善守護。聽吾偈曰：法法本來法。無法無非法。何於一法中有法。有不法。燈燈相續如是受法如是付法若說有怎麼法何當千里二祖阿難尊者。王舍城人。姓剎帝利。父斛飯王。實如來從弟也。多聞博達。智慧無礙。世尊以爲摠持第一。梵云阿難。此云慶喜。以如來成道日生。故名也。者一日問迦葉曰：師兄世尊傳金縷袈裟外。別傳箇甚麼。迦葉召阿難。阿難應諾。迦葉曰：倒却門前剎竿。著金傳外別何傳。阿難似不堪倒却門前剎竿。著阿難依舊被他謾。後阿闍世王白言：尊者般涅槃時。願垂告別。尊者將入涅槃。於恒河中流跏趺而坐。阿闍世王毗舍離王皆在河側說偈。

勸請莫般涅槃者。答偈曰：二王善嚴住。勿爲苦悲戀。涅槃當我靜。而無諸有故。復念我若向一國。則諸國或爭應以平等度。諸有情遂於恒河中流。將入寂滅。是時山河大地六種震動。雪山有五百仙人。覩茲瑞應。飛空而至。禮尊者足。而白言：我當于長老而證佛法。願垂大慈度脫我等。尊者默然受請。卽變現伽河。悉爲金地。爲其仙衆說諸大法。復念先所度脫弟子。應當來集。須臾五百羅漢從空而下。爲諸仙人出家。受具其仙衆中有二羅漢。一名商那和修。二名末田地。迦尊者知是法器。而告之曰：如來以正法眼付迦葉。迦葉入定而付于我。我今將滅。復付于汝。汝受吾教。當聽偈言。本來付有法。付了言無法。各各須自悟。悟了無無法。說偈已。復以正法囑累商那和修。而命末田地。迦于罽賓國敷演大法云。尊者隨身虛空現十八變分身四分一奉切利天。一奉娑竭羅龍宮。一奉毗舍離王。一奉阿闍世王。各造塔。三祖商那和修尊者。姓毗舍多。父林勝。母憍奢耶。摩突羅國人。也在胎六年而生。梵云商諾迦。此云自然。服乃西域九枝秀草。名出則聖人降生。尊者生而此。

草出昔如來行化至摩突羅國見一青林枝葉茂盛語阿難曰此林地名優留茶吾滅後一百年有比丘名商那和修於此轉妙法輪後百歲果誕和修出家證道受慶喜尊者法眼至此林遂降二火龍龍受三歸施其地以建梵宮

青林懸記瑞草知期以毒破毒龍何能竊施地建刹反被印破

尊者化緣既久思付法者尋於吒利國得優波穗多以爲給侍因問穗多曰汝年幾耶答曰我年十七者曰汝身十七性十七耶答曰師髮已白爲髮白耶心白耶者曰我但髮白非心白穗多曰我身十七非性十七尊者知是法器後三年遂爲落髮受具而以法眼付囑之付法偈曰非法亦非心無心亦無法說是心法時是法非心法

大小宗師話作兩般

四祖優波穗多尊者吒利國人也姓首陀父善意十七出家二十證果尊者得法已隨方行化至摩突羅國魔宮震動波旬愁怖遂竭其魔力以害正法尊者入三昧觀其所由魔伺使密持瓔珞縻之于頸及尊者出定乃取人狗蛇三屍化爲華髮軟語酬之魔引頸受髮即變爲臭屍蟲蛆壞爛魔盡其力竟不能

脫乃禮尊者足哀露懺悔尊者令歸依三寶華髮除尊者化導證果最多每度一人以一籌置於石室其室縱十八肘廣十二肘充滿其間最後有一長者子名曰香衆來禮尊者求出家尊者問曰汝身出家心出家答曰我來出家非爲身心尊者曰不爲身心復誰出答曰夫出家者無我我故無我我故即心不生滅心不生滅即是嘗道諸佛亦嘗心無形相其體亦然尊者曰汝當大悟心自通達宜依佛法僧紹隆聖種卽爲剃度授具足戒仍告之曰汝父夢金日而生可名提多迦如來以大法眼藏次第傳授以至於我今復付汝聽吾偈曰心自本來心本心非有法有法有本心非心非本法

五祖提多迦尊者摩伽陀國人也初名香衆生時父夢金日自屋而出照耀天地前有大山諸寶嚴飾山頂泉湧滂沱四流後遇穗多尊者爲解之曰寶山者吾身也泉湧者法無盡也日從屋出者汝今入道之相也照耀天地者汝智慧超越也因爲更今名梵云提多迦此云通眞量尊者聞已踴躍述偈曰巍巍七

寶山常出智慧泉。回爲眞法味。能度諸有緣。穗多尊者亦說偈曰。我法傳於汝。當現大智慧。金日從屋出。照耀於天地。尊者聞偈設禮奉持。本法豈錄傳。錄傳本

法本法
本誰傳

後至中印度。彼國有八千大仙。彌遮迦爲。

本法豈繇傳繇傳
本法傳今傳傳本
千大仙彌遮迦爲

法本
法本
法本

後至中印度。彼國有八千大仙。彌遮迦爲

首聞尊者至。率衆瞻禮。謂尊者曰。昔與師同生梵天。我遇阿私陀仙。授我仙法師。逢十力弟子。修習禪那。自此報分殊途。已經六劫者。曰支離累劫。誠哉不虛。今可捨邪歸正。以入佛乘。彌遮迦曰。昔阿私陀仙人。授我記云。汝却後六劫。當遇同學。獲無漏果。今也相遇。非夙緣耶。願師慈悲。令我解脫者。卽度出家。命諸聖。授戒其餘。仙衆始生。我慢尊者。示大神通。於是俱發菩提心。一時出家者。乃告彌遮迦曰。昔如來以大法眼藏。密付迦葉。展轉相授。而至於我。我今付汝。當護念之。乃說偈曰。通達本法心。無法無非法。悟了同未悟。無心亦無法。

六祖彌遮迦尊者。中印度人。旣傳法已。遊化至北天竺國。見雉媒。上有金色祥雲。歎曰。斯道人氣也。必有。大士爲吾嗣。乃入城於閼闔間。有一人手持酒器。逆。

六祖彌遮迦尊者中印度人既傳法已遊化至北天竺國見雉堞上有金色祥雲歎曰斯道人氣也必有大士爲吾嗣乃入城於閼闔間有一人手持酒器逆

而問曰師何方來欲往何所祖曰從自心來欲往無處曰識我手中物否祖曰此是觸器而負淨者曰師識我否祖曰我卽不識識卽非我復謂之曰汝試自稱名氏吾當示汝本因彼說偈答曰我從無量劫至於生此國本姓頗羅墮名字婆須密祖曰我師提多迦說世尊昔遊北印度語阿難言此國中吾滅度後三百年有一聖人姓頗羅墮名婆須密而於禪祖當獲第七世尊記汝汝應出家彼乃置器禮師側立而言曰我思往劫嘗作檀那獻一如來寶座彼佛記我曰汝於賢劫釋迦法中宣傳至教今符師說願加度脫祖卽與披剃復圓戒相乃告之曰正法眼藏今付於汝勿令斷絕乃說偈曰無心無可得說得不名法若了心非心始解心心法

七祖婆須密尊者。北天竺國人。嘗服淨衣。執酒器遊行里閭。或吟或嘯。人謂之狂。及遇彌遮迦尊者。宣如來往誌。自省前緣。投器出家。受法行化。至迦摩羅國。廣興佛事。於法座前。忽有智者。自稱我名佛陀難提。今與師論義。祖曰。仁者論卽不義。義卽不論。若擬論。

義終非義論難提知師義勝心卽欽服曰我願求道
露甘露味祖遂與剃度而授具戒復告之曰如來正
法眼藏我今付汝汝當護持乃說偈曰心同虛空界
示等虛空法證得虛空時無是非法時梵王帝
釋及諸天衆俱來作禮而說偈言賢劫衆聖祖而當
第七位尊者哀念我請爲宣佛地尊者從三昧起示
衆曰我所得法而非有故若說佛地離有無故語已
還入三昧示涅槃相難提卽於座起七寶塔以塋全
身是定王十九年辛未歲也

八祖佛陀難提尊者迦摩羅國人姓瞿曇氏頂有肉
髻辨捷無礙受婆須蜜尊者法行化至提伽國毗舍
羅家見舍上有白光上騰謂其徒曰此家有聖人口
無言說眞大乘器不行四衢知觸穢耳長者出致禮
問何所須祖曰我求侍者長者曰我有一子名伏獸
蜜多年已五十口未曾言足未曾履祖曰如汝所說
眞吾弟子伏獸聞之遽起禮拜而說偈曰父母非我
親誰是最親者諸佛非我道誰是最道者祖以偈答
曰汝言與心親父母非可比汝行與道合諸佛心卽

是外求有相佛與汝不相似欲識汝本心非合亦非
離伏獸聞偈已便行七步祖曰此子昔曾值佛悲願
廣大慮父母愛情難捨故不言不履耳長者遂捨令
出家祖尋授具戒付法說偈曰虛空無內外心法亦
如此若了虛空故是達眞如理一語便知歸不
負生來肉髻

九祖伏獸蜜多尊者提伽國人姓毗舍羅行化至中
印度有長者香蓋携一子而來瞻禮曰此子處胎六
十歲正宗作十六嘗有一仙謂此兒骨相非嘗今遇尊者
可捨令出家祖卽與落髮羯磨之際祥光燭座感舍
利三十粒現前自此精進忘疲未幾祖遂付法說偈
曰眞理本無名應名顯眞理受得眞實法非眞亦非
僞付法已卽入滅盡三昧而般涅槃衆以香油旃檀
闍維收舍利建塔于那闍陀寺卽敬王甲寅歲
十祖脇尊者中印度人姓氏未詳處胎六十年將誕
之夕母夢白象載一寶座座置一明珠入門乃生生
而神光燭室體有奇香及長雖穀食絕無穢滓本名
難生後侍九祖執侍左右未嘗睡眠謂其脇不至席
遂號脇尊者初至華氏國憇一樹下右手指地而告

衆曰此地變金色。當有聖人入會。言訖。卽變金色。時有長者子富。那夜奢。合掌前立。祖問曰。汝從何來。曰。我心非往祖。曰。汝何處住。曰。我心非止。祖曰。汝不定耶。曰。諸佛亦然。祖曰。汝非諸佛。曰。諸佛亦非。祖卽度出家。復具戒品。而付法。說偈曰。眞體自然眞。因眞說有理。領得眞眞法。無行亦無止。付法已。卽現神變。而入涅槃。化火自焚。四衆各以衣。祴盛舍利。隨處建塔。臨不至席。背梁鐵鑄。踏翻金色地。覲破佛祖機。

十一祖富那夜奢尊者。華氏國人。姓瞿曇氏。遇脇尊者。遂授法。祖教被無量得果者。且五百矣。後至波羅柰國。有一長者來趣其會。祖謂衆曰。汝等識此來者耶。佛記聖者。馬鳴。紹吾法者也。於是馬鳴致禮問曰。我欲識佛何者。卽是祖曰。汝欲識佛。不識者是彼曰。佛旣不識。焉知是乎。祖曰。旣不識佛。焉知不是。曰。此是鋸義祖。曰。彼是木義祖。問鋸義者何。曰。與師平出。馬鳴却問木義者何。祖曰。汝被我解。馬鳴豁然省悟。遂求剃度。祖謂衆曰。此大士者。昔爲毗舍利國王。以其國有一類裸人。如馬裸。露王遂運神通。分身爲蠶。

以衣之後。生中印度。馬人感戀悲鳴。故號馬鳴。如來懸記滅度後六百年。馬鳴當于波羅柰國摧伏異道。度人無量。今正是時。遂付法。偈曰。迷悟如隱顯。明暗不相離。今付隱顯法。非一亦非二。寔義熾然。無錯無誤。說甚麼。感戀悲。

十二祖馬鳴大士者。波羅柰國人也。亦名功勝。以有作無作諸功德。最爲殊勝。故名焉。旣受法于夜奢尊者。後于華氏國轉妙法輪。忽有老人座前仆地。祖謂衆曰。此非庸流。當有異相。言訖不見。俄從地湧出一金色人。復化爲女子。右手指祖而說。偈曰。稽首長老。尊當受如來記。今於此地上宣通第一義。說偈已。瞥然不見。祖曰。將有魔來與吾較力。有頃風雨暴至。天地晦冥。祖曰。魔之來信矣。吾當除之。卽指空中現一大金龍。奮發威神。震動山嶽。祖儼然於座。魔事隨滅。經七日。有一小蟲。大若蟪蛄。潛形座下。祖以手取之。示衆曰。斯乃魔之所變。盜聽吾法耳。放之。令去。魔不能動。祖告之曰。汝但歸依三寶。卽得神通。遂復本形。作禮懺悔。祖問曰。汝名誰耶。眷屬多少。曰。我名迦毗。

摩羅有三千眷屬。祖曰：盡汝神力變化，若何？曰：我化巨海，極爲小事。祖曰：汝化性海，得否？曰：何爲性海？我未嘗知。祖卽爲說性海曰：山河大地皆依建立，三昧六通由茲發現。迦毗摩羅聞言，遂發信心，與徒衆三千俱求剃度。祖乃召五百羅漢，與授具戒，復告之曰：如來大法眼藏，今當付汝。汝聽偈言，隱顯卽本法明。暗元不二，今付悟了法，非取亦非離。露出空中，爪牙擺伏，大幻妄敵。

藉得一番神通，魔佛到此皆息。

十三祖迦毗摩羅尊者，華氏國人也。初爲外道，有徒三千，通諸異論。後于馬鳴尊者得法，領徒至西印度。彼有太子名雲，自在仰尊者名，請于宮中供養。祖曰：如來有教，沙門不得親近國王大臣有勢之家。太子曰：今我國城之北有大山焉，山有一石窟，可禪寂於此。否？祖曰：諾。卽入彼山，行數里，逢一大蟒。祖直前不顧，盤繞祖身。祖因與授三歸依，蟒聽訖而去。祖將至石窟，復有一老人素服而出，合掌問訊。祖曰：汝何所止？答曰：我昔嘗爲比丘，多樂寂靜，有初學比丘數來請益，而我煩于應答，起嗔恨，想命終墮爲蟒身，住是

窟中，今已千載。適遇尊者，獲聞戒法，故來謝耳。祖問曰：此山更有何人居？止曰：此去十里有大樹，蔭覆五百大龍。其樹王名龍樹，嘗爲龍衆說法。我亦聽受耳。祖遂與徒衆詣彼龍樹，出迎曰：深山孤寂，龍蟒所居，大德至尊，何枉神足？祖曰：吾非至尊，來訪賢者。龍樹默念曰：此師得決定性，明道眼否？是大聖，繼眞乘否？祖曰：汝雖心語，我已意知。但辦出家，何慮吾之不聖？龍樹聞已，悔謝。祖卽與度脫及五百龍衆，俱受具戒。復告曰：如來大法眼藏，今付囑汝。諦聽偈言，非隱非顯。法說是眞實，際悟此隱顯法，非愚亦非智。巨蟒皈依毒龍。

受戒神通智力則不無，非隱非顯法未夢見在。

十四祖龍樹尊者，亦名龍勝。少則能誦四韋陀，長而善知衆藝，才辯神明。出家入石窟，棲止龍樹，爲龍衆所歸。遇摩羅尊者，付法後，至南印度彼國之人，多信福業。祖爲說法，遽相謂曰：人有福業，世間第一。徒言佛性，誰能觀之？祖曰：汝欲見佛性，先須除我慢。彼人曰：佛性大小？祖曰：非大非小，非廣非狹，無福無報，不死不生。彼聞理勝，悉回初心。祖復於座上現自在身。

如滿月輪一切衆。惟聞法音不覩祖相。彼衆中有長者。子名迦那提婆。謂衆曰。識此相否。衆曰。目所未覩。安能辨識。提婆曰。此是尊者現佛性體相。以示我等。何以知之。蓋以無相三昧形如滿月。佛性之義廓然。虛明言訖。輪相即隱。復居本座。而說偈言。身現圓月相。以表諸佛體說法。無其形用。辨非聲色。彼衆聞偈。頓悟無生。咸願出家。以求解脫。祖即爲剃髮。命諸聖授具。造大智度論中論十二門論。垂之於世。後付法於迦那提婆。付法偈云。爲明隱顯法。方說解脫理。於法心不證。無瞋亦無喜。當場現月輪性義廓虛明。觀破千萬里非色亦非聲。十五祖迦那提婆尊者。南天竺國人也。姓毗舍維。初求福業。兼要辯論。後謁龍樹大士。將及門。龍樹知是智人。先遣侍者以滿鉢水。實於座前。尊者觀之。卽以一針投之。而進欣然契會。既得法後。至迦毗羅國。彼有長者曰梵摩淨德。捨次子羅睺羅。多隨師出家。祖曰。昔如來記此子當第二五百年爲大教主。今相遇符宿因。卽與剃髮。手握乾坤劍。胸藏日月旗。機先嘗展演。佛祖豈能竊。淨德家有園樹。生耳如菌。味甚美。惟德與第二子羅多得

取而食之。取已隨長盡。而復生。自餘親屬皆不能見。迦那知其宿因。示曰。汝昔曾供養一比丘。此比丘道眼未明。以虛雷信施。故報爲木菌。惟汝與子精誠供養。故得享之。針投鉢。親月輪。悉木菌。因識比丘。戒真刺腦入膠盆打草便驚蛇者。至巴連弗城。聞諸外道欲障佛法。計之既久。祖乃執長幡入彼衆中。彼問祖曰。汝何不前。祖曰。汝何不後。彼曰。汝似賤人。祖曰。汝似良人。彼曰。汝解何法。祖曰。汝百不解。彼曰。我欲得佛祖。祖曰。我灼然得佛。彼曰。汝不合得。祖曰。元道我得。汝實不得。彼曰。汝旣不得。云何言得。祖曰。汝有我故。所以不得。我無我。我故自當得。彼辭旣屈。乃問祖曰。汝名何等。祖曰。我名迦那提婆。彼旣夙聞祖名。乃悔過致謝。時衆中猶互與問難。祖折以無礙之辯。由是歸伏。告上足羅睺羅多。而付法。眼偈曰。本對傳法人。爲說解脫理。於法實無證。無終亦無始。漢文帝庚辰歲。身放八光。而歸寂滅。十六祖羅睺羅多尊者。迦毗羅國人也。行化至室羅筏城。有河名曰金水。其味殊美。中流復現五佛影。祖告衆曰。此河之源。凡五百里有聖者僧伽難提。居於

彼處佛志一千年後當紹聖位語已領諸學衆溯流而上至彼見僧伽難提安座入定祖與衆伺之經三七日方從定起祖問曰汝心定耶身定耶提曰身心俱定祖曰身心俱定何有出入提曰雖有出入不失定相如金在井金體嘗寂祖曰若金在井若金出井金無動靜何物出入提曰言金動靜何物出入言金出入金非動靜祖曰若金在井出者何金若金出井在者何物提曰金若出井在者非金金若在井出者非物祖曰此義不然提曰彼義非著祖曰此義當墮提曰彼義不成祖曰彼義不成我義成矣提曰我義雖成法非我故祖曰我義已成我無我故提曰我無我故復成何義祖曰我無我故成汝義提曰仁者師誰得是無我祖曰我師迦那提婆證是無我難提以偈贊曰稽首婆提師而出於仁者仁者無我故我欲師仁者祖以偈答曰我已無我故汝須見我我汝若師我故知我非我我難提心意豁然求度脫祖曰汝心自在非我所繫而付法眼偈曰於法實無證不取亦不離法非有無相內外云何起

藉樹頭耳聞世
外調佛誌不虛

祖歷斯紹窮金
河源垂千仞鈞

十七祖僧伽難提尊者室羅筏城寶莊嚴王之子也生而能言嘗讚佛事七歲卽厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多爲之師積十九載未嘗退倦每自念言身居王宮胡爲出家一夕天光下矚見一路坦平不覺徐行約十里許至大巖前有石窟焉乃燕寂於中父既失子卽擯禪利多出國訪尋其子不知所在經十年祖得法受記已行化至摩提國忽有涼風襲衆身心悅適非嘗而不知其然祖曰此道德之風也當有聖者出世嗣續祖燈言訖以神力攝諸大衆遊歷山谷食頃至一峯下謂衆曰此峯頂有紫雲如蓋聖人居此矣卽與大衆徘徊久之見山舍一童子持圓鑑直造祖前祖問汝幾歲耶曰百歲祖曰汝年尙幼何言百歲童曰我不會理正百歲耳祖曰汝善機耶童曰佛言若人生百歲不會諸佛機不如生一日而得決了之祖曰汝手中者當何所表童

曰諸佛大圓鑑內外無瑕翳兩人同得見心眼皆相似彼父母聞子語即捨令出家祖携主本處受具戒訖名伽耶舍多他時聞風吹殿鈴聲祖問曰鈴鳴耶風鳴耶曰非風鈴鳴我心鳴耳祖曰心復誰乎曰俱寂靜故祖曰善哉善哉繼吾道者非子而誰即付法眼偈曰心地本無生因地從緣起緣種不相妨華果亦復爾付法已即右手攀樹而化大眾就樹下起塔

敝屣世榮宴坐石窟
冤債相尋礙石引鐵

十八祖伽耶舍多尊者摩提國人也姓鬱頭藍父天蓋母方聖嘗夢大神持鑑因而有娠凡七日而誕肌體瑩如琉璃未嘗洗沐自然香潔幼好閒靜語非嘗童持鑑出遊遇難提尊者得度後領徒至大月氏國見一婆羅門舍有異氣祖將入舍舍主鳩摩羅多問曰是何徒衆祖曰是佛弟子彼聞佛號心神竦然即時閉戶祖良久扣其門羅多云此舍無人祖曰答無者誰羅多聞語知是異人遽開門延接祖曰昔世尊記曰吾滅後一千年有大士出現於月氏國紹隆玄化今汝值吾應斯嘉運於是鳩摩羅多發宿命智投

誠出家受具訖付法偈曰有種有心地因緣能發明於緣不相礙當生生不生付法已即踊身虛空現十八變火光三昧自焚其身衆收舍利起塔諸佛機風
鈴旨直饒

說得道理分明未
免鐵枷安項上

十九祖鳩摩羅多尊者大月氏國婆羅門之子後至中天竺國有大士名闍夜多問曰我家父母素信三寶而嘗繁疾瘵凡所營作皆不如意鄰家久爲旃陀羅以殺爲業而身嘗勇健所作和合彼何幸而我何辜祖曰何足疑乎且善惡之報有三時焉凡人但見仁天暴壽逆吉義凶便謂亡因果虐罪福殊不知影響相隨毫釐靡忒縱經百千萬劫亦不磨滅時闍夜多聞是語已頓釋所疑祖曰汝雖已信三業而未明業從惑生惑依識有識依不覺不覺依心心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有爲無爲皆如夢幻闍夜多承言領旨即發宿慧懇求出家既受具祖告曰吾今寂滅時至汝當紹行化跡付法眼偈曰性上本無生爲對求人說於法既無得何懷決不決

得般若力當場指出
摸著鼻孔虛空逼塞

二十祖閻夜多尊者北天竺國人也智慧淵冲化道
無量後至羅闍城敷揚頓教彼有學衆惟尙辯論爲
之首者名婆修盤頭常一食不臥六時禮佛清淨無
欲爲衆所歸祖將欲度之先問彼衆曰此徧行頭陀
能修梵行可得佛道乎衆曰我師精進何故不可祖
曰汝師與道遠矣設苦行歷於塵劫皆虛妄之本也
衆曰尊者蘊何德行而譏我師祖曰我不求道亦不
顛倒我不禮佛亦不輕慢我不嘗坐亦不懈怠我不
一食亦不雜食我不知足亦不貪慾心無所希名之
曰道時徧行聞已發無漏智歡喜讚歎祖又語彼衆
曰會吾語否吾所以然者爲其求道心切夫絃急卽
斷故吾不贊令其住安樂地入諸佛智復告徧行曰
吾適對衆挫抑仁者得無惱于衷乎徧行曰我聞諸
惡言如風如響況今獲聞無上甘露而反生熱惱耶
惟願大慈以妙道垂誨祖曰汝久植衆德當繼吾宗
聽吾偈曰言下合無生同於法界性若能如是解通
達事理竟宿慧頓發默契厥元體本無生法有何說
○至簡至易最尊最貴往還千聖頂顙頭

世出世間不思議彈指圓成
八萬門一起直入如來地

二十一祖婆修盤頭尊者羅闍城人也年十五禮光
度羅漢出家感毗婆訶菩薩與之受戒行化至那提
國彼王名常自在有二子長名摩訶羅次名摩拏羅
王問祖曰羅闍城土風與此何異祖曰彼曾三佛出
世今王國有二師化導王曰二師者誰祖曰佛記第
二五百年有二神力大士出家繼聖一卽王之次子
摩拏羅吾雖德薄亦當其一初那提國有惡象爲害
拏羅生而象息至是三十年矣人尙不知其所以息
王方同祖語忽使者報有象巨萬餘逼城王憂之祖
曰拏羅出患辟矣王試命拏羅出拏羅遂出城南向
象撫腹大喝城爲震動羣象顛仆頃皆馳散至是人
始知三十年之安以拏羅也王大敬信命拏羅依祖
出家祖卽與授具付法偈曰泡幻同無礙如何不了
悟達法在其中非今亦非古逗着知歸黑玉白鐵
當頭向說明月寒雪
二十二祖摩拏羅尊者姓刹帝利父常自在王受盤
頭尊者命祖遂出家傳法後至月支國鶴勒那與寶
印迎祖至王宮供養異日鶴勒那問祖曰我有何緣

而感鶴衆祖曰汝第四劫中常爲比丘當赴會龍宮汝諸弟子咸欲隨從汝觀五百衆中無有一人堪任妙供時諸弟子曰師嘗說法於食等者於法亦等今既不然何聖之有汝卽令赴會坐是盞食報爲羽族師弟夙緣故今相隨鶴勒那曰以何方便令彼解脫祖曰吾有無上法寶是如來藏世尊昔付大迦葉展轉至我我今付汝能傳之不絕彼鶴之衆亦資以解脫汝受吾教聽說偈曰心隨萬境轉轉處實能幽隨流認得性無喜亦無憂鶴衆聞偈飛鳴而去託實王宮達茲

玄奧應佛應記分燈化導鶴衆解脫如火就燥

二十三祖鶴勒那尊者月支國人姓婆羅門父千勝母金光以求子禱于七佛金幢夢須彌頂有神童持金環云我來及誕而天雨花年二十二出家棲一林間九白誦大般若感鶴衆相隨三十得法行化至中印度有師子者歸依焉問曰我欲求道當何用心祖曰汝欲求道無所用心曰既無用心誰作佛事祖曰汝若有用卽非功德汝若無作卽是佛事經云我所作功德而無我所故師子聞是語已卽入佛慧時祖

忽指東北問曰是何氣象師子曰我見氣如白虹貫乎天地復有黑氣五道橫亘其中祖曰其兆云何曰莫可知矣祖曰吾滅後五十年北天竺國當有難起嬰在汝身吾將滅已今以法眼付囑於汝善自護持乃說偈曰認得心性時可說不思議了了無可得時不說知付法已卽現十八變而歸寂闍維畢分舍利各欲起塔尊者復現空中而說偈曰一法一切法一切一法攝吾身非有無何分一切塔大衆聞偈遂不復分就默都場而建塔冤債相逢香結成德祖脉潛通異氣微應

二十四祖師子比丘尊者中印度人姓婆羅門得法遊方至罽賓國有沙門波利迦本習小乘禪觀其徒有五曰禪定曰知見曰執相曰捨相曰不語尊者以無礙辯折之令其歸正既攝五衆名聞遐邇方求法嗣遇一長者引其子問祖曰此子名斯多當生便奉左手年二十矣終未能舒願尊者示其宿因祖觀之卽以手接曰可還我珠童子遽開手奉珠衆皆驚異祖曰吾前報爲僧有童子名婆舍吾嘗赴西海齋受觀珠付之今還吾珠理固然矣長者遂令出家祖會

衆聖與授具以前緣故名婆舍斯多祖即謂之曰吾師密有懸記。罹難非久。如來正法眼藏。今當付汝。汝應保護。普潤來際。偈曰。正說知見時。知見俱是心。當心即知見。知見即於今。祖說偈已。以僧伽黎密付斯多。俾之他國。隨機演化。斯多受教。直抵南天。祖謂難不可苟免。獨留罽賓時。本國有外道二人。一名摩目多。二名都落遮。學諸幻法。欲共謀亂。詭爲釋子。潛入王宮。其王彌羅崛。遂滅毀釋教。秉劔至尊者所問曰。師得蘊空否。祖曰。已得蘊空。王曰。離生死否。祖曰。已離生死。王曰。既離生死。可施我頭。祖曰。身非我。有何怯于頭。王即揮刃斷尊者首。白乳涌高數尺。王之右臂旋亦墮地。七日而終。太子光首嘆曰。我父何故自取其禍。延衆懺悔時。象白山有仙人深明因果。言師子與羅崛往世皆爲白衣。以嫉法勝。故陰戕於崛。乃今償焉。衆遂以祖報體建塔。道不可求。用即功頭落臂斷冤債相尋。○首隨鋒刃落彼此沒毫釐。

二十五祖婆舍斯多尊者。罽賓國人。姓婆羅門。父寂行。母骨安樂。初母夢得神劔。因而有孕。既誕。拳左手。

遇師子尊者付法。後至中印度國王迦勝。設禮供養。有外道無我尊先。亦爲王禮重。乃于王前論義。冀勝祖自重。謂祖曰。我解默論。不假言說。祖曰。孰知勝負。彼曰。不爭勝負。但取其義。祖曰。汝以何爲義。彼曰。無心爲義。祖曰。汝既無心。豈得義乎。彼曰。我說無心。當名非義。祖曰。汝說無心。當名非義。我說無心。當義。非名。彼曰。當義非名。誰能辯義。祖曰。汝名非義。此名何名。彼曰。爲辨非義。是名無名。祖曰。名既非名。義亦非義。辨者是名。當辨何物。如是往返五十九番。外道杜口。信伏于時。祖忽而北合掌長吁曰。我師師子尊者。今日遇難。斯可傷焉。即辭王南邁。至南天潛隱山谷。王天德迎。請供養。王次子不如密多。遂求出家。祖問曰。汝欲出家。當爲何事。密多曰。我若出家。不爲其事。祖曰。不爲何事。密多曰。不爲俗事。祖曰。當爲何事。密多曰。當爲佛事。祖曰。王子智慧天至。必諸聖降跡。卽度出家。侍祖六年。後受具。蠲磨之際。大地震動。乃付法偈曰。聖人說知見。當境無是非。我今悟眞性。無道亦無理。神劍本話拳珠自瑩。其來有因。肘後懸印。

二十六祖不如密多尊者。姓刹帝利。南印度王子。得法後至東印度。其王堅固。奉外道師長。爪梵志。祖至王問曰。師來何爲。曰。將度衆生。曰。以何法度。曰。各以其類度之。梵志卽化一大山于祖頂上。勢且下壓。祖指之山。遽移彼衆頂上。復以手按地。地動五百外道。皆不能立。梵志怖懼。禮懺。祖復按地。地靜。指山。山滅。王異曰。大治齋集諸外道。懇祖預會。祖初不欲行。而不知所會地將陷。乃往。王曰。師肯來耶。祖曰。吾非應供來救死耳。此地已爲龍窟。須臾當下陷。王恐與其衆如高原。反顧其地。已淵然成湫矣。王益敬信。祖爲演法。且曰。國有聖人。當繼我法。先是東印有婆羅門子。年二十。幼失父母。不知名氏。或自言瓔珞人。遂名瓔珞童子。丐行閭里。有問汝行何急。卽曰。汝行何緩。問何姓。卽曰。與汝同姓。人莫測之一日。王與祖同車而出。瓔珞稽首于前。祖曰。汝憶往事否。珞曰。我念往劫中。與師同居。師演摩訶般若。我演甚深修多羅。今日之事。蓋契昔因。祖顧王曰。此大勢至菩薩也。繼後出二人。一化南印度。一人緣在震旦。九年却返。此方卽

以昔因名。般若多羅付法偈曰。眞性心地藏。無頭亦無尾。因緣而化。物方便呼爲智。外道爲山自貽伊戚。俾眞乘反曲作直。故人忽逢。二五一十。二十七祖般若多羅尊者。東印度人。得法後至南印度。彼王名香至。尊重供養。度越倫等。又施無價寶珠。時王有三子。曰。月淨。多羅曰。功德多。羅曰。菩提多。羅其季開士也。祖欲試其所得。乃以所施珠。問三王子曰。此珠圓明。有能及否。月淨功德皆曰。此珠七寶中尊。固無踰也。菩提曰。此是世寶。未足爲上。於諸寶中。法寶爲上。此是世光。未足爲上。於諸光中。智光爲上。此是世明。未足爲上。於諸明中。心明爲上。此珠光明。不能自照。要假智光。以辨於此。旣辨此已。卽知是珠。然則師有其道。其實卽現衆生。有道心寶。亦然。祖歎其辨慧。乃復問曰。於諸物中。何物無相。曰。於諸物中。不起無相。又問於諸物中。何物最高。曰。於諸物中人。我最高。又問於諸物中。何物最大。曰。於諸物中。法性最大。祖知是法器。透明透暗解見。無邊無利規模。一日王問諸人盡轉經。師爲甚不轉。尊者曰。貧道出息不隨衆。緣入

息不居陰界常轉如是經百千萬億卷多多卷數從何數不轉之

轉若香至王厭世衆皆號絕菩提多羅獨於柩前入定經七日而出遂依祖求出家既授具祖告曰如來以正法眼付大迦葉如是展轉乃至於我我今囑汝聽吾偈曰心地生諸種因事復生理果滿菩提圓花開世界起付法已卽于座上起立舒左右手各放光明二十七道五色光耀又踊身虛空高七多羅樹化火自焚空中舍利如雨收以建塔勢至勢至爲法之寄轉經不落文字放光更沒巴鼻

東土祖師

初祖菩提達磨大師者南天竺國香至王第三子也姓利帝利本名菩提多羅後於般若多羅尊者得法尊者謂曰汝於諸法已得通量達磨者通大之義也因改今名祖恭稟教義服勤四十年迨尊者順世遂演化本國時有二師一名佛大先二名佛大勝多與祖同學佛陀跋陀小乘禪觀佛大先既遇般若波羅尊者捨小趣大與祖並化時號爲二甘露門而大勝多更分徒爲六宗第一有相宗第二無相宗第三定

慧宗第四戒行宗第五無得宗第六寂靜宗各封已解別展化源祖喟然嘆曰彼之一師已陷牛跡況復支離而分六宗我若不除永纏邪見言已微現神力至有相宗所問曰一切諸法何名實相彼衆有一尊長薩婆羅答曰於諸相中不互諸相是名實相祖曰一切諸相而不互者是名實相當何定耶彼曰於諸相中實無有定若定諸相何名爲實祖曰諸相不定便名實相汝今不定當何得之彼曰我言不定不說諸相當說諸相其義亦然祖曰汝言不定當爲實相定不定故卽非實相彼曰定既不定卽非實相知我非故不定不變祖曰汝今不變何名實相已變已往其義亦然彼曰不變當在在不在故故變實相以定其義祖曰實相不變變卽非實於有無中何名實相薩婆羅心知聖師懸解潛達卽以手指虛空曰此是世間有相亦能空故當我此身得似此否祖曰若解實相卽見非相若了非相其色亦然當于色中不失色體于非相中不礙有故若能是解此名實相彼衆聞已心意朗然欽禮信受祖瞥然匿跡至無相宗所

問曰。汝言無相。當何證之。彼衆中有波羅提答曰。我明無相。心不現。故祖曰。汝心不現。當何明之。彼曰。我明無相。心不取捨。當於明時。亦無當者。祖曰。於諸有無。心不取捨。又無當者。諸明無故。彼曰。入佛三昧。尚無所得。何況無相。而欲知之。祖曰。相既不知。誰云有無。尚無所得。何名三昧。彼曰。我說不證。證無所證。非三昧。故我說三昧。祖曰。非三昧者。何當名之。汝既不證。非證。何證。波羅提聞。祖辯析。卽悟本心。禮謝懺悔。祖記曰。汝當得果。不久證之。此國有魔。非久降之言。已至定慧宗。所問曰。汝學定慧。爲一爲二。彼衆中有婆蘭陀者。答曰。我此定慧。非一非二。祖曰。既非一二。何名定慧。彼曰。在定非定。處慧非慧。一既非一二。亦不二。祖曰。當一不二。當二不二。既非定慧。約何定慧。彼曰。不一不二。定慧能知。非定非慧。亦復然矣。祖曰。慧非定。故然。何知哉。不一不二。誰定誰慧。婆蘭陀聞之。疑心未釋。至第四戒行宗。所問曰。何者名戒。云何名行。當此戒行。爲一爲二。彼衆中有一賢者。答曰。一二二一。皆彼所生。依教無染。此名戒行。祖曰。汝言依

教。卽是有染。一二俱破。何言依教。此二違背。不及於行。內外非明。何名爲戒。彼曰。我有內外。彼已知。竟既得通達。便是戒行。若說違背。俱是俱非。言及清淨。卽戒。卽行。祖曰。俱是俱非。何言清淨。既得通達。何談內外。賢者聞之。卽自慚伏。至無得宗。所問曰。汝云無得。無得何得。既無所得。亦無得。得彼衆中有寶靜者。答曰。我說無得。非無得。得當說得。得無得。是得。祖曰。得既不得。得亦非得。既云得。得得。得何得。得彼曰。見得非得。非得。是得。若見不得。名爲得。得祖曰。得既非得。得無得。既無所得。當何得。得寶靜聞之。頓除疑網。至寂靜宗。所問曰。何名寂靜。於此法中。誰靜誰寂。彼衆中有尊者。答曰。此心不動。是名爲寂。於法無染。名之爲靜。祖曰。本心不寂。要假寂靜。本來寂。故何用寂靜。彼曰。諸法本空。以空空。故於彼空空。故名寂靜。祖曰。空空已空。諸法亦爾。寂靜無相。何靜何寂。彼尊者聞。師指誨。豁然開悟。既而六衆咸誓歸依。由是化被南天。聲馳五印。經六十載。度無量衆。後值異見王。輕毀三寶。每云。我之祖宗。皆信佛道。陷於邪見。壽年不永。

運祚亦促。且我身是佛。何更外求。皆因多智之者。妄構其說。遂於國內耆舊。爲前王所奉者。悉從廢黜。祖知已歎彼德薄。當何救之。卽念無相宗中二首領。其一波羅提者。與王有緣。將證其果。其二宗勝者。非不博辯。而無宿因。時六徒衆亦各念言。佛法有難。師何自安。祖遙知衆意。卽彈指應之。六衆聞云。此是我師。達磨信響。我等宜速行。以副慈命。卽至祖所。禮拜問訊。祖曰。一葉翳空。孰能翦拂。宗勝曰。我雖淺薄。敢憚其行。祖曰。汝雖辯慧。道力未全。宗勝自念。縱彼福慧爲王。我是沙門。受佛教旨。豈難敵也。言訖。潛去。至王所。廣說法要。及世界苦樂。人天善惡等事。王與之往返徵詰。無不詣理。王曰。汝今所解其法。何在。宗勝曰。如王治化。當合其道。王所有道。其道何在。王曰。我所有道。將除邪法。汝所有法。將伏何人。祖不起於座。懸知宗勝義墮。告波羅提曰。宗勝不稟吾教。潛化於王。須臾理屈。汝可速救。波羅提恭稟祖旨。雲生足下。至大王前。默然而住。時王正問宗勝。忽見波羅提乘雲而至。愕然忘其問答。曰。乘空之者是。正是邪提。曰。我

非邪。正而來。正邪王心。若正我無邪。正王雖驚異。而驕慢方熾。卽擯宗勝。令出。波羅提曰。王既有道。何擯沙門。我雖無解。願王致問。王怒而問曰。何者是佛。提曰。見性是佛。王曰。師見性否。提曰。我見佛性。王曰。性在何處。提曰。性在作用。王曰。是何作用。我今不見。提曰。今現作用。王自不見。王曰。於我有否。提曰。王若作用。無有不是。王若不用。體亦難見。王曰。若當用時。幾處出現。提曰。若見現時。當有其八。王曰。其八出現。當爲我說。波羅提卽說偈曰。在胎爲身。處世爲人。在眼曰。見。在耳曰。聞。在鼻曰。香。在口談論。在手執捉。在足運奔。徧現俱該。沙界收攝。在一微塵。識者知是佛性。不識喚作精魂。王聞偈已。心卽開悟。悔謝前非。咨詢法要。朝夕忘倦。迄於九旬。時宗勝旣被斥逐。退藏深山。念曰。我今百歲八十。爲非二十年來。方歸佛道。性雖愚昧。行絕瑕疵。不能禦難。生何如死。卽自投崖。俄有神人以手捧承。置於巖上。安然無損。宗勝曰。我忝沙門。當與正法爲主。不能抑絕。王非是以損身。自責何神佑助。一至於斯。願垂一語。於是神人乃說偈曰。

師壽於百歲八十而造非爲近至尊故熏脩而入道。雖具少智慧而多有彼我所見諸賢等未嘗生珍敬。二十年功德其心未恬靜聰明輕慢故而獲至於此。得王不敬者當感果如是自今不疎怠不久成奇智。諸聖悉存心如來亦復爾。宗勝聞偈欣然卽於巖上。宴坐時王復問波羅提曰仁者智辯當師何人提曰。我所出家卽婆羅寺烏沙婆三藏爲受業師其出世。師者卽大王叔菩提達磨是也。王聞祖名驚駭久之。曰鄙薄忝嗣王位而趣邪背正忘我尊叔遽敕近臣。特加迎請祖卽隨使而至爲王懺悔往非王聞規誡。泣謝於祖。又詔宗勝歸國大臣奏曰宗勝被謫投崖。今已亡矣。王告祖曰宗勝之死皆自於吾如何大慈。令免斯罪。祖曰宗勝今在巖間宴息但遣使召當卽。至矣。王卽遣使入山果見宗勝端居禪寂宗勝蒙召。乃曰深愧王意貧道誓處巖泉且國王賢德如林達。磨是王之叔六衆所師波羅提法中龍象願王崇仰。二聖以福皇基使者復命未至祖謂王曰知取得宗。勝否。王曰未知祖曰一請未至再命必來良久使還。

果如祖語祖遂辭王曰當善脩德不久疾作吾且去。矣。經七日王乃得疾國醫診治有加無瘳貴戚近臣。憶師前記急發使告祖曰王疾殆至彌留願叔慈悲。遠來診救。祖卽至慰問時宗勝再承王召卽別巖間。波羅提亦來問疾謂祖曰當何施爲令王免若祖卽。令太子爲王宥罪施恩崇奉三寶復爲懺悔願罪消。滅如是者三。王疾有間師念震旦緣熟行化時至遂。囑弟子不若密多羅住天竺傳法先辭祖塔次別同。學後至王所慰而勉之曰當勤脩白業護持三寶吾。去非晚一九卽還王聞師言涕淚交集曰此國何罪。彼土何祥。叔既有緣非吾所止惟願不忘父母之國。事畢早回。王卽具大舟實以衆寶躬率臣寮送至海。壖祖泛重溟凡三周寒暑達于南海實梁普通七年。庚子歲九月二十一日也。廣州刺史蕭昂具主禮迎。接表聞武帝覽奏遣使齎詔迎請十月一日至金。陵帝問曰朕卽位已來造寺寫經度僧不可勝紀有。何功德。祖曰並無功德。帝曰何以無功德。祖曰此但。人天小果有漏之因如影隨形雖有非實。帝曰如何。

是真功德。祖曰：淨智妙圓，體自空寂。如是功德，不以世求。帝又問：如何是聖諦第一義？祖曰：廓然無聖。帝曰：對朕者誰？祖曰：不識。帝不領悟。祖知機不契，是月十九日，潛回江北。十一月二十三日，屆洛陽寓止嵩山少林寺，面壁而坐，終日默然。人莫之測，謂之壁觀婆羅門。有僧神光，久居伊洛，博覽羣籍，善談玄理。每嘆曰：孔老之教，禮術風規，莊易之書，未盡妙理。近聞達磨大士住止少林，至人不遙，當造玄境，遂詣祖。參承祖常，端坐面壁，莫聞誨勵。光自惟曰：昔人求道，敲骨取髓，刺血濟饑；布髮掩泥，投崖餉虎。古尚若此，我又何人？值大雪，光夜侍立，遲明積雪過膝，立愈恭。祖顧而憫之，問曰：汝久立雪中，當求何事？光悲泣曰：惟願和尚慈悲，開甘露門，廣度羣品。祖曰：諸佛無上妙道，曠劫精勤，難行能行，非忍而忍，豈以小德小智，輕心慢心，欲冀真乘，徒勞勤苦？光聞祖誨，勵潛取利刀，自斷左臂，罪于祖前。祖知是法器，乃曰：諸佛最初求道，爲法忘形。汝今斷臂，吾前求亦可在。祖遂因與易名曰慧，可。可曰：諸佛法印，可得聞乎？祖曰：諸佛法

印，匪從人得。可曰：我心未寧，乞師與安。祖曰：將心來，與汝安。可良久曰：覓心了不可得。祖曰：我與汝安心竟。面門壁立，示全機。逼塞乾坤，若個知機，被神光展三拜，分明喪却兩重眉。覓心了不可得，兩眼大豁開。與汝安心竟。魏孝明帝正光年也。越九年，欲返天竺，命門人曰：時將至矣。汝等盍言所得乎？有道副對曰：如我所見，不執文字，不離文字，而爲道用。祖曰：汝得吾皮，尼總持曰：我今所解，如慶喜見阿閼佛國，一見更不再見。祖曰：汝得吾肉。道育曰：四大本空，五陰非有，而我見處，無一法可得。祖曰：汝得吾骨。最後慧可禮拜依位而立。祖曰：汝得我髓。乃顧慧可而告之曰：昔如來以正法眼付迦葉大士，展轉囑累，而至於我。我今付汝。汝當護持，并授汝袈裟，以爲法信。可曰：請師指陳。祖曰：內傳法印，以契證心；外付袈裟，以定宗旨。後代澆薄，疑慮競生。云吾西天之人，言汝此方之子，憑何得法？以何證之？汝今受此衣法，却後難生。但出此衣，并吾法偈，用以表明其化，無礙至吾滅後二百年衣止。不傳法，周沙界明道者多；行道者少，說理者多。通理者少，潛符密證，千萬有餘。汝當闡揚，勿

輕未悟一念回機。便同本得。聽吾偈曰。吾本來茲土。傳法救迷情。一花開五葉。結果自然成。吾自到此凡五度中毒。我嘗自出而試之。置石石裂。緣我本離南印。來此東土。見赤縣神州有大乘氣象。遂踰海越漢。爲法求人際。會未諧如愚。若訥。今得汝傳授吾意。已終。鐵枷欲卸。力無從通。令兒曹逐款供。言已。端居而拜。立謨云。真得髓。洪波迎處有蟠龍。

逝葬熊耳山。起塔于定林寺。後三歲。魏宋雲奉使西域。回遇祖于蔥嶺。見手攜隻履。翩翩獨遊。雲問祖何往。祖曰。西天去雲歸。具說其事。及門人啓壇。唯空棺存一革履。舉朝爲之驚嘆。奉詔取遺履于少林寺供養。

航海而來。賜翻案曰。面壁九年。作家根究六宗。坐斷。今五印聲馳。全心揭露。今神光立就。誰云隻履已西歸熊耳。至今白如晝。

二祖慧可大師。武牢人。姬氏子。父寂以無子。禱祈既久。一夕有異光。炤室。母遂懷妊。故生而名之曰光。少則超然博極。載籍尤善談老莊。後覽佛乘。遂盡棄去。依寶靜禪師出家。徧學大小乘。義年三十三。返香山。終日燕坐。又八年。于寂默中忽見一神人。謂曰。將欲受果。汝其南矣。翌日覺頭痛如刺。欲治之。忽聞空中

曰。此換骨也。往見靜述其事。靜視之。見頂骨曉然如五峯秀出。以有神異。更名神光。靜語祖曰。汝相吉祥。而神令汝南。彼少林有達磨大士。必汝師矣。祖遂造少室。逮得法。至北齊天平二年。有一居士年踰四十。不言名氏。聿來設禮。而問祖曰。弟子身纏風恙。請和尚懺罪。祖曰。將罪來。與汝懺。士良久曰。覓罪了。不可得。祖曰。與汝懺。罪竟宜依佛法。僧住士曰。今見和尚。已知是僧。未審何名。佛法祖曰。是心是佛。是心是法。法佛無二。僧寶亦然。士曰。今日始知罪性不在內。不在外。不在中間。如其心然。佛法無二也。祖深器之。卽爲剃髮。曰。是吾寶也。名僧璨。其年三月十八。於光福寺受具。自茲疾漸愈。執侍經二載。祖遂囑累付以衣。法偈曰。本來緣有地。因地種花生。本來無有種。花亦不曾生。又曰。汝受吾教。宜處深山。未可行化。富有國難。般若多羅懸記。所謂心中雖吉。外頭凶者是也。吾亦有宿累。今往酬之。汝諦思聖記。勿離世難。善去善行。俟時傳付。

滿身瘋恙。滿身愁冤。罪分明。匪得由。從此通身都改變。正生瘋處。正風流。

祖乃往鄴都化導四衆。歸依三十四載。遂輅光混跡。

變易儀相或入酒肆或過屠門或習街談或隨厮役

或問之曰師是道人何故如是祖曰我自調心何關

汝事法只因無咎咎心多謂不真行後至筓

城縣匡救寺說法有辨和法師正于寺講涅槃經其

徒多去之而從祖和憤嫉與謗于邑宰翟仲侃侃加

祖以非法祖怡然委順識真者謂之償債時年一百

七矣隋文帝開皇十三年癸丑三月十六日也葬磁

州滏陽縣東北七十里唐德宗諡大祖禪師安心與

竟無別旨展轉通

三祖僧璨大士以白衣謁二祖得度傳法後隱于舒

之皖公山往來太湖縣司空山當後周毀法祖深自

韜晦居無常處積十餘載人無能知者至隋開皇十

二年有沙彌道信年始十四來禮祖曰願和尚慈悲

乞與解脫法門祖曰誰縛汝曰無人縛祖曰何更求

解脫乎信于言下大悟服勞九載後于吉州受戒侍

奉尤謹祖屢試以玄微知其緣熟乃付衣法偈曰花

種雖因地從地種花生若無地下種花地盡無生

祖有信心銘近千言其略曰至道無難唯嫌揀擇但

莫憎愛洞然明白毫厘有差天地懸隔欲得現前莫

存順逆寄跡空山形單影孑

四祖道信大師者姓司馬氏世居河內後徙於蘄州

廣濟縣生而超異幼慕空宗諸解脫門宛如宿習既

嗣祖風攝心無寐脇不至席者六十年隋大業十三

載領徒衆抵吉州值羣盜圍城七旬不解衆甚惶怖

師教令念摩訶般若時賊衆望雉堞間若有神兵乃

相謂曰城內必有異人不可攻矣稍稍引去一日往

黃梅縣路逢一小兒骨相奇秀異乎嘗重祖問曰子

何姓答曰姓卽有不是嘗姓祖曰是何姓答曰是佛

姓祖曰汝無姓耶答曰性空故無祖默識其法器卽

俾侍者至其母所乞令出家母以宿緣故殊無難色

遂捨爲弟子以至付法傳衣偈曰華種有性性因地

華生生大緣與性合當生生不生宿習解脫門早佩

不出山寇國吉水民無災末後

五祖弘忍大師者蘄州黃梅人也先爲破頭山中栽

松道者嘗請于四祖曰法道可得聞乎祖曰汝已老

脫有聞其能廣化耶倘若再來吾尙可遲汝乃去行

水邊見一女子浣衣。揖曰：「寄宿得否？」女曰：「我有父兄，可往求之。」曰：「諾。」我即敢行。女首肯之，即回策而去。女周氏季子也，歸輒孕。父母大惡，逐之。女無所歸，日傭紡里中。夕止于衆館之下，已而生一子，以爲不祥，因拋逐港中。明日見汭流而上，氣體鮮明，大驚異，遂舉之。成童，隨母乞食。里人呼爲無姓兒。逢一智者，歎曰：「此子缺七種相，不逮如來後遇信大師，得法嗣化于破頭山。」誰是前身執後身分明有口也難伸無端累彼周家女疑殺世間多少人咸亨中有居士姓盧名慧能，自新州來參謁祖，問曰：「汝自何來？」盧曰：「嶺南。」祖曰：「欲須何事？」盧曰：「惟求作佛。」祖曰：「嶺南人無佛性，若爲得佛？」盧曰：「人即有南北，佛性豈然？」祖令隨衆作務。盧曰：「弟子自性甞生智慧，不離自性，卽是福田。未審和尚教作何務？」祖曰：「者獍獠根性，太利著槽廠去。盧禮足而退，便入碓坊，服勞於杵臼，晝夜不息。經八月，祖知付授時，至告衆曰：「正法難解，不可徒記吾言，持爲己任。汝等各自隨意述一偈，若語意冥符，則衣法皆付。時會下七百餘僧上座，神秀者學通內外，衆所宗仰，咸推稱曰：「若非尊秀，曠敢當

之神秀，竊聆衆譽，不復思惟。乃于廊壁書一偈曰：「身是菩提樹，心如明鏡臺。時時勤拂拭，莫使惹塵埃。」祖因經行忽見此偈，知是神秀所述，乃讚歎曰：「後代依此修行，亦得勝果。」盧在碓坊忽聆誦偈，乃問同學：「何章句？」同學曰：「汝不知和尚求法嗣，令各述心偈。此則秀上座所述，和尚深加歎賞，必將付法傳衣也。」盧曰：「其偈云何？」同學爲誦。盧良久曰：「美則美矣，了則未了。」同學訶曰：「庸流何知，勿發狂言。」盧曰：「子不信耶？」願以一偈和之。同學不答，相視而笑。盧至夜密告一童子，引至廊下。盧自秉燭，請別駕張日用于秀偈之側，寫一偈曰：「菩提本無樹，明鏡亦非臺。本來無一物，何處惹塵埃。」祖後見此偈，曰：「此是誰作？」亦未見性衆聞祖語，遂不之顧。逮夜祖潛詣碓房，問曰：「米白也。」未盧曰：「白也，未有篩。」祖以杖三擊其碓，盧卽以三鼓入室。祖告曰：「諸佛出世，爲一大事故，隨機大小而引導之。遂有十地三乘頓漸等旨，以爲教門。然以無上微妙秘密圓明真實正法眼藏付于上首大迦葉尊者，展轉傳授二十八世，至達磨屈于此土，得可大師承襲。

至今以法寶及所傳袈裟用付于汝。善自保護。無令斷絕。聽吾偈曰。有情來下種。因地果還生。無情既無種。無性亦無生。盧跪受訖。問法則既受衣。付何人。祖曰。昔達磨初至。人未之信。故傳衣以明得法。今信心已熟。衣乃爭端。止于汝身。不復傳也。來時有約生處。難稽黃梅果熟。任風吹一卷。金剛成露布。

六祖慧能大師姓盧氏。父行瑄。母李氏。感異夢覺而異香滿室。因有娠。六年乃生。毫光騰空。黎明有僧來語祖之父曰。此子可名慧能。父曰。何謂也。僧曰。慧者以法惠濟衆生。能者能作佛事。語畢不知所之。祖不飲母乳。遇夜神人灌以甘露。三歲父喪。母孀。居家貧甚。幼則樵採鬻薪以養母。一日負薪過市中。聞客讀金剛經。至應無所住而生其心。有所感悟。而問客曰。此何法也。曰。此金剛經。黃梅東山五祖忍和尚恒教人誦此經。祖聞語勃然思出家求法。乃乞于一客爲其母備歲儲。遂辭母直抵韶州。遇高行士劉志略。結爲交友。尼無盡藏者。卽志略姑也。嘗讀涅槃經。師暫聽之。卽爲解說其義。尼遂執卷問字。祖曰。字卽不識。

義卽請問。尼曰。字尙不識。曷能會義。祖曰。諸佛妙理。非關文字。尼驚異之。告鄉里耆艾。請居寶林寺。寺廢已久。四衆營繕。朝夕奔湊。俄成寶坊。祖曰。我求大法。止此何爲。遂棄之。抵黃梅。參禮五祖。三鼓入室。五祖復徵其初悟。應無所住而生其心。語祖言下大徹。遂啓五祖曰。一切萬法。不離自性。何期自性。本自清淨。何期自性。本不生滅。何期自性。本自具足。何期自性。本不動搖。何期自性。能生萬法。五祖知悟本性。謂祖曰。不識本心。學法無益。若識本心。見自本性。卽天人師。佛遂傳衣法。五祖送至九江驛。邊令祖上船。祖卽把櫓。五祖曰。合是吾度。汝祖曰。迷時師度。悟時自度。度名雖一。用處不同。能蒙師傳法。今已得悟。只合自性自度。五祖曰。如是如是。是佛法緣。汝大行。六祖當年人書壁自塗糊。分明有偈。言無物却受他家一鉢五。祖禮辭南行者。兩月至大庾嶺。僧惠明本將軍。同數百人來欲奪衣鉢。祖擲衣鉢于石。曰。此衣表信。可力爭耶。明舉衣鉢不能動。乃曰。我爲法來。不爲衣來。祖曰。汝旣爲法來。可屏息諸緣。勿生一念。吾爲汝說明。良久。祖曰。不思善。不思

惡正與麼時。那箇是明上座。本來面目。惠明言下大悟。復問曰。上來密語密意。外還更有密意否。祖曰。與汝說者。卽非密也。汝若返。炤密在汝邊。明曰。惠明雖在黃梅。實未省自己面目。今蒙指示。如人飲水。冷暖自知。後隱于懷集四會之間。混獵人隊中。十有六載。儀鳳元年正月八日。忽念說法時。至遂出至廣州法性寺。值印宗法師講涅槃經。寓止廊廡間。暮夜風颺。剝幡聞二僧對論。一曰幡動。一曰風動。往復不已。祖曰。不是風動。不是幡動。仁者心動。一衆竦然。是非幡兮。非是風。納僧于此。作流通渡。河用筏尋常事。南山燒炭北山扛。正月十五日。印宗會諸名德。爲祖剃髮。二月八日。就法性寺智光律師。受滿分戒。其戒壇卽宋求那跋陀三藏之所置也。三藏記云。後當有肉身菩薩在此壇受戒。又梁末眞諦三藏于壇之側手植二菩提樹。謂衆曰。却後一百二十年。有大開士于此樹下演無上乘度無量衆。祖受戒已於此樹下開東山法門。宛如宿契。中宗元年遣內侍薛簡馳詔迎請。祖上表辭疾。願終林麓。簡曰。京城禪德皆云欲得會道。必須坐禪。習定。未審師

說何如。祖曰。道由心悟。豈在坐也。經云。若見如來。若坐若臥。是行邪道。何故無所從來。亦無所去。若無生滅。是如來清淨禪。諸法空寂。是如來清淨坐。究竟無証。而況坐耶。簡問。心要祖曰。道無明暗。明暗是代謝之義。明暗無盡。亦是有盡。相待立名。經云。法無有比。無相待。故簡曰。明喻智慧。暗況煩惱。祖曰。煩惱卽是菩提。無二無別。若以智慧。炤煩惱者。此是二乘小見。大智上根。悉不如是。簡問。大乘祖曰。明與無明。其性無二。無二之性。卽是實性。實性者。處凡愚而不滅。在賢聖而不增。住煩惱而不亂。居禪定而不寂。不斷不常。不來不去。不在中間。及其內外。不生不滅。性相如如。常住不遷。名之曰道。簡曰。師說不生不滅。何異外道。祖曰。外道所說。不生不滅者。將滅止生。以生顯滅。我說不生滅者。本自無生。今亦無滅。汝若欲知心要。但一切善惡。多莫思量。自然得入清淨心體。湛然常寂。妙用恒沙。簡蒙教豁然大悟。祖至曹溪。寶林觀堂宇湫隘。謁里人陳啞仙曰。老僧欲乞檀那一坐具。地啞仙唯然。祖展坐具。彌布曹溪四境。坐具。恁麼。寬四境。恁麼。縮。

一相等八
字題作應書

是神通。祖一日謂衆曰。汝等諸人。自心是佛。更莫非神通。

狐疑外。無一物而能建立。皆是本心生萬種法。若欲成就種種智。須達（二相三昧一行三昧）。若于一切處而不住相。

彼相中。不生憎愛。亦無取舍。不念利益成敗等事。安閒恬靜。虛融淡泊。此名一相三昧。若于一切處。行住坐臥。純一直心。不動道場。直成淨土。名一行三昧。若人具二三昧。如地有種。能含藏長養。神秀禪師。姓李。汴州尉氏人。少遍覽經史。隋末出家。師事弘忍。忍謂秀曰。吾度多人矣。至于懸解圓炤。無先汝者。弘忍以咸亨五年卒。神秀乃往荊州。居于當陽山。則天聞其名。追赴都。肩輿上殿。親加跪禮。敕當陽山。置度一寺。以旌其德。時王公以下。士庶謁見。望塵拜伏。中宗卽位。尤加敬異。秀與慧能同學。弘忍卒後。能往韶州。廣果寺。天下各傳其道。謂神秀爲北宗。慧能爲南宗。
桃花雪白李花紅
日出西方夜落東 南嶽懷讓禪師禮祖。祖曰。何處來。曰。嵩山。祖曰。甚麼物。恁麼來。曰。說似一物。卽不中。祖曰。還假修證否。曰。修證卽不無。污染卽不得。祖曰。只此不污染。諸佛之所護念。汝旣如是。吾亦如是。西

天般若多羅識。汝足下。出一馬駒。踏殺天下人。應在汝躬。青原行思禪師參祖。問曰。當何所務。卽不落階級。祖曰。汝曾作甚麼來。曰。聖諦亦不爲。祖曰。落何階級。曰。聖諦尙不爲。何階級之有。祖深器之。時得法者三十人。嶽原獨首。曹溪永嘉玄覺禪師。少習經論。精天台止觀法門。閱維摩經。發明心地。後遇左谿。明禪師。激勵與陽策。禪師同詣曹溪。初到。振錫繞三匝。卓然而立。祖曰。夫沙門者。具三千威儀。八萬細行。大德自何方來。生大我慢。曰。生死事大。無常迅速。祖曰。何不體取無生了無速乎。曰。體卽無生了。本無速。祖曰。如是如是。於時大衆無不愕然。覺方具威儀參禮。須臾告辭。祖曰。返太速乎。少留一宿。時謂一宿覺。僧智通看楞伽經。約千餘遍。不會三身四智。禮祖求解。祖曰。三身者。清淨法身。汝之性也。圓滿報身。汝之智也。千百億身。汝之行也。若離本性。別說三身。卽名有身無智。若悟三身。無有自性。卽名四智菩提。聽吾偈曰。自性具三身。發明成四智。不離見聞緣。超然登佛地。吾今爲汝說。諦信永無迷。莫學馳求者。終日

說菩提通曰四智之義可得聞乎祖曰既會三身便

明四智何更問耶若離三身別談四智此名有智無

身卽此有智還成無智復說偈曰大圓鏡智性清淨

平等性智心無病妙觀察智見非功成所作智同圓

鏡五八六七果因轉但用名言無實性若於轉處不

留情繁興永處耶伽定

轉前五識爲成所作智轉第六識爲妙觀察智轉第七識爲平等性智轉第八識爲大圓鏡智六

爲平等性智轉第八識爲大圓鏡智六 僧問黃梅

意旨甚麼人得祖曰會佛法人得曰和尚還得否祖

曰我不會佛法 七月八日謂門人曰吾欲歸新州

汝等速理舟楫大衆哀留甚堅祖曰諸佛出現猶示

涅槃有來必去理亦當然吾此形骸歸必有所衆曰

師從此去早晚可回祖曰落葉歸根來時無口

賣柴字不識金剛得透入三更進室學宗綱心動折却風鈴

金粟百癡禪師評

黃面瞿曇敗闕不少二三四七狼籍轉多居士傍觀

者清到底翻成露布可惜金粟臂長袖短無力與他

剗除雖然如是虛空包不盡大地載不起何必于斯

●插入上下兩卷尾題

來下嘴所謂英靈自有英靈眼得英靈處見英靈

祖庭嫡傳指南卷上

祖庭嫡傳指南卷下

武原居士 徐昌治親周父 編述

第一世南嶽懷讓禪師六祖嗣金州杜氏子唐儀鳳

二年四月八日降生有白氣上屬天太史奏之高宗

宗問是何祥乎對曰國之法器不染世榮宗傳敕金

州太守韓偓親往存慰年十歲惟樂佛書有立靜三

藏告師父母曰此子若出家必獲上乘廣廣衆生至

垂拱三年年十五依荊州玉泉寺弘景律師出家通

天二年受戒習毗尼藏一日歎曰夫出家者當爲無

爲法天上人間無有勝者遇同學坦然相與謁嵩山

安公安令詣曹溪見六祖得法侍祖復十五年先天

二年往衡嶽居般若寺開元中有沙門道一在衡嶽

常習坐禪師知是法器往問曰大德坐禪圖甚麼一

曰圖作佛師乃取一磚於彼菴前石上磨一日磨作

甚麼師曰磨作鏡。一曰磨磚。豈得成鏡耶。師曰磨磚。既不成鏡。坐禪豈得作佛。曰如何。即是。師曰如牛駕車。車若不行。打牛即是打車。即是一無對師。又曰汝學坐禪。爲學坐佛。若學坐禪。非坐臥若學坐佛。佛非定相。於無住法。不應取捨。汝若坐佛。即是殺佛。若執坐相。非達其理。一聞示誨。如飲醍醐。禮拜問曰。如何用心。即合無相三昧。師曰。汝學心地法門。如下種子。我說法要。譬彼天澤。汝緣合故。當見其道。又問道。非色相云。何能見師。曰。心地法眼。能見乎。道無相三昧。亦復然矣。一日有成。壞否。師曰。若以成壞聚散而見道者。非見道也。聽吾偈曰。心地含諸種。遇澤悉皆萌。三昧華無相。何壞復何成。一蒙開悟心。意超然侍奉。九秋日益玄。奧遂得法。既是無相三昧。曠甚麼作車。喚甚作牛。總是金鞭影裏。橫馳驟。蹄碎。僧問。如鏡鑄像。像成後未審。光向甚麼處去。師曰。如大德爲童子時。相貌何在。曰。祇如像成後。爲甚麼不鑑。師曰。雖然不鑑。炤護他一點不得。後馬大師闡化于江西。師問衆曰。道一爲衆說。法否。衆曰。已爲衆說法。師曰。總未見人持箇消息來。

衆無對。因遣一僧去。囑曰。待伊上堂時。但問作麼生。伊道底。言語記將來。僧去。一如師旨。回謂師曰。馬祖云。自從胡亂後。三十年不曾少鹽醬。師然之。入室弟子六人。師各印可得正脉者。馬祖一人而已。師于天寶三年八月十一日。圓寂塔于衡嶽諡大慧。第二世江西道一禪師。南嶽嗣漢州什邡縣人。姓馬氏。稱馬大師。容貌奇異。牛行虎視。引舌過鼻。足下有二輪文。幼歲于本邑羅漢寺出家。受具于渝州圓律師。開元中。習定于衡州讓和尚。發明大事。受法始自建陽佛跡嶺。遷臨川。次南康。龔公山大曆中。隸名鍾陵。開元寺四方學者雲集。鄧隱峯辭師至石頭去。師曰。石頭路滑。峯曰。竿木隨身。逢場作戲。去見石頭。即繞禪牀一匝。振錫一聲。問是何宗旨。石頭曰。蒼天蒼天。峯無語却回。師一日謂衆曰。汝等諸人。各信自心。是佛。此心即是佛心。達磨大師從南天竺國來。至中華。傳上乘一心之法。令汝等開悟。又引楞伽經文。以印衆生心地。恐汝顛倒。不自信。此一心之法。各各自有之。故楞伽經以佛語心爲宗。無門爲法門。夫

求法者應無所求心外無別佛佛外無別心不取善
不捨惡淨穢兩邊俱不依怙故三界惟心森羅萬象
一法之所印凡所見色皆是見心心不自心因色故
有汝但隨言說卽事卽理都無所礙菩提道果亦復
如是於心所生卽名爲色知色空故生卽不生若了
此色乃可隨時著衣喫飯長養聖胎任運過時更有
何事汝受吾教聽吾偈言心地隨時說菩提亦祇寧
事理俱無礙當生卽不生卽心卽佛頭上安頭非心
非佛無繩自縛不是心不是佛不是物泥裏洗土塊就師答僧問三種
語看來未後且教體會大道何等親面相呈一夕
西堂百丈南泉隨侍翫月次師問正甚麼時如何堂
曰正好供養丈曰正好修行泉拂袖便行師曰經入
藏禪歸海惟有普願獨超物外兩三嘲弄風月馬師
亂刺塗污笑與明月
清風增光須
具眼勘破師問百丈汝以何法示人丈豎起拂
子師曰祇這箇爲當別有丈拋下拂子有水皆含月
無山不帶雲
僧問離四句絕百非請師直指西來意師曰我今
日勞倦不能爲汝說問取智藏去僧問西堂堂云何
不問和尚僧云和尚教來問堂云我今日頭痛不能
爲汝說問取海兄去僧又問百丈丈云我者裏却不

會僧却回舉似師曰藏頭白海頭黑這僧問頭太暗
曉幾令馬師父子出身無路還喜獨體前着着中箭○三箇不答總是拍盲地將古人醒酬上味着毒藥在裏許所以馬祖道得待一口吸盡西江水卽向汝道與此公案一般若會得藏頭白吸盡黑更會西江水道這僧將一擔糟攪得箇不安樂更勞他三尊宿入泥入水畢竟這僧不換地雖然怎麼這三個宗師却被擔板漢勘破如今只管向語言上作活計云白是明頭合黑是暗頭合只管鑽研計較殊不知古人一句截斷色根須是正昧裏自看始得穩當所以道末後一句始到牢關把斷要津不通凡聖師于貞元四年正月月中登建昌石門山于林中經行見洞壑平坦謂侍者曰吾之朽質當于來月歸茲地矣及歸遂示疾院主問和尚近日尊體如何師曰日面佛月面佛日面月面晝夜常現執信盲人却自能現正是樂破險皮渾是骨一箭清光射入屋龐居士問不味本來人請師高著眼師直下觀士曰一等沒弦琴惟師彈得妙師直上觀士禮拜師歸方丈士隨後曰適來弄巧成拙且道是實家弄巧成拙主家弄巧成拙上觀下觀怎顯本來人居士禮拜團圓吞箇入室弟子一百三十九人坐道場者八十四員龐蘊居士在內元和中諡大寂禪師塔曰大莊嚴應識而出一磚打壁
縱橫蹴踏機用最神第三世洪州百丈山懷海禪師馬祖嗣福州長樂王氏子兒時隨母入寺拜佛指佛像問母曰此爲誰母

曰佛也。師曰：形容與人無異，我後亦當作佛。弗識離塵三學，該練參馬大師爲侍者。檀越每送齋飯來，師纔揭開盤蓋，馬大師便拈起一片胡餅示衆云：「是甚麼？」每如此。經三年一日，侍馬祖行次，見一羣野鴨飛過。祖曰：「是甚麼？」師曰：「野鴨子。」祖曰：「甚處去也？」師曰：「飛過去也。」祖遂把師鼻扭，負痛失聲。祖曰：「又道飛過去也。」師于言下有省，却歸侍者寮。哀哀大哭，同事問曰：「汝憶父母耶？」師曰：「無。」曰：「被人罵耶？」師曰：「無。」曰：「哭作甚麼？」師曰：「我鼻孔被大師扭得痛，不徹。」同事曰：「有甚因緣不契？」師曰：「汝問取和尚去。」同事問大師曰：「海侍者有何因緣不契在寮中？」哭告和尚。爲某甲說，大師曰：「是伊會也。」汝自問取他同事。歸寮曰：「和尚道汝會也，教我自問。」汝師乃呵呵大笑。同事曰：「適來哭如今爲甚？」却笑。師曰：「適來哭如今笑。」同事罔然。野鴨子知見來相共語，話盡雲山水。月情依然不會還飛去。次日，馬祖陞座，衆纔集，師出卷却席，祖便下座。師隨至方丈，祖曰：「我適來未曾說話，汝爲甚便卷却席？」師曰：「昨日被和尚扭得鼻頭痛。」祖曰：「汝昨日向甚處留心？」師曰：「鼻頭今日又不

痛也。」祖曰：「汝深明昨日事。」師作禮而退。馬師陞堂百一貫兩，師再參侍立次。祖自視繩牀角拂子，師曰：「即用離此用。」祖曰：「汝向後開兩片皮，將何爲人師取拂子？」豎起。祖曰：「即用離此用。」師掛拂子于舊處。祖震威一喝，師直得三日耳聾。一聲塗毒，聞皆喪福。舌伸安國，經千秋凍凍白如霜。客情步步隨人轉，有大威光不能現。突然一喝雙耳聾，那吒眼開黃栗面。從前汗馬無人識，祇要重論蓋代功。未幾住大雄山，以所處岩巒峻極，故號百丈。四方學者響至，一日謂衆曰：「佛法不是小事。老僧昔被馬大師一喝，直得三日耳聾。黃栗聞舉不覺吐舌。」師曰：「子已後莫承嗣馬祖去麼？」槩曰：「不然。」今日因和尚舉得見馬祖大機之用，然且不識馬祖。若嗣馬祖，已後喪我兒孫。師曰：「如是如是。」見與師齊滅師半德，見過于師方堪傳授。子甚有超師之見，槩便禮拜。黃栗因百丈舉馬祖一喝，明機終嗣百丈。而不嗣馬祖，以親承面稟故也。真萬古師承之法，可見耳聾不在一喝處，吐舌不在耳聾處。○馬祖捉生靈做箇百丈，牽死牛穿鼻。昨日今朝箇裏事，智如鷲子不能知。○如今人誤認見過於師，每以涉略自矜，指天畫地呵父罵祖，笑殺傍觀。住後，馬師送三鶚醬至師集衆上堂，開了拈拄杖，指鶚曰：「道得即不打破道，不得即打衆無語。」師打破歸方丈。

師每上堂有一老人隨衆聽法。一日衆退。惟老人不去。師問汝是何人。老人曰。某非人也。于過去迦葉佛時。曾住此山。因學人問大修行人。還落因果也。無某對云。不落因果。遂五百生墮野狐身。今請和尚代一轉語。貴脫野狐身。師曰。汝問老人曰。大修行人還落因果也。無師曰。不昧因果。老人于言下大悟。作禮曰。某已脫野狐身。住在山後。敢乞依亡僧津送。師令維那白椎告衆。食後送亡僧。大衆聚議。一衆皆安涅槃堂。又無病人。何故如此。食後師領衆至山後岩下。以杖挑出一死野狐。乃依法火葬。不落與不昧。半明兼半晦。不昧與不落。兩頭空。索索座中既有江南客。休向樽前唱鷓鴣。○一僧云。不昧因果也。未脫得野狐身。一僧云。不落因果又何曾墮野狐。來雪峯聞之。聳然因爲偈曰。不落不昧。僧俗本無忌諱。丈夫氣宇。如王爭受。囊藏被蓋。一條柳標。任縱橫。金毛跳入野狐隊。師至晚上堂。舉前因緣。黃檗便問。古人錯祇對一轉語。墮五百生野狐身。轉轉不錯。合作箇甚麼。師曰。近前來。向汝道。槩近前。打師一掌。師笑曰。將謂胡鬚。亦更有赤鬚胡。此得意忘言。手舞足蹈。機括今人便認作打會。師有時說法。竟大衆下堂。乃召之大衆回首。師曰。是甚麼。鴻山五峯雲巖侍立。次師問鴻山屏却咽。

喉唇吻作麼生。道山曰。却請和尚道。師曰。不辭向汝道。忍已後喪我兒孫。上堂云。靈光獨耀。迥脫根塵。體露真常。不拘文字。心性無染。本自圓成。但離妄緣。卽如如佛。人人本具。個個圓成。會也。草披春色。不會月滿秋清。弗用求真見。那許帶月忘形。僧問。如何得自繇分。師曰。如今卽得。或對五欲八風。情無取捨。慳嫉貪愛。我所情盡。垢淨俱忘。如日月在空。不緣而炤。心心如木石。念念如救頭然。亦如香象渡河。截流而過。更無疑滯。此人天堂地獄所不能攝也。夫讀經看教。語言皆須宛轉。歸就自己。但是一切言祇明如今。鑒覺自性。但不被一切有無諸境轉。是汝導師。能炤破一切。無有諸境。是金剛慧。卽有自由。獨立分。夜半忽然忘月。指虛空。迸出日頭紅。師凡作務執勞。必先于衆主者。不忍密收作具。而請息之。師曰。吾無德爭合勞于人。旣徧求作具。不獲。則亦不食。故有一日不作。一日不食之語。流播諸方。唐元和九年正月十七日。歸寂諡大智塔曰。大寶勝輪嗣法一十五人。堅去橫來。無別事。巍巍獨坐。大雄山等。閑嚴轉野狐。調引出。鬚鬚入漢關。第四世洪州黃檗希運禪師。百丈嗣國人也。幼於本。

州黃檗山出家。額間隆起如珠。音辭朗潤。志意冲澹。至洛京行乞。吟添鉢聲。有一樞出棘扉。問曰。太無厭生。師曰。汝猶未施責我。無厭何耶。樞笑而掩扉。師異之。進而與語。多所發藥。師須臾辭出。樞告之曰。可往南昌見馬大師。至南昌。馬大師已示寂。遂往石門謁塔。時百丈禪師廬于塔傍。乃往參丈。丈問巍巍堂堂。從何方來。師曰。巍巍堂堂。從嶺南來。丈曰。巍巍堂堂。當爲何事。師曰。巍巍堂堂。不爲別事。便禮拜。問曰。從上宗乘。如何指示。丈良久。師曰。不可。教後人斷絕去也。丈曰。將謂汝是個人。乃起入方丈。師隨後入曰。某甲特來。丈曰。若爾。則他後不得辜負吾丈。一日。舉再參馬祖。被喝。話師遂領旨。拾得紅爐一點雪。却是黃河六月水。丈一日問師甚麼處去來。曰。大雄山下采菌子來。丈曰。還見大蟲麼。師便作虎聲。丈拈斧作斫勢。師即打丈一摑。丈吟吟而笑。便歸上堂。曰。大雄山下有一大蟲。汝等諸人也須好看。百丈老漢今日親遭一口。一日上堂。大衆雲集。乃曰。汝等諸人欲何所求。以拄杖趣之大衆不散。師却復坐。曰。汝等諸人盡是噉酒糟。

漢恁麼行脚。取笑于人。但見八百一十人處。便去不可圖。他熱鬧也。老漢行脚時。或遇草根下。有一箇漢。便從頂門上一錐。看他若知痛癢。可以布袋盛米供養。他可中總似汝。如此容易何處。更有今日事也。汝等既稱行脚。亦須著些精神。好還知道大唐國裏。無禪師麼。時有僧問。諸方尊宿。盡聚衆開化。爲甚麼却道無禪師。師曰。不道無禪。祇是無師。身上着衣。方免不飽。大唐國裏。老婆禪。今日爲君註破。了。○黃檗山。中明示衆。大唐國裏。暗藏身。袈裟一角。猶拖地。誰是叢林有眼人。○無師充塞。大唐國。噉酒糟。漢會不得。竹寺閒過。春已深。落花亂點。莓苔色。師辭南泉。泉門送提起。師笠曰。長老身材。沒量大。笠子太小。生師曰。雖然如此。大千世界。總在裏許。泉曰。王老師。卿師戴笠。便行。嗣法六人。

第五世鎮州臨濟義立禪師黃檗。嗣曹州南華邢氏子。幼負出塵之志。及落髮受具。便慕禪宗。初在黃檗會中行業。純一時。睦州爲第一座。乃問上座。在此多少時。師曰。三年。州曰。曾參問否。師曰。不曾。參問不知。問箇甚麼。州曰。何不問堂頭和尚。如何是佛法的的大意。師便去。問聲未絕。檗便打。師下來。州曰。問話作。

麼生師曰某甲問聲未絕和尚便打某甲不會州曰便更去問師又問槩又打如是三度問三度被打師白州曰早承激勸問法累蒙和尚賜棒自恨障緣不領深旨今且辭去州曰汝若去須辭和尚了去師禮拜退州先到黃槩處曰問話上座雖是後生却甚奇特若來辭方便接伊已後爲一株大樹蔭覆天下人去在師來日辭黃槩槩曰不須他去只往高安灘頭參大愚必爲汝說師到大愚愚曰甚處來師曰黃槩來愚曰黃槩有何言句師曰某甲三度問佛法的的大意三度被打不知某甲有過無過愚曰黃槩與麼老婆心切爲汝得徹困更來這裏問有過無過師于言下大悟乃曰元來黃槩佛法無多子愚擲住曰者尿牀鬼子適來道有過無過如今却道黃槩佛法無多子你見箇甚麼道理速道速道師於大愚肋下築三拳愚拓開曰汝師黃槩非干我事師辭大愚却回黃槩槩見便問者漢來來去有甚了期師曰只爲老婆心切便人事了侍立槩問甚處去來師曰昨蒙和尚慈旨令參大愚去來槩曰大愚有何言句師學

前話槩曰大愚老漢饒舌待來痛與一頓師曰說甚待來即今便打隨後便掌槩曰者風顛漢來者裏持虎鬚師便喝槩喚侍者曰引者風顛漢參堂去連打三番不展眸更饒一撥始昂頭築拳鼓掌威聲甚虎尾虎頭通併收○今之開堂者見別堂僧來招攬惟恐不及正于鬧熱攘奪時冷眼看師後住鎮州臨濟學侶雲大愚行徑真千古宗師集一日謂普化克符二上座曰我欲于此建立黃槩宗旨汝且成視我二人珍重下去三日後普化却上來問和尚三日前說甚麼師便打三日後克符上來問和尚前日打普化作甚麼師亦打祖令全提繼後宗示徒端不在從容棒頭擊起隈岩虎露靈轟騰臥海龍至晚小參曰有時奪人不奪境有時奪境不奪人有時人境俱奪有時人境俱不奪克符問如何是奪人不奪境師曰煦日發生鋪地錦嬰兒垂髮白如絲符曰如何是奪境不奪人師曰王令已行天下遍將軍塞外絕烟塵符曰如何是人境俱奪師曰并汾絕信獨處一方符曰如何是人境俱不奪師曰王登寶殿野老謳歌符于言下領旨奪人不奪境三竿曉日千門靜奪境不奪人玉鞭金鐙賞殘春人境兩俱奪溪漢長蛇圍偃月人境俱不奪上下四維春僧問如何是真佛真法真道乞師開示師曰似發

佛者心清淨是法者心光明是道者處處無礙淨光是三即一皆是空名而無實有如真正作道人念念心不間斷自達磨大師從西土來祇是覓箇不受人惑的人後遇二祖一言便了始知從前虛用工夫山僧今日見處與佛祖不別若第一句中薦得堪與祖佛為師若第二句中薦得堪與人天為師若第三句中薦得自救不了僧便問如何是第一句師曰三要印開朱點窄未容擬議主賓分曰如何是第二句師曰妙解豈容無著問溫和尚爭負截流機曰如何是第三句師曰但看棚頭弄傀儡抽牽全藉裏頭人棒喝總不親即非親處執為真事同乃曰大凡演唱宗生也莫同死直下休教錯認人乘一句中須具三立門一立中須具三要有權有實有照有用汝等諸人作麼生會下座第一玄古井茫把雪撲第二玄未曾開口在言前第三玄胡孫心肝樹上懸第一要了無奇特并玄妙第二要門外讀書人來報第三要雖眼裏山河繞師應機多用喝會下參徒亦學師喝師曰汝輩總學我喝我今問汝有一人從東堂出一人從西堂出兩人齊喝一聲者裏分得賓主麼汝且作麼生分若分不得已後不得學老僧喝一喝如金剛寶劍劈面揮時難

轉閃一喝如踞地獅子古塚野狐逢即死一喝如探竿影草玉門關透長安道一喝不作一喝用十月黃河連底凍據令聲前我獨雄橫驅萬里疾雷上堂次風始知無限賞心處鎮國傳家在此中兩堂首座相見同時下喝僧問師還有賓主也無師曰賓主歷然師召衆曰要會臨濟賓主可問取堂中二首座一條拄杖兩人扶試問諸人會也無滿目堂堂通是漢幾個男兒是丈夫示衆參學之人大須子細如賓主相見便有言論往來或應物現形或全體作用或把機權喜怒或現半身或乘獅子或乘象王如有真正學人便喝先拈出一箇膠盆子善知識不辨是境便上他境上作模作樣便被學人又喝前人不肯放下此是膏肓之病不堪醫治喚作賓看主或是善知識不拈出物祇隨學人問處即奪學人被奪抵死不肯放此是主看賓或有學人應一箇清淨境出善知識前知識辨得是境把得拋向坑裏學人言大好善知識知識即云咄哉不識好惡學人便禮拜此喚作主看主或有學人披枷帶鎖出善知識前知識更與安一重枷鎖學人歡喜彼此不辨喚作賓看賓大德山僧所學皆是辨魔揀異知其邪正賓中賓魚目將為無價珍寶中主到家對自喃喃語主中賓唱歌還是帶鄉人主中

◆元來等九
字號處書

主大用現前沒規矩。夫分賓主如並存照用如別立。君臣如縱故曰一句分賓主。用一時行要會箇中意。日午打三更。又曰賓主穆時全是妄。君臣合處正中邪。還鄉曲調如何唱。明月堂前枯樹花。○三玄三要事難分。得意忘言遺最親。一句明明該萬象。重陽九日菊花新。喚識三玄三要句。請看金色笑拈花。窺籬良馬今何處。高樹扶疎挂晚霞。師見黃檗看經曰。我將謂是箇人。元來是庵黑豆老和尚。

示衆我有時先炤後用。有時先用後炤。有時炤用同時。有時炤用不同。時先炤後用。有人在先用後炤。有法在炤用同時。驅耕夫之牛。奪饑人之食。敲骨取髓。痛下針錐。炤用不同。時有問。有答。立賓立主。合水和泥。應機接物。若是過量。人向未舉已前。掇起便行。猶較些子。若先用後炤。則開却一切人眼。若炤用同時。則半瞎半開。若炤用不同。則全瞎全開。此四則語。有一則有賓無主。有一則有主無賓。有一則賓主俱無。有一則全具賓主。在人緇素間。濟在黃檗栽松。次以鑊頭架地。三下檠云。吾宗到汝大興。鑊頭露鋒銚。氣宇孰敢當。知子良哉。莫若父宗風。亘古自

上堂。赤肉團上。有一無位真人。常從汝等面門出入。未證據者。看看時。有僧出問。如何是無位真人。師下禪牀。把住云。道道其僧擬議。師托開云。無位真人。是甚麼乾矢橛。便歸方丈。師問院主。甚麼處去來。曰。州中糴黃米。來。師曰。糴得盡麼。曰。糴得盡。師

以拄杖劃一劃曰。還糴得這箇麼。主便喝。師便打。典座至。師舉前話。座曰。院主不會。和尚意。師曰。你又作麼。生座禮拜。師亦打。當機拶破乾坤骨。撒籬漫天堂絕瑕。趙州遊方到院。在後架洗脚。次師便問。如何是祖師西來意。州曰。却遇山僧洗脚。師近前作聽勢。州曰。會即便會。啗啄甚麼。師便歸方丈。州曰。三十年行脚。今日錯爲人下註脚。咸通八年丁亥四月十日。將示滅。說傳法偈曰。沿流不止。問如何。真炤無邊說。似他離相離名人。不稟吹毛用了急須磨。三玄三要。四料揀。四賓主。洞山五位。雲門三句。百千法門。無量妙義。盡是頭上安頭。今日爲你抽釘拔楔。做箇洒洒落落。大丈夫兒。何故喫他殘羹餽飯。隨他脚轉。復謂衆曰。吾滅後。不得滅却吾正法眼藏。三聖出曰。爭敢滅却。和尚正法眼藏。師曰。已後有人問你。向他道甚麼。聖便喝。師曰。誰知吾正法眼藏。向者瞎驢邊滅却。言訖。端坐而逝。塔全身于府西北隅。諡慧炤。嗣法二十二人。臨濟悟道全得黃檗力。若非大愚窮。然太公未免反成辜負。迨三拳明消。息一掌絕羅籠。如太阿出匣。不可犯鋒。塔曰。澄靈第六世。與化存獎禪師。臨濟嗣初。在臨濟爲侍者。後在三聖會中。爲首座。常曰。我向南方行脚。一遭拄杖。

頭不曾撥著一箇會佛法底人。三聖聞得問曰：你具箇甚麼眼？便恁麼道。師便喝。聖曰：須是你始得。後大覺聞舉，遂曰：作麼生得風吹到大覺門裏來？師後到大覺爲院主。一日覺喚院主，我聞你道向南方行脚，一遭拄杖頭不曾撥著一箇會佛法底人。你憑箇甚麼道理與麼道？師便喝。覺又打師，又喝。覺又打師，來日從法堂過，覺召院主，我直下疑你。昨日者兩喝，師又喝。覺又打師，再喝。覺亦打師，曰：某甲於三聖師兄處學得箇賓主句，總被師兄折倒了也。願與某甲箇安樂法門。覺曰：者瞎漢來者裏納敗缺，脫下衲衣痛打一頓。師于言下薦得。臨濟先師于黃檗處喫棒底道理。烈焰堆中撈得月，須彌頂上浪滔天。師後開堂，曰：拈香。曰：此一炷香，本爲三聖師兄、三聖于我太孤，本爲大覺師兄、大覺于我太賒，不如供養臨濟先師。興化眼空四海，爭見臨濟喫棒道理？且如何是臨濟喫棒底道理？良久云：再犯不容。師見同參來，纔上法堂，師便喝。僧亦喝。師又喝。僧亦喝。師近前拈棒，僧又喝。師曰：你看者瞎驢漢，猶作主在。僧擬議，師直打下法堂。侍者請問適來那僧有甚觸忤和尚？師曰：

他適來也有權，也有實，也有焰，也有用。及乎我將手向伊面前橫兩橫，到者裏却去不得，似者般瞎漢，不打更待何時？者禮拜。甚處是興化將手向伊面前畫兩遭處？亦甚處見權實？焰用未免鬼窟裏作活計。示衆曰：若是作家戰將，便請單刀直入。更莫如何？若有旻德禪師出禮拜，起便喝。師亦喝。德又喝。師亦喝。德禮拜歸衆。師曰：適來若是別人三十棒一棒也較不得，何故爲他旻德會一喝不作一喝？用虎驟龍驤作者機，電光石火較猶危。當陽喝下全身現，後代兒孫取次吹。師謂克賓法戰不勝，罰錢五貫。師有時喚僧，僧應諾。師曰：點即到，又喚一僧，僧應諾。師曰：到即不點，僧問四方八面來時如何？師曰：打中間底僧，便禮拜。定上座初參，臨濟問如何？是佛法大意。濟下牀，擒住一掌。座佇思，傍僧曰：定上座何不禮拜？座忽然大悟。後南遊路逢巖頭雪峯，欽山三人巖間上座，甚處來？座曰：臨濟來。巖曰：三人特禮拜和尚。座曰：和尚已順世。巖曰：某甲福薄，不遇不知，在日有何言句？座舉濟上堂，曰：赤肉團上有一無位真人，常在面門出入，未證據者看看。時有僧問：如何？是無位真人？濟下禪牀，搥住。

曰。道道僧擬議濟拓開曰。無位真人是甚麼乾矢橛。巖頭不覺吐舌。雪峯曰。臨濟大似白拈賊。欽山曰。何不道赤肉團上。非無位真人。座便擒住曰。無位真人。與非無位真人。相去多少。速道。速道。欽山被擒語塞。巖雪曰。這新戒不識好惡。觸忤上座。望慈座止。嗣法二人。唐莊宗賜紫衣師號。師皆不受。乃賜馬師乘馬。忽驚師墮傷足。師喚院主做個木杓子。主做了將來師接。還院行至法堂。令維那聲鐘集衆。師曰。還巖老僧麼。衆無對。師擲下杓子。端坐而逝。諡廣濟禪師。第七世南院慧顒禪師。與化嗣僧問。從上諸聖。向甚麼處去。師曰。不上天堂。則入地獄。曰。和尚又作麼生。師曰。還知寶應老漢落處麼。僧擬議。師打一拂子曰。你還知喫拂子底麼。曰。不會。師曰。正令却是你。行又打一拂子。上堂。諸方祇具啐啄同時。眼不具啐啄同時。用僧便問。如何是啐啄同時。用師曰。作家不啐啄。啐啄同時。失曰。此猶未是。某甲問。處師曰。汝問處作麼生。僧曰。失師便打。其僧不肯。後于雲門會下。聞二僧舉此話。一僧曰。當時南院棒折。那其僧忽發悟。遂奔回省覲。作麼生是啐啄同時。眼若得眼明。其用自備。所以道。子若啐吼。其母即喪。全歸其子。十方通暢。大用現前。理自然。何必起心作模樣。師已圓寂。乃謁風穴。穴

一見便問。上座莫是當時問先師啐啄同時話底麼。僧曰。是。穴曰。汝當時作麼生。會曰。某甲當時如在燈影裏行。相似穴曰。汝會也。上堂。赤肉團上。壁立千仞。僧問。赤肉團上。壁立千仞。豈不是和尚道。師曰。是。僧便掀倒禪牀。師曰。者瞎驢亂做。僧擬議。師便打。趁出。僧問。上上根器人來。師還接也。無師曰。接曰。便請和尚接。師曰。且喜共你平交。

第八世汝州風穴延沼禪師。南院嗣。餘杭劉氏子。少魁畧。有英氣。于書無所不觀。然無經世意。父兄強之。仕一應舉。至京。師即東歸。從開元寺智恭律師剃髮。受具。遊講肆。玩法華玄義。修止觀。定慧。後棄去。遊名山。到越州。謁鏡清。歎其俊快。到華嚴。寓止。爲維那。屬廓侍者。從南院來。師心奇之。因結爲友。遂默悟三玄旨。要歎曰。臨濟用處如是耶。廓使更見南院。師參南院。入門不禮拜。院曰。入門須辨主。師曰。端的請師分院。于左膝拍一拍。師便喝。院于右膝拍一拍。師又喝。院曰。左邊一拍。且置。右邊一拍。作麼生。師曰。瞎院。便拈棒。師曰。莫盲枷瞎棒。奪打和尚。莫言不道。院擲

下棒曰。今日却被黃面浙子鈍置一場。師曰。和尚大似持鉢不得。詐道不饑。院曰。闍黎曾到此間麼。師曰。是何言歟。院曰。老僧好好相借問。師曰。也不得放過。便下參堂了。却上堂。頭禮謝院曰。闍黎曾見甚麼人來。師曰。在襄州華嚴與廓侍者同夏。院曰。親見作家來。又曰。他向你道甚麼。師曰。始終只教某甲一向作主。院便打推出方丈云。者般納敗缺底漢。有甚用處。師于是服膺。一日。院問南方一棒作麼商量。師曰。作奇特商量。師却問和尚。此間一棒作麼商量。院拈拄杖曰。棒下無生。忍臨機不見師。師于言下大徹玄旨。遂依六年。南院一日問師。汝道四種料揀語。料揀何法對曰。凡語不滯。凡情即墮。聖解學者大病。先聖哀之。爲施方便。如楔出楔。又曰。明破即不堪。於是南院以爲可以支臨濟。四料揀事定不在語言上。所以從上諸聖各以善巧方便。切切恒恒。惟恐人泥在言語上。若在言語上。一大藏教。五千四十八卷。說權說實。說有說無。說顯說漸。是豈無言說。因甚麼。達磨西來。却言單傳。心心印。不立文字。語言直指人心。見性成佛。因何不說傳玄傳妙。只要當人直下。明自本心。見自本性。若泥着四料揀作解。臨濟之意。果如是乎。須盡將諸方學識。掃向他方世界。百不知百不會。慮却心來。自理會。示衆先師曰。欲得親切。莫將問來問會。

麼問在答處。答在問處。雖然。如有時問不在答處。答不在問處。汝若擬議。老僧在汝脚跟底。大凡參學。眼目直須臨機大用。現前勿自拘于小節。設使言前薦得。猶爲滯殼。迷封句下。精通未免觸途。狂見應是向來依他作解。明昧兩歧。與汝一切掃却。直教箇箇如獅子兒。吒呀地對衆證據。哮吼一聲。壁立千仞。誰敢正眼覷著。覷著即瞎却渠眼。嗣法四人。汝州太師宋侯捨宅爲寺。請師住持。至周廣順元年。賜額廣慧。第九世汝州首山省念禪師。風穴嗣萊州狄氏子。受業于本郡南禪寺。纔具尸羅。徧遊叢席。嘗密誦法華經。衆目爲念法華。晚于風穴會中。充知客。一日侍立次穴。乃垂涕告之曰。不幸臨濟之道。至吾將墜于地矣。師曰。觀此一衆。豈無人耶。穴曰。聰明者多。見性者少。師曰。如某者何。如穴曰。吾雖望子之久。猶恐就著此經。不能放下。師曰。此亦可事。願聞其要。穴遂上堂。舉世尊以青蓮目。顧視衆衆。乃曰。正當恁麼時。且道說箇甚麼。若道不說。而說又是埋沒先聖。且道說箇甚麼。師乃拂袖下去。穴擲下拄杖。歸方丈。侍者隨後。

請益曰念法華因甚不祇對和尚穴曰念法華會也。次日師與真園頭同上問訊次穴問真曰作麼生。世尊不說說真曰鵲鳩樹頭鳴穴曰汝作許多癡癡何不體究言句又問師曰汝作麼生師曰動容揚古路不墮悄然機穴謂真曰汝何不看念法華下語師受風穴印可開法于首山大振臨濟之道僧問新婦騎驢阿家牽意旨如何師曰百歲翁翁失却父曰百歲翁翁豈有父耶師曰汝會也又曰此是獨坐無尊卑從上無一法與人首山有入地之謀這僧具衝天弄險畢竟如何雪後始知之略雖然兩不相傷未免二俱松相操事難方見丈夫心示衆諸上座不得盲喝亂喝者裏尋常向你道賓則始終賓主則始終主賓無二賓主無二主若有二賓二主即是兩箇瞎漢所以若立時你須坐我若坐時你須立坐則共你坐立則共你立雖然如是到者裏著眼始得若是眼孔定動即千里萬里何故如此如隔窓看馬騎相似擬議即沒交涉嘗作綱宗偈曰咄哉拙郎君素潔巧妙無人識運機非打破鳳林關蕩盡珍確性著靴水上立塵泥咄哉巧女兒妙智理攬梭不解織無閒功看他

關雞人旁觀審騰距水牛也不識全力能負背陰山爭功不自傷子向陽多迴無背面南來北往意如何不墮有無邊若人問我西來意從來無斷東海東面有新羅大地不奈何廣教院歸省禪師遊方參首山山一日舉竹筴問曰喚作竹筴則觸不喚作竹筴即背喚作甚麼省掣得擲地上山曰瞎省于言下豁然大悟竹筴未舉已相通觸背兩頭太朦朧分付石邊休打草驚蛇不在此山中○觀面揮來電火馳主家立處十分事當人不有孔明作殺活縱橫撫任伊淳化四年辭衆偈曰白銀世界金色身情與非情共一真明暗盡時俱不照日輪午後示前身言訖安坐而逝茶毗收舍利建塔嗣法十二人法華放下復何爲獨露當人兩道眉正與麼時全殺活轉身拂袖露風規第十世汾州太子院善昭禪師首山嗣生俞氏太原人也器識沉邃少緣飾有大智於一切文字不繇師訓自然通曉年十四父母相繼而亡孤苦厭世剃髮受具杖策遊方所至少留不喜觀覽或譏其不韻師嘆曰是何言之陋哉從上先德行脚正以聖心未通驅馳決擇耳不緣山水也師歷諸方見老宿者七十有一人最後至首山問百丈捲席意旨如何曰龍袖

拂開全體現師曰師意如何曰象王行處絕狐踪於是大悟言下拜而起曰萬古碧潭空界月再三撈攬始應知有問者曰見何道理便爾自肯曰正是我放身命處服勤甚久辭去遊湘衡間長沙太守張公茂宗以四名刹請師擇居師笑一夕遁去北抵襄沔太守公昌言恨見之晚時洞山谷隱皆虛席太守敦請師辭前後八請堅臥不答淳化四年首山殁西河道俗千餘人協心削牘遣沙門契聰迎請住持汾州太平寺太子院師閉關高枕聰排闥而入讓之曰佛法大事靜退小節風穴懼應識憂宗旨墜滅幸而有先師先師已棄世汝有力荷擔如來大法者今何時而欲安眠哉師翼起握聰手曰非公不聞此語促辦嚴吾行矣既至宴坐一榻足不越閭者三十年天下道俗仰慕不敢名同曰汾州垂三訣第一訣佛祖曾超論心路絕第二訣動靜誰觀別龜毛屬子屬泥牛一點血第三訣江南并兩浙春和萬樹花冬冷千巖雪上堂謂衆曰夫說法者須具十智同真若不具十智同真邪正不辨縑素不分不能與人天爲眼目決斷是非如鳥飛空而折翼如箭射的而斷絃絃斷故射

的不中翼折故空不可飛絃壯翼牢空的俱徹作麼生是十智同真與諸上座點出一同一質二同大事三總同參四同真志五同徧普六同具足七同得失八同生殺九同音吼十同得入又曰與甚麼人同得入後鵲起與阿誰同音吼北面南看作麼生是同生殺不及路滑一甚麼物同得失判官手阿那箇同具足如賊入空屋是甚麼同徧普蟬嘶吞却虎何人同真志不是無孰能總同參特地口那箇同大事山形柱杖子何物同一質九二十有十有點得出底麼點得出者不吝慈悲點不出來十智同真面目全于中一智是根源未有參學眼在若人欲見汾陽老驢破三玄作兩邊龍德府尹李侯與師有舊請師主承天使者三至不赴使者受罰復至曰必得師俱往不然有死而已師曰老病業已不出山借往當先後之何必俱耶使者曰師諾則先後惟所擇師乃令設饌俶裝告衆曰老僧去也誰人隨得一僧出曰某甲隨得師曰汝日行幾里曰五十里師曰汝隨我不得又一僧出曰某甲日行七十里師曰汝亦隨我不得侍者出曰某甲隨得但和尙到處即到師曰汝乃隨得老僧復顧使

者曰吾先行矣。停箸而化。侍者卽立化于側。閱世七十有八。坐五十六夏。嗣法一十一人。同時得證者六人。石霜圓瑯。瑯覺大愚。芝谷泉道。法華舉天聖泰。諸方猶未嘗一言之下。絕狐疑。若閣維收舍利起塔。還第十一世。潭州石霜。楚圓慈明禪師。汾陽嗣全州清湘李氏子。少爲書生。年二十二。依城南湘山隱靜寺。得度。其母有賢行使之遊方。師連眉秀目。頎然豐碩。然忽繩墨所至。爲老宿所呵。以爲少叢林。師崖柴而笑曰。龍象蹴踏。非驢所堪。嘗囊骨董箱。以竹杖荷之。遊襄沔間。與守芝谷泉俱。結伴入洛中。聞汾陽昭禪師。道望爲天下第一。決志親依。時朝廷方問罪河東。潞澤皆屯重兵。多勸其無行。師不顧。渡大河。登太行。易衣類斯養。竄名火隊中。露眠草宿。至龍州。遂造汾陽昭公。壯之。經二年。未許入室。師詣昭。昭揣其志必詬罵。使令者或毀詆諸方。及有所訓。皆流俗鄙事。一夕訴曰。自至法席。已再夏。不蒙指示。但增世俗塵勞。念歲月飄忽。已事不明。失出家之利語。未卒。昭公熟視罵曰。是惡知識。敢裨販我。怒舉杖逐之。師擬伸救。

昭公掩其口。師大悟曰。乃知臨濟道出常情。服役七年。辭去。依唐明嵩禪師。以母老。南歸。依洞山聰禪師。爲首座。宜春太守黃宗旦。請出世南源。住三年。棄去。謁神鼎譚禪師。鼎首山高弟。望尊一時。衲子非人類。精奇無敢登其門者。師長髮不剪。弊衣楚音。通謁稱法侄。一衆大笑。鼎遣童子問長老。誰之嗣師。仰視屋曰。親見汾陽來。鼎杖而出。顧見欣然。問曰。汾州有西河獅子。是否。師指其後絕。呌曰。屋倒矣。童子返走。鼎回顧師地坐。脫隻履而視之。譚老忘所問。又失師所在。師徐起整衣。且行且語曰。見面不如聞名。遂去。譚遣人追之。不可。嘆曰。汾陽乃有此兒耶。師自是名重叢林。會道吾虛。席譚力推師主之法。令整肅亡軀爲道者。集焉。次住石霜。大振臨濟之道。示衆以拄杖。擊禪牀。一下云。大衆還會麼。不見道。一擊忘所知。更不假修治。諸方達道者。咸言上上機香。嚴恁麼悟去。分明悟得。如來禪。祖師禪。未夢見在。且道祖師禪有甚長處。若向言中取則。誤賺後人。直饒棒下承當。孤負光聖。萬法本閑。惟人自闕。所以山僧居福嚴。只見。

福嚴境界晏起早眠。有時雲生碧嶂。有時月落寒潭。音聲鳥飛。鳴般若臺。前娑羅花香散。祝融峯畔。把瘦筇坐盤陀石。與五湖衲子時話。玄微灰頭土面。住與化。只見興化家風。迎來送去。門連城市。車馬駢填。漁唱。瀟湘猿啼。嶽麓絲竹歌謠。時時入耳。復與四海高人。談禪道。歲月都忘。且道。居深山住城郭。還有優劣也。無試道看。良久云。是處是慈氏。無門無善財。師平生以事事無礙行。心凡聖所不能測。室中晏坐。橫刀水盆之上。旁置草鞋。使來參扣者下語。以下契機。康定庚辰正月五日。示寂。塔于石霜嗣法一十七人。孫陽有全機。大用使慧明向機下脫羅籠。神鼎有赤手殺人超羣。眼目正是大方獨步。無餘物任運騰騰。只麼行。

第十二世楊岐方會禪師。慈明嗣。袁州宜春冷氏子。少警敏。不事筆硯。及出家。閱經典。輒自神會。慈明總院事。依之雖久。然未有省發。每咨參。明日庫司事繁。且去。他日又問。明日監事。異日兒孫遍天下。在何用忙。爲一日明適出。雨忽作。師偵之。小徑既見。遂揭住。曰。這老漢今日須與我說。不說打你去。明日監事知。

是般事便休。語未卒。師大悟。卽拜於泥塗。問曰。狹路相逢時。如何。明日你且躲避。我要那裏去。師歸來日。具威儀。詣方丈。禮謝。明呵曰。未在一日。明上堂。師出。問幽鳥語。喃喃辭雲入。亂峯時。如何。明日我行荒草裏。汝又入深村。師曰。官不容針。更借一問。明便喝。師曰。好喝。明又喝。師亦喝。明連喝。師禮拜。明曰。此事是箇人方能擔荷。師拂袖便行。展則成拳。握則成拳。一日慈明問師。馬祖見讓。師便悟去。且道。迷却在甚麼處。師曰。要悟卽易。要迷卽難。明移輿化。師辭歸九峯。後道俗迎居楊岐。道法大振。次遷雲蓋。皇祐元年。示寂。塔于本山。嗣法四人。三脚驢子弄蹄行。騰騰步步契無生。楊岐知你猶未省。湖南長老兩眉橫。

臨濟七傳而得石霜圓圓之子。一爲積翠南。一爲楊岐會南之設施。如坐四達之衢。聚珍怪百物而露之遺簪墮珥。隨所探焉。末流未免胃溢。會如玉人之治瑤琬。故其子孫皆光明。昭人克世。其家蓋碧落碑。無贗本也。

第十三世舒州白雲守端禪師。楊岐嗣。衡陽葛氏子。幼事翰墨。冠依茶陵郁禪師。披削往參楊岐。岐問。受業師爲誰。師曰。茶陵郁和尚。岐曰。吾聞伊過橋遭擲。有省作偈。甚奇。能記否。師誦曰。我有明珠一顆。久被塵勞關鎖。今朝塵盡光生。照破山河萬朵。岐笑而趨。

起師愕然。通夕不寐。黎明諮詢之。適歲暮。岐曰。汝見昨日打毆。離者麼。曰。見。岐曰。汝一籌不及。渠師愈大。駭曰。何謂也。岐曰。渠愛人笑。汝怕人笑。師大悟。巾侍久之。辭遊廬。阜圓通訥禪師。舉住承天。聲名籍甚。次徙法華龍門。興化海會。所至衆如雲集。武陵溪畔杜鵑語十里桃花紅示衆云。佛身充滿于法界。普現一切羣生前。隨緣赴感。靡不周而常處此菩提座。大衆作麼生說。箇隨緣赴感底道理。祇於一彈指間。盡大地含生。根機一時應得。周足而未嘗動著一毫頭。便且喚作隨緣赴感。而常處此座。祇如山僧此者。受法華請相次。與大衆相別去。宿松縣裏開堂了。方歸院去。且道還離此座也。無若道離。則世諦流布。若道不離。作麼生見得箇不離底事。莫是無邊刹境。自他不隔於毫端。十世古今。始終不離於當念。又莫是一切無心。一時自徧麼。若恁麼。正是掉棒打月到者裏。直須悟始得。悟後更須遇人。始得若悟了。遇人當垂手方便之時。著著自有出身之路。若祇得乾蘿藤頭底。不惟瞎却學者眼。兼自己動便先傷鋒犯手。大衆須知。悟了遇

◆師上座脫笑

人者。向十字街頭。與人相逢。却在千峯頂上。握手千峯頂上。相逢却在十字街頭。握手。所以山僧嘗有頌云。他人住處。我不住。他人行處。我不行。不是爲人難共聚。大都縑素要分明。此事如萬仞崖頭。放著手。便撲到底。只是捨命不得。熙寧五年。示寂。嗣法六人。白雲抱珠被楊岐一笑直下如桶底脫。正是忽然通達了無碍。萬里山河現本光。第十四世蘄州五祖法演禪師。白雲嗣綿州鄧氏子。年三十五。始棄家祝髮。受具。往成都習唯識百法等論。因聞菩薩入見道時。智與理冥。境與神會。不分能證。所證。外道難曰。既不分能證。所證。却以何爲證。無能對者。師至彼救此。義曰。如人飲水。冷暖自知。乃通其難。師曰。冷暖則可知矣。如何是知底事。遂往質本講本。講曰。汝欲明此。當往南方。扣傳佛心宗者。師即負笈出關。所見尊宿。無不以此咨決。所疑終不破。遂謁浮山遠禪師。請益。前話。遠云。我有箇譬喻。說似你。你似箇三家村裏賣柴漢子。把箇匾擔橫在腰間。十字街頭立地問人。中書堂今日商量甚麼事。師默計云。若如此。大故未在。遠一日語師曰。吾老矣。恐虛度

子光陰可往依白雲。此老雖後生。吾未識面。但見其頌臨濟三頓棒話。有過人處。必能了子大事。師潸然禮辭。至白雲。遂舉僧問南泉摩尼珠話。請問雲叱之。師領悟。獻投機偈曰。山前一片閑田地。叉手叮嚀問祖翁。幾度賣來還自買。爲憐松竹引清風。雲特印可。令掌磨事。未幾雲至。語師曰。有數禪客自廬山來。皆有悟入處。教伊說。亦說得有來。緣舉因緣問伊。亦明得。教伊下語。亦下得。祇是未在師。于是大疑。私自計曰。既悟了。說亦說得。明亦明得。如何却未在。遂參究累日。忽然省悟。從前寶惜一時放下。走見白雲。雲爲手舞足蹈。師亦一笑而已。師後曰。吾因茲出一身白汗。便明得下載清風圓悟。一日請益臨濟四賓主。怎生。師云也。祇是箇程限。是甚麼閑事。又云我者裏却似馬前相撲。倒便休。師垂語曰。譬如水牯牛過窓櫺頭角。四蹄都過了。因甚尾巴過不得。時山門有土木之役。躬往督之。且曰。汝等勉力。吾不復來矣。歸丈室。淨髮澡身。迄旦吉祥而化。是夕山摧石殯四十里內巖谷。震吼闍維。舍利如雨。塔于東山之南。嗣法一十

三人。門裏出身。易身裏出門。雖打破大唐無覓處。淨生穿鑿沒相干。○古人不明蓋爲人。亦不埋沒諸方眼目。如浮山指五祖見白雲真退已。讓人萬中無一。使演公傾心其道。一撥投機。所謂朝來脫盡娘生褲。清風明月杖頭挑。

第十五世成都府昭覺寺克勤佛果圓悟禪師五祖嗣彭州洛氏子業儒。兒時日記千言。偶遊妙寂寺。見佛書三復。悵然如獲舊物。曰。予殆過去沙門也。卽去家。依自省祝髮。從文炤通講說。又從敏行授楞嚴。俄得病瀕死。嘆曰。諸佛涅槃正路。不在文句中。吾欲以聲求色見。宜其無以死也。遂棄去。至真覺勝禪師之席。勝方創背出血。指示師曰。此曹溪一滴也。師矍然良久曰。道固如是乎。卽徒步出蜀。首謁玉泉皓。次依金鑾信。大潑甜黃龍心。東林度僉指爲法器。而晦堂稱他日臨濟一派屬子矣。最後見五祖。盡其機用。祖皆不諾。乃忿然而去。祖曰。待你著一頓熱病打時。方思量我在師到金山。染傷寒困極。以平日見處試之。無得力者。追繹五祖之言。乃自誓曰。我病稍間。卽歸五祖病痊。尋歸祖。一見而喜。令入侍者寮。方半月。會部使者解印還蜀。詣祖問道。祖曰。提刑少年曾讀小

艷詩否有兩句頗相近。頻呼小玉元無事。祇要檀郎認得聲。提刑應喏喏。祖曰。且仔細。師適歸。侍立次。問曰。聞和尚舉小艷詩。提刑會否。祖曰。他祇認得聲。師曰。祇要檀郎認得聲。他既認得聲。爲甚麼却不是。祖曰。如何是祖師西來意。庭前栢樹子。響師忽有省。遽出見雞飛上闌干。鼓翅而鳴。復自謂曰。此豈不是聲。遂袖香入室。通所得呈偈曰。金鴨香銷錦繡幃。笙歌叢裏醉扶歸。少年一段風流事。祇許佳人獨自知。祖曰。佛祖大事。非小根劣品所能造詣。吾助汝喜。祖偏謂山中耆舊曰。我侍者參得禪也。緣此所至。推爲上首。任他深如滄海。亦要掀翻。更有高似青天。也須打落。示隆知藏五祖老師平生孤峻。少許可人。乾嚶嚶地壁立。只靠此一著。常自云。如倚一座須彌山。豈可落虛弄滑頭。謾人把箇沒滋味鐵酸餡。劈頭拈似學者。令咬嚼。須待渠桶底子脫喪。却如許惡知惡見。胸次不掛絲毫。透得淨盡。始可下手鍛鍊。方禁得拳踢。然後示以金剛王寶劔。度其果能踐履。負荷淨然無一事。山是山水是水。更應轉向那邊千聖。雞籠不肯住。處處便契。乃祖以來傳

持正法眼藏。及至應用爲物。仍當驅耕夫牛。奪饑人食。證驗得十成。無滲漏。即是本家道流也。摩竭提國。親行此令。少林面壁。全提正宗。而時流錯認。遂尙泯默。以爲無縫罅。無摸索。壁立萬仞。殊不知本分事。但恣情識搏量。便爲高見。此大病也。巖頭云。只露目前些子箇。如擊石火。閃電光。若搆不得。不用疑著。此是向上人行履處。趙州喫茶去。秘魔巖擎杈。雪峯輓毬。禾山打鼓。俱抵一指。歸宗拽石。玄沙未徹。德山棒臨濟喝。並是透頂透底。直截剪斷。葛藤大機。大用千差萬別。會歸一源。可以與人解粘去縛。若隨語作解。卽須與本分草料。如十斛驢乳。只以一滴師子乳滴悉皆迸散。要脚下傳持相繼。錦遠末後一句。始到牢關。誠哉是言。透脫死生。提持正令。全是此箇時節。惟踏著上頭關。板子底便諳悉也。佛果問五祖云。二祖覓五祖道須自參。始得這些好處。別人爲汝着力。不得參來。參去忽因聞檀郎認得聲。倏然桶底脫。庭前栢樹子也透。麻三斤也是玄沙。歷過也是陸州。擔板也是不落因果。也是不昧因果。也是三乘十二分教。二六時中眼裏耳裏。乃至鐘鳴鼓響。驢鳴犬吠。無非這箇消息。示杲書記臨濟正宗自馬師黃檗闡大機。大用脫羅籠。出窠臼。虎驟龍馳。星

飛電激卷舒擒縱皆據本分綿綿的的到興化風穴
唱愈高機愈峻西河弄師子霜華奮金剛王非深入
閭奧親受印記莫知端倪大抵負冲天氣宇格外提
持不戰屈人兵殺人不貶眼尚未髣髴其趣向況移
星換斗轉天輪回地軸耶是故示三玄三要四料簡
四寶主金剛王寶劍踞地師子一喝不作一喝用探
竿影草一喝分賓主炤用一時行許多落索多少學
家搏量註解殊不知我王庫內無如是刀弄將出來
看底只貶得眼須是他上流契證驗認正按旁提須
還本分種草豈假梯媒要扶荷正宗提持宗眼須是
透頂透底徹骨徹髓不涉廉纖迥然獨脫然後的
相承繼他馬祖百丈首山楊岐不爲參竊爾紹興五
年八月示微恙跌坐書偈遺衆投筆而逝茶毗舌齒
不壞舍利五色無數塔于昭覺寺側嗣法三十一人
一聲喚醒千秋夢無限風光更屬誰
舉目了然非外物月明依舊照花枝

雖未澆腸沃胃要且使人慶快第恨未聆警歛耳遂
由寶峯依湛堂客黃龍扣死心禪師次謁佛果一日
入室果問曰見見之時見非是見見猶離見見不能
及舉拳曰還見麼師曰見果曰頭上安頭師聞脫然
契證果叱曰見箇甚麼師曰竹密不妨流水過果肯
之尋俾掌藏教有問佛果曰隆藏主柔易若此何能
爲哉果曰瞋睡虎耳後郡守李公光延居彰教次徙
虎丘道大顯著上堂曰凡有展托盡落今時不展不
托墮坑落塹直饒風吹不入水洒不著揀點將來自
救不了豈不見道直似寒潭月影靜夜鐘聲隨扣擊
以無虧觸波瀾而不散猶是生死岸頭事拈拄杖劃
一劃曰劃斷古人多年葛藤紹興丙辰逝塔全軀于
寺西南嗣法一人佛果爲紹隆向歷落地拈出吹毛
劍纖悉俱斬隆師尋避無地亦火
裏唧蝶衛
月走也

第十七世明州天童應菴曇華禪師虎丘嗣斬州江
氏子生而奇傑不類凡兒年十七依於東禪薤髮首
謁遂和尚略得染指法味於是徧參知識靡所契證
聞佛果住雲居煅煉學者師往禮依侍果乃痛與錘

劉值果返蜀指見虎丘隆禪師侍一載頓明大事已而訪此菴元命分座於是開堂妙嚴遷歸宗時大慧在梅陽有僧傳師示衆語大慧見之極口稱嘆復寄偈曰坐斷金輪第一峯千妖百怪盡潛踪年來又得真消息報道楊岐正脉通當時與大慧同稱爲二甘露門常誠徒曰衲僧家著草鞋住院何啻如蚯蚓戀窟手隆興改元六月化塔全身于本山嗣法一人機關

破盡一時休自此歸家得自由干戈卸盡狼烟息太平無事臥虎丘

第十八世明州天童密菴咸傑禪師應菴嗣福州鄭氏子其母夢廬山老僧入舍遂舉師自幼穎異過人及壯剃髮進具徧參知識最後謁應菴華和尚於衢州明果菴一日問曰如何是正法眼答曰破沙盆應菴領之說偈曰大徹投機句當陽廓頂門相逢今四載徵詰洞無痕雖未付鉢袋氣宇吞乾坤却把正法眼喚作破沙盆此行將省覲切忌便踈跟吾有末後句待歸要汝遵後出世住衢州烏巨次遷祥符蔣山華藏未幾奉詔住徑山及靈隱嗣法七人巨賈通商到海

門傾家買箇破沙盆歸來到處誇奇特十字街頭笑殺人

第十九世破菴先禪師密菴嗣廣安王氏子後出世上堂云不是心不是佛不是物忍俊不禁爲諸人作箇撇脫拈拄杖卓一下云流水暗消溪畔石勸人除却是非難嗣法三人示楞嚴座主偈曰見猶離見非真見還盡八還無可還木落秋空山骨露不知誰識老瞿曇

第二十世徑山無準師範禪師破菴嗣生雍氏蜀之梓州人也九歲依陰平山道欽出家初請益成都老宿名堯者坐禪之法堯曰禪是何物坐底是誰師晝夜體究一日如廁提前話有省次謁育王佛炤禪師炤問何處人師曰劍州炤曰帶得劍來麼師隨聲便喝炤笑之至靈隱破菴先禪師居第一座一日遊石筍菴師隨侍有道者問曰胡孫子捉不住願垂開示破菴曰用捉他作麼如風吹水自然成紋師在傍忽大悟異日開堂拈香遂嗣破菴先禪師焉嘗受詔住徑山賜師號曰佛鑑禪師宋淳祐己酉三月十五日示寂其徒請遺偈乃執筆書云來時空索索去也赤條條要更問端的天台有石橋移頃而逝塔全身於圓炤菴嗣法九人吹毛寶劍利鋒芒喝震如雷孰敢當及至破家窮徹骨通身脫白香

光無

第二十一世仰山雪巖祖欽禪師。無準嗣師初參鐵
檟。還次參天目禮禮公。爲松源嫡子。師敬慕之。懷香
造其室。禮曰。汝豈不見臨濟三度問黃檗佛法。的
大意。三遭痛棒。末後向大愚。肋下築三拳。道原來黃
檗佛法。無多子。汝但怎麼看。師不喜而出。依舊自作
主意。每常坐禪。一日纔上蒲團。面前豁然。一開如地
陷一般。自此目前淨裸裸地。半月餘。日動相不生。然
於中夜睡著。無夢無想。無聞無見之地。又却打作兩
橛。凡古人公案。有義路可以咬嚼者。則理會得下。無
義路如銀山鐵壁者。却都不會。故雖在徑山。無準和
尙會下多年。每遇入室。舉主人公。便可打箇踉蹌。若
舉衲僧巴鼻。佛祖爪牙。更無有下口處。如是十年。不
得徹悟。後過浙東天目兩山。依住一日。佛殿前行。忽
然擡眸。見一株古柏。觸著向來所得境界。和底一時
颺下。礙膺之物。撲然而散。自謂如暗室中。在白日之
下。走一轉相似。方始得見徑山老人立地處。正好三
十拄杖。師後出世潭州龍興。晚住袁州仰山。住持凡

六利無準忌日。師拈香云。盡道先師今日死。誰知今

日是生朝。不知却有何憑。據紫柏黃檀一處燒嗣法

六人。開行開付。忽擡頭。古柏蒼蒼。雨降。從此碑磨和底脫。一香拈出。有來緣。

第二十二世天目高峯原妙禪師。雪巖嗣吳江徐氏
子。十五出家於秀水密印寺。二十八杭之淨慈。立死
限三年學禪。一日父兄尋訪。巍然不顧。初參斷橋。倫
令看生從何來。死從何去。話脇不至。席口體俱忘。或
如廁中單而出。又嘗發函忘扇。鑄有同參僧。顯慨然
曰。吾已事弗克辨。曷若輔之有成。於是朝夕侍奉。惟
謹。時雪巖欽禪師寓北澗。師懷香往扣之。方問訊。卽
打出閉却門。一再往始得親近。令看無字。話自此參
扣無虛日。巖忽問阿誰與你拖箇死屍來。聲未絕。便
打出如是。不知其幾。一日少林忌辰。隨衆詣三塔。諷
經次。忽擡頭觀五祖演和尚眞讚。曰。百年三萬六千
朝。返覆元來是者。漢。驚然打破拖死屍之疑。時年二
十四矣。先是雪巖移南明。師解夏。卽往省之。巖一見
便問阿誰與你拖箇死屍到者裏。師便喝巖拈棒。師
把住云。今日打某甲不得。曰。爲甚打不得。師拂袖便

出自此機鋒不讓一日。嚴問曰：日間浩浩時，作得主麼？師云：作得主。又問：睡夢中作得主麼？師云：作得主。又問：正睡著時，無夢無想，無見無聞，主在甚麼處？師無語。嚴囑曰：從今日去，也不要你學佛學法，也不要你窮古窮今，但只饑來喫飯，困來打眠，纔眠覺來，却抖擻精神。我者一覺主人公，畢竟在甚麼處安身立命？丙寅冬，奮志入臨安龍鬚，自誓曰：揀一生作箇痴。默漢決要者一著，子明白。越五載，因同參僧推枕子墮地，作聲廓然大徹，自謂如泗州見大聖。遠客還故鄉，元來只是舊時人，不改舊時行履處。後入天目獅子巖，最險絕處立死，關髮長不剪，截甕爲鎗，併日一食，宴如也。時嚴住大仰，三喚不起，乃付鑿拂印記。後成叢席，其道大振，遂有他方異域，越重海萬山而來者。至元乙未冬，示寂，辭衆曰：西峯三十年妄談般若，若罪犯彌天，末後一句子，不敢累及平人，自領去也。大衆還有知落處者麼？良久云：毫釐有差，天地懸隔。復說偈曰：來不入死關，去不出死關。鐵蛇鑽入海，撞倒須彌山。泊然而逝。啓龕七日，端坐如生，塔全身于死。

關信士全從進得所，剪髮朝夕供養，舍利壘壘如珠貫焉。嗣法四人：沙裏淘金，金裏沙至，親翻作惡冤家。枕頭打破冤家窟，鼻孔撩天是甚麼。○無夢無想主何處？白汗出身念無起。枕子落地笑呵呵，伸手原在縮手裏。第二十三世天目中峯明本禪師，高峯嗣杭之錢塘人，俗姓孫母李氏，夢無門開道者，持燈籠至家，遂生。師師神儀挺異，具大人相，離襁褓便趺坐，能言，便歌讚梵唄，雖嬉戲必爲佛事。九歲喪母，十五立誓出家，禮佛燃臂誓持五戒，日誦法華諸經，夜則常行困極，以首觸柱，自警甫冠，閱傳燈至菴摩羅女問曼殊明知生是不生之理，爲甚麼却被生死之所流轉？於是致疑一日，誦金剛經至荷擔如來，恍然開解，內外典籍輒知義趣，而師自謂識量依通，非悟也。遂從高峯薙落於師子院，時年二十四。觀流泉有省，詣峯求證。峯打趣之，適民間訛傳官選童男女，師因問峯曰：忽有人來問和尙，討童男女時如何？峯曰：我但度竹篋子與他。師言下無礙，於是高峯書真讚付師曰：我相不思議，佛祖莫能視，獨許不肖兒，見得半邊鼻。且俾參徒詣師請益，由是學者輻湊，歸之如水就下。而師

猶自韜晦未嘗肯以師道自處一時宰相公卿上及天子每虛徑山靈隱諸大利賁幣迎師卒不可致或踰山泛海以逃是故居無常處然所過之地皆成寶坊縑素男女無貴賤皆望塵拜伏金帛之供一視而已師初侍高峯於死關晝則作務夜則禪寂剋勵嚴苦脇不沾席者十年詰究研窮始承記前自高峯化後師或船或庵傍以幻住又朝廷聞師道風賜佛慈圓炤廣慧禪師之號一時王公駙馬莫不致禮翰林承旨趙公孟頫事以師禮時問法要晚居天目癸亥八月示疾有來省者謂曰幻住菴上漏旁穿籬圯壁倒不可久住也語笑如平時或強之服藥曰青天白日曲徇人情耶揮去十三日手寫偈遺別外護及法屬故舊十四早辭衆曰我有一句分付大衆更問如何無本可據置筆安坐而化塔全身於望江石嗣法四人

是知

口若洪波翻騰大海心如明月照耀古今慣行有眼棒善採沒弦琴只此半邊鼻孔不知若箇

第二十四世伏龍聖壽寺千巖元長禪師中峯嗣蕭山縣人也俗姓董家世宗儒父九鼎母何氏晚而生

師欲棄之嫂謝氏趨救鞠爲子七歲卽就外傳諸書經目輒成誦出入莊重有若成人其父喜曰是子當以文行亢吾宗乎僧曇芳者師諸父行也欲乞師爲嗣謝氏難之未幾師遘疾甚革謝氏禱於觀音大士頃之果愈遂從芳遊年十七摩切九流百氏之言已而棄之十九薙髮受具習律於武林靈芝寺會行丞相府飯僧師隨衆受供時中峯本禪師先已在座遙見師卽呼曰汝日用如何師曰念佛峯曰佛今何在師擬議峯厲聲叱之師胡跪求法要峯授師以趙州無字話令參於是縛茅于靈隱山中俟忽十載歎曰平生志氣充塞乾坤今乃作甕裏醯雞耶復脇不著席者三年因往望亭聞鶻聲有省急往見中峯峯又斥之師憤然來歸夜將寂忽鼠食猫飯墮其器有聲恍然開悟披衣待旦復往質于中峯峯問曰趙州何故言無師曰鼠食猫飯峯曰未在師曰飯器破矣曰破後云何曰觸碎方壁峯乃微笑祝師曰汝宜善自護持栖遁巖穴時節若至其理自彰師既受付囑乃隱天龍之東菴後聲光日顯中竺訢公及行丞相脫

歡請師出世。師與弟子希昇杖錫至伏龍山依大樹以居。帝賜號佛慧圓鑑并賜金襴法衣。至正丁酉六月示疾書偈曰：平生饒舌今敗闕，一句轟天正法眼滅。投筆而逝。塔全身于青松菴。嗣法四人。從前打睡忽然醒脫

落年來舊話頭佛性有無趙州老青天白日沒來歸

第二十五世蘇州府鄧尉聖恩寺萬峯時蔚禪師千巖嗣溫州樂清金氏子。母鄭夢儒釋二人入其寢覺而生。二子師居末適有光燭室。鄭懼欲弗舉其姑保而育之。襁褓中見僧輒微笑作合掌態。父母度不可留。使禮越之永慶寺講主昇公出家。時年十一入杭受具戒。參止巖禪師於虎跑巖。示以南泉三不是語。因入達蓬山卓庵。佛跡寺古趾晝夜多寤至忘寢食。一日聞寺主宗律師舉瀉山錫倒淨瓶話。忽契悟。說偈曰：顛顛倒倒是南泉，累我工夫却半年。當下若能親薦得，如何不進劈胸拳。遂往見止巖會止巖圓寂師。往掃塔忽聞僧房殿主舉千巖和尚頌有寄語諸方參學者莫教錯過好時光之句。師即往伏龍謁千巖。纔入門巖便問將什麼與老僧相見。師豎拳云者裏

與和尚相見巖云死了燒了向何處安身立命。師云漚生漚滅水還在風息波平。月映潭巖命充第一座。一日巖問不是心不是佛不是物是箇甚麼。師將坐具打一圓相叉手而立。復呈偈曰：南泉不是惱人心，有要將心去捉心不是我。心不是佛性天空廓有何尋。巖允之。未幾復退潛隱千巖和尚招不赴。乃以法衣頂相寄之後卓錫蘇州鄧尉山。衲子奔集遂成叢林。嗣法三人。無風荷動有魚遊踪跳金鱗出一頭閃爍翻身恁麼去無賓主句一時收

第二十六世寶藏普持禪師萬峯嗣住聖恩爲二世。萬峯禪師付法與師偈曰：大愚肋下痛還拳，三要三玄絕正偏。臨濟窟中獅子子，燈燈續燄古今傳。嗣法六人。哮吼一聲獅子出掀翻無限野狐窟大家裸裸赤條條箇箇堂堂明歷歷

第二十七世東明虎白慧昌禪師寶藏嗣時年十四于丹陽妙覺寺禮湛然師薙髮受戒。參雲間松隱叩其心印。然未心肯自誓若不徹證不已。因禪定六日出定舉首觀松豁然有省。尋至松之玄墓聖恩寺見果林和尚針芥相投復指示見寶藏持禪師且陳悟因。藏叱之曰：佛法如大海轉入轉深那得泊在者裏。

師遂親炙座下。藏一日問曰：心不是佛，智不是道。汝云何會？師向前問詢，叉手而立，藏呵曰：汝在此許多時，還作者箇見解？師乃發憤忘寢，食至第二夜，驀然徹法源底，遂呈偈曰：一拳打破太虛空，百億須彌不露踪。借問箇中誰是主？扶桑湧出一輪紅。藏笑曰：雖然如是，也須善自護持。時節既至，其理自彰。嗣法一人。打破虛空，活卓全身，湧出絕承當。廓然獨露，無私旨，天上人間，沒處藏。

第二十八世湖州東明海舟普慈禪師，蘇之常熟人。姓錢，世宗儒業，出家於破山，至慧日寺聽講楞嚴，至但有言說，都無實義。處乃曰：言說今日愈多矣。遂歸日夜閱經，尋思實義，面顏日悴。有居士問曰：師顏色有病，師云：佛法不明，故爾非病也。士曰：佛法不明，何不往府中鄧尉山問取萬峯和尚去？師聞之欣然，便詣鄧尉見萬峯，問曰：沙彌何來？師禮拜起曰：常熟峯曰：到此何爲？師學前話，再拜求示。峯便劈頭兩棒攔背一踏，以脚兩踢曰：只者是實義。師有省，起曰：只好太費和尚心力。峯笑而許之，付以偈曰：龜毛付囑與兒孫，兔角拈來要問津。一喝耳聾三日去，箇中

消息許誰親。又曰：子當匿跡護持，莫輕爲人師範。師乃結菴於洞庭山塢，廿有九年。一日僧至，問曰：當日有何所見？遂隱於此，就不再參人。去師曰：我昔日問萬峯，但有言說，都無實義。峯便打自從此得悟。僧曰：請言得之所以。師曰：但要人知痛癢的是實義，是妙心。言說盡屬皮毛。僧曰：若據此見解，生死尙未了，何得言語不見道？心不是佛，智不是道。耶？師遂有疑，卽棄庵渡湖往安溪，詣東明。適有人設齋，師至，關前問明曰：今日齋是什麼滋味？明曰：到口方知，說卽遠矣。師曰：如何是到口？明卽打滅燈，曰：識得燈光何處著落？味卽到口。師無語。次日黎明，遣侍者請師。師至，明問曰：曾見人否？師笑曰：見只見一人，說出恐驚人。明曰：假使親見釋迦，依然是箇俗漢，但說何妨？師曰：萬峯明曰：萬峯卽今在什麼處？師面赤罔然。明曰：若如此，不曾見萬峯。師歸客寮，三晝夜寢食俱忘。偶值香燈繩斷墮地，忽然大悟。詣關前呈悟，繇明曰：老闍黎承嗣萬峯去。師曰：白公爲我打徹，何得承嗣？萬峯明乃笑，遂集衆出關陞座。曰：瞿曇有意，向誰傳迦葉。

無端開笑顏至此豈容七佛長文殊面赤也茫然今朝好笑東明事千古令人費睡涎幸得海公忘我我濟宗一脉續綿綿乃擲下拄杖下座師即入方丈禮謝明曰老僧不出月去也至廿七夜辭衆廿九日示寂師仍欲遁歸洞庭四衆苦留乃繼其席萬峯忌日師拈香指眞曰我幾淹殺你裏幸是普慈若別人不可救也蘇此瓣香堪酬接引喝一喝云只笑你護短沒頭師佛法當人情展坐具禮拜又拈香云此一瓣香供養東明長老一片赤心鞭策令余洞達宗源連喝兩喝受恩深處便爲家有乳方知是阿娘禮拜起慟哭歸方丈臨示寂說偈曰九十六年於世七十四載爲僧中間多少諸訛一見東明消殞以拂子打○云釋迦至我六十二世有不可數老和尚又打○云多向者裏安身咄乃投筆而逝在景泰元年全身塔于東明左側得法十二人

驢事未去馬事到來分
明鉄山崩倒壓鎮山盤

走珠吟珠走盤不得春風花不開花開又被風
吹落所謂曾伴夜行驚惡虎幾回同上碧蘿峯

第二十九世寶峯明瑄禪師海舟嗣姑蘇吳江人姓

范氏在俗爲木匠因海舟和尚造塔院斧傷自足痛

甚索酒喫舟聞之往謂曰適來范作頭傷足猶可假若斫去頭千石酒與作頭喫作頭能喫否師有省即止酒遂求爲僧舟即與披剃曰今日汝頭落地師曰頭雖落好喫酒人頭不落也乃充火頭一日師負薪舟見曰將荊棘作麼師曰是柴舟呵呵大笑師罔然舟曰是柴將去燒却師起疑曰和尚畢竟是甚麼道理故問我我不能答是夕刻意參究不覺被火燎去眉毛面如刀割以鏡照之豁然大悟呈悟於舟舟便打師奪拄杖云者條六尺竿幾年不用今日又要重拈舟大笑師呈偈曰棒頭著處血痕斑笑裏藏刀仔細看若是英靈眞漢子死人喫棒舞喃喃舟曰即此偈語可紹吾宗乃付偈曰臨濟兒孫是獅子一吼千山百獸死今朝汝具爪牙威也須萬壑深藏止從此名聞遐邇學者雲集得法五人逝於成化八年十二月九日全身塔于東明寺左嗣法一人

將柴喫辣喫
都盧鉄汁灌

他作醉靈骨髓皮毛皆
換盡太阿舞得把龍屠

第三十世天奇本瑞禪師寶峯嗣南昌鍾陵江氏子

年二十隨父商于潁州偶厭世相遂信步至荊門禮

無說能公披剃爲沙門令看萬法歸一一歸何處話師乃徧參耆宿晝夜坐禪至隨州觀音寺聞進長老會中度夏見壁間有警策一篇師時持不語每擡頭惟看中間兩句曰沉吟是阿誰舉處是何人且看且參日久意深覺山河大地林木池沼六根六塵都來只是一箇誰字後與全首座往襄陽偶聞婦人喚猪聲全說偈曰阿娘牆內喚哪哪途路師僧會也麼拶破者些關板子阿娘依舊是婆婆全舉了便行再不回顧師自念曰且不得直下承當便是乎行數程猶恍惚不已一日病中聞僧舉大慧禪師發背因緣豁然透得全公說偈之意乃作頌曰直下承當事不差皆因分別隔天涯若能返此回光炤直下承當本不差因入蜀見楚山雪峯諸老漸有省發末後參寶峯和尚峯云甚麼處來師云北京峯云只在北京別有去處師云隨方瀟灑峯云曾到四川否云曾到峯云四川境界與此間如何云江山雖異風月一般峯豎起拳頭云還有這箇麼云無峯云因甚却云非我境界峯云如何是你境界云諸佛不能識誰敢強安

名峯云汝豈不是著空云終不向鬼窟裏作活計峯云西天九十六種外道你是第一師拂袖便出乃付偈曰濟山棒喝如輕觸殺活從茲手眼親聖解凡情俱坐斷曇花樹放一枝新嗣法二人隨機瀟灑大方出撥着當頭便

返鄉箇中境界阿誰知諸佛從來不能識

第三十一世關子嶺無聞明聰禪師天奇嗣邵武光澤縣人也俗姓奚母吳氏將誕師前一夕有病僧告宿吳氏辭之夜半遂生師而病僧亦以是夕亡於道上里人咸謂此僧再來也師生三歲父母繼亡外祖憐而收養之未期年外祖亦死舅氏以師命孤苦乃送且隱菴爲僧十七得度二十受具精毗尼兼修止觀深究唯識等論同學皆敬之一日遊百丈山逢一老宿問師曰大通智勝佛十劫坐道場佛法不現前不得成佛道此理如何師乃依文講之老宿詬罵而去師從此疑情頓發念念孜孜經五六載一日聞馬嘶豁然大悟乃曰如斯之事如來明見無有差謬遂參諸方得法于天奇老人焉奇問在世忘世是如何師云了物非物奇曰在念念念是如何師云於心無

心奇曰。心佛俱忘。是如何。師云。華山高峽。太行峨嗣。

法五人。輕輕翻轉。定盤星。迷悟都來。搥不親。赤子條條。赤骨體。一雙隻手。起家門。

第三十二世笑巖月心德寶禪師。無聞嗣金臺吳氏。

子世族錦衣師幼孤。情質近道弱冠時入寺聽講。華

嚴大疏至十地品。如來為輪王時捨國城妻子頭目

手足。因感悟禮廣慧能禪師出家。既落髮偏參名宿。

乃至伏牛火場淨土觀門。無所不歷。遂造關嶺。謁無

聞聰公。問曰。十聖三賢。已全聖智。為甚不明斯旨。聰

厲聲曰。如何是斯旨。速道。速道。師連下數轉語。皆不

契。後因泉邊洗菜。忽然一莖菜葉墮水。師逐水圓轉

捉之。不可得。遂省喜躍來歸。至晚聰以玄沙未徹

語問之。師曰。賊入空房。聰曰者。則公案不得草草。師

便喝拂袖而出。數日後辭關嶺與爽菴結伴入楚。參

大覺。一日室中舉外道問佛。不問有言。不問無言。世

尊良久。外道便悟。覺曰。既不涉有無。良久亦是閑名。

正當恁麼時。外道悟箇甚麼。師擬對覺以手掩師口。

曰。止。止。猶更挂齒在師。乃豁然曰。可謂東土衲僧不

若西天。外道誠大遠在。即呈偈曰。自笑當年畫模則。

幾番紅了幾番黑。如今謝主老還鄉。那管平生得未

得覺。為助喜未幾。覺順世。師回關嶺。聰禪師甚重之

付以法印。後與聰圍爐次。聰云。人人有本來。父母子

之父母。今在何處。師云。一火焚之。聰云。恁麼則子無

父母。耶。師云。有。即有佛眼。覷不見。聰云。子還見麼。師

云。某亦不見。聰云。為甚麼不見。師云。若見則非真父

母。遂呈偈曰。本來真父母。歷劫不曾離。起坐承他力。

寒溫亦共知。相逢不相見。相見不相識。為問今何在。

分明舉似師。聰云。堪紹吾宗。嗣法三人。伸手不及見。非萊一火焚。

之絕無碍。本來父母母。碎百嚼七縱八橫。渾無罣礙。

第三十三世荊溪幻有正傳禪師。笑巖嗣俗呂氏。溧

陽人也。年十九薙髮于樂菴和尚。因嬰勞疾。菴令看

父母未生。前話久之。無所契。緣是克勤精進。歷二七

日餘。一夕經行。方坐昏沉。無奈忽聞琉璃燈花。輝爆

聲。豁然有省。乃曰。始知古人所謂直得虛空粉碎。大

地平沉十方。無壁落四面。亦無門。若有一人發真歸

源。十方虛空。悉皆消殞等說。皆非虛語。于是直造燕

都。參笑巖和尚。求印可。通所得未竟。巖忽趨出。隻履

日向者裏道一句看師無語乃通夕不寐至明旦猶

立簷下巖出見喚之師回首巖翹一足作修羅障日

月勢師有省服勤數載禮辭南歸巖書從上源流付

之臨行贈以一笠曰無露圭角師初住龍池次遷五

臺秘魔次北京普照晚歸龍池上堂舉文殊三處度

夏話師曰文殊當時太殺神通迦葉奈何局于智短

若作迦葉應把黃面老子先須攢却何也不見道來

說是非者便是是非人上堂豎起拂子曰老僧今日

借取這拂子一時說法直得三世諸佛立地聽汝等

現前俱信得及麼倘信不及止止不須說我法妙難

思議香爐偈曰有耳聞聲一似響無容餘物動乎中

灰心未必常如此贏得清烟便不同師與士大夫遊

嘗舉東坡點琴操語曰門前冷落車馬稀老大嫁作

商人婦琴操何所感便削髮爲尼耶士大夫多不契

又慮學者見落斷常著書三篇曰駁語曰性住釋曰

物不遷題旨刻行于世萬曆甲寅春仲示寂塔建本

山與一源禪師同塔嗣法三人天童悟馨山修淨名

蓮燈花報喜話偏長趨出鞋元不覆藏勘破修羅障月
勢爐中猛焰變空霜○眼裏着得百千萬億須彌山

耳裏着得不可
思議大海水

第三十四世明州天童密雲圓悟禪師龍池嗣宜興

蔣氏子家貧樵採爲業但于歲歲二三月中忽動世

間無常之想便欲修行年二十七荷擔度山曲觸路

旁積薪有省得管帶拘心意日用管令昭昭然越兩

年棄室又明年從龍池山幻有傳禪師出家然覺生

死到來畢竟不穩當二六時中看得心境兩立古

人道天地同根萬物一體越看越成兩箇因舟次請

益龍池池曰你若到者田地便放身倒臥師禮拜起

昏蒙蒙甚嗣是惟加罵詈師慙悶交感至大病汗流

二七日方愈遂掩關數載適傳公入都學師監院事

一日自城中歸過銅棺山頂忽覺情與無情煥然等

現覓纖毫過患不可得大端說似人不得爾時昭昭

靈靈底不知向甚處去了又自密密舉前所會古人

因緣宛爾不同亦不自疑是與不是一日龍池喚師

及覺宇入室曰老僧昨夜起來走一回把柄都在手

裏了汝等爲我扶持佛法師便出呈偈曰若據某甲

扶佛法任他○○○○都來總與三十棒莫追分

明爲賞罰龍池目之大笑師接來付火未幾池示寂師依塔三載萬曆丁巳衆請繼席開法次住通玄金粟黃檗育王天童凡六巨刹宗風大振上堂禪不在參道不在悟直下了然超佛越祖驚拈拄杖曰卽今莫有超佛超祖者麼卓拄杖曰正好朝打三千暮打八百擲拄杖曰爲什麼如此無掌曰這裏放過則不可上堂本來無物可評論未悟之人妄見分忽若迸開頂額眼大地山河一口吞上堂樹影葉落明明脫體全彰雲散天空杲杲日輪當午正恁麼時霜風劈面來諸人還覺寒毛卓豎也無若也覺得如龍得水似虎靠山日用頭頭全體露折旋俯仰沒遮攔喝一喝上堂子規啼血滿花枝口口聲聲祇叫歸不耐時人猶不省年年三月又來啼大眾還委麼自是不歸歸便得五湖烟景有誰爭卓拄杖一下上堂太白山中儘有柴一株不許衆人搬老僧不是多護惜爲要諸人徹骨寒雖然如是只如道三界無安猶如火宅諸人又向甚麼處迴避若也迴避得可以高超三界獨步大方其或未然各各矧顧眉鬚始得崇禎辛巳

國戚田公爲皇貴妃齋紫衣入山請師演法復得俞旨住金陵大報恩寺師以衰邁遜謝明年春拂衣上通玄秋七月三日示微疾七日午時奄然坐化流光夜炤四山變白壽七十有七迎全身歸塔于天童幻智庵右隴嗣法一十二人五峯學鄧尉藏破山明徑山容金粟乘寶峯忍龍池微天童恣雪竇雲古南門報恩賢天童奇杖頭發起微紅火佛祖皺眉無處躲大地山河盡化灰殺人不用磨刀斧○喧天動地老和尚徹骨徹髓一條棒終始不開第二門天上人間作榜樣○中興臨濟之道萬古法門標格真一代開關大宗師

第三十五世徑山費隱通容禪師密雲嗣闍之福清何氏子十四依鎮東慧山祝髮初參壽昌博山及雲門皆不能了手有偈見志云吾年二十五氣海吞佛祖不過古人關豈踏今時路後聞密雲和尚過越寓吼山遂謁便問覲面相提事若何雲以番菩提珠便打師云錯雲又打師便喝雲祇管打師祇管喝至第七打頭顱幾裂所有伎倆知見一切冰釋一日雲問薰風自南來殿閣生微涼汝作麼生會師云水向石邊流出冷風從花裏過來香雲云離了此又作麼生

師云放和尚三十棒。雲云除却棒。又作麼生。師便喝。雲云喝後。贊師云更要重說。偈言。雲便休去。既而雲主金粟命職西堂。明年隨赴黃檗。雲陞座以源流衣拂付焉。拄杖橫肩挑日月。拳頭劈面打人天。上堂。全身擔荷。赤體提持。要是夙有器骨。英靈漢子。於尋嘗日用活卓卓地。不將奇特言句。貼于額頭。玄妙理致。蘊于底裏。專用格外鉗鎚。獨奮宗門牙爪。生擒猛虎。活捉獐龍。縱有言超佛祖。行過舍那。入此閻域。未免橫身拶出。其餘之輩。觀心作念。著意思惟。塵寂光生。而有神穎妙慧。自作去就。畢竟構他語脈。不上要有者。等丁卓始可別行教外單傳。直指主持。棒喝全行。正令而與從上。瞎驢蹄角。相肖上堂。句要分明。意須不錯。不錯分明。灑灑落落。隨處降雨。騰雲不比禿帚墮在壁角。所以垂鈎四海。只釣獐龍。格外玄機。爲尋知己。順治庚寅年。師受杭州府餘杭縣暨守鎮及諸鄉紳合山禪德等。共請住徑山興聖萬壽禪寺。上堂云。高提祖印。須藉名藍。流通正眼。要有人歸。此山爲江南首刹。天下人聞莫不仰止。蓋有五峯插天。萬松覆屋。兩徑走天衢。

三門鎖龍澤。況有八十餘代祖師。於此建大法壇。弘無上道。宗風振遐邇。光明炤古今。龍章聿降。鳳詔頻臻。代不乏人。珠聯璧合。赫赫然祖室傳燈。義義爾山藏龍象。盛哉當年壯麗。可觀山僧今日到此。主席大似鼠尾續貂。如何得相似去。遂以拂子作圓相云。拾得者。類明珠。特特持來。要與列代祖師等閒一賽。蓋佛佛道同。祖祖不異。且道此珠與歷代祖師是同是異。若道是同。古今相隔。作麼生說箇同。若道是異。佛佛道一。作麼生說箇異。舉揚到此。大似機輪轉處。難爲回互。直得八字打開。縱橫無礙。閒將三句權接人天。四喝頻施。敲磕龍象。料揀將來。驅耕夫之牛。奪饑人之食。炤用同時。掀翻海岳。別覓知音。拋出家具。賓主相看。更喚三玄三要。爲破沙盆。追同臨濟家風。捩轉列祖鼻孔。尊宿當年如寶集。無窮三昧。潑空流復。學當時僧問開山國一欽禪師云。如何是道。國一欽答云。山上有鯉魚。海底有蓬塵。據國一欽恁麼答話。雖則道出常情。機通格外。簡點將來。也是板齒生毛。忽有人問山僧。如何是道。但答云。兩徑盤旋上翠微。

據此與國一欽相去多少只如今日最初上堂祝贊

一句意旨如何喬木山中無盡數檀那福壽倍於斯

寬兮字宙誠然小 師自黃檗暨至天童鉗鎚衲子

寒暑弗懈每見諸方言行有乖法門者不避怨憎直

筆救正著書十二卷顏曰別集與語錄並行于世嗣

法門人隱元琦朗真幾亘信彌百癡元玄密定三笑

密孤雲鑑古淵成本充盛柴立已空崑坦蒼霞桴斷

眉敏課虛真韜明宗又度舟天水廣雲浪全尙綬權

靈機觀靈嶽古正法宏顯正端太白雪離言法千峯

立居士王谷嚴大參嚴杖徐昌治

百萬雄軍入漢關威風凜凜震天寒單刀直取顏良首正令全提有甚難未常說妙談玄問着不棒便拳到處建幢立刹方顯臨濟真傳

予昌治法名通昌號觀周別號無依道人鹽官人

也生最晚父母甚憐愛幼習儒蚤補博士弟子以

副榜貢入都道經山東湊兄從治巡撫彼省被圍

萊城時援萊者泄泄且掩敗爲功予據實具疏上

聞得俞旨旋攜兄家眷南還見髻父嘆世情冷淡

鬱鬱不樂發憤攻苦獲登賢書以慰親心到處叢

林皆擁護而捨田輸粟竭力傾心獨金粟爲最一

日因聽講楞嚴經薦得瞿老放捨第六塵內六根

中六識捨却無可捨處是散身命處當下必意豁

然遂棄公車猛圖佛乘分家脫俗一切撇下正如

獨坐虛空四方無壁落蓮生火裏擔柴帶月歸者

灑灑落落笑傲自絲適隨費老人入徑山喜而付

杖銘曰觀體現前描畫不得妙運超方了無羣惑

指點人間疏通正脉又書偈曰立地頂天一丈夫

儒宗釋典旨相符年來體道深深喜肯把瞿曇擔

子扶偶佩誦嫡傳一帙老人復諭曰源流正派拈

頌者多汝試品題可稱獨步或自出手眼或採訪

古錐或集收諸宿使觸目會心有所裨益豈不美

乎予遵行刊布所謂垂絲千尺意在深潭急須著

眼看仙人莫看仙仙手中扇是則予殷殷致望於

得魚忘筌者

祖庭嫡傳指南卷下終

本師費隱禪師寄贈

備閱傳序履歷如飲甘飴且具正知見以弘護大法
眞末世中東南光明幢焰耀利海何幸如之喜不自
禁又云居士昔著儒書今宣佛旨實係靈山會上發
願而來非同等閒也

金粟百癡禪師跋語

佛祖來源機語諸方鏤出流行者浩繁不可勝計然
未有如覲翁之簡切著明者也覲翁以富貴之身行
拔俗之事瀝膽輸肝爲法門大城慙忽有所得遂將
自己手眼與這一隊老古錐面目輕輕點出使天下
人共見共知其用意可謂勤且至矣予披閱再三擊
節稱善諸人若弗信請向此錄中著一隻眼便知覲
翁立地處且如何是覲翁立地處還委麼解用不
須霜刃劍延齡奚必九還丹

附刻本師費老人付法語偈

覲周徐居士護持老僧弘揚祖道自金粟至天童自

天童至福嚴自福嚴至徑山將二十年心不異緣猶
如一日每常叩問其已躬下事大似坐在大海中有
問海水如何明知無非是水雖不答而答若答猶有
非水者在蓋生平于孔孟及我教乘理致大同之旨
淹貫甚熟不脫其極則之理大段然耳茲到維摩相
看老僧略敘寒溫于次早喫粥時老僧啓云欲操宗
門一事須是契理契機理則理致機則機用如古人
云不是心不是佛不是物畢竟是箇甚麼居士荅云
是無位眞人老僧云如何是無位眞人居士荅云喫
粥底不是那少頃老僧又問云如何是祖師西來意
居士肅顧如意云者箇是如意老僧又問不喚作如
意又作麼生居士擬議老僧急索云何不問我居士
云不喚作如意又作麼生老僧遂拍桌一下居士即
唯唯點首然居士秉性天生厚重凡所作不涉枝蔓
如此對機數語言簡理盡悉知其造詣之大槩也所
謂供佛不在香多良有以焉遂以一偈并如意一握
囑以表信更期從此以去日用之間騰騰任運任運
騰騰以正法眼照了千差萬別與諸方禪老交際語

脉須斬釘截鐵。纔是拋栗棘蓬。擲金剛圈。續佛慧命之大任也。偈云

二十年來護法道

今朝放下樂天真

指揮向上關頭事

照用應須手眼親

昌治和韻呈偈

昔年贈我無依號


而今信我樂天真

案前一拍須彌碎

萬法齊收日用親

佛祖宗派世譜

明・介庵悟進 編



佛祖宗派世譜序

咄未始以前。還有如是消息也。無這一隊漢。無端向一毫頭上分宗列派。立彼立此。蚤自不唧。嚼點污淨。白豈堪矢上加尖。形諸墨楮。安名流布。然事無一向。所謂祖。祖不了殃及兒孫。吾釋迦老子一人傳虎。萬人傳實。自此西天四七東土。三三大鑑。出南嶽青原。識應二枝。嫩桂四傳。而有滄仰宗。五傳而有臨濟宗。六傳而有曹洞宗。七傳而有雲門宗。九傳而有法眼宗。燈燈續焰。葉葉相輝。雖有傳有止。或正或傍。總是曹源一滴水。燈錄會元。而後今又數百年。述者兩三家。不無訛漏。余不免依樣畫葫蘆。即將傳燈宗圖續集諸書。一一參考。誠然直難掩曲。仍以五宗原始次第詳定。更爲修補。重新拈出。非圖競彩。聊使話行天下。後世有耳者。聞有目者。見亦非分外。或有箇漢出來。道盡大地衆生。那箇不是他家種草。汝將謂只此這些阿師。是續佛慧命耶。金明但向他道。正法眼破沙盆。贊呵呵。

順治甲午長至日

臨濟第三十一代嘉禾金明寺嗣祖沙門悟進拜題

佛祖宗派世譜目錄

卷一

佛祖正脉 諸祖旁出

卷二

南嶽 滄仰

卷三

臨濟 楊岐

卷四

黃龍 大慧

卷五

虎丘 雪岩 斷橋

卷六

青原 曹洞

卷七

龍潭 雲門

卷八

雪竇 法眼

佛祖宗派世譜卷第一

古吳比丘悟進編輯
餅山居士頂謙較閱

三十三祖世系圖

釋迦牟尼佛

即賢劫第四尊示生中天竺國利種釋迦其姓也父淨飯聖王母摩耶聖后周昭王九年甲寅四月八日降誕捨轉輪聖王位出家成無上道轉大法輪其後七十九歲垂般涅槃乃以正法眼藏付囑摩訶迦葉穆王三十六年壬申二月十五日中午夜入滅後一千一十七年教被華夏即漢明帝永平十年丁卯歲也

始祖 釋迦文佛 第一祖 摩訶迦葉 二祖 阿難尊者 三祖 商那和修 四祖 優波鞠多

必云已下較禪燈世譜而學所不相同者若其列次大綱要就目錄知之至其少異則悉注記于禪燈世譜頭上一無有所遺矣

◆已下卷五
抄出對見禪
燈世譜卷六

古 二十一世 憍 俊

無 二十二世 際 悟

月 二十三世 溪 澄

夷 二十四世 峯

寧 二十五世 寶 芳 進住天目

嗣白雲度 斷橋倫下

蜀中人別號蚤骨正 統九年應召說法


住北京廣恩寺景泰三年勅賜回南京大岡


天淵湛 善濟澄 頂庵耐 洪山賢 古潭碧 千峯秀 節堂全 古心寶 無瑕穢


勸牛祖


不二圓

古心寶 無瑕穢










0673

●對見神宗
世譜卷六



●已下卷六抄出

曹洞宗天童法派世系圖

十三世 天童 童 淨 門 覺 青 十五世 辨 大 十六世 寶 王 十七世 山 王 二十世 源 遇 體 泰 還 二十二世 方 從 念 湛 三十二世 然 澄 月 二十八世 舟 載 大 二十九世 章 書 大 三十世 山 千 然 庭 州 忠 潤 改 裕 昌 舟 空 隱 明 經 博 山 來

二十九世 南明 嗣無幻冲 斷橋倫下

廣 三十世 雪 編 圓 信 海鹽鄭氏子生于萬曆丁亥年崇禎壬午孟冬十一日書偈而逝塔與善普明 抱 模 連 天 隱 圓 修 山 簪 玉 林 林 浮 牧 石 初 庵 峯 雲 奇 元 進 鈞 際 間 琇 豫 奇 賢 門 雲

三十二世

三十三世

卷第五

三十二世
 雲門澄
 號湛然會稽夏氏子
 天啓丙寅十二月示
 寂塔于顯聖

東苑
 博山
 來雪

三十三世
 南溟
 宜密
 白足
 瑞具
 南三
 石
 麥
 南溟
 懷微
 方孟
 復有
 雪盛
 關間

東苑鏡
 鼓山賢
 圓然謹

卷第六


南宋元明禪林僧寶傳

清

•

性自
磊融

撰
補輯



南宋元明僧寶傳序

有傳教則必有傳人有傳人尤必有傳書蓋教者道之所由行也人者教之所由興也書者前人之所由得一二二人焉爲之眼目猶貧□□□客衣珠亦終於迷惘而已苟得其□□然承當大事而幻軀易盡實行就湮如優曇千年一現後此何由踵□□所以儒者勒之傳志論贊以垂來茲其書傳則其人傳其人傳則其教始傳也大慈之入震旦也雖云教外別傳不立文字然而列祖相承諸宗嗣起其入道之機緣登壇之提唱與涅槃之證據至今猶若目覩此覺範僧寶一編與大川會元同爲梵林之龜鑑也自是以降數百年來音微漸邈幻肆融大師者爲天童密雲和尚之孫弘覺禪師之嗣志趨剛果機用弘通建光明無畏之幢紫籙之屢常盈瑞雲之竿復堅予時避亂緱城特謁老人山中昕夕咨益脩悉婆心雖經臣之見智海猶多未解而死心之於山谷則真第一相爲矣因得披讀所續南宋元明僧寶傳旨深義朗詞

博論該昔范蔚宗謂遷文直而事覈固文贍而事詳舉而似之洪公之後有融翁殆即子長之後有孟堅與末季烏藤白拂蓋觴已極塔銘行實稱述過情乃前傳所編僅八十一人續傳亦不逾九十七人誠慎之也使諸方有所徵信不浮則懸帝網之珠光互映割師子之乳滴滴皆眞紹往開來祖猷重輝豈獨如遷固之以史才見長哉聞丁未秋紫籙一炬老人寢室獨存傳稿亦飛入竹林獲免信乎弘教苦心爲龍天八部護持而其人其書之傳固當無盡時矣謹盥手爲之序

康熙丁巳孟秋望日佛弟子閩莆林友王和南題於瑞雲之禪月峰

南宋元明僧寶傳序

人以文傳文以時貴其時爲人不可忽之時其文爲時不可少之書廣潤幻肆禪師常續南宋元明僧寶一傳是矣予因受政緱城間嘗私取而觀之其書時之法以宋室南遷禪林刹竿亦俱南指初政和間有

國者崇道而抑佛。自稱道君皇帝。以天下僧流蓄髮加冠號爲德士。居道之右。及道君蒙塵。佛教復遭北金兀術魔滅。凡在北叢林。無不穢辱焉。然幸禪宗知識早圖南隱者。若不聞也。斯傳始自建炎丁未。歷畢宋世。應元主運而再興。又畢元順。遜代明之高帝。成祖昌隆法域而沿流不止。于順治丁亥。共五百二十一年。非人之不可忽時乎。書人之法。始是佛燈珣蓋珣入寂于南宋之初。乃至虎丘大慧密菴無準中峰海舟密雲悟雪。嶠信爲臨濟一宗。以弘智真歇自得。暉全一溫天童如淨。雪竇無印。壽昌顯聖。博山來輩。爲洞上一宗。其斷橋雲門兩宗。無不錯綜其間。非時不可少之人乎。以人若此。以時若彼。其傳志之于功。與獲麟春秋鐵函心史。今古同揆。皆感時憤事。不得已而作之。大有關於道法之替興。宗緒之絕續。爲不刊之書也。豈時節人文可同日語哉。予特序之以徵其志。且表其功云。

古閩霍童崔秉鏡

南宋元明僧寶傳序

祖道東來。不立文字。正法眼藏。以心印心。如一燈傳燈。燈續焰。世俗未免有起而疑之。仲靈嵩禪師不獲已。乃撰定祖圖傳法正宗記。上之有國者。輒頒信於天下。由此綜集傳燈之書。疊疊間出其文。不一且繁。譬猶西竺分律部之爲五合。而元之本乎一禪師。大川撮諸綱領。燈會其元。會元之出燈史定矣。燈史既定。則所有言句。莫不起疴拯溺。更何疑滯而不水泮乎哉。又覺範洪禪師。嘗述僧寶傳以爲載之空言。莫如見其始終行事而深切著明也。自嘉祐至政和。據師座者垂千輩。僅八十一人入其章次。其文核而精圓。而勁合撒語之則。諸綱目無有弗備。所備者。祖師大統不易之道也。逮洪公之後。建炎以來。惟濟洞二宗。法化於世。適明季英靈一時。杰出復有繼續統燈之刻出焉。之刻出其近古之參差疑滯。似又莫能釋而定之何也。其未有得於川之融覽。洪之博綜乎。否則猶有所待而後定之乎。如近刻以海舟慈先參萬峰暮齡方謁東明。昆蓋萬峰謝世于洪武辛酉。慈於

洪武甲戌年始生蜀之成都余氏投大隋山出家名
 永慈年二十八東謁岳得法後陸沉牛首晦跡全焦
 四十四歲開法東山閱三載岳公沒岳以衣偈差東
 明住持明白菴遂至東山近刻以海舟名普慈出常
 熟錢姓脫白破山年七十餘方見岳訛哉明矣或字
 經三寫烏焉成焉與或別有所出同其名號者耶余
 以此質之大方俱以近刻爲然復請天童吾師弘覺
 恣老人吾師出智瑄智璽所立海舟永慈禪師道行
 碑示予予疑始決第不敏因探考宋建炎以至明末
 五百歲尊宿不可唐捐之實錄將成帙付弟子性磊
 令拾遺補輯共九十七人目之南宋元明僧寶傳俟
 命世賢明削而定之余何敢專焉紫籀沙門自融自
 序

南宋元明禪林僧寶傳目錄

此刻不論宗系惟書法化時代始自建
 炎丁未至順治丁亥凡五百二十一年

卷一

佛燈珣禪師

圓通眞際止禪師

智通深禪師

補性空普菴主

卷二

補祖奇二首座

或菴體禪師

補宏智覺禪師

卷三

虎丘隆禪師

補大慧杲禪師

補育王裕禪師

補華藏權禪師

卷四

補道場辨禪師

慈化普菴肅禪師

補瞎堂遠禪師

卷五

密菴傑禪師

補華藏民禪師

龍牙才禪師

補龍翔竹菴珪禪師

護國此菴元禪師

補文殊道禪師

眞歇了禪師

應菴華禪師

徑山大禪明禪師

補道場全禪師

補烏巨雪堂行禪師

天竺伽堂仁禪師

湖隱漢顥書記

育王堪禪師

補徑山印禪師

雲居杲菴莊禪師

楚山琦禪師

卷十四

隨州龍泉聰禪師

笑巖寶禪師

補龍池幻有傳禪師

補幻也慧禪師

法舟濟禪師

補敬畏空禪師

壽昌經禪師

卷十五

博山來禪師

湛然澄禪師

天童密雲悟禪師

磬山修禪師

雪嶠信禪師

拾遺忠州聚雲吹萬真大師

南宋元明僧寶傳目錄終

南宋元明禪林僧寶傳卷一

紫籙山沙門自融撰 門人性磊補輯

閩莆林友王較訂

佛燈珣禪師

禪師名守珣。號佛燈。出吉安州施姓。巨族。早歲棄家。得道於太平。佛鑑懃公。珣初參廣鑑。璞不契。竟謁佛鑑。佛鑑孤硬難入。珣乃封其衾而矢曰。此生不悟不展此也。於是晝坐宵立。逾七七。日。懃甚。適佛鑑垂語曰。森羅萬象。一法所印。珣踴躍便出法堂。即投靈雲見桃花頌曰。終日看天不舉頭。桃花爛熳始擡眸。饒君更有遮天網。透得牢關即便休。佛鑑曰。如何是靈雲不疑處。對曰。只今覓箇疑處了。不可得。曰。立沙道未徹。在那裏是未徹處。曰。深知和尚老婆心。切佛鑑喜之。會佛果至。鑑稱珣見處穩實。且曰。此子自治嚴刻。密室如對大賓。後當有造佛果。佯諾乃私招珣遊山。偶到一潭。佛果推珣落水。遽問曰。牛頭未見四祖時。如何。珣對曰。潭深魚聚。見後如何。珣曰。樹高招風。見與未見時。如何。珣曰。伸脚在縮脚裏。佛果乃大笑。

宣和收元詔佛鑑住蔣山。佛果移書與鑑必以珣首蔣山。衆由是湖海知名。建炎間住天聖開堂。時內翰王公問三聖逢人則出話。珣笑曰。公會閱詩否。曰。館務之暇何所不覽。珣曰。詩云。湖光瀲灩晴偏好。山色空濛雨亦奇。若把西湖比西子。淡粧濃抹總相宜。王公乃大稱珣於朝。待制潘良貴嘗以南泉斬猫話請益於珣。珣曰。如今士夫說禪說道。祇依著義理。便快活。似將錢買油糍喫了。便不饑。其餘便道是瞞他。亦可笑也。貴領旨後。以居士身弘珣之道。珣遷何山。晚居天寧。每憐學者根器不妙。委曲援引。如瓶瀉秋河。間有竊議不遑恤也。嘗舉婆子燒菴話。曰。大凡扶宗立教。須是其人。你看他婆子。雖是箇女人。宛有丈夫作略。二十年徒油費。醬固是可知。一日向百尺竿頭。做箇失落。直得用盡平生腕頭氣力。自非箇俗漢。知幾泊乎巧盡拙出。然雖如是。諸人要會麼。雪後始知松栢探事難。方見丈夫心。又舉瀉山一日見壁火。乃問道。吾還見火麼。曰。見。爲曰。從何處起。曰。除卻經行坐臥。請師別致一問來。瀉山休去。乃曰。連天野火了。

無涯起處。猶來辨作家。眼裏瞳人雙翳盡。面前徧界絕空花。道吾老也。堪誇且道。畢竟從甚處起。汲水僧歸林下寺。待船人立渡頭沙。有僧問賓中賓。珣答客路如天遠。候門似海深。賓中主珣答。長因送客處。憶得別家時。主中賓答。相逢不必問前程。主中主答。一朝權祖令。誰是出頭人。僧曰。向上宗乘。又如何。珣曰。大海若知足。百川應倒流。又嘗謂衆曰。兄弟若有省悟處。不拘時節。須來露箇消息。會雪夜有僧直扣丈室。珣起秉燭震威喝。曰。雪深夜半。求決疑情。因甚威儀不具。僧顧衣。珣便逐出。紹興甲寅。從天寧歸鄞。南告寂侍者。請遣偶珣。曰。不曾做得。卽逝火浴舌。根不壞塔於寶應院。珣初在廬山。日有僧彥威。冬月用荻花絮紙衣。珣見大瞋。曰。你少年。輒求溫煖。如此豈有心學道耶。威大驚退。問兄弟。時堂中有荻花衣者。纔三四人。皆年七十餘矣。

贊曰。佛燈於七七之際。頓了大事。圓悟尙剝啄之何也。如海底珊瑚。不以鐵網舉而出之。焉得珍灼於人間哉。然佛燈以清簡之風震一世。足徵其源亦不

愧也矣

圓通真際止禪師

德止禪師者世居歷陽金紫徐閔中之季子也法紹寶峯闡提照禪師照爲簡州人妙齡遊方謁芙蓉楷公於大洪有得而去及楷公辭大觀之詔而嬰難照自二吳急趨從之於途中大悟楷公遂以投子之議而系照是照與丹霞淳輩爲伯仲淳之視師猶子也是師與真歇了宏智覺又雁行焉師生十歲不肯知書多私夜坐喜公晝寢其父戲目師爲懵然子然師雙瞳紺碧神光射人出語間合聖語其父又鍾愛之異於諸子嘗稱於門客曰吾懵然不懵也師弱冠夢異僧授偈四句已而有以南安巖主像遺之者其傍所載卽向夢所授之偈也自是持念不忘一切世典過眼卽罷之年二十隨父任漕西洛每閉閣凝坐或連朝不許進食人俱恠其所爲一夜擬吹燈就寢忽大悟連吐數偈其一曰不因言句不因人不因物色不因聲夜半吹燈方就枕忽然者裏已天明於是嘯歌自若人益恠之其父欲授師世職師固讓於從兄

○補遺

乃告父曰某方將脫世網不著三界豈復刺頭於名利場中遂力求出家其父知師志決不可以章綬綰也乃旌師祝髮具苾芻戒遊方數載名振京師政和間機投闡提照公於楚南宣和三年辛丑徽宗皇帝以真際師號賜之壬寅適江州圓通席虎朝旨以照補之照辭圓通而居潞潭師遂應詔代主圓通圓通當匡廬之名刹諸山耆德尙未足師名領院日俱往觀之陞座拈提衆耳皆聳其語曰山僧二十年前兩目皆盲了無所覩唯是聞人說道青天之上有大日輪照三千大千世界無有不徧之處籌策萬端終不能見二十年後眼光漸開又值天色連陰濃雲亂湧四方觀察上下推窮見雲行時便於行處作計較見雲住時便於住處立窠臼正如是間忽遇著箇多知漢問道莫是要見日輪麼何不向高山頂上去山僧卻徵宅道那裏是高山頂上他道紅塵不到處是諸仁者好箇端的消息還會麼長連床上佛陀耶又曰昨夜黃面瞿曇將三千大千世界來一口吞盡如人飲湯水踪跡不留應時消散當爾時諸大菩薩聲聞

羅漢及與一切衆生盡皆不覺不知。唯有文殊普賢。警然覩見。雖然得見。渺渺茫茫。恰似向大洋海裏頭。出頭沒諸人。且道是甚麼消息。若也簡點得破。許你頂門具一隻眼。師住圓通。今古法門所積之廢。無不備舉。而整頓之。然以身度人。使人易行。矯清竇高之條。師弗取也。選職任事。以德不以才。嘗嘆曰。寧缺人而廢事。過在一時。若能事而敗化。則遺臭萬世矣。以故衲子游泳於圓通。如魚相忘於江湖。南宋紹興五年乙卯。示寂。闍維烟燄所及。悉有設利。諸方稱師身後佛事。與寶峯照公皆乘大願而來者也。照公先於建炎二年。示寂。其闍維亦得設利無數。舌齒不壞。師之設利塔於司空山。分空臺石原。照公設利則塔勸潭之西峯矣。

智通深禪師

禪師名景深。台州王氏子。幼喜林泉。不樂城居。每翫名山圖誌。恍若身游。年十八。竟走紫箬山之廣度院。求度於德芝沙門芝。愛其標幟不凡。卽爲披剃。廣度爲東南禪窟。瓢笠挂搭者不絕。深輒聞少室宗風。辭

芝行脚。芝難之。深泣告曰。日月迫人。速如轉轂。生死事大。敢自放手。芝憫而遣之。深出嶺而心誓曰。此去若不發明大事。以報四恩。非鬚眉丈夫也。遂扣淨慈象之室。象或垂問。深便依理而默解之一日。聞象怒叱諸禪曰。思而知慮而解。皆鬼家活計。深悚然束包而去。西入勸潭。謁闍提炤炤。炤有條約。凡僧來勸潭。須隸名行單。半載方許告香。深犯其禁。直剖已見於照公。榻下照曰。此事直須斷起滅念。向空劫已前掃除。玄路不涉。正偏盡卻。今時全身放下。放盡還放。方有自緣分。深頓領旨。炤大喜。乃擊鼓告衆曰。闍提大死之道。深闍黎得之矣。汝輩宜依之一衆。大驚。爭識深面。以故叢林共稱深爲大死翁。建炎初。出領興國軍之智通寺。紹興壬子。還台住寶藏巖。因事民其服深恬然不辨。願受之。有司知深有道。奏還僧衣。時智朋禪師新從清涼退居明州瑞巖。聞而嘆曰。嗟乎。不陷於榮。不逃於辱。寶藏法兄。真得勸潭先師之道矣。我芙蓉師翁之風。不亦大哉。適明守挽朋再赴清涼。朋一笑書偈付使者曰。相煩端使入烟霞。灰冷無湯不

點茶寄語甬東賢太守。難教枯木再生花。遂歿深聞
 慟之。乃上堂曰。來不入門。去不出戶。來去無痕。如何
 提唱。直得古路苔封。羶羊絕跡。蒼梧月鏤。丹鳳不棲。
 所以道。藏身處沒踪跡。沒踪跡處莫藏身。若如是去。
 住無依了。無向背還委。悉麼。而今分散如雲鶴。你我
 相忘。觸處玄紹興二十二年壬申三月十三日。深爲
 衆小參罷。便告寂。有偈曰。不用剃頭何須澡浴。一堆
 紅焰千足萬足。雖然如是。且道向上還有事也。無竟
 斂目而逝。深自復僧衣。其陞堂入室。提唱宗旨。切切
 無虛日。有僧問正中偏。深答黑面老婆披白練。偏中
 正。答白頭翁子著皂衫。正中來。答屎裏翻筋斗。兼中
 至。答雪刃籠身不自傷。兼中到。答崑崙夜裏行。僧曰。
 向上還有事也。無深曰。捉得烏龜喚作鰲。乞師再垂
 方便。深曰。入山逢虎臥出谷。鬼來牽。曰。何得干戈相
 待。曰。三兩線一斤麻。深之道眼精明。機用自在。於寶
 峯門下稱賢肖焉。

贊曰。芙蓉之後。異苗番茂。而闡提炤公輩。可想也。其
 門弟德止禪師。不假師授。神悟絕倫。頗當世有國者。

時稱爲太陽再世。不謬矣。至於景深禪師。則炤公獨
 提獎於人天衆前。師資緣會。夫豈偶然哉。及其弘道
 而榮辱喧天。人風確不可撼。在往哲有所不能。而獨
 能之。非深得屬提三昧者。其可得歟。嗚呼。二師於諸
 樂並作之際。而大振黃鍾。則遠錄公之。功政未替也。

龍牙才禪師

禪師名智才。姓施氏。舒州人也。進止勇猛。有囊括之
 志。斷髮爲大僧。趨最上乘。遂得旨於佛鑑。勲公公補
 太平時衆多務繁。才自典犂鑿。一衆仰焉。又謁死心
 禪師於黃龍。死心輒拈百丈埜狐公案。以徵才。才遽
 對曰。入戶已知。來見解何須更舉。轅中泥曰。死心長
 老死在上座手裏也。才曰。語言雖有異。至理且無差。
 曰。如何是無差底事。才曰。不扣黃龍角。焉知領下珠。
 死心便打才拂袖趨去。之。死心後知。乃嘆曰。太平之
 風果不寂寥。政和初。佛鑑自太平移智海。才造省佛
 鑑。以智海之衆命才首之。才辭不就。乃隱巖麓。佛鑑
 遷蔣山。才又造省。時珣禪師爲座元。有僧以女子出
 定因緣。請珣批判。珣曰。瞿曇身心如泥。女子肝腸似

鐵文殊貪尋錫子。罔明緣來著楔。歷觀大地衆生。不解閉門作活。不動干戈。建太平雨。過春山如黛。潑其僧不領。乃請決於才。才曰。女子文殊與罔明禪徒。畢竟如何。委除非格外妙投機。始信波濤元是水。僧有省。珣笑曰。須是我才蘇嚕。始得才居獄麓時。因僧問。德山棒臨濟喝。今日請師爲拈。撥才曰。蘇嚕蘇嚕。曰。蘇嚕蘇嚕。還有西來意也。無才曰。蘇嚕蘇嚕。故叢林稱爲才蘇嚕。云才遷潭州龍牙龍牙有衆數百。不以聲色而出入提揭。如左右手。均勞逸。預險夷。木榻之側。片筵不完。禪徒飫染其味。昂昂自若。一以胎風雨。穀之舌。敲唱玄猷。故居十三載。如一日。有語曰。彈指圓成八萬門。利那滅卻三祇劫。若也見得行得。健即經行。困即歇。若也未會。兩箇鷓鴣扛箇鷺。紹興間。退居雲溪。忽集衆曰。戊午中秋之日。出家住持事畢。臨行自己。尙無有甚虛空可覓。衆大驚。攀戀之。至二十三日。又曰。涅槃生死盡。是空花。佛及衆生。並爲增語。汝等諸人。合作麼生。良久。喝曰。白雲湧地。明月當天。竟長往火浴。收五色舍利塔於本山。

贊曰。佛鑑嘗謂才公云。住持有三訣。見事能行。果斷三者缺一。則見事不明。終爲小人。忽慢住持不振矣。故才公開化二十載。衆敬畏之。如羽族隨鳳。懷其德。也是時死。心善罵天下。羣縮獨於公。則嘖嘖延譽於不哀。豈徒然哉。

性空普菴主

禪師妙普者。字性空。漢州人也。公性少緣飾。好面折人。能與公游者。始終皆播令名。公嘗以短策荷斂。納歷諸名山。不喜同衆挂搭。或宿古廟。或寄閒房。有以耐叢林而諫公。公爲諾諾而已。及見死心於黃龍。乃折策堅依之。竟得黃龍之旨。死心獨奇。公公慕船子。遣風辭抵秀水。結茅青龍之埜。吹鐵笛自娛。愛發新聲。嘗歌曰。心法雙忘。猶隔妄色。塵不二尙。餘塵百鳥不來。春又過。不知誰是住菴人。又曰。學道猶如守禁城。晝防六賊。夜惺惺。中軍主將能行令。不動干戈治太平。又曰。十二時中。莫住工。窮來窮去。到無窮。直須窮徹無窮底。踏倒須彌第一峯。建炎初。徐明唱飯道經。烏鎮恣殺戮。鷄犬絕聲。公憫之。乃曳履獨往。或以

險難止。公公曰：隨緣赴感，吾之願也。賊見公偉異，疑必跪伏者，執問來端。公曰：吾乃禪者，欲抵密印寺，豈有他哉？賊怒欲殺公，笑曰：大丈夫要頭，便斫去，何以怒爲？願施一飯，以爲送終。賊意稍解，授以肉食。公如常應供，出生畢，乃曰：孰當祭我以文？賊相笑，顧不答。公曰：吾自爲之。賊復相笑，遣以禿筆，公起大書於空壁曰：嗚呼！惟靈勞我以生，則大塊之過役我；以壽則陰陽之失乏我，以資則五行不正困我，以命則時日不吉吁哉！至哉！賴有出塵之道，悟我之性，與其妙心，則其妙心孰與爲隣？上同諸佛之真化，下合凡夫之無明。纖塵不動，本自圓成。妙矣哉！妙矣哉！日月未足，以爲明；乾坤未足，以爲大；磊磊落落，無罣礙六十餘年，和光混俗。四二十臘，逍遙自在。逢人則喜，見佛不拜笑矣乎！笑矣乎！可惜少年郎，風流太光彩，坦然歸去，付春風。體似虛空，終不壞；尙饗字勢，飛動數壁俱盡。遂舉筋飭飯，食賊徒爭視，大笑。公食罷，復高聲招曰：來來！劫數既遭，離亂我是快活烈漢。如今正好乘時，便請一刃兩段，又大呼斬賊，大駭，異令衛出之。

烏鎮廬舍獨全，公之惠也。道俗聞益，皈仰以名利致。公不顧，或說公從上付託之重，公輒以鐵笛揮之，紹興庚申，命造大盆，修書寄雪竇，持禪師曰：吾將水葬矣。持笑曰：風流老子，灼有商量。壬戌持至，見公尙存相敘，歡甚。占偈嘲曰：咄哉老性空，剛要餒魚驚。去不索性去，只管向人說。公笑曰：惟待老兄證明耳。令告四衆，案集公爲說法，仍說偈曰：坐脫立亡，不若水葬。一省柴燒，二省開墾，撒手便行，不妨快喫。誰是知音？船子和尙，高風難繼。百千年一曲漁歌，少人唱。遂盤坐盆中，弄笛順潮而下。緇素隨至，不可勝計。望欲斷目，公取寒潭水而回衆擁觀，水無所入，復乘流而往。引聲拍掌，長歌曰：船子當年返故鄉，沒踪跡處妙難量。真風偏寄知音者，鐵笛橫吹作散場。其笛聲嗚咽，頃於蒼茫間，見以笛擲空而沒。後三日，灘頭跌坐如生，四至爭往迎歸。留五日，異香不散，闍維時有二玄鶴徘徊空中，得舍利大如菽者，莫計。塔於青龍，其尺楮片言流播人間，珍如珙璧。

贊曰：余考建炎之擾，高蹈物表，不無其人。普公直躡

不測之學。因機示教。布置節次。毫忽不亂。此其智力。願力可稱兩足矣。惟願末追慕船子。雖釣盡清波金鱗。不遇而公之慈風凜然在也。

龍翔竹菴珪禪師

禪師名士珪。號竹菴。蜀郡成都史氏子。乃龍門佛眼遠公之高弟也。說法於江南浙閩諸大名坊。珪有密行。喜推獎人士。一與珪接者。皆成美名。珪初依止於大慈沙門宗雅。研究楞嚴。而雅亦僧杰也。默察珪器度宏。大意欲珪南詢。乃盛贊真歇之爲人。蓋歇未出蜀時。亦習講於成都大慈珪味其指。棄講謁諸名宿。雖經賞識。未豁所蘊。晚登龍門。擬以平時所得。舉似佛眼。佛眼知珪命典堂司。不得辭。珪以未伸所解爲悶。幾入方丈。多遇高菴正堂輩在焉。高菴正堂時稱明眼。珪慚乘間問曰。絕對待時如何。佛眼哂曰。如你僧堂中白椎相似。珪不領至晚。理前問。佛眼睡曰。閒言語。珪背汗淋踵。弗吐一詞而出。因嘆曰。窮諸玄辨。若一毫置於太虛。隔世樞機。似一滴投於巨壑。吾蜀周金剛不謬矣。政和間。開法天寧。浩歸湖海。馮濟川

嘗以珪之玄要。頌舉似妙喜。妙喜稱之及濟川。除給事。珪同日受詔住雁山。能仁時稱佛眼。門下表裏二檀樹焉。真歇居江心寺。有大名聞。珪將至。恐東甌未廓所見。乃過江迎珪。大展九拜。以誘甌人。珪未視篆。有嫉者深夜縱火。能仁燬盡。珪就故址結茅。乃示衆曰。愛閒不打禾山鼓。投老來看雁宕山。杰閣嶽樓。渾不見。溪邊茅屋兩三間。還有共相出手者麼。喝一喝。未幾能仁復成初寺。燬隨珪之衆多背去者。寺成復歸。或曰。彼彼以成敗事師。非義侶也。請勿收。錄珪曰。不然。境風所飄。力未充也。若棄之。豈慈攝之義哉。真歇移徑山。珪補江心。江心有僧久居閒房。不預參列。值珪陞座。攬衆出問曰。如何。是祖師西來意。珪曰。東家點燈。西家暗坐。未審意旨如何。珪曰。馬便搭鞍。驢便推磨。僧禮拜珪曰。靈俐衲僧只消一箇。珪乃曰。馬搭鞍。驢推磨。靈俐衲僧只消一箇。縱使東家明點燈。未必西家暗中坐。西來祖意問如何。多口阿師自招禍。其僧脫然終其身。不露姓字。珪後住閩之乾元。有慧溫入室。珪曰。情生智隔。想變體殊。不用停囚長智。

速道將來溫有省。大笑起曰。拶出通身是口。何妨罵雨呵風。昨夜前村猛虎。敵殺南山大虫。珪諾之又移居鼓山。進院至三門。德昇把住問曰。國師不誇石門句。請師速道。珪震聲喝之。昇亦領旨。珪既年老。罷上堂。惟臨軒隨機。不計旦暮而已。以紹興丙寅七月晨起沐浴。陞座。命聲鼓集衆。衆方集。珪顧視左右。就法座泊然坐化。茶毗舍利無數。送者均得之。塔於鼓山。贊曰。竹菴以魁梧奇偉之姿。初剃染。即受知於宗雅。遊方復際遇於龍門。及行道。又逢真歇而襄之。與高菴正堂輩齊名海內。噫。其所謂獅子乳得器有以哉。

南宋元明僧寶傳卷一

南宋元明禪林僧寶傳卷二

祖奇二首座

黃龍曰。道如山愈升而愈高。如地愈行而愈遠。學者卑淺盡其力而止耳。惟有志於道者。乃能窮其高遠。其他孰與焉。悲夫衆生之見。以形影爲高。以肝膽爲遠。遠則生疑。高則生慢。疑之疾痼於胸次。所以與道日劫相違。故大慈示現。始假之以名。終昭之以跡。然名忘則形影之山非高。實跡則肝膽之地非遠。俾血氣之屬莫不一貫而歸之。且名跡又安可少哉。達士則不然。若華亭白丁。日擾憂於烟波。渚月之間。投之者有夾山。至於城隅破院。一語之下。識老僧而終嗣之者。清涼也。又若貫首座。單丁三十載。至今聞其風。莫不高山在仰。嗚呼。豈盡必萬指團遶。始稱有志於道。而後定向往哉。余輯傳。見有宗振首座者。出昭覺之門。嘗書壁云。住在千峯最上層。年將耳順任騰騰。免教名字落人齒。甘作今朝百拙僧。味其語句。蓋龍山大梅之儔也。惜後事莫考。不可得而傳。惟祖奇

二首座能窮山地之高遠耳。倘所謂有得於道者。非耶。傳曰。道祖首座者。成都人也。緇裘敝履。健於遊操。鄉音見圓。悟衆笑之。然悟愛其品。堪任大法。乃以卽心是佛。話上下鞭策之。祖忽開悟。於是出語驚人。人莫測也。一日圓悟白衆。以祖爲堂中第一座。衆竊議曰。老漢大有鄉情。在祖輒爲衆入室。聘其石光電閃之機。素稱強項魁杰者。皆爲失色。尙餘二十許人。祖驚擊案問曰。生死到來如何。回避左右。無對。祖擲下拂子。奄然脫去。衆大驚。亟聞圓悟悟至。召曰。祖首座。祖張目視之。悟曰。抖擻精神。祖點首。竟長往矣。世奇首座亦成都人。常隨佛眼。和尙其慈祥博厚。爲衆所仰。眞參實請。不問寅昏。佛眼每嘆曰。若奇闍黎。可謂晚季之精進。幢子也。奇旣得旨於佛眼。佛眼命奇首衆於龍門。奇固辭曰。此非細事也。如金鍼刺眼。毫髮有差。睛則破矣。願盡未來際。生居學地。而自煅煉佛眼。因以偈美之曰。有道只因頻退步。謙和原自慣回光。不知已在青雲上。猶更將身入衆藏。暮年學者力請。不容辭。每與宿衲盤桓。糾結處。一語釋之。佛

眼益爲嘉嘆。一日集衆說偈曰。諸法空故我心空。我心空故諸法同。諸法我心無別體。祇在而今一念中。且道是那一念。良久震威一喝而終。自是之後。字內禪社常追繹二首座之風。以率衆焉。

贊曰。建叢林立。宗旨獨掌。委不浪鳴。自我本師能仁分座於多寶世尊之後。其激揚法化。爲人天眼者。斑斑較著焉。今觀祖奇二公。以去來自在。三昧克壯。一代宗猷。豈偶然哉。或以九峰侍者之機。而冒按之。所謂夜郎王初具君臣。不知漢大也。

護國此菴元禪師

此菴禪師者。東甌人也。出張氏名景元。元以妙年謁圓悟勤公於鍾阜。公卽許元入侍。時悟公左右皆顯名宿。德元與之抗。或議其少。叢林公不顧。然元不離公榻下。洞徹玄旨。機發觸衆。有訴於公公。笑曰。我家聲頭侍者。汝姑避之耳。自是衆憚其鋒。靖康改元。圓悟歸蜀。元辭還。浙悟公曰。向去有人問你作麼。生元拈傍僧背曰。和尚問你何不抵對。公大笑曰。我有些子禪。被元聲頭一布袋盛將去也。叢林又共稱爲元。

布袋云。圓悟乃題小像而付元曰。平生只說聲頭禪。撞著聲頭如鐵壁。脫卻羅籠截脚跟。大地撮來墨漆黑。晚年轉復沒刁刀。奮金剛鎚碎窠窟。他時要識圓悟面。一爲渠儂併拈出。元既受囑。鏗彩埋光。不求聞達。耿龍學守括蒼。因閱圓悟錄。得元之爲人。時南明虛席遂遣使物色之。至台之報恩。獲於衆中。迫授南明之命。衆尙呶呶無信。可意有僧問曰。逢人則出。出則不爲人。意旨如何。元曰。八十翁翁嚼生鐵。進云。逢人則不出。出則便爲人。又作麼。生曰。須彌頂上浪翻空。報恩方丈古禪師。乃靈源高弟。深駭異之。卽推崇元。勉應其命。元受請。曰。古公先引座。舉白雲見楊岐。岐舉茶陵悟道公案。請元批判。元乃陞座曰。諸禪德。楊岐大笑。眼覩東南意。在西北。白雲悟去聽事不真。喚鐘作鐺。檢點將來。和楊岐老漢。都在架子上。將錯就錯。若是新南明。則不然。我有明珠一顆。切忌當頭錯過。雖然覿面相呈。也須一槌打破。舉拂子云。還會麼。基逢敵手難藏拙。詩到重吟始見工。於是海衆聞風奔集。南明南明開堂日。僧問。昔年三平道場。重與

是日圓悟高提祖印。始自師傳。如何是臨濟宗元曰。殺人活人不眨眼。目前抽顧鑑。領略者還稀。如何是雲門宗元曰。頂門三眼耀乾坤。未舉先知未言先見。如何是潯仰宗元曰。推不向前約不退後。三界惟心。萬法惟識。如何是法眼宗元曰。箭鋒相值不相饒。建化何妨行鳥道。回途復妙顯家風。如何是曹洞宗元曰。手執夜明符。幾箇知天曉。僧曰。向上還有路也。無曰。有曰。如何是向上路。元曰。黑漫漫地。僧便喝。元曰。貪他一粒米。失卻半年糧。又問。天不能蓋地。不能載。是甚麼物。元曰。無孔鐵鎚。曰。天人羣生。類皆承此恩力也。元曰。莫妄想。又問。三世諸佛。說不盡底。請師速道。元曰。眨上眉毛。乃曰。威音王已前者。隊漢錯七錯八。威音王已後者。隊漢落二落三。而今者。隊漢坐立儼然。且道是錯七錯八。落二落三。還定當得出麼。舉拂子云。吽吽。又曰。埜干。鳴師子吼。張得眼。開口動。南星蹉北斗。大家還知落處麼。金剛墜下。蹲神龜。火裡走。又歷應仰山。連雲諸刹。晚遷天台護國寺。寺久廢。元樂而新之。紹興丁丑。輒請西堂應菴禪師首衆。

以後事囑之俄頃握右拳蛻去年五十有三坐三十
五夏茶毗得五色舍利齒舌右拳無少損塔於寺東
劉阮洞前松窓居士錢端禮聞訃乃喟然曰吾師何
獨行也適平田簡堂禪師并瑞巖國清二主人至禮
與詳敘遂旦遂書語別之置筆顧曰先師握拳而去
禮坐去好臥去好簡堂哂曰一去便了理甚坐臥禮
合爪曰法兄當爲祖道自愛正坐斂目而逝簡堂名
行機後住國清或菴住焦山而元公之道大弘焉

或菴體禪師

或菴禪師名師體台州羅氏子也師事此菴兄事簡
堂簡堂既得契證因密言於此菴曰體公他日十倍
於某願和尚憐之此菴默然自是護國諸役皆遣體
任之體勇於謀道雖百冗終歲未見喜愠之色忽徹
旨於此菴一喝之下乃投頌曰商量極處見題目途
路窮邊入試場拈起毫端風雨快者回不作探花郎
此菴密書片紙而付體曰老壽開花佳火結子體乃
匿跡天台居無定所崖穴之士率得法利丞相錢公
象先遂以天封招提勉令應世體宵遁去錢公深爲

太息乾道初遠公瞎堂住國清因見體題圓通像贊
曰不依本分惱亂衆生瞻之仰之有眼如盲長安風
月實今昔那箇男兒摸壁行驚喜曰不謂此菴有此
兒耶徧索之得於江心寺固於稠人中請充第一座
僧問體曰一種沒絃琴久居在曠野不是不會彈未
遇知音者知音既遇未審如何品弄體曰鍾作鍾鳴
鼓作鼓響叢林雜然稱善瞎堂遷虎丘體就省道俗
聞體高風力以覺報蘭若延之覺報舊名老壽菴體
忻然來就以爲此地符先師所識體初住老壽菴子
難搆瞎堂嘗謂體曰人之才器自有大小誠不可強
故楮小者不可懷大綆短者不可汲深臨鶴夜撮蟲
察秋毫畫出瞋目不見丘山蓋分定也於是體別展
機宜以歸來學室中常摩挲苕帚柄問學者曰依稀
苕帚柄彷彿赤斑蛇學者擬議輒舞苕帚柄駭之有
老衲請其旨體曰棒下無生忍臨機不見爺僧傳至
虎丘瞎堂曰者箇山蠻杜拘子放拍盲禪治你那一
隊猿狐精體聞說偈曰山蠻杜拘得能憎領衆匡徒
似不曾越格倒拈苕帚柄拍盲禪治猿狐僧瞎堂知

之大笑而已。晚移焦山上堂。舉臨濟四喝話。乃召衆曰。者箇公案。天下老宿拈掇甚多。第恐皆未盡善。焦山不免四稜著地。與諸人分明註解。如何是金剛王寶劍。咄。如何是踞地獅子。咄。如何是探竿影草。咄。如何是一喝不作一喝用。咄。若也未會。拄杖子與焦山吐露看。卓一下。曰。笑裏有刀。又卓一下。曰。毒蛇無眼。又卓一下。曰。忍俊不禁。又卓一下。曰。出門是路。更有一機。舉話長老也。理會不得。又曰。道生一無角鐵牛。眠少室。一生二。祖父開田說大義。二生三。梁間紫燕語呢喃。三生萬物男兒活計。離窠窟。多處添少處減。大虫怕喫生人膽。有若無。實若虛。爭掩驪龍明月珠。是則是。祇如焦山坐斷諸方舌頭。一句作麼生。道肚無偏癢。病不怕冷。油盡拍禪床下座。又雲。水率以十智同真。浩浩商量。體曰。朝暮三四豈良狙哉。乃大書於僧堂曰。陽春白雪。非難和。藻鑑水壺。豈足觀。一把柳絲收不得。和烟搭在玉闌干。有居士愛問諸禪曰。夫婦相打通。兒子作證。且道證父。卽是證母。卽是江湖對者。不滿其意。體寄以語曰。小出大遇。居士從此。

不問話。淳熙己亥八月。示疾。召衆言。別曰。先師結子之讖。今其時矣。衆涕淚不已。體揮其手。復彈指曰。鐵樹開花。雄鷄生卵。七十二年。搖籃繩斷。遂趨寂。先一日。手書并硯。寄別侍郎曾公。逮曾公奔至。以偈勸曰。翻翻隻履逐西風。一物渾無布袋中。留下陶泓將底用。老夫無筆判虛空。

贊曰。千峯合嶽。嶽影自崇。萬籟靈秋。秋光自迥。蓋理之必然也。顧瞎堂索或菴於寂寞窮海之心。豈閒相識哉。然或菴一出。天下英靈霍然。左袒揆厥所繇。聲頭之禪峻矣。乃其後棄與瞎堂遠。公齊鳴。豈非漢家子弟盡隆準乎。

文殊道禪師

禪師名心道。眉州人也。生徐氏。性剛毅。矜氣節。施德於人。使人不知。赴人之厄。如救已溺。然厭世法。布襦芒鞋。出入古招提。意趣純一。苦行頭陀也。以三十歲出家。自恨其晚習。教參禪。寒暑衣不解帶。遂爲佛鑑懃禪師之長子。襲守慕其節操。請主天寧。解包之日。一拂臨軒龍象。不啻子來。後遷常德之文殊寺。宋道。

君皇帝宣和初尚方術敕改僧爲德士天下禪林刹竿易號一時我諸老宿皆結舌而遜惟道公與祖鏡英禪師受詔英仍住太梅道仍住文殊人譏之道束髮加冠陞座曰祖意西來事今朝特地新昔爲比丘相今作老君形鶴擎披銀褐頭包蕉葉巾林泉無事客兩度受君恩所以道欲識佛性義當觀時節因緣且道卽今是甚麼時節毗盧遮那頂戴寶冠爲顯真中有俗文殊老叟身披鶴氅且要俯順時宜一人既爾衆人亦然大家成立叢林喜得羣仙聚會共酌迷仙酌同唱步虛詞或看靈寶度人經或說長生不死藥琴彈月下指端發太古之音基布軒前妙著出神仙之外進一步便到大羅天上退一步卻入九幽城中祇如不進不退一句又作麼生道直饒羽化三清路終是輪迴一幻身英公則恣筆注老子以進道君道君嘉悅命頒道藏流行乃賜英冠珮壇誥人復議二公爲佞次年復僧道公陞座曰不挂田衣著羽衣老君形貌頗相宜一年半內閒思想大抵興衰各有時我佛如來預識法之有難教中明載無不委知較

量年代正在於茲體得其便惑亂正宗僧改俗形佛更名字妄生邪解刪削經文鑄鉞停音鉢盂添足多般矯詐欺罔聖君賴我皇帝陛下聖德聖明不忘付囑不廢其教特賜宸章頒行天下仍許僧尼重新披剃實謂寒灰再燄枯木重榮不離俗形而作僧形不出魔界而入佛界重鳴法鼓再整顏綱迷仙酌變爲甘露瓊漿步虛詞番作還鄉曲子放下銀木簡拈起尼師壇昨朝藉手擎拳今日和南不審祇改舊時相不改舊時人敢問大眾舊時人是一箇兩箇良久曰秋風也解嫌狼藉吹盡當年道教灰英公獨不改服仍冠珮逍遙山居大梅人益譏之道聞而嘆曰大梅老真不忝雲門之裔也後果於南宋紹興間擊鼓集衆捐冠珮象簡於地乃露頂披伽黎拈拄杖說妙法竟擲下拄杖斂目而逝英公九峯詔爲雲門六世道居文殊旣久時南北烽燹競發宇內叢社率苟簡安衆而已道獨不然有以翰墨隨身常嗔訶之或問其故道嘆曰嗟乎取捨情存是非鬬亂行未一尺說便一丈不足取信於天下使血氣之屬偷心不息者皆此輩也而握

造化之病能辭其責乎言訖潸然建炎三年春示衆曰正法眼藏瞎驢滅臨濟何曾有是說今古時人皆妄傳不信但看後三月至閏二月賊鍾相叛其徒請南避之道叱曰學道所以了生死何避哉賊至道端坐木榻若不知賊疑舉架殘之血皆白乳賊衆大駭引席覆之及靖火化顏不少異香烟如雲門人慧方聞道嬰難則隱於潭州不肯應世其繼文殊席者乃思業也業世爲屠宰因戮猪忽徹心源棄刀走文殊呈偈曰昨夜叉心今朝菩薩面菩薩與夜叉不隔一條線道公笑曰你正殺猪時見箇甚麼業作鼓刀勢公領之

贊曰戈矢播廣長之音梟獍說殊勝之法處違常順履險常安道公得之矣公詞華閑放望蓋天下不許參徒馳騁翰墨蓋亦三折股而知醫者乃云學道所以了生死豈虛言哉又與大梅脫印同文所謂其利斷金也

宏智覺禪師

禪師名正覺姓李氏李氏爲隰州善族覺公生則肉

環特起於臂蓋其母孕時夢感之徵也七歲日誦數千言佛陀遜禪師見而大異以法室祥麟記之又四載公果得度年十八遊方決誓而行親友俱賢之遂依枯木成禪師於香山香山多佳士成獨器公公受嚴折不發聞誦法華經有省卽陳所悟於成成指臺上香盒曰裏面是甚麼物對曰是何心行曰你悟處又作麼生公畫圓相呈之又拋向後成曰弄泥團漢有甚麼限曰錯成曰別見人始得公諾諾而去造丹霞時丹霞淳禪師居焉淳爲芙蓉楷之子楷嗣投子青青嗣太陽玄玄公神觀奇偉慎其付授年至八十嘆無可繼者乃以皮履直裰寄浮山遠錄公使爲求法器兼識以偈偈曰楊廣山頭草憑君待價煇異苗翻茂處深密固靈根遠旣任荷兩宗居聖殿出洞下宗旨示青青悉妙契遠以大陽頂相皮履直裰令青續其宗系故青爲淳之祖而淳爲青原思下十二世也淳受公展訖卽問曰如何是空劫以前自己對曰井底蝦蟆吞卻月三更不借夜明簾曰未在更道公擬議淳以拂打曰又道不借公大悟其旨便作禮淳

曰何不道取一句對曰某、日失錢遭罪淳嘖然曰未暇打得你自此丹霞白樵日非公莫敢發響淳移大洪命公居七衆之首四年又分同門真歇了之座於圓通六年出住泗州普照歷舒州太平江州圓通能仁真州長蘆俱爲禪衲區敷而洞上之風大廓有問五位宗旨公以頌示曰正中偏。雲碧星河冷。浸天夜半木童敲。月戶暗中驚。破玉人眠偏。中正海雲依約神仙頂。婦人髮髮白。垂絲羞對秦臺寒。照影正中來。午夜長鯨蛻甲開。大背摩天振雲翼。翔遊鳥道難該彖中至。覲面不須相忌諱。風化無傷的意玄光中有路天然異。彖中到斗柄橫斜。天未曉鶴夢初醒。露葉寒。舊巢飛出雲松倒。建炎初又住天童屋廬。秋隘衲子結草樹居常數千指。未幾所廢俱成而宏勝冠南國焉有羽客私進乾汞之術。公曰我輩非不能也。願欲植家有所植。福耳爲汝驗之以汞納口坐踰時吐白金於地。客駭謝而去。公之再住天童適金人陷明州。諸利皆燬。及窺小白嶺見谷積陰雲疑有伏甲懼而退。時江聲絕渡千二百衆俱安牀藉知事憂

之頃之嘉禾錢氏致穀千斛歲雖艱遠施無厭瞻衆之餘存活白衣老少數萬人。有詔移靈隱未越月解歸公於天童計三十載而名號所彰萬方。革面上堂曰黃閣簾垂誰傳家信。紫羅帳合暗撒眞珠。正恁麼時視聽有所不到。言詮有所不及。如何通得箇消息。去夢回夜色依稀曉。笑指家風爛熳春。又曰諸禪德吞盡三世佛。底人爲甚麼開口不得。照破四天下底人爲甚麼合眼不得。許多病痛與你一時拈卻了也。且作麼生得十成通暢去。還會麼。壁開華岳連天色。放出黃河到海聲。僧問清虛之理畢竟無身時如何。曰文彩未痕初消息。難傳際僧曰一步密移玄路轉。通身放下劫壺空。曰誕生就父時合體無遺。照僧曰理既如是。事作麼生。曰歷歷纔回分化事。十方機應又何妨。僧曰恁麼則塵塵皆現本來身也。曰透一切色超一切聲。僧曰如理如事。又作麼生。曰路逢死蛇莫打殺。無底籃子盛將歸。僧曰入市能長嘯。歸家著短衫。公曰木人嶺上歌。石女溪邊舞。又僧問如何是向去底人。公曰白雲投壑盡青嶂。倚空高如何是向

來處人公曰滿頭白髮離巖谷半夜穿雲入市廊如何是不來不去底人公曰石女喚回三界夢木人坐斷六門機公提唱語句湖海爭鬪炙之均以爲因公得見青精二尊宿也公雖年老日常過午不食纖絲不衣有巨賈獻奇製新錦公堅卻之曰爲孝一人勞千里信施老僧不忍居也必不已估直以供衆是以廉約成風天下效之紹興丁丑九月出隊言別於越帥趙公令讓及諸檀信次月七日還山遂作書請妙喜主我法門後事已而沐浴更衣告衆曰夢幻空花六十七年白鳥烟沒秋水連天俄報妙喜至公泊然蛻去妙喜爲公剃髮舍利隨指而下龜留七日頗不少異塔於東谷諡曰宏智塔曰妙光

贊曰觀覺公唱教當乾坤鼎沸之秋關啓東南續言密行爲湖海傾歸妙喜尙左遜之其餘欲並駕爭驅知其孰可也嗟乎洞上宗風微公孰慰浮山之望而足太陽之心哉

真歇了禪師

真歇禪師諱清了蜀之左綿安昌雍氏子也生有慧

根眉目疎秀神宇靜深見佛則欣戀不捨年十一依聖果寺俊僧受業又七歲試法華經得度具戒聽講立解經論以爲言說終非究竟出峽直抵沔漢扣丹霞子淳禪師淳問如何是空劫時自己師擬對淳掌之師契旨翌日淳上堂曰日照孤峰翠月臨溪水寒祖師玄妙訣莫向寸心安師趨進曰今日瞞某甲不得也曰試舉看師良久淳曰將謂你警地師便出輒北遊五臺京汴南抵儀真謁長蘆祖照一語契合命爲侍者踰載分座照常以老疾擬閑退夢人告曰蜀僧可代照未決蜀僧爲誰至宣和壬寅照病篤恍省前識蜀僧卽了首座也廼囑經使陳公請了繼席長蘆開法以香酌丹霞淳語曰我於丹霞先師一掌下伎倆俱盡覓箇開口處不可得如今有恁麼快活不徹底漢麼若無銜鐵負鞍各自著便於是洞宗大振禪流如歸亦多照公遜席之力也及照歿師以父禮行喪事亦宜矣師居七載建炎二年戊申南遊普陀以溈和機引導海山七百餘家皆棄網業庚戌應天台國清寺尋受闍之雪峯紹興五年丙寅奉旨補明

州育王寺育王院務曠販不易承理。因遞代通負幾二十萬貫。咸爲師憂。而師居未幾間。償舊逋負十有八九矣。戊午詔遷蔣山。疾辭不赴。明年朝旨以溫之龍翔興慶二院合一禪林。詔師主之。僧集如雲。齋粥不繼。朝以法田千畝賜之。又詔主雙徑。慈寧太后建崇先寺。居師。賜金欄銀絹法物。隆渥殊甚。師以爲可作歸休計。上堂轉功就位。是向去底人。玉韞荆山貴。轉位就功。是卻來底人。紅爐片雪。春功位俱轉通身。不滯撒手。無依石女。夜登機密室。無人掃正。恁麼時。絕氣息。一句作麼生。相委良久。云。歸根風。墮葉照盡。月潭空。尋示疾中使問候。師從容敘謝。乃呼首座曰。吾行矣。踟躕瞑目而逝。時紹興二十二年壬申十月朔日也。越世六十有二。坐四十五夏。凡七處說法。五承紫泥之詔。得度弟子四百。嗣法者宗珏等三十餘人。所編語錄二集若干卷。行世。其語曰。窮微喪本體。妙失宗一句。截流玄淵及盡。是以金針密處。不露光芒。玉線通時。潛舒異彩。雖然如是。猶是交互雙明。且道巧拙不到。作麼生相委。良久云。雲蘿秀處。青陰合。

巖樹高低翠鎖深。師之語句精妙。約類如此。僧問不落風彩。還許轉身也。無師曰。石女行處不同。功曰。向上事作麼生。師曰。妙在一遍。前豈容千聖眼。僧禮拜。師曰。祇恐不恁麼。師一日入厨看羹麪。次忽桶底脫。衆皆失聲曰。可惜。許師曰。桶底脫自合歡喜。因甚煩惱。曰。和尚卽得。師曰。灼然可惜。許一桶麪。臨機勘辨。約類如此。

贊曰。師初於丹霞掌下。洞徹根源。便乃遨遊南北。衡抗時機。不無離師太早之譏。殊未知真龍不借涓滴。而能霖霖九天。豈與點額鈍鱗同田量論哉。況師夙承弘願。以英偉之操。深明的旨。宜請假觀方。非分外也不期際長蘆推代之風雲卒爾廣澤宜矣。故曰。得時而動。則功成百世。其師之謂乎。

南宋元明僧寶傳卷二

南宋元明禪林僧寶傳卷三

虎丘隆禪師

禪師和之合山人也。名紹隆。機投佛果。勤禪師出世。開聖次。遷彰教果。還□移居虎丘。時佛果門賢雖有妙喜輩。尙菴居楚吳。禱子惟趨虎丘。故虎丘法筵之盛。無異佛果之住蔣山也。師凡見學流。必以湛堂死心諸宗匠而龜鏡之。蓋師初爲大僧。輒知有於長蘆信公。言下因慕佛果老人造夾山而道。孫寶峯見器於湛堂。又過黃龍。抗機於死心。抵夾山。適佛果移道。林師從其行。佛果問曰。見見之時。見非是見。見猶離見。見不能及。豎拳云。見麼。對曰。見。曰。頭上安頭。師脫然契證。佛果復召曰。見箇甚麼。師曰。竹密不妨流水。過佛果。深肯之。於是二十載侍從於果。而隆睡虎之名。歛驚叢社矣。宣和間。辭歸省親。因住褒禪山。靖康改元。領開聖爲建炎之擾。退隱銅峯。尙書李公光起師居彰教。間有老宿聞而笑曰。瞋睡虎。今插翅矣。紹興癸丑。遷平江之虎丘。虎丘爲南國衣冠之藪。懷香

請益外。掀禪床。喝大衆之輩。騰騰不絕。僧問爲國開堂一句作麼生道。師曰。一願皇帝萬壽。二願重臣千秋。曰。祇如生佛未與時。一著落在甚麼處。師曰。吾常於此。切曰。官不容針。更借一問。時如何。師曰。據虎頭收虎尾。曰。中間事作麼生。師曰。草繩自縛。漢曰。毗婆尸佛。早留心。直至如今。不得妙。師曰。幾行巖下路。少見白頭人。問。九旬禁忌。意旨如何。師曰。理長卽就。曰。祇如六根不具。底人還禁得也。無。師曰。穿過鼻孔。曰。學人小出。大遇師。曰。降將不斬。曰。恁麼則和尙放某甲。逐便也。師曰。停囚長智。問。如何。是大道真源。師曰。和泥合水。曰。便恁麼去。時如何。師曰。截斷草鞋跟。問。古人到者裏。因甚麼不肯住。師曰。老僧也。恁麼曰。忽然一刀兩段。時如何。師曰。平地神仙。問。如何。是截鐵之言。師曰。滿口含霜。曰。何必如此。師曰。闍黎又作麼生。曰。痛領一問。師曰。也須吐卻。諸方以師之機。類於五祖。其上堂曰。凡有展托盡落。今時不展不托。墮坑落壑。直饒風吹不入。水洒不著。箇點將來。自救不了。豈不見道。直似寒潭月影。靜夜鐘聲。隨扣擊以無虧。

觸波瀾而不散。猶是生死岸頭事。拈拄杖一劃云。劃斷古人多年葛藤。點頭石不覺拈掌大笑。且道笑箇甚麼。腦後見腮。莫與往來。又曰。目前無法。萬象森然。意在目前。突出難辨。不是目前法。觸處逢渠。非耳目之所到。不離見聞覺知。雖然如是。也須踏著它。向上關。楔子始得。所以道。羅籠不肯住。呼喚不回頭。佛祖不安排。至今無處所。如是則不勞斂念。樓閣門開。寸步不移。百城俱到。還委悉麼。路逢死蛇。莫打殺。無底籃子。盛將歸。諸方又以師語類於白雲。白雲端和尚。嘗立祖堂。昭享先澤。師追繹其事。圖其像而安奉之。故有語曰。天子之廟九諸侯之廟七。況金輪世諸寧甘草草飲水。遽昧其源於義安乎。於是叢林咸遵行焉。師前後據室。敷展化儀。不以獅乳暴迸非器。所以得法於師者。氣宇如王。丙辰五月。佛果訃。始至師。乃白衆曰。當以第一座宗達承虎丘院事。復索筆書最後法語。儼然化去。壽六十。坐四十五夏。塔於本山有門人應菴華禪師。

應菴華禪師

應菴禪師諱曇華。北宋徽宗崇寧癸未。生於楚黃江氏。神彩炳異。識度持重。年十七。具決定志。津濟羣品。棄家得道於虎丘隆公。隆先妙喜。受印於佛果。佛果嗣法東山演禪師。而應菴爲東山之四世也。當時推二甘露門。謂楚西有應菴。浙東有妙喜。妙喜謫梅楊有傳。應菴法語至者。妙喜譽不容口。以偈柬曰。坐斷金輪第一峯。千妖百恠盡潛蹤。年來又得真消息。報道楊岐一脉通。應菴之語曰。九年面壁。壞卻東土兒孫。隻履西歸。鈍置黃面老子。以拄杖畫一畫云。石牛橫古路。一馬生三寅。又曰。十五日以前。水長船高。十五日以後。泥多佛大。東海鯉魚打一棒。雨似盆傾。直得三千大千世界。一切衆生。悉皆歡喜。謂言打者一棒。不妨應時應節。山僧不覺通身踴躍。遂作詩一首。舉似大眾。蜻蜓許是好蜻蜓。飛來飛去不曾停。被我捉來。摘却兩邊翼。恰是一枚大鐵釘。又曰。飯籬邊。漆桶裏。相唾饒你。潑水相罵饒你。接嘴黃河三十年一度。清蟠桃五百歲一次開花。鶴勒那敲定牙關。朱頂王呵呵大笑。歸宗五十年前。有一則公案。今日舉似。

諸人且道是甚麼公案。王節級失卻帖。又曰。參禪人切忌錯用心。明見性是錯用心。成佛作祖是錯用心。看經看教是錯用心。行住坐臥是錯用心。喫粥喫飯是錯用心。屙屎送尿是錯用心。一動一靜一往一來是錯用心。更有一種錯用心。歸宗不堪與諸人說。破何故一字入公門。九牛車不出其前後語。要約類如此。僧問。祇者是埋沒自己。祇者不是。孤負先聖。去此二途。和泥合水。處請師速道。曰。玉筍撐虎口。僧曰。一言金石。談來易。萬事鴻毛。脫去輕。曰。莫謾老僧好侍。郎李浩擬達所畜。應菴驤起。搥其胸曰。死後向甚處去。浩默不能發。應菴叱退之。浩不旬日。徹見臨濟宗旨。其妙密錯鎚。又類如此。故一時無表裏。賤者艾飽參經。其爐鑪無不汗下。心死。隆興改元五月。虎丘忌晨。應菴拈香曰。平生沒興。撞著無意。智老和尚。做盡伎倆。湊泊不得。從此卸卻干戈。隨分著衣喫飯。二十年來。坐曲肱牀。縣羊頭賣狗肉。知它有甚憑據。一年一度燒香。曰。千古令人恨轉深。已而以叢林囑累教授嚴康。明以淳沲正宗。分付密菴咸杰。次月將

告寂。猶挂牌入室。或以偈請應菴。呵曰。吾長笑諸方所爲。而自蹈之耶。區分院事。洪纖不遺。跌坐遷化。世齡六十一。僧夏四十三。塔於玲瓏殿之外岡。未踰月。妙喜亦遷化。初應菴道既通。聞此菴元布袋住連雲。深山廣澤。藉子難近。徒步訪之。故爲分座。而連雲之風立震。已而主明果。則雪堂每過。盤桓永夜。間有竊議者。雪堂叱之。應菴凡八歷名利兩住。歸宗始明果。終天童。其居天童時。妙喜亦生還住育王焉。贊曰。臨濟宗枝若無首山。幾到大風吹止。虎丘命脉一有應菴。家聲始不寂寥。如珠中如意。花裏優曇。色改觀。但圓悟爲一睡虎。發其千片之弩。豈有騷鼠快快負其所望哉。

大慧杲禪師

禪師宗杲者。字曇晦。別號妙喜。大鑑十五世圓悟勤公之嗣也。妙喜出宣州寧國奚氏。年十三就鄉校。不旬而棄之。親奇其志。乃許衣緇。成大僧。徧探諸家語錄於雲門睦州。尤篤意焉。竟有五家淺深門庭之疑。遂請益於廣教程公。程示其節目。妙喜輒領意。程私

嘆曰。果乃再來人也。妙喜又棄之。遂至眞如結座下。入慶藏主賢蓬頭之室。因之過黃龍謁晦堂。跨東林。參昭覺。俱雅珍愛妙喜。又棄之。往見心印。詢與語。連三日。大奇之。欲留不可。因指見湛堂。準公於寶峯。機辨縱橫。準漠然不諾。妙喜始伏膺事之。及準疾革。妙喜惶啓曰。某向後當見何人。準曰。有箇勤巴子。當能了子事。準歿。乃繭足千里。請塔銘於張公。無盡無盡時。爲禪室。領袖契之。囑妙喜必見川勤老。也會東京天寧席。虛詔起。蔣山勤禪師爲住持。妙喜心慶曰。此天賜我也。其禪若不異諸方。妄相許可。我則造無禪論去也。遂入勤公之室。聞公拈提。年不敢犯其機。一日公舉東山水上行公案。以示衆。妙喜躍然急呈所得於公公曰。未未懸崖撒手。自肯承當。絕後再蘇。欺君不得。令居擇木寮。爲不釐務侍者。日同士大夫入室。公每舉有句無句。如藤倚樹話。妙喜擬對公。輒禁之。乃至握箸忘食。公笑曰。者漢卻參黃楊木禪也。妙喜益茫然無措。乃堅請公在五祖時問答。公良久曰。我問有句無句。如藤倚樹。先師但向我道。描也。

描不成畫也。畫不就。又問樹倒藤枯。句歸何處。先師則云。相隨來也。妙喜豁然大徹。連呼曰。我會也。於是隨聲酬對。勢如湧泉。公拊掌稱善。舉以首衆。宿衲皆下之士。紳爭相從遊。丞相呂公舜徒尤悅之。奏賜紫衣號佛日禪師。是時已有詔移勤公住雲居。賜號圓悟。圓悟又以妙喜首雲居之衆。其秉拂小參。萬指軒騰。昭覺元禪師出問曰。眉間挂劍時。如何。妙喜曰。血濺梵天。圓悟於座下以手約曰。問得極好。答得更奇。於是海衆爭頌老東山之再見也。圓悟還蜀。妙喜始菴居古雲門。遷湖南。轉江右。入八閩。又結菴洋嶼。僧曇懿者。久依圓悟。自謂不疑。紹興初。出住祥雲。法席頗盛。妙喜知其所見未實。致書令來。懿故不起。妙喜鳴鼓痛斥。榜告四衆。懿乃破夏來洋嶼。妙喜詢其所證。大笑曰。汝恁麼見。解敢嗣我。圓悟老人耶。懿愧汗浹背。卽退院求侍於妙喜。入室。次妙喜曰。我要箇不會禪的。做國師。懿對曰。我做國師去也。妙喜喝出。復召曰。闍黎香嚴悟處。不在擊竹邊。俱胝得處。不在指頭上。懿失聲橫趨而去。妙喜笑曰。懿闍黎此回堪。

住院子也。又僧彌光字晦菴。流譽諸方。趨風來見妙喜。命坐而商略。光一一具對。妙喜曰。雖有落處。只是不著所在。今諸方浩浩說禪者。見解祇如此。何益也。其楊岐正傳三四人而已。語訖。呵呵大笑。光慍而起。去妙喜。卽搥鼓入室。光矐額而至。妙喜曰。喫粥了也。洗鉢盂了也。去卻藥忌道。將一句來。光遽對曰。裂破妙喜震威喝。曰。汝又說禪也。光乃得旨。遂以書招其友鼎需。曰。洋嶼菴主手段。與諸方別。需乾笑而已。需字懶菴。乃閩人。幼登進士。絕婚爲比丘。一錫湖湘。徧參名宿。以爲法無異味。歸隱菴。峯絕頂。久不下山。佛心才禪師已挽出。首衆於大乘。需嘗以卽心卽佛問學者。毅然無可意。光強速其至。會入室。鼓鳴。需隨喜焉。妙喜以拂指曰。卽心卽佛。作麼生。速道。需從傍下語。妙喜詬之曰。汝見解如此。敢妄爲人師耶。卽普說許其生平珍重得力處。排爲邪解。需涕洟交頤。不敢仰眎。乃歸心決擇。一日垂問。內不放。出外不放。入正恁麼時。如何。需擬對。妙喜連擊之。需釋然厲聲曰。和尚已多了也。曰。今日方知吾不汝欺。妙喜之精猛。開

發約多類。此時及門者五十三輩。期末半得法者十三人。丞相張公浚在蜀時。圓悟爲言。果真得吾宗之髓。張公還朝。遂以果補徑山徑山之席。常隨二千餘輩。方來無地。以容乃搆千僧閣。安之。侍郎張子韶狀元。汪聖錫少卿。馮濟用。悉預其列。當是時。秦檜居權。司諫詹大方阿之曰。鼓唱浮言。謗訕朝政。張九成爲之首。徑山僧宗杲和之。乃坐編置。九成毀衣焚牒。竄妙喜於衡陽。起遣日而惻聲載道。識者曰。日月無私。成其明。聖賢無擇。成其大。豈杲公之化應。南故天假之以示現於衡陽者耶。且法門正氣。表燭千秋。又以羣願所係。公必壽還。何憂哉。凡十載。徙梅楊。雖瘴癘之鄉。而妙喜豎拂不偈。緇素騰騰。仍光風霽日也。又五載。有旨賜還。復僧衣。四方虛席迎之。皆不就。最后有旨。強起主育王。築塗田數百頃。以繼衆食。賜其莊名般若。又二年。改移徑山。徑山益盛。雖龍象互相蹴踏。而上堂每贊猶子。應菴深得先人機用。於是天下益稱其公。妙喜臘高。屢求退居。明月堂告謝。方來莫可禁止。先是孝宗居藩時。遣內監至徑山。見妙喜獻

以偈孝宗大悅及在建邸復遣近侍請上堂親書妙喜菴額并贊真製賜之及即位又錫法號大慧禪師泊召對妙喜已示疾一夕忽大星隕地流光四散鳥獸皆鳴遂乃告寂於明月堂親封遺疏侍僧請留偈妙喜厲聲曰無偈便死不得也乃大書曰生也只恁麼死也只恁麼有偈與無偈是甚麼熱大擲筆長往時隆興改元八月十日也世壽七十五坐夏五十八上覽遺語悽然製詞莫曰生滅不滅常住不住圓覺空明隨物現見詔以明月堂爲妙喜菴全身瘞於菴後諡曰普覺塔曰普光入其全錄八十卷於大藏焉贊曰端祖云悟了須是遇人始得余虛度林間數十載每耳目所有諸道者莫不據高廣座自稱曹溪正脉少室真傳但惜未遇大慧老人耳若遇自當別有壺天而端祖之言豈謬哉嗚呼馬逢伯樂新遇中郎吾宗之大幸也與

徑山大禪明禪師

禪師了明者不知何許人長身大腹所至驚衆衆皆稱之曰大禪大禪機鋒敏疾儀度豪朗爲妙喜泉禪

師會中之龍象當妙喜住育王時室中不許下喝大禪每入室必振聲一喝而退妙喜榜示曰下喝者罰錢一貫大禪乃密袖千錢先頓於地高聲連喝而出妙喜曰柰者漢何再榜曰下喝者罰當日堂供一中大禪卽往言庫司和尚要金十兩主事者不疑與之隨袖以入復頓於地高聲一喝妙喜大駭徐問知之爲之一笑一日妙喜謂大禪曰你者肥漢如是會禪驢年未夢見在大禪曰靈山授記何異今日妙喜乃以德山托鉢因緣徵其節目大禪對曰凜凜吹毛炤膽寒不容擬議豈容傳擡眸已是身三段此是吾家紅鐵團妙喜嘆曰此話它日大行去在於是出赴投子叢席改觀次遷長蘆百廢俱修嘗過徑山省妙喜妙喜送以偈曰人言棒頭出孝子我道憐兒不覺醜長蘆長老恁麼來妙喜空費一張口從教四海妄流傳梵干能作獅子吼孰云無物贈伊行喝下鐵團顛倒走大禪旣主長蘆頗著異跡雖萬指周旋而檀施如山故皆以布袋和尚擬之晚年繼席徑山室中惟以臺山謠子話驗學者遜菴以偈嘲曰一按牛喫草

一與賊過梯。早知燈是火。飯熟已多時。大禪答曰。干戈中有太平。其不用干戈始得之。若無舉鼎拔山力。千里烏騷不易騎。徑山當妙喜遷化之後。其法政大禪爲之再新。然歲計浩大。知事以將來不給爲諫。大禪獨以龍天常住慰之。楊和王夢一異僧。長大蟠髯。坦腹緩行。言欲化蘇州一莊。王異之。次旦大禪杖履而至。闍人不能止。急啓王。王立見大禪。奇偉與夢合。乃炷香設禮。大禪首言。大王莊田至廣。可施蘇州一所以供佛僧無窮之利也。王未可否。大禪齋畢便出。無他語。是時內外訇傳。和王以蘇州莊田施徑山大禪布袋和尚。王入朝。孝宗聞王捨業爲王助喜。王謝歸。遣使至徑山請大禪。而大禪前二日無疾別衆示化矣。自是和王宴居寤寐。或少交睫。即見大禪在前。語曰。六度之大。施度爲先。善始善終。則爲究竟。王嗟慕。即以莊緣徑山。此莊歲計十萬。舟庫皆備。乃大禪之遺光也。初妙喜謫梅州。防送甚嚴。或爲禍在不測。大禪挺力荷枷從行。而師資儀禮。旦夕益慎。至貶所。衲子追隨者率二三百輩。妙喜以齋用不給。復慮生

議。督勉之。令去。大禪曰。不可。衲子所抱者道也。所履者義也。況重繭千里。咨決爲事。縱拮据辛勞。風波不定。聽之龍天安忍。棄之遂身任齋粥。每日肩輿梃行。乞至晚。則數十人爲之荷饋成列。而歸。衲子雖多。無不具足。如是十六年。似一日。顧妙喜法嗣之盛。在貶所接者。居其半。大禪明之力也。

贊曰。禪師明公於盤錯之際。執禮凜若冰霜。可法也。及讀其生平語句。如神鋒出匣。截鐵如泥。稽其行事。順逆普應。靈異疊出一時。疑爲慈氏下生。抑何神也。經云。譬如心王。寶隨心現。衆色衆生。心淨故得見清淨。利信哉。

育王裕禪師

禪師名端裕。會稽人。吳越錢王之裔也。年十四。願爲於境之大善寺。目光外射。有異量。每聞燈籠露柱。佛殿山門之語。則罔然行脚。經宿淨慈。有僧擊露柱云。如何不說禪。裕有省。謁諸名宿。皆以特遇見推。裕終歉然。別見佛果。勤和尚於鍾阜。動每瞬目。顧之裕不領。一日勤問曰。誰知正法眼藏。向瞎驢邊滅却。卽今是

滅不滅。裕對曰。和尚合取口好。曰。此猶未出常情在。裕擬進語。勤擊之。裕頓去所滯。自此當機敏絕。會朝廷加勤圓悟師號。主天寧裕以毫彩典記室。價傾一時。初出住丹霞。衆盈千輩。每挂牌入室。罕有構機者。裕垂涕長嘆。不已。衆俱憤發。自新及遷虎丘。雙徑成大器者數十人。嘗示衆曰。德山入門。便棒多。向皮袋裏埋踪。臨濟入門。便喝。總是聲塵中出沒。若是英靈。衲子直須足下風生。超越古今。塗轍卓拄杖喝云。祇者箇何似。生若喚作棒喝。瞌睡未醒。不喚作棒喝。未識德山臨濟畢竟如何。復卓拄杖喝云。總不得動著。又曰。動則影現。覺則水生。直饒不動不覺。猶是秦時轆轤鑽到者裏。使須千差密照。萬戶俱開。毫端撥轉機輪。命脉不沉。毒海有時覺如湛水。有時動若星飛。有時動覺俱忘。有時照用自在。且道正恁麼時。是動是覺。是照是用。還有區分得出麼。鐵牛橫古路。觸著骨毛寒。又曰。行時絕行跡。說時無說踪。行說若到則來。生招箭行說未到。則神鋒劃斷。就使說無滲漏。行不迷。方猶滯。設漏在。若是大鵬金翅。奮迅百千由旬。

十影神駒。馳驟四方。八極不取次。略啄不隨處埋身。且總不依倚。還有履踐分也。無利利塵。塵是要津。又曰。盡大地是沙門眼。徧十方是自已光。爲甚東弗於逮打鼓。西瞿耶尼不聞南閻浮提點燈。北鬱單越暗坐。直饒向箇裡。道得十全。猶是光影活計。據拂子云。百雜碎了也。作麼生是出身一路。鄒拂云。參紹興庚午十月。示微疾。尤示衆諄切。異往時。衆多涕下。門人法全請垂遺訓。裕振色曰。盡此心意。以道相資。語訖而逝。茶毗目睛齒舌不壞。其地發光。終夕得舍利者無計。踰月不絕。弟子分塔於鄮峯西華兩處。有黃冠羅鑒常頻經問道於裕。適遠歸。獨無所獲。慕念誠切。方與客食。咀嚼間。若有物吐哺。則舍利大如菽色。如琥珀。遂再拜於茶毗所。聞香奩有聲。函開所獲如前。而差紅潤。裕凡十歷名刹。賜號佛智禪師。終於育王。諡曰大悟。

道場全禪師

法全禪師者。姑蘇人也。姓陳氏。號無菴。早歲父攜見東齋川和尚。川熟眎曰。若能從我手。全欣然膝地請

名其父奇之遂捨斷髮。及遊方所至正大人不易就。依佛智於虎丘。每入室。智以狗子無佛性話問之。全結舌。但見棒如雨。喝如雷。益迷悶。不知所以。頻背衆求示。佛智叱之一日。聞僧舉五祖頌云。趙州露刃劍。忽驚汗下。趨呈智曰。鼓吹轟轟袒半肩。龍樓香噴益州船。有時赤脚弄明月。踏破五湖波底天。智乃肯之。然全所抱恨。重人莫知者。及佛智補懸隱。以全首衆林下知名。或以大利請全主持。不應。每感額嘆曰。古斷臂以求安心。今賣身以要續祀。吾道殆哉。明矣。久之。佛智以年邁歸西華舊隱。全始說法。安吉道場。乃拈拄杖云。汝諸人箇箇頂天立地。肩橫柳栗。到處行脚勘驗諸方。更來者裡覓箇甚麼。纔輕輕拶著。便道天台普請南嶽游山。我且問汝。還曾收得大食國寶刀麼。切忌口啣羊角。又曰。欲得現前。莫存順逆。以杖橫案云。三祖大師變作馬面。夜叉遊徧四大部洲。却來山僧手裡。呈身元來只是一條黑漆拄杖。還見麼。直饒見得入地獄如箭射。乾道己丑秋有疾。醫至全乃讓之曰。爲一幻癩求良醫。覓佳穴是可忍乎。竟爾

告寂衆泣求偈語。全大書無無二字。棄筆而化。火浴設利五色塔於金斗峯。初全居靈隱首座時。有權道者久參無證。請益於全。全以無住本建一切法徵之。權有省。乃私笑曰。暗裡穿針耳。中出氣。遂定師資焉。

華藏權禪師

禪師名有權。臨安祁氏子也。號伊菴。雖機契無菴。全首座而權益自砥礪。常兀坐如木石。因過堂忘屐鉢。隣僧以手觸之。有偈曰。黑漆崑崙把釣竿。古帆高挂下驚湍。蘆花影裡弄明月。引得盲龜上釣船。佛智大稱賞之。乃召權問曰。心包大虛。量廓沙界時。如何權對曰。大海不宿死屍。智指其座曰。此子他日當據此。訶佛罵祖去。在於是。諸山請權出世。不就。以竿木隨身。遊戲湖江。來往應菴。妙喜之庭會。全公歿。華藏虎席物色求權。權仍却之。或曰。無菴老人。法道寧不在公乎。公今拘小節。樂林泉。卽潔如巢。由信如尾。已何足貴也。權感起就之。次遷萬年。諸刹常隨。萬指肅如公府。日與衆均其勞逸。或曰。住持安坐演法。何自苦耶。權曰。法末憊慢。未得謂得。借位自恣。身帥之且不

從敢自逸乎。淳熙庚子秋。示寂。茶毗。齒舌不壞。舍利無數。塔於橫山。又分諸不壞塔。萬年山。寺權爲人剽。剛毅法不容私。有貴人入寺。施財衣冠。不整。權終不受。又僧充化主。歸納厚疏。頗有矜色。權叱還之。故門下不易出入。俱以氣節自化。權暮年。法令森嚴。益甚。有語曰。今朝結却布袋口。明眼衲僧莫亂走。心行滅處。解翻身噴嚏也。成獅子吼。旃檀林任馳驟。剔起眉毛頂上生。剜肉成瘡露家醜。

贊曰。佛智三代以穩實起家。當時禪風爲之一轉。觀其前後垂跡。如虫書鳥篆。體勢雖殊。諦理則一。使非亞聖大人。曷克臻此。矧止啼餽黃葉之方。而濟譏絕懸沙之秘哉。

南宋元明僧寶傳卷三

南宋元明禪林僧寶傳卷四

道場辨禪師

禪師諱明辨。吉安州俞氏之子。說法於郡之道場山。以正堂自號。據令端方。毫不苟貸。每緇素入山。請法必令先具香。設拜。佛眼遠和尙。然後受謁。謁者悚然。有問語。默涉離微。如何通不犯辨。曰。橫身三界外。獨脫萬機前。曰。祇如風穴。道長憶江南三月。狸鷃啼處。百花香。又作麼生辨。曰。說者箇不唧。啮漢作麼。曰。嫩竹搖金風。細細百花鋪地。曰。遲遲。曰。你向甚麼處見風穴。僧曰。耳裡眼裡。絕蕭洒。曰。料掉沒交涉。又問。如何是佛辨。曰。無柴燒猛火。如何是法。曰。貧做富裝。裝如何是僧。曰。賣扇老婆手。遮曰。如何是一喝。如金剛王寶劍。曰。古墓毒蛇頭。帶角。如何是一喝。如踞地獅子。曰。虛空笑點頭。如何是一喝。如探竿影草。曰。石人拍手笑呵呵。如何是一喝。不作一喝用。曰。布袋裡猪頭。如何是向上事。曰。鋸解秤錘。如何是和尙栗棘蓬。曰。不答此話。曰。爲甚麼不答。辨大笑曰。吞不進吐。

不出辨機要精悍。每經旬掩室。卽近侍罕得見。進然其章訓痛絕名根。不把翫不暴用。故及門皆三二十載。韜神晦顯。諸方有盛名者。率聞而欽畏之。暮年上堂云。猛虎口邊拾得毒蛇頭。上安排更不釘樁搖櫓。回頭別有生涯婆子。被我勘破了。大悲院裡有村齋。又上堂以杖左卓云。三十二相無此相。右卓云。八十種好無此好。僧繇一筆畫成誌公露出草稿。又卓杖顧衆曰。莫懊惱。直下承當。休更討下座。歸方丈。跏趺而化。火後得舍利塔於仙人山雪堂。見辨達磨贊乃嘆曰。當今滿目珠璣。慰我白首。獨有此耳。其詞曰。昇元閣前懽懽。洛陽峯畔乖張皮髓。傳成話。欄隻履。無處埋藏。不是一番寒徹骨。怎得梅花撲鼻香。

贊曰。辨公初至少林。覽立雪遺跡。乃至隕涕及出世。必指人知其得法源委。味者往往以世諦失之。蓋擇乳在鴿王也。當時佛眼門下。作略逸羣。獨於辨公俱嗟不及。嗚呼。燭燭赤幟。皎皎白眉。千秋節合其揆一也。

烏巨雪堂行禪師

禪師名道行。號雪堂。處州人也。其父葉公常遊禪社。自稱見獨居士。以積厚流光而生。行行生而岐嶷壯。克節儉絕笑。俚愛博施。葉公嘗謂行曰。中無主不立。外不正不行。此語宜終身踐之。聖賢事業備矣。行茂年不樂與諸子伍。乃依普照英禪師。得度。英有鑑裁。春汲樵爨。必使行董之。行乘閒參請不倦。無所得辭。英參佛眼。因與高菴竹菴同得究竟法。方是時。佛果佛鑑人滿大江南北。而佛眼下諸賢多馳化於浙水東西。是以東山法道大闡於三佛。高菴初在龍門時。骨鯁寡交。獨喜行盤桓不間。嘗嘆曰。稠人廣衆中。鄙者多識者少。鄙者易習。識者難親。果能自奮於其間。如一敵萬庸鄙之習力。盡真挺特。沒量漢也。行感佩其言。如雪峯之事巖頭。故終其身未嘗不舉高菴之爲人行居薦福。謂衆曰。我佛眼老人住龍門時。龍象滿席。尙自漚然太息。以爲終愧老東山也。今山僧復愧老人倍倍耳。其流涕太息可勝道哉。行雖寓名山。去就如流雲。聞妙喜之子博山本有賢操。遂達郡守吳公。以本住持薦福。行遷烏巨。爲終焉計。及門者有

贊曰。濟下宗師如鉅鹿鑒兵萬夫。辟易壯矣。行公去
臨濟。其世十三番爲名葩。秋月人人得而就之。經云
具足優婆夷。得菩薩無盡福。得藏解脫門。能於小器
中。隨諸衆生種種欲樂。出生種種美味珍奇。悉令充
足。其行公之謂耶。

普菴禪師名印。肅政和乙未冬生於袁州宜春。余姓肅生。祥光燭天。蓮生道周。異香遠馥。襁褓中卽善世言。夢異僧點其胸曰。汝他日當自省。去在卽寤。白母。

王氏視胸有赤點如含桃狀。王氏恍悟初徵遂捨肅於壽隆寺。師事沙門賢公。賢嘗授以法華經。肅曰。諸佛玄旨。責悟於心。數墨循行。何益乎。道賢大驚。以大器期之。遂遣行脚。侶戒修謁牧菴忠於瀉山度嶺。望叢谷中有跨黃犢人。近之則忠公所跨者虎也。修擬避。肅下腰包進前不審。忠微笑以手西指。令其前行。將及寺門。回望惟忠公策杖而來。失虎所在。二人具威儀請益於忠。忠曰。何遲乎。望汝久矣。肅進曰。萬法歸一一歸何處。忠以拂示之。肅有省。時年二十九矣。歸壽隆。袁州尹夢金甲人告曰。普菴大士行道時至。言訖天光五色。尹驚異。適劉長者亦感異。徵捐資鼎建大伽藍。袁尹俾物色於壽隆。請肅主之。號曰大慈化寺。肅既居。慈化楮衣糲食。脇不沾席。十有二年。一日誦華嚴論。至達本忘情。知心體合。通身汗流。乃大聲示衆曰。我今親契華嚴法界矣。李公長者於此大經之首。痛下一椎。擊碎三千大千世界。如湯消雪。不留毫髮。許於後進。作得滯碍。普菴一見不覺吞却。五千四十八卷。化成一氣。充塞虛空。方信釋迦老子出。

氣不得之句然後破一微塵出此華嚴大經徧合法界無理不收無法不貫便見摩耶夫人是我身彌勒樓臺是我體善財童子是甚茄子文殊普賢是我同參不動道場徧周法界悲涕歡喜踴躍無量大似死中得活如夢忽醒良久云不可說不可說又不可說即說偈曰捏不成團擘不開何須南嶽又天台六根門首無人用惹得胡僧特地來復謂心齋圓通二子曰達本情忘知心體合汝作麼生會二人各以頌呈肅不諾乃引聲長吟以示之曰先天先地何名何樣阿曼陀無物比況觸目菩提自是不肯承當且輪迴滯名著相圓融法界無思無想廬陵米不用商量血脉纔通便知道擊木無聲打虚空盡成金響又曰栢庭立雪一場敗缺了無爲當下休歇百币千圓但只者孤圓心月不措磨鎮常皎潔無餘無欠無聽無說韶陽老只得一橛十聖三賢聞學者魂消膽裂惟普菴迥然寂滅俄有異僧名稱道存冒雪而來肅大喜互相徵詰棒喝交馳心心默契存合爪嘆曰師再來人也大興吾道非師而誰乃指雪書頌而別於是

肅大唱佛眼宗旨蓋其師牧菴忠觀水磨發明心要於佛眼拂下後嘗以白木劍迫死心禪師死心引頸而笑忠作舞而出故馮濟川曰佛眼磨頭悟法輪之常轉死心室內容慧劍以相揮忠出入江湖人莫測之宣和間湘潭大旱禱雨不應忠躍入龍淵呼曰業畜當雨一尺雨隨至時以佛僧目忠肅既見忠後亦以神異利濟含靈藏汗耐垢不知有已演釋談章呪旋天地轉陰陽世盛傳之布於弦譜而弭災焉至其異跡不可勝紀有問曰師修何行業而得此三昧肅當空一畫云會麼曰不會肅曰止止不須說歸宗實禪師曰慈化乃吾黨黃鍾也惜哉時流獨傳其跡耳肅道滿異邦義學竊疑其宗趣莫詳肅憫而說偈曰蒼天蒼天悟無生法談不說禪開兩片皮括地談天如何是佛十萬八千一日書偈方丈西壁云乍雨乍晴寶象明東西南北亂雲深殊無限人遭劫幻應權機爲汝清乃結跏趺坐令侍者鳴鐘衆集瞑目而逝時乾道己丑年七月二十一也

贊曰荻葦之間病鳥棲焉六合之外曲士覩焉故肅

公現三頭六臂而傳持祖道其心良苦矣悠悠者獨以神通見推則公之大慈悲願足乎否邪

天竺伽堂仁禪師

禪師名守仁號伽堂洛陽人也少持重寬夷好學初依東京奉先沙門宣和間試經於慶基殿得度往來三藏譯經所諦窮經論每游刃膠結之際恢有餘地故互稱曰酥酪仁焉於宗門語句則曰按黑豆法也何足爲奇然疑周金剛蜀之杰士胡得蠢苴之甚耶當是時佛果勤公居天寧天寧參頭則有宗杲端裕曇玩等擇木寮則有樞密徐俯侍郎李彌達輩禪風大盛仁益疑乃攝衣探之值挂裨入室仁默自計曰若有所長則得倘違吾教乘自當別有議論在佛果知仁在側乃召仁問曰依經解義三世佛冤離經一字卽同魔說你還湊泊得麼仁擬引對佛果以鐵如意迅擊之因墜一齒仁以手抹血大悟因太息曰一人發真歸源十方世界悉同消殞以爲一時表法之詮安知實有此等境界至於清淨本然云何忽生山河大地不是其人大難承當緣是師資契合住後每

眞學者滯於奇妙言句獨以毒棒出沒江湖著其聲嘗易服過武林訪圓覺講主值其陞堂勾引經文反覆浩浩仁從傍失笑講主下座請仁曰上座高隱何處仁曰長行粥飯僧安有定處曰適來上座致笑非我說與經有違乎仁曰違雖未違合則未合曰上座能明此義否仁曰明則不明背却不背講主卽請仁陞座剖判仁卽躡履而登舉經中道居一切時不起妄念於諸妄心亦不息滅住妄想境不加了知於無了知不辨眞實以手空指曰會麼庭前栽高苴高苴生火飭火飭生蓮花蓮花結木瓜木瓜纔劈破撒出白油麻參講主徹見圓覺宗旨不從人得卽散席南行仁爲人不務名不苟察輪蹄輳集罕見其面裨子至不時進謁然機要險絕旦過堂無宿客淳熙甲午召入內廷上問曰朕嘗披法典襄州龐蘊奇士也問馬祖不與萬法爲侶是甚麼人祖云待汝一口吸盡西江水卽向汝道蘊於言下領會爾師圓悟頌云一口吸盡西江栗棘壑殺老龐當陽若也吞得管取海內無雙禪師可中更出手眼剖朕夙衷仁對曰秤錘

◆補入衆字

擲出油閒言長語休。腰纏十萬貫。騎鶴上揚州。上大
悅。癸亥丹書復至。仁集衆說法畢。卽法座而逝。
贊曰。寶覺云。一塵飛而翳天。一芥墮而覆地。安樂處
切忌許多骨董。直須死却無量劫偷心。乃可耳。蓋仁
公以經論鳴世。偷心正熾。及遇本色作家。一擊而絕
骨董。卽家珍也。忌云乎哉。但其前後垂機。所謂浪子
憐鄉客。杯翁愛醉人者。非也。

瞎堂遠禪師

瞎堂禪師者。名慧遠。生眉山之彭氏。爲圓悟禪師之
晚子也。圓悟復領昭覺。時年老。乃以化柄屬之。門賢
其門賢。已播海內矣。以故摩竭之令。復行於昭覺。而
遠新從靈崖來。靈崖爲徽禪師所居。得起鐵拂爲首
座。敲唱黃龍宗旨。遠事之二載。於徽言下。得其概焉。
然起首座。屢誘掖之。遠無留意。乃抵昭覺。俟十日。始
得通謁於悟公。公與語大奇之。嘆曰。吾道未衰也。許
遠得非時入室。遠每大跪請益。公但笑曰。將謂吾老
矣。故如此著急耶。遠屏氣自失。不敢進言。一日聞舉
龐居士不與萬法爲侶。因緣大徹。其旨越衆。進問曰。

淨裸裸空無一物。赤骨立貧無一錢。戶破家殘乞師
賑濟。公曰。七珍八寶。一時拏曰。賊不入。謹家之門。公
曰。機不離位。墮在毒海。遠便喝。公以拄杖擊禪床曰。
喫得棒也未。遠又喝。公連喝兩喝。遠作禮趨而去。自
此機發莫禦。叢林共加其號爲鐵舌。遠遂與元布袋
輩齊名。紹興間。唱守請居象耳山。不赴。未幾圓悟順
世。遠勃然起曰。芳躅云亡。繼之者誰。高臥北窓。願可
得耶。扁舟出峽。抵淮南。開化龍蟠。遷瑯琊。縣瑯琊。遷
普濟。縣普濟。遷定業。縣定業。遷光孝。歷十八載。名輩
歸之。僧問。卽心卽佛。時如何。遠曰。頂分丫角。非心非
佛。時如何。曰。耳墮金環。不是心。不是佛。不是物。又作
麼生。曰。禿頂修羅。舞柘枝。又問。浩浩塵中。如何辨主。
遠曰。木杓頭邊。鐮切菜。莫便是和尙爲人處也。無曰。
研槌掠鉢。飪又問。不與萬法爲侶。是甚麼人。遠曰。脚
踏轆轤。曰。菴裡人。爲甚不知菴外事。遠曰。拄杖橫挑。
鐵蒺藜。又問。昔有一秀才。作無鬼論。論成鬼叱曰。爭
奈我何。意作麼生。遠以手斫額曰。何似生。曰。祇如五
祖以手作鵝鳩嘴。曰。谷孤孤。又且如何。遠曰。自領出。

去曰東山水上行。明甚。意旨遠。曰初三十一不用擇日。曰十二時中如何用心。遠曰。蕪雪喫冬瓜。其機海無涯。約多類。此又過南嶽。寓南臺。是時璉禪師住龍王與方廣行公。皆月菴高弟。道著湖湘。私相語曰。此間壁立萬仞。遠來何所措足乎。故請陞座。設三十餘問。皆從上請。訛險節。關捩遠畢。辭旨超倫。璉等屈服。欲以名利居。遠遠不顧。東隱天台。來往國清護國。鴻福三寺。乾道丁亥。平江守以虎丘迎遠。又奉旨歷崇光靈隱二處。孝廟常召見。咨詢法要。加號佛海禪師。名儒曰遠。座下以居士身而嗣法者。則有內翰曾開。知府葛郊。郊號信齋。聞遠發揮。卽心。卽佛之案。有省。而呈頌曰。非心非佛。亦非物。五鳳樓前山突兀。艷陽影裡倒翻身。桮狐跳入金毛窟。遠曰。公見處只可入佛。難入魔。在郊愕曰。何也。遠曰。何不道金毛跳入野狐窟。郊乃領旨。曾開字天遊。久升圓悟大慧之堂。聞風來訪。故問曰。如何是善知識。遠曰。露柱燈籠。貓兒狗子。曰。爲甚贊。卽歡喜。毀卽煩惱。遠曰。侍郎曾見善知識。否。開變色曰。三十年參。方何言不見。曰。向

煩惱處。見向歡喜處。見開擬議。遠喝之。開復擬議。語遠搖手曰。開口底不是。開愧汗透重襟。遠召曰。侍郎向甚處去也。開猛省。踴躍說偈曰。咄哉瞎驢叢林妖孽震地一聲天。機漏洩有人更問意如何。拈起拂子劈口截。遠笑曰。也祇得一概妙喜在嶺南。因閱遠語。殊大駭曰。老師暮年有子如是耶。遂以圓悟所付法衣寄贈之。於是江湖以爲遠公見超妙喜云。一日忽示衆曰。淳熙二年閏季秋九月旦。開處莫出頭冷處著眼看。明暗不相干。彼此分一半。一總作貴人教誰賣柴炭。向你道不可毀。不可贊。體若虛空沒涯岸。相喚相呼歸去來。上元定是正月半。時都下喧傳。頗疑之。遂達上聽。至期無疾陞座。如常。然士庶競集。上亦密遣中使伺起居。遠命侍者並赴堂。及齋畢。寢室窅然。白氣氤氳。侍者入帷見猿行者手捧卷莊立榻前。遠已化矣。急取行者手卷視之。乃辭世偈也。偈曰。拘折秤錘。掀翻露布。突出機先。鴉飛不度。四衆殷留。十日受朝廷最後之供。其顏不少異也。年七十四。坐五十九夏。遠公素蓄一黑猿。馴知人意。名曰猿行者。亦

悠然脫去其小師道濟及緇素奉遠公塔於寺之烏峯亦葬遠行者於其側焉

贊曰姬氏曰貞勝者也余考佛海提唱如赤帝子斷蛇而神姥夜號其出沒縱橫與五祖演公類也此妙喜寧不望風而駭焉

湖隱濟顛書記

書記禪師出浙東天台李氏貴族名道濟母夢吞日而孕晚時紅光燭室國清本禪師以爲法中之寶摩頂而識之濟年十八走靈隱見瞎堂遠公遠卽爲濟斬髮未逾年神悟絕倫遠爲印可然濟性狂簡出入僧堂每大言忤衆衆以濟犯規白遠遠曰禪門廣大豈不容一顛僧耶自後常出冷泉亭與少年撲毬或狂歌酒肆或去呼猿洞引猿同翻觔斗或攜軍酒汚看經處主事復白遠遠惟以顛僧保護之是以呼爲濟顛云遠公歿濟之顛酒愈甚寺不容住遂挂搭淨慈淨慈德輝長老奇濟行履以書記延之然終不能忍酒淨慈之衆亦短濟於輝前輝之曲護亦如瞎堂書記常私遊十六聽朝官之門毛陳二太尉日以香

醪饋之人不敢非書記醉則賦詩千百言言超意表識者尙之一晚醉臥十里松寺主令人扶歸愁睡厨下初夜分忽起遶廊狂呼火發衆以爲顛中夜羅漢堂瑠璃火延幡脚寺燬輝公乃留偈承光化去書記遂請嵩少林主方丈嵩之賢書記亦如輝公書記則曲設靈機而夢感朝廷不二載萬礎千楹頓還舊觀又以兩廊影壁未就欲達臨安新任王安撫而成之嵩止曰不可我聞王公微時常投齋僧寺業被寺僧所賣王公怒題寺壁曰遇客頭如驚逢齋項似鴛今凡見僧皆恨汝干之可得耶衆亦阻之書記笑而唯徑投府前值王公陞堂書記則探頭引望王公大怒令陰執擬笞之書記曰吾乃淨慈書記濟顛僧也有段因緣惟閣下能省特來計較耳公亦微聞濟顛詩酒之名意稍解書記遂以王公昔年題壁事造妙語諷之王公大笑留濟公宿內衙濟公徐以影壁意扣之王公遂捐鈔三千貫以懺前非濟公之演化無礙約類如此至若釋結弭災遊戲三昧異跡饒刺不勝述也一日入城訪舊與張提點飲酒賦詩歸便臥疾

嵩下安樂堂問公公撫榻謝曰慚愧乃請嵩爲沈萬

法披剃萬法爲人誠重事公有年公隨命萬法報諸

詩酒故檀卽沐浴跣趺書偈瞑目而逝太尉朝官俱

赴淨慈諸山宿德畢集會送者千萬人至虎跑寺前

茶毗獲無數舍利回至淨慈寺前有二行脚僧謁嵩

曰某甲適從六和塔過遇濟公寄書一緘僧鞋一雙

嵩大驚曰濟公終時我以此鞋易其敝屣對衆啓緘

其辭懇切計二百零九言紙餘又附頌曰看不著錯

認箴箇是木杓昨夜三更月正西麒麟撼斷黃金索

幼年曾到鴈門關老少分明醉眼看憶昔面前當一

箭至今猶是骨毛寒只因面目無人識又往天台走

一番又旬餘有錢塘差使過天台山山下會濟公復寄

來詩二首又後五十年有范村人送木料於淨慈言

近屬濟公所化

贊曰濟公微樞冒於瞎堂言下遂以格外玄機混俗

同塵或嘲風弄月發明佛祖心宗時不恠以顛僧目

之幸也及示化天下始同稱公爲不可測人豈非末

後實效光明之被於萬物也博矣於戲鑑公生平若

非賢聖應世求不巧盡拙生亦不可得也

南宋元明僧寶傳卷四

南宋元明禪林僧寶傳卷五

密菴杰禪師

禪師名杰號密菴其先福州世族也姓鄭氏母夢

廬山皓髮頭陀入室而生生之夕境內皆聞天樂不

知何祥其親亦秘之師幼穎悟氣宇深沉事親以孝

聞親有賢行勗之遠遊遂得度受具不結侶不備衾

寒暑一衲遍扣諸方諸方敬之晚依應菴屢遭訶詈

不假一詞默師默契其機一日應菴晚參垂問如何

是正法眼師遽趨對曰破砂盆應菴領之命入侍大

擁衆心及辭歸省親應菴送以偈曰大徹投機句當

陽廓頂門相從今四載徵詰洞無痕雖未付鉢袋氣

宇吞乾坤卻把正法眼喚作破砂盆此行將省覲切

忌便蹂跟吾有末後句待歸要爾遵師聞還應菴乃

上堂。畢。師分座。曰。一棒一條痕。一摑一手血。臨濟老瞎驢。至今猶未瞥。須彌頂上浪。拍天大洋海水無一滴。偉哉本色人。頂門亞三隻。辨龍蛇。百草頭擒虎兇。一毫力穿大地人。鼻孔坐斷衲僧搖舌。雖然猶未撥動。向上一竅在。且作麼生。是向上一竅。問取堂中首座。傑未幾。開化衢之烏巨。其節概大類。應菴。應接渾如妙喜。一時厭飫叢林者。皆起而歸之。秘閣張鑑。矢向宗風。改宅爲慧雲寺。請師據室。師憐其正信。示以趙州無字。鑑得旨。及師應祥符。蔣山歷華藏雙徑。而鑑皆隨侍。又遷靈隱。牀曆無所容。乃舉破菴。先分座接納焉。師嘗被召入禁庭。或留宿內觀堂。天子屢欲加贈。師屢以疾辭。教授嚴康朝曰。窮則獨善其身。達則兼濟天下。理固然也。況良時莫再。聖主難逢。法兄每用藏六之機。不願從上縣絲之脉。朝不取也。師曰。汝之所見。本爲通論。但弘道設教也。以時當此際。京畿官觀金碧交輝。古德高風。杳不聞矣。而躁進孟浪之病。庶幾老成持重者。有以振之。且華亭渡西山隱獨非兼濟天下乎哉。力請退休。平江淳熙甲辰春天。

童使至師告衆曰。去年八月間。得旨與安開擺脫水雲性。縱步到陽山。元宅諸子弟忻然力追攀。菴居三箇月。開懷宇宙寬。忽接四明信。來書意盤桓。天童虛法席。使君語猶端。遙遙遣耄使。不問路行難。山僧臨晚景。不敢自相瞞。搥鼓樂與行。四衆亦忻歡。先師未了底。應是起波瀾。敢問大衆。如何是先師未了底。一回飲水一回咽。臨濟德山俱汗額。入寺以應菴遺規。結制陞座。曰。數十年前舊公案。今日拈來重剖判。任是鐵眼與銅睛。也須曳入紅爐煅。衆中忽有箇不受。瞞底出來道。盡大地是箇紅爐也。煅某甲不破。只向他道也。知你在鬼窟裡作活計。淳熙丙午。無病示寂。塔於寺東。其嗣法者破菴先等一十二人。而澄照自鏡復住天童。

贊曰。應菴廓虎丘之風。時出入其庭者。濟濟耳。以其廢釣繩而取曲直。故竊諱之。及密菴開化山不束嶽海不束濤。豈非過師之智。自與齊眉共躅者。異歟。不然。則臨濟宗風。何能西咸四七。而東登三三也。

育王堪禪師

禪師出四明毛氏名妙堪號笑翁十歲授以世典過目成誦不悅也乃從桎菴欽潛心釋訓竟爲大僧受無用全禪師之囑住後以持綱不屈暨建朝廷朝廷屢以名山居堪堪去就自若淡如也一時爭慕之堪初參松源於靈隱不契偶禪者讀全無用自贊曰匙挑不上箇村夫文墨胸中一點無曾把虚空揣出骨惡聲轟得滿江湖堪悚然欲見全未及發會全公訪靈隱堪心幸之松源引座全乃曰適來松源和尚舉竹筵話令天童納敗缺諸人要知麼聽取一頌黑漆竹筵握起迅雷不及掩耳德山臨濟茫然懵底如何插嘴堪於此信入卽隨至天童告香入室全公以趙州無字徵堪堪擬對全驟擊之堪大悟曰大塗毒鼓轟天震地轉腦回頭橫屍萬里全公可之堪後出世妙勝遷金文又廣孝始終不務姑息誠感徵應紹興乙亥禱雨有司欲援徽宗事例以道居僧之左而尊其符水之術堪力言不可遂退歸雪竇天竟不雨童叟謠曰以右爲左天曰不可四月五月池潭起火聞於朝復舊序雨乃大通衛藩遂以台山報恩請堪堪以

台山舊無律宗乃議十寺爲壇弘施毗尼於是四衆雲合化行南國乃至屠父行慈拘盜弭節奉詔住虎丘未幾陞靈隱衛王特建大慈寺請堪爲開山首祖旣而退隱上栢台郡陳使君邀居瑞巖居無何又遷江心寺乃淳熙壬寅年也當是時孝宗留神內典常製圓覺楞嚴經註普賜文臣又嘗召對諸禪宗如佛照光者出入禁廷以內觀堂爲禪師邸甚盛典也俄有奏令僧道買紫衣師號爲大利住持堪駭嘆曰審是則商賈皆可主法耶吾道危矣卽詣闕抗疏切直數千言議寢紹熙癸丑年佛照再赴壽皇詔而育王席虛以堪補之堪歷主名坊機不虛發深憐根有利鈍而法無小大嘗以頌示諸學流曰車牛腦後痛加鞭棄却黃金抱碌磚逐惡隨邪至今日卽非心佛錯流傳又曰覺城東際老婆婆白髮慘慘意氣多與佛同生嫌見佛惡人無奈惡人何又曰柳毅傳書只自知得便宜是落便宜親生愛子都拋卻痛惜深憐乞養兒猶以東致石鼓夷曰先師法道惟我與公我旣日就衰頹無足道者公今應跡靈隱利生接物去就

當如秋葉春雲任緣聚散。凡與公卿貴人相見。務翻其窠窟。絕其偷心。若稍有院子一念挂在胸次。模稜苟合。便成流俗。阿師雖爲萬指住持。何足貴也。詞甚激切。慶元庚申春書遺表上達。并作短語。挽張寺丞主後事。乃跌坐白衆曰。業鏡高懸七十二年。一鎚粉碎。大道坦然。再與曹通守訣別。斂目而逝。其僧臘六十也。後嗣無文。燦燦付愚叟鑑。鑑聞人有實德。元世祖詔住支提。賜號通悟明印。明印去妙喜其世有五贊曰。碩果不食。厥功偉也。當南遷後。司衡多建中之餘。至今方外。以市名職。吾道微矣。公乃毅然撥亂而反之。正功孰大焉。謂之碩果。非耶。殊不知浩然綱領之節。又原於妙喜云。

華藏民禪師

禪師生於嘉定府朱氏諱安民字密印有異表聲若洪鐘。心契圓悟之機。圓悟舉民首衆曰。休誇四分罷。楞嚴按下雲頭徹底參。莫學亮公親馬祖。還如德嶠訪龍潭。七年往返遊。昭覺三載翱翔上碧巖。今日煩充第一座。百花叢裡現優曇。蓋民初開講於成都雅。

稱楞嚴獨步。因訪友過昭覺。適圓悟小參。舉趙州拈南陽三喚侍者話云。如人暗中書字。字雖未成。文彩已彰。且道那裡是文彩。已彰處。民聞疑之。次日擬行躊躇未決。其友謂民曰。君既匡徒。領衆。文彩日彰。倘有從上道理。消不去處。直與堂頭和尚坐而商略。何不可耶。顧而蘊結胸次。無乃病乎。民唯唯。遂告香入室。圓悟徐舉楞嚴徵其心之所在。民多呈義解。悟笑曰。座主他日入地獄。莫怨老僧不道。民愕然折節。胡跪求說前旨。悟又笑曰。文彩已彰。民俯首出而嘆曰。禪門委有長處。葉公之龍不足貴也。即散講依栖焉。一日白圓悟曰。和尚休舉話待某說看。尋常拈椎豎拂。豈不是經中道。一切世界諸所有相。皆即菩提妙明真心。下喝敲床時。豈不是反聞聞自性。性成無上道。悟睡之曰。你元來在者裡作活計。民於此信入。復請曰。古帆未挂時。如何悟曰。庭前栢樹子。民積滯頓豁。踴躍趨出曰。古人道一滴投於巨壑。殊不知巨壑投於一滴矣。於是民之美譽溢叢林。佛鑑聞而笑曰。何日吹到蔣山門下。別有商量。在民後謁鑑。鑑問曰。

佛果有不曾亂爲人說底句。曾向你說麼。對曰。合取狗口。鑑變色震聲曰。不是者箇道理。曰。無人奪你鹽茶袋。叫作甚麼。鑑曰。佛果若不爲你說。我爲你說。曰。

和尚疑時。退院別參去。鑑呵呵大笑。以殊禮延之。民遂開法保寧。而建康緇素。強民至華藏。陞座以篆籀委之。座下各趨而去。民知中計。嘆曰。三十年弄區騎。今日却被驢子撲。是時海內宗風大盛。叢林最小者。千指聚。集民獨嚴持風裁。楊無雜賓。春農之役。常躬爲之。至法鼓鳴時。龍蛇競勢。民不禁也。示衆曰。衆賣花兮。獨賣松青。顏色不如紅筭來。終不與時合。歸去來兮。翠藹中可笑。古人恁麼道。大似逃峯赴壑。避溺投火。爭如隨分到尺八五分。鑽頭邊討一箇半箇。雖然如是。山僧半箇也不要。何故。富嫌千口少。貧恨一身多。又從華藏退居故里之中峯。乃以圓悟白拂付之。寶印會圓悟歸蜀。民遣印省之。悟問曰。從上諸聖以何接人。印豎拳。悟曰。此是老僧用底。作麼生。是從上諸聖用底。印以拳揮之。悟亦舉拳。相交大笑。一衆改觀。而民公之望益重。民竟無疾。終於本山。闍維。

心舌不壞。舍利無數。細民穴地尺許。皆得之。尤光明瑩潔焉。

徑山印禪師

寶印禪師者。嘉州人。號別峯。初業儒。棄儒。剃染。業華嚴。又棄華嚴。從華藏民禪師悟明心。要其祖圓悟每譽之。謂印有超師之略。印之名遂著。乃通謁於妙喜。自稱西川法姪。時徑山多士。竊笑之。妙喜問曰。未出劔門。關與你三十棒了也。印遂展拜曰。不合起動。和尚妙喜忻然。顧左右曰。你們騎馬。越不及是日。萬指叢林爲之震動。於是西還開法。而兩川素緇義虎之雄者。皆從印遊。印仍慰其開講曰。宗教無二致。而公自岐耳。公以無欺心而演教。教中之宗也。我以無欺心而弘宗。宗中之教也。我佛初轉四諦於鹿苑。而憍陳如乃無欺之首也。後拈枝花於靈峯。而迦葉乃無欺之終也。故其間談經三百餘會。皆以無欺法。而利無欺衆。公但自反。能無欺乎。既無欺矣。以無欺舌而流無欺教。則教與宗是一是二乎。惟諸公勉之。印又出峽住持保寧。次遷金山。自金山移雪竇。自雪竇補。

雙徑其衆盛矣。嘗示衆曰：世尊初成正覺於鹿野苑，中轉四諦法輪，僞陳如比丘最初悟道，眞淨拈云：今日新豐祠裏，祇轉箇拄杖子，遂拈拄杖卓左邊云：還有最初悟道者麼？若無丈夫，自有衝天志。莫向如來行處行，遂喝一喝下座。若是印上座，不然。今日向鳳凰山裡，初無工夫，轉四諦法輪，亦無氣力，轉拄杖子，祇教諸人行須緩步，語要低聲，何故欲得不招無間業？莫謗如來正法輪。又曰：三世諸佛以一句演百千萬億句，收百千萬億句，只在一句。祖師門下半句也，無祇恁麼合喫多少痛棒。諸仁者，且諸佛是祖師，是若道祖是佛，不是佛；是祖不是取捨，未忘若道祖佛一時是佛，祖一時不是佛，顛倒不少。且截斷葛藤，一句作麼生道？大虫裏紙帽，好笑。又驚人，又曰：將心除妄，妄難除，卽妄明心道轉紆，桶底趯穿，無忌諱等閒一步。一芙蓉印年，遇日常宴坐，匡牀頽然，一老比丘士夫訪拜牀下，愛慕倍於父母。孝宗皇帝知而召之，印以足疾辭，不奉詔。帝賜肩輿於東華門內，迎入選德殿，初禮臣議朝儀，及見印直登榻，跏趺羣臣皆失色。

帝喜其眞率，乃問圓覺之旨。印隨機酬對，帝默有契，輒注圓覺經，命印撰經首之序。自是東華門置禪師，與以備顧問。十五年冬，力請菴居。紹熙改元，過訪智策禪師，兼與言別策問。行日，印曰：水到渠成，歸索紙書。十二月初七夜，鷄鳴時如期而化。奉蛻質返寺之法堂，留七日，顏色明潤，髮長頂溫。又七日，擇退居之西岡而闢焉。諡慈辨禪師。塔曰智光。

贊曰：民禪師義壇之翹虎也。一入昭覺之門，翻然易轍，與夫抱英敏之姿，負昂藏之表，甘若捉月之猿，趨陽之鹿者，豈非日劫相倍乎哉？師以已愈之方施之別峯印，自然水乳合而針芥投爲萬古我慢之正鑑，是則西山亮何足爲多耶。

道林淵禪師

淵禪師者，失其里氏，木訥寡文，爲人無競，嘗點胸自警曰：參方須具擇法眼，不然踏碎鐵鞋，何益哉？是時吳楚法席以物色相勝，獨大滄月菴果公峭甚，室中惟置一方木榻，兀坐如鐵，擲霜雪不釋。每誡知事不可以軟語誘人，學流見輒引去。惟淵堅依決擇，每受

訶責株立弗避。月菴每切齒熟視而休。有檀家入山求法。月菴因起謂衆曰。奚仲造車一百幅。拈却兩頭。除却軸。薰打圓相曰。切莫錯認。定盤星。淵於此盡脫。廉纖後出世。潭州道林法嗣。月菴月菴嗣開福寧寧人。五祖演禪師之爐韞。故淵爲演克肖之孫也。同出月菴之門。有八人各化一方。獨淵瞿然以卑自牧。羣賢競起成礙之故。道林聲價甚邁。窮谷璉嘗曰。道林領下有逆鱗。不可撓。他有僧挺身曰。便撓時如何。璉曰。橫屍萬里。僧傳語道林。淵曰。窮谷瞎禿。錯下名言。僧請別置一答。淵曰。只恐不是。玉是玉也。大奇。于是禪流往來。馨炙其語。僧問曰。雪峯一問。德山低頭。便歸。方丈意旨如何。淵曰。奔雷迸火。曰。巖頭道其未會。末後句。又作麼生。淵曰。相隨來也。曰。未審那裡是巖頭。密啓其意。處淵曰。萬年松在祝融峯。曰。三年後果遷化。遺端的也。無淵曰。摩尼達喇。吽發。吒。淵令不易。出。出則風行草偃。而便懶之。斲靡然易向。然復不馳。刺檀家曰。以鋤鏝爲佛事。普請歸。忽拈拄杖告衆曰。離却色聲言語。道將一句來。衆無對。淵曰。動靜色聲。

外時人不肯對世間出世間。畢竟是誰會言訖倚杖當軒莊立而逝。

贊曰。余讀東山演祖語錄。則青山白雲。開遮自在。嗣後尊宿肖之者。幾幾豈碧潭明月。撈提方知乎。今揀道林數語。頗類之。不可不傳之也。然月菴恣於孤硬。而道林繼之青陽解凍矣。萬類不獲榮願者。未之有也。

白楊順禪師

法順禪師者。綿州文氏子也。棄家行脚。觀寶輪藏。迅轉頓徹。教外別傳之旨。得受記於龍門。佛眼同出。佛眼門者。有高菴悟竹菴珪雪堂行輩。順住白楊時。其同門俱播令名矣。獨白楊敗屋數楹。東傾西壓。以木丫支拄焉。順曰。攜盃袋走撫之。鄉城至晚。或負斗粟而還。及門數十人。樂與之俱。每夜參。必端據木牀。徒屬或栗足側耳而聽。曲折順曰。好事堆堆。疊疊來。不須造作。與安排。落林黃葉。水推去。橫谷白雲。風捲回。寒雁一聲。情念斷。霜鍾纔動。我山擺白楊。更有過人處。盡夜寒爐撥死灰。忽有箇衲僧出來。道長老少賣。

弄得恁麼窮乞相。山僧祇向它道。却被你道著。又曰。鷄啼曉月。狗吠枯椿。只可默會。難入思量。看不見處。動地放光。說不到處。天地玄黃。撫州尺六。狀紙原來。出在清江。大眾分明。話出人難見。昨夜三更月到窓。又曰。風吹茅茨屋脊漏。雨打閤黎眼晴溼。恁麼分明。却不知却來者。裡低頭立。願住白楊。既久。激勵學者。妙有方略。雖枯淡不堪。有青原紹燈輩。始終侍從。後俱出世。大顯其聲。願老疾一日。諸山趨詢。願起示衆。曰。久病未嘗離木枕。人來多是問如何。山僧據問隨緣對窓外黃鸝口。更多只如七尺之軀。甚處受病。衆中具眼者。試爲山僧指出病原。看衆爭下語。願乃拈掌一下。作嘔吐聲。曰。好箇木枕头。便趨寂。依法闍維。收五色舍利。并諸不壞者。曰。目睛齒舌數珠。盛於寺西。初願在龍門時。雲居虎席。聞高菴悟表。裡端勁。趨龍門聘之。悟固辭。佛眼勉其出住。悟仍不就。願告悟曰。先知覺後知。先覺覺後覺。蓋素分也。況雲居爲江右名利之首。安衆甚便。沾沾小節。奚足喜焉。君應之。願雖不敏。願請爲輔。悟乃欣起。於是願自爲藏主。邀

賢真牧任維那。通烏頭典知客。應菴華蒞副寺。德用爲監寺。自圓爲首座。故佛眼之風大振焉。贊曰。余初閱師行實。疑其爲踞涼之士。逮味師語句。乃政黃牛蠅獅子之上也。高菴最勁挺。不近人情。師降尊招賢。闡揚一代時教。其跡豈可測哉。然其示枯淡於一時。流膏腴於百代於戲尙矣。

徑山塗毒策禪師

塗毒禪師名智策。祖籍天台。陳氏幼入塾。強記父攜遊桐栢宮。策見古石相問曰。此爲誰其父。曰。周之義士伯夷叔齊也。策低首良久曰。審如是。則人世富貴不足取矣。父奇之。又過護國寺。徧觀僧寮。佛舍。恍憶前因。堅求脫白。父亦不阻其志。遂爲大僧。首謁國清光光。指見萬壽圓圓曰。甚處來。策對曰。天台曰見智者。大師麼。策曰。卽今亦不少。曰。因甚在你脚跟下。策曰。當面蹉過。圓曰。上人不耘而秀。不扶而直。欸之不可。聞雲巖遊老人退居武寧。策趨求依。道經雲居。阻雪月餘。偶聞板聲。大悟不俟。霽達武寧。適游庭坐。乃指策曰。何處見神見鬼來。策曰。打破虚空。全無把柄。

游搖手曰。未。在。策曰。東家暗坐。西家厮罵。游大喜曰。他日。起家一麟足矣。於是親侍久之。辭應變徑游。謂策曰。闡揚一代時教。必須福與慧齊。汝福不逮。慧吾爲汝憂。策對曰。惟愁已眼不明。已眼若明。卽獨對聖僧喫飯。何歉焉。游以爲賢。旣而果策一人。大唱黃龍之道。蓋游初爲儒生。不屑貢籍。棄名。出成都。道遇黃山谷。山谷見游風骨不凡。乃同舟下江陵。竟染衣匡廬。而投機於湛堂。準準之師。眞淨文。文師黃龍。南。南爲游之四世祖也。游年九十三。退休武寧。扁曰典牛。典牛之戶。無冗履。閒和牧牛。頌寄張無盡居士。其頌曰。兩角指天。四蹄踏地。拽斷鼻繩。牧甚屎屁。無盡發笑曰。狂翁故態也。策主叢席。其拈提大類。湛堂操重堅勁。又似黃龍。故黃龍三關之旨。至策爲之一新。嘗舉教中道。若以色見我。以音聲求我。我是人行邪道。不能見如來。雖然。怎麼正是捕得老鼠。打破油甕懷。禪師道汝眼在甚麼處。雖則識破。釋迦老子爭奈拈。龍鳳指徑山。則不然。色見聲求。也不妨。百花影裏。繡鴛鴦。自從識得金鍼後。一任風吹滿袖香。又曰。一見

便見。猶隔鐵圍。玄沙老漢。腦後痛錐。名高豈在。鑄頭石路上。行人口似碑。慶元庚申。秋上堂。無法座曰。此牀子。我不復臨矣。汝等當以文祭我。明日沐浴更衣。端坐。命供頭設祭。弟子如命。鞠躬拜跪。宣其文。策傾聽。至尙饗爲之一笑。遂引聲曰。四大既分。飛烟雲。任意歸秋天。霜夜月。萬里轉光輝。竟化

贊曰。眇視報緣。獨尊道眼。盛衰之跡。何足浼焉。此蓋中峯贊公生平之略也。或恠公大洩典牛之氣。門士如雲。全不肯諾。豈王刀有異耶。抑精金躍冶乎。雖然。不肯諾中。卽肯諾矣。末法覓人肯諾。起自雌黃。哀哉。

南末元明僧寶傳卷五

南末元明禪林僧寶傳卷六

紫籊山沙門自融撰

門人許磊補輯

松源嶽禪師

禪師名崇嶽。號松源。乃龍泉吳氏子也。師事密菴得法。後凡七豎刹竿。有嗣一十二人。人各有名。嶽爲人

。每見貴客則問曰：大力量人，因甚擡脚不起見禪流？則問曰：明眼衲僧，因甚脚跟紅線不斷？有對者，輒晒而顧之。時稱獄得應菴之機，得密菴之用。云：蓋獄早歲厭塵棄家，以白衣參靈石妙不契，即上徑山。徑山高指軒騰，獄隨衆末聽妙喜杲和尚說法，蒙無所知。但聞杲盛贊當今應菴，真得臨濟正傳。獄輒走參應菴。應菴益難近，獄乃奮勵垢面露肘，不暇恤應菴憐之，示獄曰：世尊有密語，迦葉不覆藏。獄隨聲進曰：鈍置和尚，應菴喝之。獄有省。應菴笑曰：者俗漢，成得甚麼獄？乃求剃髮。時年三十矣。既受滿分，戒入閩。見木菴永諦，視曰：樹倒藤枯，知落處麼？對曰：裂破曰：瑯琊道好一堆柴，對曰：矢上加尖。永休去。於是獄益自貧。永曰：公每下語，老僧不能過。其如未在他日拂柄在手，爲人不得。人不得獄曰：爲人者，使博地凡夫一超入聖，固難矣。驗人者，打向面前過，不待開口，已知骨髓。何難哉？永舉手反覆曰：明明向你道，開口不在舌頭上。獄憤去之。出嶺逢二道者，耦坐評論諸方獄所舉心肯者。道者皆拂之。獄曰：如是則誰

可？君意道者，以指畫密菴不凡四字。獄已知密菴爲人，遂至衡之西山折節事之。幾進商略，密菴幾笑之。獄復心疑，乃至密菴移居雙徑，於入室時始徹木菴道。開口不在舌頭上，久之出世，澄沼演唱宗乘，以報密菴。湖海以獄言行無欺，多從之。遷光孝，遂有「大名慶元間，詔移靈隱，蓋晚年也。是時門弟有文禮輩已闡化大方，獄仍陞堂入室，從未以風晨雪夕不打參鐘管以秘魔擎叉語接。謙頭陀以有賊無賊語接。肇道者以心學無聞語接。陸遊樞密遊得證後，隱鏡湖，自稱放翁。嘉泰壬戌秋，獄年七十有一，忽召衆言別有偈曰：來無所來，去無所去。警轉玄關，佛祖罔措。跏趺脫去，塔於北高峰。獄居靈隱時，與密菴尊嚴無異。初，密菴居靈隱，獄首衆僧，密菴常稱疾闔戶不許通謁。潛上座竊議之。獄曰：不然。師嚴道尊，千古明鑑，當今汲引豪貴者，將謂行道建立爲心，殊不知禮輕則慢，易生辭繁而情識長。塵勞卜度安有了期。緇俗旣爲道而來，必發露真心，至誠激切，然後一言入耳，永爲道種。兜率悅之，待張無盡。葉縣省之，接浮山，遠是

也。區區老婆禪何足重哉。

贊曰：獄公白衣有省於應菴語下，固非草草矣。終乃死心於密菴，其祖父壺奧如樊將軍擁盾入鴻門，孰得而禦之？故驅耕奪食於分座，靈隱時班班著聞，見焉不然。彼天目禮輩各抱奇志，其甘入公穀中哉。

淨慈雲禪師

禪師義雲者，號退谷，福州閩清黃氏子也。黃氏世以詩禮傳家，雲有異姿，一目數行，然倜儻不善浮沉，每病其宗不達聖原，各執隅說，疑悞後學，乃淹貫性理，先輩重之時，有胡嫗居烏石山，年將百歲，精術數，眇忽不遺人爭謁之。雲亦詣嫗，嫗大喜，歎留數日，乃謂雲曰：君福人也，當有大遇我目下，即歸國，有一敝裘奉贈，聊表殷勤。雲受歸，恠其重折線路，皆珍珠碎金，雲失足嘆曰：嗟乎，七尺丈夫乃爲胡嫗所買也。遂沉棄其妻於江，而北遊國學，羣士俱出其下。因釋中庸有所悟，入裂縫掖而去，問道於山堂淳禪師。淳曰：子以聰明之質，枉顧山塾，山塾毫無所長，試言子之見處，爲子證據。雲論靜定工夫，娓娓千餘言，淳曰：子所

說道理，似不違背，更有一問，譬有一人正走後面百千虎狼趕來，又有一人扯住要問靜定工夫，若答它後面虎狼迫至，則傷身失命，若不答他，則靜定工夫安在？汝於此時畢竟如何？施設雲茫然，淳公大笑而起，雲徹夜慚惶，撫膺嘆曰：塗路之學終非實著，乃求落髮髮擇絮務以自勵，且勇不自矜，行脚至吳，見鐵菴鐵菴與語大奇之。雲又辭去，鐵菴曰：抱道衲子須以已度人，不可矯激，其行自居清白地上，以駭羣俗。於此行去，形卜於影，毫不生慚，斯可爲人師範。雲書其語於襟，遂造靈隱，機契佛炤，佛炤移住育王，雲爲首衆，佛炤命其秉拂以爲宛如雪堂，惜妙喜先師未及見也。遂以妙喜所付袈裟披雲，雲出世香山，次繼育王，育王以佛炤遺風規模濶大，歲計浩繁，雲獨以朴儉爲先，中多引去者。宗印禪師過訪雲，奉蔬食之外，焚爐對坐，永宵清談而已。印心笑之，問謂雲曰：永淡家風，千秋美典，至若尊宿士夫過我山門，禮體似不可簡也。雲良久謝曰：我非不知也，老人住世，德尊寰宇，歲計動滿千萬，諸方相習成風，非錦屏大碗不

見客雲骨竊恠以爲過當。據蒙見如尊宿惠慈山門。有幸住持。則當率衆翹勤。恭請普施法利。此待尊宿禮體也。至於士夫爲道相訪住持。面無諂色。心無求事。直辭開導。俾責人知有林下氣象。其禮體也不亦優乎。否則古風淩夷。必爲明眼取笑。印大然之慶元間。詔雲居淨慈杖履渡江。同禪徒數十皆敝衣楚楚。意貌翛然。武林吏佐併紳士迎於途。私相慰諭。易其華服而尊禮如一。佛出世焉。既主淨慈。規制畫一。與育玉時無異。惟提唱綱宗以爲供養。其上堂曰。奔流度刃疾。蹶過風。啐啄同時。崐州萬里。有的道。如人學射。久習則巧。殊不知未毅以前。中的早涉。紆迴了也。趙州到茱萸。靠卻拄杖。則且置。只如乎上座。道聖箭子折也。作麼生喝云。若不同牀睡。安知被底穿。又曰。昔僧問雲門。殺父殺母。佛前懺悔。殺佛殺祖。甚處懺悔。雲門曰。露還會麼。斗轉風雷吼。星移海嶽昏。誰知席帽下元是。昔愁人開禧二年示疾。侍僧以榻施褥。雲叱去之。曰。吾末骨立。也安用此。遂卓杖別衆。曰。意烏碎碎。萬人氣索。佛法向上。何曾踏著。臨行業識茫

◆存疑

茫一任諸方卜度。投杖歛目而寂。贊曰。昔高菴聞成枯木。住金山。修甚嘆曰。比丘法貴清儉。豈宜如此。此與後生習輕肥者何異。得不愧古人乎。按退谷處可爲之秋。而能簡約。乃爾其清操。眞足龜鏡將來。

靈隱善禪師

禪師名之善。吳興人也。其先劉姓。世歷廬仕。善自視。歆然年十三。志決出塵。其親謂之曰。吾家欸唾青雲之上。若更何慕。而欲爲之善。對曰。欲爲佛耳。其親惻異。知不可禁。乃許受業於齊政沙門。內行純粹。人敬愛之。出入經論。胸無宿義。乃徧扣禪坊。未得究竟。晚謁佛紹光禪師。辨論風旛公案。光不諾。善固求明破。光示曰。非風旛話。露全機。千古叢林起。是非咄者。新州賣柴漢。得便宜是失便宜。善厲聲曰。啊哪。卻只恁麼。光以杖擊曰。今日與君通一線。斬釘截鐵。起吾宗。光自此旬月不下堂。問其故。光曰。吾妙喜先師擔子。幸卸肩矣。善歷衡湘。遊廬嶽。保養聖胎於妙高峯下。疊柴爲室。不謀宿春。一住十載。時以妙峯尊宿稱之。

嘗詠曰。廬陵米價報君知。浩浩塵中識者稀。回首不知何處去。白雲流水共依依。又曰。有時笑兮有時哭。調高和寡難拘束。一派清音徹九天。風前誰解聯芳躅。隣山有座主。自負妙悟楞嚴。攜數徒。屬訪善善。揖坐相視。移時。座主曰。昨見大慧。有八還頌曰。春至自開花。秋來還落葉。黃面老瞿曇。休搖三寸舌。語雖工。俏但未出經意耳。善薦召座主。座主應諾。善曰。經意且止。還出得大慧老人意麼。座主呬。唔。莫措。善呵呵。大笑而起。座主歸。避席數月。復具師弟禮。請益於善。善示偈曰。沒絃琴上無私曲。一曲彈來轉轉斷。流水少知音。六六不成三十六。善東遊雁山。關法於臨海。慧因歷洪福。遷萬年。乃示衆曰。久參高士。眼空四海。鼻孔接天。見也見得。親說也說得。親行也行得。親用也用得。親只是未識。老僧拄杖子在。何故將成九仞之山。不進一簣之土。是時善之名滿江南。卒退休阜亭。道俗仍以明州瑞巖居善居。無何。平江晉陵請符疊至。善任緣而應。不執可否。善既久。領衆事。法令益略。衲子益新。及卻天童赴靈隱。蓋暮年也。雖檀

旋憧憧。善仍蕭然一衲室中。長物竹筴禪杖而已。端平二年。自題小像。遺龍濟宗。整復誠諸弟子曰。像法垂秋。名利根深。如象沒深泥。珠沉巨海。誠浪塵絲。終無了日。我爲僧七十餘載。目之所到耳之所聞。衛護法門。隱忍受垢者。間或有之。求其不奉明詔。不接公卿。如寒巖枯木。確不可回者。尠矣。人但知法門爲顯而盛。殊不知絳盛而衰。故有緣之功於法門者。其功一時也。無緣之功於法門者。其功萬世也。諺云。庭前生瑞草。好事不如無。又豈謬哉。九月二十八日。書偈。跌坐瞑目而寂。壽八十四。僧夏七十有一。火浴舍利無數。門人善珍號藏叟。丐清之鄭公爲銘。塔於靈隱之西岡。

龍濟整禪師

宗整禪師者。號友雲。姓王氏。廬陵人也。幼不茹葷。年十九。辭親修大僧事。長者多器之。既而遍見大有道者。不事宗乘。章句。獨以睡夢時。不能作宰爲憂。晉陵華藏善公遷靈隱。整南渡依之。踰年。機不合。擬別參。未發。偶見僧讀珍藏叟自贊。整亦隨翫。乃咀嚙其語。

始駭靈隱門實非泛泛也。其詞曰：參禪無悟識，字有數眼三角，似燕山愁胡面，百摺如趙婆呷醋。一著高，出諸方，敢道飯是米，做釜遂堅志，請益於善，而兄事於珍久方契。旨辭去，道緣佛頂峯下，倦行憩山莊，磐石愛其山林，蔚蔚指問莊叟。叟告曰：內有龍濟古寺，先係修山主故址。今廢，蓋曰：居之可乎？莊叟曰：彼中饑寒甚多，師能居之，何不可？蓋竟剪棘縛茅，以居。木食澗飲，或雪寒無宿火，日啖菖歎數寸而已。有時長笑而吟曰：山僧有分住烟蘿，無米無錢莫管它。水似琉璃山似玉，眼前儘有許來多。靈隱善公知之大喜，自題小相以贈。蓋曰：妙峯孤頂草離離，橫按竹筵三尺鐵。只許佛頂龍濟知，父子不傳真妙訣。於是有志之士，淪風而嚮之，因人建立叢社焉。蓋嘗書門曰：除卻眼耳鼻舌，那箇是你自己？若也道得，許你親見龍濟。其或未然，且居門外有對者。蓋皆叱逐之。珍藏叟聞而笑曰：恁麼爲人，其靈龜曳尾乎？雖然，也是六月霜花。乃遣僧問曰：和尚曾接得幾人？蓋曰：山僧失利，僧回舉似，藏叟唯唯。乃跪辭徑山，推蓋代之。蓋曰：

先師壘土未乾，遺訓在耳。矧我龍鍾無似之人，更何所圖？甘言軟語，而與朱紫爲隣，哉！稱病不起，整年八十日不停務。夜據匡牀，合衆環聽，垂訓孜孜不倦。一日告衆曰：先師春秋八十有四，吾年雖得企及，但法運衰矣。罪在我躬，言訖涕下。已而彈指一聲曰：只此是別衆語也。僧問：臘月三十日時如何？蓋曰：門無索債人，衆悽然。請開末後方便。蓋曰：一燈在望，更無言說。大地平沉，虛空迸裂，泊然而化。塔於佛頂峯上，初道俗請建壽塔，蓋固止之曰：何哉？老僧朝死夕埋，獨汗龍濟一塊土，不必尋山擇地也。我每笑溺信形家圖穴與旺，使聖賢法緣媚於黃土，顧而爲之，豈初心乎？

贊曰：妙峯父子始末行藏，不彙而符所謂水月交羅，鏡燈互入，豈可以孤峻而病之易曰：十年乃字，反常也。

淨慈自得禪師

自得禪師名慧暉，乃會稽張氏之寵子也。自少割愛辭親，得度於澄炤寺。孤錫雲遊，見長蘆真歇，以爲有

所證於閃電機下。竟南歸。所遇叢社如逆旅。一閱而棄之。遂投謁於覺宏智和尚。宏智威德自在。道望隆當世。當世見者皆爲神悚。暉獨心負所畜。不藉通詞。特擬觀光於座下。宏智熟視暉。而容之。暉微疑其所。以乃自請挂塔。宏智召暉至榻前。詰以寶鏡頌。暉驟進語。智正色遣出之。暉乃折節自悔。從前實惜一齊放下一夕。正往聖僧前。燒香適宏智來。前暉見之。頓悟大旨。自爾問答無滯。得授記。前焉紹興丁巳。開法補陀。馳其提唱語於宏智。宏智大悅。其語曰。朔風凜凜。掃寒林。葉落歸根。露赤心。萬派朝宗。紅到岸。六憲虎映芥。投針本成現。莫他尋性地。閒閒耀古今。戶外凍消春色動。四山渾作木龍吟。又曰。釋迦老子窮理盡性。金口敷宣。一代時教。珠回玉轉。被人喚作拭不淨。故岳達磨祖師以一乘法。直指單傳。面壁九年。不立文字。被人喚作壁觀婆羅門。且道作麼生行履。免被傍人指注。衲被蒙頭萬事休。此時山僧都不會。又曰。巢知風穴。知雨甜者。甜兮苦者。苦不須計較。作思量。五五從來二十五。萬般施設到平常。此是叢林飽

參句。諸人還委麼。壁老不知堯舜力。鑿鑿打鼓祭江神。谷之神樞之要。裡許旁參。回途得妙。雲雖動而常閒。月雖晦而彌炤。賓主交參。正偏兼到。十洲春盡。花凋殘。珊瑚樹林日杲杲。於是補陀風範與天童並峙。其遷萬壽次吉祥。又雪竇皆名公巨卿爲之勸請。淳熙丙申。有詔補淨慈上堂。曰。皮膚脫落絕。方偶明了身心一物。無妙入道。寔深靜處。玉人端馭白牛車。妙明田地達者。還稀。識情不到。唯證方知。白雲兒靈。靈自炤。青山父卓卓。常存機分。頂後光智契劫前眼。所以道新豐路兮。峻仍戴新豐洞兮。湛然沃登者。登兮不動。搖遊者。遊兮莫忽。速亭堂雖有到人。稀林泉不長尋常。木諸禪德向上一著。尊貴難明。琉璃殿上不稱尊。翡翠簾前還合伴。正與麼時。針線貫通真宗。不墜合作麼生。施設滿頭白髮。離巖谷半夜穿雲入市。鄺當是時。大振曹洞宗風者。多出宏智之門。瑠巖有石窓。恭光孝有了堂。徹常州善權有法智。而聞菴居翠巖法真。居清涼乃至大洪。長蘆皆屬焉。以故淨慈典職班序者。半皆諸方弟姪。誦唱叶諸稱爲新豐

正韻也。庚子秋，退歸雪竇，白髮垂肩，逍遙怡懌，愛攜禪客，談空白日，而笑落青山。常作偈曰：重重去盡自平常。春煖風和，日漸長。戶外鳥啼聲細碎，巖花狼藉滿山房。以癸卯冬月二十九沐浴而逝。瘞於明覺塔右。

贊曰：暉公以奇雋之姿，英發銳上，睹影響於掣電光中，便肯承當。及人天童爐鞴鎔成大器，輒能振大聲以達九重。其境何順也？細簡今古匪流，則亢矣。公乃履滿不溢，順而能節，抑何謙以退也。芳型在望，不禁高山仰止之思云。

北磻簡禪師

禪師名居簡，出潼川王姓，號敬叟。又稱北磻，蓋居北磻之日久也。簡姿秀而文，當世尚之。遊廣福，讀出世典，輒棄冠具，戒參別峰。別峰指見塗毒，塗毒示其心要，簡以從前所學湊泊，不可疑情猛切，常立達旦，偶過擇木寮，閱萬菴語云：欲識諸佛心，但向衆生心。行中識取，欲識常住不凋性，但向萬物遷變處會取。簡於此忽省，以爲萬菴與佛炤同條，遂別策造靈隱，機

契佛炤光禪師。於是往來妙喜，下尊宿一十五年。激揚宗旨，大有力焉。乃辭佛炤，經臨閩，歷江西，過羅湖，訪仲溫。仲溫與論大喜，曰：妙喜之後一人也。乃以妙喜居洋嶼，菴竹篴爲贈。且曰：公之後必大，未幾出住台州紫籙，遷報恩，及廣孝，名大振。退居武林，飛來峰之陰，卿士猶物色之不顧。當是時，出佛炤之門者有靈隱善徑、山瑛、天童派東禪觀上方銑、交章勸簡應旰江刺史之命，又不顧。而江州使者以東林雲居力致之，簡亦不顧。乃壽北磻集行世，宿儒附之。集水心曰：簡公話柄特驚人，六反掀騰不動身。說與東家小兒女，塗青染綠未禁春。簡嘆曰：狼虎之害，世人易知也。文章害世，則難知矣。狼虎在山，藜藿不采，文章欺世耳。目沉淪，余比見近流施爲濶略，非先聖之言，不言。非古哲之跡，不舉。然境風乍飄，榮辱無主，取快一時，名節掃地，則向之所言所舉，皆爲飾詞以欺世者也。欺世之害，甚於狼虎。余頗躬不逮，深爲是懼。所見所聞，偶筆成集，若稍存心，欲以詩文鳴世，則又吾教之罪人也矣。遂煨板，晚居淨慈，其門人大觀以高菴

楞嚴綱要頌請簡發其旨簡向慕高菴爲人乃聯和而序之淳祐丙午春示衆曰識得一萬事畢了事猶僧一字不識直饒恁麼未稱全提禹力不到處河聲流向西歸方丈大書四月一日珍重六字至期言語移時歛目而逝簡初在紫籜委羽有二姓爭竹山竭產不已仙居丞啓簡諷之簡示以種竹賦二姓之訟遂止台氓謠曰簡公筆甜如蜜

贊曰齊桓侯有疾在腠理以忽扁鵲終至骨髓雖司命無奈之何而未造衆生言行參差之疾不啻在骨髓間也故北禪生平行李惟恐鍼石之不逮然以文字得度者則北禪法化寧當有別論也否乎

南宋元明僧寶傳卷六

南宋元明禪林僧寶傳卷七

徑山無準範禪師

無準禪師者諱師範蜀都雍氏子也九歲依陰平山沙門試經目不遺炤紹熙五年具戒訪道乃求坐禪訣於老宿堯公有信入卽出峽謁佛炤光禪師光曰生緣何處對曰剡州曰帶得劍來麼師便喝光笑曰者烏頭子也亂做又過靈隱參密菴禪師密菴不易見乃入破菴先首座之室先與語陰奇之一日要師遊石笥菴有道者問胡孫子捉不住時如何先答曰如風吹水自然成紋師恍然大悟曰諾先大喜而歸師遂事先公赴穹窿蓋先以師深得玄要主賓之旨可倚重正宗也先公移居臥龍師辭遊天台尋開法明州清涼以香醕破菴先公於是吳越知名師初寓瑞巖夢偉衣冠者持茅授師及至清涼見伽藍像卽向所夢者也茅乃神之姓焉三年遷焦山次三年遷雪竇有大名者皆歸之乃示衆曰面面相看眼眼斯覷衣外別傳有甚憑據到卻門前刹竿著鳳栖不

在梧桐樹。又曰。兀元地思量。無可得思量。無可思量。處真箇好思量。大庾嶺頭逢六祖。鰲山店上見曾郎。又曰。賊火相逢恰五更。現成賊物不須爭。暗中多少都分了。天曉依然各自行。又曰。日月面面突出難辨。擬欲擡眸空中兩片師。居雪竇三年。詔補育王。又三年住徑山。居無何。徑山燬。知事者懼。師引咎自歸。一衆咸安。師整頓荒基。說法如故。仍請希叟爲副。寺退耕爲監院。別山智爲化主。雪巖欽爲座元。未久。寺成。朝旨召入。慈明殿陞座。師舉賓頭盧尊者赴阿育王宮。因緣乃曰。君王一語出如綸。尊者眉毛八字分。四海風荷烟浪靜。碧天無際水無垠。上大悅。賜金紋袈裟號佛鑑禪師。六年。徑山復燬。燬之夕。風雨暴作。師端座別舍。漠然不問。且笑。且吟。曰。雨散雲收後。崔嵬數百峯。王維雖妙手。難落筆頭踪。仍結茅安衆。寺復成。又去四十里。別築萬年正續。以憩雲水。不遠復建精舍爲歸藏所。藏前後所賜宸翰。敝室左右奉。祖師與先世香火。或期誕諱。必爲飯僧。佛事以贊冥福。蓋蜀亂師之先祀絕矣。故祠之上。聞嘉嘆。賜名圓炤菴。

淳祐戊申。又小築於明月池上。爲退休計。師臘既高。綸音次序存問。不間。師惟歷書古德機緣。謝對而已。或大賓過。山師獨揭心宗要領。問咨南北。國運師俯首一默而已。己酉三月。望陞座。曰。山僧既老。且病。無力得與諸人東語西話。今日勉強出來。從前所說。不到底盡情。向諸人面前抖擻了也。乃起抖衣曰。是少。遂區囑後事。復手書達上言。別上遣中使慰問。後事。師曰。來時空索索去。時亦條條。更欲問端的天台。有石橋移頃而寂。塔於圓照菴。嫡嗣有雪巖欽禪師。贊曰。南堂謂師居五峯法席之盛。不下妙喜時也。衆多糧少。而重罹回祿。不無奔走四方之勞。想見其曲折。苟非以荷負正宗爲心。則安能蘊條若此。嗚呼。南堂其知言矣。

別山智禪師

別山智禪師者。蜀人也。其先楊姓。世有顯任。智旣生。正信之家。幼絕世緣。七歲。紹印沙門。化爲行童。授以圭峯圓覺。紋脫口成。誦宋嘉定癸酉試所習得度。其年十四矣。又五年。參伽牛全於昭覺。經二載。苦制。

話頭不敢展衾。每至後夜或假寐而已。偶聞姑蘇僧誦殺六嚴法語。字字皆點著自己禪病。時巖住姑蘇之穹窿山。智徑走見。以古德因緣求指。巖惟瞑目端坐。展掌示之。不決請益。巖如前無它語。於此又二載。智所求益哀。巖竟不換機智。乃擬簡藏經融會本參。因閱華嚴善財入彌勒樓閣。見閣中有無量不可思議諸佛境界。有省默舉祖師公案。皆會節目。舉似於巖。巖方啓齒曰。靈雲見桃意在甚處。對曰。萬緣叢中紅一點。幾人歡喜。幾人嗔。巖以爲然。乃可之。智復遍歷名席。俱獲美譽。渡錢塘遊天台。友斷橋倫見。無準範禪師於雪竇。範棒喝風馳。智結舌不能仰對。範每受參垂問。智每擬當機。瞻視範公不能進措一辭。乃私嘆曰。我生平所參所悟。底皆死法也。死法何濟哉。乃盡捐宿負。堅依範公。久之。於範公棒喝中大通妙旨。遂呈偈曰。用盡工夫夜欲闌。東挑西撥見還難。無端豆爆寒灰裡。便把柴頭作火看。範公遷育王。徑山智皆負包與俱。徑山煖知事者多。懼勸範棄之。智曰。不可。昔南禪師住歸宗。歸宗被火。有司責其咎。南尙

順而居之。以故南公之名大重。今徑山雖火。而時清道泰。且堂頭和尚以各自歸。無棄去之心。我輩爲人子。臣當仰體君父之心。父子君臣道合。反廢爲新。庸何慮焉。智於是自充化主。而殿閣樓臺。從鼓舞中湧起五峰矣。嘉熙二年。出住洞庭之天王寺。以真言實踐接納。方來。然好貶剝諸方。江湖以智天王晒之痴。絕冲嘗問洞庭來僧。曾見智天王否。對曰。學人適從天王來。曰尋常有何言句。僧舉天王示衆語曰。帶鎖擔枷。招罪犯安禪。入定坐深坑。兩頭踢脫無依倚。一箇閒人天地間。冲笑曰。恁麼則智天王罪過不少。丞相遊公侶。以西余虎席。請智補之。未久。智自西余荷策遷金陵之蔣山。參徒蟻聚。名滿淮南。悅堂闇道者。初遊吳。聞智尋常怒氣。嘆人不減。居天王時。乃謁智。智問曰。是何法諱。對曰。祖闡近離何處。對曰。江西曰馬大師。安否。對曰。起居和尚。智拽杖便起。闡蹣履便行。侍僧問曰。適來者僧。未知留否。智笑曰。是必去也。侍僧出訪。旦過堂果去矣。闡住後。乃曰。我當時只肯別山。收不肯別山。放實祐四年。天童火無少剩。州帥

吳公潛以疏聞。上以智居天童。智曰。攜吾白骨以伴青山足矣。興復之事。豈吾望也。遂於瓦礫堆中。搗草廬以安衆。三載之間。松關盡處。青山捧出梵宮。而壯甲東南焉。智處衆能耐小節。深得禪子之心。禪子互相頌曰。吾師諱祖。智即弘智再來也。景定改元九月朔。示衆曰。雲淡月華新。木脫山露骨。有天有地來箇箇眼睛活。乃掩室復令傳語曰。不及相見各自努力。越十日。珍囑後事。叉手捐世。壽六十一。坐四十七夏塔於中峯。

贊曰。我師翁悟老人。新天童時。修輯歷祖石塔。余得見智公之塔。圯於荊棘叢中。及攷天童中興圖誌。惟公大有功於天童者也。公初事無準。居徑山。以大義鼓舞。遽成五峯樓閣。後公居天童。不三載而重興莫大之精藍。亦座下有其人而鼓舞之。嗟乎。非忠於事上誠以接下。曷克有此哉。

淨慈斷橋倫禪師

斷橋和尚名妙倫。姓徐氏。台之黃巖人也。弱冠欲入瑞巖隣寺出家。其父兄不許。強倫治生產。倫不樂業。

乃遷永嘉圓頂於廣慈寺。受戒歸省。得問道於瑞巖谷源禪師。源以麻三斤話示倫。倫大疑之。如面千尺鐵牆。因隣僧讀楞伽經曰。蚊虫螻蟻無有言說。而能辨事。倫有省。會無準。範公中興雪竇。雪竇風峻。禪者不易上謁。倫下包直趨。方丈左右莫能止。範公怒曰。甚處來底。對曰。瑞巖。曰。到此何爲。唐突若是。耶。倫從容進曰。實爲己躬事。切來呈似耳。曰。有甚驢事。馬事。試舉看。倫乃陳其所得。範曰。狗子因何有業識。倫進語範。不顧如是。滾滾不住。連進三十語。範俱不顧。擬再進語。無可湊泊者。乃跪泣請曰。師寧無方便乎。範公憐之。以古頌示曰。言有業識在。誰云意不深。海枯終見底。人死不知心。倫悚慄沉吟。忽聞板響。通身汗下。連拜。範公足下。範笑曰。我不汝欺也。倫弗吐一詞而出。範公移居育王。徑山倫皆從而相之。是時出公門者。雪巖欽。別山智等。各化一方。稱有道焉。倫亦領祇園小刹。據室燒香。甚有大體。一時名衲趨其座下。院窄無所容。移居瑞巖。又移國清。倫爲人徑直無諱。好采羣言。評量古今。議論既出。如束濕薪。然皆援經。

據史如披曉鏡人以為博物宗匠若智若愚爭識一面而後已。晚居淨慈嘗謂衆曰：荆山有玉，獲得者不在荆山；赤水有珠，拾得者不在赤水。衲僧有無位真人，證得者出入不在面門。橫按拄杖曰：曾麼？幽州江口石人蹲，又曰：德山低頭夾山點頭，俱脂豎起手指頭。立沙築破脚指頭，拈拄杖云：都來不出山僧拄杖頭。何以見得卓一卓？曰：一葉落天下秋。又曰：達觀顙

云：七佛是性，隸萬法是心。奴且道主人翁在甚麼處？自喝云：七佛以下出頭，又自睹云：各自祇候喚七佛作性，隸指萬法為心。奴達觀自謂有出身路，及其自喝自睹，又是奴隸邊事。主人翁何曾夢見在要會麼？揮拂云：曉來一陣春風起，開遍園林百樹花。倫晚年罷上堂，一日忽挂牌入室，已而謂衆曰：斯乃老僧末後一場搬弄也。復問闍上人曰：臨濟三遭黃檗痛棒，是否？對曰：是。曰：因甚？大愚肋下築三拳，對曰：得人一牛還人一馬。倫怡然撫几曰：後當有人據此為你證明在。謂號悅堂後嗣介石朋遂以後事分付門人方山寶竹屋簡，又裁書別諸方知已。魏國公閱倫書，大驚，即遣使

問曰：師生天台為甚？死在杭州，倫微笑以手指左右曰：日出東方，夜落西，其使擬拜，倫已化去。贊曰：斷橋和尚以英偉之姿，入雪竇範公之門，始知肘後靈符不從人得，及出世而簸揚淘汰，可謂精於得人矣。以故方山寶輩數傳而世，其家諸方稱之曰：斷橋一脉有以也。不然，則如世暴流朝盈夕涸而斷橋一派嘉聲何從而挹之？

徑山冲禪師

禪師名道冲，字癡絕，出武信荀氏。少為書生，精通六藝，有聲然數困棘園。冲自解曰：無憂也，非當成我出塵之志乎？竟剃落於梓州妙音院，具戒出蜀，放浪於吳楚間，覩諸宗匠而不願見也。當此之時，曹源生禪師唱密菴之道於妙果，冲幾擬進謁，復中止。流連講肆，惟見禪者接足往來，妙果且頌妙果之機用，冲心計生公若無長處，何得人心？若是耶？乃奮起往見與生酬對，數語深畏之，求侍左右，不去者一年。生公宗乘玄旨，冲俱領會，但於拳棒交馳，似有所滯，且屢呈伎倆，生屢拂之，冲恨辭去曰：尚餘一雙窮相，手要向

諸方養處。既竟去。歷諸保社。信宿卽行。又見靈隱。獄獄又不諾。冲又擬去。乍遇故友。挽之住。經八餘月。或告獄曰。冲君才華非易得也。不以方便接之。其失士乎。獄曰。我已八字打開。渠當面錯過。卻恠阿誰。冲聞之。口耳俱喪。徹見生公。妙用乃北面。妙果而拜之曰。幾負吾師。幾負吾師。住後。嗣法曹源生。初江湖。褊子觀望不歸。及其開堂。接納星飛。電捲。老師宿德。稱善。於是衆歸如雲。上堂有僧問。心佛及衆生。是三無差別。如何。是過去心。曰。放待冷來看。如何。是現在心。曰。你問我答。如何。是未來心。曰。後次上堂。向你道。如何。是過去。差別。智冲以拂子擊禪牀。左如何。是現在。差別。智冲擊禪牀。右如何。是未來。差別。智冲向中間一點僧。乃禮拜曰。佛衆生無向背。十方刹海一毫收。冲曰。過去心不可得。現在心不可得。未來心不可得。三心既不可得。喚甚麼作差別。智若人見得。徹去三世諸佛。無一時不在。諸人頂額上。轉大法輪。更來者。裡挨肩。並足討甚麼。婉以拄杖。一時趕散。冲初住嘉禾。光孝次遷蔣山。蔣山瀕江。多惡歲。艱於行乞。一衆

有菜色。冲振起謂之曰。我佛祖門風。處違常順。且饑寒凍餒。獨非佛事乎。況法喜之食。食無窮也。卽自攜布袋。日走街坊。不以風雨自問。每回必命鼓集衆。提持不倦。如此一十三載。如一日。叢林不窘。有詔移居天童。會育王。又虛其席。以爲冲。善荷大衆。請冲攝理之。乃小參曰。天童用底。來育王用。不著育王用底。來天童用。不著用。不著處用。有餘一箭。雙鴈隨手落。晚遷徑山。一日上堂曰。世尊生平用盡伎倆。及其摩胸告衆。求生不得。死不得。死山僧則不然。要行便行。要去便去。八臂那吒。攔不住。移時坐寂焉。冲善書。暮年尤好之。然所書者。皆先覺古德警策。偈頌。無雜言也。有學士求書。欲冲自撰詩文。冲諾。卽命引紙。乃大書摩訶般若波羅蜜七字。學士笑曰。仍是舊底。冲以手婆娑曰。我不敢輕慢你。等你等皆當作佛。贊曰。田單持不二心。以守節。卽墨不逾年。下七十餘城。還之於齊。可謂壯矣。冲公以妙年。持不二心。入道。蹶然紹生公一脉。於將絕未絕之際。且處違常順。莫蔣山一衆。於風雨飄搖中。俾曹源生公之道復振於

時不亦偉哉

天目禮禪師

天目禪師文禮者字滅翁生阮氏爲臨安籍也得度於眞相寺智月沙門得道於薦福松源嶽禪師出世於郡之廣壽次則雁山能仁復詔居南屏淨慈終於天童者蓋赴暮年之詔也四會談禪兩赴明詔於其西丘福泉乃退閒之所也禮居雁山時南國衣冠君子多從之遊禮杖拂蕭然清風迫人松下雲間泉聲石色無尊卑目遇而已然卒不樂乃退居梁渚西丘自述曰我自南山退席回嬾將藤杖接方來有時挂到晴坡上簡點梅花幾樹開方是時晦菴居士朱熹者以道學開館台南訂有司挽禮再居能仁不起乃作偈簡雁山耆宿曰我拋一語墮龍湫逗石穿雲幾度秋白髮詎那看不透月寒高挂冷猿愁禮旣休閒於梁渚道俗相尋不絕禮多兀坐繩牀熟視搖手而已或格外相懷禮自理瓶鐺談笑連朝夕不厭也節齋趙公墓禮高行微服過訪坐語竟日節齋去禮竟不問其姓名適淨慈席虛節齋起禮補之不赴節齋

乃言於上上強命之入院禮曰九重命下四海同欽山嶽懽呼禽魚起舞且物外道人因甚也被轉卻順是菩提四衆稱善未久又杖策宵遯退居福泉上惜之復敕天童居禮禮居天童常以南山笙箏東海鳥鯽話驗方來擬對禮輒督牙三下識者驚焉一時及其門者非智過於師不易放行故自書曰無詔陽來扣門終不搆人脚折有德山至詰問方纔吹滅紙燭堪嗟狐媚妄相嗣續寧教草滿法堂苔封古屋楊岐不得保事白雲晦堂若非死心靈源其餘碌碌難爲接足禮住天童不久又棄歸西丘舊隱然方賓益勝朱晦菴嘗詣禮禮以格外瀟灑示之晦菴則彬彬然有容整冠進問母不敬禮驚起叉手晦菴退語人曰碧落碑果無質本也楊慈湖亦問不欺之力禮答曰要明兔象全提句看取陞階正笏時禮四歷任持僅八九載而退居之日多其風調高古見者神肅然欽及法道體勢則慷慨太息或繼以涕故嗣其志者皆著大名於當時淳祐十年冬月忽晨起謂衆曰誰與我造箇無縫塔侍者曰請師塔樣禮微笑曰盡力畫

不出即蛻。去年八十有四矣。闔維頂骨牙齒不壞。舍利如燦珠。附天童應菴祖塔之左而闕焉。

贊曰。余覈公道行垂手三十餘齡。四遷五退。如白雲影內。神仙可仰而未可攀也。再味其說法。若誌公之容護。許僧繇描摹。當時君子以公之名齊於妙喜。應菴誠不謬矣。

天童如淨禪師

如淨禪師字長翁。奇逸有遠大志。受可印於足菴。不屑肥遯。廣諸方便。經其笑罵者皆脫略成器。故嘗開會浙江左右六坐名坊。而淨慈天童最久焉。其陞座曰。有問有答。矢尿狼藉。於是眉毛慶快。鼻孔軒昂。直得大地平沉。虛空迸裂。正當恁麼時。且與宏智古佛相見。豎拂云。相見已了。合談何事。從前汗馬無人識。只要重論蓋代功。開爐打圓相。召衆曰。箇是天童火爐。近前則燒殺。退後則凍殺。忽有漢出來道。作麼生。因火爐動也。又曰。螟蛉子殪而逢蝶祝之曰。類我類我。天童門下莫有類我者麼。萬里不挂片雲。天地一團猛火。又曰。陸修靜陶淵明文殊普賢作圓相云。哦。

一欵具呈。且道憑誰批判。若是孔夫子。吾無隱乎爾。有覺禪者。親依年久。夜分請決於淨淨。曰。我困倦。且去。明日爲你說。覺念日月蹉跎。含涕而出。露立待旦。整威儀入室。淨憐之。乃上堂曰。一箇烏梅似本形。蜘蛛結網打蜻蜓。蜻蜓落了兩邊翼。堪笑烏梅敲鐵釘。覺傍失聲曰。早知燈是火。飯熟已多時。淨便喝。識者稱淨險要。頗類雲門。其縝密實如洞山。但未見稟承何人。或問請曰。師唱道多年。名滿叢林。高足已闡化。方得法源。委乞明指示。淨良久笑曰。涅槃堂裡向汝道。有本云。涅槃堂裡看。又示衆曰。古人大雪滿長安。天童賣却者心肝。無神通菩薩。猛劈一椎。千手眼大悲。捏恁多端。還會麼。獅子教兒迷子訣。老婆心切不相瞞。淨年六十六。忽命侍者設香案。聲鼓集衆拈香。嗣足菴焉。其語曰。如淨行脚四十餘年。首到乳峯。失脚墮於陷穽。此香今不免拈出。鈍置我足菴大和尚。足菴名智鑑。鑑法嗣天童莊莊嗣長蘆清了了字真歇。乃丹霞子淳入室之子也。是淨爲青原下十七世之正裔。初足菴鑑公爲兒時。母與洗手。瘍執鑑手曰。好似箇甚。

麼鑑曰似佛手親歿卽從長蘆真歇禪師得度。在首座。器其進止端莊。以方便示鑑。鑑卽隱象山。屏絕諸緣。一饘爲伍。廓達玄旨。復就王珙。可其見處。鑑住後。以枯淡集方來。晚年徙居雪竇。座下明眼衲子。皓首相依如淨。以栢子話請益。鑑鑑本色策之。淨乃領悟。曰西來祖意。庭前栢鼻孔。寥寥對眼睛。落地枯枝纔蹀跳。松羅亮格笑掀騰。鑑曰老成持重。爲人天眼聲。光曇耀非我所望。淨旣受記。剏乃重其師訓。半生開化。不邀虛名。又疾時輩冒稱。越繼故臨。末際方示法源。乃召衆曰。六十六年。罪犯彌天。打箇蹀跳。活陷黃泉。喚從來生死。不相干。奄然長往。

贊曰丹霞大隆洞宗之後。而冒鑑之弊。駸駸有矣。長翁舉措風規。無乃塗毒鼓不容側耳。抑識法者懼乎。但其入理深談。不滯玄微。真洞下禪龍。而雲行雨施。詎可量哉。

上都華嚴全一溫禪師

禪師名至溫。字全一。邢州郝氏子。爲天童如淨禪師八世之裔也。性敏捷。不易出語。語則合度。六歲從萬

松秀禪師祝髮。爲大僧。是時萬松之庭多俊杰。會僞金章宗明昌四年。卽南宋光宗紹熙四年癸丑。召秀說法於內廷。其王親貴戚羅拜求示。秀俱無言說。惟合爪當胸而已。溫大疑其所以。乃請問於秀公。秀公拂之。溫益疑。遂心計曰。至道雖玄。非言莫顯。師於佛法得無吝乎。一日見僧問秀曰。是處是慈氏無門。無善財爲甚。道琉璃殿上。無知識。秀厲聲曰。折却殿了。與你相見。溫不覺失笑。秀顧溫曰。笑甚麼。對曰。可惜打破瓦。秀曰。打破後如何。溫又無語。然溫博學強記。與雪庭裕公往還辯論。裕每譽之。秀公遷大都。仰山之栖隱寺丞相耶律楚材常問道。栖隱因與溫甚善。會同學林泉倫上座。出住萬壽。溫以大事未了爲愧。且憂憤成疾。久之乃得秀公之旨。於是機不可撓。秀公暮年常課華嚴門下得法者。雖一百二十人。惟溫最愜公意。其金都應酬。悉以溫代之。秀公歿。會元主伐金。溫開法華嚴林泉。倫繼席報恩。其道價齊重於京都。元主研究三教典籍。以爲宋徽宗不業三教正經。倭於方士丹昇之說。以至亡國。詔有實學之士。較諸道藏僞撰。

除道德南華外盡行燒燬命林泉倫於大都憫忠寺舉火是日傾都傳聞士庶畢集倫乃以火炬打圓相云諸仁者只如三洞靈文還能證此火光三昧也無如斯會得家有北斗經枉教人口不安寧其或未然從此灰飛烟滅後任伊到處覓天尊急著眼看便燒之衆口雜然稱正時至元庚申也即南宋景定元年元主將西征有嫉我教者遂奏議曰釋氏雖托方外然多忠烈之輩今五臺等處僧徒有能呪術武略及膂力者宜募爲部伍扈從西征可爲開國之一助也溫聞大驚乃顧楚材而折其說楚材亟白元主曰釋氏之高行者必守不殺戒奉慈忍行故有危身不證鵝珠守死不拔生草者法王法令拳拳奉行雖死不犯用之從軍豈其宜乎若不循法律者必無智行在彼既違佛制在此豈終王事哉一舉兩失實不可也元主遂然之太保劉秉忠以僧服而輔元主元主甚敬之忠曰臣乃宇宙之廢品耳何當聖眷比有萬松秀禪師之高弟名曰至溫唱曹洞宗旨於上都華嚴寺其學兼內外道貫天人陛下若詔而賓之必充擴仁風爲

蒼生之依賴也於是溫入內廷與元主朝夕論道元主嘗恨相見之晚河北諸禪刹自宋政和以來加之遼金壬辰兵穢祖庭未得興復元主敕立禪僧爲主持於是三河寺院沛然興矣燕趙秦晉之間洞室宗風大啗皆溫之力也溫居內庭三載如一日辭還錫號佛國普安大禪師至元丁卯五月即南宋度宗三年示疾沐浴更衣而逝異香三日茶毗舍利無數四衆分塔而祀之

贊曰朝生鳳雛自與千歲玄鶴同途而異轍余觀溫公驅烏於萬松之庭其胸中固已吞雲夢八九耳及演化大都果遠出羣賢之上然兵火之餘能使王公貴人信有此事非冰霜潔行不足以感之今人獨味萬松評唱之語而不聞公有回天之力何哉余故表而出之爲洞宗之威鳳云

南宋元明僧寶傳卷七

南宋元明禪林僧寶傳卷八

北平慶壽簡禪師

禪師名印簡字海雲山西寧遠人也。得道於慶壽禪師。璋字仲和乃天目齊之裔也。齊參五祖演和尚。得演記別。遂隱天目。當其時出五祖之門者化徧南州。而三佛之裔稱盛。獨齊公居天目。甚枯淡。法席寥然。暮年始有懶牛和上座。紹齊之法。而和之枯淡尤甚。僅得竹林寶實得竹林安傳容菴海海之名。頗著。乃有中和璋璋之下有印簡出焉。簡出則齊之道大於北平矣。簡本出儒家。有生知之質。其父宋氏授以孝經。開宗明義章簡掩卷進曰。開者何。宗明者何。義其父愕然提其耳曰。孺子可教也。時方七歲。於是古今經緯之學。一目輒知。要領然疑。喜怒哀樂未發以前之理。不遑寢食。乃盡捐宿學。走事中觀。沼禪師每發問端。沼每止之。沼老常命簡扶行。偶下堦。簡掣沼公之手。沼咄曰。者。楚狐精。簡恍然而諾。沼乃遣簡行。脚簡既。遊孤策過燕京。雨阻松鋪中途。夜宿嚴

下。因擊石火。劃然大悟。乃捫面曰。今日始知眉橫鼻直。天下老和尚信不寐語矣。遂達慶壽。通謁於中和璋公公。先夕夢異。僧策杖竟來。方丈據獅子座。晨起而心待之。簡果應期而至。璋大喜。受展問曰。你會到此麼。簡對曰。印簡不來而來。作麼生相見。曰。切莫打。楚樵簡曰。石火迸裂。眉橫鼻直。曰。吾此處別。簡曰。如何表信。曰。牙是一具。骨耳是兩片皮。簡曰。將謂別有。曰。錯。簡喝曰。草賊大敗。璋笑而休。次日璋公以臨濟兩堂首座下。喝機緣。令簡下語。對曰。打破秦時鏡。磨尖上古錐。龍飛霄漢外。何勞更下樵。曰。你只得其機。不得其用。簡掀倒禪牀。璋曰。路途之樂。終未到家。簡與一掌。璋曰。只得其用。不得其體。簡曰。青山聳寒色。月焰一谿雲。曰。只得其體。不得其智。簡曰。流水自西東。落花無向背。曰。要且沒交涉。簡震拍其兩掌。是時左右皆爲變色。璋公乃曰。如是如是。遂命掌記室。而師資如水乳也。元世祖辛卯年。簡主慶壽。衲子不懼苦寒。趨歸法會。而禪牀幾至折脚。其都中貴人多雜選門下。簡一以璋公眞率之風。應之。無不悅服。蓋璋

居慶壽受公卿之刺從未以名姓干復之然以祖意徵扣則切怛往返不留餘地也一日簡於廊下逢數僧乃問曰那裡去一僧對曰賞花去第二對曰禮佛去第三對曰那裡去第四僧無語簡俱以棒打之復問第五僧對曰覓和尚去簡曰覓他作甚麼曰待他打時還他一頓簡曰將甚麼來打曰不將棒來打簡連打曰者掠虛漢衆皆走散簡召曰諸上座衆同首簡曰是甚麼乃趨寂謚曰佛日圓明大師

贊曰簡公據無師之智出家行脚徧閱尊宿而後扣中和室投機之語盤旋密運稱可觀矣公不假能事而起天目齊幾湮之宗則老東山之面目儼然豈非巨冶無分金之體而千江有得月之機乎

徑山高禪師

妙高禪師者號雲峯閩之長谿人也其母夢池上出大蓮花有嬰兒合爪坐華心以手捧得之而婉故小名夢池幼明敏好學諸老宿皆以奇童稱之愛其吐詞有關聖化年未及冠忽記宿因乃棄業爲大僧一錫吳楚首參癡絕冲冲以道德文章傾動一時高徽

露風承冲大喜曰此子有冲霄之質若堅其羽翮飽足秋風實吾宗之望也因指見無準範範公不近人情及陞堂入室高對語雍容範甚器愛已而復見偃谿聞禪師聞住育王使高司藏鑰一日聞公顧高曰不道子無見處老僧只道未在高對曰未在底正是妙高受用處聞曰牛過窻樞頭角四蹄都過了因甚尾巴過不得高連下語聞但搖首曰未在高詞窮愧汗橫流仰面視聞聞震聲曰過也過也高忽徹乃踴躍作禮曰鯨吞海水盡露出珊瑚枝聞公笑曰子此回可以說禪也於是從聞遷南屏適宜興大蘆虛席勤舊請命於聞聞以高主之及行聞乃謂高曰先師浙翁琰和尚嘗云我自離佛照老人之門一味因時度日不敢過爲蓋恐辱吾老人也嗟乎先師德業冠世猶其競業若此汝今此行當體先人苦口使大慧門風不濫則足矣餘何圖哉高既居大蘆四衆知名遷居江陰之勸忠寺又遷雪川之何山景定間有詔移高居蔣山上堂曰世界未形乾坤泰定生佛未具觀體全真無端鏡容大士鸞巢躍出劈破面門早是

遭人描摹。那更缺齒老胡。不依本分。遙望東震旦。有大乘根器。迢迢十萬里。來意在攬行。奪市直得鳳堂鼓響。阿閣鐘鳴。轉喉觸諱。插脚無門。合國難追。重遭許露。蔣山迫不得已。跨他船舫。入它界分。新官不理舊事。畢竟如何。戊戌夜。貯千峰月。塞草閒鋪。萬里秋元。兵渡江。或請避其鋒。高曰。盡大地是戈矛。汝擬向何處去。避山門否。泰在我一人。汝勿復言。兵至有迫高索金者。以刃擬高。高延頸曰。要殺便殺。吾頭非汝礪刃處。卽有金乃十方物也。終不敢奉君以求生。執刃者悚然。目之捨而去。丞相伯顏勾戟長鉞。環鎗而進。高跌坐繩牀。不涉言色。顏公甚致敬焉。乃捨牛百頭糧五百石。後伯顏問道於靈雲定禪師。乃言蔣山高公有德圓通之雅量。惜當時軍務在握。未及盤桓。元世祖庚辰歲。高遷徑山。席未溫。寺罹於火。衆有咨嗟下涕。惜其舊而難其新高。曰。興廢緣人法。無定相。於是整理火場。而安衆曰。五峰峭峙。到者須是其人。一鏡當空。無物不蒙其照。祖師基業。依然猶在。禪僧活計。何曾遷變。著手不得處。正要提撕。措足無門時。

方可履踐。直待山雲淡泞。湖水潺湲。一曲無私。爲邦樂業。正恁麼時。功歸何所。車書自古。同文軌四海。如今共一家。閱九年。徑山復舊。戊子有毀我宗於朝廷者。以爲禪說不合。聖經高聞而奮起曰。此宗門大事也。吾雖老尙強。一行至京。得旨集諸宗徒。廷辯元世祖問禪。以何爲宗。高對曰。淨智妙圓。體本空寂。非見聞覺知。思量分別所能到。惟悟得。說宣問再三。高歷舉西東諸祖。至德山臨濟。棒喝因緣。大抵禪是正法眼藏。涅槃妙心。趨最上乘。孰有過於禪詞旨。明徹朝廷震動。乃宣高進。便殿賜坐。又宣百法論師。仙林者與高持論。仙林曰。昔佛始從鹿野苑。終至跋提河。於是二中間。不曾說一字。五千餘卷。且道自何而來。高答曰。一代時教。如標月。指了知所標。畢竟非月。仙林曰。如何是禪。高以手打圓相。仙林曰。何得動手動脚。高曰。上座講得千經萬論。且道者一團落在甚麼法門。仙林不能對。乃避座稱謝。高曰。似則也。似是則未是。世祖大悅。左右皆呼萬歲。於是天下禪風大振。徑山復火。高曰。老僧宿負此山耳。又力營建。不三載以

次落成南北禪流大集。或請高說生平。實高笑曰。衲被蒙頭萬事休。此時山僧都不會。竟入滅時。世祖十四年癸巳也。閱世七十五。坐五十九夏塔於寺西。贊曰。妙高禪師。出居雙徑。席未煖而寺遭燬。能以堅忍力而復新五峰樓閣。其事蹟灼類無準。年垂七十。尙抵京廷。辯又類淨因。成之逢善華嚴忠國師之驗。大耳三藏。嗟乎。豈非蛟龍鬪則水勢洪。金石擊而火光烈。所謂小出大遇。千秋一合者耶。

靈雲鐵牛定禪師

禪師吉安王氏子也。名持定。久依雪巖。因陳頌得號鐵牛。其頌曰。鐵牛無力懶耕田。帶索和犁就雪眠。大地白銀都蓋覆。德山無處下金鞭。欽公曰。好箇鐵牛兒。故人以是稱之。定初得度於肯菴。勤禪師處常讀雜華經。以爲積功累行。修行曠劫始得成佛。復自忖曰。審如是衆生。無有成佛之期耶。乍聞教外別傳之旨。身心踴躍。疾走參雪巖。欽公乞居槽廠。喜作淨頭。欽憐之曰。禪者無太勞乎。定對曰。欲求無上妙道。豈敢言勞。欽示以偈曰。昭昭靈靈是甚麼。眨得眼來已

蹉過。廁邊籌子放光明。直下原來只是我。我不領旨。一日欽示衆曰。兄弟做工夫。若也七日夜一念無間。目不交睫。無箇入處。斫取老僧頭去。定益愧勵。曉夜參究。忽染疴。自取觸器。就坐屏處。單持正念。目睫不交者七日。至中夜頓覺山河大地。靚露眞常。良久如聞擊木聲。遍體汗流。其病亦廖。舉似欽公。欽復憐之曰。百尺竿頭進步爲奇。定更加精進。經六載。欽公垂問。亡僧死了。燒了。向甚麼處去。無對者。欽代曰。山河大地。全露法王身。定乃洞徹。言下厲聲曰。和尚舉揚般若。驚得法堂前石獅子笑。舞不休。欽曰。試哮吼看。定曰。劫外春回。萬物枯山河大地。一塵無法身超。出山河。舉笑倒。西天碧眼胡。欽敲香几曰。山河大地。一塵無者。箇是甚麼。定作掀禪牀勢。欽公笑曰。一彩兩賽。乃辭欽去。流覽名勝山水。有以巨剎相挽。定概不欲居。乃曰。人勞於前。我逸於後。其可乎。至衡州鄱縣。過桃源山。眷其幽邃。刀廬於桃源。桃源深處人跡罕到。烟霧晦冥。而山君水王出沒無時。定以迷悟因緣示之。授其五戒。於是神靈呵護。未久。叢席大成。號

曰靈雲等定爲人好培養衲子四事周備間與談論

縣所不至然自受用處數十載一折脚木榻而已遇人無貴賤危坐燒香清茶對話竟日夕無倦色常有士夫過訪輒歎不堪而去伯顏公入山問道聯牀旬日臨行定倚杖門送曰公今生失脚墮於尊貴一念不來卽來生也再若失脚山僧無奈公何矣會公除政府欲疏朝廷賜定衣號定曉以偈曰大地山河一鐵牛多年忘把鼻繩收堪嗟槐國人如市旦暮笙歌關雎樓頭公發東以示僚屬其挂冠歸田者數人而在朝辦道者甚衆大德壬寅冬手書長語示衆其略曰塵世非久日銷月磨桃源一脉三十年後流出一枝無孔笛虛空吹起太平歌癸卯春泊然坐化閱世六十有四坐三十三夏函全身於陶器瘞於寺北沙潭三年後啓視之爪髮俱長顏色如生

贊曰余讀中峰廣錄至題定公贊有茶陵千仞靈雲寺聲播元朝數百州之句默想公之爲人必大有可觀中峯故歸重之如此及簡燈錄見公投機頌如多寶佛塔湧起虛空人人得而瞻仰益知公悟處的當

與高峰齊名宜矣

悅堂闇禪師

禪師祖闇者南康人也號悅堂宋端平改元生於周氏連眉秀目神氣奪人年十二聞鐘聲嗒然自失卽厭家居乃辭親求出世法轍受業於嘉瑞沙門日閱大乘經論夜則禪坐或枯立終宵栖賢法師誘闇入講筵闇曰講經能了生死否曰代揚佛化廣利羣生況自了乎闇曰誰是羣生者法師駭歎曰沙彌再來人也闇於是倍加精進因閱華嚴入法界品有所省發乃受具足戒東遊蔣山見別山智語在智傳中智嘗稱曰闇江西氣品它日有過人處雖然也是六月梅花且指見斷橋斷橋歿別參介石朋禪師朋曰道者何來對曰長橋分埜岸一棹舉湖心曰空山雲面合何處覓形踪對曰一聲金磬動獨露萬機前曰先賢無字語不妨速道看闇擬對朋便打自此服勤於朋見朋不敢仰視一日朋忽召闇闇趨諾朋曰趙州庭栢話作麼生會擬進語朋擊曰何不道黃鶴樓前鸚鵡洲闇深契妙旨乃西還隱廬山會東巖日

住圓通諸山以晚輩藐日話不行。聞故移杖就訪。值上堂。闍出大展。然後進問曰。如何。是佛。曰。仁者問佛。那曰。實是某甲。疑處曰。呵呵。大笑。闍喝曰。便打。曰。尋知。闍乃設特位尊之。闍謙就半座。凡遇大參入室。必展拜益重其禮。或竊笑其迂。曰。怒責曰。無我之風。查不聞矣。非果地至人。難以至。此汝輩敢忽之耶。是以圓通法席之興。多闍力也。九江錢刺史以西林聘闍。說法廬山。宿禪多起。就爐。備管勘僧曰。微塵諸佛。在汝舌上。三藏聖教。在汝脚底。何不瞥地。去。僧罔措。闍便喝。又勘一僧曰。釋迦彌勒。是它奴。它是阿誰。擬對。便打。又問。新到何處來。對曰。闍中曰。彼中佛法。如何。住持對曰。饑餐困眠。曰。錯。僧曰。未審此間如何。住持。闍拂袖歸寢室。至於移開。先遷東林。衆滿五百人。宗。闍入室。闍曰。溪聲盡是廣長舌。且道說的是何法。郭大悟。闍乃以布衲授之。有僧進曰。明眼英靈。滿師座下。未見肯可。今以大法。頓授初參。可乎。否。耶。闍展掌曰。會麼。僧默然。闍曰。將謂山僧多少奇特。元貞初。賜通慧禪師號。併紫法衣。大德間。補靈隱年七十五。

說偈而歿。其偈曰。緣會而來。緣散而去。撞倒須彌。虛空獨露。宗。廓繼席東林。聞訃亦說偈歿。廓號無外。首住雲居。以自強著節志士仰之。

贊曰。余簡介石朋公之語不多得矣。獨見其因行掉臂間。遂使悅堂廉纖脫盡。信哉魚腸匕首。立可斃人。宗。廓之嗣悅堂也。願末一致。可謂肖子區區。螺負而祝似我者。何足道哉。

匡廬一山萬禪師

禪師了萬者。號一山。臨川人也。其先金氏。爲江右顯族。萬生貌瘠而秀氣格精厲。八歲指揮羣小。肅若朝堂。又八歲好學。以淹博著聲。每嘆孟軻氏未達性理。同輩驚其狂。萬曰。聖賢亦猶人也。何無是非眼。目乎。乃毅然求佛爲師。竟於金谿常樂院棄髮。是夕芝產戶樞院主卜之。得乾之九五。占者曰。剛健中正。聖徵也。當爲法王。萬遂遊方。徧見名宿。得旨于東叟。願住後。嘗謂及門者曰。我當時初參。偃谿聞尊宿。聞以爲我齒牙超邁。每同商略古今。問謂我曰。子姿質銛利。山僧實不及子。但有一著。若識得山僧。在子脚底。我

雖不測棄去未嘗不珍味其語。又見靈隱荆叟王禪師亦蒙隆遇。王曰：近日法社淒涼，勘合中道太過者，生易不及者，生疲病庶幾可振，易病難醫，何也？佛祖境界非世聰之可測度，彼時雖銘其說，不能當下慶快。如是展轉所歷，非一大抵遮前護後，遂乃撥妄求真，及到南屏，惟吾師東叟頤和尚能捋下鐵面，當衆以如意指我曰：萬書記文彩燦爛，應酬時機，則不無管取涅槃堂裡一字也用不著。彼時我心誠俱喪，乃強曰：何也？吾師曰：別人根鈍，不得利子，則根利不能鈍。我對曰：豈無方便？師曰：又怎麼去也？自此啓口說不出，舉筆寫不出一日。偶經神祠，見紙錢灰旋風飛起，盡亡所執。吾師遂以妙峰師翁禪板如意交付於我。我今日舉著大似一回喫水，一回咽矣。妙峰名之善妙喜之嗣也。萬爲人，更直少含著好獎勵。後學見有小善可錄，必展轉發明，人亦不敢僞，或有過則曰：人非聖賢，孰能免焉？改之爲貴，人亦不敢飾。至若事關法化，知見差訛，則切直千餘言，猶不已。當時以此憚而懷之初住天台之寒巖寺三年，移仙居之紫

籙山大闡法化。有僧問曰：紫籙山庭如錦繡，是誰按拍畫圖中？萬曰：深沙休努眼。僧顧左右曰：道甚麼？曰：碧水浪吞鈎。僧曰：將謂歌謠風日煖，元來鼓角陣雲深。曰：八千子弟歸何處？消瘦秋空一笛霜。僧曰：怎麼則山河無意屬英雄也？曰：摘楊花僧次日復進曰：昨日公案未圓，乞師再垂方便。萬曰：分付直歲不得。普請曰：古老頭巾真難共語。萬擲下拄杖，僧出大呼曰：紫籙老漢今日方始警地。萬便休十載遷疎山。疎山舊例住持須通刺當道，萬輒不可。曰：孔席不煖，墨突不黔，誠各行其志也。況我圓頂之夫，何天不可翱翔，乃爲三間古院委曲權門，是則法化未弘，僧風先掃地矣。當道議不合，萬留偈法堂，飄然而去。偈曰：疊疊韶華一杖藜，白雲到處有山棲。等閒愛種蟠桃核，不把春紅賺馬蹄。江淮總統聞萬高標，會諸山於靈隱，直指堂議以開先迎萬，或度其厭叢林不肯來，有耆宿曰：萬公必來也。彼雖起居蕭灑，然霍霍以法門綱目爲任，若致之以誠，卽十字街頭肩榜棧養閒漢，彼亦欣樂。況開先爲山林之勝，且便於衲子，公豈木強

人乎公必來也。萬果攜數禪衲惠然而來。有偈曰。刹竿扶起本無心。教外金欄影自深。肯著三三前後力。波濤陸地起龍吟。於是開先鼎新。英俊大聚。扣問之外。從未隻字。干及豪貴。其時道俗蒙萬示語。如獲拱璧。笑隱來參。萬審其機。絲指往百丈。爲晦機。嗣無我之風。海內仰之。又十載住東甌江心寺。少不適意。又棄去。寺衆數百。泣挽隨至。馮公嶺不從。萬嘗曰。古人因學道。以立叢林。事事隨緣。法法周備。爲住持者。觀會中或有一箇半箇實心。務本則富。不顧安危。竭力支撐。雖社廟神壇。亦可居而不愧。今人計叢林。以學道。或三百五百。不顧日逐何所用。心但云頭頭合轍。物物圓融。乃崇尚土木。驚伺豪家。然後竊虛器。傳子孫。與蛇蛇戀窟。明無少異。毫厘既差。千里懸隔。良可悲夫。晚年匡廬。月澗。明公迎萬歸東谿。萬翩然命棹。曰。滿望春江興不違。一波纔動萬波隨。烟嵐調拍如相委。何待芳心託子規。月澗歿。開先之衆復請萬。萬力却之。曰。我住持三十載。而法化寥寥。更何所望。而不休乎。且精神非壯盛之時也。諸公不復言。皇慶壬

子十一月二十六日。示疾。越七日。命浴更衣。據室危坐。書訣衆語。儼然而化。閣維收五色舍利大如菽。不可計。目睛齒牙頂骨不壞。時改建豫章烏遮塔。江西行省丞相幹赤命以舊藏釋尊舍利奉於中。遣使分一山萬禪師目睛舍利以寶匣秘之。陪塋焉。餘舍利塔東谿。

贊曰。名位虛器也。道德實跡也。據虛器而核實跡。則失矣。余觀萬公平生住持。獨持大體。熙熙於實跡。不以名位自累。少不合輒棄去。此其節概大過於人。應菴曰。衲僧當著草鞋住。院良有以哉。

高峯妙禪師

禪師諱原妙。出蘇州吳江徐氏。爲雪巖欽禪師入室之真子也。弘法於天目之獅子巖。因以高峯自號。關居三十載。橫拈倒施。而令行吳越。南宋嘉熙戊戌年三月。而公生。公生性遲重。寡言笑。行如瘦鶴。望之似懦。弱然其神氣精悍。奪人幼喜。跌坐。凡見髡流。必合爪勢。問成禮。淳祐壬子。從秀水密印寺法住沙門得度。年十五。備知大僧事。及戒得滿。分於其律度。開遮

進止不期而咸合焉。尋習教觀於天台。其文句義學弗可難也。公每付達磨一宗。不立文字。爲教外別傳。能了當人大事。爲之立地成佛。豈徒然哉。卽出杭州。參訪宗門。知識入湖南淨慈淨慈。爲武林禪窟。倫斷橋居焉。公參僧堂。立死限三載。擬求妙悟。竟無所發。時雪巖欽禪師寓北礪。斷橋指公往謁。公謁雪巖。雪巖不許通謁。公益心切。乃告香通誠。雪巖許見。未作禮。卽連棒打出。公垂涕回惶。復入雪巖。便問阿誰拖你死屍來。又以拳打出之。於是疑團猛結。無所攀仰。乃擬避喧求靜。敲噉話頭。於徑山禪堂。及月忽憶萬法歸一一歸何處。剎戰胸次。目不交睫者六晝夜。忽覩演五祖真贊云。百年三萬六千朝。反覆元來是者。漢從前話頭一併打失。其年二十有四矣。雪巖已赴南明公。卽走覲。纔入雪巖。便問誰拖你死屍來。公便喝雪巖拈棒。公把住曰。今日打原妙不得也。曰。爲甚打不得。公拂袖而出。次日雪巖召公問曰。萬法歸一一歸何處。對曰。狗舐熱油鎗。曰。那裡學者。虛頭來對。曰。正要和尙疑著雪巖。休去。公以爲妙契玄旨。自此

隨問卽答。久之雪巖謂公曰。日間浩浩。作得主麼。對曰。作得主。曰。睡夢中作得主麼。對曰。作得主。曰。正睡著無夢。無想。無見。無聞。主在甚麼處。公不能對。雪巖曰。從今日去。也不要你學佛學法。也不要你窮古窮今。但只饑來喫飯。困來打眠。纔睡覺來。却抖擻精神。我者一覺。主人公在那裏安身立命。公遂別入龍鬚經五載。因隣僧推枕墮地。作聲大徹。乃曰。元來只是舊時人。不改舊時行履處。咸淳甲戌年。住湖之雙髻峯。禪者登峯益衆。公卽入西天目山之獅子巖。巖絕躋攀。其來決擇之者。又滿百許人。公乃別居巖西石洞。石洞之險。非梯莫陞。大書死關二字。爲額。盡屏給侍。日用一食。以甕爲鎗。斷緣撤梯。巖中弟子罕見其面。或垂語以驗方來。不契卽拒關。其垂語曰。大徹底人。本脫生死。因甚。命根不斷。佛祖公案。只是一箇道理。因甚有明與不明。大修行人。本遵佛行。因甚不守毗尼。杲日當空。無所不照。因甚被片雲遮。卻人人有箇影子。寸步不離。因甚踏不著盡大地。是箇火坑。得何三昧。不被燒。卻元世祖丁亥年。雪巖遣白拂。獨公

偈曰上大今已無人雪巖可知禮也。虛名塞破乾坤。分付原妙侍者。始陞座。開導其語。懇切中古尊宿未

之有也。叢林謂之禪經。抱道老成之士。並歸焉。一日

民間訛謠。官選童男女。本小師問曰。忽有人來問和

尙。討童男女時。如何。公曰。我但度竹篋子。與他本大

徹於言下。或問諸弟子。優劣。公曰。若初院主等。一知

半解。不道全無。如義首座。固是鐵根老竹。其如七曲

八曲。惟本維那。卻是上林新篁。它日成材。未可量也。

元貞乙未季冬朔日。命鼓告衆曰。西峯三十年妄談。

般若。罪犯彌天。今日或云末後。有一句子。不敢累及平人。

自領去也。大衆還有知落處者麼。良久云。毫厘有差。

天地懸隔。復曰。來不入死關。去不出死關。鐵蛇鑽入。

海。撞倒須彌山。跏趺泊然而寂。七日容色益明。潤舍

利結於爪髮。越三七日。塔全身於死關。坐四十三夏。

歷世五十有八。仁宗戊午。證普明廣濟禪師。

贊曰。古以溥沱機用。如塗毒鼓。聞者皆立死。或先後

於近遠。稍異迨密菴。後幾不橫死矣。幸雪巖得無準

樂授之師。師復塗而擊之。以立死中峯輩至今聞其

餘響。猶自骨喪吁何偉也。非師玄要。戈甲吳越。正令
曷克臻此。

南宋元明僧寶傳卷八

南宋元明禪林僧寶傳卷九

中峯普應本國師

中峯普應國師者。諱明本。其先臨濟玄玄七傳楊岐
會會八傳無準範範傳雪巖欽。欽傳高峯妙妙之嗣
四人師居其首。師自臨濟其世十八。臨濟自少林其
世十一。是師爲少林二十九世之正胤也。師出錢塘
孫姓母李氏。夢無門開道者。持燈至其家。而生。師生
之時。內室五色光明者三晝夜。襁褓即具大人相。坐
則跏趺嬉戲。則爲佛事。既冠。閱傳燈錄。至明知生。是
不生之理。爲甚。卻被生死之所流轉。大疑乃求依獅
子院高峯妙禪師。妙公喜度之三載。觀流泉有省。求
妙公印證。被打趄出自。此日作夜侍常。至晨鐘鳴。不

去妙公不願久而洞徹玄旨。妙公大悅。書自相贊與師曰。我相不思議。佛祖莫能視。獨許不肖兒。得見半邊鼻。洎十載。妙公告寂時。以大覺寺屬師。師推首座。祖雍主之。遂一笠吳楚。西至皖山。匡廬乃東。還結幻住菴於吳雁蕩。遂成叢席。靈發瞿公請主大覺。不就。舉定叟泰應之。泰嘗受職於一山。萬矣。乃欲改嗣於師。師大不然。以書卻之曰。昨者坐語未及。它論而首以住院承嗣扣之者。惟恐足下苟循世諦故也。本與足下納交十六年。彼此心懷洞然明白。豈意足下不諒愚情。反欲相及。何臨事反覆若此耶。古人於法嗣嫡傳。所以深明宗係者。大法源委不可誣也。世濟俗薄。奉金請拂。以院易嗣者。有之本。嘗痛心於此。夫大覺雖先師開山。然十方叢林。儘有尊宿。捨彼不取。而必欲本尸。何識量之不廣也。本非畏住持。實畏嗣法於開山也。故退避力辭。而舉足下爲之主。政以足下自師一山。禪師豈可苟循世俗。而易其所師哉。緣此言之。本猶不欲以先師座下人。迭尸大覺。而況率枝引蔓。欲爲本之嗣乎。聞命駭然。專洩逆流。塔主預此。

拜聞。望以玉峽之音。直與拈出。或欲循俗易嗣。則本斷然不敢與。足下一日相聚也。至扣至扣。師還天目。廬高峰塔至大戊申。仁宗在青宮。聘之不就。賜金紋衣。加號法慧禪師。師隱去。儀真己酉。卽船以居。乃吟曰。懶將前後論。三三端的。船居勝住菴。爲不定方真。丈室是無住。相活伽藍。烟村水國。開晨供。月浦花汀。放晚參。有客扣舷來。問道頭陀不用口。喃喃庚戌。又還天目。辛亥。復船居吳江。陳子聰爲師建幻住菴。師又去之。北隱汴梁。吟曰。鄆市安居儘自繇。百般成現絕。馳求絲蕊紫芥。攔街賣白米。青柴倚戶收。十二時中生計足。數千年外道緣。周苟於心外。存諸見。敢保驢年會合頭。明年又結幻住菴。於六安山。吟曰。胸中何愛復何憎。自愧人前百不能。旋拾斷雲。修破衲。高攀危磴。閣枯藤。千峰環遶半間屋。萬境空閒一箇僧。除此現成公案外。且無佛法繼傳燈。丞相脫驢公望風訪師。師又棄菴去之。東海州吟曰。道人孤寂任栖遲。跡寄湖村白水西。四壁烟昏茅屋窄。一天霜重板橋低。驚濤拍岸明生滅。止水涵空示悟迷。萬象平沉。

心自照波光常與月輪齊。驢公戒邑吏。強師至私第。乃與中書平章并諸山必致師於靈隱。師固辭曰。夫住持者。須具三種力。庶不敗事。一道力。二緣力。三智力。道體也。緣智。用也。有其體而缺其用。尙可爲之。但化權不周。事儀不備耳。使道體既虧。便神異無算。雖緣與智亦奚爲哉。或體用並缺。冒然居之。曰。因日果寧。無嫌於中乎。貧道無其實。故不敢。其名竟稱病。還天目。延祐丙辰。上諭宣政院。簡采名山宿德。以聞。承旨者。期入天目。師聞。遽去。南徐丹陽。蔣均爲建幻住菴。戊午。又還天目。明年九月。朝旨褒號佛慈圓照廣慧禪師。改獅子院爲正宗禪寺。駙馬漕王王璋。又齎御香。紫衣。卽所居而修敬慕焉。宣政又以徑山請師。師不就。乃結幻住菴於中佳山中。佳去西峰三十里。巖磴險絕。縹緲素跋涉甚難。求師歸院。至治癸亥。西峰凍涸。大木摧折。師自斂曰。余初心出家。志在草衣。垢面習頭陀行。以胃服田衣。抱愧沒齒。平昔巖退。非矯世絕俗。蓋以文字則失於學問。參究則缺於悟明。尋常爲好事者之所稱道。亦報緣之偶然耳。秋示微

疾。有省候者。師皆曰。幻住菴漏且朽矣。不可久住也。有僧告歸吳門。師曰。何不過了中秋。去十三日。手書屬弟子曰。幻者。朝死夕化。骨便送歸三塔。依清規儀式。不許循世禮也。次日。白虹貫山巔。師跏趺書偈而化。停龕三日。顏益和悅。道俗奔集。踰萬奉。全身塔於寺西望江石。閱世六十一。坐夏三十七。明宗己巳。賜諡曰智覺禪師。塔曰法雲。元統甲戌。追尊爲普應國師。乃以廣錄三十卷。頒入大藏。更命重臣。銘國師道行於碑。南詔五比丘。繪師頂相。還國四衆。迎相入中慶城。相放五色異光。緣是傾信禪宗。奉師爲南詔第一祖。時皆曰。本公圓辯不闕針砭。多方哀講。士之趨岐傷禪流之混繼。乃推大覺以嗣開。先接玄鑑。而化南詔。允有大愚安龍潭信之高風。至於大功不宰。至讓無名。杖履蕭然。雲行鶴舉。視聲名而若澗甘肥。遜以如飴。楷芙蓉。訥圓通。不足過之。以其瀟海餘波。烟屯雨驟。提鳳閣之儒臣。醒天潢之貴戚。而永明壽明教嵩庶。可並駕云。

贊曰。人人抱荆山之璧。箇箇得赤水之珠。何難兄釋

迦而弟彌勒及讀本祖自敘之語愧汗橫流俯仰無地矣嗟乎非眞祖師心語不吐非正嫡裔背汗不流心語不吐者味後也背汗不流者欺先也味後欺先互相啗啖則本祖隱現堪忍世界何日而休哉

仰山佛智熙禪師

禪師姓唐氏豫章人也稱元熙者西山明覺院得度之名也晦機者其師物初觀和尚所贈之字也號佛智者御製也臨江通判從文丞相靖難死國唐元齡者熙之胞兄也廬山一山萬禪師者熙之益友也大中大夫廣智全悟釋教宗主笑隱大訢禪師者乃熙嗣法弟子也熙爲人事親以孝事師以誠昆仲之間以義道友之間以直訓誨門弟則嚴且慈熙嘗與一山萬行脚萬不耐叢林好譏諸方熙每抑之且曰明眼衲子出言爲叢林輕重豈可易乎物初觀公時居玉几公爲浙人每操鄉音晝夜批削學者學者畏其口不敢近熙強萬上謁觀公觀與熙語大驚默計曰澆漓末世有此人也又指萬問熙曰此老爲誰熙對曰乃元熙同行某甲也觀素聞萬名故深愛熙得友

之正乃留夏朝夕警誨熙輒深入玄奧久之出住百丈萬嗣東叟住廬山開先寺兩山法席大振衲子絡繹西江訢禪人嘗掌開先內記請益參究達旦不臥萬每示之訢不領萬曰百丈熙堂頭當能了子大事亟行勿遲但勿可言從開先來訴謁百丈熙問曰何來對曰廬山曰曾見萬聲頭否訢不語熙指曰果遭渠賣弄矣訢悚然莫知所以熙居百丈十二載遷淨慈七載遷雙徑居雙徑未久退隱南山之陽江右叢林聞熙退閒爭啓請之不已熙領仰山仰山久廢之餘熙至衲子不厭枯淡從之者數百輩其堂廡朽敗不堪主事僧歷請充修造熙歷止不許一夜雷雨暴作方丈後壁忽崩塌熙移繩牀就侍者房而臥明晨命以草苫之有富人入山見熙坐草壁邊說法而禪者悠悠目若富人乃大異發意堅請新之仰山遂成精舍延祐六年秋仲手字別所知復作偈別衆而逝時侍僧有失常度語話聲高熙復張目正色曰敢以吾死而墮吾規耶攢逐之已而瞑目長往世壽八十二僧夏六十三熙四爲住持以策發爲急務然機不

易施施必中節。嘗以百丈焚狐話問訴書記。訴擬對熙鳴之訴。卽悟旨。又舉太原孚聞。會悟道。因緣示常道者曰。盧生入滄海。太史遊名山。從此楊州城外路。令嚴不許早開關。常亦悟旨。常號梅屋著佛祖通載行世又以西湖山水問倫上人。倫曰。通身無影像。步步絕行踪。熙厲聲曰。未在。更道。倫亦悟旨。倫號仲方後住保寧熙晚年久不上堂。四衆堅請之。熙乃曰。雲門道箇普字盡大地人不柰何。殊不知雲門四稜著地。當時若與震威一喝待此老。惡發徐徐打箇問訊道。莫恠觸忤好。非但救取此老。亦能振起雲門綱宗。雖然口是禍門。有數禪者座下省發而去。

笑隱訢禪師

禪師大訢者。字笑隱。世籍江州。爲唐尙書陳操之裔。後徙居南昌。故爲南昌陳氏也。母蕭氏。孕感異徵。曰者識曰。生子當爲法中龍。文中虎。及娩地爲震動。父歿。母盛年修淨業。訢爲童時。見佛相好。則戀慕如慈親。年九歲。得依水陸院伯父雲閣。黎爲大僧。遍閱大藏經文。欲扣明已。躬願盡形壽。以法爲檀。時一山萬

禪師開化匡廬之開先寺。訴竟走依之。不發然。訴常於此切萬指。往百丈。遂徹證於熙禪師。拂下。熙曰。昔黃龍得旨。勸潭頴徒遊方。及見慈明。氣索汗下。你道過在甚處。訴對曰。千年桃核裡。覓甚舊時仁。熙以爲類己。大然之。熙遷杭之淨慈。命訢分座。訢以書記自任。蓋訢博學廣知。加之辯才。轉變無方。嘗題曹操讀碑圖。其略曰。碑陰八字。非隱語。德祖有智。如滑稽。豈是阿瞞不解。此感愧上馬歸路。迷一時名輩。稱之又訪中峰本禪師於天目山。坐語夜半。風雨大作。崖石欲裂。左右皆辟易。訢不少動。中峰曰。訢公慧定之力。俱足。他日必大可觀。至大四年。出住湖之烏回。次住杭城報國。又住中竺報國中竺。俱經火之餘。訢至任緣鼓舞。大厦俱成。僧徒相從者垂千輩。首以竹篋子付之。覺原曇而妙喜門風。又一振矣。天曆元年。朝旨改金陵潛邸爲大龍翔集慶寺。以訢爲開山第一代。明年詔入奎章閣。設高座。闡揚大法。出貂裘金襴賜之。訢終不以示人。然自奉儉薄。衾衣常十數載不易也。頻躬燒香浴。以給衆。身外之役。不以勞人。至於名

教節義則感動奮激不知有已明宗嘉其風範親書廣智菴額賜訴退居處至順二年疏謝歸林下不報又辭文宗敕臺臣慰訴安居龍翔終老兼命較訂百丈清規爲緇門定式蓋百丈建立以來年代數百法久成弊諸方叢席各杜繩規俾律儀大典易式無聞訴以百丈舊文訂列條章若干門互換主賓令法久住書成進上勅諸叢林遵而一之於是天下緇流禮樂鏗鏘進止有節大智之風儼然在矣嗣後朝賜益隆梵侶益衆其禪席之盛自秀法雲以來未之有也會中龍象則有愚菴智及季潭宗渤清遠懷渭輩激揚旨要嘗問僧青州布衫重七斤古人道了也畢竟一歸何處僧曰東廊頭西廊下曰甚麼處見趙州僧擬對訴曰棒上不成龍又問豎拂拈椎古佛榜樣擎杖舞劍列祖條章禪僧下一句作麼生道僧珍重便行訴曰不消一割又問釋迦彌勒文殊普賢從你脚下過去也僧顧左右訴喝之又問無位真人落在甚麼處僧便作禮訴曰從門入者不是家珍至正四年五月朔日退居廣智菴復與御史脫歡公話別凡熟知

悉致辭束命弟子以兩朝所賜資帛營佛閣俾羣生得所瞻仰從容書偈順終爲閱世六十一坐夏四十六學士虞集爲蒲室敘敘狀訴生平甚詳蓋訴之母精修淨業感地生白連訴移居報國寺其母西往訴常愧慕陳尊宿編蒲以故誌所居處皆曰蒲室四會語錄外文集若干卷名蒲室集云

贊曰語云天地無全功聖人無全能若仰山父子之爲人庶其全矣熙公主歿猶教誡弟子整其家法訴公於歿前一日召宗渤輩孜孜以妙喜門庭爲屬較二公之心而往返闔浮百千次尙未足其願也嗚呼大哉

雪竇無印證禪師

禪師名大證號無印鄱陽史氏子也年十四投昌國寺智節出家以所習試優等得度爲大僧乃焚膏繼晷研窮秘典節喜資證遊方首謁荊谿疏禪師於廬山之圓通寺琬貌寒尋常鼻涕沾衣證易之欲發去復心計曰逢人草草安辨玄黃也因私入室求說祖師心訣琬換手槌胸大呌曰逼殺人證疑懼而退有

宿精思菴者以年邁萬國通開房晦養自怡林下雖知名不得而親之證幾欲就請莫得其便一日春如歸證從後隨入春曰是誰證曰欲求法耳春大怒趨出便掩戶證大驚疑復乘間乞見春春曰佛法自有方丈汝到此討甚熱碗證曰大證初參不蒙方丈和尚指示但見其髓胸大呌而已春曰頭上安頭證恍然涕泣禮謝曰吾師婆心一至此乎春曰據子機智不宜滯此比來天童有雲外岫禪師提唱洞宗昨見新錄巧譬傍引奔逸絕塵其綿密可觀子宜往事之蓋岫嗣直翁舉舉嗣東谷光光嗣華藏祚祚嗣淨慈暉暉乃弘智覺之子也證機投雲外岫公乃燈傳弘智七世焉岫公一日上堂罷厲聲呌曰天童今日大死去也你作麼生救證對曰請和尚喫飯又曰天童今日大死去也你不要相救又對曰作麼作麼又曰天童今日大死去也阿誰與我同行證又對曰和尚先行大證隨後岫公呵呵大笑而歿證乃備述岫公風度於中峰本和尚峰喜而贊曰太白峰爲屏二十里松爲座雲影外藏身幾多人蹉過不蹉過元

是隰州古佛再來切忌機前說破於是諸方共稱岫公爲弘智眞傳也丞相脫歡公請證出世衛之南禪而大地遷錫六會說法然所居之室如傳舍惟入拜求人不厭饑渴嘗曰我當時錯登圓通門入思菴室被渠哄到江浙七上八落至今沒箇合煞若有代山僧鼻孔出氣者山僧兩手分付雖然相逢沒量漢莫作假鶻聲晚居雪竇示衆曰千說萬說不若覲面一見昨日二十九今朝七月一報你參玄人光陰如箭疾娘生兩隻眼箇箇黑如漆急急回頭看取天真佛良久云是何面孔下座巡堂喫茶又曰妙不妙禪僧鼻孔無多竅玄不玄利竿頭上無青天至士寧容袖手良馬豈待揮鞭全超棒喝不落蹄筌百鳥不來春又去巖房贏得日高眠證老年退居定水之圓明菴其示寂時春秋六十有五闍維有不壞者二曰牙齒曰數珠舍利明瑩門人景雲建窆塔於本菴贊曰洞室宗旨綿密弘智數傳之下弗克大耋者何也蓋學者鹵莽艱於入殼耳至無印師資力揮魯戈頓返義輪猗歟杰也若以臨末舍利明瑩而識其生

平則負圓通老衲不勝言矣。

斷崖義禪師

斷崖了義禪師者。湖州德清湯氏子也。六歲始言。言即入理。常隨其母誦法華經。因牽母衣而問曰。佛放眉間白毫相光。照東方萬八千土。靡不周徧。母曾見麼。母答曰。佛放瑞光如優曇花時一遇耳。又問曰。因甚。又道我見燈明佛。本光瑞如此。母良久撫其頂而嘆曰。兒有慧根乎。更宜廣見高明。休自屈年十七。聞舉高峯妙公警策語。乃勃起曰。此大善知識也。我往從之。其母甚喜。竟造獅子巖謁妙公。公愛其挺特。俾提一歸何處話。且授名曰從一。妙公每呼從一。一每應諾。公曰。牛過窓樞頭角四蹄都過了。因甚。尾巴過不得。一罔措。自是一歸何處。與牛過窓樞話結成一片。如礙鐵團。或問求示。非拳則棒。一又疑拳棒與本參。豈相干耶。偶過盂孟塘。見松梢雪墜。有省。即舉似公曰。不問南北與西東。大地山河一片雪。聲未已。又被痛棒打退。不覺墮身崖下。同學們羅救之一。乃誓限七日。晝則棒立。夜則攀樹。臨崖露立達旦。未及期。

大徹扣關大呼曰。今日瞞我不得也。公曰。作麼。曰。大地山河一片雪。太陽一照。便無踪自此。不疑諸佛祖。更無南北與西東。妙公乃上堂曰。我布漫天大網。打鳳羅龍。不曾遇得一蝦一螺。今日有箇螻蛄虫撞入三十年後。向孤峰頂。揚聲大叫。且道。叫箇甚麼。舉拂子云。大地山河一片雪。一便奪拂子云。盡大地有一人發真歸源。我悉知之。公便下座。於是舉揚料揀。詞不少遜。而從一行者之名。大顯辭歸。德清結茆武康。居以事母名。緇樂訪之又五載。還天日。妙公曰。大有人道。你拖泥帶水在對曰。兩眼對兩眼。妙公乃爲癡落更從一名了義。自號斷崖。遂單瓢隻杖。渡淮揚。歷齊魯。訪燕趙。登五臺。隨所至。處辨論風生。海內叢席爲之大震。中峰本公狀其生平曰。撞漫天網。解獅子鈴。情亡義斷。石裂崖崩。奪龍老金珠。高揮大抹。將阿爺門戶。豎柱橫撐。這邊那邊了無羈絆。問禪問道。不近人情。大地山河一片雪。話頭流落至今。行名利爭起之。不顧逮本苑二禪師相繼化去。義始住天目正宗寺。年已七十。道風益峻。衆未嘗登百輩。半受諸方。

什囑者就正謂益不敢生。忽警示衆曰。若要超凡入聖。永脫塵勞。直須去皮換骨。絕後再蘇。如寒灰發焰。枯木重榮。豈可作容易想。我在老和尚處多年。每被大棒打徹骨髓。不曾有一念遠離心。直至今日。纔觸著痛處。不覺淚流。豈是你懼喜踴躍。戲著些子苦味。便乃掉頭不顧。殊不知苦味能除百病。大凡功夫。若到省力時。如順水流舟。只要稍公。牢牢把柁。纔有絲毫異念。生管取喪身失命。若到純一處。不可起一念精進心。不可起一念懈怠心。不可起一念求悟心。不可起一念得失心。纔有念生。卽被一切邪魔入你心腑。使你顛狂胡說亂道。永作魔家眷屬。佛也難救你。戒之戒之。元統元年除夕。告衆曰。有一件事。天來大還委。悉麼。良久云。明日是元朝。越六日。指法雲塔西空地曰。更好立箇無縫塔。歸與禪者談笑。自若。乃曰。老僧明日天台去也。侍者曰。某甲相隨得麼。曰。騎馬越不及次日。跣趺而逝。世壽七十二。坐夏四十九。奉遺命。塔於所指之處。賜號佛慧圓明正覺普度大師。義初會葬中峰時。笑謂衆曰。過後十二年。更爲老僧。

一會及入滅時。正符其識。

贊曰。棒頭覓落處。何如撥月水中。喝下越端倪。卻似分膠膝裏。師初扣關。見高峯孤硬。有上山推轂之難。自後立地。知此道平常。有順水放舟之快。想其爲人。烈丈夫也。故其問道出家之跡。頗與廬行者相若。說法寫自心。曲以眞實誨人。至今傳其語爲禪關策要。宜矣。

南宋元明僧寶傳卷九

南宋元明禪林僧寶傳卷十

元叟端禪師

禪師名行端。號元叟。生台之臨海。何姓。何姓。世以儒顯。端母王氏。博釋五經。章安子弟咸宗之。如漢之曹大家。南宋寶祐乙卯歲。生。端端生。不茹葷。襁褓中見沙門。遂喜。甫六歲。母王氏授以論孟。端呬唔成誦。乃至經子章句。悉不可難。每遇紛華雜選。端則莊坐如

在定母因奇之曰吾家千里駒也然恐不爲世用端叔父茂上人者早歲爲僧住餘杭化城院適歸省故里端竟從之剃染徧遊叢林謁徑山藏叟臨機悟旨藏叟悅之一日藏叟問端曰汝是台州人那對曰台州叟便喝端拜叟又喝端起叉手叟曰放汝三十棒端睹藏叟又曰還知我泉南無僧否端曰和尚寧叟便棒端按住曰莫道無僧好叟大笑而起端既罷參乃徜徉西湖山水間自稱寒拾里人育王珙作偈招曰夜半落霜花日輪正卓午寥寥天地間只有寒山子端不答乃典淨慈書記時淨慈石林鞏禪師居焉吳山石田林處士久隱不與世接乍見端篇翰獨以詩柬端有能吟天寶句不廢嶺南禪之語端又遠訪雪巖欽於仰山欽曰駕發何處端曰兩浙曰因甚語音不同端曰合取口曰巖徑橋高集雲峯峻未識閭黎在端拍手曰鴨吞螺螄眼睛突出欽顧侍者點好茶來端曰也不消得於是以上禮賓之元成宗大德初爲虎巖伏分座於徑山庚子出住湖州翔鳳乃曰大慧祖師道寧以此身代大地衆生受地獄苦終不將

佛法作人情徑山先師藏叟和尚一生不肯四天下人縱饒釋迦老子達磨祖師到來也須退身有分山僧在侍者寮兩年弄盡機關做盡伎倆直是沒湊泊它處所以知其爲大慧嫡孫今有炷香供養它也要大家證明甲辰詔主中天竺并賜慧日正辨師號皇慶壬子遷靈隱仁宗設無遮大會於金山命端證之又加號佛日乃退居長陞西菴英宗至治壬戌間起端居徑山端居徑山人才之盛不減妙喜其楚石琦輩時稱僧杰焉虞公文靖以文獻宗時兼遊諸禪窟之門自稱微笑居士每方楊大年之爲人多剝啄諸家語錄而讀端提唱乃謂其子弟曰元叟生平諦理恢拓廣說略說莫不弘偉然關要隱而不發以待其人大慧之流風餘韻猶有如此者不謂老夫復相識耳其提唱曰寂靜中做工夫者以寂靜爲究竟他且不是你寂靜中究竟底物憤鬧中做工夫者以憤鬧爲得意它且不是你憤鬧中得意底物經教中領覽者以經教爲根本它且不是你經教中領覽得底物師友中講磨者以師友爲淵源他且不是你師友

侍僧曰呼之曾已休吸之尙未捨安同諸苦源來者不來者如何是來者不來者僧無語端良久曰後五日看至期更衣趺坐曰本無生滅焉有去來冰河發鐵樹花開垂一足而化世年八十八僧臘七十六所剪爪髮舍利纍然闔全身於鵬搏峯北諡曰普照塔曰寂照端退居良隙曰忽有梵僧仗錫來徵般若樞要端示以獅王奮迅三昧其僧稽首蹈空而去左右皆驚愕端曰掩鼻偷香何足羨也

右皆驚愕。端曰：掩鼻偷香，何足羨也。

石屋拱禪師

- 1344 -

人而見首參高峰妙禪師。妙公曰：「新戒來須何事？」珙曰：「生死事大，乞施大法。」公曰：「我本無法，說甚小大？」珙乃服勤三年，不契。妙公曰：「溫有瞎驢，准有及菴，宜往見之。」珙直走見及菴，路聞及菴多慢侮，罷廢參儀，不以禪流爲事。大有名者，輒遭刪削，珙疑之。然信心妙公之指，如不相當，則走溫未遲也。乃至建陽西峯，通謁及菴，及菴袒襟危坐，受珙展拜，遂問珙曰：「區區逐日何所用心？」珙對曰：「以萬法歸一爲本參。」及菴訶曰：「甚麼害熱病底？教你參者，死句。珙悚然罔措。及菴曰：『有佛處不得住，無佛處急走過。』作麼生？」珙擬對之。及菴驚起厲聲曰：「者箇亦是死句，便入寢室。」珙罔措，乃堅依座下。久之，及菴復理前話，詰珙對曰：「上馬見路，及菴又訶曰：『在此多年，猶作恁麼見解。』」珙憤以爲及菴賣己，因背棄去。及菴笑曰：「珙卽回也。」珙於途中忽見風亭，乃急趨回，舉似及菴。曰：「有佛處不得住，亦是死句。無佛處急走過，亦是死句。」清珙今日會得活句了也。及菴曰：「作麼生？」珙曰：「清明時節雨初晴，黃鸝枝上分明語。」及菴肯之。於是出入吳越，激揚禪

社，廣結般若緣。偶登霞霧山，喜之，遂構菴，號曰天湖。趨風者日衆。珙頻作山居偈，頌示之。愛之者以爲章句精麗，如巖泉夜響，玉磬晨鳴。云：「嘉禾常湖新創，福源禪刹盡禮致。珙不起，平山林禪師作契，聰排闥圖東。珙慨曰：『林兄不容吾高臥也。』於是自攜竹笠飄然而來。福源乃勇於臨衆，不期綱宗大振，團遶座下多諸有道。六七年間，衲子爲法忘軀，而叢林豐盛如西天那爛陀寺。有貴人入寺飯僧，見珙布衲蕭蕭，疑爲矯飾，竊視方丈，棕拂道具外空，徒四壁而已。貴人大異，乃私問寺主曰：『和尚人天知識，何枯淡若此？』耶殆非吾輩之所堪矣。寺主曰：『然吾師原儉於自奉，施者雖多有卽散之，常誡吾黨莫貪甘煖，免償宿債。貴人感悟，歸散家財，而隱有詔徵珙，珙堅以疾辭，乃降金襴法衣賜之。』人以爲榮。珙嘆曰：『吾少壯時，曾不如人，況今形之不逮矣。』忍將名字勞倦人間世乎？」乃上堂曰：「卸卻頂上鐵枷，颺下手中木杓，合眼跳過黃河，騰身衝開碧落，獅子踢倒玉欄干，象王擡壞黃金索。白雲兮處處相逢，青山兮步步踏著。喝一喝云：

舉頭天外看誰是。箇般人便棄福源歸天湖。嘉禾公
牘互至。珙作偈答之。有老拙背時酬應。嬾不能從命。
出烟霞之句。珙年八十有一行不倚杖。坐不施褥。燈
下書字如粟。嘗與客夜話。將達旦。客謝息。珙笑曰。後
生輩精神乃爾。安足謀道耶。俄告寂門人請命。後事。
珙引聲曰。青山不著臭屍骸。死了何須掘土埋。顧我
也無三昧火。光前絕後一堆柴。已而吉祥化去。火後
舍利五色。莫計塔於天湖時。至正壬辰孟秋也。諡曰
佛慈慧照禪師。高麗王仰珙德化。且感異夢。請旨移
文江浙。分舍利歸國祀之。

贊曰。瘦稜稜。卻如碧海波心湧起一座玉巖。硬剝剝。
好似白雲堆裏突出千尋石屋。乃珙公自狀其微也。
至於道傾形室。德感異邦。置弗論矣。但歷來三百餘
年人誦其詩偈。讀其語錄。恨不尊公至夜摩觀史之
天上。蓋公不以虛言而欺世也明矣。

徑山虛舟度禪師

禪師普度者。出史氏刊江人也。刊俗浮華度不樂家
居。邀正信友出入僧伽。蓋結出世緣。熏久機熟。竟斬

子虛實

髮焉。自號虛舟。入講肆。精貫楞伽。唯識。晝倦。幾几假
寐。夢遊於俗俗境。宛然僉有衛士。相其面曰。公乃玉
堂金馬中客。何墮於僧。數度睡之曰。我既登釋。譜不
受你輩雌黃也。覺則汗流愧悚。於是廢卷枯坐。不言
者累日。同學請入筵度。曰。此非究竟聽之何爲。且諸
佛涅槃之旨。豈言詮能及哉。我同學病其狂度。即負盂
袋而去。偏走江南。諸有道名之社。弗生意。忽乃謁無
得通禪師於常州之華藏寺。是日同謁者三十餘人。
通公獨許度。參堂度得入通公之室。每求佛法大意。
通每低聲曰。佛法儘有待。無人處向你說。度益心疑。
夜靜私抵通公榻下。哀求不已。通又低聲曰。將謂無
人。那乃指度復自點胸數下。則瞑目悄然。度驚趨出。
於是參究愈切。坐立如木偶。人會通公示衆曰。破一
微塵。出大經。鳶飛魚躍。更分別。不將眼看。將心看。已
見重敲火裡冰。度脫然省發於座下。通乃召度曰。不
與萬法爲侶者。是甚麼人。度對曰。金香爐下鐵崐崙。
曰。將謂者矮子。有甚長處。見解卻只如此。度拜曰。謝
和尚證明。通大喜。之度於是久侍華藏師。子相契如

水乳也。通公每勉度出世。度啓曰：行道之日無窮。事師之期有限。師壽縱愈。趙州恐普度薄福。一旦填溝壑。再欲蒙師教誨。其可得乎？通公爲之俛首惻然。公歿。度乃離華藏。經行石頭城。夜宿袞袞院。適東西兩房爭法產。構訟數年不已。度釋以片言。兩僧悲泣。悔過俱以家業屬度。度發笑而去。自此隨方說法。或久或近。三十餘年如一日。嘗示衆曰：邪人說正法。正法悉皆邪。正人說邪法。邪法悉皆正。卓拄杖云：正耶邪耶？又卓云：說邪不說邪？邪向者裏揀辨得出。黃金爲屋。未爲貴。玉食錦衣何足榮？又曰：萬法是心光。諸緣惟性曉。本無迷悟。人只要今日了。既無迷悟了。箇甚麼？千言萬語無人會。又逐流鶯過短牆。值徑山煨朝旨。以度居之。度年八十。力圖興復。巨細行役。尙自董焉。其謙讓不遑待後進。如先輩從未以老自稱。不二載。徑山落成。時元世祖庚辰也。度每逢通公忌日。必展眞燒香。進食垂涕。門下感之。率白首親依。故唱和妙叶冠絕一時。竺西坦歸省於度。度大書一偈。委之俄就匡牀。化去。其偈曰：八十二年駕無底船。踏番歸去。

明月一天時。坦居天童。天童及門復有懷信等。而大度公之聲。蓋懷信爲松源嶽五世之孫也。

孚中信禪師

懷信禪師者。字孚中。爲明州奉化江氏之子也。十歲求師於其親。親命抱本入鄉塾。不二載。諸籍了然。竟罷讀。乃謀法華而誦之。遂堅圖出家。荷任大法。又三載。師事法華院子思沙門。以試經得度。竺西坦禪師居天童。信往謁之。坦公瘦而如鐵。尋常熱棒如雨點。請益者。隆冬亦戰慄。揮汗信雖年少。從容入問。大法坦器重之久。經爐韜信。乃道通坦。垂問曰：與化打克賓。克賓還有喫棒分也。無信出對曰：俊哉獅子兒。坦深肯之。未幾坦公遷化。信鳴衆請雲外岫補居天童。信與擊節。酬唱拍拍。是令岫每稱之曰：信公乃洞宗赤幟。濟室白眉也。大定丙寅。出住觀音寺。天曆己巳。遷居普陀。至正改元。天童席虛。當事者必以致信。信曰：天童自哲人相繼。化後規製非舊觀矣。今諸公不棄山樊。山樊惟據令而行。諸公若以爲可。則山樊以繼述爲志。豈敢堅遜而累諸公行李如不便。諸公請。

更議之衆皆稽顙曰。諾於是信蒞天童。積弊頓除。法席不期而再振。四方以賢譽歸之。當是時。南北兵荒。叢林多窘。天童食堂盈千衆。安居不乏。尚有餘糧。以賑饑。貧。楚石琦公嘗作偈與信曰。長庚峯頂白雲間。捧割西來笑展顏。幾疊巖巒圍丈室。萬株松樹繞禪關。當年金碧誰將去。今日天龍合送還。老我恰如窺豹者。管中時復見斑斑。江表大龍翔寺行御史奉詔迎信。信欣然自來。時至正十四年甲午也。越二載。明太祖兵下金陵。寺衆風散。信獨跌坐不去。頃之。兜鍪蟻集。信儼然在定。如不知也。及太祖入寺。信合爪相迎。太祖問曰。衆僧因甚不見信。信曰。明眼難瞞。太祖甚喜。乃命招僧還寺。太祖嘗聽信說法。歸爲近侍曰。龍翔信僧言行純慤。眞太平有道沙門也。遂改龍翔爲天界。命褒章而賜之。信德臘雖高。未嘗以聲色加學者。學者自化。信曰。課蓮經七卷。寒暑不間。有僧問曰。和尚誦經還解義麼。信曰。清晨喫白粥。而今又覺饑。僧曰。此語卻與經文不合。曰。明眼師僧。灼然猶在僧呵呵大笑曰。和尚是甚麼心。行信曰。且喜信受奉行。

丁酉元旦日。食太祖召信問之。對曰。食後自明。太祖又深喜。復論古今符讖之理。信曰。聖哲以至公爲心。不求符讖。而符讖自合矣。愚昧以私欲爲念。雖鳳麟畫現。仍成怪物。故曰。在此不在彼。太祖稱善。盡歡而罷。八月二十四晨起沐浴更衣。召衆告曰。吾行矣。汝等當以荷法自期。瞑目而逝。侍僧據且呼曰。和尚不留片語以示人乎。信復展目索筆書曰。平生爲人契。戾七十八年。漏洩今朝。撒手便行。萬里晴空。片雪乃。瞑目長往。時太祖督戎江陰。前一日夢信告別。及還金陵。聞訃。與夢合。太祖甚嗟悼。左右皆言。前日夢金甲大人相報曰。天界古佛入滅矣。太祖益驚異。賜帑金以資後事。舉龜曰。太祖臨窆。依法闍維於聚寶山。前獲舍利五色。命賀齊叔爲卜牛首山建塔。又命儒臣銘之。天童所塔者。爪髮衣履也。初信承詔去。龍翔天童左右諫曰。當今擾攘。兵戈有志者。求入山林。不暇。師獨受元主隆譽之名。某等似不取也。且天下事未知何若耳。信答曰。我汝均爲佛祖兒孫。力當撐拄。佛祖家庭。任緣赴感。職宜然也。若俱以禍福撓心。埋。

身藏影。豈大慈曠濟之道哉。且戈矛劍戟之場。獨非安樂邦乎。於是願起從行者甚衆。

贊曰。徑山三代門庭。施設雖各不同。究其機要。皆通權達變之宗匠也。度公至老。尙力圖興復。信公至歿。猶示應明主。是其荷負祖道之任。眞難釋肩。如吳人遊楚者。病中聞之。仍吳吟也。先輩之苦心。若此。忽之可乎。

楚石愚菴夢堂三禪師

楚石禪師名梵琦。乃徑山元叟端禪師之高弟也。道弘海鹽福臻。次則天寧。乃至杭州報國。嘉興本覺。德風所被。聲重九洲。當元文順二帝時。楚山南北。浙水東西。其有道尊宿。無不經錫徽號。琦獨遠引。不與焉。至正間。帝師強贈師號。佛日普照。慧辨琦亦不署也。暮年以門人景獻代主天寧法席。則別築方齋於天寧院西。爲休老計。自稱西齋老人。至正間。四方多事。士大夫逃禪海濱者衆矣。從西齋遊者。如宋公景濂輩。最稱博物。入西齋之門。劇談多北。或有問時勢否臧。琦但唱休休歌。其聲韻莫測。癸卯元帝師以手書。

徵琦。琦稱病篤。不赴。戊申。明高帝建極。以爲折抱。毀鼓之初。而歿於王事者。無答焉。遂蒲車四出。徵天下高行沙門。勅儀曹請琦陞座於蔣山。使存亡者均沾法利。高帝見提唱語。大悅。明年春。召入宴文樓。以琦年邁。賜杖而行。留琦館天界。又明年。復徵天下有道禪師。均赴天界。其赴詔尊宿三十餘員。出元叟之門者三居一焉。惟國清曇噩。雙徑智及并琦三人。頻入宴文樓。論道。高帝問鬼神幽玄不測之理。琦援據經論。剖釋宸衷。然起居脫略。無異西齋時。高帝每嘆曰。楚石眞林下道人。也是年七月十六日。琦呼侍僧進墨池大書一偈曰。眞性圓明本無生。滅木馬夜鳴西。方日出。卽謂噩夢堂曰。師兄我去也。噩曰。何處去。琦震聲一喝而逝。年七十有五矣。以遺偈聞。高帝帝命依法闍維。其不壞者二齒如珂。玉舌如珊瑚。無數舍利連綴其上。歸塔天寧西齋愚菴。以偈哭曰。匡牀談笑。坐跏趺遺。偈親書。若貫珠。木馬夜鳴。端的別。西方日出。古今無分身。何啻居天界。弘法毋忘在帝都。白髮弟兄空老大。利竿倒卻要人扶。

愚菴禪師者名智及吳人也年十七爲僧亦得法於元叟端住後四遷名利元帝師錫號明辯正宗廣慧禪師及公長身山立昂然如孤松在壑法令嚴肅其下無敢方命所至百廢俱興然能俯順時宜又如春風時雨之及物使人不知以其提唱語句達九重捧大元叟家聲復喜納言見三尺童理長則就之雖工剡藝自視若不逮至於料除積弊不出詞色力絕其原故學士宋濂譽曰元帝師以徽號加愚菴及公不虛也暮年不得已再赴明高帝詔抵京抵京未幾會楚石遷化由此得辭還穹窿山時年六十八亦書偈趨寂焉火浴有香氣襲人如沉水香所用數珠循環不壞其遺骨紺澤類青琉璃設利羅積有光復有夢堂噩禪師與及齊名

禪師夢堂名曇噩與楚石琦同籍明州琦出象山朱氏噩出慈谿王氏同出元叟之門同赴明君之詔噩之祖父以仕顯家貴且富羅綺交錯噩生其間爲童時喜衣布裘喜餐蔬食喜坐靜舍目不徧眨如在定僧伽然與世交談吐風雲變幻莫狀也於諸子史一

閱不再因遊郡城延慶講堂見六祖壇經遂竊懷歸翻讀連日夕不釋手乃至忘餐寢竟辭脫髮父兄莫能阻之具戒遍歷禪叢乃罷參於徑山噩事徑山既久名知林下深聖禪寺請噩噩則欣然肯來居無何遷開壽諳熟典故師僧皆從之噩畫一規曰僧堂內外有閱經書者罰油若干一僧每逢朔望納油庫司讀梵網經一僧納油讀傳燈錄一僧納油讀易噩笑而憐之曰立法之弊寧至此乎及移居天台國清寺年垂七十矣耳聰目察敷揚宗旨有道衲子趨焉元順帝賜號佛真文懿禪師年八十有八赴明天子之詔館南都天界天界金白菴名馳當世學冠諸老與噩夜話詞氣盡索退而雅稱曰此翁齒牙帶戟不可與爭衡也噩南歸虛其名位而規訓門人復說偈曰吾有一物無頭無尾要得分明涅槃後看泊然示化時洪武辛亥其年八十九矣

贊曰楚石愚菴夢堂行道際遇於離亂之秋俱持風采稱爲狂瀾砥柱暮年感有國者與交遊光鮮元叟家聲雖三公一時之方便於法門則有力焉經云但

以假名字而引導之。此之謂也。

古梅友禪師

古梅禪師者名正友。姓于氏。廣信人也。住闔之高仰山。爲絕學誠禪師。入室之眞子。誠得道於靈雲。定定嗣雪巖。欽欽爲友。四世之祖也。友爲人文而烈。不依違。兩可好立言行。以潔白著聲。初依末山。本得度。本示以禪。關節要不領。因循住江淮兩浙之間。歸省。本本揭其所得。友罔措。本曰。你參病鶴禪耳。翥翼九天。未有日在友愧。無所容。乃徧歷宗庭。因小便觸地。恍有所發。又參絕學誠公於洪州之般若寺。誠曰。諦當甚諦當。敢保老兄未徹在。且道是許它語未肯。語對曰。言下委然。誠大笑而起。次早友得上方丈。誠曰。夜來事作麼。生友以坐具便。誠曰。靈雲捉得賊。玄沙不放賊。卽今賊賊一時斷還和尚了也。曰。黃檗打臨濟意作麼。生友喝。誠曰。築大愚三拳則且置。因甚又來掌黃檗。友擬對。誠搖手曰。不是友曰。畢竟那箇是誠擊之曰。不是不是。次早友又上方丈。誠厲聲曰。抽袈裟。友擬議。誠痛打三十。友連喝復打六十。次早哀求。

挂塔誠公不許。且叱之。於是友浮沉歲月。自愛也。度夏雪巖。因讀法昌語。豁然有新證。乃書頌古數則。寄呈般若誠公。誠曰。此人得我第三番竹篋氣力。猶欠脫殼。在今兄弟家。三年五載做工夫。無箇入處。將從前話頭拋卻。不知行到中途而廢。可惜。前來許多心機。有志之士。看衆中柴乾水便。僧堂溫煖。發願三年不出門。決定有箇受用。有等編做工夫。但見境物現前。便成四句。將謂是大了。當人口快舌便。悞了一生。三寸氣消。將何保任。若欲出離。參須眞參。悟須實悟。友遙聞之。闔闔中物一時放下。又三年赴齋打動鉢盂。乃徹法源。披伽黎。焚香向般若大展曰。非吾師大機大用。正友幾成木強人耳。住後上堂曰。慧劍單持。明行正令。擬議不來。喪身失命。還有當鋒底麼。良久云。正好一帆風過海。箇中不遇駕禪人。喝一喝。又曰。月落山頭慘雲橫。谷口陰欲明。生死事直。指本來心。且道如何。是本來心。夜靜不勞重借月。玉蟾常挂太虛中。至正壬辰深春。高仰山樹不顯泉。忽涸衆懼。友曰。老僧向後自有嘉徵。五月初三集衆跏趺垂訓。諄

蔚奄然斂目而寂。仰山泉始湧。樹始花。友初住天心。掘地見藏金。友掩之。或曰：無主之物，方便納之，以冀佛事。曷不可乎？友曰：吾教以檀施爲佛事。發藏得物，未之暇也。冒而容之，寧不慚乎？其夜風雨暴作，巨石崩壓其處。人名其山曰卻金山。

贊曰：蒿枝之令數百年來，叢林畏而不聞矣。是以驢乳十斛，雜盃人間，而端人正士，故有流涕長太息之感也。誠公滴桃源真乳於嚴霜巨凍之秋，而古梅之器琉璃也。自無迸裂之患，則雪嚴橫出一枝，灼可觀焉。

南宋元明僧寶傳卷十

南宋元明禪林僧寶傳卷十一

伏龍千巖長禪師

千巖禪師諱元長，越之蕭山董氏子也。出天目中峰本和尚之門，開化烏傷伏龍山聖壽寺。其接物利人，灼類於本當元季時，其著我田衣者，無不藉賴朝廷。

褒重而高其聲價。公居伏龍，惟力田博飯而已。君王三錫徵號，公終身不署焉。於是議者以狂瀾砥柱而稱公。公性英敏，初棄家，問戒於靈芝律主時中峰本和尚。寓杭城雲居關，若會赴丞相府齋，公得拜見於齋筵。本曰：上人是何法？諱對曰：元長曰：日逐何所用？心公乃再拜請益。本以狗子無佛性示之。公即應北高峰頂，琢磨已躬。屢走見本，本惟叱之，無他語。靈隱雪庭傳禪師虛記室目款公，公來往雲居靈隱，荏苒法緣十載，不發乃私嘆曰：饑虎望几上之肉，寧自甘耶？遂禁足峰頂，聞雀聲有省，急走質本公呈。所以又被叱憤歸，據關枯坐，簡點所省處，竟不可得徘徊中夜，或行或立，忽鼠翻猫器，墮地有聲，乃徹見本公相爲處。即棄廬歸本，本云：趙州何故言無對？曰：鼠食猫飯，曰未也。對曰：飯器破矣。曰：破後如何？對曰：築碎方璧。曰：善哉。此事非細承當者，須是其人。於是公服勤一十三載，別隱天龍東菴，垢衣糲食，無剩語。人或鄙之，石溪空禪師大建松雲閣，繪二教聖賢影相，並藏其書以資三教學者流覽。徵文於當世銘之，無敢命。

筆者空素知公乃邀游松雲。敘其所以公弗少辭遜。文成四百五十言。自書其壁。是時松雲閣開。士多屬名家子弟。讀之大驚服。於是冠蓋博學者爭游東菴。有傳其文至中天竺。咲隱禪師曰。中峰有子如此。臨濟宗風何慮哉。卽言於行省丞相。以名利起之。而公已去東菴矣。其松雲文曰。見到說到行到。猶是到到。未是不到到。雖是不到到。未是不到到。何也。世尊四十九年。噉了現成閒飯。簸者兩片皮。說是說。非說長說短說。出許多閒言長語。滿世間狼狼藉藉。末後知非無著。慚惶處乃云。始從鹿野苑。終至跋提河。我於二中間。未曾說一字。敗也敗也。老子亦云。道可道非常道。名可名非常名。名亦言也。既非常名。言之何用。死也死也。孔子亦云。亂之所由生。言語以爲階。乃欲無言。謂天何言。露也露也。你看他者。三箇漢。如向一片淨潔地上。擦屎擦尿了。有底將灰土蓋卻。有底將糞箕筲帚。却有底將水洗却。任你如何。只是臭氣還在。引得許多蠅蚋蚤蟲。蟻蟻蚤蟲之類。總來啞啞各成窠窟。頭出頭沒。脫離無由。秦坑之永平火之。

◆ 真蹟五

三武滅之。愈熾愈盛。雲門殺之。德山罵之。臨濟喝之。彌高彌大。樹繞藤纏。至今無箇台殺。石溪本空禪師。奮巨靈劈太華之手。芥子納須彌之機。建一闍扁曰。松雲繪佛祖三教聖賢諸師形像於松雲之上。及取三教之書。悉藏松雲之中。無彼此之分。絕人我等見。真顯圓融廣大法門耳。或謂辨魔揀異。宗門眼目。秤斤定兩。向上鉗鎚。豈可雷同事。須甄別曰。會麼。瓶盤釵釧。一金毒藥。醍醐一味。其人不覺手舞足蹈。而歌曰。松雲萬朵兮。溪山盤盤松風一曲兮。谿月團團。冰崖笋出。炎天雪寒。眼睛只在眉毛上。分付渠儂仔。細看烏傷伏龍山。古有聖壽寺廢久。公乃登伏龍喜。其湧泉如乳。奇峰爭秀。就故址棘叢中。而卓錫焉。次日鄉民集者數百人。俱言昨夜夢乘雲聖僧至。伏龍及見公。與所夢無異。遂共開荒爲構草廬。久之崇成。大厦禪者接踵而問道。三十載如一日。嘗示禪者曰。當臺明鏡鑑在何人。露刃吹毛逢他敵者。從上的的相承以來。無有不因者。心肝五臟也。同眉毛鼻孔也。同眼睛舌頭也。同三百六十骨節也。同八萬四千毫。

竅也。同一處同處處同。只有些子不同。諸人還簡點得出麼。阿呵呵。縱饒滄海變。終不與君通。士大夫聞其風而開發者。甚衆。鎮南王亦慕之。則錫號普應妙智弘辨禪師。帝師又加圓鑑大元普濟禪師。東朝又賜金襴。並加師號。曰佛慧圓明廣照無邊普利其隆典。雖經疊下於題咏扁額中。並無其製號也。晚年益躋自緜衣衾。自補侍僧。屢竊爲之公。屢不悅。至正丁酉六月。示微疾。更衣集衆。書偈曰。平生饒舌。今日敗缺一句。轟天正法眼。滅擲筆而逝。年七十四。坐五十六夏。宋公濂久參伏龍。乃述其道行以立石。

贊曰。却名易忘名難。貞節易忘節難。蓋名節亦虛器也。長公入山。惟恐不深。重開伏龍一住。三十載王公褒贈疊至。公恬若不知。至其生平說法。勞勞玉齒。如怒獅扶圓石於千仞之岡。莫之能禦。嗚呼。克嗣天目。以駿發臨濟於一時者。微公其誰與。

龍池寧禪師

禪師出淮東通州朱氏。宦族名永寧。字一源。其先東山演公之下。開福寧寧七傳。至無用。寬寬乃永寧之

師也。寬居舒州太湖門士。不滿百。皆曉然自肯之輩。其得寧最晚。而寬特注之。以爲可。攬開福而闡東山法門。初永寧在襁褓中。弄以金紫。卽有惑容。九歲聞隣壁治喪。啼哭聲辭親棄俗。依禾州之廣慧寺。寺爲州之望刹。乃故淮海肇禪師說法處。前一夕。寺衆同夢。肇公來。次日獨寧至。衆欣然。疑爲肇公再世也。及爲大僧。汗遊禪社。走舒州。見無用寬公公。問何來。對曰。通州曰。淮海近日盈虛。若何。對曰。沃日滔天。不存涓滴。公使喝寧。擬進語。公又喝寧。擬退。公連喝之。寧大駭而趨出。自是罷游。堅依席下。一日公舉雲門。答僧須彌山話。寧聞之。脫然。公乃召曰。掣電飛來。全身不顧。擬議之間。聖凡無路。速道速道。對曰。火迸星飛。有何擬議。覲面當機。不是。不是。公喝寧曰。作麼。公曰。東瓜山前吞扁擔。寧曰。今日方知和尚用處。久之辭去。公曰。逢龍卽止。遇水卽居。金鷄玉兔。鞭影長驅。至治癸亥。常州道俗以龍池致寧。寧以爲符其師識。欣就之。連三載成叢林。南國高人以見。勉爲感。同曰。龍池尊宿。不敢名之。寧慕高峯之爲人。別業高崖。至正

間紫書三至不赴。諸方勉之始受朝旨。號佛心了悟禪師。然足不越閩。順帝嘉之。乃召璧峯。金而問寧之行略。金對曰。不耘而秀。不扶而直。劈華岳。迅烈風雷。吸淮海。不留涓滴。演東山。是其遠祖。寬無用容。其入室。雖經三詔。下龍池。梵老不知堯舜力。洪武元年。寧囑製紙衣木龕。次年六月十七日。服衣居龕而化。有偈曰。七十八年守拙明。一場敗缺泥牛海底翻。身六月炎炎飛雪。

金璧峯禪師

禪師名寶金。乾州永壽人也。號璧峯。其父石氏行善無子。有梵僧目普門大士相授之曰。善事之奇男至矣。期年果生。金生時紅光蓋室。牛馬皆鳴。六歲親歿。往受淨業於溫法師。從溫既久。通性相之旨。乃代座演法。有禪者遇而借之。因謂金曰。觀君談論。如望梅也。其能止渴乎。金大驚。挽之不可。遂游方。謁縉雲真禪師。與一源寧同入真室。金輒有省。一日拈蔬園中。定坐不還。適真公至。撫金背曰。汝定耶。金起對曰。動定不關。曰。誰是不關者。一本云。動定不關。是甚磨人。金向前又

◆壬戌

手而立。真公奮襟其胸曰。速道速道。金便喝。真曰。塵勞暫息。向上政未得在。金以拳築真。而趨去已。而隱峨嵋。日咽松栢。脇不沾席者三年。聞伐木聲。大徹。再參真公。真於地畫一圓相。金以袖拂去之。真又畫一圓相。金於中增一畫。又拂去之。真再畫如前。金又增一畫。成十字。又拂去之。真復畫如前。金於十字加四隅成卍字。又拂去之。真乃總變三十圓相。金一一俱答。真曰。汝今方知佛法宏勝如此。宜往朔方。大行吾道。金先於定中見一山。重樓杰閣。金碧欄絢。諸佛五十二菩薩行道。其中有謂金曰。此五臺秘魔巖也。汝忘之乎。至是游五臺。道逢蓬首女子。披五彩敝衣。赤足徐行。一黑獒隨其後。金問曰。汝何之。曰。入山。金曰。將何爲。曰。一切不爲。金喝之。女子詢金曰。將謂是獅子兒言訖。不見。金驚喜曰。吾於此山有宿緣乎。就中結靈鷲菴居之。聲光日溢。無遠近負餽糧而獻者。續紛也。至正壬子。授師號。寂照圓明住。燕京之海印寺。尋稱病辭還舊隱。明高帝卽真召。金之南京。於內殿問佛法大意。遂設普濟會。金蒞其事。已而御製詩十

二韻賜金是時開福之後惟金與龍池寧寧好行古
規時流諱之金自代州寓金陵英才輻輳開福餘烈
復振嘗問僧須彌納於芥子且道阿修羅王向何處
伸脚僧應諾金曰恰是僧呵呵大笑金曰劍峽徒勞
放木鷄又問僧臺山路向甚麼處去曰和尚是甚麼
心行金曰今日被驢子撲僧作嘯聲金曰消得龍王
多少風金年六十有五召侍僧曰三藏靈文乃是故
紙汝知之乎僧擬進語金便脫去闍維得五色舍利
牙齒數珠堅潤宛然

贊曰寧金二禪師以叔姪同時建大旗鼓於廣漠之
楚豈不三賢胆戰十地魂驚或恠二公末後一日明
明一場敗缺一日三藏靈文乃是故紙何斂鋒垂手
一至此哉然歷攷版圖自大覺拈花之後莫不皆然
無乃草滿法堂不容不爾耶抑曆數有歸其冊命之
詞乎

烏石愚禪師

禪師世愚者號傑峰衢州余姓子也早歲歷參知識
一十餘員無所開發抵杭州大慈見止巖成公而得

道焉愚初至大慈倦於請益但隨衆聽法而已一夕
成召之曰愚聞黎萬古碧潭空界月再三撈攬始應
知愚警然趨去於是精神逸舉窮極玄秘又常入元
翁之室機絲綿密翁心喜之翁即止巖之師也室中
常謂愚曰暴長之竹數載而枯暴流之水終夕而涸
此理人豈不知耶但求速之病入於膏肓則神醫拱
手矣愚遂隱烏石山一十八載禪子知名正信長者
建廣德石溪大伽藍以居愚居石溪禪徒始大集
開堂日僧問黃梅碓背花開日夜半傳衣過嶺南此
事還端的也無愚曰一物本來無兩肩擔不起曰畢
竟如何保任愚曰不是詩人莫獻詩乃曰佛病祖病
衆生病拈向一邊丹藥妙藥神仙藥除過一壁離卻
四大幻身且道那箇是病那箇是藥若向者裡薦得
許汝諸人具隻眼其或未然山僧分明指出病源與
諸人看四大分散時向何處安身立命是有病無藥
底句鎮州蘿蔔栢樹子乾矢橛麻三斤是有藥無病
底句青州布衫是藥病對治底句不是心不是佛不
是物狗子佛性無是藥病雙忘底句爲治衆生心中

五慾八風煩惱塵勞妄想執著一切病一大藏教總是濟世醫方一千七百祖師公案盡是靈丹妙藥有病應服藥無病藥還祛衆中還有箇漢出來道和尚自身不能治何用治別人只向他道留得一雙青白眼笑看無限往來人愚凡四坐道場暮年退休烏石爲逸老計適有長者攜童子上謁愚問何來童對曰虎空無向背愚大奇之適懸鍾次愚曰童子能言之乎童曰百鍊爐中滾出來虛空原不惹塵埃如今挂在人頭上撞著洪音徧九垓愚嘆曰此子如在毘迦陵也以大法度之法名非幻洪武三年諸山宿德咸赴鍾山之會有詔起愚使者至愚集衆普說已而高聲唱滅有偈曰生本不生滅本不滅撥手便行一天明月繼愚後事者有二人焉曰無涯幻曰日本太初原原歸化本國幻於永樂五年奉文帝詔證西僧

哈立麻佛事有感帝喜特留幻主靈谷以備顧問每召對稱旨十七年御製贊佛歌頌併刊大藏頒行是日慶雲等瑞種種不一備載明紀其明年春有敕再建會靈谷如西僧例幻不奉詔亦唱滅以故愚父子

深得或菴之遺韻云蓋愚邈或菴體之八世也贊曰或菴行護國之話於焦山至中葉幾微而復興譬猶一指之脉度隔穿峽所謂節節皆原六秀及傑峰父子一出又若老幹發嫩支龍逶迤而下爲尖圓方正之星而入局於戲誰中十道天心之穴則兒孫脚下可勝計耶

古鼎銘禪師

古鼎禪師諱祖銘出於四明應氏風骨軒昂談論超人意表得道於元叟端公出世談禪之會有四皆名山廣澤之中四衆圍繞其陞堂入室之鼓日不停聲當是時六宗之徒互相犯諍銘著書千百言以解之聲達朝廷朝廷賜銘號曰慧性文敏弘學普濟禪師叢林共美其功楚石琦有語曰具眼宗師超方哲匠傳列祖之燈息六宗之抗身非身相非相天教擎在千峰上蓋銘初與楚石同參元叟端端公喜怒不測所學者皆流俗鄙事所訶者皆賢聖章句銘大疑之乃詣端公之室端呵呵大咲銘曰自遠趨風師何譴耶端公驚起頓足曰山僧罪過不少銘墮愕而卻會

書記寮庶職林首座知銘欲舉銘補之。端曰：見彈而求鴟炙，不亦早乎？林曰：何謂也？曰：待渠識得西來意，方可耳。不然，流成文字，蠹魚何益哉？銘聞大慚，隕涕自誓，求決大事。一日，參罷，銘復進曰：黃龍南傾心請益於慈明，慈明屢詬罵之，何也？端曰：趙州道臺山婆子被我勘破，與慈明咲曰：是罵耶？爲復肝胆相似？爲復鼻孔不同？銘曰：一對無孔鐵鎚。曰：南立悟去，又且如何？銘曰：病眼見空花。端曰：金沙混雜，政未得在。銘又擬進語，端震聲喝之。銘失聲咲曰：祖銘此回做得書記也。端公亦笑而許之。住後，僧問：如何是佛？銘曰：秤錘蘸醋。又曰：如何是佛？向上事。銘曰：仰面不見天。僧曰：雲門乾矢橛，又作麼生？曰：不是好。心僧曰：乾矢橛與秤錘蘸醋相去多少？曰：鑊湯裡躑跳。僧又擬問。銘便喝。銘言行平易，不以繩墨制學者。嘗曰：滄海有擇流之心，則成牛迹。春日有偏炤之意，仍似螢光。所以大治烹金，不須九轉。衆生成佛，只在剎那分之別。之遠之棄之，豈大慈長者之心哉？晚住徑山，禪流益心歸之。恕中慍早受業於元叟，既出遊，方聞銘繼徑

牧隱收

山之席，乃歸訪銘。銘請慍歸蒙堂，間與商確古今。於是二公互相肯可。焉及慍出世，靈叢法嗣紫籙道公。銘復稱之，或曰：慍公向親先老人，今其背德承紹，無名老衲，師反獎之，何也？銘曰：不然。當今吾老人之望，故重天下矣。碑販之徒，往往承虎接響，慍公得意於紫籙，不以聲名而忘其本節操如此，豈可及哉？銘年垂耄，愛攜衲子山游，不計遠近，意得卽到，歸便高枕鼻息如雷。一日，命侍者徧插香，聲鐘告寂。衆趨遶之，銘則宴然側身長往矣。有遺偈曰：生死純真，太虛純滿。七十九年搖籃繩斷，其門下繼居徑山者，象源淑也。居徑山百齋，躬先率之勤舊，乃言先老人弗以絮務勞賢者。淑曰：安有賢者而弗勞乎？於是冰風四峻，廉士大集。一日，趨出門，大叫曰：殺來了，殺來了，衆驚集。淑乃莊立，蛻去其次門人，力金者主持天界。

天界金禪師

力金禪師，號白菴。萬金有本名吳門姚氏子也。幼孤，楞伽寺道原衍公牧金爲沙彌，衍絕世交，築碧山堂以自娛。因以白菴號金，且愛其姿，乃資金行脚，遂深入古

鼎銘公之堂奧已而歸吳壘土爲孤雲菴以事其母其母亦得悟焉元至正間浙宣政以淨慈請金金不就乃開法瑞光次移嘉禾之天寧南北英靈集如箕欽元帝師大寶法王贈金號曰圓通普濟禪師是時金之名日重矣愚菴素倔強不肯可諸方聞其名常致書問於楚石以爲古鼎有子乎楚石亦因褒之其詞曰道邁古今學兼內外白牙香象蹴踏而截流金毛獅子哮吼而踞地機用可謂逸群文章乃其遊戲青天白日放古佛之瑞光鬧市紅塵闡湖南之祖意直得大海波翻須彌粉碎少林不識曹溪不曾卻淨慈道愈高唉諸方進爲退乃吾古鼎銘兄之的傳妙喜杲祖之六世者也愚菴以爲然作偈柬金曰聞道湖南第一山交參龍象雜官班東頭賣貴酒頭賤空手來時赤手還頂額一機猶掣電語言三昧若連環鐵缸下載休輕學老叔談禪亦強顏明初有詔主天界高帝留神內典而楚石愚菴輩亦赴焉金以猶子之列與之援經據論披詰玄理共大元叟家聲五年敕集三宗二千人建鍾山法會大駕臨幸命金陞座

闡揚宗旨復命儒臣出衆燒香疏曰無量太虛因三才而建極有涯滄海會八德以朝宗發含靈心裡之花主哉先覺秉樞斗囊中之柄久矣高人則寶鑑當空自合崑岡之壁而玄珠在握誰停赤水之車化廣無爲音宣大呂豈非人天協贊日月雙懸金曰皇風浩蕩即凡心而印佛心慈澤彌漫據聖智目開世智乃拈香鞠躬起立曰會麼打麤還他州土麥唱歌須是帝鄉人便下座高帝大悅萬衆稱善金年暮欲謝退不可乃喟然曰吾以虛名益當聖代每懷煨芋諸公子不逮矣遂稱病篤解還舊隱未久圓寂塔於嘉興環翠蘭若初高帝詔選名宿輔導諸藩而蜀王椿師事見心復復名溢都中金嘆曰復公其不免耳復果罹難而終故諸方嘉金靖退爲叢林福云贊曰水火相憎鎗居其中則世味以調邪正相反智居其中則精神俱化而銘公之攝六宗其智能過於調化者也丹青雖異文彩全施貴其知宜也天岸雖高明舟不犯貴其用意也象源之繼徑山乃良於知宜而用意焉知退而不知進者滯於寂也知進而不知

知退者傷於勇也。白菴其無滯傷之病。與師資鼎峙。俾風化有酬。酪之純。其流慈豈小小哉。

性原明禪師

禪師出夏氏台州黃巖人也。諱慧明。字性原。居家不治生產。日游僧寺。父兄以不才子目之。父卒。明益無賴。嘗貧。食親里姑舅之家。或得斗米百錢。歸又作飯。僧佛事。俄有長耳黃面病僧之門。乞食於明。明日碗羹施之。復乞明躊躇。答曰。柰我無有何病。僧曰。無有亦須施。我明莫知其意。病僧指明內竈曰。那是甚麼。明回視。失僧所在。明乃大驚。即走。樂清依寶冠沙門。斬其髮焉。每遇禪者。則虛已請問。或有問。即拜下。風久經歲月。而知有此事。即腰包行。腳上雙徑見元叟。叟曰。東嶺來。西嶺來。明指草鞋曰。三文錢買的。曰。未。在更道。對曰。慧明只恁麼。和尚作麼。生叟曰。念你新到。放你三十棒。明退。參三月。方罄其旨。久之。出世寧波五峰寺。明既蒞師首。以身先衆。間有憍懦不振者。明亦委致起之。凡垂機。即宿偈。偈者爲之失色。於是湖江咲稱五峰門庭爲曝腮處。洪武間。詔明主鍾山。

同一作詞

法會而天鏡。靜壁峰金季潭。渤皆與焉。內翰宋危諸公嘗問道於諸禪師。一日問。咨國事。有答曰。掃腥羶。建禮樂。萬代一時也。復何慮焉。明曰。不然。禮樂有三代之隔。人心無夷夏之分。敬天懼人。思危防安。天下平矣。諸公悅。服高帝。聞明答語。以爲有王佐略。欲留居都中。時辭還山。景濂宋公疏。明居靈隱。明不就。乃薦同門天鏡。靜禪師。明還山。曰。鄰寺故老。相訊。明乃蕭然布衲。藤杖而已。或問大內隆遇典故。明緘口無一語。惟審山問歲節。節俱至。明退居。無何而靈隱天鏡被流言。坐忤時流。徙陝西道經寶應。夜宿寧國寺。端坐而歿。以故靈隱席虛。師僧皆散。諸方不肯應復。請明明。嘆曰。時哉。時哉。不可避乎。明既任靈隱。年雖邁。接納無少倦。嘗垂問曰。蓮花峰被蜉蝣食。却半邊。因甚。不知僧進語曰。不啞不聾。不作阿家翁。明喜之。又問曰。冷泉亭吞卻壑。雷亭即不問。南高峰與北高峰。斷額是第幾機。又僧進語曰。和尚今日放參。明亦喜之。於是禪子蟻從。元叟家聲復大振。闡提陰嫉之。明又被議逮捕。或勸明引去。明怒曰。潛形苟免。豈道。

人所爲乎。適浴佛。明上堂曰。者一箇那一箇。一一從頭俱浴過。藥山布衲謾商量。仔細看來成話。鹽成話。鹽將諸訛。拍禪牀曰。武林春色老。臺榭綠陰多。下座直詣法司。從者如雲。有感泣願以身代。未鞠明。跣跌廬下。爲衆說偈。忽入滅。天立變。暝雷雨暴作。拔木飄瓦。吏司懼而釋之。叢席無恙。時洪武十九年也。嗣明法者。正菴閣上座。闇有勁操。晚以衣拂授月江淨淨主徑山。大廓性原之風。歿時有偈曰。祖師門下客。開口論無生。老我百不會。日午打三更。

贊曰。南黃龍坐事抵獄。兩月得釋。皮骨僅存。眞點胸迎於途。不自知泣下。南公吒之。明潯二尊宿。不知獄吏之貴。而冷處抽身。可謂矍鑠矣。嗚呼。風波亦叢林時所有也。標格如此。足驗生平。然際時能表裡叶贊。乃願力也。豈偶然哉。

南宋元明僧寶傳卷十一

南宋元明禪林僧寶傳卷十二

雪峯逆川順禪師

逆川禪師名智順。又字澄垢。東甌瑞安陳氏子也。順母有懿德。謹於事佛。夢僧頂有圓光。逆汪洋之流而招曰。煩爲母我莫辭勞也。寤卽有娠。順生七歲。神悟特異。永嘉寶際院卽空禪師收爲沙彌。誨以大法。順信受頂戴。刻無情容。著老多器之順。爲大僧。辭空行脚。見諸大有道者。入閩抵天寶。參鐵關法樞禪師。樞署此菴。元七世之傳。尋常好問。禪者老僧舌頭在麼。而禪者多被抑。不敢犯其鋒。順得參堂。踰月。因如廁。觀園中匏瓜有省。入室呈所得。樞公曰。乍入門耳。何足重哉。曰。堂奧更有何法。乞師揭示。公大笑而罷之。於是順括磨究竟。盥漱悉忘。夜深常入樞公之室。參請古德因緣。或至晨鐘鳴。乃趨出。樞心嘉之。一夕徐問曰。曾聞和尚偏見湖江諸大老。未知於何機下得徹本源也。樞公曰。我當時往華藏受業於竺西和尚。便知有此事。但胸中似有一物放不下。受具後參中。

峯及菴諸老諸老未常不以本色示我。我只不能領會。乃走石門。見我元翁先師。先師亦無長語。惟道不是。心不是。佛不是。物作麼生。會其時前後際斷。一日齋後下牀。忽踏著實地。急走方丈。先師遙見而笑曰。作麼。我進曰。南泉被我捉敗了也。先師曰。南泉即今在甚麼處。我便喝。先師曰。離卻者一喝。南泉響。我拂袖而出。自後執侍巾瓶。一十五載。我事且置。你向何處見南泉。順詞色俱喪。愧無所容。又一夕聞參鐘擬離。揚豁然大悟。趨告樞公曰。南泉敗缺。今已見矣。樞曰。心佛物俱不是。是箇甚麼。對曰。地上磚鋪屋上瓦覆。曰。即今南泉在何處。對曰。鷄子過新羅。曰。錯。順亦曰。錯。明日樞命搗鼓勘。驗順扼腕上下。顧視曰。和尚眼在甚麼處。樞助喜曰。也要大家知。至正六年庚辰秋。樞公遷化。順繼天寶之席。於是此菴之宗大振。自順溯此菴元。其世有八元。得焦山體體三傳。天竺有傳。天池元翁信信之嗣。二人曰。大慈成曰。鐵關樞。順既受樞公正印。號令人天海內改觀焉。從天寶遷報恩。又移居歸原。而機用縱奪益慎於居天寶時也。

正髮元

當是時。南北禪子駢集。朝廷知順。乃賜衣加號。佛性圓辨禪師。順即退居東甌之羅山。穴地爲爐。折竹爲箸。不設臥榻。不貯宿春。或以矯世譏之。順弗顧也。平章燕只不花鎮閩。堅起順住閩之東禪寺。又移雪峯。順之法政善巧。圓融座下不規。而肅聽順說法。各有領解。雪峯數百年來。稱順爲中興矣。明洪武初。詔順陞座於鍾山上。臨聽法。悅如舊識。順每對上稱僧而不臣。或忘而稱我。上以眞率美之。已而還南。南國以淨慈留順。居無何。有司復以朝旨強順抵京。經四月。書偈而逝。時洪武十三年夏也。閩維所獲舍利。迸若明珠。其六坐名藍之語。錄盛著於世。但頗有異跡。人以爲神。且又尊之爲肉佛。愚不敢贅懼褻也。贊曰。順公望隆兩朝。其胸吞須彌。而舌傾滄海。在他入則天葩幾滿繩牀耳。公卻素履蕭然。不忝嗣祖。乞士誠有坦然與世共信者。區區以生平異跡而頌鉢兩其然。豈其然乎。

萬峰蔚禪師

禪師時蔚者。號萬峯。姓金氏。東甌人也。機投伏龍千

嚴長法弘鄧尉。歿年七十有九。師初生其里。瑞應不一。俱以徵金氏。金氏恐乃祝佛。願施爲僧。年十三出家。具正知見。登壇受滿分戒。因誦法華。至諸法從本來。常自寂滅相。有省走參止。嚴止嚴示。目三不是。話師別卓菴於達蓬山。楮衾草榻。杳若忘生。忽聞佛跡。寺僧舉潯山錫。倒淨瓶公案。大悟。乃曰。顛倒倒是南泉。累我工夫。卻半年當下。若能親薦。得如何。不進劈胸拳。卽棄菴入天台。登華頂。機觸無見。左右震慄。無見善遇之。且勉師曰。子宜居山。保守他日。支拄宗庭。非子而誰。乃至伏龍。伏龍圍遶數千。指皆一時俊杰。師土音長髮。洋然進拜。千巖奇而問曰。將甚麼與老僧相見。師豎拳。巖曰。不是心。不是佛。不是物。是箇甚麼。師打圓相。叉手而立。巖曰。莫要請益。麼師掩耳而出。巖深喜之一日。千巖據座。命鼔衆方集。師震聲一喝。拂袖便出。巖乃曰。鬱鬱黃花。滿目秋白雲。端坐碧峰頭。無賓主句。輕拈出一喝。千江水逆流。於是叢林知名。出世嵩山。有示衆曰。月頭是初一。光明漸漸出。月尾是三十。光明何處覓。假饒老釋迦。也道

拈不出。拈得出。萬事畢。若有人道得出。來道看。如無嵩山與諸人。露箇消息。舒兩手云。我見燈明佛。本光瑞如此。又展掌云。大開方便門。便從者裡入。握拳云。閉卻牢關。說家裡話。且道不開不閉一句。作麼生斂衣下座。次遷平江鄧尉。創大聖恩寺。當是時。世主稱爲佛心天子。有能禪者多。隨諸名德。出入禁廷。溫繹典故。其聖恩席下。抱道髡徒。僅半千人。普持勝學。一闍黎爲上首。師純以本色提接之。海內禪風一正。士夫書札。通候於師者。除問道外。槩不復緘。至有久從游者。求隻字不可得。間或請之。但以老僧年邁而卻焉。侍御陸公書古德機緣。馳問師。謂來使曰。汝主初選官時。可到京否。使愕然曰。安有不朝天子而受職者。師笑曰。奈選佛何。師雖不假詞色。羅絡當時。然寬大莫測之機多如此。洪武初。有旨探諸山名德。因議及師。景濂宋公固止曰。不可。此老吾浙人也。吾素知其爲人。年且逮耄。性喜恬退。必不能奉命。且留此一老爲林下標識。詎不美乎。若迫之。彼必蹈汾陽昭公之轍。主議者令私探之。師早稱病掩關矣。師自壯至

老功課纖髮不移日。理僧事夜則跏趺儼然達旦。侍僧問請息。師曰。汝正鬧在。老僧息之久矣。洪武辛酉正月二十九日。集衆說偈。奄然化去。偈曰。七十九年一味杜田懸崖擦手。杲曰。當天其繼鄧尉法席者。寶藏持公也。持之下復出慧岳。

虛白岳禪師

慧岳禪師者。楚人也。出王氏字虛白。七歲知誦佛陀名號。寤寐不息。又七歲。禮妙覺寺湛然祝髮。祝髮之頃。忽祥光四際。皆成五色。湛驚喜曰。此沙彌他日定南鍼子也。遂以慧岳名之。師爲人奇偉。方正親先敬。後猶如饑渴然。性剛不解軟語。聞耳出口。若持券人。共稱之曰。楚直至有難發之舉。必激師發之。發俱中節。湛然每召師曰。浩浩光陰。切莫錯過。對曰。不錯過。湛每視而休去。一日湛問曰。今日作甚麼。師曰。切羅。荀曰。你只會切羅。荀師曰。也會殺人。湛嘉引頸。師曰。降將不斬。湛吐舌而起。湛遷疎山。師別參松隱於雲間。因觀孤松了然。自許徧歷戶庭。不受控勒之平。江見果林。果林擲下蒲團曰。試說看。對曰。只者消息本。

無言說。破蒲團上地迸天裂。林愛其神駿。指往鄧尉。拽杖門送。撫師背曰。登泰華之巔。始知宇宙之大。投五猪之餌。可語滄溟之深。子往矣。毋遲師敬諾。是時寶藏持禪師繼席鄧尉。進者雖雲湧而去者亦川流。蓋其慎也。師謁之。持公問曰。心不是。佛智不是。道你云何。會師進步叉手而立。公大呵之。師乃憤疑參堂。株立不寐。至二夜。洞徹臨濟宗旨。遂師道合矣。持公遷化。師關隱安溪三十載。如一日。永樂年間。道風大播。名都會邑。重幣交至。師俱卻之。其節概嚴冷。一振風穴之風。姚斯道以顯望鳴當世。欲爲師撰序。師亦卻之。斯道嘆曰。嗟乎。倒嶽傾湫之際。卓立當陽。揮召不得者。若公也。至於跋鯨之行。飛龍之說。豈足恃哉。識者皆多姚公之知人焉。海舟永慈自出峽。負其知見盛氣。加人不肯挂搭。諸方靈谷堂頭。強慈首衆。有禪者盛贊師之機略。迥別慈無可意。泊終期。即通謁於師。師擦其寶惜。絕其蓋纏。慈乃歸心。竟代師任持公之道。正統五年。師無病示化。先有遺囑。偈曰。字付慈海舟。訪我我無酬。明年之明日。西風笑點頭。更。

以衣盡遣白菴明長老送至東山時海舟慈開化東山三載矣

東山海舟慈禪師

禪師名永慈諱作普慈其法號海舟明洪武二十七年甲

戌生於蜀之成都余氏諱作常熟錢氏弱齡聞說生死事大

卽蘊於膺經旬不就寢決志趨彭縣之大隋山諱作破山

景德寺禮獨炤月禪師堅求法要月喜其端厚慎重

可爲法門梁棟遂度之永樂癸巳月歿師竟入西山

菴隱八載形影偶偕忽覺相應乃棄菴出謁大初和

尙時年二十有八矣初受師半展遽問曰向父母未

生前速道將來師從東過西初曰未更道師曰兩

眼相對初正色瞋師師趨去之復至東浦訪無際抵

靈谷見雪峰雪峯以師悟處諦當延師爲靈谷第一

座師竟自許常與同輩蹴踏峯竊駭之然師無留意

解制拂衣至安溪投機於虛白曰公公以臨濟正脉

囑師保任師乃辭去復陸沉牛首諸山正統丁巳師

年四十四始領東山翼善禪寺師晦養既久且弘大

化四方宿艾虛懷而仰風裁然師虎視來機故踵息

未舒而神氣先萎者多矣正統五年庚申六月日公
化去東南學衆惟歸東山王公貴人虛已以禮致師
師未常以一言開鑿智寶故一時雖盡愛敬莫得而
親疎焉縹素爲師預建身後之域有范作頭者失斧
傷足痛甚索酒師謂之曰范作頭傷足猶可假若斫
去頭時有千石酒與作頭作頭能喫否范於言下知
歸卽求爲僧師錄之乃充火頭刻意究竟不覺被火
燎面如刀刈取鏡炤之欣舞以偈呈師師爲肯可當
是時出入東山皆稱俊杰不無有望於師師惟目送
而已至有已據高座而聲馳國中者求入護室師弗
顧或謂東山網漏於吞舟之魚師哂之問有古溪澄
禪師常過東山師與盤桓喜其見處穩實嘆曰真斷
橋之後也乃舉澄以住高座寺澄初出世褊子不甚
知名師以澄法語緘達諸山諸山始歸重兼仰師有
衛法至公之德云天順五年辛巳師陞座說法舉一
喝而逝逝之日白虹橫貫異鳥悲鳴古溪澄哭之慟
挽之以詩吊之以文其略曰道揚湖海德播神州慈
濟隆乎品彙聲名動乎王侯來西蜀而全堤正令坐

東山而大闡玄猷。續高峯七世之燈燦。群昏而獨炤。紹昆祖百年之踵。吞衆派以周流。將入涅槃。現衰相。而白虹貫日。既歸圓寂。殮法身而夜壑藏舟。澄自後。不上堂。亦跌坐。遷化於香巖。香巖之衆。悽然澄徐展目。曰。不須如是。復宴然長往。師之門人智瑄。作明瑄。訛也。開法金陵。瑄傳天奇本瑞。瑞之法嗣大振瑄。即范作頭也。

贊曰。鄧尉至東山。歷傳四世子。子喬松其本孤矣。自寶峰燎破面門。而得天奇瑞。公枝秀雲。檉葉蔭。囊中或疑其先淨。而後蓋殊。不知我此世界大賢劫中小劫二十。當有千佛出。與迄今劫過有九矣。自拘留孫至我釋迦。本師纔出四佛。彌勒師子後。仍有九百九十餘尊。第十五小劫中。一齊出現。惟餘樓至。設以盛衰淨蓋。而較之可乎否耶。

福林度禪師

禪師名智度。號白雲。處州麗水吳氏子也。初住普慈。終於福林。度居福林時。以無見觀。公藤杖手卷。囑累古拙。俊是爲斷橋。一脉有克肖之者也。蓋觀公法繼。

方山寶竈。斷橋倫。故度望斷橋爲四葉之祖焉。度爲人沉默。而曠達。初受業於郡之白雲。空中假禪師。假陰察度根器。使行卑劣。行以挫之。每呼度名。度每應。諾。假曰。將謂將謂度。不領。乃使度南詢。曰。善財是菩薩。中行脚樣子也。趙州是祖師。中行脚樣子也。龐蘊是居士。中行脚樣子也。今人行脚。不效此三老。則枉費芒鞋。徒自困耳。度即徧參南北禪席。已而歸省。假公喜曰。你來也。吾事畢矣。一日說偈曰。地水火風。先佛記掘地深埋。第一義。一免檀那。幾片柴。二免人言。無舍利。乃端坐。蛻去度。掩面哭曰。蒼天蒼天。或曰。君哭遲矣。度乃大笑。遂廬於塔。日取楞嚴圓覺研究。悉能貫之。然於日用之際。又不能得大自在。嘆曰。參禪不求大徹。癡禪也。吾師豈虛語哉。但恨遊方時。未抵天台。參無見觀。當是時。觀公稱爲宗門繡虎。居華頂。禪流憚之。度即趨華頂。謁觀。以西來密意扣之。觀掀眉視曰。得娑羅峯點頭。向汝道。度以手搖曳。觀便喝。度悟旨曰。娑羅峯頂白浪滔天。花開芒種後。葉落立秋前。觀曰。我家無殘羹。餽飯曰。即今亦不少。觀欣。

而肯之曰。我四十年住此山。一老道者耳。別無甚奇。

特惟先師未了公案。今以責汝。汝善保任。親便趨寂。度住後。以爲先師遺囑。在躬。因時接物。隨機開導。聲重湖江。與夢堂愚菴諸老齊名。明洪武二年。有詔赴京。卽疏辭還門下。有以不耐事。諫者。度怒責曰。汝不聞古德有言乎。縱饒弄到帝王家。也是一場乾打閨。將來法門。謾竿竊符之弊。必汝輩也。未幾遷化於福林。有遺偈曰。無世可辭。有衆可別。太虛空中。何必釘橛。火浴收五色舍利。大如菽。塔於寺西。度隨所說法偈。頌弗許。記錄禪者竊書其語。度乃瞋逐曰。奴流敢裨販吾語。作口頭人事。以銜叢林耶。復有老宿。以未見度語句。爲恨。潛探衆中。值度入室。徵判險要。如揭貫花老宿大喜曰。不意斷橋猶在。

贊曰。觀公居山四十載。耽耽坐視。非白雲解其頂下之鈴。幾鈍置耳。白雲行道垂手低眉。蓋亦蒼頡造書契而代結繩者耶。及暮年。仍襲觀公之風。倏然高枕。瞋責子弟有竊符謾竿之弊。又何異延恩安之笑法雲秀也。語云。百花叢裡過。一葉不沾身。其白雲乎。

瑞巖恕中愷禪師

恕中禪師名無愷。台州人也。出陳氏。姿量雋瓌。耽禪世味。機契於竺元道禪師。說法瑞巖。日本國王慕愷道德。傳譯疏朝廷。迎愷化其國。愷堅謝不往。而終老林麓。南北聞其名。爭願見之。愷初受業於元叟。端以己躬爲急務。徧走叢林。不合。卽背法堂而去。於淨慈芝鳳山。靈稍相流連。及還省。元叟元叟喜之。以擇木寮居。愷愷仍不自許。又訪天童砥公。因留閱藏。凡經十載。以博達著名。然於狗子無佛性話。獨疑之。乃私挽聰與二友而謂之曰。汝我甘死。祖師語下乎。因假言遊天台。擬再尋作者。登華頂。吊寒巖。遷延數月。聞天目禮下橫川珙有嗣。曰竺元道禪師。住仙居之紫籙。垂四十年矣。行脚人以古伽憚之愷。偕聰與進登焉。遠見老僧坐隔溪盤石。又一白髮僧侍立。風度蕭然。如吳處士所畫阿羅漢。三人知是道公。乃合爪進訊。道曰。山路崎嶇。險閣黎到來不易。聰進曰。和尚住此久近。道曰。石穿新竹。笋壁挂古藤。羅聰曰。畢竟如何。接人曰。百一奇峯朝鳳嶺。一條坦道下仙居。與又進。

曰。如何是佛法的大意。道公曰。燒畚種芋子。與曰。如何是佛法向上事。曰。接竹割松枝。與擬進語。道公指愍曰。那位上座。因甚不問話。與輒悟旨已。而具威儀。上方丈人事。愍纔申問。被一喝。頓消積滯。即獻一頌。道公深肯之。其頌曰。狗子佛性無春。巴滿皇都。趙州東院裡。壁上挂葫蘆。三人相慶曰。我等若以耳作眼。幾賺一生。於是三人俱嗣道公。聰與乃服勤於紫籙。愍辭應明州靈巖道公。謂之曰。汝知瓦乎。聯之千百。則有蓋覆之功。汝知玉乎。露之徑寸。卻貽偷竊之患。與其碎玉以矯世。不若全瓦以濟時。今古至人。惟得此而已矣。愍既出世。而元叟下知識。噩夢堂銘古鼎。輩以爲愍。必酬元叟之香。俱遣使靈巖。厚爲愍壽。愍開堂日。拈香曰。古人出世。拈香酬法乳也。今人出世。拈香酬世恩也。愍上座。總不然。昔年行脚。到紫籙山中。參箇老布衲。彼亦無法可授。我亦無法可受。只向無授受中。拈出供養。竺元道和尚。不圖報德。酬恩。只要大家知委夢堂。與徑山舊法侶。聞之大驚。唯唯而已。愍居靈巖三載。遷居瑞巖。乃設二間。勸禪流不

合。即逐出。當時謂之瑞巖三關。其問曰。穩坐家堂。因甚主人翁。不識掀翻大海。擗碎須彌。平地上。因甚擡脚不起。眼光爍破。四天下。自家眉毛。落盡。因甚不見三句內一句。外不涉兩頭。有人道。得拄杖子。兩手分付。又謂衆曰。我者。裡一切只是尋常。你若來弄機關。誇好手。向毒蛇頭上。揩癢。猛虎頂下。解鈴。拄杖未打。汝在何故。有盤根錯節。方可顯利器。有銀山鐵壁。方可整鉗鎚。又曰。靈山奧旨。少室真傳。日月不足喻其明。虛空不足喻其廣。巍巍獨運。蕩蕩無私。思之則差。議之則錯。五千四十八卷。說食。向人一千七百葛藤。持蠡測海。在今諸方。莫不盡謂。驅其耕奪。其食貴圖。宗風不墜。殊不知正是救湯進火。禦寒贈冰。山僧與麼道。豈是壓良爲賤。取笑大家。臂三折而知醫人多。閱而曉相。靈俐底。不用如何。若何。便請單刀直入。掃蕩。擒擒坐享太平。豈不快哉。少涉遲疑。白雲萬里。又曰。三教聖人。總在拂子頭上。牽枝引蔓。說妙談玄。儒者曰。吾道一以貫之。老者曰。聖人抱一爲天下式。佛者曰。惟此二事實。餘二則非真。既各說有來由。未免

稱強稱弱且作麼判斷使其聲和嚮順形直影端剖
破人我藩籬塞卻無明窟穴擊拂云二絲一有一亦
莫守日午打三更面南看北斗愍居瑞巖道價日高
湖江英俊趨台者不絕當是時元主崇尚我宗凡林
下染衣之叟多受隆譽愍獨體其師任山本色之操
嘗作書與了堂一公其書深切時弊凡千百言蓋一
與愍同師竺元也一日上堂曰我此一宗難爲荷負
自非有驅耕奪食手段放行把住機關至於一進一
退之間未免貽笑作者瑞巖在今兩序進退各得其
宜其進也如耀世明燈燭破歷劫昏衢之暗其退也
如潛淵老蚌孕成不夜炤乘之珠毗嵐猛風吹之不
滅五濁穢泥汨之不昏大衆荷負既已得人山懷正
堪放下且放下底事作麼生柳栗橫擔不顧人直入
千峯萬峯去拽杖獨登松巖之頂上有老屋數楹爲
秋江禪師休老處愍愛居焉洪武七年愍至京固辭
日本之請帝喜之留館天界朝士宋公濂輩時稱有
道每洗沐日卽至天界擊節道要至不愜處愍莊色
曰我家褊子磨肩擦脚數十載尙不奈何公輩安得

草草圖作口頭人事耶宋公嘆服是冬辭還門人居
頂結翠山草堂迎愍是時大宗與住持徑山知愍退
休以偈柬曰萬疊山率一杖雲清流何處覓相分漫
拈紫籜冰風柄笑理長飛虎豹羣愚菴亦以三偈柬
曰惺惺石上主人翁一室高居太白峯靖退只今非
小節知心未許石門聰千里同風各暮年任教滄海
變桑田獨憐熊耳峯頭月昨夜蝦蟆食半邊徒誇錦
瑟與瑤琴妙指方能發妙音卻憶鰲山深雪夜弟兄
傾盡歲寒心宋公濂嘗遣書問亦致偈曰參禪第一
要知宗四海惟聞老恕中白日青天轟霹靂孽狐妖
魅盡潛踪愍亦喜宋公留心吾道以偈答曰語音渾
不涉離微抹過雲門顧鑑嶼伸出玉堂揮翰手倒拈
禿帚畫蛾眉洪武十九年七月說偈曰七十八年無
法可說末後一句露挂饒舌咄端坐而化日前遺囑
屏世禮以骨灰散水竹間用表無常門人不敢守命
乃於翠山唐畧之原建窣堵以龕瘞焉未久大宗與
禪師亦坐化於徑山有遺偈曰夫三十婦六齡畢竟
偶不成其木菴聰後住紫籜晚應天童

贊曰溫公出世而徑山法侶覲其必嗣元叟元叟輩最尊風最盛公終不就何也蓋得處非易故守之益堅正當與感鐵面之卻佛印元並案焉聰與二老互相砥礪而勝友淵源各行其道又當與巖頭雪峯等之嗟乎末法壟斷名位貨殖師友讀公行實能不形消而骨愧乎

松隱茂禪師

禪師松隱小茂者出明州鄭氏爲古林大茂之嗣開法郡之清涼晚則高枕此軒湖海莫得而親疎之共稱爲此軒鐵老人老人常捋鬚笑曰釋迦老子塞井爲白達磨大師以油益薪臨濟德山嚮自點胸曰還較此軒百步復呵呵大笑是時所歸仰者必指大茂小茂云小茂少時常終日不言夜則跌坐其母惡之推使仆輒達旦目不少瞑年十六依杭州傳法寺希顏落髮顏以寺務屬小茂小茂私嘆曰以道放棄家胡爲復入其家耶乃棄去孤游時雲居有南澗泉禪師茂汎鄱湖而謁之泉頗爲饒舌茂益不領乃從宗師有密語故曰祖祖相授既有授受則教外別傳之

旨復安在哉於是不離南澗左右哀求不已南澗憫之乃謂茂曰子緣不在此當今有茂古林者乃橫川之仲子現住饒州永福去此不遠子宜往之或可發子之機如不相契緊抱一經一呪以待來生參禪可也小茂奮走永福見古林古林問曰道者來何所圖對曰生死事大求出離耳曰你明知四大五蘊是生死根本何緣撞入此革囊中茂又擬對古林擊之茂輒證於棒下乃趨出急搭伽黎向雲居展拜曰禹力若不到河聲流向西久之辭還兩浙古林曰教育英材貴順時宜你以古而行今吾恐你與時違耳時違而欲唱道不亦難乎茂對曰以古而行今者儉也順今而非古者奢也儉之病也不過無人然是其人亦至矣奢之弊也則獅虫出焉獅虫既出必成厲階故傳云與其奢也寧儉其今日之謂與古林賢之小茂旣還浙游道峯分月江印之座印於法門輕重茂不阿其意每以事拂印印不懌印良久曰首座乃人天眼目所見甚當識者兩賢之至正壬午出世清涼勦絕枝蔓純以真實接人有僧纔申問便以手拍地而

笑茂曰。滯貨何勞拈出。僧乃噓茂。便喝僧。徹旨而去。茂每疾時。弊架聲名。羅禪者。又疾禪者。乏正因。上他勾當。互相熱瞞。上者以爲一期佛事。畢下者以爲多生事足。故燕坐常失聲曰。痛哉。痛哉。雖胡僧再來。無復奈何。遂退隱東堂。屏絕人事。天童元明。良建朝元閣。閣外更築此軒。而迎茂。茂喜。就之。良父事茂。公茂常勗。良住持。莫取先名。須責晚效。茂老且耆矣。忽與侍者約期而死。侍者請留偈。茂曰。此中廓然。何偈爲哉。遂端坐。憑几。握右手爲拳。枕額而逝。越七。日。色明。頂溫。引龕。闔維於太白峯前。炬方畢。空中有物飄洒。繽紛非雨。非雪。盤旋烈燄。上火滅。乃已。識者曰。天花也。獲舍利如珠者。不勝計。塔於瑞雲山。諡曰佛光普照禪師。

贊曰。丹沙出神龜。吸之鷄犬。鷄犬立化。麟鳳驗實效也。攷松隱生平語句。味之者。豈獨爲麟爲鳳而已哉。則其實效更當何如也。或驚公之作略。別有一壺風月。嗟乎。曹溪波浪相似。而人被陸沉。公之有補於當時。古今孰得而淺深之。

僧寶傳卷十二

南宋元明禪林僧寶傳卷十三

斗峯璋禪師

禪師名正璋。字大圭。閩之福清人也。福清風習。賈利璋弗染也。獨以聖賢理學爲務。久之。企慕禪宗。走湖南。依絕聽沙門。試經得度。有禪者。寄宿偶誦云。水鄉水濶地多濕。六月花蚊嘴似鐵。夜半起來惱不徹。惱不徹。牀頭一柄扇。無端又打折。璋驚喜曰。是誰之語也。正璋頗見其人。禪者熟視久之曰。其人往矣。當今東嶼禪師。是其嫡傳也。然不契其語者。難入其室。即契其語者。亦然。璋心疑曰。奇哉。語既相契。而室復不容入耶。卽趨武林。見東嶼。每於靈隱投心。請益。海曰。深深無底。高高絕攀。思之轉遠。尋之復難。上座作麼生。會璋慄執不敢犯。良久擬再禮。忽心地開通。乃厲聲曰。古今成現事。何必待思惟。海微哂曰。思惟既不涉。來此欲何爲。璋曰。將謂無人證明。便趨出海。公喟然曰。鼓角動也。乃趨鼓集衆曰。山僧三十年舉狗子無佛性話。尠有善別機宜者。今晚不用如何。若何速。

道將來若也相應有條斷質。索子親手分付。璋出對曰。狗子佛性無覩。著眼睛枯。瞥地翻身去。庵室利蘇盧。於是璋得承記。萌機鋒莫禦。即素知名者。皆左袒之。海公舉璋以應吳人之請。璋堅辭曰。正璋應世之才。固不如人。但平居簡點觸境逢緣。設有一念不與古聖相合。欲爲人師範。則其患害可勝言哉。正璋知爲人師之患。實不敢居也。海嘆美。問閩有豪客游飛來峯。見璋端偉非常。詢知同里。因請曰。能復我故土乎。願爲師治裝南行。師笑肯之。遂買舟載與同歸。至建寧游斗峯。璋愛而居之。斗峯老屋數楹。僅蔽風雨。客傾囊金。欲爲整葺。璋曰。不可。吾本假公舟以入山耳。建置之舉。非初約也。且役役土木。有妨道業。公欲如此求福。其福鮮矣。於是禱子聞風而聚。漸成法席。鄉曲貴人勸請開堂。乃陞座拈香罷。良久曰。黃金雖貴。入眼成塵。便下座。著宿驚喜以爲天目。再見蓋璋乃天目禮四世之孫也。又曰。玉宇霜清。瓊林葉落。一句全提。萬機寢削。作者好求無病藥。又曰。昨夜三更。雨打虛空。溼狸奴。知不知。倒上樹梢立。璋說法峻。

峭約多類。此然室中不以聲色拒人入室者。自失其度。故常嘆曰。若是真戰將。百萬壁中如入無人之境。稍有較強弱。顧矢石之心。則屈矣。四方疏請不出。竟終老於斗峯。告寂有偈曰。生本不生。滅亦無滅。幻化去來。何用分別。大衆珍重。不在言說。便合掌入滅。贊曰。爲師之患。甚於爲國。爲國之失。亂居一時。爲師之失。毒流萬世。盲類交引。可勝述哉。大圭寥寥數語。真龜鏡也。故其開闢斗峯。恰與護神鼎相類。至今寤寐間。猶喜遇其白髮婆娑。機語喚人也。

天界慧曇禪師

慧曇禪師字覺原。出天台楊氏。少信佛僧。及得度於紹興之法果寺。具足律儀。去就秘重。游泳止觀。華嚴義壇。特稱之。當爾時。元刺嘛爲帝者。師獨尙禪宗。諸山禪席大振。曇陰疑焉。乃展閱禪冊。難入理解。不覺心慚而起。曰。一言有礙。萬劫羈鎖。遂抵武林。謁笑隱。訴禪師發明旨要。訴公居中。從遊者皆一時名賢。互爭識曇之望。遂顯未發。開法牛首。大遷清涼。其臨衆寂靜。雖數千指。經營內外。而終歲不聞笑言之。

聲以故風傾都下而保寧蔣山二刹皆歸於曇曇常謂衆曰一句子黑漆黑無把柄有準則還會麼。確搗東南磨推西北又曰威音王以前彌勒佛以後有箇現成公案未敢與汝說破何故心不負人面無慚色。於是。有道之流益親朋初高帝改金陵龍翔寺爲天界。采有德禪宿主之。畫院因圖諸山禪師頂相。進於上上。獨喜曇相曰太平隆運沙門也。遂以曇居天界。上常易服攜近臣私幸天界見曇跏趺丈室儼然在定。上顧良久歎美而去。僧問曰駕至師何不迎。曇曰駕至乎曰然。曇屈指曰山僧持五戒。僧罔措其語。朝旨賜曇號曰演梵善逝利國崇教大禪師。上堂曰只箇現成公案衆中領解者極多錯會者不少。所以金鑰不辨玉石不分龍河者裡直要分辨去也。張上座李上座一箇手臂長一箇眼睛大總似今日達磨一宗教甚麼人擔荷。噓一聲下座。洪武三年高帝擇有志沙門通誠佛國曇應詔夏六月御錢都門從行者二十餘人道經高昌素業諸國諸國俱尊禮之以象馬傳送達僧伽羅國國王并羣臣迎曇公於佛山精

◆辨曇佛

舍師事之。膝行求法敬留休息。曇示微疾乃呼左右曰吾不復進矣。又與僧伽王言別復書遺表并示諸國法語至夜半問曰日出否。對曰未問至再三侍者曰日出矣。乃跌坐向西而寂。時洪武四年九月也。其國老臣以辟支弗塔懸記而白王王遂奉曇禪師柩葬焉。明年尙書回奏高帝覽遺表而嘉惜曰中原有僧萬國之光敕建浮屠於雨花臺之左瘞其所遺衣履表崇德也。繼而奉詔西行有宗泐禪師

季潭泐禪師

宗泐禪師姓周氏台之臨海人號季潭別稱全室爲笑隱訢公之望子。歷坐名坊而赴明高帝之詔兼領天界住持化周大宇機契宸衷。旨涉流沙度葱嶺徧游西天通誠佛域往返十有四萬餘程皓首還朝天子嘉其高行自唐貞觀以來未之有也。泐生族甚微父母俱早卒寄食貧里貧里不能養之甫八歲宿根不昧趨本郡天寧寺求佛爲師時笑隱訢公說法其間泐跪拜於訢公膝下公愛而異之試以心經脫口成誦公大喜曰昏途慧炬也得度數載藏文世典

咸貫通焉。訢公屢易名利。渤皆從侍。公嘗問曰。國師三喚侍者。侍者三應。且道是平實商量。是格外提持。渤遠對曰。何得剗肉作瘡。曰。將謂你奇特。渤便喝。公拈棒。渤拂袖趨去。訢公告寂。乃召懷渭曰。吾據者牀四十餘年。尙遺望也。然不盡之案。惟你與宗渤任之耳。渤既還。台寓雲峰。隱紫籜。領天寧。俱以誠懇淳厚之風化本生之郡。郡人傾信如葵日也。又僑隱雙徑。時渭禪師居越之寶相寺。遣使迎渤。渤笑卻之。使再至。僅得遺簡。踪跡杳然。元末武林名賢。強渤出居中。天竺雖當烽燧。四警之際。而施爲壯潤。交接從容。無少長貴賤。皆得而瞻禮之。不減訢公說法時也。蓋以中竺經燬。昔繇訢公而新故渤之光。闡前續湖江。稱美焉。明初詔主天界。高帝以慧曇西往之跡未終。欲修之。難其人。渤應旨於洪武丁巳。西行壬戌還朝。復居天界。常入大內。開襟論道。渤留京既久。朝臣黨立。間有嫉之者。渤遂退居鳳陽之槎槎峯。丙寅帝思渤見詔歸天界。於是來往禁廷。不容已。廷士建議以渤於內。聖外王之略。無不畢備。請以中順大夫祿而旌。

渤渤引去。至江浦石佛寺。示疾。乃喚侍者曰。者箇響侍者。茫然。渤厲聲曰。苦竟入滅。年七十有四。坐夏十六。龕歸天界。火浴得設。利光潤明燦者三十。願建塔於訢公之後。渤之宿願弘深。辨才無礙。際遇乎佛心。天子常於慈明殿設榻。召問心經樞要。渤窮理顯性。徹果該因。深淺開遮。無機不被。天子默以神會。乃勅箋語流行。爰有御製序文。冠於經首。其詞曰。二儀久判。萬物備周。子民者君育民者法其法也。三綱五常。以示天下。亦以五刑輔弼之。有等凶頑。不循教者。往往有趨火赴淵之爲。終不自省。是凶頑者。非特中國之有。盡天下莫不亦然。俄西域生佛號曰釋迦。其爲佛也。行深願重。始終不二。於是出世間。脫苦趣。其爲教也。仁慈忍辱。務明心以立命。執此道而爲之。意在人。皆如此。利濟羣生。今時之人。罔知佛之所以。每云法空虛而不實。何以導君子。引小人。以朕言之。則不然。佛之教實而不虛。正欲去愚迷之虛。立本性之實。特挺身苦行。外其教而異其名。脫苦有情。昔佛在時。侍從聽法者。皆聰明之士。演說者。三綱五常之性。

理也。既聞之後，人各獲福，自佛入滅，其法流入中國。間有聰明者，動演人天小果，猶能化凶頑爲善。何況聰明者知大乘而識宗旨者乎？如心經每言空，不言實。所言之空，乃相空耳。除空之外，所存者本性也。所謂空相，有六謂：口空、說相、眼空、色相、耳空、聽相、鼻空、嗅相、舌空、味相、身空、觸相。其六空之相，又非真相之空。乃妄想之相，謂之空相，是空相愚及世人禍及古今。往往愈墜彌深，不知其幾。斯空相前代帝王被所惑，而幾喪天下者，周之穆王、漢之武帝、唐之玄宗、蕭梁武帝、元魏主、蕭李後主、宋徽宗，此數帝廢國忘政，惟蕭梁武帝、宋之徽宗以及殺身皆緣妄想飛昇及入佛天之地。其佛天之地，未嘗渺茫。此等快樂，世常有之。爲人性貪而不覺，而又取其樂，人世有之者，何且佛天之地，如爲國君及王侯者，若不作非爲善能保守此境，非佛天者，何如不能保守而僞爲用妄想之心，卽入空虛之境。故有如是斯空，相當者被纏則淫欲並生，喪富矣。貧者被纏則諸惡並作，殞身矣。其將賢未賢之人，被纏則非仁人君子也。其僧道被纏

則不能立本性而見宗旨者也。所以本經題云：心經者，正欲去心之邪念，以歸正道。豈教之妄耶？朕特述此，使聰明者觀二儀之覆載，日月之循環，虛實之孰取，保命者何如？若取有道，保有方，豈不佛法之良哉？色空之妙乎？高帝自登極來，潛心性理，與諸禪宿盤桓，無虛歲月也。然於曇渤二公，尤追惜之。蓋嘉其壯志，西行大光聖化云。

贊曰：曇渤二禪師，望重龍河，道欽有國者，可謂一時能事矣。況其利物多方，言合轍法，法隨根，又以道餘名振他邦，亦空谷而分聲也。昔大覺氏記像法有從地湧出無數菩薩，順逆行道，護持法藏，人天莫測。今觀二師之踪跡，無乃是其數乎？

海門則禪師

禪師名惟則，字天真，祖姓費，湖州人也。慕禪宗而脫白焉。卽跋涉謀道，不計得失。歷見一十八員，知識俱不契。千巖禪師以則爲大器，乃謂之曰：當今佛法大有子知見，迥別不能了悟。無極源老人者，隱西江，匡廬將六十年矣。雖臘高百歲，未將此道易賺於人子。

宜見之。或緣在彼亦不孤負子行脚苦心也。則往謁之。見源栢坐木龕。常達旦不臥。霜眉如戟。威德逼人。惟三五白髮侍僧同居。則展拜足下。擬請益弗能申。詞而出。私問侍者曰。利尚座下有禪者來往否。侍者曰。來者多矣。柰老漢煞不近情。率以孤寂引去。縱有求住者。難受龕前曲折。則曰。我求依棲可乎。曰。住即得。只是不可問佛法。則聞說大驚。居三月餘。果不蒙一言啓發。一日。值源如廁。則遂問曰。如何是祖師西來意。源公擒住曰。道道則氣索不能對。源托開。則失脚倒地。大悟。天聲發笑。源曰。子有得耶。則便連搖其手。源曰。黃河三千年一度清。於是服勤久之。源公乃謂曰。當時雪巖先師言我福薄不宜出世。只可山邊水邊覓一箇半箇足矣。今住此山不意子來。然子緣十倍於我時矣。矣。宜東行則既受命。遂應嘉禾海門之請上堂曰。三三三九九海門潮音似雷吼。香浮菊圃獻金錢。靈感杞堤呈玉狗。你也有我也有。振轉南辰看北斗。忽湧身作修羅擎日月。勢便下座有僧問。如何是日面佛。則曰。今日雲生。如何是月面佛。曰。

夜來再看僧又問作麼是佛祖爲人處。則曰。狗舐熱油鑊。祇如和尚還有爲人處也。無曰。猛虎當路坐。問喫茶去。意旨如何。曰。舌頭不出口。進云。便是向上事否。曰。掩鼻偷香。洪武初。蒲車徵。則赴皇都。法會則因足疾疏辭。高帝手勅曰。無心桀驁。不忘霄漢。翱翔跛脚老僧。可任山雲自在。乃賜還山。示衆曰。菊綻東籬。香正浮海。天空潤月。華秋當陽。拈出吹毛利。勸絕縱橫。六不收。又誡其門人智安曰。安號鏡非不明也。盲者持之以蓋卮。琴非不高也。聾者用之以挂戶。有此境界。方得自在。否則總被高明二病侵入膏肓。妄爲人師。目招罪犯。改吾無極老人一生。不爲高明所買。所以人天莫柰渠何。癸酉二月。則有捐座意。弟子請遺語。則笑曰。平常說底不是耶。遂奄化。初胡秋碧欲寫則頂相。千幅流施人間。將半。適日本人至。見之皆羅拜曰。吾國祖師也。安在此乎。競以金買之。東歸贊曰。凡讀史至精神相貫處。惟恐其欲盡。蓋今古之同心也。余讀天真行狀。至參無極老人老人一段。威德猶在紙上。逼人恨不展日爲年。使老人緒餘廣滿。

人間饒益澆漓之俗可勝幸哉。然天真操履酷肖其師。豈非蟠桃有核乎。或謂丹山羽王不容僞矣。

雲居呆菴莊禪師

禪師普莊者。字敬中。台之仙居袁氏子也。家人見梵僧入舍而生。三歲解跏趺。喜學梵音。九歲而梵唄皆有律度。其族愛而呼之曰佛童。年十三。從季父子鄭依天童左菴良禪師爲沙彌。左菴亦愛之。仍呼曰佛童。久之。秉戒參禪。不悟。適了堂一禪師自紫籜山來天寧。莊童時素聞其名。私喜曰。此吾故山善知識也。趨謁之。而得道焉。歸省左菴。左菴卒。了堂來居天童。會恕中溫禪師應詔退休於翠山。了堂命莊爲翠山使。莊與溫語。溫大奇之。曰。天童法兄得人如此。不負紫籜先和尚矣。莊向以呆菴自稱。彙雜稿爲呆菴集。呈溫。溫讀之大喜。曰。吾姪當有大名於當世。惜吾老耳。然蘭以幽而香。松以曲而壽。惟吾姪勉之。乃引長偈爲贈。偈曰。燭龍吐火燒虛空。處處江河盡枯竭。方士神僧世已無。誰倒天瓢洗炎熱。柴門日高關未抽。豈爲一口生閒愁。南村北村青稻死。上田下田黃埃

流。竹外忽然聞剝啄。姪也何爲到林壑。油黃卷子手持來。玉潤珠輝見新作。載舒載讀心眼開。便如飲我甘露杯。老懷從此頓蘇豁。末運不畏宗綱顏。我有一句須聽取。無智人前莫輕舉。山前石虎齧菸菴。吒沙獵領九條尾。洪武十年有勅。天下僧倫演心經。楞伽金剛三經。莊與性原禪師提綱於金山。大會次年。至金陵館天界。位望最尊者。滿菴輩。莊與辨論機窮底蘊。學士周公維修時亦在坐。乃問三禪師曰。儒有儒師。禪有禪師。經有經師。一切百工伎藝俱有所師。何是無師。智莊答曰。七情五欲修駭曰。如是則無師之智非極則也。一本云安稱極則莊舒右脚曰。山僧自到京。跋卻一隻脚。滿菴笑曰。須是若呆漢始得。又明年領江西撫州之北禪寺。歷元以來。禪道多興。吳越而西江馬祖百丈之威儀。大都弛廢。莊至北禪。勃然中興。如多寶塔幢從空湧出。復憐雲居荒久。攜數十禪徒。結茅於舊址。疊柴爲牀。莊登座示衆曰。昨日開荒地。請諸人剷去荊棘。除去瓦礫。本來基址已見分明。只有中間樹子。無人拔得。山僧今日未免別行方便。利刀

剪去繁枝葉。鈍鋤深鋤邪。倒根實地工夫。成一片住山。鉏斧了無痕。於是雲居殿閣堂廡而幻出焉。衲子聞風如歸。時稱天下雲居洪武十四年。秋高帝製碑於廬山。有手詔命莊主其事。靈瑞多種。盪眩山川。草疏復命。帝甚悅之。莊暮年奉詔主持徑山。竺元之風復振東。南嘗問僧曰。近奉公文。務要打點僧。曰。學人不是好細。曰。也須勸過僧。曰。和尚莫得倚勢欺人。莊展手曰。把將公驗來。僧擬議。莊便掌之。又嘗厲聲曰。盡十方世界。是毗盧心印。且道印紐落在甚麼人手里。有僧擬進對莊曰。且去別時來。莊有敏哉。無宿事。所遇不忘。雖萬衆踴躍。一日了然。且好提獎人。有小善莊每譽之。竟日叢林。因稱曰。呆菴舌風。掩葉永樂改元。莊年五十八。命搥鼓告寂。適江右二道者至。莊挽其歸。方丈相敘甚。驩坐談夜半。莊精神倍勝。二道者相視嘆曰。此事甚難。不可得而擬議。莊曰。雖難。萬種千般。不擬議亦瞞頂青天。歷平地波瀾。無說是真。說它觀非正觀。沉淪枉經巨劫。契悟抵在毫端。莫教坐卻含元殿。逢人只管覓長安。一日此事甚易。但

自不能承當耳。莊又曰。易易多方。一致絕承。當忘此喻。耀古騰今。經天緯地。知有亦無。知利它還自利。明般若真乘。念念塵勞。雜事拔卻多年。若瓠根釋迦。不受然燈記。適晨鐘動。莊怡然化去。闍維烟燄所至。悉得舍利。更有素珠不壞。塔於凌霄峯之陽。贊曰。余觀歷祖代興法道者。其風骨必凜然特異。呆菴既出了堂之門。遂將折拄杖。撥動湖海英靈。向烏有之雲居。幻出莫大梵場。名歆天子。德被含靈。僧中之龍不謬矣。然及時說法。乃上池之水也。

楚山琦禪師

楚山禪師唐安人也。名紹琦。姓雷氏。八歲入鄉校。不假師授。而知誦次載。失父遂棄業。而學出世法於玄極通禪師。通愛之。與語輒終日。每至節要處。不敢犯其詞。乃跪請益通。嘆曰。子根性太利。難於入道。但有疑在。庶可療耳。琦愕然曰。木偶人可入道耶。適笑曰。入道須是木偶人。始得琦憤而趨出。益疑之。經晝夜。遂振衣起曰。吾師豈欺我哉。復入剖於通前。通獨以掌反覆示之。不領遂背去。徧參知識。但不得意。聞無

際悟和尚居普州之東林東林禪風腰包到者卽受曲折流輩竊非之琦故往扣焉曰上座何住對曰廓然無定曰有何所得對曰本來無失何得之有曰學將來底堪作甚麼對曰一法不有學自何來曰汝落空耶對曰我尚非我誰落誰空曰畢竟如何琦曰水淺石出雨霽雲收悟公笑曰縱汝橫吞藏教現百千神通其如老趙州無字公案怎生消繳琦又擬對悟公連叱退之琦大慚數日不敢仰視忽聞淨板鳴豁然蕩盡廉纖急披衣禮謝悟肯之遂以斷橋源流囑琦行化當是之時斷橋之脉微矣及悟公繼響而得法者僅七人惟琦出世最晚初領天柱遷皖山又投子後主成都之天成寺裔葉翻茂爲大振焉得其法者又十六人有祖玠侍者齒最少號珪菴事琦甚謹叢林憚其嚴厲敬其慧識以香林遠方之一日童子進茶琦啜罷顧童子曰人道汝慈耶玠曰它亦有乖處琦曰何以見得玠呼接盞童子近前琦曰道得卽還你無對琦乃顧玠玠曰只者無言語處不隔纖毫琦曰因甚道不得玠呼童子何不問訊童子問訊琦

度蓋童子接之珍重而去玠曰道他無語得麼琦曰只如者童子恁麼端的是無明使然耶法性如是耶曰迷則積劫無明了則本來佛性琦曰恁麼他是知有是不知有曰他若知有則不爲迷因不知有番爲隔碍琦曰子還有知也無曰祖玠不知有曰既不知有何以知宗玠曰聖人若知卽同凡夫凡夫若知則同聖人日子看老僧是知不否玠曰臨機大用舉必全眞說甚知有不知有曰只如老僧卽今一語一默剖析是非分別名相處與適來童子見識是同是別玠曰擇法智眼無作妙用體性雖同用處懸隔曰既云擇法安能無作乎玠曰智炤非識妙用非有用旣非用作亦非作雖分別實無分別之能也曰今對萬法境相差殊一一明了不具分別可乎玠曰教不云乎如我按指海印發光圓明了知不繇心念琦曰善哉可謂鵝王擇乳矣未幾玠膺疾琦下視之值心上座在側琦因問曰如何是心玠曰開口不容情曰未

在玠顧心曰何不作禮心便珍重玠曰呈似了也曰子旣如是還能覲體頌出乎玠對曰祖師心印若爲

傳有語分明不在善能向機前親領得海門撐出釣魚船。琦曰：珍調四大饒益將來。一日，玠疾革，作呻吟聲。琦問曰：子平日得力句，到此還用得著麼？對曰：用得著。曰：既用得著，叫苦作麼？曰：痛則叫，癢則笑。琦曰：叫與笑者，復是阿誰？曰：四大無我，叫者亦非真，寂體中實無受者。琦曰：主人公即今在甚麼處？曰：秋風不屬桂蕊飄香。琦曰：恁麼則徧界絕遮藏也。曰：有眼覷不見。琦曰：只如三寸氣消時，向甚麼處安身立命？對曰：雨過天晴，青山依舊。曰：從今別後，再得相見否？對曰：曠劫不違，今何有間？曰：子不病耶？對曰：病與不病，總不相干。琦執玠手曰：此是甚麼？玠曰：是祖。玠手曰：祖玠是誰？曰：玠固非我，亦不離我。琦乃嘆曰：善哉！妙契無生，徹證真常。子雖妙年死，亦何憾？玠遂合爪謝曰：與祖玠續將龕子來。琦命舁龕至，玠顧左右曰：吾當行矣。整衣龕坐化去。玠化後，天成之話大行，時蜀多義學，互以勝劣相比。量琦一以心宗揭之，而小大俱圓。有問祖師西來意，則答曰：海神撒出夜明珠。又問祖師西來意，曰：雪消山頂露，風過樹頭搖。又問如何？

是直指事。答曰：玉欄杆上石獅子，紅藕花間白鷺鷥。又問如何？是摩醯正眼。琦喝之。又問：不涉寒暑，是甚麼人？琦亦喝之。琦愛以無字問僧，有對曰：風吹秋月冷，雪壓老梅寒。又僧對曰：出匣吹毛劍，寒光射斗牛。又對曰：無孔鐵錘當面擲。琦皆喜之。後示疾，諸山訊候。進曰：和尚還有不了公案麼？琦展掌曰：會麼？擬對琦喝住曰：今年今日推車挂壁，撞倒虚空。青天霹靂，呵呵。泥牛吞卻老龍珠，澄澄性海漚花息。瞑目而寂。時成化九年三月望日也。

贊曰：楚山行化，當明運昌隆之際，純以心性禪應接羣機，以故門下一時龍蟠鳳翥焉。乃至祖玠輩，風塵春枝節，節是令見者聞者，莫不神往，但不再傳其緒。俱寢豈慈父欲子食藥而愈疾，遂稱沒於他方也耶？

南宋元明僧寶傳卷十三

南宋元明禪林僧寶傳卷十四

隨州龍泉聰禪師

禪師諱明聰字無聞邵武光澤奚氏子也宗傳臨濟師事天奇天奇之盛化也聯芳授受龍象數百員而師拔其萃然師不就疏請不藉檀脂卓立當陽開創禪社愛以劇務繼學者重振百丈之規或不堪其勞而去未期月復來歸之以故升其堂者皆挺特有志之士且函丈之室如旅泊中夜踟躕四壁凜然榻下咄咄之聲常驚達旦是以楊岐之令至師又行焉師初受業於講肆精研性相有聲同輩憚其鋒以英邵武嘲之師獨陰疑大通智勝佛十劫坐道場佛法不現前不能成佛道乃與義學浩浩盤桓有曰既是佛矣何須更成或曰爲度衆生故所以不成佛師默嘆曰審如是乎遂盡棄其所好堅扣禪宗不契忽聞馬嘶廓然自驚趨見天奇瑞禪師瑞唄目叱出一本瑞打便同行者曰君與和尚無緣耶師笑曰眞箇那是晚瑞公問曰今日我底僧在否有對曰是必在公卽

曳杖下旦過寮師迎作禮公便擊之師進曰適來草草觸忤和尚公按杖曰老僧今日被上座勘破師又進曰和尚是在世忘世在念忘念豈被人勘破一本云豈能勘破公曰在世忘世是如何對曰了物非物曰在念念是如何對曰於心無心曰心物俱忘時如何對曰華山高突太行義公休去未幾以化柄屬焉且誡師曰從上眞宗有子擔荷何憂哉但百獸雖潛踪於獅子聲中然千花卻發艷於象王影裡子其勉之師既受囑獨入光州山居六年六安山又六年復還光州舊隱又五年始出隨州關子嶺建立龍泉寺以安來學而學者集焉常謂衆曰吾師天奇老人每懼後學外著文義內生情見故有語云文義者法也情見者人也非人何以有其見非法何以有其文是以文義情見通屬人法人之不空情見難絕法之不空文義難滅文若不盡見奚能盡義若不盡情何能絕如是奔競展轉無窮發之乎文生於見義生於情返之乎見生於文情生於義先乃所引生能後乃能追生所總名曰生文滅則見滅義絕則情亡情不自忘因乎義

忘而情忘。見不自泯。因乎文泯。而見泯。統名曰死死。生生實可哀哉。此吾老人防微杜漸。切實至極。汝輩有志於吾宗寧。可忽諸。然食飯不咬米。行地不踏土。又作麼生。委悉是時也。師之同門諸尊宿。或隱或現。往來衲子。獨推尊龍泉。爲人勦絕枝蔓。不涉離微。惟月心寶得入龍泉之室。師嘗召寶曰。玄沙不肯露。雲意作麼生。對曰。賊入空房。曰不得草。草寶喝。師諾。寶乃辭去。歷載還。侍師。又召曰。人人有箇本來。父母子之父母。今在何處。對曰。佛眼覷不見。曰。子還見否。對曰。某亦不見。師曰。子何不見。曰。若見則非眞父母。師曰。如何是眞父母。對曰。本來眞父母。歷劫不曾離。起坐承他力。寒溫亦共知。相逢不相見。相見不相識。爲問今何在。分明舉似師。師深肯之。僧問。本來面目。師答曰。石香亭。曰。便恁麼去。時如何。師曰。喪卻了也。寶曰。放去較危。收來太速。又僧問。今朝天下皆慶佛誕。未審佛於何處降生。師畫圓相示之。僧無語。寶代僧作禮。云。盡界普瞻。師以大法有所倚重。遂隱去。經二載。還龍泉。龍泉牀曆益。慎班白者半滿。其間有

二三妙齡。披田服者。皆恪守律度。參請如救眉然。但師有辭世意矣。一日。師陞座說法。已而擲下拄杖。儼然化去。塔於龍泉寺右。

笑巖寶禪師

笑巖禪師名德寶。字月心。生於正德壬申臘之望日。其父吳氏。乃金臺世襲錦衣也。師以父卒。銳自立。不樂嗣職。愛遊佛地。因聽華嚴。恍如破夢。乃卸世籍。爲大比丘。歷參南北。知識三十餘人。然訪隱者於西山。質單丁於破院。又莫計也。卒得道於龍泉。聰禪師出世。高座牛首。圓通諸處。當是時。義學紛紜。禪宗落寞。而少室一枝。流入許唱。斷橋一派。幾及平沉。雖南方刹竿相望。率皆半生半滅。佛祖慧命。殆且素矣。師力弘法柄。隨方建立。可行則行。否則默之。然劇邪劈膠。間不容髮。卽張室匡徒之輩。雖龍吐鳳之儔。始與師抗。次與師游。終乃俛首入煨。死盡偷心。至於盤根固執。三隅不反者。師不少假詞色。圖爲孽生種草也。有廬阜五禪客。請曰。竊聞和尚闡化多年。而得人未見。其廣況今禪社。蕭然異知殊見。茅塞宇內矣。師掌珠

不展其晚近何緣得入伏冀曲以垂慈入草求人以為何如昔船子不得夾山而藥山宗風不幾掃土乎師曰諸公之言不無可采但無上佛祖心印力荷者畢世一人足矣下迄曹溪時英競發不得已而印可亦不繇不如是而然也山僧祇是任分未敢越理穿鑿待彼自化雖無人未為多罪也故師法幢所樹不定何所有龍象八人常隨師遊時號八杰師嘗於楚漢兩間寓夏新秋二日衲子隨侍於金沙灘頭地坐四顧無人忽有龐眉沙門逼前莊立朗聲問曰仁者可識從上相承密論密義否師從容答曰善來仁者密則非論論則非義沙門乃以錫橫肩翹一足曰是甚麼義師於地書更字酬之又以錫畫地潤兩脛立畫上復以錫橫按亞身而視曰者是甚麼義師書嘉字酬之又卓錫於地兩手叉腰翹一足切齒怒目作降魔勢曰是甚麼義師書之字酬之又分手指天地周行一匝曰是甚麼義師書允字酬之又復進前一步作女人拜分手指兩衲子曰是甚麼義師書蚕字酬之又遶師三匝作禮立於師右師書爨字示之曰

會麼沙門擬對師止曰設到此地復書爨字曰更須知有者箇始得沙門歡喜合爪面師嘆曰嘆真摩訶衍薩婆若上士振錫而去二衲子驚喜曰彼是何沙門所為復是何義師良久曰還識麼俱對曰不識師曰此乃應真聖賢所呈金剛王變相三昧及三昧王三昧用來勸吾然彼亦將有新證耳又過潼關禮熊耳祖塔寺僧叱曰愁拜空塔奚為師指曰空塔乎曰然師曰祖師嚮曰攜履西逝久矣師曰蒼天蒼天師嘗倒握拂柄以示僧曰會麼曰某已識和尚做處也師曰你道荊州黃四娘禮佛求箇甚麼又僧問打破鏡未審作麼生相見師曰慚愧殺人僧頓領旨即登芝上座於是江湖聞而慕之者雖切然構之者益稀矣萬曆丁丑燕京緇素建精舍挽師歸隱師既謝游轍門無雜賓乃整齊先覺經綸提掇古德綱目或徵或贊或判或頌高巖曉霜千江秋月也又五年懸衣大寂閱世七十一坐夏四十八塔於京城西直門外高浪橋之北郊署師正宗南行者幻有傳禪師也代師闡化北之東臺者瑞峰和尚也其臥隱於優曇苑者幻

也老宿也。識者謂濟宗鼎峙。則師不負於龍泉矣。師前後所參尊宿。約出天奇之門。獨於襄西得謁大覺圓圓。爲海舟慈公之四葉。其臘高貌碩。詞如截鐵。因歷舉古公案。以詰師。師對無滯。響問曰。若以諸方子當絕類。爲不可測。人老僧却不然。再將爛熟底。一則機緣問。你外道問佛。不問有言。不問無言。世尊良久。外道大悟。且既不涉。有無良久。亦是閒名。正恁麼時。外道悟去。悟箇甚麼。師擬對。圓急掩師口曰。止。止。師頓契其機。卽以偈獻圓。圓大喜曰。奇哉。斯乃從上果地人語也。師住後。常道圓公之爲人。

龍池幻石傳禪師

禪師名正。傳字幻有。應天溧陽呂氏子也。根器宏遠。慧語驚人。年二十二。蒞谿沙門樂菴度之。卽示師心。法師輒感奮。聞燈花爆。有省樂菴歿。師計閱晚近禪門。方死繩墨。乃北抵神京。謁笑巖寶禪師。傾心具述。所以寶陰異之。忽趨出。隻履變色。厲聲曰。向者裡速道一句。師愕然。無對。寶公使起。師俛首而退。中夜傍徨。公晨出。見師猶立。簷下頤如稿木。驚喚師。師回顧。

公公翹足作修羅障。日月勞師豁然深達。堂與矣。久之辭去。公以一笠與師曰。覆之勿露圭角。師徑往五臺。栖息秘魔殿。一十三載。會太常唐公鶴徵。問道臺山。見師如夙契。且約師還南。師以樂菴未塔。聽之。至荊谿。徵以龍池延師。龍池故一源。禪師道場也。嘉隆以來。先德物故。東南法社。例如灰冷。師至。愴然念百丈大智之風。有徒數輩。一如萬指。臨之。於是志士咸集。隄拂下多顛脫而去。僅六載。謝事復遊燕都。居普照寺。時縉紳輩留神空。宗日夕從師。質證。師嘗舉扇示諸大夫曰。當時孔子還知有者箇麼。皆曰。不知。師置扇曰。以我爲隱乎。吾無隱乎。爾衆躍然稱謝。其揭示多類。此以故笑巖道化。復振於燕趙。雖南北異勢。而衝寒冒暑之士。不絕足下。圍繞皆大器也。師據坐。顧衆曰。是大盡。是小盡。有對曰。大盡有曰。小盡小師從傍進曰。敢保不在曆本上。論量師。哂而休去。其徵勘又多類。此法師月川者。與師同參。寶公川左祖清涼。以非肇公物。不遷論當世。莫能抗其說。師乃反覆剖析。累萬言。川卒煖板以謝。其整頓綱宗。又能類此。

京中有爲妖書詆上者。詔捕弗獲。當事人藉口桑門。時紫柏可公逮繫矣。一時名德引去。馳師師笑曰。學道期了。生死生了。顧反畏禍耶。高臥如故事。寢乃赴唐公。再住龍池之命。其處境安詳又多類此。師前後京都二十餘年。當是時。兩宮奉我田服之徒。方藉以有爲。師獨無所事。生平如饑如渴。一以宗旨爲己任。故終師之世。陞堂入室無虛日。每以門前冷落。車馬稀。老大嫁作商人婦。話問士大夫。般若無知。靡所不知。問學者。渺有契其機者。師曰。今時人多有說得盡是者。恰像箇膺子手何也。任他佛頭來。魔頭來。獅子頭來。象頭來。牛頭馬頭人頭狗頭羊頭鵝鴨頭。到汝案上。一一儘汝破除。打發一邊去。只恐把箇死貓頭來。便茫然罔措。於此打發得開去。纔是好膺子手。有僧進曰。請將死貓頭來。師笑曰。果然不識師處。躬應物嚴慈等之故。開遮如如爲不可測。卒以大機得人。而大振滹沱之宗。示寂之年六十有六矣。先一日。

有僧自臺山來。師欣然與劇談。山中宿昔抵暮。索浴浴出而示微疾。衆驚疑環擁之。師舉所著帽者三衆。

弗敢對。師乃拍膝宴然矣。蓋明神宗萬曆甲寅年二月十二日子夜也。塔建本山之左。

贊曰。語云。重雷發。響百里。飛聲無事之者。愕然而驚。空聞其響。不見其形。吾滹沱一宗。自元明叔季。蓋冰霜之際矣。笑囁父子公孫。震匝地。地雷於嚴冷之首。下開萬彙之蒙。上正千秋之統。猗歟休哉。至有覓形鏡裡。尋聲谷中。亦獨何哉。

幻也慧禪師

禪師名佛慧。字幻也。會稽人。其先史氏。慧初生。出家行脚。俱有奇徵。乃與幻有禪師同出。笑囁寶公之門。泊住嘉禾之優曇苑。自號懶石。叟著懶石語。累萬千言。格盡物情。時共珍之。又疾當世學者。走磴便輟煖。一澄之以枯淡。數十年。門無宿賓。惟一能明侍者。終身料理巾瓶而已。及其法鼓乍鳴。有道縑素爭集。如雲。慧曰。四大之軀。孰不有五味之食。孰能無白玉體。箇箇分明。紫金身。人人可得。爭柰食之不常。而食衣之不常。而衣。八萬種魔。寧教易曉。四百四病。以何遣除。諸仁者。不是祝髮了。叫做出家。披金襴。叫做出家。

識文達理。叫作出家。能行苦行。叫作出家。避喧求靜。叫做出家。有人緣。叫作出家。感天供。叫作出家。緊要在著。早鞋入釋迦。腹裡屙屎。放尿跨大步。穿達磨心中。戴角披毛。枯草拈來。直得百花相鬪。鼓動含靈。喚起維摩。寂默十方。如來密付。汝印一切天。魔自然傾膽。嘆鳥啼春。晝閒彌勒花。發東風。見故人。又曰。一番相見。一番新。好看盃盃孟。添柄幾處行來。幾處險。密奇艇內。藏輪海。不顧山頭月。白一任浮沉。空無柰雨。脚風。滿大家和。會參方禪子。講席高流。居士宰官。天仙魔梵。有情無情。生一乾坤。死一乾坤。聖一法界。凡一法界。何曾謾得諸人。若也謾得。便討說箇是非。好惡賢善。才能尊卑異類。灼然些子。謾不得。欠不得。你道是甚麼境界。會麼。滿日塵埃。千聖眼。半身落魄。五宗心。晚移燕京多寶菴。重修笑巖之令。足不越閭者。復十餘載。緇素飡風。而過從者。多不堪其嘯睡而去。朝廷知而敬之。老且耄矣。忽思南歸。復止優曇。俄示疾。簡曆謂小師曰。後二日。可小師涕泣固留。慧笑諾爲遲。三日。懇再留。不許。遠近從遊者。聞之。趨置龕室。適工

報竣而跏趺示寂。閱世九十一。坐七十有八。夏贊曰。明之中葉。象教崇隆之際。公則閔然一室。嗒然一我。維德重大。內弗居也。以故追隨於公者。皆一時賢君子。受公面折。欣如獲寶。於其嚮聲都市。駕譽權門之流。得非天壤與。公語音如鐘。足有輪紋。皤皤黃髮。齒落更生。共疑爲果地人。再世豈苟然哉。

法舟濟禪師

禪師名道濟。字法舟。嘉興人也。受業於東禪。昂以向上宗。乘走叩吉菴禪師。遂得道焉。是濟爲無際悟之五世也。初悟以斷橋正脉。付廣善潭。潭付默菴宣。宣付吉菴。祥由潭至。祥垂百年來。其派聲幾不振矣。濟承之出世。金陵安隱。而俎豆先人於名賢之間。恢述其志。刻如履水。每以隔宿挂上堂牌。禪子陰笑之。嘗舉拂子召衆曰。見麼。又擊曰。聞麼。既是舉起。便見擊著。便聞。妙真如藏。應用全彰。是汝諸人。自不丈夫。故乃傍人門戶。求知求見。輒晦家珍。甘爲寒乞。將謂諸聖別有奇特事。廣額屠兒。賜下屠刀。便云。我是千佛一數。豈有曲折。作知見耶。丈夫子。何不恁麼擔荷。

去於是學流愛慕而親之。吏部陸公光祖邀濟還里。以天寧居之。祖既篤於真。乘常游天寧。恨見濟之晚。因問曰。畫前元有易否。濟曰。若無庖犧氏將甚麼畫。曰。畫後如何。濟曰。元無一畫。曰。現有六十四卦。何得言無濟。曰。莫著文字。曰。請師離文字。發一爻看。濟召公公應諾。濟曰。者一爻從何處起。公大笑而謝。自稱五臺居士。遂多出入叢林。而擊節焉。又別駕熊公南沙問曰。設有將劍來取師頭。師還避否。濟曰。若有殺人不貶眼地將軍。便不怕死。和尚沙作揮劍勢。濟放身便倒。沙曰。好箇師僧。死在劍下。濟起呵呵大笑。曰。作麼作麼。濟任緣揮塵。津津焉。提唱綱宗而已。稍不如意。飄然去之。或舟或輿。或破寺村巷。前後凡遷居二十餘所。但其爲人真率閒雅。胸無隱事。耳目交接使人忘其名勢。以故賢彥追崇之。其於院務凡百濶略。知友常以書勉濟。笑曰。牙籌算計。俗尙爲譏。況道人乎。古製不立烟囊草衣樹宿。聞道益廣行道益多。今人動以規法相繩。禮樂鏗鏘。舉一狗子無佛性話。求其不惑者。渺矣。尤云我能據守祖庭。利其

徒屬。能作能爲。破律喪行。恣彼陷溺。是何益也。濟晚年閒著異跡。機不厭繁。有道人拈拄杖問曰。者是誰底。濟曰。是山僧底。曰。既是師底。因甚在我手裡。濟呼曰。度拄杖來。道人度杖與濟。濟曰。汝底在甚麼處。道人整冠。濟曰。似則也。似是則未是。道人大笑。又指吉祥草問傍僧曰。是甚麼。曰。吉祥草。曰。更有吉祥者否。僧以足按地道。人曰。獅子窟中果無異獸。濟攬僧出院。又僧問得何三昧。便乃隨波逐浪。濟曰。兩岸春風香不斷。一谿流水落花新。曰。怎奈學人不曾。濟曰。蜻蜓飛尙緩。蛺蝶舞偏忙。曰。和尚莫將境界示人。濟喝。僧便作禮。濟曰。啼得血流無用處。不如緘口過殘春。濟二十二出家。歿年七十有四矣。衆知濟有厭世意。勸留偈。濟以手搖曳曰。何多事也。乃趨寂。時嘉靖庚戌之秋也。得法者二人。一居胥山曰雲谷。會一居精嚴寺曰冬溪。澤俱以嚴標行話於世。贊曰。濟公近繼無際。遠續斷橋。歷觀其始末。機智毫忽不爽。然後居無定相。惟激勵學者爲要務。諸莊早損略。不干懷。可謂救時之明哲者也。尙有以不事

事短之所謂盲人問豹與語奇斑哉

敬畏空禪師

無相禪師諱如空其先施姓嘉興秀水人也早歲留神內典浮沉於理路文言過僧舍覽傳燈錄心目茫然乃執卷求老僧解老僧曰此歷祖真參實悟之要妙也非意識可能至耳空奮發棄家裹幘巾同濟法舟徧訪諸方著宿抵杭城見封自然值封簷坐補破衲空進問曰和尚補者箇遮寒卽是遮熱卽是封停針熟視空曰道甚麼空卽禮拜封曰點茶來空作舞而出如是經行八載克志勞躬此中尙未廓寥既歸秀水不復居家東尋西討如游峰逐世人多笑之適楚翁曉禪師來東塔空大喜卽走請益曉以本色示空空罔措其指復經三年聞鷄鳴始獲慶快乃機投曉公曉以斷橋真脉許空焉蓋曉迦嗣寶芳進進嗣月谿澄澄乃福林度之三世也故曉爲斷橋七世之苗裔曉又囑空曰昔六祖能大師自傳衣法潛隱獵隊一十六載方大露布汝宜慎之空卽就秀水掩關乃說法曰三十餘年參禮請益十方宗匠問法皆云

無說問佛皆云無相幸得無相無說不覺頓空伎倆追昔脚跟失却便宜今喜眉毛生在眼上從斯丟去草鞋卽便拗折拄杖拍雙空手入玄關坐看陰陽消長復有一偈窮子還歸長者宅善財參徧雜花林大千收拾毫端內推出虛空掩上門於是嘉禾有道之士爭遊空之門會正信長者經營敬畏菴請空弘持祖道空乃啓關曰自結玄關自活埋自吾閉也自吾開一拳打破虛空竅放出從前者漢來始會名宿就菴披剃受滿分戒主持菴事名傾縉素選部陸光祖常訪道要於空空驚頭生按祖嘆曰澄之不清清之不濁趣公之謂與一日小參衆方集空喝曰禍出私門便下座乃謂性冲曰有件不了公案來歲中秋汝爲我來冲應期而至空大悅說偈俄化偈曰生來死去空花死去生來一夢皮囊付與丙丁公白骨斷橋隨衆呵呵明月清風吟弄時萬曆庚辰也贊曰無趣脫略墨繩真斷橋之後也然竟以一木而支大厦其得不危者幸也歟幸也歟

壽昌經禪師

禪師名慧經字無明撫州仁和裴氏子也九歲誦孔孟章句卽究其義每問浩然之氣是箇甚麼或有笑者或有訝者公皆一舉手而去之遂潛心內典如獲故物年二十一父事廬山忠老宿求忠斬髮忠曰著急作麼待汝瞥地我爲汝師公乃刻志苦行三載因見雙林頌有省輒遯跡峩峩峯又三載讀傳燈至僧問興善如何是道善曰大好山又深疑之因力撼巨石得達其旨乃曰欲參無上菩提道急急疏通大好山知道始知山不好翻身跳出祖師關趨呈於忠忠笑曰吾不汝欺爲公圓頂時年二十有七復還舊隱不下山者二十四載遠近賢之萬曆甲午出住寶方有道者過訪曰師住此山曾見何人公曰總未行脚曰寧以一隅而小天下乎公敬諾卽杖笠觀方諸尊宿皆珍譽之登玉臺參瑞峯和尚峰出笑囑禪師之門公請曰某甲於古德機緣不盡餘疑日雖徧歷門牆如窺羅縠之月乞慈垂憫下剖愚蒙語畢慙慙作禮峯嘆曰善哉上座以英偉之姿銳於入道而胸中尙有芥蒂耶如不棄山樊試舉將來公曰臨濟道佛法

無多子畢竟是箇甚麼日向道佛法無多子又是箇甚麼公曰玄沙謂靈雲未徹那裡是它未徹處曰大是玄沙未徹公曰趙州勘破婆子未審甚處遭他勘破曰卻是婆子勘破趙州公釋然再拜謝之復獻頌曰暗藏春色明露秋光有眼莫見縱智難量到家不上長安道一任風花雪月揚峰深肯公語叶洞上宗旨而公亦以紹續洞宗自任南還初住董巖遷壽昌中興曹洞其時像教相尙公獨不攀外護嘗誠知事曰萬般存此道一味信前緣每同衆耕耘耆年不忘學侶參尋每將鐮柄爲禪杖尊賓顧訪且就蓑衣準布袍故有壽昌古佛之稱益王嚮公齋香修敬公漠然不管知事懼叢林所係請稍循時宜公曰吾佛制不臣天子不友諸侯爲佛兒孫而違佛制是叛佛也吾豈作叛佛之人哉王聞而嘆曰去聖時遙幸遺此老公三坐道場殿宇禪坊煥然鼎新別建蘭若二十餘所從未隻字干及檀樾檀樾信自歸有引修懺佛事於山中公重誦之曰汝邀一時之利開晚近流弊之端使禪坊流爲應院豈非巨罪之魁也以故公之名

南宋元明禪林僧寶傳卷十五

博山來禪師

無異禪師者名元來廬州舒城人也姓沙氏胎乳絕
葷耳目不涉塵垢年十六遊石頭城聽法華自信佛
法不從人得乃禮五臺靜菴沙門著垢衣五年精核
教觀振錫南還上峩峩峩峩無明經公自負人無我及
輒辭行經公歛目危坐而已師不測竟去入閩寓白
雲峯閱古尊宿語忽有所得再謁經公陳其見處公
曰蟻子解尋腥處走蒼蠅偏向臭邊飛是君邊事臣
邊事對曰臣邊事曰大有人笑你在師愕然曰到者
裡因甚不是公曰此不是彼皆然師乃傾心哀請公
惟歛目師益不測一日聞泥神倒地聲不覺踴躍呈
偈於公公仍歛目命以宗乘堂別居之居年餘每呈
偈頌公歛目如前師因感泣以爲依公決擇不蒙指
示歲序推遷何了日耶偶登廁觀上樹人乃明大旨
嘆曰今日方知師不我欺也萬曆壬寅師年二十有
八出住博山而持重端嚴篤行古德之風入其門者

心容俱肅尋應閩之董巖鼓山大仰復還博山參徒
大集是時經公已遷壽昌父子道價喧騰宇內僧問
如何是功師曰一人同一春如何共功師曰力士昇
杖鼓如何是功功師曰糊孫上露柱曰不得敲唱雙
舉請示正中妙叶師曰高底雲繞樹遠近鳥啣花如
何是君師曰水有筋山有骨如何是臣師曰鵲鴝鳥
鳴似哭如何是君視臣師曰千年老樹挂枯藤如何
是臣視君師曰樓頭畫鼓正三更如何是君臣道合
師曰金闕鳳啣丹詔去邊陲人唱凱歌歸僧作禮師
曰君位中事作麼生對曰虎突兀師復打時慧臺鏡
禪師早得旨於經公脩脩瓢笠剝啄諸方諸方以矮
師叔類之過訪於師適師陞座鏡出震威一喝曰百
丈聞喝三日耳聾且道是那三日師曰秋風多帶殺
秋露愈加寒鏡拂袖歸衆師便下座鏡後隱於武夷
石屏巖相隨者樵汲數輩禪禪尋風求之鏡悉指歸
博山崇禎二年魏國公徐弘基請師說法南京天界
使符三至師始一出象龍沸集大廓曹洞宗風上堂
曰達磨大師航海而來直指人心見性成佛雖則門

庭萬仞壁立千層。祇演一心之法。更無餘事。乃至六代傳衣。五宗競出。運無礙輪。化無緣衆。祇演一心之法。更無餘事。馮山大師。敲唱同行。暗機圓合。傾瓶以辨。超方撼茶。而彰妙用。祇演一心之法。更無餘事。雲門大師。箭鋒相拄。函蓋乾坤。揚眉落臼。顧盼猶遲。如流雲翔鶴。湛水晴空。祇演一心之法。更無餘事。法眼大師。拈現前石。塞虛空。口一切處。現成六根互用。六用齊施。祇演一心之法。更無餘事。臨濟大師。一語中具三玄。一玄中具三要。駢耕夫牛。奪饑人食。電光石火。開眼猶迷。祇演一心之法。更無餘事。洞山大師。混不得。類不齊。立寶鏡三昧。炤學人肺肝。分五湖玉石。雪盛銀盤。月炤金沙。祇演一心之法。更無餘事。乃至博山今日。遠承諸祖。慈應循規蹈矩。借路還家。駕輕就熟。祇演一心之法。更無餘事。諸昆仲。含靈具此一心之法。學人學此一心之法。三世諸佛。歷代祖師。示此一心之法。故楞伽云。佛語心爲宗。諸昆仲。那箇臺無月。誰家樹不春。卓柱杖下。座師毅辭還山。傾都遮留。籃輿不得前。乃宵邁。緇素追攀。望江而立。徐公歲序存。

問不問也。師既大弘洞宗。常隨侍者萬餘。指如臨一人。僧問如何。是不聲色。墮師曰。斷橋分墊水。如何。是類墮。師曰。孤棹舉平原。如何。是尊貴。墮師曰。裂破幾層清世界。倒騎玉象。趨麒麟。銀盤盛雪。明月藏鷺意。旨如何。師曰。露骨瘦上環紫霧。塞流小澗。長青苔。師開化幾三十載。未易肯諾。或請入草求人。廣紹先澤。師太息曰。吾宗貴得真脉。妙叶玄機。苟不然。仍瓦解耳。吾何忍哉。語畢。泣下。自後遂不上堂。示疾於崇禎庚午之秋。閨首座問曰。和尚尊體如何。曰。儘有些子受用。閨曰。還有不病者麼。曰。熱大作麼。閨曰。去來自繇。請道一句。師書歷歷分明四字。跏趺而寂。塔於博山。坐三十九夏。其年僅五十六也。

贊曰。投子世大陽之代。須憑秀圓通協而成之。其道始著。真歇稟丹霞之嗣。還借炤長蘆荐而褒之。此話方行。博山父子。遠紹少室之宗。不叨餘力。大衍新豐之調。本自天然。其說法則橫空鳳舞。激揚則擲地金聲。至其慎重真脉。常自下涕。語云。猛虎生兒。勢不能食牛者。輒廢之。其博山之山之謂與。

湛然澄禪師

禪師湛然者諱圓澄別號散木出會稽夏氏母夢梵僧入室而娠娠十四月而生師生大目昂鼻哆唇露齒直腸信口不肯從事於學親歿窆甚无郵卒以傳符踰期亡去徑投隱峰峯示念佛誰是令師究竟三晝夜輒有省時年二十矣入天荒山禮妙峯斬髮擇最苦行行之間聞傳大士法身偈一切經義便能記持尋乞滿分戒於雲棲宏公徵以毗尼節要師悉達其指返越掩關寶林蘭若因憶乾峯舉一不得舉二話乃大通玄旨有頌曰舉一舉二別端倪箇裡元無是與非雪曲調高人會少獨許韶陽和得齊二老何曾動舌諸方浪自攢眉擬議鷗過新羅刻舟求劍元迷再謁雲棲呈見於宏公會入室宏舉海底泥牛唧月赴語未竟師推出一僧曰大眾證明宏深器之於是激揚法席傾一衆焉萬曆辛卯適大覺念公南遊師趨謁之念曰止風塗向青山近越王城傍滄海遙時如何日月穿潭底破波斯不展眉念又問洞上宗旨師曰五位君臣切要知箇中何必待思惟石女貫

弄無針線木偶能提化外機井底紅塵騰藹藹山頭白浪滾飛飛誕生本是無功用不覺天然得帝畿念欣然書偈印之未幾出住雲門次遷徑山歷禾之東塔乃至顯聖天華前后垂二十載法席爲之大震其上堂曰老儂不識元字脚強出人前要說法錯認曾參作魯參合堂大眾皆笑殺這一笑中有妙若還悟得其中意點破當天者一竅大眾如何是這一竅良久云動容揚古路不墮悄然機小參云烟雨盜將山色去溪風送得水聲來本來法法皆如此莫教心識強安排衆中若作境會許你具一隻眼若作佛法會打碎你頭何故我王庫內無如是刀又提綱云喚二作一指七爲八手秉太阿聖凡盡殺卻憶東村王大姐倒戴西村李公襪無論貧富貴賤見者聞者皆笑殺且道山僧今日解何宗噫嘻噓阿喇喇師之提唱率多如此僧問如何是圓相師曰大燒餅如何是暗機師曰凌霄峯如何是義海師曰半山亭如何是意證師曰啞子呪人如何是默論師曰溫伯見孔子如何是回互師曰孝子諱爺名諸方珍之爲師法續

洞室機類雲門臨濟其伯仲也。又師初在京曾達觀禪師於嘉熙寺。月川座主太史陶石簣黃慎軒同。旣月次慎軒臥問馬祖。旣月因緣師曰汝臥我坐不得爲公說耳。軒亟起謝。月川笑曰內翰錯過了也。觀云我下語不及此公一籌。又過武林聞谷慧聞等屬望一方會諸紳遣使崑迎。及啓慧聞札曰今日大家欲與和尚作家相見。若來已。墮情識不來。猶缺慈悲。師扯破札正色曰。者些客作。漢敢於老僧納敗缺也。至卽陞堂正立。慧聞進曰和尚莫要班門弄斧。師把住曰。速道速道。慧面赤無語。師把開曰。死漢聞谷遂率衆作禮。蘇巡漕問曰。鴛鴦繡出從君看。不把金針度與人。如何是金針。師曰。我在京都走一遭。不曾遇著一箇人。蘇擬議師曰。古佛過去久矣。無念有禪。師居黃檗。獨持風節。呵罵諸方。特訪之師曰。古人道如紅爐上飛片雪。相似。且道古人還具透關眼也。未有曰。我不見有甚麼古人。師急指曰。背後。齊念休去。師之勘辨。約此類。又嘗嘆末流謬惑。大乘遂著說若干篇。曰。宗門或問。慨古錄楞嚴。臆說涅槃會疏。法華意語。

金剛三昧經註思益梵天經解。諦理邁倫。一時所宗焉。天啓丙寅季冬。書顯聖遺囑。卽至天華。辭衆復夜話。至丑乃右脇長往。閱世六十六。坐三十八臘。得法者九人。編隨機錄八卷。流通於世。

贊曰。余初過會稽。師謝世未久。觀其遺風。謬謬然尙在山中。耆德序師之妙。韵爲法。苦心求人之概。私心竊向往之。續讀師集。至題無趣錄云。夫祖道不可絕。繼風穴於法堂。痛哭克家之子難逢。仰山自記再來。莫不以諸佛慧命爲懷。以度生爲急務者也。嗟。手師之心至矣。盡矣。以度生爲務矣。然非夙承願力者。欲竊符以存國。余亦深知其不可也。

天童密雲悟禪師

禪師諱圓悟字覺初。自號密雲。宜興人也。明嘉靖丙寅生於蔣氏。師生八歲。知世相。無常。年二十六發宿慧。二十七負薪有省。三十棄家。又四歲爲僧。四十桐棺悟道。又六歲得受記。薊五十二開化龍池。於是六建法幢。示寂之年七十有七。然生不爲家。四海歸之。老不奉詔。朝廷慕之。及不忘慈。今古戴之。翠堵不虛。

尊人天共享之實爲龍池之真乳。迦潯沱而拓曹谿。遠紹鷄足之正裔也。師初棄家。赤手空肩。走事幻有。傳禪師傳嘉其志節。喜而度之。爲大沙門。當機輒不爽。旨衆皆驚異。師終不自肯心。苦神勞。且代衆役。不知有已。偶過桐棺山頂。豁然大悟。情與無情。煥然等現。覓纖毫過患。不可得。時傳公已居燕都。師卽趨省。傳公公見乃大喜。喜師可倚以支我臨濟也。經二載。辭還南上天台。探禹穴。因與周公汝登陶公望齡王公舜鼎本色相見。脫略窠臼。三公甚敬服。越之有道。縉素爭識師焉。傳公還龍池。師因歸省公。問你到諸方。會見甚麼人。師頓脚拍膝。以對公。公笑曰。許多時。一些氣息也無。師曰。和尚疑則別。參公。搥鼓集衆。付師衣拂。復召入楊前。以扶持佛法。勉師力行。以報先宗。師卽呈偈曰。若據某甲扶佛法。任他○○○○。都來總與三十棒。莫道分明爲賞罰。時年四十有六矣。三載傳公遷化。又三載衆請繼席。龍池自是意緣移徙。酬香之會有六。計二十六年。掀翻露布。洞示眞元。座下蹴踏常足萬餘指。師則當軒據座。威震獅院。

海內英靈。飲氣自失。凡刹竿樹對成大寶坊。不許門下。干倚王公。嘗語學者。貞觀響道。欲瞻風彩。上表遜謝。往返三四引頸就刃。神色儼然。吾敬道信大師。茅茨石室。累煩聖主。且請前行。吾從別道。澡身淨髮。結跏趺逝。吾敬汾陽無業。休心息念。斷絕攀援。賜紫及號。力陳昔誓。收付有司。恬然受刑。吾敬芙蓉道楷。牢著草鞋。腰包住院。去就之間。輕同學子。不爲蛇蛇戀彼窟穴。吾敬懸菴華祖。欲師生平。意有不可。撥衣卽行。首住龍池。五載一日。因事上堂。曰。者裡無人證明。且向別處尋討。下座。便去。次住天台古通玄寺。茅堂草座。法政冰霜。晨暮參請。問不容髮。雖三載而日新。海鹽金粟。使符至。再師憫其迫切。曳杖赴之。居六載。無作無爲。崇成大廈。牀曆幾滿千輩。名卿達士。一日相遇。擗拳辣掌之下。掉臂而去。香夥矣。有挾貴而問道者。師輒掌之。貴人曰。和尚獨不欲獲法乎。師曰。山僧法也。無護箇甚麼。又連掌之。斷際故山曰。黃檗者。鼓寂鐘沉。闍人來請。師不忍先蹟。客落靈輿。度嶺。僅五閱月。又拂衣則明州黃司理端伯以鄮峯育王寺。

而待駕焉。黃公又考太白名山爲歷祖庭廢之已久。遂與有道紳士俱愴然先以意容。恐師臘高。師慨然移錫至天童古佛殿基。曰：虛空作殿。日月爲燈。且道是甚麼人境界。還會麼？設或未會。且看新長老撒開坐具。大展三拜。於是十一載天龍失守之區。歷祖藏身之處。無不斬新扶起。壯甲東南。翼集鱗宗。蔚爲僧海。其得髓之子一十二人。然點胸自許。招手橫趨者。不可勝計。崇禎辛巳。天子命外戚田公弘遇。齎香賜紫徵住金陵報恩寺。師固以老辭。退臥通玄峯頂。天下圖其頂相。書其名號。而親之壬午七月七日辰。猶巡察視務。午刻宴然示化。塔於天童南山。緇素奔送者萬人。臨壙慟而失聲。聲震山谷。清順治庚子。住天童門人弘覺禪師道忞。編師六會語錄進頒大藏。贊曰：斗柄東指。鼓腹謳歌於不識不知之中。卽釋氏儒童難贊辭焉。獨今之薄海內外。據大寶坊。橫說豎說者。操鉏斧於山邊水邊者。皆師法會中人也。歷攷少林至楊岐。其世十七。楊岐二十有三世。以得師其間。法利之普如師者。幾何人哉。今叢林公論以曹溪

高峯永明大慧等類師始末。嗚呼。雖實錄也。無乃瓊枝析玉與。

磬山天隱修禪師

天隱禪師者。諱圓修。出荊溪閔氏。說法磬山。報恩初與天童悟禪師同出龍池傳之門。是師爲笑巖真孫也。師幼明敏。生知佛乘。常以心齋報母。然留連俗諦。幾失前因。一日過講肆。聞楞嚴經云：一切衆生皆由不知常住真心。性淨明體。用諸妄想。此想不眞。故有輪轉。師惕然驚畏。擇龍池幻有傳和尚而依止焉。傳示趙州無字話頭。師參之半載。不發。改看本來面目。提撕猛切。一日普請出窑次。有覺所道者。云：聞常多菩薩出現於四大名山。神通廣大。傳公厲聲曰：我者裡亦不少。師僉曰：如何是神通傳。曰：快度磚來。着師染指法味。心不外緣。經百餘日。偶閱楞嚴。佛咄阿難云：此非汝心。師脫然慶快。如善財入彌勒大閣了釋前疑。及侍傳公入城被喝。便契臨濟主賓。炤用之句。於是上天界。訪雲松。過能仁。謁文齋。出沒奇機。不無可紀。萬曆辛丑。傳公掩關於龍池。曰：汝既有新入處。

不妨更加精進。他日利導有情。則吾望足矣。未幾傳公北行。師悵然消遣。關中惟拈頌而已。於其古德公案如庖丁之解牛。而無碍刃遊也。獨疑乾峯十方薄伽梵。一路涅槃門。話復枯坐蒲團。二載忍聞驢鳴大悟。差別玄旨有偈曰。忍聞驢子叫。驚起常人笑。萬別與千差。非聲非色關。甲辰北省傳公於燕京之普照寺。而師資深契合焉。仍涉獵講庭。瀾翻藏海。探竿禪席。料揀權宜。住後常曰。山僧南北往還親近。知識一十八載。跋涉勞碌。爲已躬切無少怠也。嗚呼。師之入道誠異。今時故得處真實。用處諦當。常以虛空撲落地。語醇僧理。藏鋒之間。以湖州羅蔔。宣州薑。酌事藏鋒之間。以有水皆涵月。無山不帶春。酌理事。藏鋒之間。以無手人行拳。酌不涉理事。藏鋒之間。又僧問如何。句到意不到。師曰。言言見諦。步步迷踪。如何意到句不到。師曰。只在舌尖頭。盡力道不出。如何是意句俱到。師曰。有時獨倚庭欄上。閒看梅花四五枝。如何是意句俱不到。師曰。落花流水去。空負浪游人。師暮年從石磬山遷湖之報恩寺。示衆曰。老僧住個破院。

子不能時時爲衆提持佛法。賴土木瓦礫與諸人轉大法輪。發諸人大機。大用。諸人切不得當面蹉過。若蹉過。只知事逐眼前去。不覺老從頭上來。一日俄集衆。諄誠復以後事付囑。及門上首跌坐。儼然而寂。瘞全身於報恩之左廂。治戊戌大覺禪師應北詔時。大會諸山。移塔於宜興之白雲菴。初師居右。磬諸方有以臨濟玄要。配合教乘。作奇特商量者。師悉其惑。常著書復問之。并頌示諸識者。其頌曰。第一玄一字。不加畫。分明是個賊。咄咄咄。處處且最毒。第二玄。快手何曾先撒沙。并撒土。露露露。露出娘生禪。第三玄。一曲江村岸。風月隨時看。收收收。收去箇中流。第一要。薦地忽一笑。笑倒須菩提。攪起迦葉老。第二要。袖裏箇金圈。拈出是莖草。瞬目牛吞了。第三要。伸縮誰能炤。隻手握雙拳。打得虛空叫。師之提唱精奧。大率如此。其門賢。筌菴問禪師編師全錄流通。與天童悟齊名於世。贊曰。世傳曹溪下。惟青原南嶽。應識殊不知嫩桂者。代不乏人也。而石霜下有楊岐積翠也。次出佛果之。

門者大慧虎丘也。次無準。下復出雪巖斷橋也。師既出龍池。又與天童並駕化周宇內。其久昌二桂。凡五抽嫩矣。其根芽懸識於少林。有以也夫。

雪嶠信禪師

雪嶠圓信禪師者。四明人。姓朱氏。出龍池傳禪師之門。首住徑山。終於會稽雲門。諸方服其神駿。推尊之曰信公。高懷無我。至性不羈。笑罵自繇。人天罔測。卸勝劣之戈。甲劈今古之藩籬。縱饒一問十答。而紫羅帳裡。不撒真珠。假使未聞先悟。而千丈巖門。允遭點額。大有傷弓之鳥。見形高飛。所以短販之徒。望風栗足。故雖獨據胡牀。不啻冲霄。墊鶴以至。屢遷名利。仍然本色。山翁也。公生九歲。聞彌陀經。即知有出世法。於是讀書常諾。諾而罷之。然詞語絕塵。風儀瀟灑。猶王謝之玉壺冰映。又愛與方客遊。遊必領益。年二十九。竟去家矣。遂訪妙禪。禪宿於秦望峯下。禪畢。古激之。公反覆研究。連七日不知寢食。忽仆於石前。後際斷如日輪。迸空天地。一色衝口。得偈勢不自禁。欲往天台尋印證者。度若耶谿。忽翹首見古雲門三字。得

大休歇。乃曰。一上天台。雲更深。脚踏斷草鞋。繩比丘五百。無踪跡。見得他時。打斷筋。遂別策入雙髻峰。蘿龕石室。灰世忘緣。間發新聲。豪吟達旦。而刀斧無痕。諸方景焉。時有雲棲高弟。聞谷者。雅相敬善。一日各行脚。回舉幻有傳。和尚相見。機緣且稱。傳公葆重。有類明教。嵩枯淡過於餘杭。政其接人。真西河獅子也。公乃三詣龍池。契其機。與悟修二禪師爲雁行焉。後悟主天童。修主磬山。公獨菴居。垂三十載。黃公端伯。余公大成。請就徑山祖庭陞座。拈提臨濟宗旨。端伯還西江。於崇禎庚辰。以廬山開先寺迎公。諸山宿衲俱集。公一以胎風簸雨之舌。振其拈花落草之機。或不耐。公笑詈而去。或經公指喚。而心曠神怡。公忽拽杖還舊隱。衆驚遮挽之。不可時。往來衲子。傳天童規製宏壯。條令斬新。乃至運瓦搬石。伺杵負薪。無不徹底爲人。公獨罵之。逮天童訃。至公又慟之。侍僧曰。大師昔何罵。今何慟也。公良久撫膝而起曰。咦。我掌寧獨鳴乎。遂躬至天童書挽章。而莫之詞曰。同出龍池。入路長。吳興分袂。過錢塘。多年挂錫。玲瓏石。今已

藏身寂寞鄉雲面。揭開紅日。眼山眉愁斷。白花香離。離一片苦心事。且道何人在影堂北。還又入龍池。於傳公塔前拈香曰。桐棺山下養龍池。步入涼風覓我師。當戶婆羅空腹樹。迎堵芳草昔人眉。追思滴血曾留偈。會寫傳燈嗣法詩。今日塔前成九順。流源千載繼孫兒。耆舊乃請示衆公曰。我昔第三度登龍池。先師曰。你草鞋猶未脫也。我道何處見草鞋來。先師微笑而止。我卽呈偈曰。數載龍池三度登。重重問話舌生冰。草鞋分付虎狼去。雙髻峯頭一箇僧。又思當初在山陰看雲門語錄。得他的力。又在雲棲亦有機錄。豈可忘卻。所以雲門雲棲一齊拈香供養。諸方便道。徑山遙嗣雲門。徑山以爲不然。瓜有根樹有葉。樹高千尺葉落歸根。豈可孤負禹門先師。斷斷無此理也。然宗門事把住也。緣我放行也。緣我有時作賓有時作主。有時賓主齊彰。有時賓主雙忘。此乃臨濟家機。用人天莫測。庸人豈得知也。還雙徑禾城道俗。以東塔禪林。堅致於公公爲笑。留名緇實。素日遶枝。藜公眼幻青白衆。益心驚。晚住雲門。公年七十有六矣。機

天聖大

用益峻精神。益勁骨。自號曰青獅翁。或稱語風老人。又曰迦那尊者。每攜童子山遊。人見訪或打觔斗。人擬議叱退之。維禪竊論公弗恤也。順治丁亥中秋。謂弟子曰。古人立化的。也有了。坐亡的。也有了。至倚杖倒卓都有了。畢竟老人怎生去好。語訖大笑。書片紙曰。小兒曹生死路上。須逍遙皎月。冰霜曉喫。盃茶坐脫去了。乃入寢室。慙臥數日。忽起坐索茶而啜。連唱雪花飛之句。擎杯脫去世齡七十七。瘞全身於雲門。庚子朝廷慕之。賜帑全五百。並委書弘覺忞禪師而新公之塔。又臨公頂相於宮中。而事焉。公居開先時。弘覺爲西堂。泊嗣天童。而公獨鍾愛之。故弘覺禪師以猶子紀公千秋之綱目甚詳也。

贊曰。整齊法運。臨淵履水。爰師篤慎其心也。蠡測者謂師。蹶弛自了。則優爲人。則寡。蓋明之中。棄少室宗風。循規蹈矩。如暗若。聲非師。濯之以清泉。激之以霜鍾。則天方夢夢耳。

忠州聚雲吹萬眞大師傳

大師廣眞者。字吹萬。西蜀契道宜。賓人。姓李氏。父祖

世籍婆羅門。師生惟慕事佛。得法於月明和尚。萬曆戊午年。說法於瀟湘之湖東禪院。次遷忠州聚雲。夔州寶峰。及雲來。與龍巴臺諸剎。闡揚大慧宗風。崇禎己卯七月三十日。唱滅於本山。嗣法門人曰慧機。慧芝。慧麗等。依法闡維。闡維時。遍地荷香。襲人烟。至松蘿。結爲五彩火。後收舍利三百餘顆。復得黃金鎖子骨三莖。當門二窗。變爲紫色。建塔於三目山之陽。屬四川觀察使田華國爲塋上之銘。署師爲大慧十四世之孫。懶菴鼎需禪師之裔。蓋大慧初開法於洋嶼。菴時需得法爲第十三位。今燈譜載大慧下法嗣共九十四人。訛列需爲第三十五位。需旣得旨。豁光於福唐山水之間。及大慧從梅陽生還時。始開法於西禪入室之子。僅得安永南雅志清安分四人。分於元至正間。菴居劍門。志清住天王南雅住龍翔。安永說法於鼓山。是爲鼓山永永付悟明法。堅二人堅住承天。明住淨慈。纂修聯燈會要。座下弟子雖衆。獨以大法囑太原苦口益益付筏渡慈。當益慈之時。約在明之中葉。叢林先德物故。禪門死於繩規。凡我行道之

士。無不藉賴中貴。給劄住持。慈公輩或不忍視而恬退於山邊水邊。保任乃事。隨方接納。一箇半箇。尙以篤實承繼祖宗命脉。慈得一言顯顯。付小菴密密。出二仰欽。欽出無念。有已上俱有語錄。機緣有付荊山寶實。付鐵牛遠。遠付月明池。此三代惟述相見之語。并付囑之偈。月明池公以源流大法付與眞公大師。至師崛起中興。光顯大慧之宗。師初出世。楚之湖南瀟湘小院。衲子相傳上堂示衆入室機緣叢林識者驚爲大慧再來。崇禎辛未臘八日。布金檀越內卿田素菴諸師居忠州聚雲禪院拈香畢。豎拂云。從上古人只爲者箇東西。顛頂了許多英雄豪傑。賺陷了許多高人達士。拋撒了許多油鹽醬醋。今日老僧不狗人情。向汝諸人道破。只要汝等於日用二六時中行。住坐臥處穿衣喫飯處運水搬柴處。承當若承當得。來英雄豪傑也。顛頂他不得。高人達士也。賺陷他不得。油鹽醬醋也。拋撒他不得。且問大眾如何是者箇東西。參東吳有居士劉墨仙久游玄臺之門。持聖恩問道錄訪師論及楊岐九峰之語。師徵云。正恁麼時。

老賊頭拄杖拗折莫言不道已而師於回書之尾亦致四問以問漢師作相問用水一盃貯米七粒架茅草十字在上請道是甚麼義二問㊟㊟瀉仰九十六種圓相收盡六義問有箇收在那一義三問古人道八角磨盤空裏走不知是空走磨磨走空四問老鼠吞大衆蝦蟇口噉著吞不入拖不出蒼頭老兒跳一步請下一轉語漢師或有答斯未載焉師之說法垂機勘辨約類如此有正錄十卷廣錄三十種共六十六卷屬水部尙書郎熊汝學捐俸刊行板存忠州治平禪院係法孫燈來編次來住高峰鐵壁慧機之子也贊曰眞師既出世於萬曆之間我禪門正當肇興之時至天崇間諸方有大名稱者俱有書問交通往來未見一言表出大慧宗系之名何也無乃各闡己宗爲急務未暇輕重之耶然亦是吳越燕趙衆生鮮福未獲沾師法雨耳康熙丙寅冬余爲天童封龕佛事經四明過壽昌禪林訪舊遇師之玄孫統公別菴禪師始悉眞師三代全錄不得不爲之傳補入僧寶否則闕典之責其在余乎

有正錄三卷并師下三世語錄若干卷屬四川向化侯譚養元捐俸梓板附嘉興楞嚴藏流通

南宋元明禪林僧寶傳卷十五終

南宋元明僧寶傳後敘

祖師云佛者心清淨是法者心光明是道者處處無礙淨光是三即一皆空而無實有旨哉言矣是以入祖室登祖位者徹其淵底提大機用剪諸見林截異端網如滴乳如鼓師絃聖凡莫得描摹而淺深之良以此也吾師幻肆融和尙以承先啓後爲念出諸本一帙授磊曰此乃山僧出匡廬時二十載江湖所集南宋元明諸尊宿大機大用之實錄也汝盍勉之磊退而珍誦徹見吾師爲道爲法良匠苦心歷邇二十世至虎丘隆祖乃至大慧洞下諸宗計五十三人妙唱嘉猷師師道合一代時教眼目俱備郁手文哉所謂一月臨江千江之月俱映一佛出世三世諸佛齊彰信不誣也或曰此傳始自三佛之下佛燈眞際而至博山雲門天童悟祖輩而止者何耶且方今之世垂慈展拂偏溢支那豈其是非未定而止之者歟曰否蓋順治至康熙年間諸老宿順闡逆化行解

相應者不無其人率皆屬吾師翁弘覺恣老人爲之碑銘狀其生平最詳業已流通宇內稱不朽矣當今天下公論以吾師翁之眼目料揀五宗不爽毫髮雖大慧中峯莫能右之磊小子敢復浪贅蛇足哉茲不揣荒謬承吾師命補收洞濟兩宗五百年中大有相關法化者又四十一人參吾師所撰共訂十有五卷屬會稽王公大假較而成集甯供將來之賢聖經云諸供養中法供爲最乃俾教外別傳之心法弘通流布則古今十世大機大用之旨熾無間矣康熙甲辰年佛成道日門弟子性磊拜題

重刻僧寶傳記

康熙丁未孟夏日紫籀草堂夜煌百物俱燼監院眞發見其傳稿在東山竹園竟不知誰何將出深異祖師光明眞言妙行入火不壞即走問諸山有道知識諸山樂助就梓印行於離亂之世然山路遙僻削剗氏非名手俗而且拙部屬點畫不無訛舛其板蛀朽十將有二不堪再用今得四明王生世雄番板於瑞雲精舍書記明慧對字成於乙丑季秋是爲記